


Handwritten text, possibly a signature or name, in the upper right corner.



25 B-14-44











FRIDERICI SPANHEMII  
VINDICIARVM

*pro* EXERCITATIONIBVS *suis*,  
DE GRATIA VNIVERSALI,  
Partes Duæ Posthumæ,


*Adversus*  
SPECIMEN ANIMADVERSIONVM  
MOSIS AMYRALDI

*Cum Prefatione*  
ANDREÆ RIVETI.

*Accessit*  
APPENDIX  
EZECHIELIS SPANHEMII FRID. FIL.

Ad Criticen Salmuriensem, & Grammaticas tricas.

Apoc. xiv, 13. *Beati mortui qui in Domino moriuntur, à modo, jam dicit Spiritus ut  
requiescant à laboribus suis, & opera eorum sequuntur eos.*



AMSTELODAMI,  
Apud Ludovicum Elzevirium,  
c1o 1o c xlix.

LIBRARY OF THE

UNIVERSITY OF CALIFORNIA

BERKELEY

LIBRARY OF THE  
UNIVERSITY OF CALIFORNIA

BERKELEY

LIBRARY OF THE  
UNIVERSITY OF CALIFORNIA

BERKELEY

LIBRARY OF THE  
UNIVERSITY OF CALIFORNIA

BERKELEY

LIBRARY OF THE  
UNIVERSITY OF CALIFORNIA

BERKELEY

Ad Reverendos Viros.

# ECCLESIARVM

Per Gallias reformatarum Pastores,

ANDREÆ RIVETI

PRÆFATIO.

**R**everendi, doctissimi & præstantissimi Viri, fratres in Christo mihi plurimum observandi.

Non mihi proposueram, hac occasione, apud vos verba facere, & iterum vos compellare, postquam, nonnullorum artibus, in novissimâ Synodo Nationali Carentoni ad Matronam ante quadriennium ferè, habitâ, procuratum fuit, ut quam ad vos ex officio dederam Epistolam, in Synodo quidem lectam, nec vobis tum ingratam, (ut ex eorum qui interfuerunt relatione didici,) sine responso dimiseritis; sub eo prætectu, quod ex regionibus exteris ad vos missa fuisset; quamvis à viro in Gallia nato, educato, & per annos quinque & viginti inter vos Pastore, nec sine Synodorum vestrarum consensu & permissione, inter regni Francie fæderatos Sacram Theologiam proficiente. Id sanè mihi mirum fuit visum, quasi extraneus factus essem fratribus meis, & peregrinus filiis matris meæ. Sed ex eo mihi innotuit, quid possent in aulâ fautores doctrina de Gratia Universali, & annexis capitibus, quibus hodiè Ecclesia nostra apud vos turbantur: qui cum sensissent me non posse adduci, ut quam, unâ cum fratribus omnibus dum in Gallia vixi professus sum veritatem, sinerem, tacitus, oppugnari & immutari, vel, tanquam Evangelio adversam traduci; quam velut solam verè Evangelicam dum apud vos sacro fungerer Ministerio, publicè semper voce & scriptis docui & asserui, nemine tum contrâ nitente, sed consentientibus omnibus quibuscum tunc sanctam communionem colui; mihi voluerunt silentium apud vos imponere, ne deinceps, vobis in Synodo congregatis, illud iterum inculcarem. Precor, vos fratres, ut speculemini dissidiorum

*Psal.*

69.

10.

*Rom.*

16. v.

17.

diorum & scandalorum auctores, præter doctrinam quam didicistis & declinetis ab eis. Hoc eos adhuc male habebat, quod cum mearum literarum & Considerationum in Synodo præcedente aliquam rationem habuissetis, mihi quoque eo nomine pro vestra humanitate, gratias egissetis, iudicârunt è re sua esse, ut penitus à vobis abstraheretur; & quod non potuissent à vobis obtinere, operâ delegati Regii qui assidebat, effecerunt, ut deinceps vobis prohiberetur, ne responderetis literis ad vos ex regionibus exteris allatis, ut ea ratione nomen etiam meum, quantumvis Galli, inter externos comprehenderetur. Cum hoc ita statutum fuisset, & in praxim redactum, statui apud me ab hoc meo officio apud cætos vestros Ecclesiasticos in posterum abstinere, ne vobis molestiam aliquam crearem, & suspectos redderem neglecta prohibitionis. Sed, quod omnibus, etiam re & habitatione extraneis, non est prohibitum, illud deinceps in communi possum usurpare, ut publico scripto vobiscum agam, & quod manu mea non licet, præli operâ exsequar, vobis vel seorsim unicuique, vel etiam pluribus unâ congregatis, prælegendum. Id in hac occasione fecisset, si diutius ei vitam Deus prorogasset, vir Maximus, Theologus inter Orthodoxos paucis comparandus, & suo merito celebrimus, extra Galliam quidem natus, sed in Gallia, idque Parisiis, apud consanguineum Pastorem, diu educatus, & in Gallicas Ecclesias benè affectus, nunc ò *μὰ τὰ χεῖρα* Fridericus Spanhemius: Et ad id faciendum adductus fuisset, ut se apud vos purgaret à criminationibus & contumeliis, quibus cum in præfatione ad vos directâ, voluit onerare, vir quidem doctus & disertus, sed donis acceptis pessimè usus, D. Moses Amyraldus, Hypotheticorum hoc tempore coryphaeus: qui cum occasionem quaesivisset in illum incurrendi ante aliquot annos, arrepta ansâ disputationis Theologica philyra unica comprehensa, & in Schola Leydensi ad exercitium studiosi unius pro more habita, dogmata de quibus auctoritate Synodi silentium ei fuerat imperatum, asserere & vindicare, edito libro sine examine & approbatione præviâ, ausus est; meque etiam inscium (& si scivissem, invitum,) patronum appellare. Quàm provinciam cum suscipere noluissem, inde factum est ut me adversariis suis annumeraret, isque acerrimis & insensissimis, meque eo nomine, pessimè exciperet. Huic accusationi respondi quantum necesse fuit, cum

ger-

P R Æ F A T I O.

germano fratre meo, etiam mecum impetio. Nec defuit sibi & publica causa, Reverendus & celeberrimus, Petrus Molinæus, qui in eâ ætate, quamvis plusquam octogenarius, solidissimum judicium edidit, vobis brevi communicandum, de Specimine Animadversionum contra exercitationes de Gratia Vniversali, quas Amyraldus in acerba hac & virulenta ad vos præfatione, mille modis cum autore suo infamare conatus est & in hoc suo specimine toto, contemptu, scommatis, sarcasmis, & omni ludibriorum genere dehonestare. Nec vobis, ut spero, hac mea accusatio iniqua videbitur, postquam vir. Amplissimus in Parlamento Parisiensi senator integerrimus, Amyraldo etiam amicus, cum, quorundam aliorum nomine, conquereretur, quod me contra illam præfationem acrius, ut putabat, defendissem, rationem hanc addebat, quod ab ea Apologiâ abstinere potuissem, quandoquidem, (quod tunc nesciebam) Epistola præliminaris, speciminis, illic, ab omnibus communi consensu, improbatur. Alius quidam Reverendus senex, & cujus in ecclesiis nostris laus est pro merito, in ea etiam Provinciâ in qua præcipuos & majoris auctoritatis fautores habet Salmuriensis doctrina, Pastor, sic nuper ad me scribebat: Tu & ego summum amisimus amicum, cujus obitus nunquam satis poterit deplorari, & qui privatim majori me dolore afficit, quàm ullius quem unquam amiserim, Spanhemium nempe. Sed hoc minimum est, si cum nostra conferamus, jacturam quam Ecclesia Dei universa perpeffa est, Lugduno-Batava nominatim cum tota Academia. Deus velit quam ipse fecit ruinam reparare, & aliquem suscitare dignum, qui tanto viro succedat, quique in doctrina sua æquè sit Orthodoxus. Non excesserunt duo menses, ex quo ad me scribebat, Vindicias suas esse sub prælo, mittebatque per studiosum quendam tuam Synopsim, & Apologeticam Epistolam tuam & fratris tui. Valdè doleo, D. Amyraldum occasionem dedisse multa detegendi quæ taceri poterant, & Præfationem ejus magis satyricam, & minus Christianam, quàm ulla quæ à longo tempore, ab ipsis maximis veritatis hostibus typis edita fuerit, plurimos adversus eum exacerbâsse, quod et etiam non dissimulavi. Ex his postea judicari

plurimos esse ex ijs ad quos præfatio illa directâ fuit, qui idem cum istis senserunt, adeoque necessarium non esse pluribus adversus eam, apud vos, amici defuncti candorem & honorem, cum nostro, tueri. Sed cum vir ille sanctissimus, quem cum longius abessem, decumbentem videre non potui, eique in extremis inservire, à filio meo qui ex viciniâ Hagiensi jussu meo accurrerat, ut ei à me fraterna omnia deferret officia, petiit inter alia, ut posthumum suum opus, quod se bonâ cum conscientia suscepisse testabatur, seque cum ea quam in eo defenderat doctrinâ coram Christo comparere velle, quodque ex parte præcipuâ jam typis descriptum erat, parente suo orbatum, in tutelam meam reciperem, & in publicum prodire, judicio meo, & mea commendatione comitarer: Id ego non potui nec debui fratri & amico intimo, cum quo toto hoc tempore quo apud nos vixit, eam contraxi amicitiam, qualis nulla major esse potest inter fratres consanguineos, officium denegare. Itaque, cum apud vos accusatus fuerit, alios deligere non opus fuit apud quos vel ille scripto causam suam ageret, vel ego lucubrationem ejus in eum finem suscepam, dijudicandam sisterem. Cui video id accidisse, ita disponente Deo, quod postremo Operis Aurelii Augustini, Pelagianismi olim flagelli, in quo tunc occupatus erat, adversus arrogantissimum juvenem Iulianum Pelagianum, Eclonensem Episcopum, pro defensione libri sui de Nuptiis & concupiscentia, civitate Hipponensi in qua senex degebat à Vandalis obfessa. Cum enim ibi diem obiisset suum, reliquit opus illud imperfectum, quod diu latuit, & nostro tempore, è latebris erutum, se videndum præbuit, & orthodoxis lectoribus admirandum, in duobus relictis libris. In hac collatione dispar est ratio, 1. Quod Augustino senes esset cum Juvene; & quod ejus opus diu in Ecclesia mansit incognitum. Frater autem ille noster commissus fuit cum coætaneo, & à Deo nobis sublatus in ea ætate in qua, juxta naturæ cursum, potuisset nobis diu superesse: Et quod hac illius posthuma lucubratio præli beneficio in publicum paulo post ejus obitum proditura est. Sed huic nostro amico id cum Augustina commune fuit, quod causam gratia qua est causa Dei, ageret, contra inimicos veræ gratiæ, latentes sub laudibus naturæ; & quod in illo certamine diem suum clausisset. Quod ei cum adversario suo fuerit admodum immodesto, eumque non minus superbe calcante,



te, quàm is, qui jactabundus hæc profert prostrato & jacenti adversario pedibus non insulto, quod tamen facere possem. *Quod* Pag. 107.  
*facit cum negat se facere. Quod si noster hic nactus sit adversarium do-*  
*ctum & disertum; Is qui Augustinum superbè calcabat & juveniliter ei*  
*insultabat, ac probris omnibus onerabat, non vulgaris eloquentiæ atque*  
*ingenii acuminis, & promptitudinis laude, (si benè illam applicasset)*  
*commendandus suo merito fuisset. Nollem tamen in omnibus cum illo*  
*nostrum Antagonistam conferre, quamvis in doctrinâ de peccato origi-*  
*nali ejus argumenta recoquat, cum suis collegis: In alia enim de gratia*  
*universali omnibus & singulis, etiam qui de Christo nihil au-*  
*diêrunt, ad salutem sufficiente, quamvis naturam convertat in gra-*  
*tiam, & creaturarum prædicationi nimium tribuat; non tamen eo usque*  
*processit, ut gratiam electionis particularem rejiciat, vel eam directè*  
*obscurat, sed tantùm per periculosas consequentias: nec multum abest à*  
*Juliani methodo, si criminationes, & convitia spectemus, ut ex scripto-*  
*rum collatione cuius patere potest. Illud præterea observatione dignum*  
*est quod quantumvis nostri hypothetici, se à Pelagianismo remotissimos*  
*affirmant; id etiam faciant qui, nostro tempore, inter Pontificios Pela-*  
*gianismum renovant: quibus alii qui in contrariâ sunt Augustini senten-*  
*tiâ, rectè & appositè hoc regerunt: tantam esse inter errores Pela-*  
*gianos. connexionem, ut si vel unica Pelagiani dogmatis te-*  
*nuissima extremaque fibra, quam vix oculis assequaris lynceis,*  
*reservetur, tota superbissimi illius erroris moles, cum omnibus*  
*dogmatum pestiferorum ramis, reviviscat, quod voluit Prosper*  
*cum diceret totius illius hærescos summam sub exigua parte regi,*

*De in-*  
*gratis*  
*Cap.*  
*VIII.*

De qua plena mali labes, renovetur, & omne

Commenti corpus per singula membra resurgat.

*Si enim Pelagius tantillum detur, danda sunt omnia; usque adeo, inquie-*  
*bat Iansenius, ut qui unicum anguis illius mortui palpitationem,*  
*quovis verborum præstigio, vel erroris minus perspecti fuco, de-*  
*lusus, in sinu foverit, omnem illam veram gratiam extingue-*  
*re, veram pietatem interficere, peccatum originale tollere,*  
*scandalum crucis evacuare, Christum ipsum abjicere, supre-*  
*mæque superbix thronum, velit nolit, erigere vincatur.*

*Hic*

*Hic maxima cautela est opus. Poterat, inquit Augustinus, Pelagius se latebris obscuritatis hujus involvere, ut etiam iis quæ à S. Ambrosio conscripta posuimus, consentire se dicat, & ea se quoque sentire proclamet, semperque sensisse: atque ita singula conetur exponere, ut etiam ejus sententiæ convenire credantur; Ita hodiè fit in verbis Calvini, Martyris, Bucer, & aliorum, ut nisi quis diligenter attendat, periculum est ne decipiatur. Id etiam experta est Ecclesia Christiana, ab eo tempore quo controversia illa fuerunt à Pelagio mota. Nam cum dogma illud tandem cum autore, qui sapius suos examinatos fefellerat, & absolutus fuerat ab heresi, damnatum fuisset, Corpus commenti resurrexit in illa parte quam Semipelagianis, aliis partibus rejectis, retinuerunt, illaque ipsa postea per varias Synodos, & in ipsa Ecclesia Romana per ipsius Episcopos rejecta, subinde tamen se crexit, a magnis etiam, suo seculo, viris suscepta, quales fuerunt in Germaniâ Rabanus Maurus cum suis; & in Galliâ, ad octavum usque seculum Hincmarus Rhemensis Archiepiscopus cum sua Synodo. Adversus quam Ecclesia Lugdunensis cum Episcopo suo Remigio stare necesse habuit, & Synodos opponere Synodis in causa Gotschalci Presbyteri, male propter Augustini doctrinam multati, ut ex ejus Orthodoxa confessione patet, quam ex manuscripto edidit, cum tota illa Historia, à se summo cum judicio collectâ, vir magnus Jacobus Vsserius, ab hostibus gratia, & patria sua, ejectus, & dignitate Archiepiscopatus Armachani, in Hibernia, dejectus. Adeo tenax est pix illa, ut quem semel attigerit, vix unquam sine inquisitione dimittat. Hoc etiam nostro tempore testantur acerba contentiones in regno Pontificio, quæ ante multos annos exorta, quantumvis habeant quem supremum controversiarum judicem agnoscunt, & summum in tota Ecclesia Monarcham, qui sæpè dictis tumida aquora placare conatus est, & scriptis cristicis modum imponere, nondum potuit impetrare, ut Molinistæ, quos vocant; Iansenianos, qui alibi, sed maxime in hoc vicino Belgio, in præcipuis Academiis & Norbertinorum canoniis & Augustini, quos vocant, Eremitarum, conventibus, à doctrina Augustini quam suam esse profitentur, deicerent, efficerentque ut ab eâ vel latum quidem unguem discederent; frustra committentibus Iesuitis, adversus Augustinum & ejus sequaces. Libri enim etiamnum circumvolant, in quibus Petavius*

P R Æ F A T I O.

*Iesuita, & personatus quidam Ricardus in eos sædē debacchantur; Hic quidem sub aliena larvâ, Petavius autem aperto Marte, ille ipse cui hætenus pepercit Amyraldus, ab eo provocatus, in suis fratribus persequendis nimium occupatus. Is Iansenium quantumvis olim Episcopum, mortuum lacerat, tanquam hebetem, veternosum, attonitum, stupidum, amentem, insanum, noctuarum more cæcutientem, talpis cæciorem, minus quàm præditum ratione animans, sine sensu communi & iudicio, Calvinī assecclam, Calvinī germanum, cujus intolerandi errores, incredibilis inscitia & stupor, cujus os durum, frons nulla, portenta errorum, opiniones portentificæ, canoræ nugæ, interpretationes maliciosæ, calumniæ insidiosæ, ineptæ fabulæ, insullâ novitas, peregrinæ merces pestilenti halitu afflata. Qui verò eum sequuntur, eidem, Manichæorum luto & peste involuti sunt, libertatis everfores, liberi arbitrii corruptores, homines ineptissimi, novæ libertatis architecti, amore novitatis excæcati, semicatholici, Calviniani graculi, imò Calvino deteriores & absurdiores. Qui ut πλῆρες & malo spiritu afflati somniant, à quibus mens, iudicium communisque sensus avolârunt. Quorum doctrina imperita, & profana novitas, indoctæ fabulæ, labes, & flagitia novæ doctrinæ, arcana inauditæ ab omni seculorum memoria sapientiæ, absurda & ridicula omnibus mortalibus, paulum supra pecudem ratione utentibus, quæ nemo nisi consummatus Stoicus, possit absquē risu & stomacho audire; Denique, quorum tam portentosa de libertate sententia, ut ex ea multiplicium errorum seges, ac fidē totius, imo naturæ humanæ perniciēs, ac rerum omnium perturbatio sequatur. Hæc & similia ex Petaviano de libero arbitrio libro, collegit qui sub nomine Vincentii Lenis, egregiè Petaviū & Ricardum dedolavit Lovanii, cui inter alia hæc reposuit: Quis te genius, mi pater, à mente tua sic derepente alienavit? Quis in Reverendissimum illum Antistitem, & fideles Augustini discipulos sic efferavit? Ira, sine dubio, ira & ægritudo animi, idque ut ægros solemus, miseratione potius quàm aspera castigatione toto hoc libello tractabimus, ut duo pariter insaniamus. Scio quid repositurus sis, Episcopum illum incœpisse, & Molinas tuos, Suarez, Vasquez, Valentias, Lessios, aliosque vestri ordinis*

dinis Theologorum apices ab eo malè habitos esse , & ideo ne quid deberes par pari retulisse. *Nempe hoc Petavium coquebat, quod Iansenius Erroris Massiliensium, & quorundam recentium, nempe supra memoratorum Iesuitarum Parallelum confecerat, per quinque capita, & notas octoginta, quibus Molinistas reos fecit, omnium errorum, quibus olim Semipelagiani Orthodoxis negotium facefferunt: quæ NOTÆ si conferantur cum plerisque placitis, objectionibus, & animadversionibus Salmuriensium, & qui eorum doctrinam sectantur, reperietur non ovum ovo similis esse, & ex eodem fonte vel lacuna hausisse utrosque; ut mirum non sit eorum antesignanum in nos irruere potius voluisse, quam in Petavium incurere: cujus hæc sunt verba libro de hæresi Pelag. cap. 10. Evidens esse, eos qui efficientiam gratiæ proximè in solam derivari intelligentiam, ac per eam in voluntatem trajici putant, procul à Pelagiani vel Semipelagiani, contagione erroris abesse. Quæ ipsa est pura pura doctrina Salmuriensis, ut ex eorum scriptis apparet. Quid autem ad hæc Vincentius lenis? Quid aliud, inquit, volebat Pelagius, dum agebat, Doctore tantum ad implendam legem, non adjutore opus esse, doctrina & luce intellectus, non inspiratione dilectionis? Aut explicet Petavius, qua viâ efficientia illa gratiæ ab intellectu in voluntatem, sine immediata charitatis inspiratione trajiciatur. Nisi enim hoc secundum doctrinam Ecclesiæ Orthodoxam faciat, omnium ferè quæ Augustinus libro de Gratia Christi in Pelagio damnat, approbator, & plurimorum dogmatum, quæ in Synodo Arausicana adversus Semipelagianos stabilit, everfor est manifestus. Ricardus autem Iansenianos appellat, calumniarum Architectos, homines exhausti pudoris, novam Libertinorum nationem, qui hæreticorum nugas & flagitia deosculantur, qui rancidas & stramineas responsiones ab hæreticis mutuuntur. Qui nihil volunt nisi quod hæreticorum sit. Qui nihil de se proferunt, sed hæreticorum latrociniiis splendent &c. Quorum coriphæus plus Augustinum in Calvino, quàm in Augustino legit. Qui Deum crudelem, immanem, & perfidum facit &c. Hæc ideo hic descripsi, quia tales libri non ubique prostant, ex quo eorum inhibitiō facta est Romæ, instantibus Iesuitis, ut simul ostenderem, unde apud nos tam hic, quàm postea in Galliâ, hæc contagio serpsit, si qui sint ex Pontificiis qui nostri*

## P R Æ F A T I O.

nostris malis insultent, & vulnus nostrum ungue exasperent, noscant se domi habere quod agant, nobisque hoc nomine molesti non sint: nec putent ex aliquorum intemperie vel novandi libidine, dissidium illud ita in nervum erupturum, ut inde schisma, quod libaci velint, oriatur & religionis quam in confessionibus Ecclesiarum nostrarum Regibus nostris exhibitis professi sumus, talis accadat mutatio, quâ non facile dignoscantur ab aliis, qui sub E-dictorum Regionum fide, inter nos Deo serviunt ex verbi Dei præscriptio, in omnibus reformatæ Religionis fundamentis. Invigilandum tamen vobis ne longius serpat hoc malum, & augeantur dissidia, ac eorum audacia coerceatur, qui nullis hactenus repagulis retineri potuerunt, quominus fræna laxarent suæ curiositati, & unâ ex Academiis occupatâ discipulos, suarum opinionum tenaces post se abstrahant. Quantum verò in eo sit periculi, & quales à talibus magistris sperari possint, eventus jam in multis docet, quorum nonnulli, ut audio, super defuncti optimi Dei servi fossâ, insolenter tripudiant, optandumque fuisse dicunt, ut ante triennium fatis concessisset, quod tamen eorum magistro nollem adscribere. Sed hæc deinceps vestra cures sunt committenda, qui non ignoratis quid in his provinciis olim acciderit, postquam in ipsis Academiis in factiones itum est; & quàm difficulter malo, eni ab initio non satis fuit præcautum, salutaris postea medicina potuit adhiberi; iis non auditis, qui de horum novissimorum temporum periculis cavendis, sapienter & opportunè monebant. Existimârunt nonnulli talia, quæ in cultu publico ordinario nihil mutant, cum eis non obsistitur spontè effluxura, & amisâ novitatis gratia, facile cessatura, quamvis nemo se opponat, nec desunt viri boni qui etiamnum ita judicent. Et forè iis calculum nostrum possemus adjicere; si in una aut altera Ecclesia, privati quidam talia molirentur. Sed alia est Academia-rum ratio, in quibus tanquam in seminariis educantur juvenes, qui postea Ecclesiis commendari debent: ex quibus velut ex equo Trojano, (quod olim dictum de Isocratis ludo) innumeri dicendi Principes exeunt; à quibus postea manant, si sua abutantur facundia, & novis doctrinis imbuti ad docendum, publicè admoveantur, aquarum corruptarum fluentia, totas regiones inundantia. Inde querela mutue; inde dissidiorum ampla seges, inde suspiciones graves, inde nunquam finiendæ lites, dum ex una in aliam, contradicendi studio, fit illapsus; donec tandem ad extrema deveniatur. Quarundam itaque apud vos Synodorum Provincialium non possum improbare sollicitudinem, quæ suis ad Nationalem dele-

gatis in mandatis dederunt, ut procurarent eos qui eorum jurisdictioni sub-  
sunt, deinceps gravi censurâ notari, si scriptis eristicis vel mutuo se provo-  
cent, vel aliis provocantibus etiam exteris, super his questionibus respon-  
deant, omnibusque silentium imponatur super iis controversiis de quibus  
hactenus litigatum est, etiam ab extraneis laceffitis. Viderunt enim viri  
prudentes, quo animo ii, quos tenebat scribendi cacoëthes, cum iis prohibitum  
fuisset ne quicquam ederent in posterum in talibus; sub Synodi finem per  
suos fautores tam enixè petierint, (qui videbant se classicum cecinisse, &  
'exteros provocâsse) ut liceret si quis ex illis eis responderet injuriam pro-  
pullare quam sibi inferendam putabant, si ii, quos publicè impetiverant,  
aliquid eis reponerent. Quod cum obtinuissem, sub hac tamen conditione, ut  
Synodus Andegavensis, cui Salmuriensis Academia inspectio demandata  
erat, prius inquireret an id necessarium foret; deinde non prius editionem  
scriptorum permetteret, quam ex ipsa Synodo ad id delegatis, commissum  
fuisset eorum examen & approbatio. Sed frustra hac omnia. Qui enim no-  
verat paucos esse in illa provincia qui à se non penderent, quorum maxima  
pars sub illius & collegarum disciplina studuerat facile obtinuit, ut negotium  
illud totum ipsis Salmuriensibus Collegis demandaretur, idem secum sen-  
tientibus, proinde in sua ipsorum causa iudicibus & arbitris, in qua etiam  
ita se gesserunt, ut non solum approbaverint & laudaverint ea quæ specta-  
bant ad questionem juris, sed etiam accusationes, & criminationes quæ  
versabantur in factis, de quibus nihil certi poterant habere. Sic elusa Sy-  
nodi cautela, prodiit in publicum scriptum illud ενδιξιλον ad vos dire-  
ctum, cum specimine animadversionum, id est, convitiis omnis ge-  
neris, & indignorum sophismatum & paralogismorum, Sylloge. Sic renova-  
tâ dissidiorum materia & auctâ, virum doctissimum & optimum, iam male  
habitum adegit ad justas Vindicias parandas, illo ipso tempore quo non  
solum ordinariis utriusque, quoungebatur muneri, erat vacandum, sed  
etiam quo extraordinariis occupationibus distinebatur, & gravibus preme-  
batur negotiis, quæ non poterat per eorum auctoritatem quibus erat obnoxius,  
vel detrectare, vel in aliud tempus differre. Facili tamen negotio horis suc-  
cisisvis omnia paraverat ad id necessaria, & potiore partem Typographo  
commiserat excudendam, cum Deo visum fuit eum, ex Synodo Ecclesiarum  
linguæ Gallicæ, Harlemo redeuntem, iam male affectum, lecto affigere, &  
sensum ei imprimere, quietis ab omnibus suis laboribus appropèrantis. Quo-  
modo



modo autem se ad eam composuerit, quo animo, qua vi spiritus vocanti Deo paruerit, quâ fide & sanctâ *πίστις* ad eum accesserit, quàm ardentibus precibus eum invocaverit, quàm animo quieto sanctam animam Christo Redemptori commendaverit, quàm pacatè eam in manus ejus deposuerit, in quo vivere & mori lucrum deputabat; testes fuerunt quotquot aderant collega & alii plures, inter quos Reverendus senex, Samuel Lescherperius Riverius, popularis & amicus noster, Ecclesia Gallica Delphensis Pastor, qui duobus ante obitum diebus ei continuò affuit, & beata ejus migrationis testis fuit oculatus, eumque ultimus precibus & votis, expirantem comitatus est. Quae omnia, cum aliis, ad laudes defuncti pertinentibus, eleganter prosequutus est, vir Reverendus & Clariss. Abrahamus Heydanus, ejus in professione Theologica Collega, in illa funebri oratione, quam in amplo totius Academia consessu, non sine lachrymis suis, & omnium auditorum, profusis, pronuntiavit; quae cum in lucem emissa fuerit, plura de tristissimo, & mihi privatim luctuosissimo eventu, dicere supersedeo. Tanti viri opus hoc, imperfectum quidem, si partes integrantes omnes spectemus, si necessarias, si doctrinam & eruditionem non vulgarem, si acumen, & summam ingenii vim, perfectissimum; mihi commissum, admodum Reverendi fratres, offero vobis, illius quam ad extremum usque vita halitum fidei & sententiae de vera, salutare & efficaci Christi gratiâ professus est & defendit, summam, & monumentum, quod vestrum omnium candido & libero judicio ipse voluit expositum. In quo, si nonnullis in locis videatur vobis in adversarii sui criminationibus & sarcasmis retundendis acrior fuisse; id ipsius nomine à vobis peto, ut non dedignemini ea quae forè videbuntur nimio sale respersa, cum felle amarissimo, eorum quae maximo cum contemptu, liberaliter nimis, ausim dicere atrociter, in eum fuerunt conjecta, conferre. Videbitis id eum tantum praestitisse ad quod in Dissertationum suarum praefatione se obstrinxerat, antagonista; sive *ἐὐς παῦ* ipsi adhibere placeret, sive *κρίσιον*, uteretur arbitrio suo, se hic eum sibi obsequentem habiturum, & stylum ipsi exemplo suo, quod religiosè sequeretur, formaturum. An ulterius, an eo usque processerit, necne, annon etiam in iis graviter (non per scommata & sarcasmos) ut Theologum decuit, non intercedo quominus liberè sententiam vestram proferatis. De grammaticis tricis contentionem consultò declinavit, &

*cur eam non existimaverit, immiscendam esse gravioribus Theologiae materiis, ipse rationem affert pag. 324. Pensum id, quod ab aliis occupatum meminit, si hic non damus totum, id in aliud tempus ne volumen nimium excresceret, dilatum fuit, non ablatum: praesertim quia doctissimus juvenis, qui hoc in se susceperat, & maximam partem ad eum miserat, admisit multas disputationes Theologicas, & longius processit dum quorundam prima reformationis doctorum, Calvini, Martyris, Bucerii &c. existimationem, ab hypothetica, quam nonnulli eis affingunt, labe strenuè vindicandam suscepit. Sed ne diutius insultet defuncti manibus, Grammaticus criticus, nec inultus noster amicus hac in parte maneat, Ezechielis Spanhemii, adolescentis, pro ea aetate, docti & patre non indigni filii, privatae pro parente Vindiciae, appendicis loco subnectuntur, quas etiam, viris literatis censendas exponit & dijudicandas.*

*De me nunc, ut aliquid subjiciam, priusquam huic praefationi finem imponam, locus opportunus postulare videtur. Aetas grandis & inclinata, quam Deus ad annum usque vita mea LXXVIII prorogare voluit, quamvis in corpore, per ejus benignitatem, satis vegeto, nec gravibus senectutis incommodis ad hoc usque tempus, tentato, me tamen vetat spes inchoare longas. Mihi, si unquam, cogitandum ad finem usque vita, de communi mortalium sorte, ut ad diem illum decretorium paratus inveniar, & deinceps iis intentius vacem meditationibus, qua me à terrenis planè avocent, & ad caelestia cogitanda provocent. Nihil magis expeto, quam, dum ad pacem illam aeternam aspiro & tendo, videam totius Ecclesiae, sed Ecclesiae patriae nominatim, stabilitam, non externam tantum, sed internam & domesticam precipuè pacem; ad quam, maximo lucro deputarem si quod vita reliquum est, sine veritatis dispendio, possem impendere. Testis est mihi Deus  $\kappa\epsilon\gamma\omicron\lambda\omicron\gamma\omega\varsigma\eta\varsigma$ , quod me non immiscuerim his litibus, vel privato aliquo affectu ductus, siue odii in quemquam, siue livoris; siue nominis mei propagandi, aut fama acquirenda studio; qui latere maluissem, quam in hac acie stare, si mihi per conscientiam, in hac speculà à Deo posito in Ecclesia, licuisset in otio spectare, illius veritatis cujus ante annos quatuor & quinquaginta praeo, per Dei gratiam, factus sum, inclinationem vel imminutionem, aut corruptelas: neque me etiam abreptum fuisse inconsiderato Zelo, nec spontè quaesitis occasionibus; sed aliorum potius, quorum iudiciis & hortationibus plurimum debeo, rogatu, quam pro-*



P R Æ F A T I O.

propria inclinatione, & ea fecisse, quorum me, Deo gratiâ, non pœnitet; si rem ipsam in se spectemus: nam in agendi ratione, non presumo me semper ab infirmitatibus fuisse vacuum, quas in me plurimas coram Deo agnosco, & ut ignoscat precor. Spero vos in meliorem partem interpretaturos, si affirmare non dubitem, me in veritatis defensione ex conscientie sensu, sincerè versatum fuisse, non solum contra τὰς ἐξ ἐναντίας à quibus separati sumus: sed etiam adversus eos qui omnibus Ecclesiis reformatis litem moverunt, in iis capitibus in quibus à centum annis concordes fueramus, idem dicentes & sentientes, ne uno quidem ex adversariis communibus renitentibus, quorum hactenus nullus fuit, qui inter Calvinum & Bezam non benè in his capitibus convenisse, ausus fuerit obijcere, inter quos dum unà vixerunt, tanquam inter parentem & filium concordes fuerunt animi, & unius & ejusdem sententia, Beza etiam virvo Calvino causam illius suscipiente contra Castellionem, Bolsecum, Pighium, & alios Semipelagianismi recoctores, nec quisquam repertus est ex pastoribus & professoribus Genevensibus ab illo tempore, qui dissensum in eorum dictis vel scriptis notaverit. Unde manifestum est illum, quem hypothetici doctores nuper rimati sunt, omni carere fundamento, & confictum fuisse, ut detortis eorum, Calvini præsertim scriptis, incautus fucus fieret, & nova hypotheses, sub tanto nomine obtruderentur. Eo usque tamen bona causa triumphat, ut artes illa quibus conati sunt nonnulli, Genevenses & Helveticos Doctores & pastores inter se committere, aut ad nova sua dogmata inflectere, neminem repererint qui iis moveretur, & Calvinum, Bezam, Bulingerum, Musculum, Pellicanum, Vermilium &c. Geneva, Berne, Tiguri, Basilea, & ut verbo dicam, in tota Helvetia, aut consensu, consenserint aliter docuisse sensisse quàm illi nunc nobiscum unanimiter docent; quod etiam ignotum non esse potest Salmuriensibus; neminemque inter eos esse qui non unà nobiscum usurpet verba Cælestini in causa Prosperi & Hilarii: In talibus causis non caret suspitione taciturnitas, quia occurreret veritas, si falsitas displiceret. Merito namque causa nos respicit, si cum silentio faveamus errori. Ergo corripiantur hujusmodi, non sit his liberum habere pro voluntate sermonem. Desinat incessere novitas vetustatem, desinat Ecclesiarum quietem inquietudo turbare. Hæc me consideratio adegit, ut, occasione datâ, non tacerem, propter Sionem,

nem, sed liberè quod sentiebam assererem, & confirmarem. Feci quod potui, & nunc etiam vobis, tanquàm per tabulas testamentarias declaro, me in ea doctrinâ, quam Ecclesia nostra ab ipsis reformationis initiis, nominatim in articulis, de natura & gratiâ, de prædestinatione sanctorum, de vocatione efficaci, de justificatione & sanctificatione, & aliis omnibus ad id spectantibus, prout etiam hæcenus in scriptis meis eam exposui, professæ sunt; & quam tot martyres fuso suo sanguine, tanquàm sigillo confirmarunt, me, inquam, immori velle quam certissimam & verbo Dei conformem credo & agnosco. Me nihilominus, si quid impostero, contra moveatur apud vos, aliis melioribus, quorum plures habetis, lampadem tradere; & quod video à piis & doctis viris desiderari, à litibus deinceps abstinere velle, & aliis exercitiis vacare: iis ipsis qui hæcenus mihi, sine causa, insensî fuerunt, vel me gratis oderunt, precibus apud Deum procurare, mentem ab omni odio defacatam, ab omni errore purgatam, nec sub precum velo, convitia in eos congerere velle; sed maledicentibus benedicere, iisque mentem sanam in corpore sano ex animo vorere. Nec tamen velim, quemquam ex iis ipsis qui in contrariâ, & à me adversa fuerunt, aut sunt, in nonnullis, sententiâ quastrarum Ecclesiarum communem oppugnat, existimare me ex iis senibus esse de quibus solent joculari, quod quæ juvenes didicerunt, senes nolunt perdenda fateri. Quinimo eorum unicuique libenter & ex animo illud oggero, quod Augustinus senex, juveni & petulanti Antagonistæ, Si me posses docere quod nescio, non solum te verbis, sed etiam pugnis cadentem, patientissimè sustinere deberem. Id potius ab omnium vestrum charitate sum expectaturus, ut si quid mihi exciderit, in quo existimetis me modum excessisse, vel hallucinatum fuisse, corrigi paratum, dum adhuc in vivis sum admoneatis fraternè, & intercâ me precibus vestris sanctis juvetis, mecum à Deo petentes, ut eripiat me ab omni opere malo, servetque suo regno cælesti. Ego vicissim ab eo petam ex intimo cordis mei, ut ipse Dominus semper det vobis pacem, omni modo sitque cum omnibus vobis, A M E N. Scripsi Bredæ Brabantorum, xv Cal. Septemb. c l o I o x l i x.

Vobis in Christo addictissimus frater,

ANDREAS RIVETVS.

F R I -

Ad  
Vin-  
cent.  
Vi-  
cto-  
rem.  
lib. 4.  
de orig.  
anima  
Cap. 3.  
2. Tim.  
4. v.  
13.  
2 Theff.  
3. v.  
26.

FRIDERICI SPANHEMII  
VINDICIARVM  
EXERCITATIONVM  
DE  
GRATIA VNIVERSALI

PARS PRIMA.

Exhibens Defensionem Argumentorum oppositorum opinioni de *Gratia Vniuersali* in *Thesibus* Lugduni Batavorum de argumento isto disputatis.


CAPVT I.

An propositum miserendi particulare, quod Scriptura Deo tribuit, Act. xiii. 48. Rom. ix, xi, xii, 13, 18, 21, 22, 23. 1 Thess. v, 9. Iud. 4. & aliis id genus locis, evertat dogma de voluntate Dei vniuersali miserendi omnium & singulorum hominum ad salutem?

BREVIARIUM Capitis primi.

**A**rgumentum nostrum contra Gratiam Vniuersalem. Responsio Animadversoria. Ejus confutatio. Defensio Animadversoria. Ejus Examen. Petitio τὴν ἐκδοχὴν notata, & Gratia subiectiua corruptio. Absurdum Animadversori impactum. Scelus quaestioni peruersus. Dogma ἀπίστον notatum, & novum absurdum. An remissionis peccatorum praeceptum sit natura. Ordo observandus, ab Animadversore inversus. Sententia nova absurda. Nodus de impetratione remissionis peccati incredulitatis. An fructus satisfactionis omnibus destinatus fuerit. Contradictio notata. Dilemma de impetratione fructus satisfactionis. Absurda varia nova Theologia. Velleitas Deoperperam adscripta. Ejus absurditas. An intentio conditionata vniuersalis de omnium salute Deo adscribenda. Repetitio novies iterata illius quod est τὸ πᾶσι δοῦναι. Dissimulatio responsum nostrarum ad loca Scripturae obiecta. Injusta accusatio. Examen duplicis aeternitatis Dei ab Animadversore constituta. Particularis miserendi voluntas evertit vniuersalem. An promissio, omnem credentem salvandum, ponat voluntatem vniuersalem conditionatam in Deo omnes salvandi. Dogma Remonstrantium ab Animadversore adoptatum. Dilectionis vniuersalis conditionata examen. Loquutiones indigna perfectione Dei. An Deo sint tribuendi affectus magis vel minus definiti, Glossa de endurance.

ione notata. Absurda varia, ἀνυπαλάξια, & contradiçtio, notata. An Deus alios quàm vasa misericordiae salvare voluerit. An inclinatus dici debeat in salutem omnium. Loquutio identica, notata. An Deus præparet tantum ad gloriam. An salutem omnibus paratam esse voluerit sub conditione. An Deus aliquos ex prævisione fidei ad salutem constituerit. Dogma Remonstrantium adoptatum denuo. Implicatio Theologia Animadversoris. Unde prævisio incredulitatis in omnibus. Ejus fundamentum evertit Gratiam Vniuersalem. Inenarrabili & inæstimabili conditionata, merum ludibrium. An detur causa beneplaciti divini. Prævisionis inutilitas. An Deus addicat interitui ex prænotione obstinationis adversus Evangelium. Ejusdem prænotio univèrsali evertit Gratiam Vniuersalem. An destinatio Dei ad vitam vel ad mortem dici debeat actus misericordiae & justitiæ. An in dispensatione Gratia Vniuersali detur concursus virtutum Dei. An ea conveniat sapientia Dei.

I.  Inc phaleris & morsu rem aggredior, Lector, non Aræta-  
logum acturus vel Theonem, sed Theologum, nec vel Or-  
dinem nostrum prostituturus, vel argumentum. Nihil in-  
eptius olim creditum, quàm saltare in toga, vel comædum  
agere in tragœdia: Nihil indignius Theologo, quàm sibi & Lectori ludos  
facere in re seria & sancta. Emblemata itaque & schemata omnia contu-  
meliarum & dictionum, quibus totum opus suum non tam distinxit  
vel perspersit, quàm farsit Animadversor, ipsi integra relinquam. Anim-  
advertet verò Lector ex collatione scriptorum nostrorum, quis causam  
Christi spiritu Christi, prout fieri debet, inter nos agat. Argumentum  
quæstione Capiti primo præmissa propositum, affirmatum à nobis fuit  
Thesi vi. ex eo quod Scriptura testatur, Deum aliquorum misereri, aliorum  
non, alios amasse, odisse alios, alios ordinasse ad vitam æternam, alios constituisse  
ad iram, & præscripsisse ad damnationem, alios secisse vasa iræ, alios misericordie.  
Respondit Animadversor in Dissertatione Thesis nostris opposita;  
Sanè particulare aliquod miserendi propositum doceri in Scriptura locis à me alle-  
gatis, quatenus Deus fidem quibusdam absolutè indulgere voluit, ut servarentur  
certo. Ex eo verò non sequi, nullam fuisse Dei voluntatem univèrsalem, ut omnes  
servarentur, modò crederent. Hanc doceri Ezech. xvi 11, 23. Joh. iii, 16.  
i Tim. ii, 4. ii Pet. iii, 9.

II. Responsio ista accuratè à nobis excussa, Exerc. Parte I. à pag. 112.  
ad p. 177. & inter plurima alia demonstratum. 1. Particulare istud pro-  
positum miserendi, quod nobis concedere cogitur Animadversor, reve-  
rà evertere univèrsalem istam voluntatem. 2. Talem haudquaquam  
doceri locis ab Animadversore allegatis, ad quæ singula exactè respon-  
sum. 3. Ob id ipsum quod Deus fidem quibusdam tantum indulgere  
voluit absolutè, salutem interea à fide suspendit, quæ aliunde haberi non  
potest, cum haudquaquam voluisse, ut omnes servarentur. 4. Dici non  
posse,

posse, Deum fidem reliquis indulgere velle vel *absolutè*, vel *sub conditione*, quæ vel non absurdè ponatur, vel non recurat cum conditionato. 5. Voluntatem istam universalem omnes servandi, modò credant, vanam esse, quum sciat Deus, omnes naturâ incredulos esse, nec fidem ullum, nisi se dante, habere posse, nec tamen ejus gratiam innumeris facere velit. Nec hoc sine aperto ludibrio dici posse, ratione omnium illorum, quibus nihil unquam vel de Christo, vel de fide in eum revelatum fuit. Inde *voluntatem* potiùs tales servandi concludendam, quàm *voluntatem*, tum ob conditionis istius exactionem, tum ob negationem *gratiæ* illi præstandæ necessariæ vel *objectivæ* & *subjectivæ* simul, vel *subjectivæ* saltem, respectu omnium eorum qui non credunt, quum nemo possit venire ad Christum, adeoque vel credere vel salvari, nisi Pater traxerit eum. Ioh. vi, 44. 6. Ostensum locis Rom. ix, xi. Actor. xiii, 48. & aliis id genus, voluntatem istam universalem everti.

III. Quidam hæc Animadverfor? Post magnifica promissa, & cavilla varia (qualia, quia Dei Servos parum decent, causam sanctam minus, absit ut reponam, cessurus ipsi facile τὸ ἀεὶ τὸ οὐκ ἔστιν ἐν σοφίᾳ, sine dispendio veritatis) Repetit 1. pag. 119. Distinctionem gratiæ suæ *objectivæ* & *subjectivæ* sine necessitate. 2. In utriusque descriptione peccat: *Illam omnibus expositam* supponendo, quod novit esse τὸ ἀποφασίζεσθαι: *Istam* partim frigide describendo per gratiam *mentem comparantem*, quo, secundum suæ Theologiæ placita, *immediatam* Spiritus Dei in cor vel voluntatem illabentis operationem negat, partim enervando, dum id duntaxat ei tribuit, quod *mentem ita compares*, ut *admittere & amplecti* queat id quod *offertur*, quasi potentiam tantum id præstandi conferret, & non actum, quum tamen det τὸ velle & τὸ perficere, & ipsum *credere*. 3. Supponit, *gratiam objectivam* omnibus offerre id *quod est credendum*, quod vel Christus non est, & satisfactio ejus, vel dicendum, ista omnibus & singulis hominibus oblata esse per τὸ πᾶσι δὲ Θεῷ. 4. Fatetur *gratiam subjectivam* paucis indulgeri, adeoque quum sine ea salus obtineri nequeat, quibuscunque Deus eam denegatam voluit, eos haudquaquam salvatos voluit, nec enim is serid finem alicui velle dici potest, qui illi non vult medium necessarium, sine quo finem assequi non potest, si præsertim & ipse medium istud constituerit, & nōrit, illud nisi se dante haberi non posse.

IV. In sequentibus p. 120. 1. *Statum questionis* pervertit, cum sic formando: *An remissio peccatorum per unam verbi prædicationem offeratur? An verò Deus spem ejus aliquam ostenderit omnibus nationibus, omni tempore in dispensatione providentiæ?* Mutatur enim *subjectum*, & aliud est, quærere, an remissio omnibus offeratur, vel non; Aliud, an aliqua eum omnibus ostendatur

*ſpec.* Prius, peccata actu expiata docet, poſterius, ea expiari poſſe. De priore etiam quaſtio inter uos inſtituta, non de poſteriore. Et quum *objectivam gratiam* dicat conſiſtere in *remiſſione peccatorum*, vel iſta (quæ utique *actualis* eſt, *potentialis* enim non eſt remiſſio, ſed *remiſſibilitas*) omnibus per *diſpenſationem providentiæ* in ſphæra naturæ proponitur, adeoque Chriſtus & ejus ſatiſfactio, in qua ſola fundatur, & ſine qua credi non poteſt, & vocatio ad eam ſub conditione fidei & reſpiſcentiæ, quæ omnia *αἰσχρολογία*, ut quæ naturam faciunt præconem Euangelii, & beneficii illi proprii, vel *gratia objectiva* univerſalis non eſt. 2. Conditio fidei & reſpiſcentiæ addita oſtendit, remiſſionem iſtam iis tantum à Deo volitam eſſe, quibus utriuſque gratiam largitur. Quibus enim offerri dicitur? Incrudulis & impœnitentibus, & incorrigibiliter quidem talibus ex ſe. Sub qua lege? ut *credant* & *reſpiſcant*, hoc eſt, ut non ſint, quod ſunt, & non poſſunt non eſſe, & ut faciant, quod facere non poſſunt, impotentia iis invincibili, ipſomet ſatente, cujuſcunque generis illa ſtatuatur. 3. Ambiguit *omnibus nationibus* ſpem iſtam propoſitam dicit, quippe quod intelligi poteſt vel de quibuſvis, vel de omnibus & ſingulis nationibus. Prior ſignificatio & inutilis eſt cauſæ Animadverſoris, & locum tantum habet in œconomia N. Teſtamenti, nec affirmari poteſt de œconomia Teſtamenti Veteris. Poſterior & falſa eſt, & nodum non ſolvit, ut enim univerſalis gratia ſalva maneat, omnibus etiam omnium nationum individuïs propoſita dici debet. Quî verò id aptari poſſit iis inter gentiles, qui in prima ætate extincti fuere, & quos Deus ex non ſcæderatis naſci voluit, & ſtatim exſtingui, docebit nos, quando volet, Animadverſor. 4. Adde remiſſionis peccatorum argumentum totum Euangelicum eſſe, adeoque non diſpenſatione providentiæ, quæ pertinet ad naturæ ſphæram, annuntiari, ſed verbo tantum gratiæ.

V. Addit ibidem; Quæri deinde; *An omnibus hominibus Chriſtus per ſuam ſatiſfactionem veniam illam impetrarit, ut per eum ſervari poſſint, ſi modò credant & convertantur. An verò fructum ſatiſfactionis paucis electis ita deſtinarit, ut nulla fuerit in aliorum ſalutem animi inclinatione propenſus?* Iſtud à me, illud à ſe doceri. At 1. Iſta quaſtio præmitti debebat, ut fundamentum prioris, quum univerſalis vel particularis oblatio pendeat ab univerſali vel particulari ejus deſtinatione, & impetratione, non contra. 2. Statum quaſtionis circumducta oratione denuo vel mutat, vel nequicquam involvit aliis verbis. 3. Merito poſterius à me cum Scriptura docetur. Quibus enim Chriſtum veniam per ſuam ſatiſfactionem impetraſſe cenſemus? Hominibus in peccato mortuis, & corruptis immutabiliter per naturam, qui ne cogitare quidem poſſunt aliquid boni, adeoque nec credere,



credere nec se convertere. Sub qua tamen conditione ea talibus impetrata statuitur ab Animadversore? *Si modò credant & convertantur*, hoc est, si modò non sint mortui, nec prorsus corrupti, & actu cogitent aliquid boni, imò faciant. Et hoc est disputare! 4. Si Christus per suam satisfactionem veniam, hoc est, remissionem peccatorum impetravit omnibus, vel non omnium peccatorum remissionem iis impetravit, vel iis impetravit etiam remissionem peccati incredulitatis & impœnitentiæ, idque vel *absolutè*, & sic omnes credent & resipiscant, vel sub *conditione*, modò credant & resipiscant, hoc est, modò non laborent isto peccato. Ista sanè Seraphica sunt, & tam sublimi Theologiæ instauratore dignissima! Exceptiones Animadversoris ad hanc *lvsatv* discutientur infrà peculiari capite, ubi ostendetur, vel sanguinem Christi nos non *purgare ab omni peccato*, vel incredulitatem & impœnitentiam non esse peccata, vel dandam etiam esse purgationem à peccatis istis, in iis, pro quibus sanguis iste fusus est. 5. Fructum satisfactionis non *paucis electis*, sed omnibus electis destinatum à nobis credi novit, qui *per se* multi, *comparatè* tantum pauci sunt, & hinc odiosè duntaxat pauci dicuntur. 6. Vel solis Electis fructus satisfactionis Christi *destinatus*, vel non: si solis electis, stat sententia nostra: si non, datur *prædestinatio universalis conditionata*, quam tamen reforbuit Animadversor Alençonii. Si etiam reprobis fructus satisfactionis Christi destinatus fuerit sub conditione fidei & resipiscentiæ, vel totus fructus satisfactionis Christi iis destinatus erit, sub hac conditione, vel pars ejus, hoc est, salus. Si totus fructus, vel fides & resipiscencia iis destinata erunt, vel non erunt inter fructus satisfactionis Christi: Si pars istius fructus, nimirum salus, pars iis destinata erit sub conditione, ut jam partem aliam habeant, quam tamen non magis habere possunt, quam partem reliquam, quæ sub ista conditione iis destinari dicitur, vel quam efficere, ne sint reprobi. Et quum gratia credendi & resipiscendi à solius Dei efficientia pendeat, sub hac conditione salutem iis destinat Deus, ut id habeant, quod novit eos non habere, nec nisi se dante habere posse, quod tamen illis haudquaquam dare constituit. Præterquam quod sic Deus sub conditione fructum satisfactionis destinasse censetur innumeris, quibus tamen nec satisfactionem, nec ejus fructum, nec conditionem eo potiundi, unquam revelare voluit. 7. Si fructus etiam satisfactionis sit *actualis remissio* peccatorum, omnibus actu remittentur; Si *potentialis*, & aliqua ejus spes, eundem satisfactionis fructum statuit Animadversor, quem Remonstrantes. 8. Absurdè supponitur, Deum *aliqua* in aliorum ( hoc est omnium *præditorum* ) salutem *animi inclinatione propensum* fuisse. Inclinationes enim id genus partim eorum sunt,

qui imperfectè volunt, quod volunt, & *velleitatem* potius habent, quàm voluntatem, partim eorum, qui cum infirmitate volunt, quod volunt, quatenus exequi nequeunt, quod volunt. Neutrum verò Deo adscribi potest. Et si Deus aliqua *inclinatione* in eorum salutem propensus fuit, qui factum quod eos ab æterno *odit*, quod Christus eos *nunquam novit*, quod istam inclinationem vel non integram esse voluit, vel non parere effectus salutare? Cur voluit eos nasci peccatores, & extingui vel sine notitia ullius gratiæ sive *objectivæ*, sive *subjectivæ*, vel saltem sine dono gratiæ *subjectivæ*? Sine quo tamen novit haudquaquam eos à damnatione immunes esse posse. Quis propensiones & inclinationes id genus illi tribuat inter homines qui sapere aliqua saltem ratione censetur? Et tamen tales, si Animadversorem audimus, Deo tribuendæ, qui omnia in manu habet, & cuius vel efficientiâ vel permissione & directione omnia fiunt, quæ fiunt.

VI. Denique quæri ait de intentione Patris Christum dantis ad mortem: An solum electorum salutem intenderit ex absoluta quadam misericordia, an omnes alios ejus compotes esse voluerit modò credere & respicere non dedignentur? At 1. De intentione & miseratione Patris non ultima sed prima formanda erat quæstio, quod à me factum. 2. Eadem argumenta intentionem istam universalem & conditionatam Patris evertunt, quæ universalem & conditionatam satisfactionem Filii, quæ ex supradictis patent. Nec, quia quinquaginta ἑξήματα pugnat Animadversor, ego xvii duntaxat The-sibus, quod observat sollicitè, ut apprimè observatu dignum, id quicquam ad rei summam facit. Nec enim numerus, sed pondus rationum apud sapientes rem decidit. Nec ignorat, quamvis dissimulet, plura argumenta una Thesi sæpe à me comprehendi, & plurima etiam alia in Exercitationibus passim adjecta esse, quæ nobilis Disputator ne tangenda quidem censuit, quamvis nihil à se prætermisissum gloriatur. Iudicet Lector candidus de fide & conscientia utriusque nostrum ex collatione scriptorum nostrorum.

VII. Subjicit p. 120. Oeconomiam universam divinæ voluntatù circa hominum salutem ad duos actus revocari, quorum primum, nimirum promissionem & donationem Redemptoris, qui salutem omnibus acquireret, modò credant. 1. Iterum supponit, sine probatione. 2. Pluries aliis verbis tribus paginis continuis repetit, modò categoricè id affirmando, quod novit esse τὸ ἀναπόδωτον, modò hypotheticè. 3. Locis Ezechielis, Iohannis & Petri actum illum probari denuo supponit, nec verbo amolitur à me objecta & responsa ad loca singula. 4. Argumentationem meam extrarem esse dicit, & pertinere tantum ad actum de dispensanda gratia fidei, sed



sed dicit tantum. Scilicet sic illis Deus & procurare voluit & donare Redemptorem in tempore, qui iis salutem acquireret, modò credant, quibus constituit vel non revelare planè nec Redemptorem, nec acquisitionem salutis, nec conditionem, vel revelare tantum, utut cæcis & corruptis penitus, adeoque ab istorum amplexatione incorrigibiliter ex se averfis! 5. Negat à me demonstratum, particularem voluntatem evertere universalem. Adeat quæso Lector Exerc. Part. 1. Sect. v. & mirabitur hominis fiduciam, cui satis, dicere, *me id viâ atque ratione aggressum non esse*. Pro ratione adfert κενόμηνος, œconomiam superiorem quæ ad omnes pertinet, secundum modum considerandi nostrum, in Deo præcessisse, polteriore sequutam esse. At à nobis demonstratum, superiorem illam fingi, non dari: Nec præcessit itaque, nec sequuta est. 6. Ostensum à me, particularem voluntatem miserendi evertere universalem. Invertit ille argumentum, & dictat aliquoties, universalem non evertere particularem. Nec quæstio est, an voluntas universalis evertat quamvis particularem, sed an non hanc evertat, quæ restringit & amorem Dei & destinationem ac procurationem redemptionis, ac salutis ad certam hominum classem? An si quis probaret, Principem certos tantum ex subditis suis amare, alios verò odisse, nunquam novisse, nec velle illis conferre ea, sine quibus non possint non esse miserrimi, non eo ipso everteret amorem ejus universalem erga omnes? 7. Communionem φιλανθρωπίαν & voluntatem dandi omnibus salutem, sub conditione denuo supponit in Deo. At si talis in Deo fuisset, vel Deus non decrevisset, ut omnes in uno impotentiam conditionem præstandi insuperabilem, cujuscunque illa ordinis statuatur, contraherent, vel non suspendisset salutem ab ista conditione, vel conditionis gratiam fecisset omnibus. 8. Omnes credentes salutem consequuntur, extra controversiam, sed non magis inde sequitur voluntas universalis conditionata omnes homines salvandi, quàm ex axioma opposito, omnes non credentes damnandos, sequitur voluntas universalis conditionata omnes damnandi. Et quia à Deo semel constitutum, futurum esse, ut omnes qui crederent, servarentur, & ii quidem soli, & simul ipsi constitutum fuit, solis electis fidei gratiam facere, constitutum etiam ipsi fuit, ut soli electi servarentur. Fac, Principem suspendere beneficium aliquod à tessera, & tessera istius tum patetactionem, tum donum ab eo solo pendere, & cum neutrius gratiam facere velle innumeris, an ullus, cui sanum sinciput, credet, Principem istum seriò voluisse, omnes omnino beneficium istud consequi? 9. Deum omnes homines ita dilexisse, ut neminem eorum à salute participanda rejectum esse voluerit, modò Christum ipse non rejiciat, & τὸ ἐν δόξῃ est, & nudè repetitum, & à nobis accuratè confu-

confutatum ad locum Joh. III, 16. Et qui illis applicabitur, quibus Christus nunquam propositus fuit? An rejici potest, quod nec cognoscitur nec offertur? Annon sic salvandi erunt innumerī, qui Christum non rejecere? An etiam rejectio sola Christi damnat, & non ejus etiam mēra ignoratio, *negativa* quoque, hominem in damnatione relinquit? Notet itidem Lector dogma istud Remonstrantiæ pulpæ, solam causam rejectionis hominum à salute esse rejectionem Christi vel Evangelii. Si Christus etiam ab æterno omnes dilexit, neminem odit. Si odium ordine posterius dicatur, præterquam quod id falsò dicitur, æternum semper erit, & antè vocationem, quæ fit in tempore. At in ista vocatione post illud odium, Deus adhuc supponitur illis ipsis quos odit ab æterno, salutem velle in tempore sub conditione, adeoque eos sub ea amare; Annon ibi amor & odium Dei simul statuuntur, & respectu eorundem quidem? Si sub conditione tales amare dicatur, tales haudquaquam seriò amabit, quippe quos novit conditione ista destitutos esse, & non posse non esse destitutos, & semper fore tales, & tales quidem esse & fore ex decreto suo, quum eos conditione ista destitutos nasci voluerit, nec erueri ex hoc statu, quamvis ab ipso solo erui possint. Satis scilicet erit, dicere, talem impotentiam *moralem* esse, utut invincibilem, quamvis Deus in tali impotentia morali eos nasci voluerit, & in ea relinquere. Ista sanè denuo sublimia sunt, & digna tanto supercilio! 10. Absurdè Deo tribuit, *quod veniat ab uno affectu ad alterum vehementiorem & magis definitum*. Reverentius nobis de Deo loquendum & religiosius, quàm ut *vehementiores* vel *minus vehementes*, *minus definitos*, & *magis definitos* affectus ei tribuamus, & prioritatem ac posterioritatem inter illos, ut *ab uno veniat ad alterum*. Emblemata sunt ista novæ Theologiæ, & multum inde vel Dei gloriæ, vel reproborum solatio accedet, quum nemo sine *vehementiori* & *magis definito* illo affectu salvari possit, quod Deus illis communi dilectione salutem voluit, sub conditione, quam novit in illis nec esse, nec esse posse, & qua destitutos nasci & mori voluit, nec magis hoc impedire posse, quàm suam nativitatem. 11. *Misericordiam universalem conditionalem* repetit denuo homo tam impatientis ad repetitiones stomachi; sed repetit tantum. 12. Si actus misericordiæ, qui largitur, ut credas, sit absolutus, ut ait, absolutè datur, vel negatur. Et quum ex ejus datione vel negatione pendeat salus aut condemnatio, absolutè decreta salus aliis, aliis condemnatio. 13. Glossēma *indurare* esse *permittere ut indurentur homines*, quod hīc ponit, quorum sit, notum Orthodoxis. 14. Supponit itidem denuo *το γενόμενον* aliis verbis, Deum φιλαδελφικῶς suā in eam partem inclinatum esse, ut *gratissimum* habuerit omnes *facere salutis compotes*, dummodo

modò eam *superbè non adspernarentur*. Si id verum, quid obstitit, quominus Deus vel inclinationem suam, vel id quod ipsi gratissimum erat, effectum daret, superbiam illam & averfationem tollendo, quod & sapientissimè facere poterat, & facillimè. Sin eam in innumeris tollere noluit, ut noluit, & tamen eos in ea nasci & perire voluit, annon ridicula redditur ista inclinatio in rem nunquam futuram, & quæ fieri non poterat, & quæ talis est ex decreto uno illius qui istam inclinationem habere dicitur? Et qui sunt illi, qui salute indigebant, quos Deus ejus compotes facere voluit? Annon homines ita corrupti, ut gratiam non potuerint non *superbè adspernari* sine dono suo, quod innumeris tamen indultum noluit? Talium tamen salutem gratissimam habuisse dicitur, & ad eam *inclinatus* fuisse, modò non essent, quod erant, & quod per naturam non poterant non esse impotentiâ invictâ, cujuscunque ordinis sit. Et qui gratiam Euangelicam *superbè adspernati* fuere, quibus Euangelium nunquam propositum? Qui illi, qui ea ætate extincti, quâ ne gratiæ quidem ullius vel nomen, vel naturam, vel speciem percipere poterant? Qui talia homini non planè inepto adscriberet, cum ad agnatos & gentiles deducendum censeremus omnes. 14. Quid magis ἀνυπόλογον, quàm dicere, Deum ubi se acciuxit ad fidem indulgentiam, aliquos in æterna designatione destinare vasa misericordiæ futura, quos efficaci vocatione ad gloriam præparare decrevit? Accingere enim se ad fidem indulgentiam (quod ipsum etiam religiosius efferri poterat) notat actum in tempore editum. Destinare verò vasa misericordiæ futura actum æternum. Adeoque postquam Deus in tempore aliquibus fidem indulsit, destinate eos in æterna designatione ut sint vasa misericordiæ. Descendat quæso è sapientiæ suæ fastigio Animadversor, & hîc ipse se castiget. Observetur etiam Animadversoris vel ratiocinatio, vel eloquutio, Deum in æterna designatione destinare vasa misericordiæ futura, quos sancta & efficaci vocatione ad vitam & gloriam præparare decrevit. Annon verò ista identica? Quid enim aliud est in æterna designatione destinare vasa misericordiæ futura, quàm decerneret tales Sancta & efficaci vocatione ad vitam & gloriam præparare? 15. Si etiam fidem vasis misericordiæ à se præparatis tantum indulgere voluit, illa tantum salvari voluit, non alios quos ob nativam corruptionem ad incredulitatem & interitum comparatos videbat, & quos in hoc statu nasci volebat, & in eo relictos interire. Et qui videbat omnes in nativa ista corruptione ante liberrimum suum decretum, ut omnes in uno peccarent, & propter unum illum rei fierent, vel corrupti saltem, secundum novam Theologiam? Et an malè nativa ista corruptio à me dicta impotentia naturalis? 16. An Deus etiam præparat tantum efficaci vocatione sua homi-

nīs ad gloriam? Annon gratiam in illis efficaciter operatur, per quam certò ducantur ad gloriam? At potest Præceptor etiam *preparare* discipulum ad aliquid, & discipulus *preparari*, qui juvatur tantum, qui cupit præparari, qui causa socia est ipsius actūs, & qui frustra præparatur & sine effectu. Nec tantum dicendum, Deum vidisse aliquos comparatos ad interitum, sed & *prescriptos* ac *positos* à se ipsis. Hic etiam denuò ab Animadversore sola incredulitas cum Remonstrantibus constituitur causa & interitūs & præparationis ad interitum. 17. *Univerſalem* φιλανθρωπιάν ejusque effectum, quorum utrumque περὶ τὸν Ἰησοῦν est, adhuc repetit, ne Lector rei novies unā vel alterā pagellā inculcatæ minus memor esset. Nec sine ludibrio Dei & hominum dicit, Deum salutem & liberationem ab interitu paratam esse voluisse omnibus, modò σωλυτρώσις auctorem per fidem amplecterentur. Applicetur id iis, qui nihil unquam vel de σωλυτρώσι illā, vel de ejus auctore audivere, vel per ætatem etiam audire potuere, & in genere omnibus præteritis, qui non magis auctorem σωλυτρώσις per fidem amplecti poterant, quàm non esse corrupti. Vel etiam τὸ γνωστὸν ὅτι Θεὸς σωλυτρώσιν istam & ejus auctorem proposuit omnibus & singulis mortalium, vel non. Si prius, natura fuit præco Christi & mysterii Evangelici: Si non, falsum, ista omnibus fuisse proposita, adeoque sub hac conditione salutem omnibus oblatam. 18. Deum aliquos ex certissima fidei prævisione ad salutem constituisse, quod addit, & falsum est, & heterodoxorum dogma, quod magno mercabuntur Atridæ. Nec sufficit addere, Deum dare istam fidem, sic enim inanis redditur ista prævisio, & ex ea electio ineptè suspendetur. Nec actus proprios dicitur aliquis tam prævidere, quàm velle vel facere, alienos verò potius prævidere dicitur. Scilicet, Deus eligit hominem, quia prævidet eum crediturum: prævidet verò eum crediturum, quia decrevit ei fidem dare! Cur per tot spiras circumducimur? Annon sic decretum etiam de medio erit in intentione prius decreto de fine comparatè, & homo in executione prius salvabitur, post credet, quod est egregium *δῆγμα* novæ Theologiæ? Annon præstat dicere; Deum aliquem eligendo ad vitam æternam ex mero suo beneplacito, velle illi in tempore dare fidem, per quam ad eam ducatur? Si etiam datur incredulitatis & certissima quidem prævisio in omnibus illis quibus Deus fidem dare noluit, an talibus salutem seriò voluit, vel velle potuit, quibus tamen fidem haudquaquam largiri constituit? An incredulitatis etiam prævisio est sola causa constitutionis ad iram? An etiam hoc non est in ira potius relinquere tales, quàm ad eam constituere? At plus hic docet Scriptura. Vnde etiam prævisio istius incredulitatis in omnibus? Inquires, ex prævisione corruptionis naturalis omnium in

Adamo.

Adamo. An non verò quaestio redit, unde fiat, quod & omnes in uno homine corrupti nascamur, adeoque increduli, & quod Deus hoc praevideat? Annon adscendendum hic tandem erit ad merum Dei beneplacitum. Et quum incredulitas ista praevideatur ex æquo in omnibus, paria verò non faciant discrimen, qui datur constitutio ad iram ob praevisam incredulitatem in hoc potius quam in alio? An sapiens etiam praevisa certà & incorrigibili corruptione in aliquo eo fine ad beneficium aliquod illum vocat, sub conditione ne sit certò & incorrigibiliter corruptus? 19. *Amer iste communis* (hoc est, universalis) conditionalis quem ponit, merus coccyssus est: si consideremus Deum omnes in uno labi voluisse, nec tamen omnes in uno & cum uno erigere, quos novit post lapsum non nisi se exigente erigi posse. Qui Deus etiam *prospexit permultos non esse credituros*, nisi post decretum permittendi ut omnes in corruptionem istam naturalem, & per eam in incredulitatem invictam incidere? Qui etiam potius prospexit *permultos non esse credituros*, quam omnes ex æquo, quum omnes essent ex æquo in massa peccati? Cum etiam omnes actus Dei æterni sint, immò reverà unus & simplicissimus actus, an non ab æterno Deus prospexit frustra se ferri communi isto amore in incredulos sub conditione ne sint tales, quos tamen novit non posse non esse tales, & quos per unius lapsum voluit esse tales, nec quicquam inde sequi posse præter damnationem talium, adeoque hunc affectum conditionatum odium potius esse reverà quam amorem? 20. *Omnium velle misereri modo crederent, opus esse insigni misericordia & iuenarrabili philanthropiæ*, & scire eos non magis sine dono suo credere posse, quam corruptionem reliquam exuere, ludibrium est, non dogma ad consolationem faciens. Eoque magis quòd ad innumeros referatur, quibus nunquam vel objectum credendum, vel conditio necessaria revelata fuere, si quis inter homines misericordiam & *φιλανθρωπίαν* similem laudibus efferret, non effugeret, quin vel pro ludione haberetur, vel pro insano. Verè misericordiz laus Deo reverà constat, sed quæ efficax est, & ad bonum illud actu hominem ducit, quod illi velle dicitur, vel id sine conditione dando, vel dando ipsam conditionem, quando illa aliunde haberi nequit. Conciliet etiam Lector *insignem misericordiam, & iuenarrabilem philanthropiæ*, quam Deo tribuit Animadversor erga *præteritos*, cum statu in quo eos nasci vult, & relinqui, quum, ipso fatente, *præteritionem incredulitatis* cerèd sequutura fuerit, *incredulitatem damnatio*, & quàm certa est *electorum salus*, tam *insallibile sit præteritorum exitium atque damnatio*. An inenarrabilis *φιλανθρωπία* Deo erga tales, quos ipsi pro liberrimo beneplacito suo ita præterire placuit, vel voluntas vel inclinatio ulla eos ser-

vandi sine ludibrio aperto adscribi possunt? 21. Nec *alicujus* duntaxat odii, sed gravissimi, & quo majus dari nequit, opus est, denegare alicui, id donum, sine quo nec salus attingi potest, nec evitari damnatio. Deum etiam *liberrimi beneplaciti* sibi in danda vel deneganda fide *causas* apud se *reconditas habere*, αἰετόλογον est, nec enim ulla beneplaciti Dei causa dari potest, quippe quod ipsum prima omnium causa est. 22. Dogma Heterodoxorum crude repetit Animadversor p. 123. *Deum eos quos per gratiam suam credituros esse prævidit, destinare ad gloriam.* Nec negabunt Heterodoxi, qui electionem ex fide prævisa alstruunt, homines per gratiam Dei credere. Imò ne Pelagius quidem redivivus id absolute negaret. Falsum etiam, hanc prævisionem dari ante destinationem ad gloriam, ob causam ante dictam. Et cum, ex sententia Animadversoris, omnis crediturus necessario salvetur, prævisione illa fidei datâ, destinatio ad gloriam erit superflua. Semel enim prævisa in aliquò fide à Deo, cuius prævizio falli nequit, gloriam ille consequetur, nec opus destinatione nova consequente. Adde, Deum multos destinare ad gloriam, quos tamen prævicit non credituros, ut infantes extinctos in foedere. Vnâ verò & eadem causa destinationis singulorum ad gloriam, destinantis nimirum beneplacitum. 23. Deum eos addicere interitus *quorum obstinationem invictam adversus Evangelium certissime prænovit, κατέλεσ* falsum est, nec enim id de iis dici potest qui id nunquam audivere. Et quum obstinatio ista in omnibus non potuerit non prævideri causa, esse non potest, ut hic potius addicatur interitus quàm alius. Communia enim non faciunt discrimen. An etiam Deus illos salvari voluit, quorum obstinationem invictam adversus Evangelium certissime prænovit, nec tamen emendare voluit? Si Animadversorem audimus, dicendum erit, Deum obstinatione ista invicta laborantes salvari voluisse, sub conditione, ne eâ laborent. 24. An destinationes istiusmodi dici possint actio Dei; tum *misericordis*, tum *justi* hic non disputabimus. Si tamen negaretur Animadversori ab aliquo, destinationem ad vitam magis actum misericordis dici debere, vel destinationem ad exitium magis actum justitiæ quàm destinationem creandi mundum; debere vocari actum omnipotentis divinæ, hæretet dubio procul in nodo isto expediendo. Si enim voluntas demonstrandi potentiam non dici debet actus potentis, nec voluntas demonstrandi misericordiam vel justitiam, actus misericordis vel justitiæ dici debebunt, sed actus beneplaciti potius divini. 25. Et quia Deus *non credentibus voluit exitium obtinere* ab æterno, & voluit plurimos in incredulitate & nasci & mori, noluit omnes & singulos salvari. 26. *Inrepestivè* quæritur ait, *quomodo possit ea dispensatio, cum Dei sapientia consentire, quum in ea tot tantæque virtutes occurrant.*



*citant.* At & dispensatio ista *ἡμεῶν ἰσθὶς* est, & hic concursus imaginarius. Nec quamvis cum Dei sapientia consistere posset, sine scriptura statuenda foret. Sic, an quia ad maiorem vel sapientiz vel bonitatis divinæ commendationem facere videtur, ruinam non permittere, quàm eam instaurare, & ex parte tantum, ut &, peccatum vel planè non permittere, vel uni-duntaxat peccanti imputare, quàm omnibus talia statuenda sunt? Non impestivè ergo quæritur, quid cum sapientia Dei consistere possit, tot absurda secum trahens dispensatio? Nec ulla Animadversoris vel præfidentia vel grandiloquentia nodos à nobis nexos unquam expediet. Nec quicquam causæ, cur fingatur *Sapientia exercitium reliquarum Dei virtutum intercipere*, si negetur Universalis gratia. Haudquaquam enim fingendum exercitium virtutum Dei, indignum sapientiæ Dei, inter quam quippe & reliquas, quas in Deo concipimus virtutes summa datur conspiratio. Legitimum verò & Dei perfectioni conformem in æconomia gratiæ universalis virtutum Dei usum dari, splendide supponitur. Obtestor hic seriò Lectoris fidem, ut dicta nostra mutua conferat, & judicet, an à nobis opposita, ab Animadversore oppugnata fuerint, nedum eversa, & an projecta illa disputandi ratio, per meras digressiones & repetitiones *ἐν ὁρῇ*, tam magnificè, tot diatribis ingeri debuerit. Dictum aliquando de aliquo, eum à themate suo non recessisse, nec malè, nec enim ad id ullo modo accesserat. Idem de Animadversore nostro hic & passim alibi, verè dici potest.

## CAPUT II.

An prima promissio Genes. III, 15. particularis fuerit  
an Universalis?

## BREVARIUM Capitis secundi.

**A**rgumentum nostrum. Responsio Animadversoris in Dissertatione. Ejus Examen. Absurda varia impatià Animadversori. Calvinus frustra allegatus. *ἡμεῶν ἰσθὶς* Animadversori. An ab aversione à serpentibus inferri debeat aversio à Daemonibus. An universalitas promissionum necessaria sit ad solatium. An fiducia omnibus concipienda victoria de Serpentibus. An omnes à dominio Diaboli liberati dici possint. Contradictio notata. Alia observata. Distinguenda promissiones de mediis & de fine. An odium Diaboli reperitur in omnibus. An & quid odium Diaboli sit ingenitum. An absoluta & actualis contritio capiti Serpentis indicetur, an verò conditionata & potentialis. Quid *ter* designet. Glossema Animadversoris confutatum. An per unos homines flet, quod fructum victoriæ Christi non consequantur. Absurda varia notata. An victoriæ excidant homines, eò quod credere dedignantur. Quid per semen Serpentis.

cia intelligendum. Animadversoria expositio confusata. Quā similitudo inter homines & Dæmones, naturalis an moralis. Quid per Serpentem intelligatur. Qui historia sentationis sit intelligenda. An naturale odium inter homines & serpentes fuerit ante lapsum. Contradictio notata. Querela iniusta Animadversoria. Erroris imaginarii absterio. Exempla ab iride & Serpente discussa. Serpens homini non adversus ante lapsum. Philosophia inutilis de veneno Serpentis, & propensione ad morsum Gryphi Animadversoria. Contradictio ejusdem. Sententia nostra truncata. Ejus probatio. Defensio Animadversoris de impij & reprobu refusa. Contradictio nova ejusdem. Distin-  
 mulata ab Animadversora necessaria, occupata non necessaria. Digressio inutilis de homini & serpentum odio. An odium hominum in Dæmonem sit universale. Et unde illud. Digressio alia inutilis. Insignis error Animadversoris de anguib. Causa cur calcaneum serpens dicatur petere. Assertio jocularis de victoria à serpentibus reportata. An Christus omnium vās fuerit. An venia spem Deus fecerit omnibus. An omnibus se præbuerit placabilem, & an hoc sufficiat. An facilis sit hominibus victoria de Diabolo. Adhægia notata & refusa. Alia notata. An omnes excellenti Dei vocationis participes fuerint. Qualis detur respectu innumerorum. An Diabolus etiam plagam tantum faciat in inferioribus anima partibus. An in mente sit sedes vita spiritualis. Corruptio & sanctificationis nostra extenuatio. Inania Animadversoris effata. Petitio, & c. ap. 22. An victoria nullo negotio sit parabilis omnibus sub conditione. Adhægia alia notata. Digressio inutilis. An invidia Diabolorum in homines causa sit imperij hominibus concessum in res aspectabiles. Falsa assertio notata. Qui quidam puncta Dei dicatur ferri in naturam humanam. Alia assertio falsa. Absurda & falsa alia. An aliquis sponte perire velit. Conditionis inanis propositio.

I. **A**rgumentum nostrum secundum, quo voluntatem universalem miserendi ad salutem omnium & singulorum hominum destructum ivimus Thesi vi. ductum fuit ex Cap. Gen. 111, 15.

In quo diximus primam promissionem misericordiz, omnium aliarum radicem, contineri, eam verò particularem constitui, non universalem, illis quippe duntaxat destinatam, qui semen mulieris sunt, contradistinctum semini Serpentis, pro quibus, in quibus & à quibus caput serpentis post caput suum, & illius virtute, vel contritum est, vel contendum.

II. Respondit Dissertator in Dissertatione sua duas in paucis verbis meis hallucinationes esse 1. Quod semen serpentis homines esse censuerim, quum tamen eo non homines designentur, sed Dæmones, qui Diaboli Ducis sui rebellionem sunt æmulari. Hanc Calvinii mentem fuisse. Et sanè ut serpens qui muliorem decepit, non homo fuit, sed Diabolus, vel ejus instrumentum: sic semen serpentis in quod odii materia propagata est, debere esse vel Diabolos, vel serpentes. Alias semen non esse ejusdem generis, cum eo ex quo profluxit. Impios sanè appellari Diaboli filios, sed oppositè Dei filiis, non semini mulieris. Si per serpentes etiam designarentur homines, reciprocum esse debere odium inter fideles



les & infideles, quod abhorret ab ingenio Christianorum, & à Christi mandato. *Semen mulieris* etiam non denotare fideles, nec *quà fideles* sunt, cum Evæ fides nusquam proponatur ad imitandum, nec ea fidelium vocetur mater. Nec *quà sunt homines*, sic enim omnes comprehendendos, nec aliquos vocandos semen serpentis. 2. Quod promissionem istam fecerim particularem, victoriæ verò Christi de Diabolo fructum talem non esse, nec maximam hominum partem à se repellere, quod hic de Christo dicitur. Secundum Calvinum, promissi hominibus in commune & indiscriminatim, semen mulieris contritum caput Serpentis, ne quis putaret se arceri à misericordia Dei & spe veniæ. Hanc promissionem debuisse Adamum posteris suis communicare. Hoc verò esse eam facere universalem. Promissionis illius oblivionem hominum culpæ imputandam & incredulitati, quod maxima pars nullum ex victoria illa fructum referat. Plerosque à Diabolo superatos, quod in castra victoris se recipere noluerint. Dato etiam, semine serpentis infideles significari, Deum ita loquutum, quia prævidit fore, ut multi credere dedignarentur; Non sequi tamen, si credere voluissent, quin naturam Serpentis exuerent, & pro semine mulieris haberentur.

III. Regessi inter plurima alia Exerc. part. 1. à pag. 183. ad p. 267. Ad 1. *Hallucinationem* illam vel mihi imputandam non esse, vel juxta mecum omnibus Theologis nostris, qui per semen serpentis intellexerunt homines: Dæmones quidem etiam intelligendos, à me disertè dictum, sed non solos. Utrosque ita vocari, oppositos semini mulieris, quia in utrisque est virus serpentis, & is in iis exerit caput. Reprobos sanè tales semen Serpentis esse & dici variis Scripturæ locis. Et ut fideles dicuntur *semen Abrahæ*, quia fidem ejus imitantur, sic reprobos æquè ac Dæmones venenum & rebellionem Dæmonum & imitari & repræsentare. 2. Calvinus verba à me vindicata. 3. Demonstratum, illos non posse per semen mulieris intelligi, *pro quibus, in quibus & à quibus* caput Satanæ nec contritum fuit, nec conterendum. Imò in quibus id exerit, & per quos inimicitias cum semine mulieris gerit, observat & lædit calcaneum ejus, ac venenum suum diffundit. 4. Non sequi, si serpens decipiens, Diabolus fuerit, semen ejus homines esse non posse, quum *figuratè* tantum semen tribuatur Dæmonibus, adeoque spectanda sit non *speciei*, sed malitiæ & maledictionis conformitas. Impios meritiò hinc opponi semini mulieris, quia per istud intelliguntur illi soli quibus intercedit odium, cum dæmonibus, qui conterunt caput serpentis in capite suo, & cum eo, & quorum calcaneum tantum lædere potest. 6. Odium Filiorum Dei in semen serpentis non recedere, nec à Christi mandato, nec ab officio Christianorum; ferri

ferri enim non in personas, sed in venenum earum, adeoque de jure illis incumbere. 7. *Semen mulieris* hic denotare homines quæ fideles sunt, quippe quod inimicitias exercet cum semine Serpentis, quod caput ejus conterit & cujus tantum calcaneum serpens lædit. Quæ non nisi fidelium sunt; fide promissionem cum muliere excipientium. 8. Christum ipsum vocari semen mulieris, nec tamen ei fidem Evæ ad imitandum proponi. Hanc ergo denominationis causam solam non esse. Satis esse, fideles & ex illa muliere natos esse, & promissionem eandem excepisse, cum ipsa; & ejusdem victoriæ & effectuum ejus esse hæredes. Ad 1. 1, *Hallucinationem* inter alia plurima responsum, 1. Promissionem illam nec *absolutè* universalem censeri posse, nec *sub conditione*, tum quia nulla in textu, tum quia frustra facta foret illis, qui ex se nec conditionem scire possunt, nec ponere, quibus tamen Deo eam vel revelare non placuit, vel ejus gratiam non facere. 2. Victoriæ fructum ad eos tantum pertinere, qui in capite suo conterunt caput serpentis, in reliquis serpentem caput exerere, & eorum capitâ conterere, *pro* nullo etiam Christum fregisse Sathanæ caput, *in quo* id non fregerit. Victoriæ verò Christi à maxima hominum parte semper ignoratam, multis revelatam, sed gratiam non datam, sine qua tamen nemo eâ potiri potest, quæ ipsa etiam gratia inter beneficia ipsâ victoriâ parva est. 3. *Tò repellere vel non repellere* de illis dici non posse, quibus aliquid nunquam propositum. 4. Calvinî verba vindicata à p. 233. ad p. 243. 5. Promissionis communiter & indiscriminatim propositæ ostensa ratio, & inconsequentia ad universalitatem ejus. 6. Dispensatione Dei multos planè privari omni cognitione & fructu misericordiæ Dei in Christo demonstratum. 7. Officium Adami ignorantis distinctionem filiorum suorum, à Deo factam, non inferre universalitatem promissionis. Communicationem etiam externam promissionis sine gratiæ internæ eâ potiundi collatione salutarem esse non posse. Ex œconomia etiam Dei judicium faciendum de latitudine promissionis, Deum verò ita omnia dispensasse, ne omnibus communicaretur. 8. Quia promissionis istius memoria intercidit apud multos, *gratiam objectivam* non esse universalem. Et cum maximæ hominum parti nec victoria Christi, nec conditio ad ejus fructum necessaria proposita fuerit, incredulitati illius non esse imputandam privationem fructus istius. Imò si Christus serpentis caput *pro* talibus contrivisset, futurum fuisse ut id *in iis* etiam contereret, cum conditionis istius fructus sit gratia & justificans & sanctificans, adeoque contritionem capitis istius sub conditione non præstabili inaniter statui, quum incredulitatis sublatio sit ex potissimis fructibus istius victoriæ. 9. Omnes à Diabolo superatos fuisse jam ante pro-

promissionem, non ergo superatos, quod se in castra illa recipere noluerint. Id etiam de iis dici non posse, quibus nec de victore, nec de victoria, nec de castris ejus, nec de modo in ea se recipiendi quicquam unquam innotuit. Imò *pro quibus* Christus victoriam reportat, *in iis* etiam eum efficere, ut se in castra sua recipiant. Conditionis enim gratiam partem fructus victoriæ esse, & sine illa istam esse inutilem. 10. Prævisionem incredulitatis inniti decreto de permittendo omnium lapsu, & de non communicanda fide. Et quum prævisio illa non potuerit non esse æqualis respectu omnium, Deum noluisse eorum misereri, quibus gratiam ex ea emergendi & non dedignandi victoriam largiri noluit. 11. Dicere, *si credere voluissent, futurum fuisse ut naturam serpentis exuerent*, idem esse, ac dicere, *si naturam serpentis exuissent ex parte, futurum fuisse, ut eam exuerent*. Nec enim credere vult, qui eam ex parte non exuit. Adde, *me credere non esse conditionem exuendi naturam serpentis, sed salutis*. Nec dici posse, Deum voluisse vel *absolutè* vel *sub conditione*, ut omnes crederent, vel serpentis naturam exuerent, sine gravibus absurdis.

IV. Quid ad ista & plurima alia idgenus reposita in Exercitationibus replicat Animadversor? Variis locis & separatis quidem confusè admodum hoc argumentum attingit, sed nullibi ad præcipua objecta respondet. 1. A pag. 19. Part. 1. quinque paginis fermè integris Calvini commentationem in hunc locum sibi favere anxie & prolixè contendit, nec ullibi tantum operæ in Scriptura vindicanda ponit. Ista omnia retexere inutile foret. Nec enim humana Authoritate, quæcunque illa sit, hoc argumentum decidendum. Vnde de ea in hoc opere, compendii unius causa, solliciti non erimus. Ne communi quidem Theologorum nostrorum consensu hic urgebimus Animadversorem. Conferat etiam Lector reposita à nobis pro Calvino & è Calvino in Exercitationibus pag. 192. & p. 233, &c. & judicet cui nostrum Eximius ille Interpres faveat. Expendat etiam, Animadversorem non nos Calvini verbis, sed glossis suis urgere, nec ullibi dicere Calvinum, vel per semen mulieris omnes & singulos homines intelligendos, vel per semen serpentis tantum dæmones, quæ hic à me negata. 11. Probat Animadversor, dissidium inter homines & serpentes universale esse. Quid id ad rem? An ob id universale est inter homines & dæmones? An in illis locum habet, quos Christus *Diaboli filios* vocat, & quos *facere opera & cupiditates patris sui* docet Ioh. viii. 41, 44? An ut à natura odium insitum est generi humano adversus serpentes, sic & odium adversus Diabolum? At hoc merum gratiæ donum est, & illorum tantum, qui odio habent cupiditates & virus ejus. Sine veneno serpentum nascuntur omnes, at cum veneno Diaboli nas-

cuntur omnes. An etiam ab averfione naturali à serpentibus inferenda averfio moralis à Diabolo? 3. An si principatum aliquem Deus homini residuum facit in serpentes, secundum Calvinum, ille vel universalis est, & non plurimi etiam, cauti ceteroquin, interimuntur à serpentibus, vel si is universalis foret, an sequeretur gratiæ principatum in Diabolum etiam universalem esse? An etiam, quia Calvinus dicit, in eo *hominum* habitam fuisse rationem; omnes & singulos mortales intelligit? An denique ex *Anagoge* sequitur eadem latitudo doni naturæ & gratiæ, magis quam quia Israëlitz boni & mali omnes educti actu ex Ægypto litterali, sequitur eosdem omnes actu eductos esse ex Ægypto spirituali, & quia omnes & singuli bibere ex petra typica, omnes & singulos bibisse ex petra mystica? Multò maximam etiam *hominum partem* à Deo contemptam, hoc est, præteritam, pro absurdo ab Animadversore haberi non debet, quum idem admittere cogatur in collatione electorum & reproborum.

4. Quasi verò etiam homines miseriæ suæ solatium in verbis illis habere non potuissent, nisi illa ad singulos pertinerent! An nullum solatium adferunt promissiones quæ non sunt universales, verbi gratiâ, *legem meam in scribam cordibus eorum, peccatorum eorum non recordabor amplius*, & alia id genus? Imò an solida consolatio datur, ab iis quæ sunt communia electis & reprobis, salvandis & damnandis? 5. supponit Animadversor, non probat, omnes & singulos mortalium ex oraculo isto fiduciam concipere debuisse, odium serpentum sibi non nociturum. Et ubi fiduciæ istius in verbis illis fundamentum, & quale illud? Cur etiam *fiduciam* victoriæ de serpentibus omnibus, *spem* verò ejus tantum de Diabolo omnibus propositam innuit? An ista æquipollent? An Calvinus etiam quicquam aliud urget, nisi non ad literam de odio & ejus sequelâ inter homines & serpentes tantum sermonem esse, sed *anagogen* dari de victoria obtinenda adversus Sathanam, & id præcipuè Deum spectasse? An verò hoc à nobis negatum? 6. Cur supponit etiam, Deum vitæ corporeæ omnium isto oraculo adversus vulnera serpentum prospexisse? An absurdum; paucos ex Diaboli dominatu liberatos esse per Christi redemptionem? Annon ipsemet *absolutè* hoc tantum ad electos pertinere docet? Sin sub *conditione* liberatos alios intelligit, nec *absolutè* id efferendum erat, nec id locum habet respectu innumerorum, quibus Deus conditionem ne revelari quidem voluit, nedum largiri; Et quum incredulitatis relictio in homine sit pars dominatûs Diaboli in homines, homines liberabuntur à Diaboli dominatu, si se prius ipsi ex parte ab eo liberent. Quod tamen non magis præstare possunt, quam integram sui liberationem.

8. Calvinum per *homines naturam humanam*, hoc est, omnes & singulos ibi intel-

intellexisse *collectivè*, est τὸ κοινῶς. Ita verò homines ibi intelligit, prout opponuntur semini serpentis, hoc est, dæmonibus, nec eorum vel *simulachra* sunt, vel *instrumenta* vel *mancia*, & prout conterunt actu capita eorum in capite suo & cum eo, & prout calcaneum tantum ab iis læsum habent. An verò ista communia omnibus & *singulis* hominibus? An monendus denuo erit tam sublimis Doctor, in *materia contingente, indefinitam propositionem non equipollere universali*? Annon Calvinus disertè subjungit, *non omnes animi dissidere à Sathana*, quamvis universale sit Dæmonum in homines odium, ut ipse notat Animadversor & tamen ibidem disertè Calvino contradicit mira oscitantia, paucis post lineis, inquit, *omnes homines odium inexpiabile adversus eum (Sathanam) suu fovere*. Quod longè durius illis, quæ Calvinus ibidem habet, & quæ vexanda non sunt, obnoxia alioqui contradictioni. Scilicet odium tale in iis reperitur qui Sathanæ ingenium habent, cum eo tota vita colludunt, & Deum ac homines alios qui Dei imaginem referunt, odio habent! Prioribus itaque verbis promissionis, Deum omnes omnino homines comprehendere ex Calvinii sententia, falsum, adeoque nec id facit in posterioribus. Et quid absurdum, quam contritionem capitis serpentis ad innumeros referre, & quidem *actu ac absolute*, prout verba illa efficiuntur, quorum tamen capita conteruntur à serpente? Nec hic sermo *de officio*, sed *de eventu* ut patet, ne rimam hîc quærat Animadversor, *promissio* quippe hîc datur, non *hortatio*. Nec promissio conditionalis, hîc fingi potest, quin fiat ridicula. Et quum sit promissio *de medio*, conditionalis censeri non debet, quamvis ex quæ *de fine* sunt, conditionaliter in Scriptura proponantur. 9. Horror etiam & fuga Sathanæ, quæ *ingenita à natura* dicit Calvinus, & odium adversus eum non nisi de *paine* Sathanæ intelligi possunt, haudquaquam verò de ejus *culpa*, quum istam & imitentur multi summa cum delectatione, & propagare omni modo annitantur. Nec Calvinus alia mens, quàm semper & ubique futurum odium, inter semen mulieris & Sathanam, ubicunque nimirum illud semen sit futurum, nec id odium futurum *unius seculi*, ut disertè habet. Nisi enim verba sequentia *quam latè* scilicet *propagabitur genus humanum*, ita intelligamus, non cohærebunt. Id sanè universale non esse præter Scripturam, omnium seculorum experientia docet, quum de *actuali & absoluta* capitis serpentis contritione, loquatur Spiritus S. quàm universalem facere, paulò minus est quàm insanire. *Potentialem* verò & *conditionalem* subistitdere, est Scripturæ sua verba affingere, & petere τὸ ἐν δόξῃ. Iudicet jam Lector, quis nostrum verba Scripturæ servet integra, qualia ponuntur. Convitiis & supercilio causam istam agere, nostrum non est; nec debet esse hominis

Theologi. 10. Grammaticatione super ~~et~~ etiam opus non erat, nec enim *pronomen* istud aliud quid indicare dicimus præter *nomen substantivum*, quod præcessit. Immo pronomen ipsum retorquemus, quippe quod ostendit, illud tantum semen mulieris intelligendum esse, quod conterit caput Sathanæ actu, quod an univèrsale sit, docebit nos Animadversor.

V. Quæ verò ex istis omnibus se extricat? Calvinum non censuisse, inquit, universum genus humanum, de Diabolo reverà triumphasse, sed promissionem illi factam eventum suum ita sortitam esse, ut tamen ex semine mulieris unus homo exstiterit, qui serpentis caput contrivit, reliquis omnibus ita victoria parata sit, ut per eos unus stet, si fructum illius non consequantur. Credentes factos fuisse victoria compotes, eam sortem Christianis omnibus communem futuram fuisse & æquabilem, si reliqui non essent credere designati. Hanc verò culpam nec oraculo, nec Dei misericordia quicquam detrudere debere? Conscientiam hinc tuam & Lectoris interpello, Animadversor! Expende glossema tuum. An hic promissionis absolute sensus ab homine non ægro; vel non Scripturam ultro torquere volente, ut evadat, fingi potest? Annon non conteret in promissione actum notat & eventum sequuturum in omnibus illis, qui semen mulieris vocantur? An actualis contritio de uno intelligitur individuo, de aliis potentialis tantum. Quis istâ interpretandi licentiâ unquam usus? Semen mulieris, hoc est, universum genus humanum conteret caput serpentis, hoc est, paratam habet victoriam, ut per id unum stet, si fructum illius non consequatur. Sic, quod de eodem semine dicitur, futurum ut serpens ei calcaneum lædat (tantum scilicet) ut patet ex *antithesi*, & applicatione ad semen mulieris *ἐξ ὧν* sic dictum, ad illos etiam pertinebit, quibus Sathan actu conteret caput. Si unus etiam homo serpentis caput actu contrivit, vel id actu contrivit pro omnibus & singulis, vel non. Si prius, actu omnes liberavit à potentia Sathanæ, quod contra Animadversorem est, & id actu contrivit vel conteret in omnibus, adeoque id actu etiam ab omnibus & singulis conteritur vel conteretur. Si posterius promissio ista univèrsalis non est. Adde, nihil absurdius dici, quàm victoriam illis paratam esse & per eos unus stare, si fructum illius non consequantur, qui nec de victore, nec de victoria, nec de ejus fructu, nec de modo ejus potiundi quicquam unquam audire, imò ne audire quidem per ætatem potuerunt. Quid etiam est victoriam paratam esse illis sub conditione, si credant nimirum, si ipsi ex parte jam vincant Sathanam, victoriam habebunt paratam, quod tamen non magis in eorum potestate est, quàm integram victoriam de eo reportare? Si per unos etiam homines stat, quod fructum istum non consequuntur, qui per illos stat qui in



corruptione nascuntur, & extinguuntur in prima ætate? An per eos unos stat, ne ex infidelibus parentibus nati fuerint, vel ne adoleverint? Si per illos unos etiam id stat, annon falsum, *neminem posse venire ad Christum, nisi Pater eum trahat*? Nec quaestio, an qui credere, facti sint fructus victoriæ compotes, sed an si promissio ista ad omnes & singulos pertinisset, & illis facta fuisset; non omnes & singuli credituri fuerint, ut fierent ejus compotes? Et quia soli credentes ejus compotes esse possunt, & credere solius Dei donum est: Vtique vel omnibus fides destinata, vel victoria non destinata. Quid magis etiam absurdum verbis istis? *Quam sortem Christus omnibus communem fecisset & æquabilem, si reliqui non essent credere dedignati*, hoc est, victoriam reportassent, sicam reportassent, habuissent à Christo facultatem conculcandi caput serpentis, si id jam conculcassent. Non *dedignari enim credere* est jam credere, & caput serpentis conculcare ex parte. An etiam credere dedignati sunt illi, quibus nunquam Christus vel Evangelium proposita? Immo quibus ne proponi quidem potuere? Tales utique, secundum hanc glossam omnes salvandi erunt, quia credere non sunt dedignati. Confundit tandem Animadversor cautionem à serpentibus, quæ prudentiæ humanæ opus, & cautionem à Dæmonum insidiis, quæ meræ & particularis gratiæ opus. Illa externa, interna ista. Hominum culpam nec oraculo, nec Deo quicquam detrudere, *ἐξ αὐτοῦ*, sed si caput serpentis *pro* omnibus & singulis fuisset contritum, haudquaquam futurus erat isti culpæ locus. Videat jam Lector, an egregio isto lyrmate consequentiarum Animadversoris rinci debeam, & judicium ferat ex hoc specimine de integro specimine.

VI. Quid verò p. 25. addit in hunc locum? *Per semen mulieris homines, per semen serpentis demones intelligendos ex similitudine natura, qua inter semen, & id cujus semen est intercedere debet, ut inimicitia ista sint propagata à muliere in homines, à serpente in serpentes. Serpentem deceptorem non hominem, sed vel Diabolum fuisse, vel serpentem ejus organum. Sic semen serpentis, in quod odium istud propagatum, debere esse vel reliquos Diabolos, vel serpentes, in quibus sint simulachra quadam Diabolorum. Et ut absurdum sit, Diabolos vel serpentes appellare semen mulieris, quum mulier parere non potuerit nisi homines: Sic absurdum esse, homines appellare semen serpentis; quia ex serpente nihil nisi serpentes procreantur. At præterquam quod multa merè repetuntur, frustra ista omnia. 1. Homines per semen mulieris, demones per semen serpentis intelligendos, non negatum, omnes homines intelligendos sub priori, demones tantum sub posteriori, negatum, quia non omnes homines conterunt caput serpentis, imò multis ex istis id à Diabolo conteritur. 2. Similitudo sanè utrobique spectanda, an verò *physica* tantum naturæ*

ex alio procreata? At sic dæmones reliqui non sunt semen dæmonis deceptoris, nec enim ex eo sunt procreati. Sin similitudo *moralis* ingenii vel indolis intelligenda, sanè nec omnes homines sunt semen mulieris conuerens caput serpentis, nec impli non sunt semen serpentis, quippe cuius indolem referunt, & venenum habent ac exerunt. *Moralem* verò similitudinem hic intelligendam, patet & ex natura promissionis, & ex applicatione ejus ad dæmonem, qui & *moraliter* tantum serpens vocatur, & *moraliter* tantum semen habet. Illi etiam per semen mulieris, secundum ipsum Animadverforem, sunt intelligendi, in quos inimicitiz illæ actu sunt propagatæ. Adeoque qui conuerunt actu caput serpentis cum semine mulieris, coherent enim prædicata ista, & de eodem subiecto effertur. 3. *Dijunctiva* Animadverforis in *copulativam* convertenda, serpentem deceptionis auctorem h. e. Diabolum intelligi, & simul serpentem animal ejus organum. Sin semen serpentis, hoc est, Diaboli, sint reliqui Diaboli, in quibus sunt *simulachra* quadam Diabolorum, annon sic reprobi omnes sunt ejus semen? 4. Absurdum sanè, Diabolos vel serpentes appellare semen mulieris fide excipientis promissionem, quum nec *physicam* nec *moralem* cum ea habeant similitudinem, & illa cum semine suo istis opponatur. At absurdum non est, homines impios appellari semen serpentis, ob similitudinem illam *moralem*. Aliàs absurdè ex eodem fundamento tales ita à Christo vocati fuere, quippe qui docet, ex Patre Diabolo esse. Et quare? quia cupiditates Patri sui volunt facere Joh. v 111, 44. Vel malè itaque, quod blasphemum foret, Christus loquutus, & argumentatus, vel nos bene cum illo & post illum.

VII. Subjicit 1. Istam historiam duobus modis explicari posse; vel enim esse narrationem *merè allegoricam*, ut unus Diabolus intelligatur per serpentem, vel negotium illud esse *αἰνιγματικόν*, ut serpens etiam animal organum tentationis intelligatur. Super priore interpretatione, quæ absurda, frustra argutatur, quam scire debet falsam esse, nec quæ de reptatu super ventrem & comestione pulveris adduntur in maledictione, nisi violenter, non subtrato sensu literali, ad dæmonem referri posse.

VIII. Addit, Si præferatur interpretatio posterior, non modò locutiones illas *allegoricas* ex eo naturali odio (inter homines & serpentes nimirum,) desumptas esse, sed diserte notare odii illius initium, in eo quod Deus olim hæc verba pronuntiavit, dum serpentem alloqueretur. At 1. Supponitur sine probatione, naturale odium inter homines & serpentes ante lapsum, quod non magis fuit in serpentibus erga hominem integrum, quàm in reliquis animalibus. 2. Si illius odii initium fuit in verborum illorum pronuntiatio-  
hic



hicevidens? An enim loquutiones illæ aliud quid sunt quàm verba quæ pronuntiavit Deus serpentem alloquendo? Annon sic & odium antèrius statuitur illis locutionibus, & illæ tamen simul statuuntur initium illius odii. I. Inquit, *ut serpens in serpentes à se genitos odium in homines transmissit, sic Diabolus in tentatione princeps easdem inimicitias, quibus fertur ad exitum generis humani, in alios Diabolos exemplo suo propagavit.* An verò id in controversia? Annon potius illud, num in homines multos easdem etiam non propagarit? Et quum propagatio hinc *moraliter* respectu Diabolorum intelligatur, cur illa absurda statuitur respectu hominum? III. Conatur Animadversor se à reprehensione mea vindicare. Iure verò eum à me reprehensum, sola verborum nostrorum collatio docet; ex qua Lectori constabit, verba ipsius ita à me accepta, ut accipi debebant. Sin aliter accipienda fuissent, aliter etiam fuissent effrendenda. Et falsum semper maxime, *odium inter serpentes & homines intercessisse naturaliter.* Nec de ortu odii istius ambigere debebat, nec verè dicitur, odium istud occasionem Spiritui S. dedisse & Mosi, cur sic Deum loquentem introducerent, sed id eò cum sic loquentem introduxere, quia revera ista loquutus fuit. Nec enim verba à Deo non prolata, sed ab eo prolata ei tribuuntur à Mose. Ne quicquam etiam queritur, iniuste sibi à me tributum, tanquam *affirmativè dictum*, id in quo *alternativam* posuerit. Annon verò qui dicit, vel hoc modo aliquid esse, vel alio, ille censet, utrumque sine absurditate sic intelligi posse. Convitia quæ addit, de lubrica mea disputandi ratione, non moror. Lector æquus ex collatione scriptorum nostrorum de utriusque nostrum ingenio iudicabit, videbit etiam, an hoc sit responsiones meas antecapere, absurdum quod à me impugnatur, nudè asserere & repetere.

IX. Dicit, *me in eo errare, quod ex illo verbo, Inimicitias ponam, argumenter odium illud tum primum exstare cepisse, quum Deus ita loquutus est.* Idem etiam dici poni à Deo, Gen. ix. quum tamen nascatur ex causis merè naturalibus; quæ talem arcum in celo sinuavint, antequam Deus ista verba pronuntiaret. Sic *super pectus gradis* serpentibus naturale esse, et si tum exeperit esse pœnale. Quamvis itaque verum esset, nullas ante exstuisse inimicitias inter homines & serpentes, id tamen ex vi verborum illorum non probari. At I. Iridem ante diluvium fuisse, ex causis ejus naturalibus patet, inimicitias illas fuisse, haudquaquam patet, sed oppositum potius. Iridi *formale* novum, vel *relatio* nova accedere potuit, istis non item. Idem dici potest de reptatu serpentis, qui sanè post maledictionem demum capit esse molestus & pœnalis, & opponitur erectioni serpentis in homine decipiendo, prout loquitur ejus opponitur *oppletio*

oris pulvere. Constat etiam hanc serpenti naturam inditam fuisse, ut reptaret. Probet verò Animadversor, vel naturale fuisse serpenti ante lapsum, ut odio haberet hominem, vel homini, ut odio haberet serpentem. At serpens æquè dominationi hominis ante lapsum obnoxius erat, ac animalia alia, & inclinatio omnium animalium ad obsequium hominis patuit ex ultroneo illorum ad hominem accessu, ut nomen ab eo consequerentur. Nec homini innocentis creatura ulla se opponebat, sed subiciebat potius, & id inter hominis pœnas fuit, quod imagine Dei maximam partem amissa, bruta animalia cæpere in hominem insurgere. Et sanè *το ποnam inimicitias*, &c. opponitur familiaritati illi, & velut amicitiz, quæ prius fuerat inter mulierem & serpentem, ita familiariter inter se colloquentes. Ex verbo itaque *το ποnam* verè *initium* odii istius potest probari, quum erga integrum hominem odium in nullo animali dari potuerit. Dei itaque, ut inquit, *providentiam, in serpentibus ira impetum & nocendi studium prohibuisse*, dicitur sine probatione. Repugnasset sanè id pleno hominis in animalia dominio, cui debebat respondere plena in iis subiectio. Frustra etiam philosophatur, an venenum ante in serpentibus fuerit, an propensio naturalis ad morsum. Id enim tantum in questione, an serpens in hominem integrum venenum suum effundere, & eum morfu appetere cupiverit, quod non magis verisimile, quàm reliqua animalia, cornua, dentes, & rabiem suam in hominem exerere cupiisse, sed tantum cohibita fuisse vi externa. An enim ista conveniunt cum concessio homini imperio in animalia, & ultronea ac plena eorum subiectione? Et an *malo physico* potuit obnoxius esse homo expertis *mali omnis morali*? Egregiè tandem addit, *nihil me in verbis ejus animadvertere potuisse, ex quo colligerem ea de re quid sentiret*. Gryphos ergo nobis dedit, non verba, & dicta ab ipso *sensum* non habent, sed *sonum* tantum. Iudicet Lector, annon sententiam suam satis exposuerit, dicendo: *Certe illud, inimicitias ponam, &c. vel ortum est ex eo, quod naturaliter dissidium inter homines & serpentes existit*, &c. Immo sententiz isti sua superstruit argumenta, quæ eà concidente & ipsa concidunt. Si etiam hoc non supposuit, ut *rem que in cujusquam mentem cadere posset*, cur sic loquutus est, & annon verba sua absurda, & conceptus suos *ἀναγκαλίαν* ipse fatetur? Si argumentationis etiam ipsius vis nullam talem suppositionem postulabat, cur verba ista adhibuit? Vertiginem verò etiam Theologi miretur Lector, qui pag. 124. disertè fatetur, *peccato admissio inimicitias exortas fuisse, & à quo tempore decepta fuit Eva, odium utrinque exarsisse, inter serpentem & mulierem nimirum*. Et hoc non est splendide sibi contradicere, idem negare & affirmare, si conferantur cum iis, quæ habet in eadem

dem Diatriba. Revera si Lector vel ex hoc uno specimine, de cætera Animadversoris *solutiloquentia* iudicium facere velit, habebit unde tantam in disputando felicitatem gratuletur Heroi nostro, idem proferenti & resorbenti, nectangenti ea, quæ maximè controversa.

X. Pag. 62. Denno recurrit ad locum Gen. 111, 15. Et 1. Sententiam meam truncat, validiorem cæteroquin, quàm quæ expugnari possit, etsi enim per semen serpentis incredulos intelligendos esse censuerim, id tamen non *exclusivè* à me dictum in ordine ad dæmones, immò & illos comprehendendos diserte à me notatum. Integra verò mea sententia proferenda erat. Sin per semen serpentis solos Diabolos intelligendos censet, cur rationes meas non confutavit? Sin fateri cogitur, incredulos etiam ista nomenclatione designari, quid litigat? 2. Objeceram, illum *impios* distinguere non debuisse à *reprobis*, quum iidem sint impii, qui filii Diaboli, vocantur in Scriptura & reprobi. Quæsi veram etiam, cur impios præponeret reprobis, quum illi in tempore demum tales sint, isti ab æterno? Excipit: *se non distinxisse impios à reprobis nisi ratione, quia quatenus impii sunt, habent qualitatem illam inherentem in se, quum reprobatio nihil tale designet. Impios se præposuisse reprobis, quia prioris posterius debuit esse ἡ ἐκζητήσιον ut id intelligeretur de iis, qui in impietate perseverant, quia sunt reprobi. Si etiam conjunxisset utrosque, nihil cause futurum fuisse, cur hic tam laboriosè torquerem.* At ista obiter tantum à me notata, verè tamen, & quidem homini accurationem à me cfflagitanti in respondendo. An etiam hæc tanti non sunt, ad ἀνεπίστατον Theologicam, ac pædagogicæ quisquiliæ, quibus duas priores partes sui speciminis opplevit? An ob distinctionem vocum minus idem subjectum designatur, & unum nomen sufficere non poterat Viro ad eò verborum parco? Quid jocularè etiam magis, quàm nomen reproborum, quippe quod longè obscurius, à se positum dicere, ut ἡ ἐκζητήσιον prioris, quod multò clarius? At aliquem esse *impium*, patet, *reprobum* esse, latet. Quid opus etiam fuisset ista ἡ ἐκζητήσιον, si solos reprobos designasset? Observet etiam Lector verba Animadversoris: *Alios in impietate perseverare, quia sunt reprobi.* At alibi homines in incredulitate ad eòque in impietate perstantes præstruit reprobationi, quando dicit, *Deum homines ex certissima incredulitatis prævisione ad iram constituere.* Construat jam ista Lector, *homines in impietate perseverant quia sunt reprobi, & tamen ex impietatis* (qualis non potest non esse incredulitas perseverans) *prævisione demum reprobantur.* Annon idem sic erit prius simul & posterius? Et si homines in impietate perseverant, quia sunt reprobi, qui Deus voluntatem habuit tales servandi, quos ab æterno reprobare voluit?

XI. Pag. 123. Redit ad verba Genes. III. 15. & ita toties eundem locum tractando, ostendit, à se nec sibi nec Lectori prioribus Dissertationibus satisfactum. 1. Inquit, me promissionem ibi propositam particularem facere, & per semen mulieris intelligere solos electos, *pro quibus, in quibus, & à quibus caput serpentis fuerit contritum*, post caput suum & illius virtute. Quod verum & immotum. 2. *Calvini* iudicium tangit, de quò supra actum. 3. *Integra verba sic se habent*, inquit, *Inimicitias ponam inter semen tuum & semen ejus, &c.* At hæc non sunt integra, sed truncata, priora enim omissa, *inter te & mulierem*. 4. Repetit inutiliter, quid per mulierem, quid per serpentem sit intelligendum. Nec homini vel à serpente vel à Dæmone ante lapsum quicquam fuisse metuentum. An verò ista in questione? An hoc est respondere ad ea, quæ à me proposita? An etiam integrâ paginâ rhetoricandum propemodum fuit de hominum & serpentum dissidio, istorum insidiis, illorum horrore & ejus causa? An hoc præcipuè intendit Spiritus Sanctus? Annon hoc est urgere Iudæorum glossema, qui de ista applicatione ad serpentem animal locum illum vel solum, vel præcipuè saltem intelligendum censent? An negatum etiam erat, inter Diabolos & homines implacabiles esse similitudines? Probandum verò fuerat, inter Diabolos & omnes homines eas intercedere. Annon multi ex hominibus Diabolus ingenium & instinctum sequuntur, & implacabiles, ut ejus organa, cum semine mulieris exercent similitudines? 6. Nec de causa, cur horreamus Dæmonem, philosophandum erat, de qua nulla quaestio. Nec dicendum erat, *si qui sint inter homines qui odium illud adversus Diabolum deponere*. Tales enim plurimos reipsa esse, notum, omnes nimirum, qui Spiritu Dei non aguntur, qui possidentur & reguntur & impelluntur à Diabolo, & ductu isto gaudent. Cur verò non omnes tales, nisi quia quod naturale vitium omnium est, placuit Deo emendare in filiis suis? An ullus etiam se à dæmonis ductu & societate avertere naturaliter potest, sine efficaci Dei vocatione? Nec societas cum Diabolo restringenda duntaxat ad eos qui pactum directum ineunt cum Sathana. Nec omnes qui cum Sathana coludunt, à reliquis mortalibus promiscuè, minus universaliter, sed à Filiis Dei tantum execratione digni habentur. Alii sæpè illis ut felicibus ad blandiuntur. 7. Quid opus erat, quoad *eventum* inimicitiarum istarum integrâ fermè paginâ philosophari de hominum & serpentum pugna, & prætermittere à me objecta quæ jugulum causæ feriunt. Quid priora faciunt ad gratiam universalem? Annon & istius digressionis sine ulla causa captatio, & dissimulatio eorum quæ à me objecta, arguant, aquam hîc hâsisse supercilioso isti Disputatori? Annon falsum etiam asseris,

angues alius se attollere non posse, quàm ut hominis calcaneum petant, quasi hinc fiat, quod calcaneum hominis petere dicantur? Si rerum naturalium, Africæ etiam & Americæ Scriptores, immò & experientiam Europæorum hominum consulisset, didicisset melius de serpentibus philosophari, & agnovisset, eos longè altius se attollere posse, & id ordinariè facere. Idèd verò calcaneum serpens hîc petere dicitur, quia dum eo conculcatur, se altius attollere non potest, & partem istam capiti suo imminentem lādere morfu suo conatur. Homines etiam promiscuè & superiores esse serpentibus, & victoriam sine periculo reportare à serpentibus, nisi vel non satis caute incident in anguim insidias, vel præter naturam institutum se ad terram ita incurvent, fingitur, non probatur. Immo & cautiissimi sæpè ab anguibz perimuntur multis in locis, ubi latent, & victoria sæpè cum gravi periculo reportatur. Ioculare etiam, eos ab anguibz victoriam non reportare, qui calum non intuentur erecto vultu. Tales enim celum intuentur maximè patent anguibz, ut Philosophus ille solus fui; ii demum minus qui ad terram despectando angues & eosque ac technas cavent. Et quid quæso tota hæc dissertatio facit ad gratiam universalem? 8. Christum omnium vadem fuisse, & omnes representasse videtur Animadversori, non nobis, nec orthodoxis aliis. An verò id ipsum non est in quæstione? An etiam illos representavit quos dicit se nunquam novisse, pro quibus orare non vult, quibus nunquam voluit revelare vadamonium suum, & quos Deus odisse indicatur, antequam quicquam fecissent boni vel mali? 9. Venia spem Deum omnibus fecisse, sano sensu, ἡ ἐξ ὧν ὅτι, hoc est, quibusvis, omnibus & singulis, falsum. An satis etiam, Deum se placabilem ostendisse? Annon opus erat, Deum se ostendere placatum, & docere modum ac medium istius placationis actualis? An quandiu hoc non revelatum, homo solutus esse potest eo metu, qui à justitia Dei impendet? An qui Principem aliquem placabilem scit, nec tamen novit quî placari possit, vel novit lytro opus esse suas vires excedente, metu solutus est? 10. Absurdè dicit, certamen cum uno Diabolo vestire, quasi hoc unum non maximum foret, nisi cum debellatur sciamus à Christo! Facilem hîc hominibus victoriam esse, aliquibus, nimirum, Dei Filiis, verum; omnibus, falsum. Immo reliqui omnes ab eo vincuntur, quia sciunt Deum tantum placabilem esse, non placatum, immò placamentum istud nec norunt, nec sibi applicare possunt. Adde regenitos ipsos sæpè maximè æstare in isto certamine cum Paulo, Rom. vii, 14, &c. Nec pudere debet Animadversorem, hîc recedere ab hominum infauistorum, locum istum apertè, post Pelagii scholam veterem, depravantium gurgultio, & argutationes suas confutanti solidissimo

Theologo, *Gulielmo Riveto*, vel Deo potius & veritati in aperta luce constitutz, obsequi. Subtile etiam istud est, & tanto novæ Theologiæ architecto dignum, *victoriam istam hominibus facilem esse, si pugnam animosè capeſſant, nec à rebus cælestibus ad quas vocantur, ad res terrestres se turpiter & flagitiosè provolvant*, hoc est, facilem fore victoriam hominibus, si eam obtineant. Quid enim hoc aliud, quàm vincere? Unde etiam & facultas & voluntas pugnandi, & animosè quidem, & aversio à rebus terrenis, nisi à Dei spiritu? An facile omnibus & singulis eum habere? An alii, præterquam electi, eum vel habent vel habere possunt, ad victoriam ipsam obtinendam? Annon sine Christo nihil possumus facere, & spiritus ille spirat ubi vult, non ubi nos volumus? Cur etiam *indefinitè* dicit, nos vocari *ad res cælestes*? Annon hinc intelligenda gratia Euangelica in Christo proposita, sive actualis Dei per eum placatio, & salutaris cognitio talium? An verò omnes & singuli ad res istas vocantur? *1. Si etiam sic abjectos Sathan vulnerare potest* *ἐν τοῖς κατώτοις*, & naturaliter nemo non sine tractione Patris *sic abjectus* sit, & hanc operationem Deus solis electis peculiarem esse voluerit, utique haudquaquam voluit reliquos ab isto vulnere immunes esse. *12. Egregium etiam! si excellentius illius vocationis, prout decet, meminerunt, Sathanam habent sub pedibus*, hoc est, si Sathanam sub pedibus habent, eum sub pedibus habent. Quid enim est excellentis illius vocationis meminisse, prout decet, quàm illam & admittere, & ei parere, adeòque credere! Annon verò *fides nostra victoria nostra est*, & qui credunt, Sathanam sub pedibus jam habent? Qui etiam innumeri, qui excellentius illius vocationis nec participes fuere, nec per ætatem esse potuere, *ejus meminisse potuere, prout decet*? Næ ista sublimem spiritum decet Theologia! Vel enim per excellentem illam vocationem intelligitur, vocatio *per verbum* ad gratiam in Christo revelatam, & satisfactionem ab eo præstitam, & notum, eam universalem nunquam fuisse, vel intelligitur vocatio *per naturam*, & sola quidem, & ista nunquam ulli salutaris fuit, vel esse potuit, quum non sit *ministerium spiritus*, ut ipse Animadversor fatetur, nec in geneſe objecti eum revelet, extra quem nulla salus, & cujus distincta notitia, in N. Testamento saltem, ut fatetur ipse, omnibus necessaria est. Adde, neminem qui per naturam tantùm vocatur, vocationis illius meminisse posse, ut decet, sine speciali Dei dono, & interno quidem, quod nunquam fuit universale. *13. An Diabolus etiam plagam tantùm facit in inferioribus anima partibus?* Id ne in Dei quidem filiis verum, quorum menti & cordi sæpe plagas infligit, etsi non lethales. An venenum Diaboli non pervenit ad mentem Davidis, Petri, aliorum? Dilutum etiam & ἀσθενὲς, in mente vitæ spiritualis sedem esse? At cordi,



hoc est, voluntati hoc à Scriptura passim tribui, notum. Scilicet, secundum Animadverforis Theologiam, & corruptionis & regenerationis immediatum tantum subjectum mens est, quæ post se trahat ad malum vel bonum reliquas facultates. Sic ad sanctificationem hominis sufficit mentem potenter illuminari. Reliqua naturali sequela sequuntur: Scilicet opus erat scripturam tot emphaticis vocibus, iisque aggeratis, nobis describere regenerationem per *creationem*, *vivificationem* & *cordis carni ex lapideo formationem*, & alia id genus, cum illuminationis vox sola suffecisset abunde, sed de his infra dispiciendum. 13. Lepidum etiam, addere, *vi fidei & pœnitentia animam facile convalescere*: vel enim id de Filiis Dei intelligit, & id nihil facit ad Gratiâ Universalem: vel de omnibus & singulis, & qui per fidem & pœnitentiam facile convalescere possunt, qui eam nec habent, nec habere possunt, ut quæ specialis gratiæ effectus sunt? Immo quum ista sint dona electis solis propria, nemo nisi electus convalescere potest. Nec salutaris esse potest ulla vocatio ad res cœlestes, sine isto dono. 14. An seriò etiam addit Animadverfor, *Christum reliqui*, hoc est, omnibus & singulis (id enim intelligendum ex mente ejus) *victriam reddidisse nullo negotio parabilem*, si ad tantum Redemptorem sese cum fide recipiant, ut ejus præsidio freti cum hoste jam prostrigato præliantur? Annon ista omnia in questione, an Christus victoriam omnibus & singulis reddiderit parabilem? An dici etiam potest, illam victoriam nullo negotio parabilem esse omnibus & singulis, quum nec victoriâ ista, nec conditio, sub qua duntaxat utilis esse potest, innumeris unquam innotuerint? Quid jocularè magis, quàm dicere *Christum omnibus hominibus victoriâ parabilem reddidisse, sub conditione*, si ad eum cum fide se recipiant. Atqui ad eum se recipere possunt illi, qui de eo nihil unquam audivere, nec potuerunt audire, *χωρίς κηρύξεως* & Rom. x, 14? Annon etiam cum fide se ad tantum Redemptorem recipere, est speciale Dei donum, & innumeris nec destinatum, nec indultum, & quod solorum electorum est? An etiam se ad tantum Redemptorem recipere cum fide, non jam est victoriâ habere? victoriâ ergo illis parabiliserit, si eam jam habeant! Hæc verè mira sunt & solo hoc Disputatore digna, qui de aliorum in disputando *ἀνὰ δόξαν* tam magnificè gloriatur, & eos locum istum non satis accuratè perpendere censet! 15. Cui bono denuo digressio inutilis ad argumentum de duobus gradibus creaturarum intelligentium, quamvis Angelos propriè & *ἰερόχω* vocari nōrit ob id *intelligentes*, & *intelligentias*, homines *rationales*. Nec bene constituti Scholarum termini hîc temerè refigendi. Ad quid etiam conducit *ἡ ἀγάπη*, *ἡ μακαρία*, καὶ *ἡ αὐτοκαλομένη* in Deo representatio? 16. Vnde probabit, Angelos *invidiâ incensos erga homines*,



quod Deus istū imperium assignarit in res omnes aspectabiles? Vbi id Scriptura docet? Et annon imperio omni in res sublunares potior erat natura Angelorum spiritualis, & continua eorum coram Deo in cælis comparitio? Annon præstat causam invidentiæ istius referre ad sanctitatem & felicitatem hominis, vel ad conjunctionem ejus cum Deo suo in gratia, quam ipsi inuidebat Sathan? Imperium sanè in creaturas Diabolus facile hodie adhuc concedit homini, immò offert, modo eum sanctitate & felicitate sua evertat. 17. Falsum etiam, Deum significare aperte, nihil à tentatore promotum respectu ullius mortalium. Immò omnes erant eversi à Sathan in primis parentibus. Solum verò semen mulieris, sumptum pro fidelibus restitutum potius esse, quàm non dejectum de gradu vel fateri debebat, vel rationes à me in Exercitationibus adductas confutare. Semen verò serpentis, hoc est, Diaboli filii plenè in tentatoris potestatem reducti, sub ea permanent in perpetuum. Φιλαυθρωπίαν universalem in naturam humanam, adeoque in omnes & singulos, Deo attingere, est petere τὸ ἐν δόχῃ. In naturam humanam cæteroquin ferri tantum dici potest τῆς λόγον συγγεσίως, quia non fertur in Angelicam, & quia homines plures restituti, Angelorum nemo. Quamvis propriè loquendo feratur in personas potius quam in naturam. 18. Diabolus hoc unum profecisse, quod adum hominum acerrimum in se concitavit, falsum, nam & hominum odium concitavit in Deum, nec odium sui excitavit, nisi in iis qui caput ipsius virtute capitis sui proterunt. Nec odium in Sathanam universale dici potest sine aperta falsitate. Scilicet tale in illis reperitur, qui ex Diabolo sunt, qui cupiditates ejus facere volunt, & iis toto animo delectantur? 19. Christum imperii sui omnes & singulos homines participes facere velle, nisi sponte perire vellent, & victoria ductum & auspicia sequi dedignarentur, partim falsum, ἀμφισβητήριον saltem inter nos, partim absurdum, cum innumèris nec victoriam suam, nec conditionem ejus consequendæ, vel ductum & auspicia sua patefacta voluerit. Annon etiam hîc denuò conditio recurrit cum conditionato? Nec verum, ullum sponte perire velle, id enim nemo à se impetrare potest, etsi id sponte facere possit, unde sequitur perditio. Et qui sponte perire volunt, qui ne ætatem quidem attingere inter gentiles, quicquam volendi, vel de salute aut exitio suo cogitandi? Et sub qua conditione tales voluit Deus esse participes istius imperii? scilicet si caverent, ne nascerentur ex parentibus infidelibus, vel si impedirent mortem suam, vel si adulti exuerent naturalem malitiam, quam tamen non magis exuere possunt, quàm non esse, quod sunt! Et sic concludit Animadversor, plus satis de hoc argumento à se actum. Sirrhetorizationes id genus opposuissent Animadversori, causæ nihil fuisset, cur me

me non merito omnibus istis contumeliis obrueret, quas velut è plau-  
stro in me coniecit è fastigio suo. Fidem & candorem Lectoris inter-  
pello, ut conferat nostra, & iudicium ferat de utriusque conscientia &  
disputandi ratione!

## CAPUT III.

An Scriptura promissionis primæ complementum particulare  
fecerit in *Adami, Noachi, & Abraha familia*, & tota  
gratiæ æconomia?

## BREVARIUM Capitis tertii.

**C**onfutationum inanis repetitio impaſſa Animadverſori. Suppoſitiſſe falſa notata. Opo-  
ſitum in appoſito adjeſſum Adallegia & contradiſſio. Cauſa diſcriminationis ho-  
minum. An promiſſio ſub conditione ad omnes pertineat. Animadverſoriſ abſurda de  
liberis Abraha locutio. An Deus omnes & ſingulos ſalvari voluerit. Contradiſſio A-  
nimadverſori. An univerſis ſpes remiſſionis oblata. An iſta oblatio ſufficiat. Repetitio  
illius quod eſt τὸ γενικόν. Voluntas particularis de ſalvando hominibus ex Animad-  
verſoriſ verbis eviſa. An invitatio ad fidem & poenitentiam univerſalis dici poſſit.  
Subminiſtratio particularis virtutu interioru evertit gratiam univerſalem, & inten-  
tionem Dei circa ſalutem hominum manifeſtat. An ex promiſſione Adami & Evæ factæ  
inferri debeat ejus univerſalitas. An Deus voluerit eam actu omnibu ſorum poſteris  
communicari. An mortem præſentem homini fuerit interminatus. An omnes incredi-  
bili benignitate invitari ad remiſſionem peccatorum. Bonignitatis iſſui examen. An  
oder placamenti, ſædus de natura conſervanda, & ejus ſacramentum Noacho miſeri-  
cordiam univerſalem pertendorum. An fœderis gratia, & fœderis de natura conſer-  
vanda eadem ſit latitudo. Fuga Animadverſoriſ, & objeſtorum declinatio. An in A-  
braha familia demum cœperit divina diſpenſationis mutatio. Equalis & diſtinctio  
evertit à poſteriori. An Deus verbo ſpem remiſſionis oſtenderit, & non fiduciam potiùs.  
Diſcrimen utriuſque. An providentia adminiſtratio ſit præco Evangelii. Oeconomia  
verbi particularis gratiam objeſtivam particularem arguit. An hominum negligentia  
tantum revelationu obliteration ſit adſcribenda. Iſtius obliterationis confeſſio evertit  
gratiam univerſalem. Qui prædicatio verbi latior ſit gratiæ ſubjeſtivæ. Bonitatis di-  
vina maniſeſtatio alia eſt τὸ γινώσκω, alia in promiſſione gratia. An τὸ γινώσκω & τὸ εἶπε miſe-  
ricordiam Dei annuntiet peccatori. Ejus ex Scriptura explicatio. Fœderis legalis per-  
verſa explicatio & applicatio. Promiſſionis gratia revelatio univerſalis evertit, adeo-  
que & gratia objeſtiva. Qui ſe Deus non reliquerit ἀπομνην. Qui homines ad ſe  
Deum vocarit voce creaturarum. Gratia univerſalis revelatio evertit, ſpes remiſſionis  
oblatio univerſalis. An ſpes remiſſionis potuerit concipi extra revelationem de Meſſia.  
An τὸ γινώσκω & τὸ εἶπε ſit ejus præco. An gradu tantum differant, an re, revelatio natu-  
ra, & verbi. An ſemen Abraha ſecundum ſpiritum donum exortum fuerit ſub N. Te-  
ſtamento. An fœderis gratia natura præconiſ annuntiatum dici poſſit. Univerſalitati  
illius præconiſ evertit. Animadverſoriſ confeſſio. Gratia objeſtiva qui univerſalis dici  
poſſit.

possit sub N. Testamento. An Deus trimunus revelatus fuerit per *ty yhuw*. An gentes crediderint se posse penitentiam agere, vel non. Quale spei remissionis fundamentum habere poterint: Qualem notitiam cultus divini. An Deus nos velit facem Evangelii circumferre per totum orbem. An *ty yhuw* revelatio sufficiens sit in genere causa objectiva. An ad veram resipiscentiam sufficienter praeat lumen natura. An aliquis resipiscere possit sine revelatione & cognitione Christi, & placationis Dei per eum. Digressio Animadversoris inutiles de serpentibus. Disparitas cautela à serpentibus, & à Diabolo. An promissio de obritione Diaboli sit conditionata, & universalis. Absurda istius assertionis. Addegia & contradictio notata. Dilemma oppositum. Falsa suppositio Animadversoris. An securè impiorum salus tantum evertatur. An multi maneant à Diaboli tentationibus intacti. An incredulitas & impenitentia causa dici debeant interversa multis salutis. Absurda istius opinionis. Elenchus parium à præservatione à serpentibus ad præservationem à Diabolo. Qua vocatio nos eleveat ad caelestia. Qua res caelestes nobis sint contemplanda. Addegia & contradictio nova super usu sacramentum. Absurda varia Animadversoris impasta. Contritio capitis Sathana an possibilis non electis. An omnibus concessum sit, ut membra Christi fiant. Animadversor confundit conditionem & conditionatum. Concessio jocularis. Electi tantum concessum, ut fiant membra Christi. Ejus rei probationes. An omnes invitati fuerint, & invitentur ad insertionem in Christum. An sublatio peccatorum per agnitionem, & missionem ac passionem Christi sint actus conditionales. An Christus conditionaliter mortem gustavit pro omnibus. An Christus non tollat inter alia peccatum incredulitatis. An ejus sublatio statui possit conditionalis. Contritio universalis capitis serpentis conditionata, absurda. Perversa promissionis prima & contradictoria explicatio. Conditionem in rei natura delitescere frustra dicitur. Quid inde sequatur.

I. **A**ffirmativa quæstionis pars à me adstructa Thesi VI. Responsum etiam Dissertatoris accuratè confutatum Exercitationum Parte prima à p. 272. ad p. 384. & plurima ac gravissima absurda ei impasta, quæ ibidem videri possunt.

II. Quid ad ista Animadversor in Specim. Animadv. à p. 127? 1. Nudè repetit quæ de triplici complemento istius promissionis fuerat commentatus in Dissertatione, quamvis & à me jam confutata fuerint, & demonstratum, in quo revera id consisteret, & in quibus reperiretur. Id nimirum consistere in inimicitia actuali inter mulieris & serpentis semen, & in destructione imperii Sathanæ pro illis & in illis qui sub semine mulieris censentur. Id verò non reperiri nisi in Dei filiis, adeoque particulare esse æquè ac promissionem. 11. Supponit de novo, quod negatum, & confutatum, complementum istius promissionis etiam in eo consistere, quod facultas omnibus concessa fuerit, virtute victoria Christi Diabolum superandi. Parum etiam prudenter ita enuntiat istam partem, ut complementum in eo spectetur, quod facultas omnibus concessa fuit, vel non fuit, virtute illius victoria inimicum superandi. Oppositum enim in appposito, & quibus facultas ista concessa non fuit, in illis sanè complementum promissionis locum non habuit.

III. Quæritur, inquit, *quæ ratione, quo animo Christus id præstiterit, num ut victoria fructus ad unos electos perveniret, quos servare absolute voluit, an verò ut sub conditione fructus ad omnes homines ex communi quadam φιλαδελφικῇ redundaret?* Atqui victoriæ fructum velle ad non electos venire sub conditione fidei, est eum ad eos velle venire, si eum jam habeant, secundum partem saltem, nisi neget Animadversor vel fidem victoriam nostram esse, vel victoriæ Christi fructum, utrumque contra Scripturam. Et hoc egregium, Christum velle victoriæ fructum venire ad incredulos, & incorrigibiliter per naturam tales, sub conditione, si non sint incorrigibiliter increduli! Hoc scilicet docendi eramus! IV. Quæ causa discriminis, quod Abel superior fuit in certamine cum Sathana, succubuit Cain, Cham se Sathanæ mancipavit, fratres ejus non item? Annon quia Cain & Cham à Deo relictī in sua corruptione, reliqui virtute istius promissionis instaurati & roborati? Ad illos itaque pertinet promissio, qui complementum illud sensere & Dei donum in se, ad reliquos non item. Nec dici potest, pertinuisse ad reliquos etiam sub conditione, quum promissio absoluta sit, & conditio ista necessariò sit pars fructus ipsius promissionis. Vnde etiam delectus in domo Abrahæ, nisi ab eadem causa, quod quidam essent semen mulieris fide promissionem expicientis, adeoque filii promissionis, alii semen serpentis, in quibus maneret virus serpentis? An dicere etiam debuit Animadversor, *forte ceteros Abrahami liberos victoria fructum non sensisse?* An enim de hoc ambigendum erat Theologo, qui orthodoxus videri vult? An diffitebitur, Ismaelem ut *ἡ ἀδελφὴ* vel exemplum reprobationis proponi ad Rom. I. x. non *typum* tantum? Annon scædus gratiæ ad solum Isaacum restrictum, & in ejus rei Symbolum è Keturæ etiam Abrahamo nati domo ejecti post Ismaelem? V. Fatetur in œconomia N. Testamenti, *exiguum etiam præ aliis talium numerum esse.* Qui ergo omnes & singuli semen mulieris, quibus facta promissio, quum plerorumque tamen capita contrita fuerint à serpente? *Conditionatam* eam non fuisse, ostensum. Imò ne conditionata quidem fingi potest, quin reddatur ridicula, & conditio, ac conditionatum recurrant. Si Deus etiam omnes & singulos salvare voluit, cur tam exiguus est credentium & salvandorum numerus? scilicet media illi deerant, id ad effectum deducendi, quod volebat! vel id voluit, quod novit nec futurum nec fieri posse per decretum suum! Si etiam promissio illa ad omnes pertinuisset, vim suam in omnibus exercuisset, & caput serpentis in omnibus & ab omnibus fuisset contritum, ut quæ beneficia pars sunt rerum promissarum. Quæ etiam fide cum Diabolo congressi potuere illi, quibus nihil unquam de fide revelatum? An ad *ἡ πίστις* recurrendum erit? Annon

verò fateri coactus fuit, id quod ex eo hauritur, *cognitionem* potius vocari debere quàm *fidem*?

III. Excipit: *Victoriam & contritionem capitū serpentis pendere.* 1. *Ex spe remissionis*; quæ à Deo extrinsecus hominibus objicitur; 11. *Ex spei illius apprehensione firma*, quæ mentem & affectus in hominibus mutet. Posterius hoc non præstari quàm ex vi Spiritus Dei, quæ suppeditetur paucis. At non inde sequi, spem ipsam remissionis multò pluribus, & universis extrinsecus non offerri. Manare enim externam remissionis propositionem ex communi Dei *Φιλανθρωπία*, vim interiorem spiritus ex absoluta & particulari misericordia. Posteriore partem hujus œconomia esse particularem, priorem verò, quæ spectat ad objectum representatum, quæ homines ad fidem & penitentiam invitatur, esse universalem. At 1. Si victoria pendet ex duobus, & illa duo necessaria sint ad eam obtinendam, utique Deus qui duo ista necessaria esse voluit, & tamen unum duntaxat hominibus largiri vult, non alterum, sine quo victoria obtineri nequit, haudquaquam illos salvatos voluit, quibus denegavit alterum, quod tamen, ut ipse ait, pendet ex vi Spiritus Dei, qui suppeditatur paucis, & datur ex absoluta & particulari misericordia. 2. Univerſis spem remissionis oblatam, falsum. Nec spei remissionis, quæ beneficium Euangeticum est, præco est natura, nec illis esse potuit, quibus nullum unquam objectum per ætatem offerri potuit, nec naturæ, nec gratiæ. Nec sufficit, spem remissionis offerri, vel placabilitatem Dei! Opus erat, fundamentum istius spei revelari, & placamentum actuale Deo exhibitum in Filio, sine quo spes vel nulla, vel evanida saltem concipi potest. An satis, remissionis spem offerri reo, & Principem esse placabilem? Immo vel remissio ipsa & ejus fundamentum universaliter proponi debuere, vel non omnibus volita fuere. 3. Quid attinet dicere, id multò pluribus atque adeò universis extrinsecus offerri? Posterius enim complectitur prius, & prius inutiliter dicitur. 4. Oblatio universalis & fundamentum ejus, *Φιλανθρωπία* communis, sunt ipsum *κενόςθη*. Si etiam ista communis fuisset, ejus effectus quoque fuisset communis: cum communia non faciant discrimen, adeoque omnibus ex æquo fuisset beneficium remissionis peccatorum revelatum. 5. Quia vi interior spiritus ex absoluta & particulari misericordia suppeditatur, & sine illa nemo salvari potest, neminem Deus salvari voluit, cui non illam largiri voluit. Et quia ista œconomia pars sola salutaris est, voluntas de salvandis hominibus, necessariò particularis statui debet. 6. *Objecti representationem*, quæ homines ad fidem & penitentiam invitantur, universalem non esse, nemo qui non prorsus depudit, negare potest. Quod enim est objectum quo homines invitantur ad fidem, præterquam doctrina gratiæ Dei in Christo, in verbo proposita? vel homines

mines ad fidem etiam invitati per praconium naturæ, vel non: si prius, id *ἀντιπαρόν, ἀφελόν, ἄλογον*: si posterius, non fuit ista invitatio universalis.

IV. Addit, duo consideranda esse: 1. An representatio illa objecti potuerit esse universalis in familia Adami, Noachi & Abrahami, & in æconomia gratiæ tam strictiori quàm latiori, tamen si virtutis interioris subministratio particularis fuerit. Universalem verò fuisse primam oraculi propositionem probat ex eo, quod quicquid erat tum hominum id audierit, & cum liberis suis vel revera communicaret, vel communicare saltem debuerit. At 1. Quæstio non est, an representatio illa objecti potuerit esse universalis, sed an fuerit, & an Deus talem eam esse voluerit. 2. Dissociatio illorum duorum, ut unum, nimirum propositio objecti statuatur universale, alterum scilicet subministratio virtutis interioris, particulare, satis docet, prius non ea intentione à Deo multis proponi, ut ista virtute, quippe necessariò ad salutem, ex sua ordinatione, requisita, destituti salvarentur. 3. Illatio inconsequens est. Si quicquid hominum fuit tempore Adami, audivit promissionem, eam ad omnes pertinuisse post futuros. At alia ratio Adami & Evæ tum solum existentium, quippe qui è lapsu actu crecti, & vi ista spiritus particulari affecti, utpote quibus tantum temporaria à Deo denuntiata maledictio, sublata spirituali per promissionem: Alia ratio multorum ex posteris illorum. Nec magis inde sequitur objectum extrinsecus propositum fuisse omnibus eorum posteris, quia id illis propositum fuit, quam vi spiritus omnibus eorum posteris indultam, quia illis indulta fuit, qui tum erant totum genus humanum. Quod itaque Adami & Evæ fuit, non ob id fuit omnibus omninò hominibus commune. Illorum capita nec conterenda fuere à Sathana, nec contrita: Aliorum plurimorum è posteris eorum fuere: 4. Cum omnibus posteris suis posteros omnes Adæ promissionem illam communicasse actus, probari nequit. Nec quæstio, an debuerint eam communicare, nec enim illis compertam esse poterat, qui pertinerent ad semen mulieris, cui promissio facta, vel non. At quia eam acta non communicarunt, nec id sine Dei providentia, adedque directione & voluntate factum, nec Deus voluit efficere, ut communicarentur omnibus & singulis, eo ipso objecti istius representationem noloit esse universalem, adedque neutrum ex iis, ex quibus victoriam & contritionem capitis serpentis pendere dicit Animadversor. Sive jam ob neglectum officium id non factum dicatur, sive aliis de causis, satis primam causam istis defectibus intercedere noluisse, adedque representationem istam promissionis primæ ex voluntate ejus non fuisse universalem.



V. Subjicit: *Pronuntiationi oraculi consensisse Dei lenitatem & Φιλανθρωπίας*, quicum antea mortem presentem homini, si peccaret, interminatus esset, supplicium distulit, & peccatores incredibili benignitate prosequutus, eos ad pœnitentiam, & per eam ad peccatorum remissionem invitavit, idque universale fuisse ad diluvium usque. At 1. Mortem presentem Deum homini interminatum fuisse, si peccaret falsum est, & vel Deus non implevisset interminationem suam, vel mutasset decretum suum. Nec ex denuntiatione Dei, morte morieris, magis hoc sequitur, quam ex denuntiatione Magistratus, morte plectendos hos vel illos transgressores legis alicujus, nec interminationi illi quicquam deedit, quamvis non in ipso criminis admissi momento in furcam agantur. Nihil itaque aliud ista interminatione designatum, quam hominem futurum *filium mortis* & morti obnoxium, quamprimum peccaturus esset. 2. Deum peccatores *incredibili benignitate* prosequutum, ad pœnitentiam & per eam ad remissionem peccatorum invitasse, verum: omnes & singulos, falsum, quod probandum erat Animadverfori id supponendum duntaxat. Qui enim non ad illos referetur, quos in peccato nasci & mori voluit extra fœdus gratiæ, priusquam vel pœnitentiæ vel remissionis solam nomenclationem, nedum vim & naturam percipere possent? Si Animadverforem etiam audimus, *incredibile* est ista *benignitas*, invitare ad pœnitentiam, & per eam ad remissionem peccatorum homines pœnitere nescios sub econditione, ne sint tales, quamvis sciret Deus illos pœnitentiam sine suo spiritu nec habere posse, nec exercere. Si quis incredibilem istiusmodi benignitatem tribueret Principi alieni sub conditione id genus suavitutinis dici posset, serius non item. 3. Omnes etiam & singulos ad pœnitentiam, & per eam ad remissionem peccatorum, in Caini præsertim posteritate, vocatos fuisse, ad diluvium usque, dicitur, non docetur.

VI. Addit 1. *In Noachi familia perinde esse*, quod verum, sed non Animadverforis sensu, verum eo qui à nobis expositus. 1. 1. Odorem placamenti, fœdus de natura conservanda cum Noacho contractum, fœderis sacramentum, quo sibi promissionem factam in memoriam revocatam iri testatur, & quicquid rebus illi ad spem remissionis & immortalitatis pertinere, vel obvelabatur, vel adumbrabatur, potuisse ad omnes & tunc existentes, & olim futuros, adeoque declarationem *Φιλανθρωπίας & misericordiæ*. At ista perperam huc trahuntur, quum nec odor ille placamenti Deum erga omnes & singulos placatum fuisse testetur, ut patet ex maledictione Chæmi (nec enim Deus revocat gratiam semel datam) sed tantum ostendat, Deum gratum habuisse Noachi sacrificium, nec agatur ibi de fœdere gratiæ, sed de fœdere vel pacto, aut promisso potius non excindendi amplius orbem per dilu-



diluvium, vel, ut ipse inquit, *de natura conservanda*, quod de re terrena est, & pertinet non tantum ad quosvis homines, etiam impios, verum ad omnem quoque animam viventem in omni carne. Gen. ix, 15. ut ostensum Exerc. p. 328. 329. An verò, quod ad bruta etiam pertinebat, *obvelabat vel adumbrabat spem remissionis & immortalitatis*? Fœdus gratiæ interea cum Noacho continuatum, nec Chamum attingebat, nec Chanaanem, vel posteros ejus, quippe quibus maledictio opposita benedictioni fratrum destinata. Vnde etiam probabit Animadversor, eandem esse latitudinem primæ promissionis, & pacti de non excindenda terra diluvio? Conferat interea Lector à me opposita Animadversori, à p. 324. ad 339. & videbit, quàm magna male hic supersit audacia causæ, dum magnificè pro responso omni dictata sua repetit, nec ullo modo à me objectis satisfacit.

VII. Addit: In Abrahami familia cæpisse aliquam in ea dispensatione fieri mutationem. Hactenus enim Deum conjunxisse duo quibus spem remissionis ostendebat, verbum, & αἰνολογία μακροθυμίας & χρηστότης, quæ providentia administrationem comitabantur. At 1. Quid clarius prævaricatione ista? Annon diu ante Abrahamum in Caini & Sethi, Semi & Chami posteris cæpit fieri mutatio ingens? 2. Duo ista Deum semper conjunxisse, vocem nimirum naturæ & verbi, apud omnes, falsum. 3. Si æqualis Dei fuisset φιλανθρωπία quoad gratiam objectivam, æqualiter se Deus & voluntatem suam verbo omnibus revelasset. Æqualia enim, ut dictum, non faciunt discrimen. At ista φιλανθρωπία æqualis ab Animadversore statuitur. 4. An Deus verbo spem remissionis, tantum ostendit? Inò fiduciam ejus concipi voluit, fundamento ejus indicato, semine nimirum mulieris contrituro caput serpentis. Et vel prima promissio spem tantum aliquam remissionis ostendit, vel non. Si prius, id & contra verba promissionis est, quæ fiduciam exigunt in rem certò futuram, nimirum conterendum esse caput serpentis à semine mulieris, & eo ipso falsum supponit. Si posterius, promissionis istius revelatio non fuit continuata respectu omnium. Aliud enim longè, aliquam spem facere rei alicujus alicui, aliud, ei fiduciæ argumentum dare. Illud possibilitatem rei supponit, hoc futuritionem. 5. Nec providentiæ, ut suo loco videbitur, administratio, nec αἰνολογία, vel μακροθυμία vel χρηστότης fuere præcones Evangelii de semine mulieris, de quo questio. Doceat Animadversor, istam promissionem omnibus & singulis revelatam, vel fateatur eam omnibus & singulis haudquaquam destinatam fuisse. Imò quibus Deus denegavit verbum, quod solum fatetur esse ministerium spiritus, illis denegavit gratiam objectivam, necessariam, adeoque & plerisque extra Abrahami posteritatem

tem tunc viventibus. Nec verbum tantum hæsit in domo Abrahami, sed & sædus gratiæ, nisi tota Scriptura evertatur, imò ne in integra quidem Abrahami familia hæsit. Sed in solo Isaaco, & ejus femine fidei. Et frustra hominum *sordida & negligentia* revelationis obliterationem adscribit Animadversor, tum quia si Deus eam universalem voluisset, ei negligentiz intercessisset, tum quia eo ipso faretur, istam revelationem non fuisse universalem; Immo eam plerisque multis seculis denegatam fuisse. Tales verò salvari non potuere, nec lumen objectivum sufficiens ad salutem habuere. 6. *ἡ ἀγάπη*, latiore semper fuisse prædicationem verbi *gratia subjectiva*, quum illa respectu multorum tantum *exactiva* fuerit officii, & illis obtigerit propter alios gratia saluari donandos, in quorum communione vivebant, & ob causas alias à nobis alibi indicatas. 7. Confundit etiam Animadversor, communis cujusdem bonitatis divinæ, quoad externa, manifestationem, quæ est ἐν τῷ *ἡρώσῳ*, cum manifestatione bonitatis istius specialis quoad beneficium contritionis capitis serpentis, quod in eo nunquam manifestatum, nec natura unquam reddita fuit annuntiatrix & præco istius gratiæ. Et sanè τὸ *ἡρώσῳ* ὁ Θεὸς idem est ante & post lapsum, nec magis misericordiam Dei erga creaturam peccatricem annuntiat post lapsum quàm eam prædicebat ante eum, nec enim quicquam illi accessit post hominis peccatum. Utrobique verò ostendit tantum *divinitatem & potentiam* Dei, ut docet Apostolus, non spem remissionis, non *φιλανθρωπίαν* universalem ad salutem, quam Apostolus haudquaquam prætermittere debuisset, ut præcipuum, quod in τῷ *ἡρώσῳ* nobis observandum esset, si id in eo repræsentaretur. Quis verò adedò isti Dictatori se mancipavit, ut censcat id ἐν τῷ *ἡρώσῳ* repræsentatum esse, quod Apostolus haudquaquam commemorat! Et quis, qui suæ spontis est, non male ejus fructum Apostoli verbis explicare quàm Animadversoris?

VIII. Pergit Animadversor, & semen Abraham duplex facit, *unum ex carne, alterum ex spiritu*. Ad id sædus legale pertinuisse, ad hoc sædus Evangelicam. Ab illius communione reliquas gentes exclusas fuisse, nec præceptorum legalium, nec oraculorum de Messia, nec cæterorum documentorum notitiam ullam habuisse. Deum tamèn respectu talium non se reliquisse ἀπαρτίον, & voce creaturarum ac providentiæ omnes homines promiscue ad se vocasse. Et cum voce illæ spem remissionis respicientibus ostenderit, gratiam objectivam fuisse carnis universalem. Hoc verò ludere est in reseria. Nam 1. Non sædus legale, quod vocat, tantum ad semen Abraham naturali generatione, ut loquitur, creatum pertinuit, sed & ad semen ejus ex spiritu. Non debuit itaque distinctio ista ita nudè proponi, nec enim semen Abraham ex spiritu exclusum fuit

fuit à præceptorum legalium, vel oraculorum de Messia communione, instar reliquarum gentium. 2. Fœdus legale malè collocatur in præceptorum legalium, & oraculorum de Messia, & cæterorum documentorum in revelatione illa sparsorum noticia, contra communem Orthodoxorum sententiam, qui fœdus legale in eo collocant, quod Deus olim imperavit, *Hoc fac & vives*, exigendo obsequium plenum sub promissione vitæ, & inobedientiæ nec *intensivè* plenæ, nec *extensivè* interminando mortem. An etiam oracula de Messia pertinere ad fœdus legale oppositum Evangelico? Quid absurdius? 3. Immo, quia reliquæ gentes nullam habuere notitiam, ut fatetur, oraculorum de Messia, promissionis istius revelatio non fuit universalis, quod volumus. Imò ne præceptorum quidem legalium omnium notitiam talem fuisse fatetur. An verò salvari potuere gentes sine notitia ulla oraculorum de Messia? Et vel sine ea habuere *gratiam* sufficientem *objectivam*, vel non. Si prius, datur illa extra ullam oraculorum de Messia notitiam, quod ἀνάλογον & ἀλλήγορον. Vel non, & sic falsa est Animadversoris assertio. 4. Qui se Deus αἰμαίνετον non reliquerit respectu reliquarum gentium, docet Apostolus, quia nimirum *benefecit illis*. Et qua in re? plurimis illis *dando tempestates opportunas, & corda eorum replendo cibo & gaudio*? Act. xiv, 16. An hoc est vel promissionis primæ revelationem illis continuare, vel *gratiam objectivam* sufficientem ad salutem iis proponere? Conscientiam Animadversor & Lector excutiant suam, & videant, an ista universalitatem gratiæ objectivæ probent, de qua quæstio! Annon dicitur Deus sivilisse gentes *sui ipsarum viâ incedere*, & tempora illa ob id vocantur *tempora ignorantia: & ira*? Annon ob id *sine Deo* fuisse dicuntur, & *sine spe*? 5. Voce sanè creaturarum & providentiæ præconio Deus homines vocavit ad se, ut creatorem, sed non ut Redemptorem, ad *divinitatem & potentiam* suam agnoscendam, non verò ad agnoscendam gratiam suam in semine benedictio hominibus destinatam. Et vel voce ista Deus omnes vocavit ad gratiam Evangelicam, & promissionem de semine mulieris iis propositam, vel non. Si prius, Evangelium non fuit στοιχειώδης, & τὸ πρῶτον docet promissionem de semine mulieris, & Evangelium gentibus omnibus fuit propositum; vel non, & sic cadit promissionis illius propositio universalis. 6. Nec spei etiam remissionis oblatio universalis dici potest, respectu innumerarum, qui ne per ætatem quidem ejus *spes* esse potuere, nec istud præconium est gratiæ Evangelicæ, vel promissionis de semine mulieris revelatio. Nec τὸ πρῶτον magis ingerebat spem remissionis, quàm iram Dei & severitatem peccatoribus. Nec spes illa poterat concipi extra revelationem de Messia. Et sanè quum τὸ πρῶτον τὸ θεῶ. Deum æquere-

præsentet iustum ac misericordem, non poterat magis spes inde oboriri remissionis, quàm metus punitionis peccatoribus. Imò cum exercitium iustitiæ necessarium sit in Deo & naturale, misericordiæ arbitrium planè, illud *per se* sequatur peccatum, istud *per accidens*, prius *ἐν τῷ γνωστῷ* concipi potius poterat quàm posterius. Et sanè si gentes gratiæ signa videre, videre etiam plurima signa horrendæ iræ Dei. Et tamen hoc uno fermè tibicine nititur Animadversoris Theologia, quasi spes remissionis, resipiscenibus ostensa fuerit universaliter *ἐν τῷ γνωστῷ* ὁ Θεὸς, & quæsi ὁ *γνωστὸς* manifestatio proposita in natura sit idem quod fiducia remissionis peccatorum in semine benedicto concipienda, proposita in verbo. Ista verò vel conveniunt ista *quoad rem* vel non. Si prius, & *gradu* tantùm differunt, & ejusdem gratiæ Evangelicæ natura est, præco, cujus est verbum Evangelii, quod ἀγγελον, & Socinianum, & Christianæ Religionis necessitatem convellit. Si posterius, gratia objectiva non fuit universalis, quæ necessaria est ad salutem. 7. Supponit perperam, *semen Abrahæ secundum spiritum* demum exoriri debuisse sub N. Testamento in vocatione gentium. At tale inde ab ipso Isaaco semper datum inter Iudæos. Et nulli ex Abrahæ posteris servati, qui non essent etiam semen ejus *secundum spiritum*. Et cur non prius semen secundum spiritum exortum? Cur limites etiam fixi prædicationi verbi? Cur fœdus gratiæ non omni creaturæ prius annuntiatur? An sine talibus adultus ullus poterat salvari? 8. Vel etiam omni creaturæ fœdus gratiæ prius præconio naturæ fuit annuntiatum, vel non. Si prius, differunt natura, vox & verbi *gradu* tantùm, non *specie* præconii. Si posterius, illius fœderis annuntiatio universalis non fuit multis seculis, adeoque nec fœdus ipsum universale fuit. Sin ad omnes pertinuisset, omnibus revera fuisset annuntiandum, & Deus ejus præcones ubique & apud omnes excitasset. Immodò ne ab Apostolis quidem id omnibus annuntiatum, ut fateri cogitur, dùm dicit, hoc præstitum fuisse, *quantum tum fieri potuit*. At illi diu coerciti intra unam gentem, & prohibiti ire in loca quædam. Et innumeræ gentes haudquaquam participes redditæ præconii illius, ne hodie quidem post tot secula. Et si Deus præconium illud voluisset esse universale, media ei non deerant ejus in Veteri & Novo Testamento ubique & apud omnes diffundendi. Ipse verò in Defensione Calvinii fatetur, id non potuisse ad omnes diu diffundi. Nec id sine providentiæ Dei directione factum. 9. Gratiam objectivam in N. Testamento eatenus universalem esse, quatenus nullam nationem excludit sigillatim, extra controversiam est, & sic redditur tantùm universalis *quoad genera singulorum*, non verò *quoad singula generum*. An verò de eo quæstio inter nos? Vel ita etiam universalis fuit sub

V. Testa-

V. Testamento, vel non : si prius, distinguere ista non debuit Animadversor : si posterius, gratia illa objectiva multis seculis universalis non fuit. 10. Immò an Deum Trinunum potuere cognoscere gentes ex natura, & agnoscere talem *ἐν τῷ πρῶτῳ*, vel non? Si prius, natura est præco S. Trinitatis : si posterius, non verum Deum potuere cognoscere sufficienter ex natura, qualis agnosci debuit, vel non fuit gentibus necessarium, credere Deum Trinunum. An verò non agnoscere & credere Deum Trinunum, non est idolum agnoscere, non verum Deum? Vel etiam credebant gentes istæ, se posse pœnitentiam agere; ut oportet, vel non. Si prius, falsum credebant, nec enim id *ἐν τῷ πρῶτῳ* revelatum. Si posterius, frustra spes ista remissionis iis proposita. Et vel agnovere fundamentum aliquod istius spei, vel non. Si nullum agnovere, non magis vera spes talis dari poterat, quàm ædificium sine fundamento. Sin agnovere aliquod, aut agnovere falsum fundamentum, aut verum, si falsum, spes ista vera esse non potuit : Si verum : Ergo agnovere placationem actualem Dei in Christo, quod absurdum. Vel etiam gentes illæ in natura potuere *ἐν τῷ πρῶτῳ* intelligere veram rationem cultus divini, vel non. Si potuere, extra verbum aliquis nosse potest sufficienter ad salutem, quæ Deus colendus sit, & hodie idem potest scire Tapujas. Si non, gratia sufficiens objectiva non fuit universalis. Nisi non sit necessarium ad salutem, scire veram rationem colendi Deum. 11. Nec nobis, ut supponit Animadversor, imperatum, *ut facem Evangelii circumferamus per totum orbem*, nec enim munus nostrum ejusdem cum Apostolis latitudinis est, nec si id esset, Animadversor bene faceret, qui se Salmuriensi affigeret glebæ, & non ad Americanos iter moliretur. Nec si ista Dei voluntas esset, difficile ipsi foret præcones ubique excitare. At, inquit, *in iis locis, ad qua nulla dum manavit Evangelica præparationis auditio, persistit τὸ πρῶτον revelatio*. Illa verò aut sufficiens est ad salutem in genere etiam *causa objectiva*, ut loquitur, aut non. Si prius, falsum est, quod ipse asserit, in N. Testamento *disinctam Christi cognitionem* esse necessariam ad salutem, aut illa traditur gentibus illis, *ἐν τῷ πρῶτῳ* 3 Θεῷ, & Dei Trinunus revelatio. Si non, gratia objectiva sufficiens ne hodie quidem innumeris traditur, adeoque universalis non est. 12. *Ἐξ ἀγνώσεως*, nexum esse certum inter resipiscenciam, veram nimirum, & remissionem peccatorum. Vbi illa datur, ibi ista datur, sed falsum, ad illam sufficienter præire lumen naturæ. Ista enim dari nequit sine revelatione gratiæ Dei in Christo, cujus præco natura non est, adeoque nec præco gratiæ universalis necessaria. Et vel aliquis resipiscere potest, ut oportet, sine Christi revelatione, & placationis Dei per illum cognitione, vel non. Si prius,

cognitio Christi necessaria non est ad salutem. Vbi enim datur vera resipiscencia, ibi datur remissio peccatorum, ubi ista, ibi salus. Et resipiscencia vera potest dari sine fide. Si posterius, gratia objectiva ad resipiscenciam necessaria denuò non est universalis.

IX. Quærit Animadversor, an si repræsentatio illa objecti, scilicet in natura, fuerit universalis, id satis sit, ut oraculum, *semem mulieris conteret caput serpentis*, complementum suum sortitum esse dicatur, pag. 128. Et respondet p. 130. & 131. 1. *Promissionem de felici successu certaminis cum serpentibus, universalem quidem fuisse, sed sub conditione, si homines diligenter sibi caverent.* Atqui 1. Non respondet Animadversor ad quæstionem; An enim, quamvis promissio de felici successu certaminis cum serpentibus universalis esset sub conditione, sequeretur, repræsentationem objecti in natura propositi, etiam universalem, satis esse, ut oraculum de semine mulieris contrituro caput serpentis, dicatur complementum suum sortitum? At in natura altum silentium & de semine illo mulieris, & de contritione capitis serpentis per illud, cujus nuntii solum Dei verbum præco est. 2. Inaniter planè regreditur Animadversor ad promissionem de felici successu certaminis cum serpentibus. Quasi verò de eo multum sollicitus fuerit Spiritus Sanctus in ista promissione! Quasi verò etiam promissionem universalem conditionatam talem Deus unquam fecisset! At qui maxime etiam sibi cavent, sæpe in Libya, Brasilia & alibi, nihilominus sæpe sic pereunt. Incauti contra multi non pereunt. Adde, id promitti potuisse sub ista conditione, quia conditionis præstatio pendet ab arbitrio nostro, & illud ad id sufficit: At idem locum non habet in certamine cum Diabolo, ad quod nec lumen naturæ nec arbitrium nostrum sufficit, nec id quod sufficit, innumeris datur. 11. Inquit, promissionem de Diaboli obtritione universalem tantum esse sub pari conditione operæ ab hominibus adhibitz, *ne se patiantur Diaboli tentationibus & fraudulentis artibus illaqueari.* At 1. Promissio illa absoluta est, non conditionata. 2. Universalis non est, ut ostensum, quia non semini serpentis facta, quippe quo designari filios Diaboli, demonstratum re verò negata, negantur omnes modi rei. 3. Condicio illa inepta est, coincidit enim cum re conditionata. Operam enim adhibere, ne ita illaqueemur à Sathana, est jam ex parte conterere caput serpentis. Pro quibus etiam, & in quibus non est contritum caput serpentis, illi Diaboli & tentatione & fraudulentis artibus delectantur, illas ipsi imitantur, & sic seducere ipsi conantur alios. 4. Adde, vel conditionem illam actu præstari posse sine gratia subjektivâ, vel non. Si prius, gratia ista non necessaria est, & homines sine ea sibi cavere satis possunt à Diabolo. Si posterius, frustra & per ludi-



Iudibrium talis promissio facta omnibus sub ista conditione, ne sint quod non possunt non esse, & habeant quod non possunt habere, & ut faciant quod non possunt facere. Impotentix hęc distinctio inutilis est, satis, ex æquo utramque esse invictam. Quot Anachoretæ etiam omnem operam posuere, ne illaquearentur; qui tamen illaqueati fuere? Noti satis sunt Hieronymi in deserto planctus. **III.** Addit Animadversor, si securè dormiant, vel induant se ultro in laqueos, ad eos spem victoriæ non pertinere, iis solis destinatam, qui clementiæ & placabilitati, divinâ fiduciâ freti suâ saluti diligenter invigilant. Scilicet, si tam nobilem Disputatorem audimus, spes victoriæ pertinet ad homines, si victoriam habeant, & ejus beneficia agant? An enim ullus fiduciâ clementiæ Dei fretus dici potest, nisi qui vera fide proditus est? An verò qui talis, non jam victoriam habet? Et egregiè spes victoriæ ad eos pertinet, qui ejus fiduciâ jam nituntur: Vel etiam conditionem istam præstare possunt, gratiâ subjectivâ non donati, vel non. Si prius, salutis suæ diligenter aliquis incumbere potest sine ea, & clementiæ divinæ fiduciâ niti. Si posterius, objectum istud à Deo proponi non potest, ea intentione ut homo per id salvetur. **IV.** Addit, *impiam securitatem eorum, quorum Diabolus salutem intervertit, non prohibere complementum istius oraculi.* At de eo non est quaestio. Nec enim pro impiè securis caput serpentis à Christo contritum, aliàs tales non essent, & id in illis etiam contritum esset. Securè impij, pertinaciter nimirum tales, ut probatum, pertinent ad semen serpentis, non mulieris, illi verò nihil promissum. Adde non securè impiorum tantum salutem Diabolus intervertere, sed & iustorum qui nec tales sunt, nec tales per ætatem esse possunt. Quot Gentiles etiam & Mahumetani alijs varijs modis in salutem suam seriò incubuere, sed frustra, quia alia ratione in illam incubuere; quam quâ oportebat, nec novere, qui in eam incumbendum foret! **V.** Addit, *multos manere à Diaboli tentationibus intactos, quod falsum, etiam respectu sanctissimorum.* Nec verius, quod multos Diabolus spe salutis evertit, in eo eos nihil accusare posse, præter suam incredulitatem & impenitentiam. An enim id de infantibus Gentilium ulla probabilitatis specie dici potest? An incredulitas exitij illorum causa esse potest, qui ad fidem nunquam vocati fuere? At qui credent nisi audiverint, qui verò audient sine præcone? Adde, incredulitatem & impenitentiam è potissimis malis esse, per quæ dominatur serpens, & quorum remedium promittitur, in isto oraculo. Ergone nihil obstat, quominus tales beneficium istud obtineant, nisi quia illud non habent! Quam diluta talia! Et an qui promissionem illam proposuit, & novit omnes incredulos futuros & impeni-



pœnitentes sine suo dono, & invictè quidem, ille tales salvatos voluit, modò ne essent, quod sunt, & quod non poterant non esse sine *gratia subjéctiva*, quam tamen illis denegatam absolutè voluit. Accusationi cæteropquin locus nullus, quamvis Deus nullos prorsus voluisset salvatos.

X. Egregia verò est quam addit Animadversor conclusio! Si præstare possimus ut nihil serpentes nobis noceant, si rectè utamur staturâ, perspicaciâ & membris nostris; sic *vocationem cœlestem*, que nos ad superna elevat, & *intellectum ac voluntatem*, facultates à Deo nobis concessas, hoc efficere posse, si eis pariter, prout decet uteremur, ut nihil nobis esset à Diabolo extimescendum. Quàm cruda ista! si homo ab externo insultu animalis sibi possit cavere, quamvis ne hoc quidem semper possit, eum etiâ posse sibi cavere ab insultu vel externo vel interno Diaboli! 2. Si etiâ *vocatio cœlestis* nos ad superna elevat, vel intelligitur ea quæ fit *per verbum*, at ea nec universalis est, ut ipse fateri cogitur nec hoc præstat, nisi in genere *causa objectiva*, ut loquitur, adeòque solâ non sufficit, vel quæ fit *per naturam*, at ista nos nec elevat ad Christum, nec ad eum elevare potest, sine cujus cognitione tamen salus nobis obtingere non potest. Nec sufficit *res cœlestes* in genere contemplari in operibus providentiæ, opus ad salutem, nosse Deum Trinunum, & Christum Redemptorem ac placamentum in sanguinè ejus, *sætem in Novo Testamento*, idque *distinèdè*, ut fateri ipse cogitur. 3. Scilicet vocatio sola per τὴν ὁμολογίαν & intellectus ac voluntas, quæ sunt in homine naturali, hoc efficere possunt, ut nihil illi sit à Diabolo extimescendum, etiâ *sine gratia subjéctiva*, quippe quam universalem non esse, notum est! 4. Egregium etiâ *Ænigma*, id futurum, si *facultatibus istis pariter prout decet uteremur*, hoc est, si contereremus caput serpentis, & eum vinceremus, nihil nobis ab eo esset metuendum! Quid eniñ est facultatibus illis, prout, decet, uti, nisi & intellectu & voluntate in Deum ut placatum, & in eum quem misit Christum, ferri, & eum amplecti, ut Servatorem? Qui verò id faciunt, illi jam victores sunt. At annon istius conditionis præstatio & facultas eam præstandi sunt ex beneficiis ista promissione contentis? Et joculariter Deum istam promissionem & ejus fructum nobis destinare docet Animadversor, modò utrumque jam habeamus. Et Deus qui novit nos non magis istis facultatibus *bene uti* sine *gratia subjéctiva* posse, quàm filia Iairi mortua membris suis: tamen sub hac conditione victoriam nobis destinat, si *iis prout decet, utamur*. Vnde vero sit, quod iis bene uti non possimus, nisi à morsu serpentis? Mo-  
do ergo serpens nos non læserit, nec sumus peccatores, vel corrupti,  
hoc

hoc beneficium nobis obtinget, in beato vero statu illo erimus, si intellectu & voluntate nostra bene utamur, & sic nihil habebimus extimescendum. Scilicet si è gentilibus nati benè utantur suis facultatibus & vocatione cœlesti, quamvis denascentur, priusquam vel intelligere vel velle quicquam possint, nihil illis erit extimescendum! Hypochondriacam istam Animadversoris Theologiam dicerem, si cum minus sublimi Theologici orbis præside mihi res esset.

XI. Subjicit, hinc patere, malè à me citatum locum Calvini p. 193. Exercit. At sola collatio à me ibi dictorum cum iis quæ apponit futilitatem istius accusationis proscrit. Ipse cogitur fateri, ad *sola Christi membra* pertinere, *actuale* capitis Sathanæ contritionem. At talem semini mulieris pollicetur Deus in prima promissione. Nec supponendum, alios, caput Sathanæ posse conterere, nec enim vires spirituales ad id necessarias habent, quippe qui aliàs corrupti non forent. Qui verò viribus sunt destituti ad actum aliquem edendum, iis eum nunquam edere possunt.

XII. Excipit, id ad sola quidem Christi membra pertinere, at ut membra Christi fiant, id omnibus concessum esse, si modo eum per fidem amplectantur. Fide enim nos inseri in Christi corpus, ad quam omnes invitentur. At 1. Falsum, ullis præter electos concessum esse, ut membra Christi fiant, nec id probari potest vel à priori ex destinatione Dei, vel à posteriori, ex ejus manifestatione. 2. Αδολογῶν denuo Animadversor, & confundit conditionem & conditionatum, idem enim est ac si diceret, modo aliqui se faciant membra Christi vel talia fiant, iis concessum esse, ut fiant membra Christi. Quid enim est amplecti Christum per fidem, quam cum pro capite habere, adeoque se ejus membrum agnoscere & profiteri? 3. Egregia etiam ista concessio! Modo Christum per fidem amplectantur iis concessum esse, ut fiant membra Christi, hoc est, modò filius viduæ Naimiticæ se erigat è sandapila, hoc vel illud illi concessum fore. Nec enim magis vincibilis ab homine animali est impotentia moralis, quam naturalis ab homine mortuo, natione cujus solius comparatio instituitur, ne Animadversor rimam iterum quærat in distinctione impotentiae. Imò quum Deus fidem solis electis destinavit, & tamen insitionem in Christum à fide suspende-rit, utique sane non nisi illis membra Christi esse concessit, quos fide donare voluit. Annon etiam disertè dictum, multos non potuisse credere? Quamvis etiam Scriptura dicat, neminem posse venire ad Christum, nisi pater eum trahat, omnibustamen id concessum est, si Animadversorem audimus, modò ipsi veniant. Et qua conscientia dici potest, vel in Novo etiam Testamento, minus in veteri, omnibus, nullo excepto, concessum

esse, ut membra Christi fiant, si modò eum per fidem amplectantur, quum innumeris nec de Christo, nec de fide, nec de insertione in Christum per fidem quicquam fuerit revelatum, immò ne per artem quidem revelari poterit? Fide cateroquin nos inseri in corpus Christi *ἰσχυρίσθω*, quia verò non nisi fide ullus inseri potest, nemo qui fidem ex se habere non potest, quæ impotentia universalis est in omnibus, vel cuius fidem Deus largiri non vult, inseri in corpus Christi potest. Dicere; Omnes indiscriminatim ad istam insertionem invitari, est petere *τὸ ἐν ᾧ Χρῆς*, si intelligatur syncategorema *collectivè*. Sin intelligatur *distributivè*, nihil concludit. Tuam fidem, Lector! An omnes in V. Testamento ad hoc invitati fuere? An hodieque omnes indiscriminatim Americani, vel Australis terræ incolæ? An etiam per *τὸ γινώσκον ὅτι* omnes indiscriminatim incitantur ad fidem, per quam inserantur Christo, vel non? si prius, natura denuo est præco fidei & insertionis in Christum: si posterius, ista invitatio universalis non est.

XIII. Tandem inquit, loquutiones illas: *Hic est agnus Dei qui tollit peccata mundi; Item, gustavit mortem pro omnibus, & similes tacitam conditionem includere, etsi nullam exprimant. Sic & oraculum de semine mulieris contrituro caput serpentis, cum ad genus humanum universum extendatur conditionem pariter continere, in rei ipsius natura delitescentem. At 1. Falsum, conditionem includi, in verbis, hic est agnus Dei, &c. quam non simul efficiat ipse Agnus, pro quibus enim tollit peccatum, in iis etiam id tollit, & ab iis. Nec ulla Iudæorum incredulitas obstare potuit, quomòdus id peccatum tolleretur iste Dei agnus, cui tollendo missus est. Nec vel missio vel passio Christi sunt conditionales, sed tantum applicatio utriusque, ipsa verò conditionis ad applicationem necessariæ impetratio habetur à passione Christi. Nec magis Christus conditionaliter gustavit mortem pro omnibus. Docendum verò illud erat, non dicendum tantum. Imo ridicula esset conditio appositæ verbis Iohannis de agno Dei tollente peccata mundi, & everteret promissionem vel declarationem Scripturæ. Conditionis enim impetratio, ut beneficium gratiæ, necessariò ista sublatione continetur. Qui enim tollit peccatum mundi, tollit etiam peccatum incredulitatis mundi. Nec dici potest, id fieri nisi sit perseverans, coipso enim quo tolli debet ex promissione non sit perseverans. Et nisi tollatur, semper perseverans est, & necessaria quidem: Adde, illos, quorum peccata Christus tollit, & pro quibus mortem gustavit, censeri conditione illa carente, & eam ex se habere non posse, non itaque sub ista conditione vel mortem pro iis gustat, vel tollit peccata mundi. 2. Sic, si promissio de semine mulieris contrituro caput serpentis conditionem contineat, huc*

ejus

ejus sensus redibit; Christum contriturum caput serpentis pro universo genere humano modò id ipsum primo contere incipiat caput istud, & sanè qui fidem habet & quā illam habet, eo ipso jam conterit caput serpentis. Promissionem etiam istam ad universum genus humanum extendendam esse, est ipsum *ἀντιστάσειν ὅσοις*. Notet etiam Lector egregium hoc glossema! Quando promissio ista refertur ad electos, tam absolute intelligendam esse, quando ad alios, intelligendam tantum esse conditionatè. Et ubi hoc discrimen in verbis promissionis? Quid etiam interest inter contere caput pro aliquo, sub conditione fidei, qui fidem ex se habere non potest, & quem contere novit eum habere non posse, & inter non contere? Præterquam quod innumeris nunquam revelata fuit nec promissio illa, nec conditio. 3. Conditionem hic in rei natura delitescere frustra dicitur, quum promissio ista fiat, quos novit Deus conditionem nec habere, nec habere ex se posse. Id tantum inde sequitur, quia conditio in ea delitescit, & necessario ad ejus applicationem exigitur, Deum illos salvari nolle, quos novit ista conditione & gratia eam præstandi destitutos esse, & quibus eam, utut à se solo pendentem, largiri non vult, adeoque nolle eum salvari ullum non electum.

## CAPUT IV.

An locis Ioh. III, 16. & x, 26, 29. probetur particularis, an verò Universalis Redemptionis destinatio?

## BREVIARIUM Capitis quarti.

**D**Esultorius ordo Animadversoria. Injusta ejus accusatio. Repetitio *ἡ ἐκείνη*. Quæstio la ejus iniqua. Causa *ἰσχυρῶς* accurata loci Ioh. III, 16. Convicta & distorta opposita. Assertio Animadversoria retorica. Ejus *περὶ ἡλικίας*. An opinionem suam confutatam repetere, sit respondere. An redemptio ab Animadversore proponi debuerit alia, ut absoluta, alia ut affecta conditione. Defensio Animadversoria confutata. Redemptionis conditionatæ ex sententia ejus probatio. Absolutæ & conditionatæ redemptionis perversa explicatio notata. Dissensus Dissertatoris & Animadversoris. Conditionatæ redemptionis explicatio. Redemptionem, absolutam esse probatur, & quo sensu. Legati absoluti & conditionati distinctio. Applicatio redemptionis conditionatæ est, non redemptio. Petitio *ἡ ἐκείνη*. An redemptio universalis omnibus proposita dici possit. Redemptionis absolute defensio. Simile Animadversoria retusum. Cereusimus perpetuus notatur. Cavilla & distortia Animadversoria. Locutiones cruda Redemptionis universalis oblatio, eversa. Ad Calvini & Musculi auctoritates responsum. Verba Calvini vindicata. An ex precibus pro omnibus sequatur universalis redemptio. Qui generale ponatur pro universali, & contra. Excusationem omnem præcidi incredulis ex sententia nostra, ostensum. Falsum, omnes ad vitæ participationem vocatos. An Deus se propitium *ἐσται*

ostenderit omnibus ad salutem. An propitiationem destinavit omnibus. Totum mundum pro electis sumi, offensum. Veterum suffragia. Simile Animadversoris retusum. Calvinus expositus & vindicatus. Absurditas sententia, Deum se omnibus propitium ostendere. Quæstio de pravisione culpa discussa. Suspensio vitæ à fide confundit sententiam de Gratia Vniuersali. Calvinus verba vindicata. Subtilitatis affectatio cui nostrum impusari possit. Dilectum de grandibus voluminibus expensum. Secundum Calvinum promissiones Evangelicæ non pertinent ad omnes. An spem tantum ostendunt. An Deus se ostendat impotentibus propitium sub conditione. Predicationis verbi particularitas arguit gratiam particularem. Phrasis Pellicani expensa, de facili aditu dato ad salutem. Pellicanus excusatur. Origo istius loquutionis offensa. Excusatio Animadversoris abstersa. Andreas Rivetus laudatus. Grammaticatio inanis super prenomine quisque. An nemo non habeat facilem aditum ad salutem. Pellicani verba alia exposita. An primi Reformatores foveant Animadversori. An ex verbis truncatis iudicandum. Dogmata Animadversoris incognita retro nostris. Querela eius iniusta. Loca Scripturæ, eorumque expositio, intacta Animadversori. Verborum Iohannis 111, 16. expositio vindicata, Consensus distinctionum Animadversoris cum distinctione de voluntate antecedente & consequente. Vocabuli Mundi expositio defensiva. An repugnantiam involvat. Qui genti Iudaica sæpe sumatur. Denominationem sæpe sumi à meliori. Qui Dei filii è mundo distinguantur à gente Iudaica. Iherusalem sæpe restringi ad electos. An absurda sit ista nomenclatio. An mundus non designet electos. An minima pars non sæpe ad se trahas nomenclationem totius. Kόσμος diversa significaciones. Qui Mundus significet præteritos, qui electos. Absurda nova Theologia. An absurdum sit partem secretam & turbam, ex qua secreta est, eodem nomine appellare. An absurdum sit, idem nomen sumere etiam ὁ ὁρατός & ὁ ἀνοράτος. An Christus destinat habere curam salutis aliquorum. Qui ἡ σωτηρία uniuersali consistere possit cum declaratione Christi, quod multos nunquam novit. An eorundem vocum diversa significatio conturbet cogitationes nostras. Exempla opposita Scripturæ, verba Christi Ioh. 111, 16. exposita & vindicata. Fuga animadversoris & dissimulatio jam confutatorum. An syncategorema τὸν hic relinquat aliquid in suspensio. Quæ prima Mundi significatio. Duplex denominationis fundamentum, unum latensivum, alterum extensivum. Electi antecedenter etiam sunt Mundus. Argumentatio ἀνὰ τὸν. Loquutiones uniuersaliores solos electos designantes. Exceptio Animadversoris reuocata. An absurde Mundus de toto dicitur, & de partibus totius. An minor numerus electorum obset isti denominationi. An electorum numerus pendet conueniendus vocari debeat. An electimini Mundus, quam omni caro, totus mundus &c. vocari possint. An id quod subit mutationem priori nomine designari non possit. An Christus non possit dici ὁ κύριος ὁ νόμος. An Christus non possit vocari ὁ ἀρχὴ ὁ ἔσχατος. An Christus viam omnibus aperuerit ad salutem, modo eam ingreditantur. Animadversoris fuga. Obiecta à me, declinata. Iocularis exceptio. An à me excusata tantum ista appellatio Mundi. Confessio Animadversoris de non confutatis rationibus obiectis.

L **A** Nimadversor pro genio & privilegio suo à Thesi mea VI. salutat ad Thesin XI. quum tamen rationum à me in iis productarum contra gratiam Vniuersalem & defensorum in Exercitationibus confutationem integram in principio splendide pollicitus fuerit. Homo interea ita accuratè observans ordinis, me confusionis peragit rem. Sed dicendum aliquid erat. Si confusionis verò reus per-

peragendus sum, Animadversor criminis istius causa est, qui mihi ad confusionem istam prævit, quippe quem *ἡ μὲν* sequutus sum, & vel ille juxta mecum accusandus à seipso, vel ego ab illo ipso absolvendus sum.

II. Voluntatem sanè omnes & singulos per Christum redimendi haudquaquam universalem concipi debere, demonstratum iveram Thesi XI. inter alia ex eo, quod destinatio Redemptoris particularis fuerit, & adjeceram loca Joh. 111, 16. & cap. x, 26, 29. Cur etiam id fecissem, demonstraveram accuratè Exercitationum Parte 1. à p. 722. ad p. 775.

III. Quid ad ista Animadversor? 1. Nudè repetit, & redemptionem & ejus destinationem diverso sensu tum *Vniversalem* dici posse, *sub conditione*, tum *particularem absolutè*, & ad hanc referri deberi locum Joh. x, 26, 29. At 1. Ostendimus in Exercitationibus, hoc esse ipsum *καὶ ἐν μέλει* inter nos, an vel Redemptio, vel ejus destinatio sint universales sub conditione. Non itaque id vel repetendum erat, vel nobis opponendum pro argumento. 2. Locum Ioh. x, 26. sanè ad particularem redemptionis modum pertinere adeo evidens est, ut ne diffiteri quidem id ausus fuerit Animadversor, alium vero universalem dari, supponitur sine probatione. 11. Conqueritur, quod quinquaginta paginas impleverim, ut demonstrarem locum Joh. 111, 16. pro gratia particulari contra universalem facere, & à me proposita magnificis verbis & mero contemptu ulciscitur, & *πυλολογίαν* vocat, homo verborum admodum parvus & *cui jūgero opus in quo vertatur*. Addit, se dubitasse aliquandiu, num accuratè Sectionem illam refutare deberet, *quum si id faceret, penè omnia, quæ in Exercitationibus continentur, eadem operâ confutata forent*. Tandem se satiùs putasse, paucis verbis tantam rerum inutilium nubem dispellere. At notet Lector I. Animadversorem securitatem meam miratum fuisse, quod locum istum pro gratia particulari facere censuissem, nec id in Thesisibus (quod Thesisium natura non fert, ubi talium elucidatio ordinariè ad ipsam *συζήτησιν* publicam differri solet) demonstrassem. Justa itaque mihi causa fuit, id non temere à me factum, accuratè demonstrandi, nec quicquam causæ fuisse, cur me velut fungum traduceret, quod ex isto loco argumentatus essem. Notet vero Lector querulum hominis ingenium. Et de re non præstita & de re præstita, & de brevitate mea quiritatur & de prolixitate. Si aliquid non demonstratum conqueritur, id à me non occupatum, si id à me occupetur, in questus novos erumpit. Quid agendum cum homine adeo iniquo! 2. Judicet Lector, an quinquaginta circiter pagellas implere libri majore charactere & forma minore exscripti ad *ἐξήγησιν* & *ἐπαρίκησιν* loci celebris & veritati admodum ab omnibus Gratia Universa-



lis Patronis, sit merà *πυλωρὰ τοῦτον* Exercitationum tractum, ut loquitur, inundare. Imò pauciores adhuc pagellæ loci illius peculiaris vindiciis à me occupatæ. 3. Quamvis ducentas paginas impleſsem, demonſtrandum fuerat Animadverſori, inanem verborum multitudinem à nobis oppoſitam, & *quicquid venit in buccam*, ut modeſtè loquitur. Obteſtor verò Lectorem candidum, ut paginas illas excutere dignetur, & judicium ferat de conſcientia & candore utriusque noſtrū. Et annon continuas rationes, & ſolidiſſimas quidem, illi oppoſuerim, quibus nihil ferme niſi convitia & diſcèria, quamvis *tantum lenitatis & patientia Chriſti imitator*, reponit. Quæ compendioſa triumphandi ratio eſt. 4. Si etiam penè omnia in Exercitationibus meis contenta, eàdem operâ conſutari potuiſſent, cur non rem paucis conſectam dedit magnificus Diſputator? Anſic LXX. & amplius voluminibus opus fuiſſet, quod alibi jaſtat, ſi me *ἄνδρα* ſequi inſtituiſſet, proportionum jam reſutando bene gnarus? qualis putandi ratio pueris in Schola fortè juſta videri poſſet, vel iis qui nondum ære lavantur, non viro cordato, & alicujus in literis judicii. Equidem ſi Exercitationum mearum nulla niſi in Animadverſoris ſpecimine memoria exſtaret, fidem fortè reperirer apud Lectores ſibi obnoxios. Sed in plurium illæ ſunt forulis & manibus, quàm ut rhetoricatione iſta inani talia ulli perſuadere poſſit, qui ſuæ ſpontis ſit & ſui jydicii. 5. Quæ verò ſunt *pauca illa verba* quibus omnia noſtra diſpellit? Quatuordecim paginas minori charactere & majori forma occupat; Et i. Inquit, lieuiſſe ſibi *opinionem ſuam pro reſponſione proponere, quum ejus explicatio ſufficiat ad mea argumentationis reſutationem*. At quis unquam Diſputatorum audivit, id quod in quaſtione eſt, pro reſponſione proponi debere Adverſario id ipſum non tantùm neganti, ſed & impugnanti & argumentis *inartificialibus* authoritatis divinx, & *artificialibus* rationis ſecundùm eam? An etiam *explicatio ſententia* alicujus ſufficit ad reſponſionem, quæ ipſa explicatio & rejecta fuit & conſutata jam antè, & quæ non repetenda erat, ſed probanda & vindicanda? Quis unquam conſutare poſſet Adverſarium ullum, ſi ſufficeret eum ſententiam ſuam reponere, & ejus explanationem jam antè à ſe datam repetere, & opponere reſponſioni per quam conſutatur? Quid quæſo etiam novi in iſta Animadverſoris explanatione de redemptione conditionata univerſali, quod non fuerit jam antè occupatum & proſtigatum?

V. Objeceram, redemptionem non bene ab eo conſideratam fuiſſe vel ut *abſolutam*, vel ut *aſſectam conditione*, quum ex ejus ſententia, aliter conſiderari non debeat quàm ut eſt *aſſecta conditione*, ſive quàm conſideratur ut *preſtita* à Chriſto, ſive quàm conſideratur ut *oblata* hominibus: quæ verò



verò sub conditione tantum & præstantur & offeruntur, absoluta dici non debere. Quid reponit? *Meram esse hallucinationem: Affectum enim conditione illud sibi esse, quod proponitur, ita ut simul conditione nondum præstita exigatur. Absolutum verò quod confertur actu, quia conditio præstita est. Quæ priori modo conditionata sint, ea posteriori esse absoluta.* Convitium addit, me ad usum *sensus communis* revocandum, neminem enim, qui conditionem negotio alicui additam implevit, id amplius conditionatum esse putare, sed absolutum. Alioqui cum conditionatum ex conditione pendeat, conditione præstita negotium ex alia adhuc suspensum iri & sic rem ituram in infinitum. Absit verò, ut tantum monstrorum Theologicorum expurgatorem ad *sensum communem* revocatum velim, quia enim sensus ille communis est, parum dignus est non communis, sed peculiaris in omnibus orbitæ sectatore. Rationibus rem agam. 1. *Quæstio est: An redemptio alia consideranda sit ut absoluta, alia ut affecta conditione.* Negavi prius, ex Animadversoris sententia, hic dici posse, quum illam nonnisi sub conditione præstitam censeat pro omnibus & singulis. An verò id, quod nonnisi sub conditione præstitum censeatur, absolutum dici debet vel conditionatum? Quando verò de redemptione sermo, sermo de ea quæ præstita est, & illa ex actu Christi, non hominis, describenda: Adeòque redemptio secundum illum, absoluta esse non potest, quia semper est affecta conditione? 2. *Excepi etiam, eam absolutam dici non posse, quatenus eam quidam revera amplectuntur,* quia nonnisi sub conditione illam amplectuntur vel amplecti possunt. Quod verò beneficium quis nonnisi sub conditione & per ejus præstationem amplectitur, meritò conditionatum dicitur, non absolutum. Certum cæteroquin, ut redemptio Christi absoluta sit, adeòque dicatur, non pendere ex actu amplectentis, sed ex actu redimentis. Aliàs respectu aliquorum, qui eam jam sunt amplexi, absoluta foret, respectu aliorum, qui id nondum fecere, esset non-absoluta. Nec etiam actus amplectentis facit, ut id quod sub conditione præstitum, dici debeat absolutum. Sic legatum, verbi gratiâ, sub conditione alicui felicitum, etiam dum conditionem præstat, conditionatum dici non desinit. Notavi etiam *paralogismum* in oppositione membrorum instituta à Dissertatore, quatenus membrum unum nimirum *absolutam redemptionem* descripsit ab actu hominis, *conditionatam* ab actu Dei, illam esse, quatenus eam homines amplectuntur, istam, quatenus Deus eam offert sub conditione: Describendam saltem fuisse *absolutam*, quatenus non tantum offertur aliquibus sub conditione, sed & quatenus confertur ipsa conditio ei annexa: *conditionatam*, quatenus offertur tantum sub conditione, non verò confertur conditio sub qua offertur. Aliàs membra opposita sibi

non respondere, prout verbi gratiâ, *absoluta* redemptio captivi dici potest, pro quo & λύτρον exsolvitur, & numellæ quibus constrictus est, solvuntur, & fores illi aperiuntur carceris, isque ex eo actu educitur; *conditionata* illa, pro quo quidem λύτρον solvi dicitur, sed sub conditione & ipse numellas solvat, fores aperiat, & ex carcere isto se proripiat. An his expensis, rhetoricationi isti Animadversoris locus? 3. Compareret etiam Lector verba Dissertatoris & Animadversoris. Dissertator inquit, redemptionem considerari ut *absolutam*, quatenus eam quidam reverà amplectuntur: Animadversor verò absolutum sibi dicit esse quod conferatur actu; quia conditio præstita est. An verò ista eadem, & annon prior actus hominis est, alter Dei unus antecedit, alter sequitur? Redemptio itaque ex sensu Animadversoris, *absoluta* dici potest eo tantum sensu, prout *absolutum* opponitur *inchoato*, non verò prout opponitur *conditionato* vel respectu electorum, non verò respectu omnium & singulorum.

4. Quando quis non potest amplecti aliquid, vel quando id ipsi conferri nequit, quam dum conditionem actu præstat, & quâ eam præstat, annon amplexatio illa & collatio conditionata vocanda, non *absoluta*? At nonnisi actuali fidei, ut conditionis præstatione, homo amplectitur redemptionem, & ea illi confertur. Sic si quis nonnisi actu inserviens hero, favore ejus potiatur, annon favor iste conditionatus dici debet, non *absolutus*? Confundit etiam conditionem quam semel implere aliquis dicitur, & post eam beneficium consequi, cum conditione quæ successivis actibus implenda, ut hic beneficii possessio continuam conditionis impletionem exigit. Redemptionem verò nos *absolutam* dicendam censemus, non *conditionatam*, non tantum quia in cruce *absoluta* fuit, oppositè ad *inchoatam*; sed etiam quia iis pro quibus præstita conditionis gratia etiam & acquisita est & collata, vel conferenda. Nec *conditionatum* tantum dicitur, quod pendet ex conditione præstanda, sed etiam quod exegit conditionem præstitam, & nonnisi sub illius præstatione confici vel obtineri potuit. Aliàs confunderetur verbi gratiâ, legatum *absolutum* & *conditionatum*, illud Titio, istud Sempronio factum, illud sine conditione, istud sub conditione. Ut ut enim Sempronius conditionem implevit, & legatum adeptus sit, æquè ac Titius, Titii tamen legatum *absolutum* vocari debet, Sempronii *conditionatum*: Nec enim legatum denominatur ex actu Sempronii legatarii, sed ex institutione legantis: sic redemptio Christi non ex actu hominis *absoluta* vel *conditionata* dici debet, sed ex actu Christi redimentis. Nec ullus, nisi desipiat, *redemptionem* Christi *conditionatam* vocare debet, etsi *applicatio* ejus *conditionata* non male vocari possit. Ista verò non confundenda. An foruli Jurisconsultorum, vel *sensus*

*communis* in subsidium hîc vocari debeant, quod mihi impingit Animad-  
versor, viderit ipse & Lector eruditus. 5. Annon semper etiam suppo-  
nit, proponi omnibus & singulis mortalium redemptionem affectam  
conditione? Et quid id persuaderebunt ulli qui non sit cucurbita, qui apud  
se animo reputet œconomiam redemptionis ab innumeris nationibus  
absconditæ? An τὸ γινώσκον & Θεῶν illius præco est, & qui respectu illorum,  
quibus ne id quidem propositum sine ludibrio dici potest? Et egregia  
spolia ex propositione redemptionis sub istiusmodi conditione, quam  
non magis habere ex nobis possumus quàm redemptionem præstare!  
Hallucinari sanè ego malim quàm ita sapere.

VI. Ad id quod dixeram, redemptionem à Christo factam, ut Dissertatori loqui placuit, in se absolutam fuisse, & in cruce consummatam. Id mirabile esse notat: Christum quidem actu & absolutè mortuum esse in cruce; At verò ex eo colligere, Redemptionem pariter esse simpliciter absolutam, idem esse ac si quis diceret, idèd quia Rex pretium captivorum mercatori persolvit, ea conditione ut quicumque liberari vellet è triremibus, libertate gauderet, omnes etiam invitos & reluctantes actu liberatos esse, quia pretium actu persolutum est. At 1. Verè id à me dictum, & ἀνευλόγητα Dissertatoris hic meritò notata. An enim redemptio à Christo facta non est actus Christi redimentis? Annon ille actus in cruce consummatus fuit? Nec tantùm sic absolutus dici potuit, prout opponitur inchoato; sed etiam quatenus omnibus iis quos redemptos voluit, conditionem non redemptioni, sed applicationi ejus annexam simul acquisivit. Vtroque isto modo sanè absolutam fuisse istam in cruce redemptionem passim à nobis demonstratum. Imò ne aliter quidem concipi posse, sine ludibrio. An verò hoc mirabile videri debeat, judicabit Lector. Annon fatetur ipse, Christum absolutè mortuum esse in cruce, redemptionem itaque absolutè in cruce fecit, ut ejus phrasi utamur. Si eam absolutè fecit, redemptio pariter simpliciter absoluta est. 2. In eo, quod adducit, simili peccat, tum quia supponit redemptionem universalem conditionatam à Christo, pretio persoluto intentam fuisse, ut intenditur à Rege universalis & conditionata captivorum omnium redemptio, quod novit esse ipsum κενόμηνον, negatum & confutatum, tum quia conditionis illius præstatio est in potestate captivorum, conditionis redemptioni annexæ non item, tum quia & redemptio & conditio illa innotescunt omnibus captivis, redemptio verò Christi & ejus conditio non item; tum quia supponit, me velle invitos & renitentes in perpetuum à Christo liberatos esse, quæ omnia absurda & falsa. Simile itaque istud, ἀπεροδόνητον est, & alienum ab argumento. An, si prævideret Rex, captivos ne velle quidem posse sui liberationem (quæ-

cunque impotentia intercedere statuatur, satis, invicta illa sit) non tamen nisi sub ista conditione liberationem illis destinaret, imò nec pretii per-  
solutionem, nec conditionem illi annexam innumeris revelaret, is dici  
posset scribè velle omnium captivorum liberationem ab ullo qui non *χρὴ-  
ταις ἀντιμα*? Et ista tribuenda sunt Deo! Adde, eum qui conditionem  
quidem, annectit suæ redemptioni, absolute verò decrevit conditionis  
gratiam facere illis quos redimit, dici debere *absolute* illos redimere vel-  
le: Contrà quibus vel conditionem notam non facit, vel quibus ejus  
præstandæ gratiam non facit, & tamen eam exigit, quamvis illam sciat  
nonnisi à se haberi posse, illos eum nec *absolute* redimere velle, nec sub  
conditione. Iudicet jam Lector an *multa dicam & parum curem quid dicam*.  
Hoc dicere sanè facillimum, probare non item.

VII. In sequentibus p. 134. 135. 1. Sententiam suam modò repeti-  
tam de affectu Dei communi erga omnes, & de *φιλανθρωπία* Dei, & de  
redemptoris datione & oblatione communi vel universali sub conditio-  
ne iterum nobis reponit. Quæ non tantum in quæstione inter nos, sed  
& tot authoritatibus & rationibus à me eversa, ut vix oculis meis credi-  
derim, Animadversorem adhuc audere ista Lectori ingerere, & de me  
queri, quòd dicam talia esse ipsa *ἀντιμαρτυρήσια*, & non contentus sim  
solà suæ doctrinæ repræsentatione. Ne credat mihi Lector, sed pag. 134.  
135. Animadversoris excutiat. Causam non dico, quin me habeat pro  
insulsiſſimo mortalium, nisi animadvertat, nobis reponi meras & putidas  
sententiæ explosæ & confutatæ repetitiones, quasi ex iis aliquas acquire-  
rent vires. Paralogismorum etiam sibi impactorum multitudinem pro-  
scindit convitio, non revincit rationibus; Et verniliter paginarum nu-  
meram subducit, quasi singulis paginis quinquaginta alix proportionē  
arithmetica essent opponendæ, quod putidum & pædagogicum. Si quin-  
quaginta reposui paginas Dissertatoris uni paginæ, tot argumentorum  
congeries se mihi scribenti oggeſſit, & tantas sententiæ istius absurdita-  
tes deprehendi, ut eam ad intima usque cubilia erroris insequendam cen-  
suerim, & Lectori me accuratè ostendere debere existimârim, quàm mi-  
sera sit ista Theologia, quam tanto apparatu novus iste orbis Theologi-  
ci instaurator producit. Ve inusitados habet spiritus, sic verè inusitatus  
respondendi modus est, repetitiones suorum & convitia ac cavilla oppo-  
nere illi. qui meris rationibus agit. Iudicet Lector iterum ex hoc speci-  
mine de conscientia & thraſonicis hominis Theologiæ tationibus. Plu-  
rima reponi possent durissimis his locutionibus, ut mollissimè etiam lo-  
quar, verbi gratiâ. 1. *Duos affectus Dei versatos esse in salute hominibus procu-  
randa.* 2. *Affectum Dei voluntatem inclinare aliquò usque.* 3. *Posteriorem affe-*  
*ctum.*

*Etum Dei priorem augere & intendere. 4. Deum non ponere ullum modum vehementia & efficacia suæ, donec hoc vel illud fecerit. Sed producere schemata ista, ea confutare est. 2. Contra scientiam etiam & conscientiam redemptionis universalem oblationem ponit sub conditione, si omnes & singuli Redemptorem per fidem amplecti velint, adeoque istius redemptionis, actualis, non spei tantum remissionis cuiusdam, vel placabilitatis Dei, necessariò præconem & nuntium facit naturam, & πρὸς τὸν Θεὸν, vel universalem illam oblationem refovere cogetur. Quàm exclamationibus hic locus esset quas habet: *Proh Deum immortalem! Adeone securum esse præstantem Theologum de reliquorum hominum iudiciu, adeone sui negligentem!* Sed nostrum non est ita paratrægœdiare.*

VIII. Tandem post Syrma cavillorum aggreditur confutationem quorundam quæ ad locum Joh. 111, 16. à me dicta: Et 1. *Calvini ac Pellicani commentationes pro se facere septem propemodum paginis operosè contendere satagit. Nullibi in toto opere de Scripturæ locis ita sollicitus. Quid verò opus erat de humana auctoritate ita prolixè disputare, cum doctrina de gratia hominum suffragio nec stet, nec cadat, ut cogitur sateri? Si dicat, eos saltem in sententia à nobis diversa fuisse, & idem secum sensisse & scripsisse, id verò nec hic probat, neque probabit unquam. Oppositum ex variis Calvini & Musculi locis à me demonstratum. Quoties verò Veteres ante controversias multas ortas incautiùs sunt de variis argumentis loquuti! Annon sufficeret, nos Calvini & Musculi verba, quando de prædestinatione & reprobatione peccatoris ex professo agunt, & non occasionaliter, istis omnibus opponere; adeoque respondere, vel viros illos Eximios ita non sensisse, vel alicubi liberius & incautiùs ante controversias natas loquutos, quæ vix cum aliis à se dictis conciliari possint? 2. Adde, si in eo cardo quæstionis versaretur, nos Animadversori vel hæc ipsa loca extorquere posse, & ostendere nihil ea facere pro gratia universali, & conditionata vel prædestinatione vel reprobatione. 3. Observet Lector compendio ad Calvini verba: *Nec universalem notam à nobis negari oppositam Joh. 111, 16. nec promiscuam invitationem. Quod verò illa sententiam Animadversoris haudquaquam adstruant, demonstratum in Exercitationibus; Deum se toti mundo propitium spondere, optimè dici potest, quia non ampliùs ut in V. Testamento una gens à gentibus aliis distincta, sed quævis, cuiusvis ordinis & conditionis promiscuè invitatur: Sine exceptione omnes ad fidem Christi vocari, pariter intelligendum ratione œconomix Novi Testamenti, oppositæ Veteri. An enim aliàs omnes in universum homines sine exceptione ad Christum vocati? An Calvinus etiam vel sentire vel dicere potuit; Chri-*  
stum*

istum omnibus patere & expositum esse? An id locum habet respectu eorum quibus ne verbum quidem de Christo unquam vel revelatum, vel revelari etiam per ætatem potuit? *Synecogorema* itaque hic necessarîo intelligendum de *generibus singulorum*. Qui exceptiones meas cum verbis Calvinî contenderit, videbit solidè à me responsum, nec exclamationibus Animadverforis dicta mea convelli. 4. Quæ ex Liturgia nostra attexit, & sæpius repetit, à me accuratè excussa, & ostensum quo sensu verba ista è Johanne eò translata fuerint. Et quamvis *pro omnibus in universum hominibus* orandum nobis foret, omnibus etiam & singulis intellectis, ex actu nobis incumbente, ad redemptionem conditionatam omnium argumentum duci haudquaquam posset, ut demonstratum in Erotematibus. Quasi verò etiam pro natura rei subjectæ *universale* sæpe non ponatur pro *generali*, ut & *generale* interdum pro *universali*! Verbi gratiâ si dicam *generaliter* homines esse ratione præditos, quia prædicatum est *essentiale*, intelligi id debet *universaliter*: Si dicam, *generaliter* homines esse ingenio polito & capace artium ac disciplinarum donatos, quia prædicata ista non sunt *essentia*lia, necessarîo *non generaliter* non intelligi debet *universaliter*. Sic si dicam *universaliter* homines esse anima rationali præditos, necessarîo id de omnibus & singulis intelligi debet, ob naturam rei de qua agitur. Sin dicam, *universaliter* homines usu rationis esse donatos, haudquaquam id de omnibus & singulis dici potest. Quia ergo redemptio Christi non fuit actus necessarius absolutè, vel essentialis, sed merè arbitarius respectu voluntatis Dei, universali etiam *synecogoremate* adjecto, omnes esse redemptos, non intelligitur necessarîo redemptionem ad omnes & singulos extendendam. 5. Incredulis excusationem omnem præcidi, & iis qui *negativè* tales sunt, quamvis non vocentur ad vitam, & *privativè* talibus, qui vocantur quidem, sed primò ad pœnitentiam, & nonnisi illâ positâ, ad fidem, idque per gradus, in Exercitationibus à nobis satis demonstratum. Quum ad vitæ participationem etiam nemo vocetur nisi per verbum, & à Christo, ista vocatio universalis dici nequit. Judæos Christum non agnovisse pro Propheta, sed habuisse pro impostore, & censuisse Evangelium ejus esse fabulam, satis ad excusationem præcidendam faciebat, quamvis non ad vitæ participationem fuerint vocati. Satis etiam, Christum Sancta Judæis præcepta proponentem spretum fuisse, ad omnem excusationem præcidendam. Reo satis est quod sit reus, ut excusatio omnis ipsi præcidatur. 5. Supponitur etiam, non probatur, omnes & singulos mortalium ad vitæ participationem vocatos. Nec quia Deus olim in lege *Hoc fac & vives*, omnes Israëlitas ad vitæ participationem vocasse videtur, & omnibus excusatio præ-



præcisa fuerit, eâ intentione illos ita vocasse censeri potest, ut per illam legem vitam consequerentur, quippe quos Legem haudquaquam præstare posse satis noverat. 6. Solos electos à Deo ad fidem vocari, nimirum eâ intentione ut salventur, verissimum, alii verò præter electos vocantur ad actus antecedentes & generaliores, sed post invitationem ad poenitentiam, idque per meram officii exactiorem. 7. Non-electis Deum propitium se non ostendisse, nimirum quoad salutem, nec propitiationem istam iis destinasse, verissimum. Ostendat Animadversor, qui se propitium ostenderit illis, quos ex Americanis vel aliis id genus populis in peccato nasci & exstingui voluit, sine ulla Euangelii in Novo saltem Testamento revelatione. Si etiam propitiationem omnibus destinavit, vel id fecit *absolutè*, vel *sub conditione*. Si prius, omnes sunt salvandi: si posterius, reponit nobis *universalem suam prædestinationem conditionatam*, quam novit non tantum universæ Synodo Nationali displicuisse, sed & amicis suis, & confessionem à se editam ἀνεξολογίας, ἐπεροδοξίας enim à Pelide isto confesso expectari non debet; regereret enim utalibi; *Quid fiet de honore meo?* 7. An absurdius, *totum mundum* pro electis à Calvino quàm à Scriptura sumptum, quando Christi propitiationem pro peccatis totius mundi factam dicit? Quod 1 Joh. 11, 2. ita intelligi tum credere desinemus, ubi Animadversor ad commentationem nostram responderit rationibus, non diæteriis vel convitiis. An opponet etiam Iohanni, *electos ne millesimam quidem mundi partem esse?* An Paulo Col. 1, 6. & 23. phrasēs geminas adhibenti? 8. Simile quod urget *de magna urbe ex qua unus salvatus, reliquis excisis, dici non posse toti civitati Regem placatum*, alienum est, quum (quæcumque detur comparatio) semper plurimi in mundo salventur, qui multi sunt ἀπλῶς, etsi pauci συγκεκληῶς. Adde, tales esse ex quibuscvis gentibus, ex quovis ordine, conditione, & ætate. Adde, Animadversorem hîc subdolè agere, & rationem locutionis tegere. Pone unam tribum è magna urbe priùs à Rege amatam, reliquis omnibus præteritis, postea Regem quavis tribus in urbe aliqua amare, etsi non singula istarum tribuum individua, annon comparatione institutâ, & habitâ ratione posterioris istius inclinationis, dici potest Regem jam totam civitatem amare? Imò si electi sint *vix unus*, nec vitium sit in comparatione, respectu reproborum, egregiè Christus dicitur omnibus & singulis Salvator datus, quamvis non nisi unum actu salvet, ex ipsiusmet Animadversoris sententia 19. Quasi verò vel verba Calvinī sint vexanda, vel non diverso sensu vocem mundi acceperit, cum Iohanne cap. 1. 10: vel absurdum sit, dicere, quamvis in tota hominum universitate nihil reperiatur Dei favore dignum, tamen Deum se ostendisse propitium

pitium omnibus electis? An beneficium electis omnibus deputatum non erat dignum commemoratione? Et an absurdum fuit, Calvinum id ingerere, quod sæpe alibi deprædicat, & quod Scriptura toties tam magnificè commendat? Nec falsum debuit Calvinus intelligere, quod ipsi affingit Animadversor, Nimirum *Deum voluisse sine exceptione propitium se omnibus ostendere*, quod est ipsum *κατὰ πρόθεσιν*, & universali omnium experientia adversum, scilicet illis in tempore se propitium ostendere voluit, quos odit ab æterno, quos Christus nunquam novit, quibus præparavit ignem æternum, quos voluit esse vasa iræ, quos præscripsit ad damnationem! Post istos actus tamen, utut ex ipsius sententia posteriores ordine actibus *φιλανθρωπίας* suæ imaginariæ, æternos tamen, si Animadversorem audimus, in tempore eos salvari voluit, sub conditione si crederent. Nec exceptioni hic locus de prævisione culpæ: quæstio enim denuò de ista recurrit, annon innitatur decreto de permittenda Adami culpa, & de ea omnibus imputanda, & de non danda gratia omnibus ex ista culpa emergendi, quam demum excipit prævisio incredulitatis & impœnitentia.

IX. *Pertinacia* tamen *ipsi ruborem suffundere posse* ea quæ addit, inquit, quod joculari loquendi genus est. An verò 1. Calvinus vitam in Christo iis promissam credidit, qui nihil unquam de eo audivere? 2. Universalem promissionem vitæ esse respectu omnium credentium, non inter nos controversum est, sed an qui universalem istam promissionem proposuit, & vitam à fide à se solo pendente tantum, suspensam voluit, omnibus vitam voluerit? Hoc itaque duntaxat vult Calvinus, omnibus credentibus promitti vitam: sed non omnibus dari gratiam ut sint credentes. An verò ista vel inter se pugnant, vel nobiscum aut cum sententia nostra? Nec promissio vitæ ad omnes, ut supponit Animadversor, patet, sed *ad omnes qui crediderunt*, quod habet Calvinus. Etsi verò omnes electi credant, & soli quidem, aliud tamen est, dicere, omnes credentes servandos, & omnibus ac solis electis dari fidem. Prius notat nexum conditionis & rei conditionaræ, qui est universalis. Posterius subjectum in quo reperitur utrumque. Qui etiam Christus omnibus pateat vel expositus sit, ostensum; patet omnibus credentibus, soli tamen electi credunt, & credere possunt. Ergo iis solis ex intentione Dei expositus est ad salutem. Et quia solis electis Deus aperit oculos, & vult aperire, & tamen apertionem oculorum requirit, & salutem ab ea suspendit, patet quæ sit ejus de salute voluntas. Iudicet hic Lector de utriusque nostrum *subtilitate*. Ad laudem sanè dotis istius ille non ambit, qui communem orbitam terit, sed is qui novæ Theologiæ vel Patriarcha vel Defensor saltem esse vult.

vult. Qui tria grandia volumina à me scripta toties apud Animadversorem legit, nihil aliud concipere potest quàm tres fortè *Calepinos*, vel tres ex *Abulensis* Operibus tomos à me conscriptos. Ita scilicet exigui libelli in forma minori, quam *octavam* vocant, scripti, & commodo Lectoris tantum sic distributi. depingendi erant, ut alibi per *ponderosa volumina*, quum primum & secundum unum tantum volumen faciant, & eo tantum fine, ut facilius omnium manibus teri possint, in duos libellos mediocres distincta fuerint.

X. Si Calvinus etiam non voluit, omnes & singulos mortalium nullo excepto, ad fidem Christi vocatos esse à Deo, non censuit omnes & singulos à Deo ad participationem vitæ vocatos, qualis quippe vocatio non datur extra Christum. *Voluit duntaxat*, inquit, *eam esse naturam promissionum Evangelicarum, quæ spem ostendunt, ut pertineant ad omnes & singulos, ad quos prædicatio dirigitur, & eorum nemo excipiat, cui se Deus propitium non ostendat, & vitæ donatorem in Christo. Prædicationem autem Evangelii ea ratione institui debere, ut quantum id fieri potest, ad omnes populos extendatur. Commune tamen Dei misericordiam, & promissionum universalitatem non impedire, quo minus peculiari favore dignetur electos, ut quod omnibus promittitur, ipsi per fidem apprehendant.* Inter quod & suam doctrinam quid intersit, ne lynceis quidem oculis videri posse inquit; *Ista verò diluta sunt.* 1. Si secundum Calvinum, ad eos tantum pertineant promissiones Evangelicæ, ad quos prædicatio dirigitur, & prædicatio ad innumeros non dirigitur, promissiones non sunt universales, nec ad omnes & singulos mortalium pertinent, ne sub conditione quidem, quod est directè contra Animadversoris Theologiam. 2. An promissiones Evangelicæ spem ostendunt, & præcipuè quidem, vel tantum? Annon actualem Dei in Christo respectu omnium credentium placationem? Cur ergo ostensionis tantum spem meminit, nisi ut sic includat vocationem per naturam. Et annon sic consequenter in ista prædicatio Christi reperietur & fidei? Calvinus verò loquitur apertè de prædicatione vitam omnibus proponente in Christo, sub conditione fidei. 3. Vocatorum nullum nomine tenus sanè excipit Deus, cui se propitium non ostendat, & vitæ donatorem in Christo, excipit verò omnes impenitentes, quales semper plurimi in cætibz externis. Si dicatur, Deum se talibus ostendere propitium sub conditione, ne sint impenitentes; Eo ipso se non propitium ostendit innumeris, quibus non vult dare gratiam pœnitendi, quæ ab ipso solo penderet, & dum beneficium suspendit à conditione ista, nec illam dare vult, & novit illos eam ex se habere non posse, re ipsa ostendit, se nolle propitium esse omnibus. 4. Si prædicationem verbi Deus ad omnes pertinere

vellet, nihil obitare posset, quominus ad omnes extenderetur, nec Deo deessent media id procurandi. Quia verò id facere non vult, prædicationem istam universalem esse non vult, sine qua tamen salus universalis esse nequit. 5. De peculiari Dei favore erga electos nulla quæstio, sed de universalitate promissionum, & communi illâ, hoc est, universali misericordia, quæ semper supponitur. 6. Inter Calvinî & Animadversoris Theologiam quid intersit, alibi demonstratum dabimus. Nec hic oculis lynceis opus, sed oculis duntaxat & conscientiâ.

XI. *Musculum* non nobis favere, ne aggressus quidem fuit docere. Si dixi, eum alicubi *manes suos passum*, id verè dixi. Locum verò ex *Musculo* operi nostro præscripsimus, qui totam Animadversoris Theologiam evertit. Ne de *Calvino* quidem ita non sentit Animadversor in explicatione, verbi gratia, loci 1 Tim. 11, 4. & dum scribit, eum non perspexisse quid sequatur ex sua doctrina. De *Pellicano* notat, eum dicere *facilem aditum datum omnibus ad salutem*, hanc tamen phrasin à me castigatam pro Arminiana & Sociniana. An verò phrasin ista p̄ se à me castigata; annon tunc castigata, & meritò quidem, quando is fructus mortis Christi fingitur, ut *omnibus aperiat portam ad salutem*? Nec enim Scriptura ita exiliter de fructu mortis Christi loquitur, nec ullibi dicit, eum ideo mortuum ut *facilem aditum daret ad salutem*, sed ut nos redimeret, ut tolleret peccata nostra, ut purgationem eorum faceret, ut nos reconciliaret Deo. Phrasin illam meritò Socinianam & Arminianam dixi, à *Socino* quippe & *Arminio*, & utriusque sequacibus adhibitam crebrò, & quæ Theologiarum illorum congruit, ut in hominis vocati manu sit, aditu illo dato uti vel non, ingredi vel non. Si de eo ambigat, Auctores & loca complura ipsi impingemus. Nec phrasin illa in sequiorem sensum tracta erat tempore *Pellicani*, ut postmodum fuit, unde à phrasi solenni hominibus heterodoxis abstinendum erat Animadversori, æquè ac à Theologia illorum, ne ista *ἀέξω* enervare videretur fructum mortis Christi, & favere sententiæ heterodoxæ ab illis defensæ. Non observavit etiam Animadversor, quod à summo Theologo *Andrea Riveto* prudenter monitum, *Pellicanum* Erasmo additiorem hanc phrasin ex Paraphrasi ejus mutuatum esse, in Ioh. 111. ut & p̄raque quæ habet in Commentariis suis in Euangelia. Quod in *Pellicano*, vix è gurgustio monastico emerso, & Erasmi autoritate abrepto, & ante recoctas infelices Controversias semiPelagianas vivente excusari potest, excusari verò non debet in Animadversore, qui cautius de morte Christi & ejus fructu loqui debebat.

XII. Pergit & nos docet ex *Virgilio*, & *Cicerone*, & Grammaticæ regulis,

lis, *quisque* esse pronomen universale, adeoque omnes & singulos complecti. Id verò tanto monitore opus habebat! Et vel καὶ ὅλως intelligitur, vel ὅ μὲν. Si hoc, malè argumentatur. Si illud, id falsum. Nam ut ut *quisque* etiam *patietur suos manes* inter homines, sensu Poëtar, excipiendi saltem infantes. Sic; Anquando Poëta inquit, *suam quisque homo rem novit*, omnes & singulos mortalium intelligit? Innumera talia. Et qua conscientia dicit Animadversor, *neminem hominum esse qui non habeat facilem illum aditum ad salutem*? Quem habuere *aditum facilem ad salutem* infantes extincti in prima ætate inter paganos? Quem illi omnes qui nihil unquam de Christo audire? Quem illi quos Deus odit ab æterno, quos Christus nunquam novit? Quem omnes illi quibus Deus fidem largiri non vult, sine qua nullus datur aditus, nedum facilis? Quem *facilem aditum* habent *ad salutem*, inevitabiliter increduli, & ineluctabiliter damnandi, quales omnes præteriti, secundum ipsum Animadversorem? Nec *Pellicani* verba ex commentario in cap. 1. Joh. 29. nobis adversa. Ultima enim aperte exponunt priora, secundum sententiam nostram. De idoneitate etiam Christi non quæritur, sed de voluntate. Et si Christus universa totius orbis peccata sustulisset, sustulisset etiam incredulitatem & impœnitentiam, & effecisset, ne utraque in ullo esset perseverans. Nec verba *Pellicani* ex Commentario in Cap. 111, 15. sententiam nostram lædunt, *omnibus enim credentibus* Christum expositum, inter nos controversum non est, sed annon, quia Deus credentibus tantum Christum expositum voluit, nec fidem omnibus dare, omnes salvari noluerint? Nec verba *Johannis* v, 18. de omnibus & singulis mortalium, sed tantum de vocatis per verbum agunt; nec vexanda verba quibus alia opponere possemus ejusdem *Pellicani*, si in eo versaretur cardo quæstionis: Et plurima ibi retorqueri possent in Animadversorem: Diserte enim dicit Christum in hoc venisse *ut per fidem purgatum mundum salvum faceret*; Et quis est iste mundus? An *Christus etiam nihil omisit, ut cunctos ad salutem æternam traheret*? Si id de omnibus & singulis intelligatur? Fidem tuam Animadversor! Annon tantum hoc vult, *vizio Christi* neminem perire? Id vero an inter nos controversum est? Annon potius, an Christus *omnibus & singulis mortalium aditum facilem ad vitam* aperuerit?

XIII. Merito à me dictum post *Basilium*, solius Scripturæ judicio hinc standum, non hominum, quicumque illi sint. Magnos quosdam Theologos Orthodoxos fuisse in sententia à me diversum fatebor, ubi ostenderit Animadversor ex truncatis vel detortis aliquot verbis, (quavis plurima alia illis opponi possint eorundem auctorum) judicandum esse de eorum sententia: satis, doctrinam eorum de electione, reprobatione

tione & fœdere gratiæ nobis planè favere, & secundùm ea interpretanda esse, dicta popularia in commentationibus & Homeliis ad *μὲν* movenda quandoque adhibita. Sanè si verba ita vexanda sint, nemo effugiet Protestantium, quin transubstantiationem largiamur Pontificiis, quando illi ex Patribus variis *ἡντορίας* varias citant, verbi gratiâ, ex *Cypriano* Serm. in Coena Domini, verba comparata ad *μὲν* movenda, *Sanguinem sugimus, & intra ipsa Redemptoris nostri vulnera figimus linguam, quo interius exteriusque rubricati* &c. & alia id genus. De iudicio & candore utriusque nostrum iudicabit Lector. Heroas nostros idem cum Animadversore scripsisse & credidisse, tum admittemus, ubi ex illis docuerit, *triplex Dei fœdus, predestinationem universalem conditionatam, vocationem ad Christum per naturam, & τὸ πρῶτον ἔχει*, fidem sine cognitione Christi, hominem irregnitum posse credere si velit, peccatum turbasse œconomiam consilii divini, & Deum ad novas curas compulisse, & innumera id genus alia. Nequicquam verò quiritâtur Animadversor, quod pessimè secum actum, quum licuisset illi quieto esse, sed qui Ecclesias pacatas in hunc usque diem turbatas mavult opinionibus suis privatis, quamvis non necessariis, & super controversiis *de rebus levibus*, ut amici ejus loquuntur, quàm tot Synodis & hortationibus cedere. Et ramentum velut Græchus ac Cethegus de seditione queritur: An verò *futiles* tantum sint *elusiones*, ea quæ à me producta, iudicabit Lector, & animadvertet, humanis armis anxie pugnare Animadversorem, quæ hinc inde versat, & æqualeo passim subjicit, divinis verò cum nunquam adeò sollicitè uti. Interpretationes meæ in loca Scripturæ, utut eas convitiis variis proscindat, ipsius iudicio nec stabunt nec cadent. Confutet à me dicta, & agat rationibus, & constabit publico, quis verè & sincerè loca Scripturæ excusserit. In his præcipua causæ momenta, quæ excutienda erant Animadversori, si operæ pretium agere voluisset. Scripturâ nobis ereptâ, causæ nihil foret, quin triumpharet Theologia Animadversoris, illâ nobis relicta Commentatorum aliquot verba causæ nostræ nihil planè officere possent, sed cavit sibi, ne tangeret complura Scripturæ loca à me cum cura expensâ, & tot rationibus confirmata, ut desperaret se posse iis satisfacere. Hæc sola causa tanti contemptus & tot, quibus me passim obruit, contumeliarum, ac convitiatorum.

XIV. Et quia provocat ad Lectoris iudicium super iis quæ commentatus sum in locum Joh. 111, 16. opto toto animo, ut ex illo etiam loco iudicium de Animadversoris candore fiat. Reperiet verò commentationem meam Exerc. part. 1. à p. 741. usque ad p. 774. inclusivè. 1. Inquit, me *τὸ ἔτος* & *τὸ ἔργον* velle majorem affectum denotare, præsertim quum agatur de Filio donando, & respondet Grammaticorum de verbo



verbo ἀγαπᾶν conjecturas ad doctrinam de Gratia universali non pertinere. Quasi verò. 1. Grammaticationes pædagogicæ, & rhetoricationes ac cavilla, quæ passim inserit, & ex quibus Duas Partes priores Speiminis integras propemodum conflavit, propius vel magis ad eam pertinent! 2. Vertiginem passus est, nec enim talia à nobis citata ut ad Gratiā istam pertinentia, sed ut facientia ad ejus eversionem. 3. An τὸ εἶναι non notat ἀπῆλθον & αὐξήσιν velut amoris? 4. An absurdum etiam, ex Etymologis Græcis vim vocabulorum expendere & urgere? 5. Annon quia agitur de Filio donando, qui maximum & perfectissimum donum, maxima & perfectissima id dantis designatur dilectio?

XV. Addit, nihil opus esse confugere ad distinctionem voluntatis antecedentis & consequentis. At illa reipia est φιλανθρωπία illa communis, quam docet, ista dilectio particularis, illa prima, ista secunda misericordia. Quæ distinctio relata ad decreta Dei semper à Theologis nostris perstricta fuit in Remonstrantibus, & heterodoxis aliis, ut absurda, & periculosa, cujus κρυπὰ proclive foret aperire, nisi Digressiones omnes Animadversori relinquere constitutum nobis esset, & voluntas antecedens æquæ ac φιλανθρωπία illa universalis merum esset idolum & purum figmentum. Nec minus nostras persimulandas habuit Animadversor, sed rationes. Quarum multas à nobis adjectas præterit intactas accuratus disputator.

XVI. Vocem mundi posse appositè, imo debere pro corpore electorum ex toto mundo, sive ex quibusvis gentibus collectorum sumi, tacita antithesi ad gentem Judaicam, à me gravissimis argumentis demonstratum! Quid ille? Sex paginas in probatione illa à me consumptas quiritatur. Demonstrandum ipsi erat, eas male à me consumptas, & vel dictionibus vel rhetoricatione mera impletas, quod ipsi solenne passim, vel rationes meas nullius esse commatis. Videat quæso Lector à me dicta à 743. ad p. 748. & judicet, quid & quid responderit Animadversor, & quàm egregie suis argumentationeulis satisfecerit causæ de qua agitur. Interpretationem verò istam meam repugnantia quadam involvere se ipsam contendit. Si enim mundus, inquit, significat numerum electorum, non esse aptam antithesin ad gentem Judaicam, sed ad electos à gente Judaica collectos. Sin altera pars antithesews gentem Judaicam complectatur, necesse esse mandum designare non electorum corpus, sed gentium universitatem omnium. Et quidem gens Judaica, ut addit, dicitur sine respectu ad electos, & habet communem quandam notionem, quæ omnes & singulos Israëlitas complectitur. Sic Mundus dicitur sine respectu particulari ad electos, & omnes ac singulos gentiles comprehendet. At 1. Supponit Animadversor, antitheses in Scriptura positas semper ad regulas Logicas ita anxie efformari. 2. Antithesis apta manet, ex eo quod gens Judaica

Judaica pro Dei populo in genere passim ponitur in Testamento Veteri, & quia *externâ cooptatione* tenus omnes erant sœderati Dei, prout Apostolus *externâ* id genus *aggregationis* rationem habet, & Ecclesiis integris exteris inscribendo Epistolas suas, eas inscribit *electis & sanctis* bene ex Canone Charitatis judicando & sperando de omnibus. Nec isti rationi quicquam decedit, quod non omnes Judæi fuerint electi reverâ. Scriptura enim satis habet, sic opponere populum Dei, populo Dei, gentilem Judaico, Ecclesiam è Gentilibus collectam, Ecclesiæ collectæ è Judæis. 3. Supponitur, denominationem sumi tantum à *majori* & non à *meliori* sæpe vel *poriori*. Atqui Prophetæ sæpe gentem Judaicam, Israel, Judam, compellant, tanquam constantem ex meris Dei filiis. Hujus itaque styli habita ratione Dei filii è mundo collecti distinguuntur à gente Judaica, hoc est, à populo Deo solum sœderato in Testamento veteri. Haudquaquam itaque necesse, per mundum designari gentium omnium universitatem. Nec id fieri posse, rationibus & *ostensivis* & *apagogicis* invictis ostensum, quæ diluendæ erant Animadversori. 4. Gentem Judaicam dici sine respectu ad electos, & omnes ac singulos Israelitas completi, vel καθόλου dicitur, vel πάντες: Si prius, falsum dicitur, & sæpe Juda ac Israel ponuntur pro Dei filiis, & pro salvandis, adeoque electis. Si posterius, nihil concludit.

XVII. Addit. 1. *ἡ ἐκκλησία* illa frequenti Christum & Apostolos semper opponere gentem gentibus, non electos ex una gente collectos *εκκλησίαις* collectis ex universitate reliquarum gentium. Collectio verò ista vel *universalis* denuo est, vel *particularis*. Si *universalis*, falsa est, & loca opposita ubi Israel restringitur ad electos, habes Matt. 11, 6. Luc. 1, 54. 11, 32. Act. v, 31. xxv 111, 20. Rom. 1x, 6. x 1, 26. Hebr. v 111, 8. Si *particularis*, cadit illatio. Nec opus concordantiarum compilatione in re obvia, & quæ tanto disputatori ignota esse non debuit. An verò mirum, opponi istum Israel filius Dei dispersis inter Gentestamdiu à Dei sœdere alienas? Annon oppositionem etiam illam habes 1 Joh. 11, 2. Christum factum propitiationem non tantum pro peccatis nostris scilicet Judæorum, sed & pro peccatis totius Mundi? Ibi sanè sermo de actuali propitiatione, & absoluta, & cum consolatione conjuncta quæ facta & pro Judæis dicitur, & pro totius Mundi electis, ut demonstratum dedimus in Exercitationibus. Eandem oppositionem habes Joh. xi, 52. inter τὸν κόσμον Judæorum pro quo Christus moriturus dicitur *absolutè* & actu, & inter filios Dei dispersos in toto orbe.

XVIII. 11. Inquit, Absurdum est, electos è *Judeis* appellare nationem *Judaicam*. An hærendum in vocabulis nationis Judaicæ? Annon natio Judaica &

& Israel æquipollent? An demonstratum electos è Judæis vocari Israelcem. 111. Multo absurdius, inquit, electos è mundo mundam indigitare; Præterquam enim quod multò minima pars non solet nomenclationem totius ad se trahere, quum Christus electos suos designare vult, quatenus à reliquiis hominibus segregati sunt, turbam illam hominum præteritorum penè innumerabilem mundi nomine denotat, ut Joh. xvii, 6, 9, 14, 16. Abhorret verò etiam à communi consuetudine loquendi, ut & pars secreta  $\delta\omicron\tau\omicron\ \&\ \chi\acute{o}\sigma\mu\alpha\varsigma$ , & reliqui in mundo, ex quibus pars illa secreta est, eodem nomine nuncupentur. Atque idè importunum esse, quod cum Christus multitudinem illam præteritam  $\chi\acute{o}\sigma\mu\omicron\nu$  appellet  $\Delta\gamma\alpha\gamma\epsilon\lambda\iota\kappa\omega\varsigma$  &  $\Delta\gamma\alpha\sigma\upsilon\lambda\iota\kappa\omega\varsigma$  aliquo modo, negetque se curam habere istius mundi, quia eum considerat tanquam secretionem jam factâ per vocationem efficacem, adeò ut alii crediderint, alii Evangelium respuerint, si per  $\chi\acute{o}\sigma\mu\omicron\nu$  hoc loco corpus electorum intelligeret, tanta ambiguitate sermonis cogitationes hominum mirum modum conturbaret. At 1. Glossemata id genus hausit à Remonstrantibus Animadversor. 2. Futilia illa sunt; si enim absurdum, electos è mundo mundum indigitare, absurdè loquitur Scriptura Joh. i, 29. vi, 33. xvii, 21, 23. Rom. xi, 12, 15. 11 Cor. v, 19. Absurdus verò Animadversor potius, quàm Scriptura. 3. Si absurdum, multò minimam partem ad se nomenclationem totius trahere, quî sit, quod homines, quibus Evangelium prædicandum vel & prædicatum vocentur  $\pi\acute{\alpha}\sigma\epsilon\varsigma\ \chi\lambda\iota\sigma\tau\iota\varsigma$  Marc. xvi, 15. Col. i, 6. & 23? Quî sit, quod mundus ita sumatur, ut suprâ demonstratum? qui sit quod hymnus cœlestis tribuatur  $\pi\alpha\upsilon\lambda\omicron\ \chi\lambda\iota\sigma\mu\alpha\tau\iota$ , Apoc. v, 13? Quî sit quod Paulus vocet Corinthios in genere  $\eta\gamma\alpha\sigma\mu\epsilon\lambda\acute{\iota}\nu\epsilon\varsigma$  in Christo & Sanctos? Et quî Petrus illos, quibus inscribit Epistolam suam, qui  $\epsilon\kappa\ \tau\omicron\ \Delta\gamma\alpha\pi\omicron\epsilon\gamma\epsilon\varsigma$  profitebantur Evangelium, vocat  $\epsilon\kappa\lambda\epsilon\kappa\tau\omicron\varsigma$  promiscuè? 1 Petr. ii. &  $\rho\omicron\theta\omicron\ \epsilon\kappa\lambda\epsilon\kappa\tau\omicron\nu$ , regale sacerdotium, populum sanctum? Annon in locis istis omnibus, & passim alibi denominatio ducitur à meliori vel potiori? Quid promiscuum magis & magis in usu communi? 4. Præteritos interdum mundi nomine designari,  $\epsilon\kappa\chi\alpha\gamma\omega\gamma\acute{\iota}\nu\epsilon\iota\omicron\nu$ , quæstio, an semper? An quia interdum Christus præteritos ita designat, eodem nomine electos nunquam insignit? An quia  $\chi\lambda\iota\sigma\tau\iota\nu$  interdum sumit &  $\chi\acute{o}\sigma\mu\omicron\nu$  pro machina mundi distincta ab hominibus, non sumit utramque vocem etiam pro hominibus? Annon, ut Joh. xvi. commate 6. & 9.  $\chi\acute{o}\sigma\mu\alpha\tau\omicron\varsigma$  designat præteritos, sic v. 23. designat electos? Annon nota  $\alpha\upsilon\tau\omicron\theta\epsilon\alpha\tau\iota\kappa\eta\varsigma$ , & diversissima vocabuli mundi acceptio apud Johannem eodem versu 10. cap. i? An mirum diversis locis idem vocabulum diversa significare. Mundus itaque significat præteritos, oppositus Dei filii, significat verò electos ex variis gentibus, oppositus uni genti, ad quam prius restringi videbatur Dei scædus. 5. Observet etiam Lector, turbam hanc præteritorum, propè innumerabilem dici ab Animadversore,

& eundem tradere illorum exitium esse inevitabile & tamen, si ipsi credimus, Deus voluit, illam turbam innumerabilem, cujus exitium est inevitabile, sub conditione inevitabiliter illis non præstabili, salvari, & quidem ob inenarrabilem *φιλανθρωπίαν*, in cujus manu erat, nulla re obstante, totam hominum universitatem servare, si id ipsi placuisset. 6. An absurdum etiam, & partem secretam è mundo, & reliquam multitudinem ex qua secreta est, eodem nomine nuntupare? Cur ergo filii Abraham, Isaac, & Juda vocantur interdum electi, interdum præteriti? Adde, denominationis istius rationes dari graves, quæ à nobis in Exercitationibus adductæ, quæ ne delibatz quidem, nedum confutatz ab Animadversore. An magis absurdum, multos ex hominibus in mundo viventes mundi nomine designare, quam multos ex civibus, civitatem? Quid frequentius quam Hierosolyma, & tota quidem, de aliquot civium numero offerri? Vide Matt. III, 5. 1x, 54. & innumera id genus. An absurdum etiam, idem nomen καὶ θεμεσιμὸν & ἀποστολικὸς diversis attribuire, cur ergo laudatur Judæis quod sint filii Abraham, & simul vitio vertitur? 8. Vbi etiam Christus dicit, se nullam amplius habere curam salutis istius mundi? Imò cujus salutis curam semel habuit, perpetuò habet, & quos diligit, diligit usque ad finem Joh. x. 11, 2. Nisi & affectus ejus & cura mutationi obnoxia censeantur. 9. An Christus etiam rationem tantum habet secretionis factæ in tempore per vocationem efficacem, & non æternæ potissimum per electionem vel reprobationem, ex qua ista? An vel ignorabat illam Christus, vel non curabat, & voluit illos salvari in tempore, quos ipse ab æterno cum Patre odit, & præscripsit ad damnationem? Qui verd Deus unquam *φιλανθρωπίæ* vel amore in eos propenderit, quos dicit se nunquam novisse, docebit nos Animadversor. Et vel universalis ista assertio falsa est, vel Christi verba. An hærendum nobis hæc erit, cujus dicta vera censenda sint, non, an *Emilii*, vel *Scauri*, sed an creatoris, vel creaturæ, Domini vel servi? Importuniora forsitan ista erunt Animadversoriis quæ mihi objicit. Ea etiam trahere ad aliam quandam voluntatem posteriorem, est petere τὸ ἐν ᾧ, & sapientiam simul ac immutabilitatem Dei evertere, qui primis curis hoc velit, secundis, illud velle designat, & velit aliud. 10. Scilicet, si Animadversorem apudimus, earundem vocum diversa interpretatio conturbat cogitationes hominis, & aliter loquendum erat Christo, quàm ut diceret, *finite mortuos sepelire mortuos suos*, & Johanni, in mundo erat & mundus per eum factus est, & mundus dum non agnovit. Novum mandatum scribo vobis, & non novum mandatum, & sexcenta id genus; Securitatis etiam summæ, ista nobis objicere denuò, quæ discussimus p. 763, & 764.

XIX. Ut verò desinat Animadversor apud Lectorem veluti novam & absurdam vocabuli Mundi significationem traducere, quam hic tuemur, contendendo Mundum in Scriptura interdum designare filios Dei per Mundum dispersos, & à Deo è mundo selectos, patietur se à me ad Augustinum ablegari, meliori jure in hoc argumento, quàm me ad Ciceronem reyocatum cupit alibi. Videbit Eximium istum & inter omnes ex priscos Ecclesie Doctores intelligentissimum & acerrimum argumenti de Gratia vindicem idem planè ante nos & censuisse & probasse contra Adversarios Ecclesie Catholicæ. Collat. Tertii diei Breviculi collationum cum Donatistis cap. III. inquit: *Catholici testimonia proferebant, quibus in bono mundi nomen esse positum ostenderetur, sicuti est, Deus erat in Christo mundum reconcilians sibi, & cetera hujusmodi, ubi ostenderetur Ecclesia, quoniam ipsa usque per Christum reconciliatur Deo. Et contra Donatistas post collationem. Nos mundum, inquit, pro Ecclesia significatione positum dicebamus, sicut etiam Cyprianus intellexit, quia per totum mundum futura praefigurabatur Ecclesia. Nos non solum in malam, sed etiam in bonam significationem mundum in Scripturis positum respondebamus, & commemorabamus illud quod scriptum est, Deus erat in Christo mundum reconcilians sibi, qui utique non sibi reconciliat nisi Ecclesiam. Sic Epist. XLVIIII. dum explicat locum, Christum esse propitiationem peccatorum nostrorum, nec tantum nostrorum, sed totius Mundi, inquit: Propter triticum quod est per totum mundum. Sic Tract. LXXXVII. in Johannem: Univerſa Ecclesia mundi nomine plerumque appellatur, sicut est illud, Deus erat in Christo, &c. Totus ergo mundus Ecclesia est, & totus mundus perditionis odit mundum redemptionis. Gemina habet Auctor libri de vocat. Gentium apud Prosperum lib. I. cap. IX. & docet, specialem quandam censerī universitatem, ut de toto mundo totus mundus liberatus, & de omnibus hominibus omnes videantur assumpti. Et postquam multis ostendit, propositiones universales in Scriptura non semper universaliter intelligi, concludit: Hic & alius documentis, quae possunt ab inquisitoribus numerosiora proferri, non dubie demonstratur; interdum & pro parte terra omnem terram, & pro parte mundi totum mundum, & pro parte hominum omnes homines nominari. Quorum tamen discretionem plerumque Scriptura circa aperit, ut sensus legentis ab universitatis appellatione ad partem, quae intelligenda est, transferatur. Similia his habet in Tract. de tribus Quæst. Lupus Servatus Abbas Ordinis Benedicti, Rabani Discipulus, qui vixit octavo seculo, quem è tenebris anno superiore erutum mecum communicavit Amplissimus, & omni laude dignissimus vir David de Villhem. Eximia is multa in hunc sensum habet secunda quæst. de Prædest. pag. 33. 34. 35. & quæst. tert. de sanguine Christi taxatione seu pretio pag. 57. 58. 59. 60.*

XX. Addit, si mundus significet corpus electorum, Christum ita loquuntur fuisse, sic Deus dilexit mundum electorum, ut filium suum dederit, ut quicunque ex illo mundo credat, habeat vitam æternam. Quo nihil possit dici sapientiâ Christi indignius. Vbi enim certum est, atque determinatum, omnes ad unum usque esse credituros, syncategoremate illo πᾶς vel quisquis, opus non esse quod rem relinquat in suspensio, ita ut nonnullos non esse credituros potius innuere videatur? At quæ major supinitas quàm reponere denuo id ipsum, quod à nobis diserte & occupatum & confutatum à p. 766. ad 771, ne tentatâ quidem rationum nostrarum refutatione? Ostensum verò, præter alia, quæ ibi videri possunt, verba ista ut quisquis, &c. sapientissimè à Christo adhibita, ut quæ contineant mediam vel conditionem, cujus interventu Deus Mundo isti Filium salutare reddere vult, nimirum fidem in ipsum, ut simul exponat & causam salutis nostræ πειρασμῶν, & objectum, & medium promerens, & medium applicans, & finem. Postquam expenderit Lector nostra, nihil securitate istius hominis indignius esse pro certo judicabit, & verba Christi summâ cum sapientia dicta, cum expositione nostra quàm optimè consistere deprehendet. Nec τὸ πᾶς hic quicquam relinquit in suspensio, nec innuit aliquos ex isto mundo dilecto à Deo non credituros, sed est mera & nuda conditionis ad applicationem beneficii necessaria, sed & à Christo ipso partæ & collatæ, vel conferendæ expressio.

XXI. Dictat nobis in sequentibus Animadversor, κόσμον primum significare hominum universitatem, sine ullo discrimine consideratam. At primum aliud significat, nimirum subjective machinam universi, & quamvis primum significaret hominum universitatem, non sequitur semper voces in prima significatione sumi. Hic verò mundum ita sumi, reponendum nobis non erat ante rationum nostrarum confutationem. Κόσμος nomen etiam multitudini præteritæ tribui, ἐξαιρέτως, tantum tribui, vel nomen istud in ea significatione herere, falsum. Nec sufficit, eam majorem esse, ut ostensum, ob duplex denominationis fundamentum intensivum & extensivum. Nec præteriti aliquo modo tantum vitio mundi sunt inquinati, ut inquit, sed omni modo. Et quia antecedenter & objective, electi ipsi æquè cum aliis isto vitio sunt inquinati, nomen istud illi tribuitur, adeoque considerantur ut mundus, ex se antecedenter, quando Deus discrimen inter eos ponit & alios. Sic Christus pro hostibus & impiis mortuus dicitur. Ex unius verò significationis mundi positione ad eversionem alterius argumentari, ἀνασφάλαν est & jejunum.

XXII. Dixeram inter alia, quæ ne tangit quidem Animadversor, electos nationibus longè universalioribus designari in Scriptura, vocari enim omnem carnem, omnes familias, & nationes terræ; omnes fines terræ, omnes fami-



*familias Gentium, omnes gentes, omnes populos, totum mundum.* Excipit Animadversor, ista dici vel κατ' ὅπερ βολήν, vel κατ' ἀντιδιαβολήν. Istud verum, ideo talia sic efferrī, quia opponitur œconomia Novi Testamenti, œconomia Testamenti Veteris, in quā una tantūm gens fœderis divini facta particeps. Et ob denominationem sumptam à meliori, cuius partis potissimam Deus in Mundo rationem habet. Quā sit ratio oppositionis, suprā à nobis excussum. Retorquemus verò objecta nobis ab Animadversore κατ' ὁμοίαν. Si electi, comparati cum præteritis, vix unus sunt, ex magna ac populosa urbe, ut innuit Animadversor, absurdum verò sit, uno è flammis erepto, dici totam urbem dilectam, & à flammis servatam; Annon absurdissimum erit, Deum omnem carnem, omnes familias & nationes gentium, omnes fines terra, omnes populos, totum mundum, vocare exiguum istum numerum electorum, qui vix unus in comparatione dici possunt cum reliquis hominibus? Vel ergo absurditatis juxta nobiscum rei peragendi scriptores sacri, vel nos cum illis absolvendi, & Animadversori absurditatis tota imputanda. Et eadem ratione quā κατ' ἀντιδιαβολήν phrasēs istas adhibitas censet, eādem nos Mundi vocabulum adhibitum, regerimus Animadversori, optimo jure.

XXIII. Adjeci in Exercit. Per *synchdochen* integri, ut malos sic bonos posse mundum vocari, Quid hic excipit? 1. Me negare non posse, mundi vocem prius pertinere ad hominum universitatem, quod est integrum quid, quā ad ejus partes seorsim consideratas. At quid id ad rem? Satis, utraque pars *secundariò* hac nomenclatione designetur? 2. Addit, quando de integro descenditur ad partes, rem claram esse de multitudine præteritorum, quod & major pars sit, & retineat naturam & conditionem integri, nec subeat ullam mutationem, quia manet in corruptione insita, & habet rationem massæ, ex qua exigua aliqua pars scernitur. Mirum ergo non esse, si res eadem in se manens antiquum nomen obtineat. At de electis aliter se rem habere. 1. Numerum enim *minorem* longè esse, & *penè contemnendum* præ reliquorum turba. 2. Mutationem electos memorabilem subire, naturam corruptam exuere, scerni è massa, ut novum corpus constituant. Cur ergo nomen pristinum retineant? Ista verò omnia nihil nisi argutationes meræ. Nam 1. De nomenclatione ista relata ad præteritos nulla quæstio. 2. Minorem numerum electorum non obstarē isti depominationi, ostensum, vel itaque demonstrandum Animadversori, denominationem tantum duci à *majori*, & non à *meliori* quandoque, vel agnoscenda illationis istius futilitas. 3. *Penè contemnendum* esse præ reliquis electorum numerum non nisi *σηλπιυλικῶς* dici potest, præterquam quod id ipsum Animadversori regei potest, qui

contemnendo isti numero tantum fidem destinari vult, sine qua tamen nemo salvari potest. 4. Si contemnendus ille numerus, ut parum ex decore loquitur Animadversor, vocari potest omnis caro; omnes gentes, omnes fines terre, totus mundus, cur non & mundus? Quasi etiam id quod subit mutationem, non possit priori nomine designari? Cur ergo Matthæus post conversionem vocatur adhuc ὁ πλῆνης Matth. x, 3. Cur meretrices & Publicani qui deserunt esse tales, dicuntur adhuc tales? Sic cur Paulus se vocat Phariseum? Secernuntur sanè electi è massa, sed nomen antecedens ob id alio sensu illis sine absurditate dari potest. Sic, verbi gratiâ, annon populus Israël olim fuit secretus è massa reliquorum populorum, ut novum quoddam corpus constitueret? An non tamen appellatur sæpe nominibus iis communibus? An non idem urgeri potest contra nomenclationes jam datas, omnis carnis, omnium populorum, & aliorum id genus? An pristinum nomen non retinet Francia, Imperium Romanum, & innumera talia, post maximas etiam mutationes?

XXIV. Addit admiratione dignissimus homo, istud mirabile esse, quod, quemadmodum mundus possint vocari illi quorum princeps est Sathan, sic mundum vocari posse, quorum Christus est caput, & pro quibus Christus est mortuus. Nempe ut Diabolus dicitur esse ὁ ἐν τῷ κόσμῳ, sic Christus appellari etiam potuerit ὁ ἐν τῷ κόσμῳ, quamvis se neget esse ἐν τῷ κόσμῳ. Et ut increduli dicuntur ἐν τῷ κόσμῳ εἶναι, sic etiam electos ἐν τῷ κόσμῳ esse dicendos, quum tamen Christus id disertè inficietur, & Christus Princeps τῷ κόσμῳ appellabitur, quod est nomen Diaboli. Sic nihil fore tam distinctum vel oppositum in Scriptura, quod non confundatur. Eò deveniri potius quam Christus statatur viam omnibus hominibus ad salutem aperuisse, si modò eam ingrediantur. Ita revera admiratione dignissima sunt. Observet Lector 1. A me dictorum, & verissimè quidem, fundamentum. Si denominatio potest duci à priori, posse eam etiam à potiori vel meliori duci. Si enim mali possunt vocari mundus, cur non boni? Annon illi etiam in mundo, & pars mundi, & potissima quidem? An magis etiam absurdum, eos vocari mundum, quam omnem carnem, omnes familias gentium? &c. 2. An absurdum de Christo dicere quod verissimè ei convenit, quod sit, ὁ ἐν τῷ κόσμῳ? Annon ipse testatur se semper in eo nobiscum esse ad consummationem usque seculi? Annon ille in mundo est, ut Deus, & Dominus omnium? Si est, cur talis nequit dici? An quia Diabolus abusive ita vocatur, absurdum erit, Christum verè & proprio ita vocari? Absurdum itaque erit, Christum vocare Deum, quia Diabolus etiam Deus vocatur, & idola varia. An quia Diabolus vocatur ἐξουσία πνέματων, nomen illud Christo aptari nequit? 3. An etiam idem sunt esse ἐν τῷ κόσμῳ, & esse ἐν τῷ κόσμῳ? An quia Chri-

stus

stus negat alio sensu se esse *en tō xōsm*, nimirum ratione & missionis suæ in carnem, & generationis ordinariæ ex carne & sanguine, & ratione immunitatis ab omni contagio mundi, alio sensu non potest dici, *ō en tō xōsm* ? 4. Annon fideles ipsi dici possunt *en tō xōsm* esse & non *κατ' αἴθερ*, *αἴθερ*, prius antecedenter, posterius consequenter ? Sic dici potest, illos esse *en tō xōsm*, & non esse, *physicè*, non *ethicè* : Non absurdum itaque idem de utrisque effferri. Et quando Christus negat electos esse *en tō xōsm*, notum, cum id dicere *secundum quid*, & *restrictè*, non *absolutè*. 5. An absurdum etiam, Christum Principem *tō xōsm* vocare, sensu diversissimo à prædicato illo adscripto Diabolo ? Illum ut Deum verum, & *αὐτοκράτορα* mundi per *veram denominationem*, Diabolum per *meram usurpationem*, vel *falsam opinionationem*. Nec hinc sequitur confusio, nisi inde etiam oriatur, quòd Deo & Diabolo, Deo & creaturis, electis, & reprobis, brutis & hominibus, brutis & inanimatis eadem quandoque prædicata adscribantur. Absurda hinc itaque finguntur, & meri sunt tragelaphi. 6. Meritò cò non devenimus, ut cum Socinianis & Remonstrantibus statuamus, *Christum viam ad salutem omnibus hominibus aperuisse, si modò eam ingrediantur*. Præterquam enim quod id falsum & humani arbitrii viribus insinuandis opportunum, id ad ludibrium tantum dictum censeri potest, respectu omnium illorum, \* qui non magis eam ingredi possunt, quàm viam ipsam ad salutem aperire.

XXV. Rationem à me allatarum tandem confutationem infrà pollicetur, sed non præstat Animadversor, *centies repetitas frustra dicit, si millies etiam repetitæ essent, modò solidæ sint, eo nihil illis decederet. Sin tales non sint, ne semel quidem adferri debuere. Id verò docendum Animadversori, non dicendum tantum. Non declinanda verò vel rejicienda hinc erat earum confutatio. Sed persequenda in sede sua, ubi de elucidatione loci istius agebatur, ad quem pertinent. Sed solenne admirando isti Disputatori, declinare omnia ea quæ stringunt, & alibi eorum confutationem polliceri. Frustrà etiam addit, *nullum fore scribendi finem, si rationes refutare vellet, quibus excussem appellationis istius peregrinitatem*. Sic sanè compendio omnia confutari possunt. Et hoc est ad omnia respondere, & nihil prætermittere. Quàm hinc rhetoricationi amplissimæ & exclamationibus tragicis locus foret ! Quæ magnifica dictoria non congestisset Animadversor, si tam propudiosè respondissem ad mihi objecta ! Egregium verò & joculare addere, id non necessarium esse *quod respondentis partes tueatur tantum*. At si eas tueri voluit, ut debuit, cur non respondit ? An respondentis partes non sunt ad objecta respondere ? Quid magis dilutum ? Et quia argumentantis partes tueor, illius erat, &*

argumenta mea & eorū fundamenta vel admittere, vel confutare. *At sat habeo dicere, inquit, non esse appellationem illam excusandam, sed demonstrandam. Vtrumque verò à me factum, nec excusata tantum ista nomenclatio, sed & demonstrata, rationibus & offensivis & apagogicis, optimo iure eam à Christo adhibitam. Et quamvis excusata tantum fuisset, ostendendum erat, male excusatam esse, & fundamenta istius rei à me allata vana esse. Obseruet verò Lector Animadversoris pollicitationem, aliud forte tempus sibi dandum, quo discutias omnes illas nebulas, & justam ac integram commendationem in hunc locum instituat. Id ergo hæcenus non factum, & nebulæ illæ relictæ, quamvis omnes se discussurum pollicitus fuerit in principio. Equidem magnifica ista disputandi ratio egregiam Animadversori causam præbet tot cavillis ac dictis & contumeliis Adversario velat triumphato insultandi!*

## CAPVT V.

*De loco Matth. xv, 24. An eo evertatur doctrina de Gratia universali?*

## BREVIARIUM Capitis quinti.

**M**issionis Redemptoris particularitas probata ex hoc loco. Dictæ Animadversoris. Eiusdem digressio inutilis. An in sanatione morborum & agrotorum quorumvis fuerit imago Gratiæ universali. An à sanatione externa ad internam procedat argumentum. An idem sit objectum sanationis utriusque. Argumentum Animadversoris retortum & triplax. Disparitas ostensa, & absurda varia. Contradictio vel adducta saltem notata. An missio Christi universalis fuerit & conditionata. Ne sanationis quidem externa beneficium Christus voluit esse universale. Quis perditas Israël esse solos electos probatur. Ordo observatus. An Christus repellat Chananaeam. An dici debuerit ab Animadversore, Christum non fuisse promissum Gentilibus. Qui se Chananaea conferat cum catello. Qua oppositio instituitur à Christo. Qui verborum Historia istius sit sensus. Prærogativa Iudaorum retorta in Animadversorem. Dilemma ipsi oppositum. Dissensio diversa retorta contra Animadversorem. Animadversor à se ipso consuetus. An Christus possit dici auctor salutis omnibus sub conditione si credant. Absurda varia imposita Animadversori. Qui Christus dicatur minister & discipulus. Finis & ordo prædicationis Christi. Causa promiscua prædicationis. Animadversoris confessio. Qui Paulus minister fuerit & cooperans, Petrus & discipulus. Ministerium Christi inter Iudæos solos obitum, retortum contra Animadversorem. Contradictio Animadversoris notata. Eiusdem compendiosa victoria.

**L** Missionem Redemptoris particularem fuisse probaveram The-  
si vi. inter alia ex Matth. xv, 24. Quibus nihil reposuit A-  
nimadversor in Dissertatione præter exclamationem tragi-  
cam, & commentationem Calvini Demonstrari in Exer-  
cita-

citationibus, 1. Rationibus ex textu ductis, missionem Christi particularem solidè ex loco illo probari. 2. Particularem Christi revelationem esse ostendi ex ipsius Animadversoris verbis. 3. *Musculi*, cujus auctoritate sæpè pugnat, verba aperitissimè pro nobis facientia ipsi opposui, argumento *ad hominem* usus. 4. Calvini ipsius verba vindicavi, & ostendi, Dissertatorem non bona fide ex citasse, sed truncasse, & ea omisisse quæ sibi officere videbat.

II. Quid ad ista Animadversor? Omnibus à me dictis, quibus se constringi videbat, magnò supercilio prætermisiss. 1. Super alacritate mea satis habet *εὐχολογέειν*, quod Calvini verba nihil causæ nostræ nocere ceussuerim. Et meritò quidem, nec id tantum à me dictum, sed etiam demonstratum. 2. In digressionem omninò inutilem & prolixam se diffundit de Historia Chananzæ. 3. Indò elicit, agi primùm de miraculo. Id scilicet ignorabamus. 4. *Ex eo, ut & ex aliis, quæ Dominus patravit, documentum suuendum esse*, inquit, *earum rerum, quas Christus designaturus erat pro salute animarum.* In sanatione enim morborum & liberatione demoniacorum salutem animarum imaginem fuisse adumbratam, clarum esse ex verbis Esaiæ accommodatis à Mattheo. Quid verò id ad gratiam universalem? An Christus omnes & singulos mortalium curatos voluit à morbis, vel à Dæmonibus qui iis vexabantur? Annon hoc ipsum *ἵνα πάντες* potest retorqueri? An omnium etiam illorum, quorum corpora sanavit à morbis, eorum animas sanavit à peccatis? Quis factum ergo quod novem leprosi ingrati abierint à benefactore? 5. Audiamus verò subtilem illationem Animadversoris. *Vt in narratione miraculorum Christus ita se gessit, ut promiscuè omnes sanaverit, tam electos quàm non electos, qui modò ejus opem implorarent, nec ab eis postulavit ut essent electi, quò servarentur, sed tantum ut profiterentur ex animo se credere, id eum præstare posse, sic consensaneum esse, ut salutarem gratiam pariter promiscuam fecerit tam electis quàm non electis, dummodò eum pro servatore amplectantur.* At 1. Quæ ista argumentandi ratio à sanatione corporum ad spiritualem, an quia in genere sanatio morborum corporis sanationem à morbis animi portendit, sequitur idem esse objectum sanationis utriusque? Cur non inde concludimus, quia infideles quidam actu à Christo sanati à morbis & quidem qui mansere tales: Ergò & quidam tales curati à peccatis? Quum etiam soli Judæi à Christo curati fuerint, uno fortè vel altero capite excepto: Ergo solos ludæos curavit à peccatis & curatos voluit, vel paucissimos saltem è gentilibus præ Judæis? 2. An ex promiscua etiam sanatione universalis voluntas omnes salvandi concludi debet? Quibus fidiculis unum exprimitur ex altero? 3. An quia externa opis Christi imploratio sufficiebat ad sanationem corporalem

lem à Christo impetrandam, idem sufficit ad spirituale? 4. An ut ad aliorum tantùm postulationem beneficia externa Christus indulset in resurrectione & sanatione aliquorum, idem etiã fecit respectu sanationis animarum? 5. An, quia sanitatis corporeæ capaces sunt non electi, etiã sanitatis spiritualis capaces esse possunt? 6. An dicimus etiã, ab ullo spiritualiter sanando postulari à Christo, ut sit electus. Atqui opus, ipsum esse electum ab æterno, ut sic sanetur in tempore. Nec postulatur à Christo, ut aliquis sit electus, sed datur. 7. Professio oralis, se credere Christum id præstare posse, sufficiebat in leprosis multis, an etiã sufficit in sanatione spirituali? Quàm egregias illationes id genus struimus ex hoc loco, si sequamur Animadversorem nostrum! Ut compendio absolvam, vel à *qualitate* objectorum corporalium sanatorum à Christo argumentum solidum ducitur ad *qualitatem* objectorum sanandorum spiritualiter, vel non: Si posterius, sic argumentari Animadversor non debuit, nec aliquid pro causâ sua inferre ex ista applicatione verborum Prophetæ, quæ ab Euangelistâ tantùm instituitur, ut ostendat, Christum non venisse, ut Medicum ageret externum, sed ut mederetur præcipuè morbis animi: Si prius, quid quæso non sequetur absurdi? An etiã eadem vel necessitas vel *actus* vel efficacia electionis ad sanationem corporalem, quæ est ad sanationem spirituale? At multi electi non sanati corporaliter, nemo electus non sanatus spiritualiter; Multi etiã sanati corporaliter, qui tamen non electi; nemo verò sanatus spiritualiter, qui non electus. Quot quæso etiã in Judæa desiderarunt impensè, ut à Christo sanarentur, qui tamen sanati non fuere, vel quia ipsi ad eum ire non potuerunt, vel quia à nemine ad eum deportati fuere! An verò aliquis à Christo impensè cupit sanationem spirituale, qui tamen non sanetur? An Christus etiã exegit à sanandis, ut illi jam ex parte essent sanati, & sub hac conditione demùm pollicitus est, se eos sanaturum ulterius? At hoc exigit à spiritualiter ægris, si Animadversori credimus, Christum enim pro Servatore amplecti, est jam actum hominis spiritualiter ex parte salutem sani edere. Christus itaque tales spiritualiter sanabit, modò illi jam ex parte sani sint, & morbum depellet, modò eum æger ex parte depellat prius. Quod èd magis joculare est, quia pars morbi spiritualis, nec minima quidem illa, est, non posse Christum pro Servatore amplecti, & impotentiam quidem (cujuscunque illa ordinis sit) invictâ & incorrigibili per naturam. 8. Nihil minus consentaneum vel Theologiæ Orthodoxæ, vel Scripturæ; quàm Christum salutem animæ promiscuam fecisse tam electis quàm non electis. Annon sic *paritas* vel *aqualitas* demonstrabitur in destinatione Christi ad salutem, adeoque *predestinatio universalis* condi-



*conditionatâ* ? At quinam hoc consentaneum cum odio Dei æterno aliquorum ? Scilicet conditionaliter eos destinavit ad vitam, & salutem illis promiscuam fecit in tempore sub conditione, quos tamen præterire voluit ab æterno, & vel omnia, vel saltem necessaria illis media negare ad vitam, sine quibus nemo vel salvatus fuit unquam, vel salvari potest ? Quî consentit hoc cum protestatione Christi, se tales *nunquam novisse* ? An ad eorum redemptionem ullo modo venit, quos nunquam novit ? Nec clausula adjecta, *dummodò eum pro Servatore amplecterentur*, difficultatem amolitur, quia illius ipsius exactio volitionem istam Dei vel evertit, vel inutilem necessariò facit, nec innumeris mortalium aptari potest, quibus Christus amplectendus propositus non fuit. Scilicet modò Americani per *ἡμεῖς ὁ Θεὸς* indagassent, Filium Dei venisse in mundum, & illum fuisse crucifixum, & passionem ejus amplectendam fide, fuissent servati ! Vel secundùm novæ Theologiæ *ἡμεῖς*, modò *spem remissionis* & placabilitatis Dei agnovissent in natura, Deus illis misisset vel Angelum, vel immediatam aliquam inspirationem, vel alio modo illis revelasset Christum, & sic *habenti* fuisset *datum* ! Quæ sunt ipsissima placita Remonstrantica. At quamvis aliquam *spem remissionis* & placabilitatem in Numine aliqui expaganis concepissent, & professi essent, & omni studio Numen suum demereri studuissent, imò id multi ex iis concepissent, ut summum & infinitum & omnipotens, tamen ne strictura quidem levissima Evangelii unquam ad eos pervenit. An etiam Deum Trinunum placabilem *ἐν τῷ ἡμεῖς τῷ Θεῷ* percipere potuere ulli mortalium ? An verò ille, quî Deum sibi fingit non Trinunum, non sibi fingit idolum pro vero Deo ?

III. Ex hi patet, ab Animadversare nequicquam subjici repetitionem istius comparationis jam institutæ ; si in dispensatione miraculorum, quum Christus dicit se esse missum *ad oves perditas domus Israël* duntaxat, non intellexit se esse missum ad solos electos, si modò eum non aspernarentur ; sic in dispensatione salutis existimandum, illum esse missum indifferenter ad universos, si modò gratiam, quam offerebat superne, non respuerent. At 1. *Universaliter Christum missum ad omnes Israëlitas, qui ejus opa indigerent*, modò eum non *aspernarentur*, dari nequit, nemo enim ex Israëlitis mansisset vel leprosus, vel cæcus, vel alio morbo correptus. An enim ullus gravibus præsertim & incurabilibus humanitus morbis affectus non anhelasset ad Christum, ut ab eo curaretur ? Nec dici potest, multos forè Christum adspersatos fuisse, adspersati sanè eum fuisse, quâ se & Prophetam, & Messiam, & Filium Dei profitebatur, sed non quâ curabat morbos externos, nec ejus rei exemplum in tota Historia Evangelica exstat. Imò certatim quivis ad Christum vel ipsi se rece-

pere, vel ad eum adducti fuere. Ut ergò ne sanationis quidem externæ beneficium voluit universis agris esse commune, quibus alioqui facile mederi potuisset, nec enim deerant illi media convenientia eos ad se pelliciendi: Minus sanationis internæ. Scilicet ut Christus in terris vivens sanabat agros in Judæa, spiritualiter agri in Insula Thule, vel in imo Septentrione ab eo sanari poterant, *modò eum pro Servatore amplecterentur*, quamvis multis seculis Euangelium de Christo ad illos non pervenerit!

IV. Addit: *Si oves perdita domûs Israël soli electi sint, vel sunt electi ex una Iudæa collecti, vel electi ex omnibus gentibus colligendi: Prius dici non posse, alioqui nos gentiles salute privandos: Nec posterius, si enim Christus dicere velit, & missum esse ad solos electos, tam Iudeos quàm Gentiles, cur repellit sceminam illam à se, ut non Iudeam natione, quia tamen si gentiliu, electa erat, ut ejus fides testabatur. Nonne hic opponit Iudeos & gentiles inter se, quatenus illis promissus erat, hisce minimè, non vero electos & non electos, quod his Redemptor denegatus est, illis concessus?* Observet quæso Lector, commentarium nostrum & illum componat cum hoc textu. 1. *Oves perdita Israël*, necessariò sunt soli electi, nec enim hirci, vel porci, vel canes, quales sunt omnes non electi, possunt dici *oves*, adeòque nec *oves perdita* ad quarum instaurationem Christus missus. Et illi tantum oves qui in terra audiunt & agnoscunt vocem Christi, & in cælo collocabuntur à dextris. 2. Dicuntur etiam electi & ex Judæis & ex Gentilibus oves, sed eum hoc discrimine, ut (ratione primæ œconomix Evangelicæ, in qua Christus *ministerium circumcissionis* egit, & Euangelium offerendum fuit *primò* Iudæis ex Dei beneplacito, & *potentia* fuit *ad salutem, primò* Iudæo) *primò* & explicitè designarentur electi colligendi ex Judæis, secundò verò & implicitè etiam electi colligendi ex gentilibus. 3. Repellere sanè Christus videtur sceminam istam ut gentilem, non Judæam, sed *primò* habita ratione istius œconomix, secundum quam quamdiu vixit in terris, debuit se continere intra fines gentis Judaicæ, & *minister* esse *circumcisionis*. Secundò eam non repellit perseveranter, sed ad tempus tantum, imò non repellit, sed loquitur tantum instar repellentis, reveratentat eam potius, quàm repellit, & fidem ejus latentem cupit *produci*, quam etiam & elicit, & singulari elogio commendat. Hinc patet, quòd Christus opponat Iudæos & gentiles inter se. 4. Quid etiam vel *ἀπολογον* magis, vel *ἀντίρροπον*, imò quid ipsi sententiæ Animadversoris magis adversum, quàm dicere, *Christum minime promissum esse gentilibus?* Et tamen hoc docet p. 147. Quòd ergo omnibus in universum promissus sub conditione? *Annon nos gentiles, ut loquitur paucis ante lineis, salute privaremur, ut qui nullum habuerimus Redemptorem?* Imò gentilibus major in Christo pars & fuit retrò, & hodieque est, quàm

quàm Judæis. Sitalia mihi excidissent, quæ non dictæria acuisset in me Animadversoris ἀντιφρονῶ!

V. Idem, inquit, manifestius adhuc evadere ex colloquio Christi cum ea; ubi appellat Judæos *liberos*, quia se Deus velut patrem populi Iudaici declaraverat, quum reliquas gentes neglexisse videretur. Illa verò respondeat, etiam Domine, & se cum catello conserat. Illis dictis addit, se ex me submissè querere, an existimem, faminam illam Christi verba intellexisse, vel non. Si non intellexit, mirum esse, ejus fidem addeò laudatam fuisse à Domino. Sin ea intellexit, errare me in eorum interpretatione. Quid ita? Haud enim certè, inquit, se inter catellos numerat, tanquam inter reprobos, ut qua tantam fidem haberet. At quum sciret, Iudæorum eam esse prærogativam, ut filii Dei censerentur, utque haberentur pro liberis. Gentilium verò talem fuisse conditionem hæcenus, ut si cum Iudæis compararentur penè haberentur pro canibus, etsi gentiliu erat, urfit tamen Christum persinaciter, & quod generi deerat, fidei magnitudine supplevit. Observet Lector 1. Ne verbum quidem in toto isto colloquio reperiri, quod vel causæ nostræ officiat, vel causam Animadversoris probet. 2. Intellexisse mulierem verba Christi, indubium, h. e. Judæos jamdiu velut liberos à Deo habitos, gentiles velut canes. Illos in fœdere Dei fuisse per multa secula solos, gentiles ab eo exclusos. Et hæcenus illa se numerat inter catellos, quod esset ex ordine isto gentilium quos Deus planè videbatur rejecisse: Antecedenter ergo se etiam catellum esse & *objectivè*, naturâ & origine sua, etsi consequenter Christi cognitione salutari & fide in eum donatam, & micis gratiæ Judæis concessæ saturandam. Ex catello *proprie* dicto, hoc est, animali *naturaliter* ovem fieri, natura prohibet, ex catello verò *improprie* dicto, hoc est, gentili fieri filium Dei *mysticè* per gratiam electionis & vocationis, nihil prohibet. Imò omnes homines sunt canes ex se, & per Dei duntaxat gratiam oves. Excipiet fortè, si catellus non significet reprobum, oves non significare electos, ex vi oppositionis. Confundit verò ea quæ à Christo hic opposita. Opponit ille non oves & catellos, sed filios & catellos, hoc est, Judæos, quos habuit instar filiorum, omnes *externâ cooperatione* tenus, dignando eos notis sui fœderis, & ejus appendicibus, & solos quidem, non gentiles, quos non ita habuit. Et sensus est: Judæi à Deo habiti sunt ut filii, Gentiles reputati pro canibus. Ergò non est æquum, beneficium Judæis deputatum tibi vel filix tuæ, quia gentiles estis, conferre. Replicat Chananæa, ut canes micæ interdum etiam edunt, sic se etsi gente catellum confidere, futurum, ut Christus micæ gratiam etiam sibi indulgeat. Quid verò inde? ut probetur oves *perditas Israël* non esse electos? quod rationibus variis à me demonstratum. 3. Si ista etiam Judæorum prærogativa fuit, ut in fœdere Dei censerentur, & ha-

berentur pro liberis & soli quidem, gentilium verò conditio hæcenus talis fuit, ut cum Judæis comparati penè haberentur pro canibus, an æqualis fuit Dei *φιλανθρωπία* in homines quàm homines, an æqualis prædestinatio conditionata, vel æqualis misericordia, æqualis Redemptio conditionata, & æqualis salutis sub conditione præsentatio? 4. Quærimus reciprocè etiam ab Animadversore solutionem hujus dilemmatis; Vel mulier ista bene scivit, Judæorum eam esse prærogativam, ut scødere Dei soli censerentur, vel non: Si bene scivit, gentilium hæc prærogativa non fuit, & scødus gratiæ ad omnes & singulos extensum non fuit. Si non bene scivit, quæ fides ejus adeò magnificè laudatur? Et cur Christus errorem ejus non correxit?

V I. *Quanam igitur, addit Animadversor, est causa illa, ob quam Christus negat se esse missum ad alios, quàm ad oves perditas domus Israël? Nimirum in Christo distinguenda esse, quod cum sit salutis Auctor, fuerit idem salutis minister. Auctor omnibus tam Gentilibus quàm Iudæis modò credant, minister verò fuerit salutis apud Iudæos tantùm. Idèd eum vocari *Μέσωτεν* & *Εβραϊστήν*, quo vocabulo denotentur non electi soli, sed Iudaica natio universa, ob causam omnibus notam. Sic Paulum dicere sibi *ἀποστόλος*, Petro *Εβραϊστήν* Evangelium concessum esse. Nec alio sensu *Εβραϊστήν* accipi, quando de hominibus usurpatur. Missum ergo fuisse Christum, ut ministerio illo, quod tam in predicatione Evangelii, quàm in patratione miraculorum, per se obire debuit, defungeretur apud Iudæos solos. Non quod veritum illi fuerit, nonnullos ex gentilibus vel vocare, vel juvare ac sublevare extra ordinem, sed illi hoc injunctum fuisse munus, ob promissiones factas Patriarchis, & prærogativas isti nationi peculiariter indultas, ut se totum Iudæum impenderet. Eo peractò, & Christo in calum recepto, ministerium illud Apostolis commissum esse, & ad omnes omninò nationes propagatum. Concludit Animadversor, reliqua à me de ovibus Christi disputata & rejecta esse alibi, à se, & sua sponte dilabi. Haudquaquam verò 1. Erasmus ita anxie & prolixè instituendi in dispensationis istius quoad Judæos & Gentes diverlitate, quæ tyronibus nostris obvia, & satis à nobis erat occupata in Exercitationibus. 2. Tantùm abest, ut ex diversa ista dispensatione Gratia Vniversalis adstruatur, ut everteatur firmissimè, quum Clristus apud Judæos solos voluerit esse ministerium Evangelii. At communis gratia omnibus communiter erat saltem offerenda. Imò ipse fatetur in Defensione Calvinii, nondum Evangelii cognitionem ad omnes nationes pervenisse, imò è triginta mundi partibus vix quinque à Christianis teneri, novendecim ab illis occupari ad quos etiam nulla de Christo auditio hæcenus permanavit, & hoc est universale Dei *φιλανθρωπία* adstruere erga omnes, in ordine ad salutem præsertim quum fateri alibi cogatur distinctam Christi cognitionem in*  

Novo

Novo Testamento ad salutem esse necessariam ! 3. Conferat cum istis ab Animadversore hic scripta Lector, qui Christus verè ab eo dicatur fuisse *salutis auctor*, omnibus tam Judæis quàm Gentilibus, *modo credant*. An verò illis auctor salutis fuit, quibus nec ipse, nec per servos suos in hunc usque diem salutem illam & Evangelium istud voluit annuntiari? Qui itaque *auctor* talibus esse potuit *salutis*, *modo credant*, quum ne id quidem quod credendum est, illis vel proposuerit, vel propositum voluerit? 4. Imò, si Christus *salutis auctor* fuisset omnibus, salutem omnibus actu procurasset, & conditionem ad eam necessariam. Et si fuisset auctor salutis omnibus, fuisset etiam ejus *πρωτης*, ista enim conjunguntur ab Apostolo. Et mirum, illum auctorem salutis omnibus statui, qui ne se quidem talem esse innumeris indicatum voluit. Annon etiam cum ludibrio conjunctum, Christum auctorem iis esse salutis, sub conditione ut faciant, quod fecit eos facere non posse, invictà, quæcunque illa sit, impotentià? Imò quum pars salutis à Christo procurata sit fides, vel donum fidei, auctor salutis innumeris fuit sub conditione, ut partem ejus jam haberent? Quum enim miseria hominis in ipsa incredulitate ex parte sita sit, salus in ejus etiam turatione ex parte sita esse debet, adeoque quibus Christus salutis auctor est, illis auctor etiam esse debet *ut credant*, non tantum *si credant*. Et qui Christus illis salutis auctor est, *quos nunquam se novisse refatur* & pro quibus ne orare quidem voluit? 5. Si Christus etiam *salutis auctor* fuit tam Gentilibus quàm Judæis, *minister* verò apud Judæos tantum, æquavit Judæos & Gentiles semper in eo quod præcipuum erat, & prærogativa Judæorum exigua fuit præ gentibus, nec dici potuit verè ab Apostolo, eas fuisse *extraneas à pæctis promissionis, sine spe, sine Deo*, &c. Eph. 11, 12. Et qui toto decursu periodi Testamenti veteris sine aperta falsitate *salutis auctor* gentilibus dici potuit, quos reliquit suis ipsorum viis incedere, & quos canum instar habere voluit? 6. Christum dici *ministrum* *Εβραϊσµων* quoad nationem Judaicam universam, & negari posset, quum non totam Judæam circumiverit, sed ejus partem tantum, & quamvis concederetur, nihil nobis officeret. Distinguenda enim *œconomia ministerii externi* Christi, quod respectu multorum, merè fuit *imperativum obsequii debiti*; Haudquaquam itaque eo fine obitum fuit respectu Judæorum omnium, ut omnes & singuli salvarentur, nec mors Christi plurimis è Judæis proposita fuit, nedum ut *αγαθον* pro peccatis illorum fide ab omnibus & singulis excipiendum. Nunquam id dictum à Christo. Sed incipit ab exactione *ἡ μετανοειν* cum Johanne, progreditur ad exactionem *ἡ μετανοειν*, sed secundum gradus à nobis expositos. Imò si vel paucissimi electi ex Judæis fuissent convertendi, quia Deus noluit ad se

trahere suos, in individuo unumquemque nomine suo compellando, sed propositione communiore & officii & beneficii vocationem istam procurando, idè id ita à Christo promiscuè institui debuit. Eadem methodo à Paulo prædicandum erat Euangelium Corinthi, quia *populus Deo* (electus nimirum) *multus erat in urbe ista*. Act. xviii, 18. & illius solius causa. Et sanè si Solem suum in natura Deus lucere jubet propter justos, quidni magis Solem gratiæ? Et ipse Animadversor fatetur alibi, Deum non curaturum, ibi annuntiari Euangelium, ubi nulli essent electi. Sunt ergo illi soli objectum & centrum istius prædicationis, quoad intentionem Dei eos salvandi. 7. Christus sanè vocatur *minister* *Æthiopiæ* in oppositione ad Gentes, quia talibus ministerium suum non commodavit, non quod id omnibus & singulis Judæis commodarit. Idem observari potest in Petro & Paulo. Imò, an quia Paulus minister fuit *Æthiopiæ*, Petrus *Æthiopiæ*, uterque fuit minister omnium & singulorum ex præputio & circumcissione, & omnibus ac singulis ex illis destinatus? 8. Et quia Christum missus fuit ad Judæos solos dum fuit in terris, & interea innumeri extincti fuere inter Gentiles, sine ulla ejus cognitione iis *auctor salutis* missus non fuit. Vnius vel alterius ex Gentilibus curatio vel vocatio particularitatem ostendit gratiæ, non universalitatem. Idem docent promissiones factæ Patriarchis, & prærogativæ isti nationi indultæ peculiariter, & quod se Christus Judæis tantum impendere debuit, & quod non nisi post ascensum ejus in cælum Euangelium erat propagandum ad Gentes. 9. Conciliet etiam Lector ista, *ministerium Apostoli commissum ad omnes omnino nationes propagatum esse*, & verba alia Animadversoris, Cap. xii. Def. Calv. *arcana Dei providentiâ fieri, ut nondum Evangelii cognitio, ad omnes nationes pervenerit, & esse ad quos nulla de eo auditio hætenus permaneret, & quorum numerus permagnus sit*. 10. Nihil verò magnificentius & compendiosius istâ confutatione, *reliqua rejecta esse alibi à se, & sponte sua dilabi*. Sic *ἀνιδρωλὴ* vincitur, sic *λέγεις ἐμὸς δὲ οὐκ ἐμπαρόλῃται*. Judicet Lector ex collatione scriptorum nostrorum denuò de utriusque in disputando fide & conscientia, & de magnificis Animadversoris triumphis.



## CAPVT VI.

Vindiciæ Locorum Matth. 1, 21. Luc. 1, 68, 69. Johan. x, 11, 15.  
& Johan. xi, 51, 52. Ephes. v, 28. Tit. 11, 14. *An ius designetur, redemptionem Christi particularem esse, an verò universalem?*

## BREVARIUM Capituli sexti.

**R**esponsa à Dissertatore. Eorum confutatio. Confutatorum mera repetitio. *Absurda nova Methodi. An electus opus φιλανθρωπίας communi. Fuga Animadversoris & mala fides. Calvinii verba frustra prolixè ventilata. Animadversoris verba meritiè castigata. Quem populum Christus servet. Calvinii verba vindicata. Qui Christus fuerit promissus universo semini Abraha. An ex eo probetur gratia universalis. Inani Christi destinatio ad salutem respectu non electorum. Accusatio iniusta, absterfa. Qui aliquis gaudio ad se non pertinente privari dicatur. Calvinii verba an tanto apparatu urgenda & premenda. Finis falsus affectus dogmati falso. Absurda varia misericordiam Deo affectam consequentia. An Demi aliquid intendere possit, quod non assequatur. Alia Calvinii verba vindicata. An gaudium omnibus destinatum fuerit. Glossa Animadversoris reclusa. Verba Calvinii retorta. Nomenclatio totius generis humani exposita. Emblemata Animadversoris. Crimen Theologi Orthodoxi impactum. Declinatio obiectorum.*

**I.** **A**dduxeram loca ista Thesi XI. ut demonstrarem redemptionem ipsam à Christo præstitam particularem fuisse. Respondit frigide admodum & dilute Animadversor, opponendo nobis. 1. Calvinii commentationes. 2. Locum Pauli 11 Tim. 1 v, 10. 3. Argutationes aliquot super locis quibusdam. Respondum à nobis in Exercitationibus ad singula exactè, Calvinii verba vindicata, locus 11 Tim. 1 v, 10. accuratè expositus & vindicatus, & argutationes omnes discussæ & νικά. An solidè id à me præstitum, iudicet Lector ex collatione eorum, quæ utrinque à nobis disputata. Mea reperiet, à p. 798. ad p. 848.

II. Quid ad ista Animadversor? p. 149. *se loca Scriptura à me allegata brevissimè responsione sic explicasse, inquit, ut eorum interpretatio, & argumentorum inde ductorum refutatio in nuda doctrina sua propositione consisteres. Redemptionem nimirum dupliciter considerari debere, ut refertur ad φιλανθρωπίας Dei communem, & sic universalem esse & conditionatam & ut refertur ad utrumque Dei affectum conjunctè, & sic particularem esse & absolutam. Ad posteriorem hujus æconomiae partem esse referenda loca Johannis x, 11, 15. x i,*

51, 52. Eph. v. 25. Tit. II, 14. *se non negare, Christum absolute & efficaciter pro ovibus suis vitam deposuisse, non sequi tamen mortem Christi pro ceteris appetitam non esse conditionatè, si credant. Reliqua loca se interpretatum de gente Iudeorum universa.*

II. Præterita diversitate aliqua, quæ inter Dissertationem priorem & novam hanc commentationem intercedit. 1. Quid putidius, quàm denuo confutata opponere pro responsione ad argumenta illis opposita? Nec *ignoratio Elenchi* prætendi potest, quum illam ipsam universalem & conditionatam redemptionem directè oppugnarim. 2. Universalem istam *φιλανθρωπίαν* ad salutem ex sensu Animadversoris Chimæram *χρῆς καὶ πείλει* consistam esse, ostensum. Nec quicquam absurdius quàm *φιλανθρωπίαν* communi Deum sub conditione omnibus salutem velle & offerre in tempore, quum tamen ob prævisam eorum incredulitatem voluerit eos ab æterno & præterire, & inevitabiliter damnari in qua ipsa eos nasci voluit. Adde, sic Deum statui primò electis ex *φιλανθρωπίαν* communi salutem voluisse, & tamen post illam ipsam iis velle amore singulari. Atannon hoc ultimum sufficiebat ad salutem illis procurandam? Quid opus erat istâ communi *φιλανθρωπίαν* electis saltem? 3. Loca omnia Scripturæ excussa à nobis & erepta fuere Dissertatori. 4. Ostensum, Christum mortuum *ut credant homines, non, si credant.*

III. Declinat verò in sequentibus examen plerorumque Animadversor causatus prolixitatem & repetitiones. Scilicet, nihil prudentius quàm ita *ἐκκλίνεν*, & se Adversarii contemptu expedire! Ostendendum verò fuerat, à me vel dicta vel repetita ad rem non facere. Addit tamen, in uno vel altero paulò diligentius videndum esse quo successu mea defendam. An verò ingenui disputatoris est, ea quæ ipsi placet prætermittere, & alia pro arbitrio edecumare, & tamen integram confutationem polliceri, interea verò splendoris prænas sibi occinere de toto opere Adversarii triumphato? Haudquaquam verò vel prolixitas, vel repetitiones, quæ duo sibi perquam familiaria esse novit, sed desperatio id quod intendit, conficiendi Animadversorem eò redegit, quod ex collatione singulorum Lectori constabit? Quid verò præstat in reliquis? Vnam *Calvini* commentationem per quatuor paginas ventilat, rationibus & oppositionibus omnibus aliis à me objectis prætermisissis. Estne hoc denuo disputatoris ingenui & qui accuratorem profertur? An agitur de verbis iis, quæ Calvinus ad Scripturam commentatus est, & non potius de verbis ipsis Scripturæ, ad quæ commentatus est? Dato, quod falsum, *Calvini* interpretationem favere Animadversori, an ob id vel Scriptura mihi extorta, vel rationes aliæ meæ confutata? Albæ sanè quadrigæ triumphatori

phatori isti Exercitationum nostrarum debentur, qui tam splendide vincere novit. Et ne plausus desit, ipse sibi plaudit, & in propriis armis ἀκρίβειαν.

IV. Quæ verò sunt quæ commentatur? 1. Se Calvini verba non ἀντιδύναμι censere, cur ergo iis & solis sæpè causam nostram vult decidi. Quid obest causæ nostræ, si in aliquibus Summus vir populariter commentando incautiùs fuisset loquutus? Nec ipsi, nec nobis ob id quidquam detractum foret. Nec ex phrasium aliquot similitum *sono*, *sensus* idem, & ὁμοίωμα dogmatica inter Calvinum & Animadversorem concludi deberet, præsertim quum tot loca alia Calvini contraria ei oggeri possint. 2. Meritò à me verba sua castigata negare nequit, & aliter sibi loquendum fuisse, multum enim interest inter rem aliquam esse & huic vel illi sic visum esse. 3. Carpit, quod *nominatim* dixi significare *expresse*; An malè id à me dictum? Annon ostensum, sic correlatum Servatoris istius exponi, & qui sint illi, qui ab illo sint servandi? Nec, si quis *nominatim* vocetur Dux hujus exercitus, vel Professor hujus Academiæ, sequitur, illum aliquo modo aliorum exercituum Ducem, istum aliarum Academicarum professorem esse. Nec etiam sequitur, si verba *servabit populum suum* de solis intellectis intelligenda essent, nihil attinuisse dicere, Christus *expresse* vocari *servatorem Ecclesiæ*. Imò quia solam Ecclesiam servat, id meritò dici debebat. Quæ etiam *quodammodo* aliorum Servator Christus dici possit, sine ullo causæ nostræ præjudicio, satis à me demonstratum, ut & quis *populus* sit intelligendus. An verò sic respondere, est respondere ad objecta?

V. Verba quædam Calvinì aggreditur, quasi in iis causæ momentum verteretur, & multa super iis argutatur, quæ tamen nec ipsa nos feriunt. Compendio observet Lector. 1. Illos à Calvino intelligi, quibus Christus *in caput & Regem* ordinatus erat. At tales non sunt, nisi qui vel verè membra, vel verè subditi ejus sunt, & *populus* ejus *voluntarius* Psal. cx, 3. Et quia tales sunt similes iis, qui ex Gentibus fide in unum Ecclesiæ corpus coalescunt, fidelestantum intelligendi, adeoque electi. Adde, insertionem gentium & futuram, & certo tempore demum instituendam universalitatem ipsam gratiæ evertere. 2. Quæ sit mens Calvinì, & quid gaudium promiscuè oblatum sit omnibus, ostensum in Exercitationibus. 3. Univerſo semini Abrahæ Christus promissus dici potest, spiritali nimirum, cum intentione id salvandi, carnali, quoad externam exhibitionem, & cum intentione beneficia multa multis ex isto ordine per eum conferendi. Promissionem verò salutis in Christo, vel Christi ad salutem factam universo semini Abrahæ, quoad singula individua, Calvinus intelligere

non potuit, quippe qui satis docet, eam nec Ismaëli esse factam, nec Esauo. 4. Merito etiam dictum, universalem gratiam non probari, quamvis concedatur, Christum destinatum *universo semini Abrahamæ, etiam collectivè*, quod tamen falsum. An sufficit, excipere, de cæteris mortalibus quæstionem hîc non esse, imò id est τὸ κενομένον inter nos, an omnibus & singulis hominibus sit destinatus Redemptor? Argumentationes itaque quæ hoc non probant, nullius sunt commatis ad probandum dogma de Gratia Universalis. Mera itaque hîc est fuga & declinatio status Controversiæ. At, inquit, *sufficit ad sententiæ nostræ decisionem, Christum singulis Iudeis destinatum fuisse, addeque & destinatum pluribus non electis*. At id non sufficit ad universalem gratiam probandam, præterquam quod supponitur ista destinatio, non probatur, quam tamen nec dari, à nobis demonstratum, nec ipse reponere debet, quippe quæ inanis foret respectu omnium illorum, qui non magis credere potuere, quàm seeligere ipsi. Id verò vitium omnium & singulorum non electorum. Nec destinatio conditionata fingi potest, quin in ea recurrat conditio cum conditionato. 4. Falsum supponit, duas responsiones à me datas *se se mutuò convellere*. At istæ responsiones non conjunctim sumendæ, sed alterutra præeligenda. An qui per ἀγνοῖαν & συγχώρησιν respondet Adversario, ille responsiones proponit se mutuò convellentes? Imò tantam causæ bonæ fiduciam habet, ut variis modis evertere possit argumentum sibi propositum, & undique ipsi tela suppetant conficiendo hosti. Et satis, unam ex responsionibus illis adoptari. 4. Quasi etiam *gaudio ad se non pertinente privari* non dicatur ille, quando id ad se pertinere sæpe ex externis indiciis vel ipse judicat, vel id ad ipsum pertinere judicant alii. Sic sæpe gaudio velut ad se pertinente privari dicitur, qui tempore honorum sibi, ex multorum opinione, conferendorum, vel divitiarum quæ ipsi obtingere debent, ex opima hæreditate præsumpta, abripitur. 5. Per *invitationem etiam communem* Calvinus intelligere non potuit *universalem*, ut quæ nunquam obtigit hactenus omnibus & singulis, nec obtingit hodieque. Sic intellexisse non potuit gratiam (nimirum Evangelii de qua sermo) *peraquè* omnibus expositam esse. Id enim tum planè repugnat omnium temporum œconomiz, tum omnibus quæ Calvinus de prædestinatione & œconomia Dei docet disertè plurimis in locis aliis. Non debet ergo Animadversor ita interpretari verba Calvini, ut eum committat cum seipso, sed potius ut ab eo dicta inter se amicè conspirent, quod nonnisi tum demum fieri poterit, si universalitatem illam gratiæ amoliat. Nec τὸ *peraquè* vexandum. Nec quam censuram strinxere in Animadversorem laudatissimæ Synodi, illa

illa ( quod venerandos istos conventus obliquè suggillando addit) Calvinum tangit, quippe qui ante recoctam & interpolatam controversiam semi-Pelagianam vixit & scripsit, & à se dicta alicubi liberius, alibi restringit. 6. Adde, super gratiæ expositione vel oblatione, & finibus intentis à Deo offerente varias distinctiones adhiberi posse, & verba Calviniani satis superque vindicari. Sed supervacuum se hic diffundere, ne Adversariis occasionem scandali objiciamus, quod revera Calviniani simus, ut qui super verbis ejus ita litigemus anxie. Et nihil injustius, vel Religioni Orthodoxæ contumeliosius, vel Adversariorum cavillis opportunius, quam pro responsionibus ad argumenta, solas Calviniani, utut Summi Viri, commentationes identidem objicere, & dicta quædam ejus exegetica raptare, truncare, & interpretari pro arbitrio, & sic occasionem dare Adversariis, Sanctissimi Viri Scripta varia secum committendi, & super iis cavillandi.

VI. Vnicam verò duntaxat p. 152. aggreditur rationem à me propositam, cur non censuerim, Calvinum intellexisse, gaudium ad non electos pertinuisse ex destinatione Dei, aliàs enim Calvinum crediturum fuisse, destinationem vel decretum Dei eventu suo destitui, & inane esse posse. Quid opponit? 1. Calvinum disertissimè id dixisse. At non de sono verborum, sed de eorum sensu, & mente Calviniani agendum. 11. Inquit, *illius destinationem eventu suo destitui, qui non assequitur eam rem quam præcipuè intendit: Deum verò hunc præcipuè finem habuisse ante oculos, cum gaudium istud omnibus & singulis destinavit, ut & esset & agnosceretur ab hominibus & Angelis summopere misericors.* Id verò non impedire multorum ingratitudinem & incredulitatem. Si Calvinus ita respondeat, me ne hîcere quidem vel mutire posse. At quid putidum magis istâ exceptione? Nam 1. Statuere, Deum in destinatione ista universali hunc finem habuisse præcipuè, imò habuisse, est petere τὸ ἐν ὁμοιοῦ. 2. Denuo reponit destinationem universalem conditionatam, quam liberaliter pro responsione affingit Calvinio. 3. Nihil minus Deum summopere misericordem facit quàm ridicula ista doctrina de destinatione universali salutis ad omnes, sub conditione quam destinans novit nec præstandam, nec præstari posse, & quæ ne præstaretur, vel præstari posset, suo decreto intercessit, & cujus præstandæ gratiam ipsi largiri proclive admodum foret, quam tamen innumeris absolute denegatam voluit. An summè misericors inter homines, imò non illusor & deceptor statueretur ille, qui se hac misericordiâ misericordem jactaret? Scilicet ista misericordia apprimè commendanda respectu illorum, qui inter primos vagitus inter Tupinamboultios sublatus fuere, & quos Deus parentum vel stupidorum vel impiorum appendices

esse voluit ! Si dicendum quod res est, imaginaria illa misericordia conditionalis summa est *donnata*, & voluntas severa omnes damnandi, quibus Deus conditionis gratiam nec facit, nec facere vult. 4. Absurdum etiam, Deum vel minimum quid intendere, quod non assequitur, quod tamen Theologia Animadversoris ponit.

VII. Alia quædam Calvinus citat etiam Animadversor, sed ipsi magis quàm mihi adversa, quum de *Communi* tantum *invitatione* sermo sit, & quidem de invitatione per Evangelium, quam ipse Animadversor non *sine insania* univorsalem statui posse falsus fuit. Adde, Calvinum ipsum fateri, gaudium hoc inter paucos inclusum fuisse. Si de *eventu* sermonem esse excipiat Animadversor; An quæso non *electu* gaudium istud destinatum fuit, vel non? Si prius, illis obtrigisset, vel Deus suo sine excidisset. Nec *conditionata destinatio*, ut ostensum, fingi potest sine gravissimis absurdis. Si posterius, destinatio ipsa paucorum fuit. 5. *Commune* vocari à Calvino gaudium istud *Dei respectu*, hoc est, *ex illius misericordi destinatione*, & *non ex dōxā* implicat, & destinationes inanes Deo affingit rerum non solum non futurarum, sed etiam quæ fieri non possunt, ex ipsis Dei decreto. 6. Eo ipso, & *non blasphemus*, quia Calvinus inquit, etsi de *electo* tantum *populo* Angelus loquatur, *nunc tamen diruta maceria ad totum genus humanum spectare eandem legationem*, universalis Gratia evertitur, quia *nunc* demum ad alios spectat quàm ad Judæos, nimirum inde ab *œconomia* N. Testamenti, per quam maceria diruta est. Si prius, ad totum hominum genus spectavit eadem legatio, qui sit, quod Angelus eam ad unum tantum *populum electum* restrinxit, ut Calvinus docet? Nec phrasis, *totum genus humanum*, favet Animadversori ullo modo, tum quia opponitur tantum *œconomia* Novi Testamenti *œconomia* Testamenti veteris, legatio apud quosvis promiscuè obeunda legationi obitæ apud unum tantum *populum*: Tum quia ipse Animadversor, ut supra vidimus, fateri cogitur, legationem illam Evangelii, de qua Calvinus loquitur, nunquam ad hodiernum usque diem ad totum genus humanum *Collectivè* sumptum pervenisse. 7. Adde, quamvis ratione *externa cooperationis* in *scædus* totus populus Iudaicus intelligi posset, cui ea promiscuè administrata fuerunt, in quibus erant typi Messie (utut non omnibus & singulis ex illis destinati) nunquam tamen posset intelligi totum genus humanum *Collectivè*, quia nunquam in formam aliquam communem Religionis coaluit, ut populus Iudaicus, nec legatio illa, ut ostensum, unquam ad id pervenit. 8. *Toto genere humano collectivè sumpto* omnes & singulos non electos etiam comprehendi nemo negat. At, eo sumpto *distributivè*, omnes & singulos comprehendi, falsum. An, quia *omnia caro visura* dicitur *salu-*



tare Dei, & Spiritus Dei super eam effundendus, sequitur, vel reprobos etiam visuros salutare Dei, vel Spiritum Dei super eos effundi debere. 2. De populi electi nomenclatione non litigabimus. Quis nostrum vitilitationes multiplicet, iudicabit Lector, ut & quis nostrum cum larvis luctetur. Ista emblemata sunt lenitatis Animadversoris. 9. Id serio observandum, confidenter ab eo addi, *unâ se veritate moveri*, quod sanè quàm optimè respondet querelis, quas aliàs emisit, & *quid fiet de honore meo*? Si Christi etiam causa hoc postulat: Ergo Christi causam sustinet solus cum paucis Mystis, & tota Ecclesia Orthodoxa eam impugnat, vel saltem eam nec habet, nec fovet, sed soli novitiæ istius Theologiz Mystæ. Hæc est ista quam exhibet integris Synodis & Ecclesiis ac Academiis, à quibus sua dogmata damnata novit reverentia, ut gravissimos Dei servos velut capitales gratiæ Christi inimicos traducat, quo crimine nullum potest esse atrocius. Interea ex collatione nostrorum Lectori constabit, pleraque à me Animadversori opposita in Exercitationibus ne attingi quidem ab eo, nedum confutari.

## CAPUT VII.

Vindiciæ loci ex Psal. c'xlviii. An eo universali gratiæ  
convellatur?

## BREVIARIUM Capituli septimi.

**C**onfessio Animadversoris de consensu Orthodoxorum super hoc loco. Exceptio ejus expensa. Declinatio illius, quod est in questione. An revelatio hic consideretur secundum efficacitatis spiritus conjunctionem, vel non. Quæ sit revelatio indulta gentibus. Falsa accusatio absterfa. Compendiosa Animadversoris responsio. Inanis jactantia. Digressio ad non necessaria. De qua revelatione agat Psalter. Distinctio Animadversoris expensa. Cujus vita promissio adjuncta fuerit fœderi legali. An moralia præcepta omnia hauriri potuerint ex intuitu naturæ rerum. An Deus voluerit obtingere omnibus eandem revelationem cum Iudæis. Gratiæ objectivam necessariam non habuisse gentiles. Contradictio Animadversoris. An gentiles potuerint deprehendere id, quod in Lege præcipuum fuit. Attentio gentilium inanis. Contradictio Animadversoris, & concessio causa ipsius adversa. Quæ æconomia legalis & populo Dei proposita fuerit & consideranda. An revelatio, de qua Psalter, primordia tantum Evangelii habuerit. Quæ præcipue in æconomia legali fuerint contenta. Oeconomia legalis stricte sumpta non ponit invitationem ad penitentiam. Quale objectum istius penitentia. Qualis declaratio misericordie Dei proposita fuerit in æconomia legali. Gratiæ respicientia præcipua promissio. An æconomia legalis obscuram tantum Christi revelationem proposuerit. Revelatio Iudæis & gentilibus eadem indulta secundum Animadversorem. Dilemma de necessitate cognitionis Messie. Annon detur invitatio ad penitentiam sine spe etiam venia. Absurda varia notata. Fundamentum invitationis ad penitentiam. Confessio

Anim-

*Animadversoris retorta. Gratia obiectiva particularitas. Prærogativa externa revelationis quibus communis fuerit. Qui pertinuerit ad salutem. Qui spectavit ad electos, & non electos simul. An offensus via ad salutem sufficiat. Illatio inconsequens ad gratiam universalem obiectivam. Res ab Animadversore confusa cum fine suo. Ab eodem confusa revelatio indulta Iudæis & gentilibus. Animadversor commissus cum Psalme. Discrimen inter Iudæos & gentiles non electos. Ignoratio elenchi notata. Qui Deus vultur omnes Iudæos se converttere. An Deus dici debeat aliquam cogitationem suscipere de aliquorum salute. Status questionis mutatus ab Animadversore. An nulli fines revelationis præter inexcusabilitatem respectu non electorum. Quid intelligendum per vim & efficacitatem spiritus. Evasio Animadversori obstructa. Vertigo Animadversori. Verba ejus expensa & retorta. Assertio ejusdem opposita sententia de gratia universalis. Gratiam obiectivam necessariam non fuisse cō vel videri propositam, probatur. Absurda varia impacta sententia opposita. An Providentia Dei efficacitas circa secundam tabulam salutaris esse possit sine efficacitate circa primam. Deum noluisse omnes salvari, probatum ex verbis Animadversori. Veri Numini ignoratio inter Paganos. An sufficiat scire, numen esse placabile. An religiones gentium spectarent remissionem peccatorum. An Deus gentiles sibi relictos salvari vultur. An illi etiam salvari poterint. An efficacitas Dei erga Iudæos non electos illis potuerit esse salutaris. Gratia ipsa subjectiva multis non data ad salutem, secundum Animadversorem. Idem illatum de obiectiva. An Iudæorum zelus contra Christum fuerit ab efficacitate Spiritus Dei. Assertio absurda. Qualis fuerit zelus ille, & qua ejus causa. Nullam discrimen inter Gentiles & Iudæos ab ipso Animadversore relictum. Deum noluisse salvari gentiles multos, ex Animadversore probatum. ἀναγκαιή mera Animadversoris. Inanis dictorum repetitio. & ἀπαγωγή. Verba Animadversoris retorta. Gratia obiectiva necessaria universalis eversa. Incitamenta pietatis multis planè negata. Discrimen reale inter revelationem Iudæis & gentibus indultam à quo nostrum penatur, ex mente Psalms.*

I. **N**obilis hic locus à nobis in Thesis propositus, ab Animadversore in Disputatione obiter admodum & jejune vindicatus, & in Exercitationibus nostris summa accuratione pertractatus fuit. Quorum omnium collationem ut instituat Lector veritatis studiosus, omni opere peto. Repetitioni etiam & ἀναγκαίαις dictorum à nobis supersedeo, operæ compendificandæ.

II. Quid hic etiam ad nostra Animadversor? A p. 153. ad 159. prolixè hunc locum vindicasse videri vult: Sed nihil minùs agit quàm quod maximè agere videtur. 1. Fateri cogitur, omnium penè qui doctrinam de gratia universali impugnaverunt, communem ex hoc loco argumentationem fuisse: Meritò itaque ea à nobis post tot præstantes viros adhibita: nec enim dedecori nobis ducimus aliorum potiùs vestigia, & tuta quidem sequi, quàm ἀπερχεσθαι, vel præire aliis ad præcipitium. Illi sanè, quos doctrinam istam oppugnasse observat, fuisse Theologi Orthodoxi omnes: illi verò qui gratiam universalem propugnaverunt vel semi-Pelagiani veteres fuisse, vel Remonstrantes & Heterodoxi alii. 2. Fateri cogitur, optinè  
à me

à me observatum, ibi αὐτοῖς vel αὐτοῖς institui, non modi & modi, sed rei & rei, ne responderet quisquam, jura quidem & statuta divina revelata fuisse cæteris gentibus, sed non sic, hoc est, non æquè clarè vel distinctè, sed longè obscurius. Si verò id optimè à me observatum, pessimè ab Animadversore illud ipsum glossema re ipsa defenditur, ut qui illa ipsa pleraque quoad rem per τὸ πᾶσι τῶ Θεοῦ in natura revelata contendit, quæ Dei populo in Scriptura revelata fuere, quamvis obscurius, ut demonstratum: retro, & demonstrandum ulterius, ut in sequentibus, invidiæ declinanda, id verbotenus negare videatur. 3. Addit: *Revera Psalterium Iudeorum prærogativam non constituere solum in æbereiore aliqua copia cognitionis, quæ gradu tantum distaret ab ea quæ obtigerat gentibus, sed etiam quæ re ac specie differret; Revelationem verò quæ Iudeis obtigit, comitem habuisse aliquam efficacitatem spiritus, unde factum est, ut Dei jura & statuta re ipsa noverint. Revelationem verò quæ gentibus indulta est, quæcumque tandem fuerit, ea efficacia caruisse, & propterea Dei jura & statuta non novisse.* Istam verò exceptionem hîc nudè repetitam, non sugillatam, sed confutatam penitus, & meritò quidem, à me videbit Lector, Exercit. pag. 1201, &c. Nec à me ibi disputatis quidquam adjicere necesse. Observetur tantum ad majorem elucidationem. 1. Apertè mutari statum quæstionis ab Animadversore. Quæstio nobis est de *objectiva gratia*, an eadem quoad rem & speciem fuerit proposita secundum Psalterium Iudæis & Gentibus, vel non. Hoc vel affirmandum erat Animadversori, vel negandum: Si id affirmet, in Remonstrantium & aliorum apertè heterodoxorum castra concedet, & id optimè à me observatum. Sin id neget, res nobis confecta est, gratiam *objectivam* quæ Iudæis indulta fuit, haudquaquam indultam fuisse gentibus, revelationem nimirum fœderis gratiæ, & modi eo & beneficii ejus potiundi. Quid hîc ille? Ictum istum declinat, & confugit ad *gratiam subjectivam*, de qua hîc non agitur, nimirum, revelationem quæ Iudæis obtigerat comitem habuisse aliquam efficacitatem spiritus, indultam gentibus ea efficacitate caruisse. At ea efficacia pertinet apertè ad *gratiam subjectivam*, adeoque peccatur *ignoratione elenchi*, nec respondetur ad rem. Nec enim de revelationis illius efficacitate hîc quæritur, se de revelatione ipsa; an res eadem revelata fuerit Iudæis & gentibus, vel non. 2. Adde, objectum ipsum non mutari, sive insinuetur menti hujus vel illius, sive non, idem verum verbi gratiâ, se in mentem hujus hominis insinuat, non alterius; Idem tamen manet in se. Sic idem verbum Evangelii à Paulo prædicatum comitem habet efficacitatem spiritus respectu Lydiæ, non respectu multorum aliorum Pauli auditorum, idem tamen semper erat verbum. Idem lumen se ingerit oculis videntis, & eos apertos habentis, non se in-

gerit eos claudentis vel clausos habentis. Idem tamen semper lumen est. Eadem itaque vocantur jura & statuta, sive reipsa agnoscantur, sive non nec inde mutatur species. 3. Adde, si *efficacitatem spiritus* respicias, ea plurimos ex Iudæis destitutos fuisse æquè ac Gentiles, & sic in eo nullum inter utrosque poterit institui discrimen. Imò vel *theorica* cognitio jurium & statutorum Dei intelligitur, vel *practica*. Si *theorica*, sine efficacia spiritus haberi potuit, & à multis actu habita fuit: si *practica*, nec communis fuit plurimis inter Iudæos, nec de ea agitur, sed tantùm de revelatione *objectiva*. 4. Si revelatio quæ gentibus indulta fuit, eâ efficacia Spiritus Dei caruit, & *propterea* illæ Dei jura ac statuta non novere, & necessariò quidem, an Deus ipsos salvos voluit, quibus efficacitatem illam, vel revelationem, quæ comitem haberet istam efficacitatem, largiri noluit? 5. Cur etiam, inquit Animadversor, *quacunque tandem fuerit revelatio indulta gentibus*? Imò de eo ipsi ambigendum non erat, si enim *secundum speciem* eadem est cum revelatione indulta Dei populo, & idem fœdus gratiæ, & idem ejus fundamentum, Messias nimirum cum officiis & beneficiis suis gentibus revelari debuerat; sin revelatio gentibus indulta, talis non sit, salutaris esse non potuit ne in genere quidem objecti-

III. Addit Animadversor, *me vehementer pertendere nihil omnino revelatum fuisse gentibus*. Adeat quæso Lector Exercitationes meas, & fiduciam hominis mirabitur, qui hoc absolute asserere ausit! Annon id *restrictè* duntaxat nego de iis quæ revelata fuere Israëlitis per verbum, & quæ in eo solo habentur? Annon revelationem per τὸ πᾶσι largior gentibus, quamvis haudquaquam largiar, vel fœderis gratiæ, vel Messia revelationem indultam iis fuisse in Testamento Veteri. Quî verò ille respondet rationibus meis? Convitio & contemptu, *rationes meas esse velut umbras volitantes*. Sic compendio illæ denuo everte. Nihil restat nisi ut à me exigat vetus illud, αἶψα δάκτυλον. At rationes meas tales esse probandum erat tam accurato disputatori. *Faciendum tamen se sperat, ut eâ argumentatione amplius non utar*. Id verò nec hic effecit, nec efficiet unquam, nec eum id à me debere impetrare argumentationibus suis, saxo constet. Lectori.

IV. Videndum hîc esse ait 1. *Quid utrisque revelatum sit, quid non*. 11. *Quomodo considerandi sint ii quibus revelatio facta est*. 111. *Qua res revelationem illam comitata sit*. 1v. *Qui sit eventus ex eo consequutus*. At primum tantùm hic inter nos controversum, qui de gratia *objectiva* disputamus, non *subjectiva*, ad quam reliqua capita pertinent. Videamus tamen *syrratlocinationum Doctoris Resoluti*. Ad primum quod attinet, inquit, *revelatio Indæi facta bisariam considerari debet, nimirum vel quæ spectabat ad fœdus legalis*

*legale præcisè, vel quâ habebat semina Euangelii conjuncta.* Fœdus legale quidem, inquit, ut nihil de ejus promissione dicat, officium exegisse triplici genere præceptorum constans, moralium, ceremonialium, & judicialium. Moralia præcepta hauriri potuisse ex intuitu naturæ rerum, si ad eam homines sat attentè fuissent, Legem enim moralem nihil aliud esse, præterquam legi naturalis renovationem, quam peccati corruptio ex animis hominum penè obliteraverat, & Paulum dicere, etsi gentiles sine lege Mosaica fuerint, ipsos tamen sibi fuisse legem. Nec enim peccatum fuisse, quum ea fecerunt, quæ pugnabant adversus decem Legum præcepta, nisi ista in rerum natura fuissent revelata. Si itaque id seponatur, quod in quarto mandato prioris tabulæ ad ceremoniam pertinet, omnia illa fuisse & τῶν νόμων τῶν Θεῶν gentilibus manifestata. Ceremonialia & judicialia gentes omnino latuisse; Nec enim sacra Gentilium quidquam commune habuisse cum Iudaorum ritibus, & quamque nationem habuisse suas leges à Iudaicis magnopere diversas quibus rem suam publicam temperavit. Sic non modo tantum, sed & re sortem gentilium differentem fuisse à conditione Iudaorum. At non talem tamen, ut nihil illi omnino à Deo revelatum fuerit eatenus. Nec enim id eos latuit, inquit, quod in illa Lege præcipuum fuit, si fuissent ad naturæ contemplationem attenti. Observet Lector 1. Psalterem de illis agere, quæ Iudæis proposita peculiariter fuere per Dei verbum, ut populo ipsius fœderato, & ea negari gentibus, inter quæ eminuere fœdus gratiæ, & ejus fundamentum, Messias. Quæ quum planè non revelata fuerint gentibus, falsum, secundum Psalterem, gratiam objectivam eadem specie fuisse universaliter manifestatam, adeoque fuisse universalem. 2. Nequicquam distinguit Animadversor, inter revelationem vel quâ spectabat ad fœdus legale, vel quâ habebat semina Euangelii conjuncta. De tali enim revelatione agit Psalteres, qualis à Deo erat proposita Iudæis. Haudquaquam verò illis proposita erat revelatio, quâ spectabat ad fœdus legale præcisè veltantum, sed quâ habebat semina Euangelii conjuncta, in qua habebant promissiones Euangelii, easque satis, pro temporum illorum statu, apertas. Consideranda itaque ista revelatio qualis à Deo proposita fuit, non, qualis non fuit proposita Iudæis. 3. Promissio fœderis legalis non prætereunda erat, vitæ æternæ nimirum pollicitatio, sed quam Animadversor occulit, ut qui statuit cum Socinianis & Heterodoxis aliis, legales promissiones tantum fuisse vitæ terrenæ. Imò Adamo alias factas non fuisse. Si sentiat oppositum, edisserat mentem suam, & demonstratum dabimus, illum id statuisse in publicis scriptis, & quidem cum Magistris illis, & post eos. 4. Moralia præcepta vel omnia hauriri potuisse censet ex intuitu naturæ rerum, vel non; Si prius, ex intuitu naturæ rerum hauriri poterat, primos concupiscentiæ motus esse peccatum. At Apostolus id haudquaquam à se animadverti potuisse innuit,

Rom. VII, 7. *nisi Lex dixisset, non concupisces.* Adde, ex solo legis naturæ intuitu neminem mortalium haurire potuisse, unum è septem diebus cultus divino publicè destinandum, quod tamen ad moralitatem quarti præcepti pertinet. Ostendat etiam, an Deum Trinum colendum, *ἐν τῷ πνεύματι* & per lumen naturæ habuere potuerint gentiles. Adedque non sèponendum tantum, quod in quarto præcepto ad ceremoniam & circumstantiam septimæ dici pertinet. Si postèrius censet, ne ea quidem, quæ ad præcepta moralia pertinent, omnibus fuere revelata *ἐν τῷ πνεύματι*. Et quia, ut faretur, peccati corruptio ex animis hominum penè obliteraverat legem moralem, & renovationem illam per legem moralem Deus innumeris indultam noluit, eandem specie revelationem illis obtingere noluit, quam voluit obtingere Judæis. Quoad varia quidem præcepta naturæ insculpta nemo nostrum diffidet, gentes sibi fuisse legem, & legem habuisse inscriptam cordibus, & servasse *τὰ τῷ νόμῳ*. Sed ea & intensivè & extensivè summè imperfecta fuisse, notum omnibus. 5. Sacra gentilium nihil quidem commune habuisse cum Judæorum ritibus, falsum, quum plerique ritus per *κακοζηλίαν* à Sathana Dei simia gentibus insinuat fuerint, sacrificia, ablutiones, purificationes, festa & alia id genus. Si gentiles etiam ceremonialia præcepta omnino latuere, & in iis Judæi manuducti fuerint ad Messiam, & tum in *oblationibus*, tum in *sacrificiis*, in typis etiam tum *personalibus* tum *realibus* Messias revelatus fuerit: Revera gentiles omni revelatione Messie caruere; adedque *gratiâ* illa *objectivâ*, quæ absolute necessaria est adultis ad salutem. Et sic *re* sors gentilium differens fuit à conditione Judæorum, & nihil omnino eatenus à Deo revelatum fuit gentibus. Et splendida contradictione se implicat Animadversor. *Mandata ceremonialia omnino gentes latuere, & sic non modo tantum, sed & re sors gentilium differens fuit à conditione Iudæorum.* Et tamen, si ipsimet credimus, non fuit talis gentilium sors, ut nihil illis omnino à Deo revelatum fuerit eatenus. Si enim re ipsa idem vel aliquid ejus gentibus revelatum fuit, quod Judæis re ipsa sors eorum differens non fuit. Vel enim id quod illis revelatum fuit, fuit *foedus gratiæ* & ejus fundamentum, vel non: Si prius, re ipsa sors eorum differens non fuit, si postèrius, nequicquam revelata omnia alia, & restricta manet *gratia objectiva* propositio. Nec excipiendum, id intelligi de lege morali, ea enim in Dei revelatione præcipua non fuit, sed promissio gratiæ. 5. Frustra etiam addit, *nec enim eos latuit id quod in ea lege præcipuum fuit, si fuissent ad naturæ contemplationem attentis.* Præterquam enim quod dicendum erat, *nec enim eos latuisset*, ut sensus constet, notum, homines in peccatis mortuos, non potuisse ad naturæ contemplationem attentos esse, ut oportebat. Et quamvis attentis fuissent omni-



omni modo, nunquam illi in natura sc̄dus gratiæ quod in ea dispensatione præcipuum fuit, ejusque fundamentum deprehendere potuissent, vel Deum trinunum diligendum vel rationem cultus illi debiti. Adde, multos ex Gentilium Philosophis attentos admodum fuisse ad naturæ & præceptorum moralium contemplationem, nihil tamen ejus inde eruisse, nec lucem superiorem illis allatam vel ab Angelo, vel aliâ aliquâ ratione miraculosâ. 6. Hactenus Animadversor non contra nos disputat, sed contra Davidem, imò contra se ipsum, affirmando & negando simul id, quod propositum in lege Dei fuit, aliquo modo gentilibus revelatum fuisse. Interea priori affirmatione eadem quoad rem, & Judæis, & Gentilibus revelata fuisse, ratione eorum quæ præcipua sunt contendit, quod nobis sufficit. Si enim gentiles ea deprehendere potuissent, per attentam naturæ contemplationem, opus, ea in natura fuisse revelata.

V. Addit Animadversor: OEconomiam illam legalem, spectatam ut primordia Evangelii conjuncta habuerit, tria præcipua continuisse. 1. Invitationem ad penitentiam. 2. Declarationem misericordie Dei, cum spe remissionis conjunctam, si quis verè & ex animo respiceret. 3. Revelationem obscuram & imperfectam, at aliquam tamen illius, cujus causâ misericordiam illam suam Deus hominibus patefaceret. Duo priora longè clarius Judæis quàm Gentilibus oblata fuisse, at ita tamen, ut Gentiles eorum expertes non essent. De invitatione ad penitentiam verba Pauli clara esse, nec me id negare, sed intempestivè tantum philosophari de τοῦ Χριστοῦ ἔργῳ. De spe veniæ & misericordia declaratione rem non minus perspicuam esse. Non enim posset τοῦ Χριστοῦ ἔργῳ ad penitentiam invitare, quin simul veniæ spem ostendat. De eo verò, cui hac omnia innitebantur, quum promissiones Judæis data fuerint, obscuriores illa quidem, & eò magis, quò tempora ab illius exhibitione remotiora fuere, nihil quicquam gentibus innotuisse, nisi postquam ejus Evangelium in universum orbem Apostolorum prædicatione propagatum est. Itaque & eatenus non modo tantum sed etiam re ipsa Iudeorum quàm Gentilium conditionem longè fuisse potiorē, præsertim quum præter oracula quibus promissiones illa continebantur, qua ad Messiam personam, & actiones & passionēs & ejusmodi alia pertinebant, essent pro temporibus illius ceremoniis legalibus, & variis aliis typis leviter adumbrata.

VI. Ad ista observet Lector. 1. OEconomiam legalem Dei populo aliter propositam non fuisse, quàm prout primordia Evangelii conjuncta habuit, adeoque sic tantum considerandam fuisse, non quâ spectabat ad sc̄dus legale præcisè, superiorem itaque considerationem inanem esse. 2. Non de œconomia legali propriè agi à Psalte, sed de revelatione juris & statutorum, hoc est, totius Dei verbi indulti Judæis, negati gentilibus. Nec istam revelationem primordia tantum habuisse Evangelii con-

juncta, sed totum Euangelium, & revelationem tum fœderis gratiæ, tum fundamenti ejus, & personæ Messię ut & officiorum ac beneficiorum ejus, & modi iis potiundi. Quum Paulus nihil se annuntiasse testetur, *extra ea quæ in Mose habentur & Prophetis*, quamvis *omne Dei consilium* de salute hominum se annuntiasse simul testetur. 3. Falsum, œconomiam legalem, posteriori modo spectatam, tria illa *præcipue* continuisse, continuit enim *sædus gratiæ*, ut præcipuum, cum Abrahamo & semine ejus contractum, & promissiones gratiæ fœderalis, remissionem peccatorum in sanguine Messię & renovationem naturæ corruptæ, ablutionem hominis per sanguinem, & purgationem ejus per Spiritum Christi, futurum ut Deus ei pro corde lapideo det carneum, & legem suam inscribat cordibus, &c. 4. OEconomia sanè legalis strictè sumpta non habuit conjunctam invitationem ad pœnitentiam, quamvis latè sumpta, prout inclusit promissiones gratiæ, proposuit invitationem ad pœnitentiam. OEconomia enim pœnitentiæ, legalis non est; quia *lex* maledictionem inevitabilem interminatur omni peccatori non permanenti in omnibus quæ scripta & imperata. Pœnitentiæ verò doctrina particularem negantem opponit contradictoriè velut isti assertioni universali affirmanti: Aliquem, quamvis peccatorem, pœnitentiam agentem non subiturum maledictionem. Adde, cum œconomia ista non propositam fuisse à Deo simplicem invitationem ad pœnitentiam, sed invitationem ad pœnitentiam fundatam in fœdere gratiæ, & invitationem ad pœnitentiam, & reditum per eam ad Deum Abrahami, Isaaci & Jacobi, ad Deum nimirum Trinunum, qualem se tantum in verbo suo revelavit, haudquaquam verò *ἐν τῷ γένει*. Pictatis quin etiam naturam & officia sufficientiam in solo verbo revelavit, non *ἐν τῷ γένει*. Nec invitatio ad pœnitentiam præcipuum fuit, sed promissio gratiæ ad pœnitendum necessariæ, quæ haudquaquam agnosci poterat *ἐν τῷ γένει*. Cum œconomia etiam legali non proposita fuit *talis, qualis declaratio misericordie Dei*, sed *specialis*, nec *potentialis* tantum, sed *actualis* Dei misratio in fœdere gratiæ erga fœderatos, nec cum spe aliquâ remissionis tantum conjuncta, sed conjuncta cum oblatione remissionis, & exactione fiduciæ istius remissionis, & cum fundamento utriusque, propitiatione nimirum justitiæ divinæ per Messiam, & contritione capitis serpentis per eum, qualia haudquaquam revelata ullo modo *ἐν τῷ γένει*. 5. Nec tantum *spes remissionis* cum œconomia legali proposita *si quis resipisceret*, sed & gratia resipiscentiæ promissa, ut beneficium novi fœderis. Aliàs frustranea omnis misericordiæ promissio, sub hac conditione, respectu hominum qui ex sua natura non magis resipiscere possunt, quam propitiationem peccatorum suorum ipsi

præstare. Nec hæc itaque etiam gratia objectiva proposita fuit *ἐν τῷ νόμῳ*. 6. Falsum & ἀδόλορον, œconomiam legalem obscuram tantum & imperfectam revelationem habuisse illius, cuius causâ misericordiam suam Deus hominibus voluit patefacere. Imò in ea clara satis à Deo data ejus revelatio, quæ non *absolutè* sed *comparatè* tantum obscura & imperfecta dici potest, respectu nimirum lucis in Novo Testamento manifestatæ. Et vel *persona*, *officium*, *passiones* & *beneficia* Messie fuere perfectè revelata populo Dei sub œconomia legali, vel non: si prius, evertitur quod hic habet Animadversor: si posterius, populus Dei salvari non potuit, quia extra cognitionem talium nulla unquam salus obtigit adultis ullis. Et hic & alibi, quod suo loco observabimus, Socinianæ & Remonstrantiæ de revelatione Christi in V. Testamento doctrinæ & de non necessitate ejus sub eo cognitione semina sparguntur ab incauto Animadversore. 7. Insufficienter Messias tantum constituitur causa *misericordiæ* patet *salutis* hominibus, debet ille constitui etiam causa promissæ *misericordiæ* ejusque actu per obedientiam suam suis *concilianda*, extra cujus quippe intuitum non potuisset dari actualis peccatorum in statum gratiæ per misericordiam restitutio. 8. Quoad duo priora, denuo Animadversor vult, revelationem Judæis & Gentilibus indultam *modo* tantum diversam fuisse, non *re*, *longè clarius* tantum Judæis eam indultam fuisse. 9. Tertium vel scitu necessarium ad salutem fuit, vel non; si fuit, *gratia* aliqua *objectiva* scitu necessaria gentibus non obtigit. Si non fuit, extra cognitionem Messie, adedque sine fide in eum homines salvari potuere, quod absurdum & ἀδόλορον. At *cognitione* sui ille *justificabit servos suos*, non ignoratione. 10. De invitatione ad pœnitentiam per τὸ *χρῆσθαι τῷ Θεῷ* agetur alibi suo loco, favente Deo, & ostendetur, à me haudquaquam intempestivè sed appositè admodum non *philosophatum* sed *disputatum* theologicè. 11. Spem veniæ & misericordiæ declarationem universalem fuisse, et ipsum *ἐλπίον*, nec spes veniæ ad *gratiam* *objectivam* propriè pertinet, sed promissioni veniæ impetratæ, nec misericordiæ Dei in genere, sed miserationis actualis respectu pœnitentium ob placamentum ei rei destinatum, & exhibitum vel exhibendum in Messia, cuius fiducia requiritur à Dei filiis. 12. Falsum etiam, τὸ *χρῆσθαι τῷ Θεῷ* non potuisse ad pœnitentiam invitare, ut ad officium, etiam si nullam spem veniæ simul ostendat. An iudex non potest invitare reum ad pœnitentiam peccati admissi, quamvis certò vel vicomburium, vel supplicium grave aliud ipsi intenter & denuntiet? Et an pœnitentiam homo non debet ut *officium*, quamvis nulla spes ipsi proponatur vel veniæ vel gratiæ? Sic, nisi Deus adjecisset promissionem gratiæ, homo pœnitentiam haudquaquam debuisset Deo, si Animadversorem.

rem audimus! An Dæmones & damnati pœnitentiam Deo non debent, quamvis sine spe veniæ sint in statu in quo sunt? Invitatio ad pœnitentiam & in officio creaturæ, & in pœnitentiæ ipsius pulchritudine, & τῷ καλῷ, quod in ea est, fundamentum habet. Nec spes veniæ nisi secundariò respicienda, sed pœnitentia ipsa spectanda priùs, ut debitum quid, & officium. Alias mercenarium est officium, non liberale. Et si τὸ χρεῖσθαι τῷ θῷ, siue ἡ δὸντιστομία ejus invitent ad pœnitentiam, primaria pœnitentiæ causa esse debet fœditas peccati, ratio officii, & τὸ καλὸν quod est in pœnitentia. 13. Si nihil quicquam gentiles audire de eo cui hac omnia innitebantur, hoc est, de Messia, & extra eum salus dari non possit, Deus qui innumeros de eo nihil quicquam audire voluit, noluit innumeros salvare. Et quum revelatio illius præcipua gratia objectiva sit, & necessaria planè ad salutem, patet, eam haudquaquam fuisse unquam universalem. Imò Messia revelatione jam quidem universalis est, vel fuit, etiam postquam Evangelium Apostolorum prædicatione propagatum est in orbem terrarum, ut ex ipso Animadversore demonstratum dedimus, quamvis hodie saltem, ex ejusdem concessione, *distincta* Messia exigatur *cognitio*. 14. Nec eatenus tantum Judæorum conditio potior fuit quam Gentilium, sed *absolutè* ratione revelationis *Dei jurium ac statutorum*, nec Psaltes istas anxias & jejunas limitationes nobis producit, quas Animadversor habet, sed *absolutè* loquitur. 15. Si etiam præter oracula, quibus promissiones illæ continebantur, quæ ad Messia personam, actiones & passionem, & ejusmodi alia pertinebant, in ceremoniis legalibus & variis aliis typis, populus Dei talia adumbrata habuit, haudquaquam verò gentiles, clarum satis & perfectam, pro illorum temporum ratione, Messia revelationem habuit, adeòque solus gratiam objectivam sufficientem. Nec *leviter adumbrata* talia dici debent, vel possunt nisi *comparatè* sed *graphicè* & *sufficienter* vel solus Esaias non tam ut Propheta de Messia scribit, quam ut Evangelista, ut notum.

VI. Quoad secundum, inquit Animadversor, Psaltem ipsum satis indicasse, qua ratione ii considerandi sint, de quibus hoc cecinit. Nimirum hic spectari nationem universam Iudæorum, & opponi reliquis nationibus pariter universis. Ut igitur negat gentium in eo conditionem fuisse cum Iudæis equiparandam, sic affirmat, prærogativam illam Iudæorum spectasse ad omnes, nullo discrimine habito. Quamobrem si revelatio illa facta Iudæis, ad salutem pertinebat (qua de re nulla dubitatio esse debet) spectasse promiscuè ad electos & non electos, quatenus ad salutem viam ascendebat apertam. Observet Lector. 1. Εὐαγγέλιον esse, Psaltem hic promiscuè de Iudæorum gente loqui, & de omnibus adultis inter Iudæos, qui verba, statuta, & jura Dei poterant audire. Et sic eos opponi reliquis nation-

nationibus universis. Eo ipso verò quia iis opponuntur, & verba, jura ac statuta Dei Judæis revelata dicuntur, negantur esse revelata gentibus, adeoque negatur universalitas gratiæ istius *objectivæ*. Prærogativam itaque istam *externæ revelationis* universalem fuisse respectu Judæorum adulatorum extra controversiam est, utut enim *subjectivè* notitia istius revelationis varii fuerint gradus, *objectivæ* tamen juriur & statutorum Dei revelatio eadem inter eos fuit. 2. *Ad salutem* sanè *pertinebat* revelatio facta Judæis, tum *ex se*, quia proponebat doctrinam ad salutem ducentem, tum quia Deus per eam plurimos ex Judæis ad salutem actu perduxit, & eam, ut tales ad salutem perduceret, iis proposuit. Falsum verò, eam ita ad salutem pertinuisse, quasi Deus per revelationem istam omnes & singulos Judæos ad salutem ducere voluisset, quod & ipsum *κατὰ πρόθεσιν* est, & ponit, Deum excidere suo fine, & volitiones Deo inanes asfingit rerum non futurarum, & quidem ex decreto suo. 3. Ambiguè dicitur, *revelationem spectasse ad electos & non electos promiscuè, quatenus ad salutem viam ostendebat apertam*. Si enim id *materialiter* intelligatur de re proposita, concedi potest, sin de *intentione & fine* Dei proponentis, negatur planè eam promiscuè spectasse ad electos & non electos, non magis quàm si solis ortus dicatur spectare promiscuè ad cæcos omnes, quorum aliquibus oculi sunt aperiendi, aliis non. Imò si paucissimi etiam duntaxat salvandi fuissent ex Judæis, revelatio debebat esse communis, quia placuit Deo hoc modo & per promissionem communiter propositam suos ad se trahere, ut Lydiam, non per verbum in individuo huic vel illi duntaxat annuntiatum. 4. Demus etiam revelationem istam *spectasse promiscuè ad electos & non electos* inter Judæos, quid id ad gentiles luminis istius exsortes? An ob id gratia censebitur universalis, *objectivæ* etiam? 5. Eò ipso etiam quia *ostendebat tantum viam ad salutem*, & quidem mente cæcis, voluntate pravis, corruptis affectibus, & mortuis in peccatis, nec illa iniri poterat nisi ab electis, ob corruptionem istam naturalem, ex qua istos solos per efficacem vocationem placuit Deo eruere, noluit omnes & singulos salutem per viam istam consequi. Videat jam Lector istam ratiocinationem, an ex ea sequatur gratiæ *objectivæ* universalitas, quod aliquid omnibus Judæis promiscuè fuerit revelatum, quamvis discretè maximæ hominum parti idem revelatum fuisse negetur. At h. e. id quod inter nos in controversia est, non verò, an gratia *objectivæ* ulli ex non electis fuerit revelata. Adde, ubi de revelatione multis ex his *objectis* agitur, non *rem* à nobis negari, sed *intentionem & finem* revelantis, h. e. illam talibus non indultam ad salutem, sed ad *ἀγαπῶν λόγον*, vel ad aliquam illuminationem, ad aliquam coercitionem, & ad fines alios id genus, quos & Scriptura docet & experientia.

VII. Hic verò pati se non posse ait, quin meam notes in ratiocinando ἀλλοιψίαν. At quæ illa? Dixisse se, inquit, realem differentiam qua inter Iudæos & Gentiles existit, in eo fuisse positam, quod revelatio apud Iudæos aliqua spiritus efficacitate comitata fuit, apud Gentiles minimè. Ex hoc me ita argumentatum, ut dixerim, si ista differentia intercedat tantùm inter Israelitas & alias Gentes, vel apud omnes israelitas eam spiritus efficacitate comitam fuisse, quod falsum, vel nullum fuisse discrimen inter Israelitas multas & Gentiles, quia non magis vis spiritus se in israelitis multis exeruit, quàm in gentilibus multis. Fateor me ita argumentatum, nec ejus rei vel pudet, vel piget. Quid verò regerit? Vel me ita loquutum ex animi mei sententia, vel argumento ad hominem. At peccat elencho oppositorum, & ex animi mei sententia ita scripsi, & argumento ad hominem. Prius quia dilemma istud mihi revera invictum videtur, posteriorius quia fundamentum habet in Argumento isto Animadversoris, differentiam inter Judæos & gentiles in eo positam fuisse, quod revelatio inter Iudæos aliqua spiritus efficacitate comitata fuerit, apud Gentiles minimè. Et quum solam illam differentiam expresserit, meritò in refutatione illius hæsi.

VIII. Quì verò me urgere pergit? Si primum illud verum est, inquit, me putare, absurdum esse, nullum discrimen intercessisse in eis qua ad salutem attinent inter eos Iudæos, in quibus nullam spiritus vim suam exeruit, & gentiles in quibus pariter externa revelatio nulla spiritus efficacitate comitata fuit. Diceret ergo nobis, inquit, quâ in re situm sit memorabile istud discrimen, quum nec Redemptor illis fuerit destinatus ullo modo, nec Deus voluerit illos sese convertere omnino, neque ullam de eorum salute cogitationem suscepit, neque quod Iudæis illis clarius revelatum fuit, aliò spectare potuerit, ex intentione & voluntate Dei, nisi ut redderentur inexcusabiliores adhuc quàm Gentiles, & ut eorum condemnatio aggravaretur. Illud verò discrimen ad salutem non pertinere. At quàm vanæ sunt istæ argumentationes, quæ mera σωμύλμα! 1. Annon apertè illatio mea nititur fundamento posito à Disertatore, differentiâ nimirum, quam statuit inter Judæos & gentiles, quam ex eo falsam demonstravi, quod inde sequatur absurdum evidens. Absurdum verò illud est, nullum, hîc esse discrimen inter Judæos & gentiles, quum tamen Psalter maximum & apertissimum ponat, & tribuat Judæis, & solis quidem, quod negat gentibus. Nullum verò, ex Animadversoris sententia, est discrimen, hî illud arcessatur ex vis spiritus, quippe quæ ex æquo negata Judæis multis & gentilibus. 2. An opus est quærere in quo consistat istud discrimen? An non Psalter disertè id ponit, & in revelatione & in notitia, injuriam & statutorum Dei? In eo sane convenientia fuit inter Judæos & Gentiles multos, quod neutri efficacitatem habuerint Spiritus Dei, in eo verò semper discrimen



scrimen integrum fuit, quod Judæis revelatio ista verbi obligit, gentilibus non item. De quo uno hîc agit Psalter. 3. Peccatur *merâ ignorance elenchi*, nec enim sermo hîc de Redemptoris destinatione, vel de voluntate Dei circa omnium conversionem, vel de cogitatione Dei circa omnium & singulorum salutem, sed sermo duntaxat de revelatione statutorum & jurum Dei, cujus fines varios fuisse à nobis demonstratum. 4. Supponitur semper *πεῖν ψάδι*, Redemptorem *aliquo modo*, hoc est, *conditionatè* omnibus destinatum. At demonstratum, eum iis quibus destinatus, *absolutè* destinatum, & eo modo, non *si credat homo*, sed *ut credat*. 5. Ambiguitate luditur in phrasi, quî Deus voluerit omnes Judæos se convertere, id enim de voluntate quæ *mandatum* Dei intellectum, verum est, quæ voluntas spectat officium, intellectum verò de voluntate quæ *decretum* est, vel *intentio* aliquid consequendi, falsum est, nec enim ista in Deo est rei non futuræ: 6. Supponitur ineptè, *Deum aliquam cogitationem suscipere de aliquorum salute*, & istam cogitationem effectu carere. Cogitationes id genus *ἀνεμῶλοι* & evanidæ hominum sunt, vel insipientium vel impotentium, vel ad minimum mutabilium, haudquaquam Dei. De cujus salute Deus cogitationem suscipit (quamvis phrasi ista *ἀκυρόλογον* planè sit) eum ad salutem revera actu perducit, & omnem quidem. Actus enim ille *immanens* Dei & perpetuus concipi debet, & efficax pro dignitate subjecti. 7. Peccatur *ignorance elenchi*. Quæstio non est, quòd pertinuerit clarior revelatio quæ Judæis obligit, sed annon in eo discrimen constitutur à Psalter, quod Judæis illa obtigerit, Gentilibus non obtigerit, quicunque jam istius revelationis sint fines, quicunque effectus. Annon sic semper manet quod à me positum, discrimen Disertatoris responsione tolli inter Judæos & gentiles, quod ponit Psalter. 8. Fines revelationis istius præter *inexcusabilitatem* & *aggravationem condemnationis* dari poterant alii, nimirum directio aliqua in aliquo Dei cultu, coercitio à sceleribus gravibus, reverentia aliqua mandatorum divinorum, aversio à gentilibus idololatriâ, & alia id genus, qualia ipse habet alibi. Nec illi ipsi fines absurdi visi Apostolo, vel indigni Deo, sive injusti, quos hîc ut tales supponit Animadversor. Nec magis absurdum, Judæis à Deo quædam revelata fuisse *εἰς πείναι αὐτὸς ἀναπολόγητος*, quàm gentilibus. 9. Supponitur, hîc agi de discrimine quod ad salutem pertinet, agitur verò simpliciter de discrimine. Argutationes itaque istæ *meræ* sunt, non argumentationes. Quid verò est *ἀμφαξονεῖν*, & de scammate egredi, si hoc non est?

IX. Addit; Si voluerim argumentari ad hominem, duo memorabilia me peccasse; Vnum, quòd, *etsi vim illam spiritus intellexissem de sola efficacitate, qua se in vera fidei & penitentia procreatione explicat*, nulla sit argumentationis mea vis.

Davidem enim quum ita loquatur, *populum Israelitarum ex meliore maioreque parte æstimasse. Quum igitur & veram Religionem videret in Israele constitutam, & gentem universam eam esse profitentem, & potuisset eum ex communi usu loquendi, & debuisset ex canone charitatis existimare, multò maximam partem Iudeorum vim illam spiritus persensisse, ex quibus uniuersa natio censebatur. Et id sufficere ad sententiam illam pronuntiandam. Alterum esse, quod antequam argumentarer ad hominem, debuerim suam sententiam habere perspectam. Id verò secus esse. Quid ista denudò præter *ἡμῶν δὲ αὐτῶν*? Nam 1. Dum Dissertator de vi & efficacia spiritus loquutus fuerat, quam revelatio Judæis facta comitem habuerit, revelatio facta gentibus non item, quis inde mecum non collegisset, intelligi efficacitatem operativam fidei & pœnitentiæ, quarum quippe virtutum productio prima est, ex quibus sequuntur omnia bona reliqua, & in quibus producendis revera efficacia vel vis spiritus se exerit? Si itaque de ea hic loquutus non fuit Dissertator, aliter loqui debuit, nec vitium in mea intellectuione est, sed in ipsius elocutione. Et sanè ubi de vi & efficacia spiritus sermo est, talis intelligi primò debet. 2. Vertiginem hinc Animadversor denuò passus fuit, dum inquit, Davidem, cum ita loquitur, *populum Israeliticum ex meliore maioreque parte æstimasse, & debuisset eum ex canone charitatis existimare, multò maximam partem Iudeorum vim illam spiritus persensisse.* At David nihil tale protulit, nec vel verbo hinc meminit efficacitatis Spiritus Dei, quod illa comitata fuerit revelationem istam, de qua loquebatur, sed tantum agit de revelatione externa jurium & statutorum Dei. Argumentum verò nostrum non contra verba Davidis est, sed contra glossema, quod verbis illis affingit Dissertator, quod dilemmate isto absurdum esse à me demonstratum. Si etiam David ex *meliori parte* populum æstimavit, cur id pro absurdo habet Animadversor in vocabulo Mundi? Et quid David ex *majori & meliori parte* simul populum æstimare potuit, quum pars major non fuerit melior, nec melior major? 3. Frustrà etiam argumentatur, etiamsi intellexisset illam efficacitatem spiritus, nullam esse argumentationis mex vim. Imò illa æquè clara est ac Solis radii quum lucet in meridie. 4. Non opus Davidem hinc introducere loquentem ex *canone charitatis*, loquitur enim de re obvia & notoria, omnibus adultis Judæis communi, de revelatione nimirum jurium & institutorum Dei, ubi iudicio ex *canone charitatis* opus non erat. Nec de vi spiritus vel vola vel vestigium apud Davidem.*

X. Me verò sententiam ipsius perspectam non habuisse, probare instituit *tertia rei explicatione*. Præterquam verò quod nec in *thesi* semper illi, qui sententiam aliorum perspectam non habet, culpa imputanda sit, nec mihi

mihi hîc in *hypothesi*, qui verba Dissertatoris intellexi, prout se habebant, probatio Animadversoris excutienda, per spiras multas, quod ipsi solemne, est circumducta. Apud gentiles, inquit, Deus usus est unâ revelatione τὸ πρῶτον, quod in operibus creationis & providentiæ spectandum exhibuit. Apud Indæos usus est revelatione verbi, quæ ad omnium Israëlitarum aures accidit. Τῷ ἑξῆς autem illud ita comparatum fuisse, ut in rebus ad civilem & moralem vitam attinentibus, cuius secunda legis tabula moderatrix est, Deus aliquam suæ providentiæ efficacitatem, in eo exereret, quæ non modò nativam hominis corruptionem coerceret, sed etiam nunquam semina virtutum hominum animis inderet, quibus ad egregia quaque capeßanda iuvitarentur. Fuisse enim inter gentiles virtutum omnis generis illustria quadam exempla & digna memoriâ sempiternâ. Ad pietatem & cultum Dei quod spectas, adeo Deum ab omni virtute sui spiritus gentiles omnes deseruisse, ut nihil fuerit eorum erroribus in eo genere sedius atque ætius. Hoc unum mansisse hominum animis infixum, esse numen aliquod ignoscens & placabile, id quod perversis eorum religionibus, ut fundamentum substratum fuerit, reliqua in iis fuisse superstitione & idololatriâ horrendum in modum contaminata. Apud Iudeos rem aliter se habuisse. Duplicem in ea Deum exeruisse sui spiritus efficacitatem, unam in electorum animis, quos ad veram penitentiam convertere; Alteram in cæteris Iudeis, aut eorum saltem multo maxima parte, quæ tamen si consue non perveniret, ut eorum animos illuminaret ad salutem, illos tamen retinuerit in reverentia aliqua mandatorum divinatorum, adeo ut dogmatum puritatem, sanctitatemque ceremoniarum vel errorum mixturâ, vel peregrinorum sacrorum superinductione corrumpi aut depravari non paterentur. Atque is, inquit, est Zelus Dei, à vera fide veraque penitentia sejunctus, quem Apostolus iis tribuit, qui Christi Evangelium respuerunt. Non potuit enim esse quinquam talis Dei zelus, qualem Iudei adversus Mosaicæ institutiones semper præ se tulerunt, nisi ab aliqua Dei operatione, quæ tamen usque ad fidem & veram μετανοiam non pertingebat. Eam igitur duplicem vim spiritus se intellexisse, cum spiritus efficacitatem aliquam revelationi istî additam esse affirmavit. Quum igitur ad omnes penè Iudeos alteratio operationum istarum pertineret, quærit Animadversor, quid velim, quum obijciam, multos fuisse inter Iudeos inter quos & Gentiles, nullum salutis discrimen in salutis negotio intercessit? Non eorum conditio, addit, fuit longè potior, quos Deus eo modo tractavit? Non re aliqua, eaque maximè memorabili, superiores fuerunt? Addit, quibus Deus & tam multa revelaverat, quæ Gentiles celavit, & verbum suum audiendum proposuerat, quum τὸ πρῶτον solum oculis gentilium obversaretur, & virtutem aliquam sui spiritus suppeditaverat, quâ moverentur, ita ut, si nihil faceret præterea, saltem ejus ope divinis mandatis & institutis apud ipsos reverentia illa conciliaretur? Plus in describendis quàm confutandis istis laboris, describenda tamen fuere ne quid luxa-

tum conquereretur Animadversor. At 1. Quia apud Gentiles Deus usus est unâ revelatione τὴν γῶσφ, quam in operibus creationis & providentiæ spectandam exhibuit, gratia objectiva ad salutem sufficiens haudquaquam illis oblata, adeoque ea universalis non est, nisi dicat Animadversor, vel mysterium Trinitatis & Expiationis peccatorum per Messiam non fuisse necessarium cognitu, & sic verò Deo non cognito, & Idolis pro eo substitutis, ignoratoque Messia, homines potuisse salvari. Vel talia etiam ἐν τῇ γῶσφ τῷ Θεῷ, in operibus creationis & providentiæ exstant, vel saltem talia in V. Testamento non fuere cognita, nec cognitu necessaria; nec hodieque iis sunt, quibus τὴν γῶσφ τῷ Θεῷ tantum obversatur. 2. Vel etiam Gentiles per revelationem unam τὴν γῶσφ potuerunt salvari, vel non. Si prius, vix causa erat sufficiens, cur exultaret adeò magnificè Psaltes beneficio Iudæis indulto, & Paulo recantanda sunt quæ habet Ephes. 11, 12: si posterius, Deus qui unâ tantum ista revelatione erga innumeros uti voluit, innumeros salvari noluit. 3. Εἰς ἀγῶνιστον, Deum aliquam providentiæ suæ efficacitatem exeruisse inter gentiles circa res ad civilem & moralem vitam attinentes; At eo ipso, quia efficacitatem exerere noluit in gentilibus circa primam legis tabulam, & ea quæ ad eam pertinent, certum, Deum eos noluisse salvari, quum sine vera primæ tabulæ intelligentia, & efficacia illa nemo mortalium servari potuerit, & secundæ tabulæ cognitio non potuerit non esse corrupta. 4. Si nativæ etiam hominis corruptio est, meritò illa vocata à me *inpotentia naturalis*. 3. Virtutum umbra & simulachra potius quàm veræ virtutes in gentilibus fuere, quas meritò Augustinus vocat *splendida peccata*. Nec enim veræ virtutes in irrogenitis locum habere possunt. 6. An Deus voluit illos salvari, quos ab omni virtute spiritus sui deseruit, ut nihil fuerit eorum erroribus sædus & tetricus? An tales etiam potuere salvari, vel non? Si prius, potest aliquis salvari sine omni Spiritus Dei virtute, spectante ad pietatem ac cultum Dei: Si posterius, inanis est universalis gratiæ inculcatio. 7. Vel in Gentilium omnium animis infixum mansit, verum numen ignoscens esse & placabile, vel tantum numen fictitium & falsum. Si prius, id falsum, nec enim verum numen aliud quàm Deus Trinus, quem gentes omnes ignoraverunt: Sin posterius, ista cognitio non poterat non in æternum illis inutilis esse ad salutem. 8. An sufficiebat etiam scire, esse aliquod numen ignoscens & placabile? Et tale quid objectum esse gentibus, quamvis id universaliter concederetur omnibus propositum, quod falsum? Id verò inutile planè ad salutem, nisi reveletur simul, id actu placatum esse, & ratio per quam placari voluit, & modus potiundi fructus istius placamenti. At ista Deus innumeris revelata noluit. An sufficiet reo ad spem, solidam parien-

parientem pacem & gaudium, placabilem esse Principem? Annon opus, sciat Principem placari actu velle, & media ejus placandi sibi dari? 9. Supponitur, religiones Gentilium eò semper spectasse, ut placaretur numen quoad remissionem suorum peccatorum. At innumeri de iis ne cogitarunt quidem. Sed placabant Deos suos, vel ut bona externa & corporalia ab iis consequerentur, vel ne mala externa in se effunderent, de peccatis innumeris, & eorum remissione perquam securi. Remissionem etiam illi spectarunt pœnæ, non culpæ, qui tale quid spectarunt. 10. Quia reliqua *horrenda superstitione & idololatria* in gentilibus fuere *contaminata*, nec Deus istam pestem in iis sistere voluit, verbo suo submisso, tales salvari noluit. Et vel illi sine Dei verbo ex superstitione & idololatria emergere potuere, vel non; si non potuere, non potuere salvari; si potuere, potuere ad veram Dei cognitionem pervenire, adeoque potest Deus agnosci qualis est, nempe Trinus, sine ipsius verbo, quod absurdum. 11. Efficacitas, quam Deus exeruit in Judæis non electis, vel potuit illos deducere ad fidem & pœnitentiam, vel non. Si potuit, debuit esse superior corruptione humana, adeoque actu eam superare. Vbi enim agens majorum est virium patiente, ibi vincit impressio vel influxus agentis; si non potuit, non potuit esse salutaris. Adde argumenta omnia, quæ Animadversor, quum adhuc Dissertator esset, opposuit Celeberrimo cuidam Theologo, *gratiam subjectivam* communem in vocatis per verbum statuenti, quæ hic retorqueri in suum Auctorem possunt. Et si Deus illam duntaxat exercere voluit efficacitatem ergâ innumeros, innumeros non voluit salvari. Nec tantum dicendum, *efficacitatem illam eousque non pervenisse in multo maxima parte, ut eorum animos illuminaret ad salutem*, sed & eò pervenire non potuisse, nec Deum eam in illis exeruisse, ea intentione ut iste eventus sequeretur. Alia enim longè efficacia requiritur, quæ possit esse vorticordia. 12. Denuo tota Dei operatio refertur ad *illuminationem animorum ad salutem*. 13. Fatetur ipse Animadversor hoc loco, *gratiam ipsam subjectivam* aliquam datam Judæis plurimis non ad salutem, sed ad reverentiam aliquam, & ad præsertionem aliquam ab errorum & superstitionum mistura. Multo magis *gratia objectiva* proposita à Deo multis dici potest ad fines id genus, quamvis ab eo iis proposita non fuerit ad salutem. 14. An etiam zelus Iudæorum contra Christum & Evangelium *ab aliqua Dei operatione* erat, de quali hic sermo, hoc est, *ab operatione vel efficacia spiritus Dei*, quam ab Animadversore intelligi vel ex eo patet, quod addit, *qua tamen (operatio) usque ad fidem & veram pœnitentiam non attingebat*. Quid magis ἀγέλογοι! Ergò ab efficacia Spiritus Dei erat, quod à Iudæis multis Christus haberetur pro-

Impo-

Impostore, & Euangelium pro fabula? Nec sufficit excipere, eos præ se tulisse *zelum adversus Mosaicæ institutiones*, aliud enim est, *zelum præ se ferre*, aliud habere, aliud, *zelum verum*, & bene fundatum, aliud *κακοζήλιον*, & *zelum malum ac sine scientia*. Ille oritur ex cognitione naturæ & finis rerum, iste ex ignorantia, & corruptione utriusque, ac pravis affectibus aliis. In talibus ergo non Spiritus Dei, sed Diaboli vim & efficacitatem se exeruisse notat Christus Ioh. v 11. & alibi passim. Et sanè plurimis inter Iudæos instituta Mosaicæ merum erant prætextus & obtentus, avaritia verò, ambitio & invidentia una causa in Christum & Apostolos grassandi. Qualis zelus etiam in Dianæ Ephelinx ministris & cultoribus apparuit in Actis. Nec Apostolus omnibus & singulis inter Iudæos, minus malitiosis Christi & Euangelii persequutoribus tribuit ζήλον τῷ Θεῷ Rom. x, 2. sed multis duntaxat ex illis, qui ex mera ignorantia peccabant. 15. Eo ipso, quo Animadversor duplicem illam Spiritus Dei vim à se intellectam profitetur, neutram verò Deus exeruit erga multos inter Iudæos, qui & profani fuere, & abiecere se sæpe ad Idola gentilium colenda, & ad qualvis scæditates; sic nullum discrimen relinquitur ratione illius spiritus inter Israelitas multos & gentiles, quod habet dilemma nostrum. Vnde ne ipse quidem Animadversor affirmare auder, istam efficacitatem se exeruisse in omnibus Iudæis non electis. 16. Si etiam duplex illa vis spiritus non fuit communis gentilibus, nec comitata revelationem factam per τὸ πνεῦμα, vel sine ea potuere gentiles salvari, vel non. Si prius, id ἀπολόγητον, & natura ad salutem sufficere. Si posterius, Deus qui illam vim circa gentiles & revelationem illis factam adhibere noluit sine qua novit eos nec converti posse, nec salvari, illos salvari noluit. 17. An ego etiam simpliciter objicio, *multos fuisse inter Iudæos inter quos & gentiles nullum discrimen in salutis negotio intercesserit?* Annon ex glossemate Animadversoris id infero, constituentis discrimen tale in efficacia spiritus data vel negata? Annon verò ista efficacia & Iudæis multis & gentilibus ex æquo negata? Annon potius ex loco Pfaltis docui, gens discrimen inter Iudæos & gentes reliquis intercessisse quod diserte notat? Annon etiam aliud est, loqui de Iudæis *absolutè*, aliud, loqui de multis inter Iudæos? An vel verbi revelationem Iudæis obtigisse negavi, vel virtutem spiritus Iudæis omnibus subministratam contendere? An negavi etiam, apud multos ex Iudæis reverentiam mandatis & institutis divinis fuisse conciliatam? Annon potius, discrimen maximum inter Iudæos & gentiles etiam quoad externam revelationem à Deo illis indultam, istis negatam probavi? Quid inanius itaque quàm ita Lectorem & causam circumducere, & meris ἀπεργωγαῖς ludificari!



XI. Addit : *Quartum restare, quod ex superioribus pendeat, apud Gentiles nullam religionem fuisse incorruptam, sed omnes contaminatas sædis erroribus & horrendâ idololatriâ. Apud Iudeos & institutam fuisse Religionem puram Mosi ministerio, & vel mansisse intemeratam multa secula. Vel si quas labe ex hominum vicio subinde contraxerit, restauratam tamen fuisse itidem, & vel ope Prophetarum, vel auctoritate Regum, vel virtute Sacerdotum, vel populi pœnitentiâ redintegratam. Eam rem esse quam David tam magnificè prædicat, & institutam & conservatam fuisse inter Iudeos veram Religionem, tam verbi prædicatione quàm subministratiõne spiritus, quum inter gentiles, quæ ad pietatem excitandam & constituendam pertinent, omni tali virtute destituta, & solis hominum oculis extrinsecus objecta, nihil tale perficere potuerint: Eo verò non negari, inquit, incitamenta ulla pietatis oculis gentilium obversata fuisse, at affirmari, corrupta & depravata, nihil quicquam boni in Religionis institutione præstare potuisse. Id autem, nisi discrimen reale sit, docere me debere, quid per rem & modum sit intelligendum. Nec verò vel me vel causam nostram ista omnia feriunt, stricturæ tamen & istis debentur.* 1. Repetit Animadversor pro quarto quod in tertii *ἔκζητος* jam produxerat. Nimirum, cultum Dei inter gentiles fuisse scædum & tetrum, & omnia fuisse horrendum in modum superstitione & idololatriâ contaminata. Causam etiam adjicit, quod Deus ab omni virtute sui spiritus gentiles deseruerit, ad pietatem & Dei cultum quod spectat. Quid opus itaque erat, rem non controversam non tantum ibi poni, sed & hic reponi, apud gentiles nullam Religionem fuisse incorruptam, sed scædos errores & horrendam idololatriam? An id à me negatum, vel ab ullo homine sano? An dubium etiam erat, apud Iudeos veram fuisse Religionem & institutam, & restitutam à variis? Quid ista ad rhombum? Annon, quia Deus voluit gentes omnes in scædas ejusmodi superstitiones labi, nec ex iis vel per spiritum, vel per verbum etiam suum erigere, sed relinquere eas suis ipsarum viis incedere, ex eo patet, illum noluisse omnes servari? 2. Falsum, verbis istis Davidem de subministratiõne spiritus loqui; loquitur ille de externa revelatione verborum & jurium Dei, quam Iudæis datam docet, negatam gentibus. Et quum de beneficio communi agat, non agit de subministratiõne spiritus Dei, quæ non erat communis. 3. Et quia de instituta & conservata vera Religione agit David verbis illis, secundum Animadversorem, & illam tribuit Iudæis, negat gentibus, eo ipso ostendit, revelationem veræ Religionis, & modum verum Deum colendi, adedque *grariam objectivam* ad salutem necessariam particularem esse, nisi censeat Animadversor, institutionem in vera Religione non esse necessariam, ut aliquis possit servari. 4. Si etiam inter gentiles quæ ad pietatem excitandam & constituendam perti-

nent, omni tali virtute sunt destituta, & nihil tale perficere potuerunt, an Deus qui in isto statu innumeros nasci & mori voluit, in quo omni tali virtute destituerentur, tales voluit salvari? Et quidem per media istiusmodi tantum, *qua nihil tale perficere potuerunt.* 5. Vel etiam quæ ad pietatem excitandam & constituendam pertinent, oculis omnium & singulorum mortalium objecit, vel non. Si prius, oculis omnium objecit institutionem sufficientem in vera Religione, & ejus mysteriis, quod falsissimum. Sic enim natura esset præco Euangelii, & doceret & Deum Trinum, & Christum Redemptorem, & alia id genus. Si posterius, *gratia ista objectiva* universalis non est. Nec enim censeo, *per ea quæ pertinent ad pietatem excitandam atque constituendam* aliud quid intelligi posse, præter ea quæ pertinent ad veram Religionem & verum Dei cultum constituendum. 6. *Incitamenta ulla pietatis* innumeris gentilibus extinctis in immatura ætate obversata fuisse, falsum. Aliis salutaria obversata fuisse, itidem falsum, nec enim talia esse possunt, *qua nihil tale perficere potuerunt.* Imò quia *nihil boni in Religionis institutione præstare potuerunt*, & Deus ista tantum innumeris indulta voluit, noluit innumeros salvari. 7. Discrimen fanè reale inter talia est, sed quale id à me verè ponitur, & quale ex Psalte demonstratum, non verò tale, quale ab Animadversore detortum, & tantum ad efficacitatis spiritus largitionem vel negationem primò relatum in Dissertatione. Nec vel hîc vel alibi se expedit, quia quoad *res revelatas* illas communiter revelatas docet, & per verbum & per τὸ πῶς ἐν, unò ferme Christi nomine & historiâ exceptis. Iudicet itaque Lector, quis è nobis *quoad res revelatas*, vel revelationem externam, verè discrimen ponat rei & rei. egone an Animadversor, qui id contra ipsum ex ipsis Psaltis verbis directè demonstro, de revelatione jurium & statutorum, non verò de efficacia spiritus indulta vel negata agi; Ille verò, quicquid obtendat, non tam *in rebus revelatis*, quàm in *efficacia spiritus* concomitante, vel in *eventu* id constituit, ut ex dictis Lectori patebit.

## CAPVT VIII.

De loco Matth. XI, 25. *An eo juguletur gratia objectiva universalis.*

## BREVARIUM Capitis octavi.

**E**xceptiones Animadversoris. Earum Examen. Quid τὸ δὲν ἀντιλεγει τὸ δὲν ἀντιλεγει primò & propriè designent. Inconsequens argumentatio explosa. Loca opposita locis allegatis. Confessio Animadversoris retorta. Expositio nostra vindicata. Expositio Animadversoris opposita doctrina de Gratia Universalis. Exceptiones ejus confutata. Elenchus abster-

*absterfus. Repetitio ipsius dogmatis confutati. Αἰνολύσις vocabulum vindicatum. Dissimulatio obiectorum. Cur αἰνολύσις verborum Christi pateunda ex Matthæo. Suppositio incerta. Cohæso verborum apud Matthæum. Αἰνολύσις δὲ Luca allegata examen. Expositio alia. Verba Animadversoris retorta. Vniuersali gratia confutata. An vniuersalitati prædicationis elici possit ex specimine LXX discipulorum. Argumentum Animadversoris retortum. Vniuersali gratia ex eo eversa. Causa indiscriminata prædicationis. Quid de humana auctoritate statuendum.*

I. **C**Itaveram inter alia Thesi xvii. locum ex Matth. xi, 25. ut docerem, voluntatem omnes & singulos ad salutem vocandi haudquaquam universalem in Deo concipi debere, quia Christus testatur, Deum occultasse mysteria sua à sapientibus & intelligentibus, & ea resexisse infantibus. Animadversor regeßisse se dicit, id non pertinere ad rem, quum disputemus de revelatione obiecti externi, locus verò sit de interiore illuminatione, istam sanè, quæ fidem creat, extendi ad paucos. Non verò inde sequi, prædicationem externam non pertinere ad plures, certum enim esse, Christum prædicasse inter Corazanos, &c. inter quos prædicationis suæ nullum fructum se tulisse in conversione hominis vehementer indigetur.

II. Ista omnia à me diligenter excusla in Exercitationibus nostris, & tum locus iste vindicatur, tum exceptio Animadversoris confutata. A quibus repetendis me abstinco, confutaturus sine mora ea, quæ regeeruntur ab eo in Animadversionibus.

III. Quid verò ad mea Animadversor p. 159. i. Inquit, non audere me negare, agi hîc de illuminatione interna spiritus, & contendere, non excludi propterea revelationem externam in obiecti propositione consistentem. Id me ex eo probare, quod τὸ δοκκαλύπτειν & τὸ δοκκεῖν πρῶτως, & in primaria sua significatione designent externam vel revelationem, vel occultationem rei. Quid istis opponit? 1. Exclamationem tragicam, me esse securum disputatorem. 2. Loca quædam Eph. i, 12. i Cor. ii, 10. Phil. ii, 25. & Joh. xi, 38. ubi τὸ δοκκαλύπτειν adhibetur de illuminatione interiore. 3. Repetit αἴμα illud exclamatorium, me non animadvertisse verbum illud, quod de rebus corporeis & externis forsân propriè usurpatur, ita traduci per metaphoram ad alia, ut sæpenumero de solis rebus interioribus accipiat.

IV. Non exclamationes exclamationibus rependam. Indignum Theologo instar βωμολυίης nil nisi sonum edere, & λαρυγίζειν. Ratione agam, non impetu. 1. Meritò non nego quod verum; Nec causæ quicquam, cur id negare velim. 2. Elenchus oppositorum jure à me notatus, quasi de utroque ibi sermonem esse, implicaret absurdum. 3. Vel πρῶτως τὸ δοκκαλύπτειν & τὸ δοκκεῖν externam revelationem & occultationem de-

signare fatetur Animadversor, vel negat; Si fatetur, quid litigat? Si negat, cur non ostendit oppositum? Imò, annon ipse fatetur idem paucis post lincis, dum, inquit, verbum illud per *metaphoram traduci à rebus corporeis atque externis*, adedque de istis primo effertur, de spiritualibus secundario, quia ad has traducitur. Nec forsan primò, ut dubitanter loquitur, sed omninò & verè primò de corporeis & externis effertur. 4. Quæ etiam ista argumentandi ratio? In locis aliquibus τὸ δοκικαλύπτειν designat illuminationem interiorem. Ergo securus disputator est, qui id alibi ad externam etiam revelationem refert. An hic ῥητορεία & exclamatio adhibenda? An ob id debet σμύνεσθαι, οὗς τὴν ἐν ἡγῆ ἀπὸ τοῦ καθελῶν; An etiam opus erat convasare in Concordantiis aliquot loca id genus? An id in controversiam à me vocatum, vel negatum? Annon in illo ipso etiam Matthæi loco verbum illud à me intellectum de illuminatione interiore? Annon proclive mihi, Ducem nostrum hîc sequi, & ex Concordantiis oppositæ significationis exempla congerere, & Lectoriingere loca Matth. x, 26. Luc. 11, 35. xv 11, 30. Rom. 1, 17, 18. v 111, 18. 11 Thess. 11, 3, 6, 8. 1 Petr. 1, 5, 12. v, 1? Quum ergo negare nequeat Animadversor, hanc significationem & propriam esse & primam, à qua altera per *metaphoram* duntaxat traducatur, an absurdè à me verbum illud ita expositum? Et an quia aliquot locis aliis aliter sumitur, & per *translationem* vel *metaphoram*, sequitur hoc loco in propria significatione sumi non posse? *Vsq̃uenq̃ aded abripi studio vincendi?* An à propria verborum significatione recedendum sine causa, sine necessitate, ubi ea locum habere potest? Quid verò est τὸ δοκικαλύπτειν propriè, nisi κάλυμμα velum externum rei objectum remove, & rem velut renudare?

V. Responsioni meæ per συγχώρησιν conceptæ (etsi detur hîc tantum de concessione vel negatione spiritus sapientiæ sermonem esse, eo ipso concidere gratiam universalem, quia Deus noluit tales servari, quibus spiritum non indulsit, quum sine eo non possit ulli salutariter innotescere) opponit, esse meram principii petitionem. *Affirmamus enim, inquit, Deum etsi paucis spiritum illum indulgeat, velle tamen omnes servari, voluntate illâ φιλανθρωπικῇ atque conditionatâ. Quam affirmationem nostram ut resellat, affert nudam negationem contradicentem.* At meminisse debuit 1. *Petitionem principii* parum accuratè pro petitione illius quod est ἐν δὲ χῆ dici. 2. An ulla probabilitatis specie *elenchus* iste hîc mihi impingi potest? An tantum nego, Deum velle omnes servari voluntate conditionali, & nudam negationem contradicentem oppono affirmationi? Annon rationem evidentissimam propono, quâ evertitur universalis illa voluntas conditionalis? Qui non vult illud aliquibus conferre, sine quo revelatio externa nulli

nulli salutariter innotescere potest, is eos non vult servari. At Deus non vult innumeris id conferre, &c. Ergo. Quod argumentum eò fortius stringit, quia id quo salutaris unice reddi potest ista revelatio, à solo Deo pendet. 3. Nec hic à me affirmationi istius propositionis opponitur negatio contradicens, sed explicatio & vindicatio loci contra illam affirmationem allati. An elementa Logica ordinaria æquæ sunt proculcanda, ac Theologia ordinaria? 4. Ostendat Animadversor, vel sine Dei Spiritu externam revelationem Euangelii salutariter innotescere posse, vel fateatur, non modò negationem, sed & rationem solidam à me adjectam. 5. Assertio illa magistralis dogmatis satis superque confutati Animadversori pro ratione est, nobis non item. Hic etiam repetitur, sed repetitur tantum. Scilicet multum proficit *ἡ ὁδοὺς τοῦ εὐαγγελίου*!

VI. *Ἀγγελία* vocabulum purè Pelasgum à me adhibitum suggillat, sed indulgendum aliquod morbo, quo correptus voces & optimas quidem fastidit, & *κίχχρον* *τυπῶ*, ne nihil dicat, indignà Theologo *καρφολόγια*. Addit verò, *Ἀγγελία* non tantum petendam esse è Mattheo, qui verba ista recitat, statim atque retulit horrendum illud vā urbibus Corazin, & Bethsaida, & Capernaum denuntiatur, sed etiam ex Luca, qui ea narravit postquam dixit LXX discipulos reuersos ex illis regionibus, in quas eos Christus circummiserat ad Euangelium predicandum, ei renuntiasse, quo successu munere suo functi erant. Gavisos enim illos vehementer, quod Dæmones ipsos virtute nominis Christi subditos sibi habuissent, & prosperum sua legationis eventum magnopere sibi gratulatos, pauci enim verbis interiectis, Lucam sic dicere; Eo ipso momento exultasse Iesum in Spiritu & dixisse, gloriam tibi tribuo Pater, Domine celi & terræ, quod hæc occultaveris sapientibus atque intelligentibus, & revelaveris ea infantibus, etiam Pater, quia ita libuit tibi: Aut igitur ista nullam cum antecedentibus connexionem habent, aut sunt ad eam septuaginta discipulorum renuntiationem referenda. Quam igitur in ea occasionem ita exclamandi nactus est, nisi quod in ea veluti prolusione specimen aliquod editum erat futuri successus predicationis Evangelicæ, quæ vocaturæ erat promiscuè omnes, tam sapientes & intelligentes, quàm eos, qui pro infantibus habentur, at conuersura eos serè tantum, qui sunt inter homines despiciat, ni, juxta illud Pauli, videte fratres vestram vocationem; pauci estis nobiles, pauci sapientes, &c. Quare quum ingenium humanum ut plurimum offendatur, & exosculatur in eo Christus Patris consilium, & ut minueret rei admirabilitatem, vel potius offensionem, ex admirabilitate natam exclamat. Confiteor tibi Domine, quæque sequuntur. Quale igitur suis specimen illud, talis res ipsa futura fuit. Septuaginta discipuli nomen Christi publicè & nullo discrimine apud omnes annuntiarunt. Deus virtute sui spiritus, quos libuit, convertit; Apostoli pariter & qui Apostolos sequuti sunt, idem Christi nomen apud omnes indiscrimi-

*natim promulgare debuerunt, Deus quos vocaret efficaciter & interiore gratia spiritus, ex abjectioribus, præteritis in; qui putantur esse magni ac sapientes, pro liberrimo & incomprehensò beneplacito designavit. Sic sentire Calvinum, sic Bullingerum, sic interpretem optimum quemque, neque se putare, quemquam è Theologis paulò nobilioribus locum istum aliter esse interpretatum. Obseruet Lector sine ulla præiudici.*

1. Haudquaquam satisfactum esse ab Animadversore à me propositis, imò intacta pleraque manere: 2. Verba à me citata fuisse ex Matthæo, non ex Luca, ἀλλὰ οὐκ ἐκ τοῦ Λουκᾶ ergo verborum Matthæi considerata, non Lucæ. At apud Matthæum nulla penitus mentio missionis illius 1. x. x. discipulorum toto isto capite. Nec novum, interdum à Christo quædam diversis occasionibus; & diverso fine esse repetita. Supponit verò Animadversor, velut certum & indubitatum, quod maximè dubium, verba illa quæ leguntur Matth. x. 1. eodem tempore prolata esse, & eadem occasione, qua probata fuisse illa, quæ exstant Luc. x. Atqui ignorare non debebat, doctissimos complures Harmoniarum Scriptores in alia hîc ire, & hæc verba à Christo Luc. x. 2. 1. post reditum 1. x. x. discipulorum non primò prolata, sed repetita statuere. Adde, optimè verba ista cohærere cum antecedentibus in Matthæo sine ullo hiatus.

3. Dato etiam, è Luca petendum esse verborum istorum nexum, ne sic quidem quicquam pro Animadversore, vel contra nos. De quo gloriantur discipuli? Id verò non ab Animadversore, sed ab Evangelista hauriendum, qui docet eos ideo exultasse, quod etiam *dæmonia* sibi in nomine Christi obnoxia cernerent. Nec Lucas dicit, eo ipso momento, quòd illi assignit Animadversor, sed ἐν αὐτῇ τῇ ὥρᾳ, quæ non necessariò eandem significationem habere, notum omnibus. Ista enim phrasis latior, strictior illa. Jubet verò Christus discipulos non de eo gaudere, quod ipsis subiecta essent dæmonia, sed quod nomina illorum scripta essent in cælo. Quibus demum subjunguntur verba illa. Adedque Christus apud Lucam ibi discipulos de eo gaudere jubet, de quo gaudebat ipse, & cujus nomine exultabat in spiritu, quia nimirum Deus & externè Evangelium suum revelatum voluisset discipulis suis, ut viam ad salutem, & internè id animo illorum impressum, quamvis essent velut *νύμτοι*, oppositi *σφοδρῶς* & *σευελῶς* multis, quorum aliquibus Pater & externè & internè absconditum voluit Evangelium, quibusdam verò externè duntaxat revelatum. Nihil itaque planè obstat, quin de utraque revelatione verba Christi intelligantur. Connexionem itaque optimam habent verba ista cum antecedentibus, nec opus glossæmate Animadversoris. Adde non de eventu prospero suæ legationis sibi gratulari hîc discipulos reduces, eo sensu, quod Deus intus multis revelasset & persuasset Evangelium, sed hærebant



bant illi toti in externorum signorum & miraculorum consideratione, præsertim in eo, quod dæmonia sibi essent obnoxia. Fingit itaque Animadversor, haudquaquam verò è Luca suam ἀνῆλυσιν (quod nomen tandem Animadversoris usu honestatum, utut alibi perstrictum, nobis gratulari debemus) educit. 4. Detur etiam, in ea prolusione specimen aliquod editum esse faventis successus prædicationis Evangelicæ, annon externa revelatio Evangelii isti præmittenda successui? Annon felicitatis pars est, audire Evangelium, & id alicui annuntiari, quum externè etiam occultetur multis? Et quia Lxx Discipulorum missio fuit prolusio aliqua, nec illi universaliter ad omnes mitti potuere, haudquaquam futurum erat, ut Evangelium unquam omnibus & singulis proponeretur? 5. Prædicatione Evangelicâ vocatos fuisse promiscuè omnes, tam sapientes & intelligentes, quàm infantes, intellectum de plurimis ἐξαγώνιον est, falsum verò, intellectum de omnibus & singulis. Eo ipso interea, quia prædicatione ista salutaris tantum erat futura donandis gratiæ conversionis internâ, & illa tum potissimum à Dco destinata erat iis, qui erant maximam partem despiciatui inter homines, juxta dictum Pauli 1 Cor. 1, 26, 27, 28. Deus omnes & singulos haudquaquam salvatos voluit, cum sine gratia ista conversionis, nemo mortalium non tantum salvetur, sed etiam salvari possit. 6. Causa, cur Christus verba illa subjecerit, ostensa, nec id obstat, quo minus in genere dicamus, ad Patris ἐδοξίαν recurrentum esse, si humana ratio miretur, Evangelium Philosophis & sapientibus multis haudquaquam fuisse revelatum, ne externè quidem, minus persuasum intus, revelatum tamen plebejis multis. 7. Digreditur Animadversor ad universalitatem prædicationis, quod ea ex specimine Lxx discipulorum elici possit. At oppositum potius inde constat. Regeramus enim Animadversori verba sua καὶ τὸ βίαιον: Quale fuit specimen, talis res ipsa futura fuit. Specimen editum à Lxx Discipulis nomen Christi publicè quidem & nullo discrimine annuntiantibus, sed haudquaquam apud omnes, fuit particulare. Ergo & res ipsa eo designata fuit particularis. Dato etiam, universali Lxx Discipulorum præconio, quod apertè falsum, quid id ad gratiam universalem? An enim in Veteri Testamento idem factum? Annon in Novo tantum hoc specimen datum, & in eodem documentum, non ampliùs solis Judæis verbum Dei annuntiandum, verum etiam gentibus? 8. Imò, quia Deus virtute spiritus sui tantum quos libuit convertit, & quia Deo libuit convertere multos ex abjectioribus (præteritis iis, qui putantur esse magni & sapientes) & eos pro liberrimo & incomprehenso beneplacito suo ad hoc designare, eosdem tunc temporis tantum salvatos voluit, quum nec virtus ista aliunde

de haberj possit, nec suppleri aliunde, nec alij possint salvari, præterquam sic designati, nec id pendeat ab ulla alia causa, præterquam à mero Dei beneplacito. 9. Prædicationem Apostolorum *indiscriminatim* institutam fuisse, & instituendam, damus, nec enim illi *καρποποιήσαι* esse debebant, vel de decretis Dei solliciti, sed de officio suo. Vniversale verò fuisse præconium illud, & Animadversor ipse negat alibi, & res docet. 10. De interpretibus nobis non laborandum in argumento, quod hominum auctoritate decidi non debet; Nec illi, utut nobis notoriè faventiori in tota ista causa Theologiam nostram superstruimus, præterquam quod humana testimonia & eorum examen nos amoliri in hoc opere compendii causa testati fuimus, nec enim humanis prædijs stat caditve causa nostra.

## CAPVT IX.

De loco Matth. xxi, 14. *An eo evertatur gratia universalis?*

## BREVIARIUM Capitis noni.

**C**ontemptus Animadversorij retusus. Cavilla absterfa. *Αλαζονεία* parum theologia Animadversorij expensa. Argumentatio ejus inconsequens. An per multos intelligendi sint omnes hoc loco. Omnes per accidens tantum sunt multi. An illatio à particulari ad particulare probari debeat. An respondens non argumentetur. An à posse ad esse solidum ducatur argumentum. Multos non posse designare omnes, loco allegate Matthæi assensum. Vocationis sufficientis particularitas ex ipso Animadversore demonstrata, ut & talem loco citato intelligendam. An omnes vocentur vocatione absolute universalis. An illa sufficiens sit vel salutaria, aut talis concipi possit. Beæ testimonium expensum & retortum. Ignoratio elenchi ostensa. An omnis vocatio sit ad salutem. Fines varii vocationis. Orde ejus. An salus se extendat ultra peripheriam electionis sub conditione. Dilemmata opposita Animadversori. Parabola Matth. xxi, expensa & vindicata. Scopus ejus. An Iudæi omnes ad salutem vocati. An convivium omnibus & singulis Iudæis destinatum fuerit. An in vocatione ex nostra sententia penatur illusio. An omnes Iudæi vocati ad beneficium. Absurda Animadversori imposita ex parabola illa. Quo sensu homines vocentur ad nuptias filii Regis, & quâ intentione. Argumentatio inconsequens Animadversorij. An Deus destinâris convivium non prædite vestre nuptiali, sub conditione. Conclusio Animadversorij explosa.

**L** Reposueram inter alios etiam locos locum qui exstat Matth. xxi, 14. ut vocationis universalitatem everterem, multos enim duntaxat à Christo *vocatos* dici, non omnes. Quæ reposuit Dissertator, à nobis accurate expensa fuere in Exercitationibus. Vtriusque nostrum dicta ut à Lectore veritatis studiose conferantur, toto animo opto. II. Quid

II. Quid illis opponit Animadverfor? 1. *Vix se continuisse risum*, ait, quum legeret Annotationes meas in Sectionem xxxi. Notus est Σαρδάνι & γέλως, sic multi dentium septotenus rident, premunt altum corde dolorem! Lector expendat quæso à nobis dicta, & modestiam viri Theologi! 2. *Iratum me scripsisse cavillatur*, quod regefferim dictarium de acumine, & eos de eo sollicitos esse dixerim, *qui novum semper callem quaerunt, veteris via pertasi*. An ego vel ille iratus scripserit, Lectoris candidi iudicium esto, ex collatione Exercitationum mearum, & Animadversionum ipsius. Illas reperiet modestas & placidas, has bile, felle, dictariis, sarcasmis diobolaribus singulis propemodum paginis fartas. 3. Addit, *me de soliditate, ne cogitasse quidem*, quod Adversarii præiudicium nec mihi officit, nec causet. Ad iudicium Lectoris non obnoxii audacter provocho. Distinguet ille facile pro candore suo περισφύραν ἐν τῷ περισφύραν, & quis nostrum festucis pugnet, quis armis solidis. 4. *Salebrose & impedita disputandi rationi me assuetum pronuntiat*. Et hinc Lector æquus sententiam inter nos dicat, comparatis scriptis nostris. Salebrarum cæteroquin & obscuritatis accusationem ab Exercitationibus meis absterfit confessione sua unus è potissimis Animadversoris & Theologiæ ejus Patronis, cui omnia summa tribuit. 5. Addit magnifica verba & cothurno digna! *Mirabitur, inquit, seper tramites quosdam planos illos & apertos, viâ ipsi hæcenus incognitâ circumactum quidem, quia huc illuc fugitantem necesse habui eum prosequi, sed tamen ad veritatis cognitionem aliquando ductum*. An Virum Theologum, singulare patientiæ & lenitatis Christi imitationem præ se ferentem deceat ista ὕβρις & δολὴ ὑπερηχῶ, judicabunt omnes. *Mene-luum* saltem, si non Christum, audire debuisset, docentem vetus illud εἰ μὴ καλὸν ὑπερέβιον διχάζεσθαι. Istos verò *tramites planos & apertos* nec hæcenus, qui meus stupor est, videre potui, nec quicquam in his Animadversionibus reperi, præter contumelias, dictaria, coccysmos perpetuos, & confutatarum positionum ac distinctionum aliquot febriculolarum aliquoties jam explosarum repetitiones continuas. Qui ipsi sanè tramites non novi sunt, sed triti retro, non quidem ulli Theologorum Orthodoxorum, sed dehonestamenti nostri Ordinis, & Patriarchis Hæreticorum. Absit, ut sequar unquam Animadverforem *per hos tramites* tam alienos ab omni candore & moderatione! Utinam verò talia non mihi tantum, sed toti orbi Reformato incognita forent, melius longè ageretur cum Ecclesiis Gallicanis, & Reformatis omnibus! scilicet *novi tramites* erant detegendi hæcenus incogniti, quibus liceret gradi ad vitam. Absquæ novo hoc noviorbis detectore foret, vel nulla vel salebro-sa tantum nobis patuisset in cælum via. Miseri verò & infelices Patres

noſtri, qui ante *novæ* iſtius *viæ* repertorem denari fuere! Miſeri Martyres noſtri huius felicitatis noſtrorum temporum expertes! An ego *huc vel il- luc fugitem, & qui me perſequatur*, qui meris digreſſionibus Lectori illudit & cauſæ, iudicent omnes. Ad veritatis cognitionem me ab inſenſiſſimo etiam hoſte deduſtum revera mihi gratularer, & ſemper victor abirem ac triumphator erroris. Si etiam hoc beneficium ab Animadverfore mihi obtigifſet, ultro id gratus faterer, ſed nullus mortalium eſt, cui minus hîc debeam, quàm ipli, quippe qui id genus ſpeculationibus ordinariè Lectorem circumducit, quæ nihil niſi bombos pariunt, & umbras volitantes, *tricaſque, apinaſque, & ſi quid vilis iſtis.*

III. Quid verò ſubjicit diſtictiolis iſtis? 1. Addideram, inquit, *omnes eſſe multos*. Egregium verò *ἔρρημα* & conſequentia magnifica! Omnes ſunt multi: Ergo ubi de multis ſermo, ibi omnes intelligendi ſunt. Sic *ad veritatis cognitionem* etiam *deducendi*! Et hi ſunt *tramites plani & aperti*! At præterquam quod id univerſaliter ſumptum, falſum ſit, & ſumptum particulariter nihil concludat, quid hoc ad rem! 2. Oſtendi, *quod omnes faciant multitudinem*, id eſſe per accidens, & non per ſe. Regerit, id non *ad rem noſtram* ullo modo attinere. At meritò id à nobis oppoſitum: Si enim per accidens omnes ſint multi, & pauci etiam poſſint eſſe omnes, præter rem utique ex eo quod *multi* dicuntur vocati, contendit omnes eſſe vocatos. An verò hæc obſervatio ad rem non attinet, & non jugulat gloſſema Animadverſoris?

III. Adjeceram, inquit, Rom.v. & Dan. x 11. *multos ſignificare omnes*. Id in priori loco à me agnoſci, in poſteriori vero non niſi per *συγκρίσις*: Me etiam quarere, quæ ſit argumentationis ipſius firmitas, quum tamen non argumentetur, ſed reſpondeat: Multi interdum designant omnes: Ergo hoc loco Matth. x 11, 14. & utrum hoc ſit acutè argumentari, à particulari ad particulare concludere? Quid verò opponit. 1. Tantam rerum multitudinem atque varietatem mihi non permiſſiſſe monuiſſe, quo ordine procedat noſtra diſputatio. Me argumentari, ſe reſpondere tantum, multos ſignificare poſſe omnes. Id ſe probare ex locis in quibus id ſit manifeſtum, me ipſo ſciente. Quod enim factum eſt in uno loco, fieri poſuiſſe in alio, idque ſufficere ad reſponſionum mearum conſutationem. Vir magnus, addit, neſcio quâ re perturbatus, poſtulat, ut fundamentum mea argumentationis oſtendam. Cur, niſi quia voluit ipſâ re demonſtrare ſe non fuiſſe de acumine ſollicitum? Quid hîc quaſo Lector præter *μακρολογία ὁμιλία*? & vitiligationem Theologo indignam? 1. Quid ſolidius Conſutatione meâ, conſuſionem à particulari ad particulare ductam eſſe inconſequentem? Multi interdum ſumuntur per omnibus: Ergo hoc loco Matth. x 11, 24. vel enim hæc illatio ſolida eſt, vel non: Si ſolida eſt, novam Philoſophiam

sophiam procudit nobis Animadversoræque ac novam Theologiam, & eradendus erit Canon Logicus ex Aristotele, ἀμφότερων ἑκάστην ὁρίων ἐν μέλει, καὶ δὲν συμπεριέχεται. Sin solida non est, annon meritò à me illa rejecta? 2. Cavillatur, quod nullum in argumentatione ista fundamentum esse dixi, & opponit, *se respondere non argumentari*. Quasi verò in omni responsione non semper quædam sit argumentatio? An responsio sonus est sine sensu? Annon in ea semper ratiocinatio quædam? Annon hîc intellectum vult, ideo quia Rom. v. & Dan. x. i. *multi* significant omnes, vocabulum istud eandem significationem habere posse Matth. x. x. i. Annon hæc est argumentatio quædam? An qui ratiocinatur, non argumentatur? Et annon ratiocinatur respondens? Annon dicit se id probare ex locis illis, & quod factum est in uno loco, fieri potuisse in alio? An probatio rei alicujus ex alia non potest dici argumentatio? Cui etiam non solenne, responsionibus suis addere & inferere argumentationes contra Adversarium? Quid obvium magis in disputando? 3. Egregia etiam responsio: *multos posse* significare omnes: Ergo hoc loco significare. An à *posse* ad *esse* solida datur illatio? Imò hîc non potest ita significare, ut demonstratum à nobis, falsum enim, omnes vocatos vocatione illâ de qua Christo sermo, nimirum per servos & verbum, nec *sine insania* id affirmari posse ipse docet. 4. An ego hîc de acumine sollicitus fuerim, an ille de causa sua, judicet Lector! An etiam *magnum* esse oportet ad tigilla id genus subruenda?

IV. Addit: Tandem ait, *Christum esse loquutum de vocatione qua fit per servos hoc est per prædicationem, quam vocationem, se fatente, nemo dixerit esse universalem quin insaniat*. Et subjicit. 1. Hoc facile se concedere sine ullo causa sua detrimento. Nam per omnes se intelligere, non universè cunctos homines, sed eos tantum omnes, ad quos prædicatio dirigitur. At 1. Eo ipso cadit vocatio universalis sufficiens ad salutem, qualis nulla dari potest extra verbum, quippe quod solum *ministerium spiritus* esse fatetur, sine ministerio verò spiritus nulli salutaris esse potest vocatio. 2. Si eos tantum omnes intelligit, ad quos prædicatio dirigitur, & prædicatio non dirigitur ad innumeros mortales, ne hodieque quidem, particularis est vocatio, non universalis, de qua Christus loquitur. Et id bene à me probatum ex illo loco. 3. Et quia ut addit, *adhuc ex illis eliguntur oppido pauci*, & soli illi salvari possunt qui ita eliguntur, voluntas salvandi particularis est, non universalis. Et frustra fingitur voluntas conditionalis salvandi non electos, nec nisi cum Dei & non electorum ludibrio fingi potest.

V. Addit: *Etsi universè omnes homines verbo Dei non vocentur, non sequi reliquos, qui eâ multitudine non continentur, non vocari vocatione absolute uni-*

*versali. Ipsum magnum Bezam in notis minoribus ad Rom. x, 13. vocationem quidem eam, cuius præco est mundi opificium, negare esse sufficientem, quod cerro quodam sensu, inquit, longè verissimum est, at eam appellare universalem.*

1. Omnes homines vocari vocatione absolute universali, etiam eâ cuius præco est mundi opificium, falsum esse docent myriades multæ infantium extinctorum extra Dei fœdus. 2. Vocatio illa aut est ad Christum & Euangelium, aut non: Si est, Mundi opificium Christi & Euangelii præco est: Si non est, non potest ullo modo esse salvifica, vel salutaris, vel ad salutem ducere. 3. *Bezam* vocationem, cuius præco est Mundi opificium, appellare *universalem* in Notis Minoribus ad Rom. x, 13. nec in editione Anno 1569. nec in editione Anni 1580. reperitur. Ostendat nobis Animadversor, in qua reperiatur, aut se hîc vel falsum vel fefellisse fateatur. Si tale quid etiam extiterit aliquando in primis editionibus notarum *Bezæ*, id ab ipso Auctore expunctum fuit per *ὁ δὲ ἰσχυρὸς φρονιδαὶ*. Habentur verò verba *Bezæ* in editione Anni 1580. in hunc versum, quæ causam Animadversoris evertunt: *Vera, inquit Bezæ, invocatio est vera fidei testimonium, vera autem fides vera vocationis, vera autem vocatio vera electionis.* Illa ergo demum *Bezæ* vera vocatio dicitur, quæ fidem parit, & invocationem veram, & ex electione est. Mirum, cæteroquin audere Animadversorem *Magnum* magno suo merito *Bezam* pro se citare, quem novit & alibi & hîc suæ sententiæ esse planè adversum, eo ipso quia, ut ipse hîc tradit, negat eam esse sufficientem. Debebat verò ostendere Animadversor, quæ illa sufficiens sit, & quo sensu. An mediatè fortè? At sic æquè sufficiens vocari potest, ac elementa grammatica sunt sufficientia ad eruditionem, aliquot nummi ad divitias? Hoc verò ludere est, non ratione ad Deum Creatorem? Haudquaquam, sed de vocatione ad Deum Redemptorem, & *ἀγαπῶν* ejus. An sic innumeris sufficiens data fuit prædicationis? Qui etiam censentur vocati? Homines utique mortui in peccatis, exci, surdi. An ista vocatio ullo modo sufficiens vocari potest, quæ cæcis lumen, surdis profert sonum? Nec quicquam præterea facit.

VI. Addit, se usurpare posse frequens meum *ἡ τοὶ βίβαν*: Nam si pauci sunt electi, plures verò vocati, lucius multò patet vocatio quàm electio. Quum igitur vocatio illa sit ad salutem, aut eam esse illusoriam magnâ sui parte, aut extra electionis peripheriam sub conditione extendi. Id ipsum parabolam Christi manifestè avincere, quam ea verba clauserunt; Regem enim illum qui fecerat nuptias filii sui, qui servos suos quoquoersum missaverat, primò ut vocarent eos quibus convivium destinatum erat, deinde, ubi venire renuerant, ut alios accerferent promiscuè atque indiscriminatim, omnes quoscunque invenirent per vias & compita viarum



*malos pariter ac bonos, hominibus non illuisse, sed egisse serid, & si imparus ille qui vestem nuptialem non attulerat, sed sese ad eam rem exornasset convenienter, nunquam ejiciendum fuisse à convivio. At nequicquam ista obtenduntur ab Animadversore: Nam 1. Peccat ignorance Elenchi. An enim unquam negatum à nobis, multò latius patere vocationem externam quàm electionem? Annon id à nobis & alibi & his ipsis Christi verbis expressum? An verò quæstio non est inter nos, an vocatio sit universalis, haudquaquam verò, an latius pateat electione? Quale ergo hoc βίαιον? 2. Cur supponit τὸ κελεύειν, omnes vocatos esse ad salutem? Hoc enim κατέλες assertum, falsum est, assertum τὸ μέγ, nec nobis nec causæ nostræ officit. At vocatio aliqua sæpe datur ad officium, ad humiliationem, ad convictionem, ad coercionem, ad exactionem debiti, qualis fuit illa, quæ compellatur servus Matth. xviii, 24, 25. Nec Deus ulli illudic à quo exigit τὸ πιστεύειν, quod primum est quod in vocatione proponitur. A quo Johannes incipit, à quo Christus, & Petrus Actor. ii, 28, 39. Imò ipse Deus Gen. i. i. terrore & minis homini peccatum suum impingens, antequam ei proponat promissionem gratiæ. 3. Si salus ultra electionis peripheriam se sub conditione extendit, vel attingi potest ab illis qui extra electorum peripheriam sunt constituti, vel non; si potest, possunt salvari non electi, & potest aliquis venire ad Christum, etsi Pater eum non trahat, & possunt credere non ordinati ad vitam æternam, & potest assequi non electior, quæ egregia novæ Theologiæ emblemata sunt. Sin attingi non potest, falsum, eam se extendere ultra electionis peripheriam. Et conditio illa vel præstabilis est non electis, vel non; Si est, recurrunt absurda supra dicta: si non est, frustra salus sub ea ultra electionis peripheriam se extendere dicitur. Si salus etiam ultra electionis peripheriam extenditur, sub conditione, vel extenditur à Deo sub intentione, ut non electi serventur, vel non. Si prius, servabuntur, nec enim intentio Dei frustranea esse potest, vel Deus excidere sine suo: Si posterius, ad salutem talium non tendit ista vocatio, sed ad fines alios. 4. Parabolam Christi evincere quod vult Animadversor, falsum. Scopus ejus tantum est, ostendere, Judæorum pervicaciam, qui primò vocati per Prophetas, & post per Apostolos, vocationem respuerint, & pœnas horrendas suo jumento sibi accersiverint, in eorum verò locum vocatas esse Gentes, inter quas etiam sint futuri hypocritæ. An ex eo sequitur, Deum Judæos omnes per Prophetas & Apostolos vocatos salvari voluisse? Quali verò vocatio respectu multorum non fuerit merè exactiva officii vel merè imperativa obsequii? Annon illi vocati primò ad pœnitentiam? An Deus ignorabat etiam, illos pœnitentiam agere non posse, nisi illis cor carneum daret, pro lapide,*

deo, quod tamen innumeris haudquaquam dare constituit? An ergo tales quibus id dare non constituit, eâ intentione vocare poterat, ut illi salvarentur? 5. An Judæis etiam omnibus & singulis convivium destinatum erat? Id verò vel *absolutè* omnibus destinatum fuit, & sic omnes venissent, vel sub conditione. Et quid est destinare aliquid sub conditione quam præstare non possis, quæcunque impotentia intercedat, modò invicta sit, quàm id ipsum non destinare? An fingendæ sunt in Deo destinationes rerum non futurarum, & quæ fieri non possunt, & quæ sunt contrariæ ipsi Dei decreto? An vel apud hominem sapientem & eventus præscium talia locum habent? 6. Nulla illusionis hîc datur species, quia vocantur omnes, qui vocantur, ad officium, quod & Deus ab illis poterat exigere, & illi debebant præstare. Si excipiat Animadversor, illos vocatos fuisse ad *beneficium*, quia vocati dicuntur ad convivium, regerimus. 1. Non vexandam esse parabolam, sed applicandam ad scopum, & *formale* ejus respiciendum, non *materiale*. Aliàs sequeretur, Deum intentione sua excidere, nullum Judæorum venisse, Deum de novo aliquid velut inexpectatum discere, & ex post facto demum consilia capere, & quæ sunt alia id genus. 11. Dicit hîc homines vocari ad nuptias filii Regis, quatum celebrationem demum sequitur convivium: Nuntium verò de nuptiis filii Regis hîc adumbrat nuntium latum de Christi Filii Dei exhibitione in carne, ut sibi desponsset Ecclesiam suam. Ad hoc nuntium amplexandum invitantur homines. Et quia in nuptiis convivia solent celebrari, hîc etiam sermo de convivio, per quod intelliguntur bona, quæ consequuntur illi, qui ad nuptias illas Filii sunt accessuri, ut oportet. Quia verò adventus ille ad nuptias, & gaudium propter nuptias illas prius exiguntur, & participatio convivii suspenditur ab ista conditione, nemo verò istud de Filii Dei incarnatione nuntium excipere potest, ut oportet, nisi pater trahat ipsum, eo ipso patet, illos duntaxat à Deo ad nuptias illas vocari hac intentione, ut iis & convivio eas sequente potiantur, quibus ipsi gratiam facere placet accessus & gaudii illius: Reliquos verò convinci duntaxat sui stuporis & reddi *ἀναπλοῦντες*. Et sanè quamvis ad nuptias externas possit quisvis vocari sine gratia speciali, sine tali tamen nemo potest venire ad nuptias Filii Dei cum Ecclesia sua, & ad eas, ut oportet, per fidem accedere. Eo ipso itaque quia hîc in *Συνδρόμῳ* intelliguntur spirituales illæ nuptiæ, & exigitur adventus ille spiritualis, & convivium demum ex eo suspenditur, illis duntaxat destinatum conferi debet, quibus Deus gratiam dat & veniendi & gaudendi propter istud. XII. Nexus datur ultro Animadversori, si impurus ille qui vestem nuptialem non attulerat, sese ad eam rem exornasset convenienter,

ter, eum nunquam fuisse ejiciendum è convivio : Ista enim coherent, officii præstatio & beneficii consequutio. An verò illi Deus seridè destinavit convivium sub conditione, ut se ad id veste conveniente exornaret, quem novit & malum esse & mendicum, nec vestem vel habere vel habere posse, & quam novit, nisi se dante, nullomodo haberi posse, illi verò eum se dare non velle? An verò Deus etiam talem ad officium compellens, non novit eum id nec præstaturum, nec per impotentiam sibi attractam præstare posse? Eò itaque redit tota ista subtilitas, homini isti mortuo in peccatis & malo incorrigibiliter salutem destinatam fuisse sub conditione, ut actum vitalem exereret, adeoque ne mortuus sit in peccatis, vel incorrigibiliter malus. Hi scilicet sunt *plani illi & aperti tramites* admiratione digni, per quos eramus deducendi! De Calvinii verbis quæ attingit, & sarcasmo subjecto sollicitus non sum. De priori quidem, ob institutum nostrum de humana auctoritate hinc non litigandi, ut quæ ad summam rei non facit, ad quam cæteroquin proclive nobis foret multa excipere. De posteriori verò, non magis sollicitus esse debeo, quia sacra sanctè & graviter tractanda, nec contaminanda ista purpura luto vel sordibus.

## CAPVT X.

De loco Actor. XIV, 16. *An eo evertatur gratia universalis.*

## BREVIARIUM Capitis decimi.

**Q**uærela injusta Animadversoris. Digressio non necessaria. Inefficacis vocationis æt-  
*Clauus expensum & retortum. Animadversoris contraditio. Absurda varia. Voca-*  
*catio extra verbum non tantum inefficax est, sed etiam insufficiens in genere objecti.*  
*Gratia efficacis mala descriptio. Verba Pauli vindicata. Quo sensu siverit Deus gentes*  
*suis ipsarum viis incedere. Qui Deus se non reliquerit æquitate respectu Gentilium.*  
*An omnis invitatio ad pœnitentiam sit ex intentione salvandi. Assertio falsa Animad-*  
*versoris, revocata. Invitationis ad pœnitentiam & fidem diversitas. Spei & fiducia sa-*  
*lutis propositio diversa. Verba Animadversoris retorta. Invitationis ad pœnitentiam*  
*particularitas demonstrata. Vocationis particularitas etiam in N. Testamento.*

I. **A**dduxeram eadem thesi locum ex Actor. XIV, 16. oppositæ ab Animadversore in Dissertatione à me cum cura expensæ, nec quicquam prætermissum, quod non cum ramento & pulvisculo omni excussum esset.

II. Quid hic Animadversor? I. *Accuratè, inquit, à se responsum.* De eo verò Lectoris æqui judicio standum, non Animadversoris, qui animad-  
verret,

vertet nihil responsum fuisse, quod ullo modo à me posita convellat. 2. Conqueritur de multitudine à me oppositorum, quod prolucuerit ipsi peculiarem & à te præpositam disputationem. Illis multis verò potius respondendum erat, quàm digressionem non necessaria meditationes jam diu ante paratæ Lectori cum summo fastidio obrudendæ. Quæ etiam eo penso defunctus fuerit, videbitur suo loco. 3. Hoc unum sat esse ad solutionem argumenti dicit. Duplicem esse rationem revocandorum hominum ex iis viis in quibus errant; efficacem atque inefficacem. Inefficacem illam, quæ consistit in mera objecti representatione extrinsecus oblata, quam nulla virtus interior comitatur. Efficacem verò, quæ ita objectum extrinsecus proponit, ut addat præterea virtutem aliquam, cujus ope mens intus ita comparatur, ut objectum non respuat. Hanc quia Deus ad Gentilium conversionem non adhibuit, dicitur eos fuisse ambulare atque errare palantes in viis suis. Illam quia sequutus est, dicitur se non reliquisse ἀμαρτυροῦν, & eos ad penitentiam invitasse. Quando igitur, addit, de hoc uno instituta est, inter me & virum doctum disputatio, num Deus objectum hominibus in illa πρᾶξις Providentia obtulerit, quo ad penitentiam & ad spem salutis invitarentur, non autem an instrumentum aliquod efficax ad eorum conversionem admodum sit, quod factum non esse, certissimum est, inutiliter ex eo loco probatur id, de quo nulla controversia est, quum id, de quo disceptatur inter nos, omnino intactum prætermittatur.

III. Quid verò frigidius & inutilius istâ responsione! 1. Peccatur ignorance elenchi. Queritur inter nos, an Deus revera velit omnes & singulos salvari. An verò talis voluntas vel homini sapienti ascribi potest, si velit inefficacem tantum adhibere rationem homini revocando ab errore vel præcipitio, si efficacem possit sine ullo bonitatis suæ dispensio, nolit tamen? Quid interea sine ista juvat aliquem adhibere agendi rationem, quam sciat non tantum non esse efficacem, sed & necessariò & inevitabiliter futuram talem, & quæ talis est ex decreto illius ipsius, qui ita omnia dispensare voluit, ut certò homo in errorem & præcipitium istud, quamvis suâ sponte & suâ culpâ incideret? Annon inde meritò inferretur, potius noluntas tales salvandi quàm voluntas? 2. Annon Animadversor multis rationibus contendit contra celebrem quendam Theologum, gratiam subjectivam aliquam extendentem ad omnes vocatos per verbum, frustra poni istam gratiam, nisi ponatur efficax? Annon multò magis optimo jure etiam id ipsum in eum retorqueri potest, prout à nobis regestum fuit in Anterematibus nostris, ad quæ compendioso respondendi genere silendo respondit, idque, ut innuit, ex Medicorum Consilio. 3. An si scias hominem oculis orbum esse, & ipsi proponas clarissimam etiam faciem, capacem ad omnes omnino tenebras externas dispel-

dispellendas, seridè dici potes velle ut ille videat, præsertim si in tua manu sit, cæcitatem illius curare, nolis tamen? Annon impotentia inuicta similis (in quo uno comparatio instituitur) in homine animali, quamvis diversi generis dicatur, ad intuitionem salutarem luminis sibi proposti? 4. Non tantum *inefficax* dicenda ista ratio, sed *insufficiens* etiam, idque non tantum *ratione eventus* sed & *naturæ suæ*, in genere etiam *causæ obiectivæ*, quippe quæ vel repræsentat Deum Trinum, Messiam & expiationem peccatorum per eum, vel sufficiens in hoc etiam genere dici nequit. Talem verò lucem omnibus & singulis in natura à Deo exhibitam, vel in ea videri potuisse, falsum. Ratio itaque talis non est ratio hominem ab errore revocandi, sed ratio tantum eum in errore relinquendi. 5. Peccat denuò Anithadversor *elencho definitionis*, gratiæ efficacis, quasi in eo duntaxat consistat, ut addat virtutem aliquam *cujus ope mens ita comparetur ut obiectum non respuat*. An verò conversionis gratia mentem tantum ita afficit, ut eam comparet ne respuat obiectum? 6. Falsissimum, Paulum idèd dicere, *Deum svisse gentes suis ipsarum viis incedere, quod efficacem istam vocationem ad gentiliū conversionem non adhibuerit, etsi exhibuerit externam & inefficacem*. Glossema istud disertè evertit verba Spiritus sancti. Quo enim sensu dicitur Deus prioribus ætatibus svisse gentes omnes suis ipsarum viis incedere? Annon quia illis sub œconomia Veteris Testamenti prius euangelizari non curavit, prout curavit euangelizari per Paulum Atheniensibus? Annon evidentissima *antithesis* est in verbis quæ habentur v. 14. & 15? *Euangelizamus vobis, ut convertamini* *δοτε τῶτων τῶν μαλακίων* *ad Deum vivum*. Istud verò beneficium antehac gentibus non obtigisse addit, quippe quos Deus siverit suis ipsarum viis incedere. Et sanè hîc idem dicit Apostolus, quod à Davide dictum Psal. c x l v i i. *suprà ostendimus, quod Deus verba sua, jura & statuta Israëlî patefecerit, gentibus non item*. Annon idem istud exprimitur ab Apostolo Ephes. 11, 12. *gentes tum fuisse sine Christo, alienos à politia Israëlî, peregrinos à sæderibus promissionis, spem non habentes, & sine Deo*? Falsum itaque, cā tantum de causa, quia Deus efficacem vocationem non adhibuit ad gentiliū conversionem, eum dici *svisse gentes ambulare in viis suis*. Annon Evangelium dicitur mysterium *συστηνέον* respectu gentiliū à temporibus sæculi, & manifestatum tantum per Scripturas Propheticas, haudquaquam verò per viam providentiæ? Rom. xv, 25. 7. Quî Deus se non reliquisse dicatur *ἀπαρνησας*, respectu gentiliū, non ex glossemate Animadversoris, sed ex ipsius Apostoli verbis, & commentario sequente petendum: In eo verò consistere dicitur, quod *pluvias illis dederis caelitus & tempora fructifera, & corda eorum impleveris cibo & gaudio*? An hoc est hominem ducere ad

Deum Redemptorem, & repræsentare τὴν σφίαν τὴν ἐν μυστηρίῳ de Messia & peccatorum per eum expiatione, quæ sola fundamentum potest esse spei & fiduciæ veræ remissionis peccatorum? An qui novit corpe-  
nitere nescium hominum, & illud emollire noluit, talibus voluit eo fine ista proponere, ut vel ad pœnitentiam revera perducerentur, vel ad salutem? Nec omnis invitatio ad pœnitentiam gratiosa est, sed severa quandoque & merè *exactiva officii*, quæ haudquaquam eo fine proponitur homini corrupto, ut per eam perveniat ad vitam. 8. Falsum, de hoc uno institui inter nos disputationem, num *Deus objectum hominibus in illa μαρτυρίᾳ providentia obtulerit, quo ad pœnitentiam & ad spem salutis invitarentur*. At de plurimis aliis disputamus? An Deus habuerit voluntatem universalem conditionatam omnes & singulos salvandi? An Christus redemptionem universalem conditionatam exhibuerit Deo Patri? An Deus omnes & singulos mortalium invitaverit ad istius Redemptionis amplexationem, & conditionis, hoc est, fidei præstationem? An ista non sunt controversa inter nos? Si sunt, cur disceptationem nostram ad hoc unum redigit? Si non sunt, cur de illis litigat? Nec excipere potest hic, de hoc uno controverti. Patet enim ex Thesi mea XVII; ubi hunc locum adduxi, me ex eo conclusisse, Deum non duxisse gentes illas, quas sivit suis ipsarum viis incedere, ad Deum Redemptorem, & ad τὴν σφίαν τὴν ἐν μυστηρίῳ, sufficientem ad conversionem, etiam in genere *gratiæ objectivæ*, qualis nulla datur extra revelationem Christi. Aliud verò est, exhibere objectum, quo pœnitentia à te exigitur, aliud exhibere objectum, quo inviteris ad fidem, aliud etiam est, testimonium, quò spes aliqua præferri videatur placabilitatis Dei, aliud, quo præfertur argumentum fiduciæ fundatum in actuali Dei placatione. *Pœnitentia* simpliciter ut officium exigere potest, & ab homine præstari debet, ut tale, quamvis nulla adsit spes veniæ. Aliàs sine Evangelii vel gratiæ propositione nemo debuisset agere pœnitentiam de peccatis à se admissis, quo nihil absurdius. Nec *spes duntaxat salutis* aliqua proponitur in Evangelio, sed & fiducia, & ejus in Christo acquisitio, nec placabilitas duntaxat Dei, sed & actualis ejus placatio. 9. Eo ipso etiam, quia certissimum est, Deum *instrumentum aliquod efficax* ad hominis conversionem *admolitum non esse*, nec admoliri voluisse, inutiliter planè & jejune dicitur Deus habuisse voluntatem eos salvandi, quibus necessarium ejusmodi instrumentum admolendum erat, ut illi possint salvari. 10. Ostendat etiam nobis Animadversor rationem istius testimonii, & objectum invitans ad pœnitentiam & spem, respectu myriadum multarum, quæ subductæ è vivis antequam vel pœnitentiæ vel spei nomen aut naturam concipere possent? 11. Imò cum



cùm in N. Testamento fateatur *distinctam Christi cognitionem* necessariam esse ad salutem, postquam vidit à Synodis & amicis suis propriis explosam fuisse *fidem* à se propositam *sine cognitione Christi*, an distincta Christi revelatio obtigit plurimis gentibus & innumeris inter illas individuis, in N. etiam Testamento? An ergo gratia objectiva sufficiens? Iudicet jam Lector, quis nostrum solidè causam suam ex hoc loco demonstrârit, & an id inutiliter probarim, de quo nulla controversia est, id verò de quo disceptatur inter nos, omnino prætermiserim intactum, quod mihi contra fas omne hîc impactum it Animadversor.

## CAPVT XI.

An locis Matth. x, 5. & Act. xvi, 7. evertatur gratia universalis.

## BREVIARIUM Capituli undecimi.

**R**epetitio perpetua eorundem notata. An mera representatio objecti proponatur cum intentione salvandi. Universalis representatio objecti, eversa. Voluntatis Dei duplicis distinctio, inanis. Voluntas inaequius malè & explicata & applicata. Quid Deus intendat. Aliud, Deo aliquid gratum esse, ubi est, aliud, ut id sit in singulis. Velle trates Deo adscripta, explosa. Loquutio ἀνεξέλεον. Deum noluisse objectum necessarium extrinsecus omnibus proponi probatur. Mira Animadversoris disputandi ratio. Voluntas universalis omnes salvandi eversa ipsiusmet verbis. Illatio mira oppositi ex opposito. Vocationis insufficientia respectu multorum. Qui Deus aliquid vel efficere velit, vel fieri. Objectionis de sapientia Dei retorta in Animadversorem. Qui natura sapienti conveniat invitatio ad poenitentiam. Invitatio universalis ad salutem eversa. Declinatio questionis aperta. Ignoratio Elenchi, & mutatio status controversia. Vocationis particularis probata. Τὸ γεννῆ & οὖν allegatio inanis. Ignoratio alia Elenchi, & declinatio questionis. Verba Animadversoris retorta. Causa predicationis Evangelii sunt soli electi. Particularis vocatio, & particularis salvandi voluntas, ostensa. Mandatum predicationis geminum confusum ab Animadversore. Verba Animadversoris retorta contra universalem vocationem. Invitationis per τὸ γεννῆ insufficientia.

**I.** **D**viximus argumentum eadem Thesi xvi, ex locis istis, & demonstravimus, iis gratiam universalem everti. Exceptiones quin etiam Animadversoris confutavimus & nōdā in Exercitationibus nostris, causam nostram non contumeliis, nec convitiis, nec dictariis, vindicando, qualibus armis pugnat ubique, sed densâ vel verborum Scripturæ vel rationum congerie.

II. Quid nobis hîc reponit Animadversor? I. Responſionem paulo generaliore ad hac loca pendere ex superiore. Vti duplex est ratio vocandi homines ad salutem, una qua consistit in mera objecti representatione externa, altera qua

*sita est in adhibitione efficacitatis alicujus interna, sic duplex, inquit, est Dei in eo negotia voluntas. Una est vehemens & definita, qua omnia impedimenta per-  
rumpere constituit, ut rem quam perficere deliberatum habet, tandem aliquando  
des effectam. Altera consistit in *diapesi*, qua eò quidem propendet & inclinatur,  
ut & rem, quam intendit, gratiam habeat atque acceptam, & eam effici procuret,  
quantum id objecti propositione atque externa invitatione impetrari potest: Non  
verò eò usque vehementia progredi, ut qua in malitia ingenii humani obstacula sita  
sunt, illa pervincere adhibitione omnipotentia moliat. Constat quidem certè,  
Deum noluisse salutem vel gentium vel Samaritanorum, apud quos Evangelium  
promulgari noluit, ab ea voluntate, qua nihil reliqui sibi facit, quo minus id reve-  
ra præsset, quod consilio designavit. At non inde sequi, Deum eorum noluisse salu-  
tem ab ea voluntate, qua consistit in *diapesi* quaque externa invitatione & ob-  
jecti propositione contenta est. Vt enim ex eo quod instrumentum illud solum effi-  
cax apud eos non est adhibitum à Deo, rectissime colligitur, Deum noluisse eos voca-  
re efficaciter: sic eo quod illos objecti externi representatione invitavit, colligere  
atque concludere promptum esse, non vacasse eum omni voluntate tales servandi.  
Nimirum ut non decet ejus sapientiam, quum aliquid destinato consilio efficere  
vult, non admoveere instrumenta absolute necessaria: sic illius natura cum sapien-  
tium veraci non convenire, quemquam ullo modo invitare ad eam rem, quam omni-  
no non præbere decrevit.*

III. Observet Lector. 1. Eandem distinctionem perpetuò repe-  
tentes explosam, & confutatam. 2. Rationem vocandi consistentem in mera  
objecti representatione externa sitam exhiberi non posse, eà intentione ut ille  
salvetur, quem nōris nec oculos habere, nec mentem dispositam ad ejus  
receptionem, ob defectum incorrigibilem & insuperabilem sive is *moralis*  
dicatur sive *naturalis*. Et quem curare possis, nolis tamen. 3. Univer-  
salem objecti representationem supponi, non probari, objectum enim  
quod necessariò hīc representandum est, Christus est & actualis Dei per  
eum placatio, quæ nunquam universaliter proposita fuere. Imò ne in  
Novo quidem Testamento ad omnes hactenus œconomix Christi mini-  
sterium pertigit. Ostensum etiam, ne *πρὸς πάντας* quidem & *Θεὸς* omnibus &  
singulis mortalium, vel per stuporem, aut defectus naturales alios, he-  
betudinem v.g. aut sensuum aut rationis, vel per ætatem etiam objici  
potuisse. 4. Non alicujus tantum efficacitatis interna adhibitione opus est, sed  
vorticordix, ut ipse disputat contra Theologum celeberrimum. 5. His  
ipsis locis à me allatis tollitur evidenter universalis propositio objecti, &  
à gentibus ac Samaritanis, & ab incolis Bithyniæ, idque ex ordinatione  
Dei, è quibus plurimi sublatis, antequam Evangelium ad loca illa perve-  
niret. 6. Duplex in eo negotio Dei voluntas supponitur, non probatur.

Et repetuntur tantum nova Scholæ placita, ut demonstratum. Vna tantum verè & propriè Dei voluntas est, quam hic vocat Animadverfor *vehementem ac definitam*, quæ omnia impedimenta perrumpere constituit, ut rem det effectam. Nemo qui sapit aliam voluntatem habet, si effectus ab eo solo pendeat, & eum seriò desideret, & nôrit aliter eum obtineri non posse. 7. Voluntas *diapsius* & malè explicatur, & malè Deo affingitur, quod eo propendeat & inclinet, ut rem, quam intendit, gratam habeat & acceptam, & eam efficere procuret, quantum id objecti propositione & externâ invitatione impetrari potest. Nihil enim Deus intendit, quod non fiat, vel efficacitate ipsius, si bonum sit, vel permissione ipsius, hoc est, non impeditione & directione, si sit malum. Imò nihil Deus intendere propriè dicitur, præter gloriam suam, nihil enim intendit accuratè loquendo, quod non summè amabile est. Quis quæso hominem non prorsus stupidum intendere dicat, quod sciat non tantum non futurum, sed etiam ne fieri quidem posse, & quod ite fieret apud se jamdudum constituit, si res ab eo uno pendere supponatur? Ipsa sanè conversio, & salus vel *bonum* tum *virtutis* tum *felicitatis* ubicunque datur, non possunt non Deo grata esse, sed Deo-gratum esse, ut in omnibus sint, id verò falsum. Si enim hoc gratum fuisset Deo, nihil obstat potuisset, quominus darentur in omnibus, & Deus sapientissimè providisset, ut in omnibus talia essent, nec ei rei quicquam intercessisset, vel intercedere potuisset. 8. Nemo sapienter dici potest intendere aliquid per objecti propositionem, & externam invitationem, quod scit per ea impetrari non posse, non magis quam si quis dicat intendi facit cæci oculis admotâ, ut videat. 9. Indignæ Dei majestati & sapientiâ sunt istæ loquutiones, *voluntatem Dei è usque vehementia non progredi, ut obstacula pervincere, adhibitione omnipotentia, molitur*. Quid hoc enim aliud est quàm *velleitates*, desideria inania, volitiones graduales, & magis vel minus vehementes, contra sanam omnem rationem, Deo adscribere? Imò quia Deus novit, nisi adhibeat omnipotentiam ad pervincenda ista obstacula, ut loquitur, frustranea fore omnia reliqua, & tamen eam adhibere non vult, talem eventum ab eo intendi, dici sapienter nequit. Nec molitione anxîa Deus opus habet ad pervincenda obstacula, sola voluntas Dei operi isti & omnibus aliis perficiendis sufficit. 10. Non tantum constat, Deum noluisse vel Gentium vel Samaritanorum salutem istâ voluntate, quæ revera præstat, *quod consilio designavit*, sed & loco isto probatum, Deum noluisse Evangelium extrinsecus etiam, & quidem sub œconomia N. Testamenti, multis ex illis proponi, adeoque Deum noluisse objectum istud representari, sine cujus cognitione salus dari non poterat.

rat. Egregia verò ista disputandi ratio! Probatur à me expressissimis locis, Deum objectum multis propositum noluisse; respondet Animadversor, non inde sequi, Deum noluisse eorum salutem ab ea voluntate, *qua objecti propositione contenta est*. Quid projectum magis & putidum? At annon prohibuit Paulum & Apostolos adire tales, & illis annuntiare Evangelium? Quid verò hoc est, nisi impedire illos ne proponerent objectum, & nolle id multis proponi? An tales externè invitati ad Christum, quibus beneficium istud innotescere noluit? Ista revera mira sunt, & ostendunt, quò usque præconcepta dogmata tuendi vel libido vel pertinacia deducat. 11. Et quia rectissimè colligitur ex eo, quod instrumentum illud solum efficax apud eos adhibitum non est à Deo, Deum noluisse eos vocare efficaciter, rectissimè etiam inde colligitur, Deum noluisse tales servari, cum nonnisi hoc uno medio adhibito homines servari possint. Qui enim non vult erga hominem, verbi gratià, in mare demersum, illud unum remedium adhibere, quo inde extrahi potest, ille hominem perire vult in aquis, non ex eis emergere, quando in ipsius manu est, illi & funem tendere, magis si in ipsius manu esset, illi facultatem & voluntatem dare funem apprehendendi, nollet tamen. 12. Notet etiam Lector egregiam illationem! Probatur à nobis, Deum noluisse discipulos suos ire in viam gentium, & in urbes Samaritanorum, vel Paulum & Timotheum contendere Bithyniam versus, adeòque noluisse illis Evangelium annuntiari. Hinc ille colligit, Deum illos (de istis enim hîc nobis sermo & ipsi Animadversori immediatè antè) *objecti externi representatione invitasse*, adeòque non omni voluntate tales servandi vocasse. Quibus hîc exclamationibus non opus foret? At eo ipso, quia illud noluit, noluit illis objectum externum necessarium cognitu ad salutem, sub Novo saltem Testamento, representari. Sin idem de aliis objiciatur, quibus objectum externum representatum, variè à nobis vocationis externæ fines indicati, qui & sancti sunt & sapientissimi, ctsi nullâ voluntate tales salvandi suppositâ. Et sanè tales tantùm dici possunt invitati fuisse per τὸ πρῶτον τῷ Θεῷ ad poenitentiam. At illud nec sufficiebat ampliùs, saltem in N. Testamento, *ex hypothesis* ipsius Animadversoris, nec quicquam erat nisi exactio officii. 13. Nihil etiam Deus vel efficere vult vel fieri, quod *non destinato consilio* velit, nec enim alia summè sapientis voluntas esse potest, qui consilia irrita & inania habere non potest sine naturæ suæ perfectissimæ eversione, quæ homini vel minimum provido in culpam imputari solent. Quotiescunque itaque aliquid revera vult, instrumenta absolūtè necessaria admoveat. 14. Invadit Animadversor sapè acriter in me, quando dico, aliquid sapientiæ Dei non convenire, & insultat mihi procaciter, quasi sapientiæ

pientia Dei rationes omnes perspectas mihi esse censeam. Vel itaque ipse perspectas eas omnes habet, quod an sibi tribuat nos docebit, vel si eas perspectas non habet, aut ego ex sapientia Dei argumentum ducens absolvendus sum, vel ipse juxta mecum damnandus. Proclive enim hic mihi regere, cum rationes omnes sapientia Dei perspectas non habere, adeoque non sequi tale quid, non decere ejus sapientiam, vel illius naturæ sapienti non convenire. 15. Adde, & sapienti & veraci naturæ omnino convenire, hominem invitare ad rem, quam præstare debet, nimirum pœnitentiam, quamvis ejus præstandæ facultatem ei conferre nolit, quod ipse respectu innumerorum fateri cogitur. Si obtendatur ab Animadversore invitatio ad salutem, supponit eam universalem esse, non probat, & eo ipso, quia Deus eam suspendit à conditione à se solo pendente, nec aliunde parabili, & decrevit ejus gratiam paucis largiri, noluit omnes salvari, non voluit, non magis quam si quis proponat captivo liberationem, si cancellos ferreos perumpat, quamvis nôrit eum loco se movere non posse, ille liberationem captivo illi promittere censei non debet, sed potiùs miserix illius illudere. Christi verò in ministerio verbi processus sanctissimus est & sapientissimus exigendi τὸ μετανοῆν, interdum ad conversionem, interdum ad solam convictionem & humiliationem, utrumque pro libertate sua & jure partim αὐτοκαταλείπειν, partim subnixo hominis officio. Nec unquam is illudit alii qui exigit ab eo id quod debet, etsi suo jumento impotentiam id præstandi sibi accersiverit.

IV. Videamus jam speciales Animadversoris responsiones 1. Specialius, inquit, ad priorem locum responderi potest, missionem illam discipulorum Christi, cujus mentio est Matth. x, 5. pertinuisse ad id Christi ministerium, de quo supra dictum est, quum rationem reddidimus cur διὰ τὸν Ἰσραὴλ τὸ πρῶτον ἀποκαταστήσεται. Sic enim Dei sapientiâ comparatum erat, ut quamdiu Christus in terris degeret, ejus prædicatio solis Judæis addiceretur. Postquam cælo receptus est, Deique veritas atque amor erga populum istum testatus fuit, tum saluti nuntius sese ad reliquos populos late diffudit. Interea, ubi vox Apostolorum silebat, τὸ κηρύσσειν τὸ εὐαγγέλιον ex omnibus mundi partibus sese exerens, homines sonerâ, ut loquitur Calvinus, prædicatione alloquebatur. Observet Lector 1. Declinari ab Animadversore statum quæstionis, quæritur inter nos, an objectum sufficiens ad salutem, adeoque doctrina Evangelii, sub Novo saltem Testamento omnibus proposita fuerit, vel non: Probatam dedimus partem negativam allegatione loci Matth. x, 5. quia Evangelium Gentibus & Samaritanis proponi deserto Christi interdicto diu non debuit. Respondet Animadversor, missionem illam discipulorum pertinuisse ad id Christi ministerium in terris, ubi ejus, ut ministri circumcisionis, prædicatio solis

solis Judæis addici debebat. At non quærimus *de causa*, cur id factum sit, sed *de re*, an id factum sit? *De causa* non litigamus, nec dubitamus, sapientissimè Christum intra fines Gentis Judaicæ se continuïsse. Quia verò tale, ex voluntate Dei, esse debuit Christi ministerium, negamus meritò, gentibus & Samaritanis Deum eo tempore voluisse objectum sufficiens propositum ad salutem. Nec agitur hîc tantum de Christi prædicatione, sed & de prædicatione Apostolorum à Christo institutorum, quos & ipsos voluit se in prima missione quæ Matth. x. intra fines gentis Judaicæ continere. 2. Quot etiam homines expirarunt inter Gentiles & Samaritanos, antequam Christus cælo reciperetur, & salutis nuntius sese ad reliquos populos latè diffunderet? Ipse fatetur in Defensione Calvinii, non tantum longo temporis tractu ad id opus fuisse, sed ne hodieque quidem Evangelium populis omnibus innotescere. Sin Deo aliter visum fuisset, potuisset & amorem suum erga populum Judaicum sufficienter testari, & tamen Evangelicum lumen gratiæ æquè diffundere ac lumen naturæ. 3. An verò *παραγγέλλει* & *Θεὸς* ex omnibus mundi partibus sese exerens hominibus proposuit Christum & placamentum per eum Deo exhibitum? Id verò nec Calvinus dicit, nec verum est. Agimus verò non de prædicatione Dei Creatoris, sed de prædicatione Dei Redemptoris, & de sapientia Dei quæ in mysterio esse dicitur, ut disertè habet Thesis nostra x v 11. Nihil ergo agit Animadversor istâ exceptione.

V. An verò melius rem gerit loco posteriore? *Ad posteriorem*, inquit, *specialior responsio in promptu est. Quia nulli tum in Bithynia electi vocandi erant, opera autem Pauli & Barnabæ erat alibi magis necessaria, spiritus qui eorum ministerium regebat atque moderabatur, quique illis in mandatu dederat, ut facem Evangelii per universum terrarum orbem circumferrens, eos aliquantisper vocavit ab eis locis, ad quos eos serebat animi sui impetus, ut operam iu navarent quorum tempus appetiverat, ut ad Christi cognitionem efficaciter vocarentur. At interim ideam παραγγέλλει τῷ Θεῷ alios ad penitentiam invitabat.* At 1. Quid hîc denovo præter meram *ignorationem Elenchi*? Quæritur, an Deus omnibus objectum necessarium ad salutem repræsentatum voluerit per vocationem externam, ostendi, id non factum, ex eo quod Deus prohibuit Apostolos, ne incolis Bithyniæ aliquandiu annuntiarent Evangelium. Quid hîc régerit Animadversor? *Causam* adducere conatur, cur id Deus prohibuerit. At non agitur *de causa* prohibitionis, sed *de re*, annon prædictio Evangelii certis locis à Deo diu prohibita fuerit, adedque annon concidat universalis vocatio ad salutem necessaria? 2. Si causa prohibitionis, ne prædicaretur Evangelium, fuit, quod nulli tum in Bithynia electi vocandi erant: Ergo directus finis prædicationis Evangelii & *per se* est



est electorum vocatio, adeoque illorum conversioni destinatur ministerium verbi non verò conversioni aliorum. Et sanè, si, ubi nulli electi sunt vocandi, Euangelium non prædicatur, propter illos tantum prædicatur per se, quod absurdum alibi videtur Animadversori. Sua itaque denudò hic vineta cædit. 3. Cur etiam Deus operam Pauli & Barnabæ alibi magis necessariam esse voluit, nisi quia alios elegit alibi, non in Bithynia, alios alibi converti voluit, non hæc, & semper manet particularitas istius vocationis, quam ex hoc loco demonstravimus, adeoque & particularis voluntas de salvandis hominibus. 4. Falsum, Spiritum sanctum in prima missione discipulis Matth. x. in mandatis dedisse, ut facem Euangelii per universum terrarum orbem circumferrent. Mandatum illud postmodum demum datum Matth. xxv 111, 19. 5. Non quæritur, an Spiritus eos avocârît, sed annon, quia eos avocavit, Deus noluerit multis Euangelium proponi, qui extincti fuere antequam illis annuntiaretur. 6. Et quia *multorum tempus nunquam appesit*, ut ad Christi cognitionem efficaciter vocetur, imò ut vel vocentur etiam externâ vocatione, sine qua salvari non possunt, Deus utique tales salvari noluit. 7. Invitatio ad pœnitentiam per τὸ ἡμετέριον & Θεῷ nec sufficere poterat, ut quæ ducebat tantum ad Deum Creatorem, non verò ad Deum Redemptorem, nec ad beneficium Euangelicum (quorum *distincta cognitio* in N. Testamento necessaria) sed ad officium duntaxat, quum fateatur Animadversor solam vocationem per verbum esse *ministerium Spiritus*, sine quo tamen fieri non potest, ut quisquam salvetur.

## CAPUT XII.

*Vindicia Primæ Rationis: Voluntatem universalem miserendi nec cum sapientia Dei, nec cum ejus bonitate conciliari posse.*

## BREVIARIUM Capitis duodecimi.

**Q** Verela iniqua Animadversoris. Falsa ejusdem assertio. Animadversoris contradictio. Mala fides ejusdem in falso mihi affectu. Eadem contra ipsum retorta. Declinatio confutandorum. Repetitiones inanes. Brevisloquencia Animadversoris demonstrata. Inutilis Lectoris circumductio. Inanis distinctio mediorum sufficientium & necessariorum. An oportuerit Deum media suppeditare. Absurda assertio, homines non debuisse Deum placare. Quia media necessaria fuerint ad salutem. Axioma Animadversoris, hominem non teneri præstare, quod non potest. Absurda varia. An placationis iustitia divina manifestatio universalis fuerit vel sit. Verba Animadversoris retorta. Quia finis manifestationis placationis iustitia divina. An ad eam omnes confugere poterint. Media absolute necessaria ad salutem non omnibus suppeditata. Ne placabilitatis quidem

Dei manifestatio universalis est. Petitio & c. de x. An Deus placationis sua iustitia aliquam omnibus dederit significationem. Tu γὰρ ὁ interpretatio precaria. Via ad indifferentiam religionum aperta. Verba Animadversoris retorta. Qui aliquid dicatur sufficiens. Absurda suppositio. Similia Animadversoris, inania. Suppositiones alia inutiles. An placatio exhibeatur sub conditione tantum, ut ad eam confugiamus. Absurda Deo & Christo affixa. Argumentationis nostra firmitas. Nulla media multis supposita. Deum propriè non velle omnium & singulorum salutem, probatum ex Animadversore. Prædestinatio universalis ab eo eversa. Qua sint inania Animadversoris. An eliciantur ex Dei proprietatibus. Absurda Deo affixa, vota inania & alia Deo non digna. An in Deo sint virtutes ad certam creaturæ qualitatem determinata. Loquutio εὐλογεῖ & absurda. Animadversoris contradictio. An bonitas Dei non potuerit amaro creaturæ peccatrice. Absurda Animadversoris assertio. Distinctio amoris communicationis & complacentiæ. An Deo tribuenda sit voluntas conditionata respectu Adami integri. Qui ipsi felicitatem voluerit. Voluntatis universalis conditionata eversa. An Deus diversis voluntatis actibus decreverit lapsum Ada. An Deus velit aliquid, quod novit nunquam futurum. Misericordia Dei descriptio vitiosa. Absurda ex ea consequentia. Dilectio conditionata eversa. An Deus non possit misericordia tangi hominis, si in peccato indurecat. Illatio inanis & absurda. Illatio inconsequens alia ab ignorantia actuum sapientia divina. Unde metienda sint rationes sapientia Dei. An Deus dici debeat sequi rationes in actibus sapientia. An ejus sapientia sequatur naturam rerum. Falsa causa terra suspensa in medio mundi. Absurda & in sufficiens illatio. Misericordia conditionalis absurditas. Misericordia actui primus erga peccatorem, & necessarius quidem. An qualitatem in objecto postulet, an verò det. Petitio & c. de x. Misericordia actus duo conjungendi erga hominem. Imò unus tantum adequatus constituendus. Misericordia Deo tributa ab Animadversore est voluntas eum damnandi. An fingenda in Deo misericordia absoluta & conditionata. Istius absurditas. Illius sufficientia. An misericordia absoluta eliciat actum conditionata. Contradictio Animadversoris. Inutilitas gratia objectiva solius ob duplex hominis malum. An malum physicum moveat misericordiam condonatricem. Assertio absurda Animadversoris. Unde arcescenda sit motio misericordie Dei. Absurdum impactum sententia Animadversoris. Misericordia conditionata absurditas. Ignoratio Elenchi, & mutatio status questionis. Hortatio ad penitentiam duplicis generis est. Voluntas Dei de multis servandis probata. Status questionis iterum mutatus. Digressio inutilis. Exceptio absurda. An Deus abolitionem vitii spondere sub conditione. An fidem pollicetur & qui. Ignoratio elenchi notata. An dicendum dari spiritum ob fidem. Assertio Animadversoris de adoptione retorta. Relatio alia fidei ad adoptionem & salutem, alia ad voluntatem salvandi. Status questionis iterum mutatus. Verba Animadversoris retorta. Qui Deus velit dare fidem, an absoluat, an sub conditione. Confessio & Catechesis Ecclesiarum Gallicarum vindicata. Declinatio objectorum notata. Brevitas Animadversoris. Putida observatio super τὸ ἀδυνάτου. Digressio inutilis. Alia ejusdem commatis. Distinctio inanis potentia. Adversus notata & mora verborum ludibria. Confusio duplicis status hominis. Annon in multis malum etibicum coeincdat cum Physico. Usus & rectus usus facultatum confusus. An morale vitium consistat universaliter in malitia & ignorantia affectata. Verba Animadversoris retorta. Verum & bonum Evangelicum an omnibus sint objecta. Præstatio fidei est ἀδυναμία corruptis secundum ipsum Animadversorem. Elenchus pavum inter promissiones & minas demonstratas. Finis varii exactorum debitorum. Causa varia peccatorum non electorum. Orthodoxorum Theologorum responsio perstricta.

*Exercitio iustitiæ nihil decedit sapientiæ vel bonitati Dei. Iustitiæ satisfactio finem suum assequitur non satisfactio bonitatis. Synodus Dordracena laudata. Promissionis conditionalis inutilitas ostensa. Argumentatio Animadversoris expensa. Utilitates variæ promissionum respectu non electorum. Animadversoris verba retorta. Falsa suppositio gemina. Annon utilia interdum evadant damnoſa. Tū cū δεχῃ cum contradictione notatum. Consequentia vana. An fides non electis sit aliquo modo possibilis. Absurda varia. Inane ἰσχυρὰ de facultatibus in homine reliquis. Illatio Animadversoris inanis. Argumentum illius novum. Ejus examen. Comparatio duplicis impotentia exposita & restricta. Ignoratio Elenchi notata, & paralogismus à dicto secundum quid. Observatio beneficii conditionata an detur, cum intentione salvandi. An vel fides vel salus pendeat à voluntate hominis corrupti. Absurda varia imposita Animadversori. Hallucinationis accusatio absterſa. Comparatio à cæco allata, vindicata. ἀφελος Animadversoris dictum repetitum. Comparatio vexata præter rem. Concessio Animadversoris retorta. An cecitatis naturalis causa sit in inopia facultatum naturalium. Dictum ἀφελος Ignoratio Elenchi notata, & disputanda ratio observata ab Animadversore.*

I. **A**ctum retro de locis *Scripturæ*, & illi à nobis vindicati: Sequuntur vindicæ *rationum* à nobis oppositarum dogmati de Gratia Universalis. Antequam *primam rationem* nostram aggrediatur Animadversor 1. Rhetoricatur super prolixitate mea. At nequicquam. Nec enim digressiones ullæ à me more ipsius quæsitæ, sed *ἄπειρα*. Dissertatio illius excussa, & quod à me petit, accuratè responsum ad singula, & sophismatibus ac exceptionibus ac distinctionibus ejus obviam itum, ne quid dissimulatum à me queri jure posset. Causæ quin etiam prolixioris paulò scriptionis à me ostensæ præfatione ad Lectorem, quam hominibus æquis gratam fuisse non tantum auguror, sed etiam ex Magnorum Virorum relatu scio. 2. Cavillatur, *non posse viginti folia perlegi, quin vel omnia argumenta mea occurrant vel eorum certè, magna pars, ut vix unum aut alterum ex eis desideretur.* At vel hoc verum, & sic non opus erat LXX voluminibus, ad consutationem meam Exercitationum, nec à me pensum ab ipso exactum, quod totam ipsius vitam occuparet, ut magnificè queritur alibi, & quod præstari non posset. Annon compendio etiam sic satisfieri potuisset omnibus à me dictis? Et haudquaquam opus erat lacinioso volumine, quod omnium patientiam lassaret, & extorqueret vetus illud *ὅτε μοι λεκάνην*. Vel id falsum, adeoque asserendum non erat tantà cum fiducia tanto veritatis vindici. Alterutrum etiam falsum esse necesse est, ut vel omnia viginti paginis occurrant vel non omnia: Si prius, posterior assertio inanis est, si posterius, prior falsa est, si etiam *viginti paginis* omnia occurrant à me producta in Opere toto Exercitationum, vel id demonstratum nobis dabit Animadversor, vel resorbebit à se temerè dicta. Si tota etiam materia ad viginti paginas

reduci potest, annon prolixitatis dicam sibi ipsi scribit, quippe qui immane quantum prolixitatem omnium quotquot sunt scriptorum supergressus est, spisso volumine & majore forma, minore etiam charactere exscripto, opposito viginti pagellis. 3. Mihi contrā candorem omnem affingit, à me dici, me operam dedisse, ut quacunq; ex parte unum ex tribus voluminibus aperiretur, nemo esset tam incuriosus, vel negligentior, vel tam fastidiosus in legendo, cui vel invito magna pars istorum argumentorum ob oculos non obversaretur, Causam non dico, quin, sitale quid à me dictum fuerit, ludibrium debeam Lectori; sin hoc mihi affingat Animadversor, ut affingit, causæ nihil erit, cur non malâ fide, ne quid durius dicam, mecum egisse videatur. Hoc revera passus sum in prætatione ad Lectorem, iteratim vicibus eadem à me argumenta inculcata, sed datâ operâ. Nec enim quosvis Lectores nos ita propitios nobis polliceri posse, ut omnia à capite ad calcem excutiant nec de re prius pronuntient, quàm totam cognoverint. Lectoribus itaque, qui hinc inde quadam delibant pro arbitrio, me consultum voluisse, ut ubique nodis nexis cuneos solidos adhibitos reperirent, nec illis opus esset anxîâ perquisitione, quid ad rem & causam alibi dictum esset. Id & cum Lectoris compendio fieri, & ingenium disputatorem decere. An verò ista similia sunt, dicere, ideo quædam repeti, ut nodis nexis responsiones suis locis aptatæ reperirentur, & dicere, id operam me dedisse, ut nemo esset tam incuriosus & negligens in legendo, cui vel invito magna pars istorum argumentorum ob oculos non observaretur, quacunq; in parte unum ex tribus voluminibus aperiret. Tuam fidem Lector! Confer. & judica, an hæc affingere deceat virum Theologum, Fratri, & quâ sui & Lectoris fiducia hoc. & plurima id genus alia ita confidenter affirmet Animadversor! Judicet, an hoc sit Christum imitari, an ultro περιεργασθαι? 4. Frustra itaque addit, ubi illa à me in hac disputationis parte refutata fuerint, causam me dicere non posse, cur non eadem operâ ingens illa moles disjecta esse dissipataque judicetur. Falso verò fundamento ista superstructa esse, jam ostensum. Præterquam quod si id verum esset, à tam operosa scriptione sibi temperare debuisset Animadversor, & rationem æquè audire ac consilium Medicorum.

II. His magnâ *ὑποπεία* prolatis, primum argumentum meum aggregatur, quod per universum Exercitationum Opus fustum esse dicit. Si id infirmum sit, ne semel quidem proponi debuit: Sin firmum, prout firmissimum est, quamvis centies repetitum sit, nihil amittit ob id roboris. 1. Truncat, non repetit integrè argumentum nostrum cum *ἐν τοῖς ποσὶ* & *ἐν τῇ ποσὶ* quadam propositum Thesi VII. 2. Dicit, se hunc paralogismum suse refutaturum in prima parte specialiorum Animadversionum, hic tamen breviter expediendum esse. At quid opus istâ repetitione? Vel enim hic suffi-

sufficienter à me dicta (quæ *paralogismum* vocat, non probat) refutat, vel non. Si non, debuit ea sufficienter refutare. Sin id fecit, hoc loco, quid opus fusa illâ refutatione in parte speciali? Sic vel in parte sequente speciali sufficienter à me dicta confutat, & sic eadem frustra hîc ponit, vel non, & sic fusa etiam ipsius refutatio sufficiens non est. An morosus iste repetitionum exagitator continuis repetitionibus Lectori fastidium creare debebat, & me interea repetitionum vel confusionis arguere? Observet etiam Lector, breviter rem expediri ab Animadversore, quando paucis lineis opponit paginas tredecim ingentes majori formâ & minori charactere. An iustam ampliùs de mea prolixitate querendi occasionem habeat, vel ex sola collatione ista liquebit.

III. Quî verò rem ipsam aggreditur? 1. Distinguenda, inquit, esse media, quæ sunt ad salutem cum necessaria, tum sufficientia etiam. Alia enim esse, quæ Deum omnino suppeditare nobis oportuit, quia ipsi illa ad salutem nobis procurandam adhibere nec potuimus, nec debuimus. Alia verò esse, quæ ipsi per nos adhibere debuimus, atque ideo potuimus aliquando. Nam si nullo modo id possemus, non prestare quidem certè propterea teneremur. Ad prius illud genus duo pertinere, justitia divina placationem, quam ipsi per nos prestare non potuimus in æternum, & placationis illius manifestationem, ut spe excitati ad eam confugeremus. Nec enim per nos nos divinare potuissè, Dei justitiam esse vel placatam, vel placabilem, nisi id ipse Deus nobis revelasset. Ad posterius pertinere illum motum animi, qui spe ex ea manifestatione concepta ad Dei clementiam & placabilitatem confugiat. Prioris autem illius gratia media, ut sunt absolute necessaria, sic etiam esse omnibus suppeditata. Nam & Deum Redemptorem dedisse, qui justitiam ipsius placaret pro omnibus, modò ad Dei clementiam & misericordiam confugerent, & Deum placationis illius suæ justitiæ omnibus aliquam significationem dedisse. Alii per verbum in quo τὸ μυστὴρ revelatum est, alii per opera providentia, in quibus manifestum factum τὸ μυστὴρ, hoc est, id quòd de Deo, deque ejus bonitate & placabilitate erga genus humanum cognosci debet. Id à se in secundâ parte evidentissimè demonstratum. Ut autem media illa erant absolute necessaria. sic etiam a Deo semel subministrata sufficientia facta esse. Id enim sufficiens esse, quod ita naturâ suâ comparatum est, ut si adhibeatur ad id, cui efficiendo destinatum est, id det effectum, ut pharmacum est sufficiens ad sanam valerudinem restituendam, quod morbum certissimò depellit, si hauriatur, & pecunia est sufficiens ad debitum aliquod exsolvendum, quæ obligationem exaequet, si persolvatur, & serra est sufficiens ad lignum aliquod scindendum, quæ revera id dividit, si ad id admoveatur, & tractetur ex arte. Quando igitur & placatio illa justitia divina à Christo facta nobis salutem conferre potest, si ad Dei misericordiam confugiamus, & placationis illius revelatio ipsem ingerere potest, & nos ad se allicere, tanquam ad salutis persugium, si mon-

rem atque animum ad ea convenienter appellemus, dubitari non posse, quin media ad salutem sufficientia dici possint. Cur enim quod omnibus aliis rebus cuique in suo genere conceditur; duabus illis, quibus in suo genere nihil omnino deest, à nobis denegaretur? Si ergo argumentatio, quæ negat voluntatem universalem miserationis conciliari posse, cum sapientia & bonitate Dei, nulla aliare nititur, nisi quod nec summè sapientis est, nec summè boni, velle salutem cuius vel nulla suppeditantur media, vel insufficientia saltem, illam corrumpere, quia media sunt omnibus ad salutem, eaque sufficientia, administrata.

1 V. Observet Lector paucis lineis ista omnia dici potuisse, sine tanto schemate, sufficientia media omnibus fuisse administrata, & quæ illa forent: Magno tamen conatu nihil agi, & quædam repeti sine probatione, quædam absurdè proponi. 2. Frustra distinguit hic media *necessaria* & *sufficientia*. Quæ enim hic necessaria sunt, sufficientia etiam sunt, & quæ sufficientia, etiam necessaria. 3. Observandum, non oportuisse Deum ulla media nobis suppeditare, sed ex mero beneplacito suo suppeditasse, quæ suppeditavit, ut cui liberum erat homines æquè relinquere in sua perniciæ ac Angelos. 4. Notet etiam Lector, inter media, quæ Deum nobis suppeditare oportuit, quia ipsi illa adhibere nec potuimus, nec verò debuimus, referri placationem iustitiæ divinæ. An verò illam placare non debuimus, quamvis non potuerimus ex nobis? Quid verò magis vel inconsideratum, vel ἀσέλογον? 5. Omnia media & interna & externa à Deo suppeditanda erant illis, quos salvos cupiebat, non aliqua tantùm. Inter quæ (quoad externa) ex potissimis fuit revelatio Christi & placationis Dei per eum, quæ haudquaquam omnibus concessa. 6. An ideo, quia debemus præstare aliquid, id possumus? Annon satis, nos id potuisse, quamvis id non possumus ampliùs? Observet verò Lector axioma Animadversoris: Si nullo modo id possemus, ne præstare quidem certè propterea teneremur. Si hoc obtineat, nec Diaboli, nec damnati, nec reprobi in terris cessare debent à Deo & Christo insectando. Nec obæratuſ tenebitur suo creditori, si solvendo non sit. En injustè à Deo exactum, ut Israëlitarum hoc facerent; hoc est, manerent in omnibus quæ scripta sunt in libro legis. Et iniquè exactum fuit debitum à servo Matth. xviii. Et quia spiritualiter mortuus non potest evigilare, id eum non debere dicendum erit. Quàm cruda talia! Annon sufficit, id nos potuisse et si non possumus ampliùs, idque culpâ & vitio nostro. 7. An placationis etiam iustitiæ divinæ manifestatio unquam universalis fuit, vel hodieque est? At hoc inter media est, quæ Deum omnino nobis suppeditare oportuit, secundum Animadversorem. An actualis ista placatio vel divinari potuit ab homine sine revelatione, vel ἐν τῷ γινώσκῃ τῷ Θεῷ legi? 8. An etiam hic tantùm finis est mani-



manifestationis placationis iustitiæ divinæ, ut *spe excitati ad eam confugeremus*? Et non potius, ut *cum fiducia* accedamus ad thronum gratia nobis manifestatum? Et quâ spe ad illam placationem poterant confugere gentiles, quibus totâ vitâ suâ ista placatio nunquam innotuit? Nec quæstio est de nobis, sed de innumeris quibus illa placatio nunquam proposita fuit, Si etiam *divinæ non potuimus*, ut fatetur, *iustitiâ divinam esse placandam*, qui ad illam innumeri poterant confugere ut ad placatam, vel certò placandam? Quid verò magis ἀθεόλογον, quàm Deum hoc revelasse in operibus naturæ? 9. *Placabilis* Dei confundenda non est cum ejus *placatione*, de hac nobis sermo, non de illa. Istius manifestatio necessaria erat ad salutem, & sine ejus manifestatione & amplexatione nulla poterat dari ad salutem via. An ex placabilitate Iudicis vel Principis solidè colligi potest actualis ejus placatio? Prioris itaque generis media, quæ *absolutè necessaria* esse fatetur, omnibus haudquaquam sunt suppeditata. Imò ne placabilitas quidem Dei manifestata dici potest myriadibus multis hominum, qui non adolevere, nec ad ullam ætatem maturam pervenire. 10. Sine motu animi confugientis ad clementiam Dei & placationem actualem, nulla salus. Cui ergo hoc medium non datur, illi non dantur omnia necessaria & sufficientia ad salutem. Et frustra de objectivæ gratiæ communicatione philosophatur Animadversor. 11. Deum Redemptorem dedisse *qui iustitiâ ipsius placaret pro omnibus modò ad eam confugerent*, asseritur sine probatione, quod est ipsum νερόμυλον, nec repetendum sed probandum. 12. Deum placationis illius *sive iustitiæ aliquam omnibus dedisse significationem*, supponitur denuo non probatur. Ipse alibi *placabilitatis tantum Dei significationem datam sateri cogitur*. Nec placatio actualis ulli innotescere potest nisi per verbum. Et si per opera providentiæ innotuit, natura est præco Christi, & opera providentiæ sunt tuba Evangelii. Quod Socinianæ & Pelagianæ pulpæ est. 13. Tò γνωστὸν esse id, quod de Deo cognosci *debet*, sumit hîc Animadversor, quod à nobis diserte negatum & impugnatum novit. Dato etiam, non concessio, per τὸ γνωστὸν manifestum factum esse id, quod de Deo deque ejus placabilitate erga genus humanum cognosci *debet*, quæstio est de actuali *placatione*, quam τὸ γνωστὸν manifestare sine summa audaciâ asseri nequit. Si etiam ita se res habet, innumeri per solum γνωστὸν servari potuere inter gentiles. Et quid obstat, quo minus, quod fieri poterat, actu fieret, in aliquibus saltem? Annon hîc non rîna sed porta patens ad indifferentiam Religionum, imò ad contemptum verbi divini, si sine eo per τὸ γνωστὸν ὁ Θεὸς homo sufficientem ad salutem viam investigare potest? 14. Si *placationis actualis manifestatio est inter media absolutè necessaria*, & illam per quem

facta

facta est placatio saltem sub N. Testamento, ut fieri cogitur, debuit verbum Euangelii necessariò omnibus manifestari, si Deus voluit omnes salvari, quod tamen haudquaquam factum. 15. *Sufficiens* aliquid dicitur *quælibet* in ordine ad indigentiam per illam sufficientiam explendam, & quod sufficiens dicitur, debet esse proportionatum statui illius cui sufficere censetur. An verò, si pars morbi, & potissima quidem, sit averfatio ab omni pharmaco, & delirium illud, quamvis voluntarium, delirium tamen incorrigibile sit & insuperabile, an pharmacum sufficiens seriò dici potest, quod tantum morbum depellit, si hauriatur? Annon opus erit alio adhuc remedio, quod efficiat, ut hauriatur, & ut delirium illud vel amoveatur vel coercetur? At in negotio de quo agimus, quod etiam in Thesibus disertè ostendimus, & quod prætermisit studio Animadversor, agitur de morbo, quem ille vocat, *impotentiam moralem*, & de ejus curatione. Dicere ergo, remedium esse sufficiens, si hauriatur, est dicere, remedium esse sufficiens ad morbum depellendum, si pars morbi & potissima quidem jam sit curata. Quod est tragelaphos fingere, non ratiocinari: Similia itaque de pharmaco, de pecunia, de serra, inutilia sunt. Nec si ferrum vel saxum sit dividendum serra, quæ ligno dividendo duntaxat apta est, sufficiens dici poterit. Sic quum hic quæstio sit de homine saxo & ferreo, imò plus quam tali, mortuo nimirum in peccatis suis, illi nunquam sufficiens censi potest medium istud gratiæ objectivæ sub conditione tali propositum, quam ille adimplere non potest, & quam Deus novit illum adimplere non posse. 16. Supponit denuo Animadversor apertè falsum, *placationis justitiæ divinæ à Christo præstita revelationem omnibus factam*, quod apertè falsum. Pone etiam illam *spem* ingenerare posse, & nos ad se allicere, *si mentem ad eam appellamus*, quid id ad innumeros, quibus nunquam proposita fuit? Et quid id ad illorum salutem, qui mentem ad hoc appellere non possunt? Imò cum placatio illa justitiæ divinæ à Christo exhibita (quam cum placabilitate confundit Animadversor per meram sophisticam, inter quæ tamen discrimen evidentissimum est) inter alia efficiat, ut ad misericordiam Dei confugiamus, ut qui promeritus est morte suâ omnem gratiam partim justificantem, partim sanctificantem, qui placatio exhiberi potuit sub illa conditione, ut ad eam confugiamus, nisi simul dicatur esse exhibita, ut gratiam ad eam confugiendi ejus meritiò consequamur? Sub hac conditione aliàs id factum, statuere, ut mentem & animum homines ad eam convenienter appellant, quos novit & Deus & Christus se ad istud objectum nec appellere posse, nec velle, propter eam quâ laborant impotentiam insuperabilem, quodcunque illi tribuatur nomen, id verò est nugari, non disputare.

sputare. Jure itaque à nobis in mediis illis quædam deesse demonstratum, quominus universalia vel sufficientia dici possint. Ad eòque argumentum nostrum firmissimum manet: Quum media ad salutem sufficientia omnibus subministrata non sint, nec summè sapientis esse, nec summè boni, velle salutem illorum, quibus vel nulla suppeditantur media, vel insufficientia saltem. Infantibus extinctis inter gentiles nulla prorsus media suppeditata esse, adultis inter eos quædam quidem suppeditata, sed insufficientiâ planè ad salutem, ut ostensum. Et eò redit tota Animadversoris, impedita æquè ac salebrosa ratiocinatio, Deum hominem mortuum velle resuscitare, modò primò vivat ex parte, & se ipse propriat ex sepulchro.

V. Subjicit, à me addi, *nec summè sapientis esse, nec summè boni, velle id quod volens novit nec futurum, nec fieri posse.* Regerit verò. *Dei voluntatem distinguendam, & considerandam in duplici genere actuum, alios enim nihil aliud esse quàm decreta quadam circa rerum eventus ab æterno constituta, ut fuit voluntas creandi mundum, voluntas condendi homines, & quæ similia. Alios nihil aliud esse quàm & ægesias quædam elicitas ex Dei proprietatibus, quæ sese in eo habent ad modum virtutum naturalium, ut est bonitas, & misericordia condonatrix, & si quæ sunt in Numine alia virtutes ad certam quandam creatura qualitatem determinata. Iam autem velle aliquid priore illo modo, quod novit neque futurum unquam, neque verò esse posse, nec summè sapientis esse, nec summè boni. At nec quidquam unquam Deum tale voluisse eo modo, neque velle statui à se in eo negotio de quo agitur.* Non enim à se dici, Deum voluisse omnes homines servari ab ea voluntate, quæ versatur in decernendis rerum eventibus. Id si Deus ita voluisset, procul dubio perfecisset. De posteriori volendi modo non esse aquè liquidum. Itaque proprietates illas Dei paulò attentius considerandas. Observet Lector 1. De actibus voluntatis Dei, quæ decreta ipsius dicuntur, Animadversorem nobis largiri, Deum sic non velle omnium & singulorum salutem. Quum verò actus isti sint soli voluntatis Dei propriè dictæ actus, Deus propriè loquendo non vult omnium & singulorum salutem. 2. Si sic etiam Deus non vult omnium salutem, resorbere cogetur prædestinationem suam universalem, quam vernaculo Tractatu Lectori crudè ingessit, quum prædestinatio omninò, pertineat ad decreta circa rerum eventus constituta, & æquè firma sit ac immota, ac voluntas creandi Mundum, & condendi homines. Excursurianda etiam cum hac prædestinationis universalis & conditionalis perversa nomenclatione, prima misericordia universalis & conditionalis, quam fingit alibi, ut re eadem & sensu, sono tantum diversa. 3. Ut voluntas Filium in terras mittendi absoluta fuit, sic fuit etiam absoluta pro quibus mittendus esset, nimirum pro Dei Filiis vel

ovibus. Nec missio illa vel objecti ejus limitatio suspensa fuit ab ullius conditionis exactione, sed à mero Dei beneplacito. 3. *διὰ τῆς αἰτίας* illæ, quas elicita fingit Animadversor, secundum Theologiæ suæ sensum, ex Dei proprietatibus, nihil aliud sunt, quàm *velleitates*, quas ipsi adscribunt Novatores, nomine mutato, servatære. Nec Deus elicit ex proprietatibus suis actus imperfectos & evanidos rerum nunquam futurarum. Hominum etiam & creaturarum aliarum est, *elicere actus ex proprietatibus suis*, non Dei, qui perfectissimus actus est, & suum velle. Religiosius itaque de Deo & cautius nobis loquendum, nec in argumento controverso *ἀνυπολόγιστοι* & *καὶ ἀπὸ χηρίστος* adhibendæ. 4. Dicere, Deum elicere ex suis proprietatibus actus voluntatis, qui ferantur in id quod eliciens novit nec futurum unquam, nec fieri posse, est nobis reponere id ipsum quod à nobis absurditatis arguitur, utpote sapientiæ ipsius contrarium. 5. Imò non tantum *ἀνυπολόγιστος* & per durissimam *καὶ ἀπὸ χηρίστος*, sed & falsò supponitur, dari *volitiones elicitas* ex Dei proprietatibus in Deo, qui, ut dictum, & purissimus actus est, & in purissimo semper actu, esset verò in potentia ad aliquid & mutationi obnoxius, si ex ejus proprietatibus elicerentur volitiones id genus. Nec fingenda sunt in Deo quæ imperfectionem involvunt, & non nisi imperfectis entibus conveniunt, ubi accurata disputatio de rei alicujus veritate instituitur. Prout itaque revera nulli tales sunt actus in Deo *ex proprietatibus ejus eliciti*, sic nec tales *velleitates* rerum quæ nec futuræ sunt, nec fieri possunt, idque ex decreto Dei. Et quid absurdius, quàm Deum *velleitatem* habere illorum, quæ non vult fieri? Annon hoc est vota inania Deo adscribere, & quid obstarè poterat, quominus quod sic vellet Deus, reverà fieret? 6. *Ἀθεολόγητον* etiam, in Deo esse *virtutes ad certam quandam creaturæ qualitatem determinatas*. Sic enim Creator secundum aliquid sui penderet à creatura, vel virtutes & actus ejus, quod absurdum. Aliud verò, Deum exercere actus aliquos, secundum qualitates quæ in creatura reperiuntur, aliqd, ipsius *proprietates* vel *virtutes esse determinatas ad certam quandam creaturæ qualitatem*. A quo enim determinatæ sunt, an à creatura? At quæ ejus in Creatorem vel potestas, vel actio? An à Deo ipso? At in illo non est determinans & determinatum. An etiam habuit ab æterno virtutes determinatas ad certas creaturæ qualitates, cum nec creaturæ essent, nec ullæ earum qualitates? An verò post creaturas conditas, & quando cœpit habere virtutes determinatas? Et quid id statui potest sine mutatione Dei? Aliter & religiosius de Deo & sentiendum & loquendum. 7. Si *velle* aliquid *priori modo nec summè sapientiæ est*, nec summè boni, basis totius Theologiæ Animadversoris *predestinatio* nimirum *Universalis conditionata* corrui, ut quæ ad prius

hoc

hoc volendi genus, hoc est, decreta Dei non potest non pertinere? Et vel in se hinc arietabit Animadversor, vel statuere cogetur, Deum hoc modo velle aliquid non futurum, & quod fieri non poterat. At, inquit, non dicimus Deum voluisse servari omnes homines ab ea voluntate quæ versatur in decernendis rerum eventibus. Imò verò disertè dictum ab Animadversore dum prædestinationem universalem conditionatam finxit, quæ utique occupatur in decernendo eventu, hoc est, salute omnium omnino hominum sub conditione fidei: Videtur sanè Animadversor, aded nihil necum commune habere velle, ut quia memoriæ vim *Ἀπορρηκτός* in mē commendat, eam à se, ut dotem se inferiorem exulare velit. 8. Si de posteriori volendi modo id non æquè liquidum, cur id temerè affirmat? Et cur id genus *ἀπορρηκτός* Deo affingit?

VI. Pergit verò Animadversor, ut istam rem non æquè liquidam faciat liquidiorē: Ad bonitatem quidem quod attinet, inquit, illa in Deo virtus est, quæ creaturam perfectè sanctam amat, neque amare non potest, quæque creaturam peccatricem non amat, neque verò potest amare, sicut enī est virtus ad istam creaturæ qualitatem atque conditionem determinata, ut neque ubi illa non occurrit, sese exerat, neque sese non exerat, ubi occurrit. Reducamus igitur animi cogitatione Adamum in Paradisum, & eum in integrum restituamus. Certe nemo dubitare potest, quin Deus eum in integritate collocatum amet, quique velit ei, si perstet in eo statu, reddere perpetuam suam felicitatem. Sic igitur erat olim Deus affectus erga hominem, quamdiu in integritate perstiterit, tamen si noverat neque futurum unquam, neque verò fieri posse, ut Adam suam illam felicitatem perpetuò retineret. Etenim lapsus ejus non modò certissimè præviderat, sed etiam futurum esse decreverat, eis scilicet voluntatis actibus, qui in eventibus rerum decernendis versantur. Quocirca summi boni esse potest, velle aliquid quod novit nunquam esse futurum. Est autem in Deo misericordia bonitas quadam, quæ simplicis bonitatis metas excedit, quia talem se erga hominem patefacit, ut eum peccatorem diligat, si resipiscat à peccato, si non resipiscat, non diligat, eadem necessitate, quam suprà bonitati attribuimus. Non potest enim Deus non misereri hominis peccatoris, si peccati ferià pœnitentiā tangatur, si in peccato indurescat, non potest ejus misericordiā tangi. Quando igitur misericordia bonitas est, quidni pariter eā misericordiā incitatus voluerit omnes homines servari, modò crederent, tamen si certo noverit, id nunquam esse futurum? Estne aliquid, vel in natura Dei, vel in obiecto circa quod misericordiæ virtus occupata est, quod prohibeat, quo minus idem illi conveniat, quod suprà vidimus convenire bonitati? Ista verò partim falsa, partim aliena à re, omnia verò inutilia Animadversori. Nam I. Si bonitas Dei creaturam peccatricem non potuit amare, non potuit Deus ulli creaturæ peccatrici destinare salutem, & media ad eam perveniendi, nec

ejus liberationem à peccato & peccati appendicibus procurare, quæ sanè amoris documenta sunt, & summi quidem, quo major dari non potest. Quamvis verò Deus amare non possit creaturam quæ peccatrix est, potest tamen amare creaturam, quæ peccatrix est. Annon Deus nos dicitur amasse, antequam amaverimus ipsum? Antequam verò amaremus ipsum, annon eramus creaturæ peccatrices, & hoc unum tantum? Annon Christus etiam pro impiis & hostibus suis mortuus fuit, qui tales erant *antede* & *objectivè*? Annon ante vocationem eramus *sine spe* & *sine Deo*, oves extra caulam, populus adducendus, adeòque nihil nisi creaturæ peccatrices? An verò vocatio Dei actus amoris non est? Distinguendus itaque erat Animadversori amor *communicationis* & *complacentia* cum Scholasticis, idque ex Scriptura. *Δουλοῦμαι* itaque vel morosus hic esse non debebat, nec sibi metueret ab hispidioribus Scholasticorum vocabulis, quando illa pulpam continent & medullam salutarem. *Amore communicationis* sanè Deus etiam fertur in creaturam, quæ peccatrix est, non iusta: Et si non *amore complacentia*. Et si Deus creaturam peccatricem priori modo non potuisset amare, omnibus in æternum fuisset pereundum. Falsissimum ergò quod subjicit Animadversor, virtutem istam, hoc est, bonitatem Dei *ad istam creaturam qualitatem atque conditionem sic esse determinatam, ut se non exerat ubi illa occurrit*. Qui enim aliis potuissent peccatores vel eligi à Deo, vel electi vocari? An electio & vocatio non sunt actus vel exercitium summæ bonitatis? Annon se exeruere erga illos in quibus nulla occurrebat bonitas? Annon eligendo & vocando Deus amabilitatem & bonitatem in subiecto ponit, non invenit vel ponit antequam inveniat? 2. Falsum, in Deo concipiendam esse *voluntatem conditionatam* respectu Adami integri, de reddenda perpetua ei felicitate sua, *si persisteret* in eo statu. Nec enim Deus dubius esse poterat vel ignarus, cum non perstiturum, constituit enim ab æterno ne perstaret, non vel impellendo ipsum ad lapsum in genere *causæ physica*, vel illum ei suadendo in genere *causæ moralis*, sed naturam illi mutabilem largiendo, & media circa ejus tentationem ita administrando, ut certò lapsurus esset, quamvis liberrimè simul & suâ culpâ. Et sanè quum Deus remedium peccati, hoc est, Redemptorem ab æterno præstituerit filiis suis, non poterat ista præstitutio non præsupponere certam lapsus *futurem*. Non itaque voluit Deus Adamo felicitatem, *si perstaret*, sed *quandiu perstaret*. Quousque verò perstiturus esset, & quando declinaturus ab officio, consilio divino erat determinatum, quamvis sine ulla vel necessitatis *absoluta* vel *bruta* aut *physica* vel *coactiva* introductione. Et hoc ipse in sequentibus fateri cogitur, sic Deum fuisse affectum erga hominem, quandiu in

integri-



integritate perstitit, & Deum novisse, fieri non posse, ut Adam suam felicitatem perpetuò retineret: Deum enim non modò lapsum ejus certissimè prævidisse, sed etiam futurum esse decrevisse. Si verò fieri non poterat, ut Adam felicitatem suam retineret perpetuam, & voluit Deus omnes unius Adami peccato involvi, corruptione saltem generali, (quandoquidem reatus imputationem contra Scripturæ ipsius declarationem, & totam Orthodoxorum Scholam negat hodie Animadverfor) & innueneris nulla proorsus media ex ea emergendi largiri, aliis insufficientia planè, ut supra demonstratum, evertitur necessariò voluntas ista universalis, conditionalis, quam Deo asstringit. 3. Non dicendum erat, Deum lapsum hominis decrevisse, *eius voluntati assensibus*. Id enim factum uno & simplicissimo voluntatis divinæ actu. 4. Notet Lector illationem egregiam Animadverforis; ex eo quod Deus Adamum felicem esse voluit, *quandiu perstaret*, concludit Deum posse velle aliquid, quod novit nunquam esse futurum. Quid *ἀνελκόμενον* magis? Eo ipso enim quia Deus lapsum illius voluit, ut facetur, noluit eum in felicitate perstare, nisi usque ad lapsum ejus. 5. Misericordiam Dei pessimè describit, nimirum *eam peccatorem diligere, si resipiscat à peccato*. Si non resipiscat, non diligere, eadem necessitate, hoc est, non posse diligere. Atqui sic in æternum nobis omnibus fuisse perendum. Nec quicquam alienius ab œconomia misericordiæ Dei circa hominem peccatorem. An enim negari potest ab homine sano, Deum noltri miserum fuisse, *antequam vel resipisceremus actu, vel possemus resipiscere*? Annon enim donum resipiscendi est effectus misericordiæ divinæ? si verò misericordia exeri non possit erga non resipiscentes, & necessariò quidem, nec eos diligere, quí ullus mortalium post peccatum objectum divinæ misericordiæ esse potuit? Quales enim in se erant omnes? Nil nisi peccatores & impenitentes, & necessariò quidem, ex peccato primo? Annon Joh 111, 16. per *mundum* vult intelligi Animadverfor omnes in universum homines? Atqui illi omnes non poterant non esse peccatores, & impenitentes *antecedenter*, & ut tales Deo objici. Et tamen Deus mundum istum dilexit intellectum de omnibus & singulis hominibus secundum Animadverforem, & summè quidem, ad eò ut maximum donum illi dederit? Nec excipi potest, dilectionem istam esse conditionatam, diligere enim poenitere & credere nescios incorrigibiliter, sub conditione, ut poenitentiam agant & credant, illis illudere est, non bene velle. Sanè Deus non potest non misereri hominis, si peccatorum serià poenitentia tangatur, ratione certitudinis nexu istius à se constituti, at ut homo serià istà poenitentia tangatur, opus Deum ejus prius misereri, & illi decernere donum resipiscentiæ. 6. Falsum, Deum non posse hominis miseri-

*sericordia tangi si in peccatu indurescat.* Annon enim induruerant in peccatis Manasses, latro conversus, publicani varii, & plures alii quorum tamen misericordiâ Deus tactus fuit, & illos ad se pertraxit, & effecit ut pœnitentiam agerent. 7. Quæ quæso concludendi ratio? *Quando misericordia bonitas est, quidni eâ misericordiâ incitatus voluerit omnes homines seruari, modo crederent, tamen si certò noverit id nunquam futurum.* Quî ista coherent & quibus fiducialis? Doceat nos nexum Animadversor. Misericordia sanè bonitatis quædam species est, quæ se exerit erga miserum, sed ut bonitas Dei seria est & efficax, sic & misericordia, & objectum illud in quod fertur reddit felix, non si vel modò hoc vel illud habeat aut faciat, quod novit objectum nec habere nec facere posse, *sed ut id & habeat & faciat, ipsi actu conferendo conditionem illam, sine qua felix esse non potest.* 8. Satis jam demonstratum, *in natura* Dei esse aliquid quod prohibeat, quo minus Deus id velle dici debeat, quod certò novit nunquam futurum. Ut verò hoc bonitati Dei non convenire demonstratum, sic iisdem argumentis patet id misericordiæ ejus tribuendum non esse.

VII. Addit Animadversor, *sapientiam Dei spectari posse in actibus duorum generum.* Alios enim actus sapientiæ esse, in quibus Deus aliquas idoneas rationes sequutus est quidem, at quæ tamen à nobis non animadvertuntur in rebus ipsis circa quas occupata fuit, sed sunt in ipso Deo abstrusa: de eo genere actuum exclamasse Apostolum, *αὐτοβόλοι!* &c. Alios tales esse, ut rationes quas Deus sequutus est in eis, in rebus ipsis perspiciamus: verbi gratiâ, in natura terra actuum dari, quod Deus eam suspendit in mundi medio. Ad primum illud genus actuum referri non posse, quod à me dicatur, hoc summè sapientis non esse, nec enim nos posse de ejus convenientia vel discrepantia judicare. 1. Fatemur libenter, actuum sapientiæ divinæ rationes sæpe nobis ignotas esse, sæpe notas. An verò sequitur, si actuum sapientiæ Dei rationes sæpe nobis sint ignotæ; Ergo nos dicere non posse, summè sapientis non esse, id velle quod non tantum novit non futurum, sed & fieri non posse? Annon sic obtentu ignorantie rationum sapientiæ divinæ omnia liceret nobis affirmare, & absurdissima quævis consilio Dei tribuere hoc, prætextu, quod sapientiæ Dei rationes nobis sint ignotæ? Quid non licebit Sociniani, Pontificiis, aliis id genus ex hoc principio inferre? 2. An summè sapientis esse potest, quod non tantum exiguæ sapientiæ hominis non est, sed etiam quod non potest esse nisi hominis insani? Satis nobis, nos debere sapientiam Dei metiri, partim ex perfectione summa naturæ ejus, partim ex verbo ipsius, ex quibus constat, Deum nihil velle, quod non vel faciat, vel fieri procuret, nec volitiones ejus esse obnoxias aut mutationi, aut impedimento, quo minus eas exequatur potenter. 3. *Ἀκρολόγως*, etiam dicitur de

de Deo, *eum in actibus sapientia sequi aliquas idoneas rationes.* Hominum hoc est, non Dei, *rationes sequi.* Sapientia Dei rationes ponit, non sequitur, & ipsa summa ratio est. 4. Absurdè dicitur, *Deum rationes sequutum esse, quas in rebus ipsis perspicimus.* Nec enim illius sapientia sequitur naturam rerum, vel mensuram aut rationes suas petit à rebus, sed facit ut res sint quod sunt, & sic, ut circa res fiat, quod ab æterno constituit. Sic parum sapienter dicitur, causam cur Deus terram suspendit in Mundi medio esse, quod corpus omnium gravissimum suo motu ad mundi centrum tendebat, sed causa arcessenda est ab eo quod Deus terræ hanc naturam indere voluerit, ut esset corpus gravissimum, aliàs si suo motu eò tendit terra, etsi à Deo ibi suspensa non fuisset, eò descendisset ipsa ex se. Collocatio itaque terræ, & ejus suspensio in mundi medio arcessenda est à mera Dei voluntate. Nec ibi suis librata ponderibus subsistit, velut per causam naturalem, sed per meram Dei potentiam ibi sustinetur, æquè ac nubes in aëre. 5. Falsum, absurditatem illius rei (summè nimirum sapientem aliquid velle, quod non tantum novit non futurum, sed nec fieri posse) in nulla alia re consistere posse, nisi quod Deus vel misericordiam suam finit ferri tantum in objectum minimè suum, & quod cum ipsius ingenio non congruit, vel etiamsi in objectum congruens feratur, in id non feratur satis vehementer, & cessare debeat, vel progredi ulterius, & tunc *Diapysian* convertere in eam voluntatem, quæ rerum & eventuum futuritionem cerèd detrexit. At quæ quæso hîc scintilla sanæ rationis? 1. Si absurdum esset, summè sapientem id velle, quod non tantum novit non futurum, sed etiam fieri non posse, id vel in eo consisteret, quod Deus misericordiam suam fineret ferri in objectum non suum, vel fineret eam in id non ferri satis vehementer: Quasi verò sufficiens ista esset enumeratio, & quasi absurda plurima alia ex hac propositione non sequerentur! Nec sanè nisi sensu communis opus est, ut pateat, summè sapientis esse non posse, tale quid velle, quod hominis vel ignorantis est, vel levis, vel temerarii, vel insani adeòquæ tale quid Deo affingi non posse, quin majestatem Dei conculcatam velimus, & dejectam infra miselli etiam hominis prudentiam. 2. Quid absurdius quam fingere, Deum velle misereri hominis miseri, sed sub conditione ne miser sit, ex parte saltem, quamvis nôrit, illum & ita miserum esse, nec aliter quam miserum esse posse? Annon hoc est illudere potius miseræ alicujus, quàm illius misereri? Et annon præstat dicere, talem vel miseri misereri non velle, vel non sincerè ejus misereri, vel cum debere ita illius misereri, ut miser re ipsâ misericordiæ istius fructu potiri possit? Aliàs histrioniam exerceri, non misericordiam. 3. Nec opus, misericordiam divinam vel cessare, vel progredi ulterius, vel *Diapysian* convertere in volunta-

sem quarerem & eventuum futurationem decrevit: sed opus, dicere, vel Deum non misereri ad salutem multorum peccatorum, vel efficacitatem ejus actu se exporrigere erga eos in eorum conversione & salute. Qui *Vasa misericordiae* sunt, sunt destinati ad gloriam & gratiam. Rom. 1x, 23. & utramque actu consequuntur, & qui tales non sunt, sub irâ relinquuntur & neutram vel consequuntur, vel consequi possunt. 4. Frustra philosophatur, misericordiam peccati condonatricem ferri in objectum in quo sit peccatum, nec enim de eo quaestio inter eos qui cucurbitæ non sunt. Falsum verò, misericordiam à peccatore exigere fidem & pœnitentiam, quin ipsa eam prius ponat. Exeritur sanè miserationis divinæ actus aliquis erga peccatorem pœnitentem & credentem, sed prius exeritur actus illius alius erga peccatorem, in pœnitentiæ nimirum & fidei collatione, & cui talem actum non confert misericordia, erga illum revera non exeritur, cùm miser non tantum eum non habeat, sed nec habere ullâ ratione possit ex se. Et frustra omnis misericordia sub conditione istâ ipsi proponitur, ut habeat quod habere non potest. De *determinatione misericordiae ad certam qualitatem*, suprâ actum, & ἀκυρολογία notata. 5. Et si misericordia Dei objectum eâ qualitate destitutum non completitur actu, ut eâ destitutum maneat, completitur tamen *anecedenter* eâ destitutum, sed *consequenter* à se in ea ponendum. Nec postulat ab objecto talem conditionem, sed dat, & frustra postularret, nisi daret. Et quâ istam qualitatem Deus exigit ab extinctis inter gentiles in tenera ætate? 6. Egregia etiam ista disputandi ratio? *Testatur*, inquit, *Deus se esse misericordem erga omnes homines, at eâ lege & conditione, si credant & resipiscant*. Atqui hoc ipsum est τὸ ἀμφοτέρωθεν, quod & pro autoritate nobis regerit, & misericordiam Dei reddit histrionicam erga omnes eos, quos novit conditionem istam nec habere nec habere posse, & quam illis largiri non vult. 7. *Misericordia Dei actus alios conditionem in objecto requirere*, alios *objecta sua constituere & vestire in qualitatibus, quæ ab aliis actibus postulantur*, libenter concedimus, sed non *divisim*, verùm *conjunctim*, non quod Dei misericordia feratur in miseros, à quibus conditionem tantum requirat, quos tamen ista qualitate non vestiat; sic enim frustra in illos ferretur, non ferid, sed quia Deus primò in eos fertur ut eos vestiat qualitate conveniente, pœnitentiâ & fide, deinde eam ab illis exigit. Dissociare itaque actus illos respectu miseri non tantum destituti conditione istâ, sed qui eâ non potest non esse destitutus, est miseriæ illius illudere, non verò ei remedium emergendi ex ea obtingere velle. Prior itaque misericordia inanis erga hominem resipiscere nescium, & necessariò quidem statuitur, nisi accedat illa quæ non resipiscentem resipiscentiâ donat,

nat.

nat. 8. Haudquaquam revera diversa sunt ista genere actuum misericordiarum divinarum, propriè loquendo, sed unus & simplicissimus actus, isque adæquatus, & qualitatem necessariam dandi, & per ejus exactiorem ac præstationem miserum salvandi. Et quamvis diversa essent, conjuncta tamen statuenda forent, & nonnisi conjunctim consideranda in summa & sapientissima misericordia qualis Dei est: Et sanè ubi misericordia Dei se exerit, ibi uterque actus iste reperitur. Nec salutis sub conditione ista oblatio actus misericordiarum seriarum & sincerarum esse potest, respectu illius quem Deus novit eam destitutum esse, & eam habere non posse sine voluntate conditionis ipsius conferendæ, sed potiùs actus severitatis & voluntatis tales damnandi. Frustra itaque argutatur Animadversor, *misericordia absoluta non esse conditionalis actum præstare, nec conditionalis præstare actum absolute.* Misericordiam enim talem conditionalem in Deo dari, ipsum *καρὸς* est; & fingitur in Deo *absoluta* una, *conditionalis* altera; non entis verò nulla sunt accidentia. Nec quaeritur quo actu hoc vel illud præstet misericordia Dei, sed an præstet, & an præstet unum sine altero? 9. Repetit nudè Animadversor ipsum *καρὸς καὶ ἐλεος*, non esse ullo modo concedendum, nemini misericordiam Dei offerri quæ versatur in remissione peccati, cui non pariter indulgeat eam qualitatem, quæ peccati condonationem antecedere debet; ipsa enim rei absurditas & per se patet, & abundè à nobis demonstrata: hoc enim est misericordiam offerre misero sub conditione ne ex parte miser sit, & illi acerbè insultare, ut ostensum: utique suspendere misericordiam erga aliquem ab ea qualitate, quam scias in eo non esse, nec esse posse, nisi te dante, reverà est ejus non misereri. 10. *Misericordia absoluta* sanè (nec enim alia est) erga neminem se exerit, qui non fructum, non alterius misericordiarum, sed illius ipsius consequatur. Aliam verò non dari quàm absolutam respectu miserorum conditione istà destitutorum, sine aperto ludibrio dici non posse, demonstratum. Dato etiam, non concessio, duos istos actus dari, ponunt illi se mutuo & tollunt, quia neuter serius esse potest sine altero, vel utilis miseris; velle enim dare homini fidem & pœnitentiam sine salute, est miserum in *miseria physica* relinquere velle, velle illi dare salutem, sub conditione fidei & relapscentiæ, quam scias ipsum nec habere, nec habere posse, & quam nolisei dare, est illum relinquere velle in *miseria & physica & ethica* simul, & ipsum ludibrio habere. *Absoluta misericordia* sola sufficere potest ad salutem misero, nec opus ullà *conditionali*: Illa enim & conditionem dat, & per conditionem salutem. Et inceptè dicitur, *absolutam misericordiam conditionata actum elidere.* Nec enim elici potest actus rei, quæ non est. Absoluta etiam per actus ejusmodi se exerit erga miserum, qui ipsi ad salutem sufficiunt,

& cum ad eam revera perducunt. Adde, ipsum Animadverforem actus utriusque misericordiæ ita distinxisse, ut ab uno actus alterius postulari non debeat, cur ergo hîc dicit, *absolutam misericordiam conditionata actum elicere* ? II. Conditionatus actus misericordiæ fingitur, non datur, vel quamvis concederetur eum dari, inanis foret & inutilis naturâ suâ, & necessariò quidem, miseris conditione destitutis sine absoluto. Nec opus, absolutum sequi conditionatum, cum absolutus solus conditionem efficiat & per eam salutem. Conditionatæ itaque misericordiæ solius declarationem, ex hypothesi Animadverforis, sapientiæ Dei convenire haudquâquam retro ab eo demonstratum.

VII. Addit Animadverfor; Me urgere, *homines esse duplici malo naturaliter obnoxios, unum esse situm in reatu, & obligatione ad poenam quam peccato contraximus, alterum in ipso vitio quod nobis inhaeret. Posterius autem malum esse priore gravius, uopore quod consistit in privatione virtutis, quum alterum consistat in privatione felicitatis duntaxat.* 1. Meritò à me dictum, nec summè boni, nec summè sapientis esse velle misereri omnium respectu mali *physici*, nec omnium tamen *malum ethicum* curare velle, hoc est, velle hominem salvari, sed sub conditione ut poenitentiam & fidem ipse ponat, quam tamen ei, ut ut invictâ ad utrumque impotentiâ laboranti, largiri nolit. 2. Homines & duplici isti malo obnoxios naturaliter esse, & vitium esse malum gravius reatu, ne ipse quidem Animadverfor negare potest. *Malum physicum naturâ suâ magis aptum esse ad movendum eam misericordiam quæ à nobis condonatrix appellatur, & falsum est & absurdum.* Annon enim misericordia condonatrix *quoniam* dicit ad id quod condonandum est, & condonari debet vel potest? *Misericordia enim condonatrix ex se* *non* est, & alicujus condonatrix; Cujus verò est condonatrix? An mali *ethici* vel *physici*? *Physici* esse non potest, quia id condonatione opus non habet, sed curatione; Id verò condonatione opus habet, quod condemnationem conciliat; tale verò est malum *ethicum*, non *physicum*. *Misericordia curatrix*, ut ita loqui liceat, occupatur circa malum *physicum*, *misericordia verò condonatrix* occupatur circa malum *ethicum*. Si etiam *magis aptum sit malum physicum ad movendam istam misericordiam*, malum saltem *ethicum* aptum erit ad eam aliquatenus movendam, quod postmodum negat. Propriè tamen loquendo nec malum *physicum*, nec malum *ethicum* aptum est ad movendam misericordiam condonatricem, alias æqualiter eam moveret: Cum enim malum *physicum* æquè ac *ethicum* in omnibus miseris natura sua idem sit, qui magis in hoc aptum est movere misericordiam condonatricem quàm in alio? Haudquâquam itaque motio istius misericordiæ arcessenda ab *objecto*, sed à *subiecto*, non à malo *ethi-*



60 vel physico hominis, sed à solo Dei beneplacito. 3. *Malitiam per se misericordiam non concitare, sed odium*, extra controversiam est; Quid verò id ad rem? An enim à nobis dicitur misericordiam Dei à peccato concitari? Annon id quæritur, an sit sapientis, velle misereri alicujus respectu mali physici, non curato malo ethico, sine cujus tamen curatione ex malo physico nemo emergere potest. 4. Deum testari, se hominum non misereri, nisi sub ea conditione ut dene operam, ne vitio suo miseriam suam amplius digni sint, & falsum est & ridiculum, si illorum vitium tale sit, ut non possint non dare istam operam, & non esse non miseri & miseriam digni. De talibus verò hic agitur, qui isti misericordiz obijciuntur in hoc statu; an talium Deus misereri seriò dicatur. Indignissimum itaque revera Dei bonitate & sapientia est dicere, Deum velle misereri omnium respectu mali physici, si modò desistant à malo morali, quo sese miseriam dignissimos reddidere. Idem enim est ac dicere, Æthiopem à morbo curandum modo desinat esse niger. Æquè enim impossibile est homini, quod unum spectamus (quæcunque potentiz distinctio adhibeatur) à malo physico se curare, ac à malo illo ethico, quod æquè incurabile ex se ac prius. Nec ingenium virtutum Dei, ut loquitur Animadversor, tale est, nec Deus ita iis uti potest, quin desinat esse quod est. 5. Peccatur ignoratone elenchii. Nec enim quæstio est, an Scriptura homines hortetur ut resipiscant, hoc est ut à malo morali ad bonum morale se convertant, ut compotes sint remissionis & liberationis ab ira ventura, hoc est à malo physico: sed quæstio est, an qui vult tantum hortari homines ut resipiscant, & non illis gratiam facere resipiscentiæ, quamvis sciat eos non magis ex se resipiscere posse, quàm non esse quod sunt, & resipiscentiæ donum non nisi à se dari posse, seriò velit eos liberari ab ira ventura? Certum quidem, resipiscentiæ medium esse quo homo liberatur à malo physico, sed & certum, hortationem istam interdum veluti legalem esse, hoc est, merè imperativam obsequii, interdum velut Evangelicam, hoc est, ejus operativam, & talem quidem esse vel hac horâ vel aliâ respectu filiorum Dei. Suspensio itaque liberationis ab ira ventura, ab hoc medio, & istius negatio ostendunt noluntatem Dei de talibus salvandis, quibus hoc negare constituit. 6. *Εξαιρων*, apud Ezechielem, Psalter, & passim alibi proponi ablationem mali physici sub conditione ablationis mali morali: an verò id in quæstione? Annon potius id in quæstione est, an talia proponens, & prius à posteriori suspendens, istius verò gratiam non faciens omnibus, omnium tamen salutem seriò velit? 7. Digressio inutilis additur ab Animadversore de justo nexu mali physici cum malo morali, & de liberatione ab illo post renotationem istius: nec enim ista ullo modo nos feriunt. 8. Quod addit: Deum aded misericordem fuisse,

ut utrique illi malo, physico scilicet & morali remedium adhibere voluerit: Id vel universaliter factum censet, vel particulariter. Si universaliter, id in omnibus curatum fuisset, quod falsum: Si particulariter, nihil concludit pro gratia sua universali. Si excipiat, id universale quidem fuisse, sed *pendisse ex eadem conditione, si modò homines eo uti non dedignarentur*: Ista exceptio multimodis absurda est. Offerre enim alicui remissionem reatus ac liberationem à dolore, sub conditione quam sciat eum non habere, nec habere posse, est beneficia ista illi non offerre, & non velle eum liberare, sed id nolle. An etiam sub conditione ista beneficium illud oblatum iis qui nihil unquam vel de remedio adhibito, vel de liberatione illa audire? An illis etiam qui ne per ætatem quidem illa audire potuerit? Quid magis etiam ridiculum, quàm dicere, *Deum abolitionem vitii pariter in eodem Redemptore spondisse, in quo Spiritum sanctificationis posuit, qui omnibus unà cum remissione communicaretur, sub conditione, si homines eo uti non dedignarentur*? Hoc est, Deum abolitionem vitii spondisse sub conditione modo homines ex parte vitio isto non laborarent, quo tamen non poterant non laborare, & quo conditionem istam exigens eos laborare incurabiliter scivit. Annon incredulitas Animadversori pars est istius vitii, & una è potissimis quidem? Id sanè negari nequit, nisi vitium non sit, sed virtus. Sin incredulitas pars sit istius vitii, & quidem incorrigibilis ex se, annon abolitio istius vitii spondetur sub conditione, ut pars ejus non habeatur? Annon etiam fides est donum Spiritus sanctificantis? Si sit, ineptum est, donum Spiritus sanctificationis spondere sub conditione, ut jam præhabeatur, secundum aliquid saltem sui. Sin non sit, à quo est fides? An natura vel gratix opus est? Tum si fides jam habeatur, jam sunt sanctificata corda, quia *fide purificantur*. Non dedignari etiam *uti conditione*, est eam amplecti, adedque jam credere. 9. Peccat *ignoracione elenchi* denuò Animadversor, dum probat ex Joh. v 1, 38, 39. distinguendum esse inter Spiritum quem Christus jam credentibus communicat, & fidem ipsam, ob quam jam præstitam Spiritus ille communicatur. Quis hoc in controversiam vocat inter nos? An inde evertitur vel Spiritum sanctum non esse causam efficientem fidei, vel fidem haberi posse quin Spiritus sanctus operetur in cordibus credentium? Extra controversiam cæteroquin, habentibus fidem, Spiritum sanctum dari secundum gradus ultiores sanctificationis, quippe cujus gradus dari constat. Malim tamen dicere, *habentibus fidem* dari Spiritum, quam *ob fidem*, ne id opportunum sit adversariorum cavillis. Et prius docetur loco citato Joh. v 1, 38, 39. non posterius. Adoptionem conferri iis tantum qui crediderunt, nec nos, nec nostram causam ferit, nec quicquam facit

facit pro Animadversore. Imò quia Deus iis tantum vult conferre adoptionem qui crediderunt, eos tantum vult salvari, quibus vult dare ut credant. Fides etiam vocari potest conditio antecedanea adoptionis, sed non voluntatis salvandi, de qua quaestio est, haudquaquam verò de illa. Nisi verò digressionem omnem evitare constitutum nobis esset, multa etiam ad illum locum, quem alludit Animadversor ex cap. 1. Joh. han. notare possemus, qui & quo sensu ista à Johanne dicantur. An verò si adoptionis conditio antecedanea sit fides, & fides sit conditio antecedanea salutis, sequetur eandem esse conditionem antecedentem velle Dei de salute hominum? An causa vel conditio posterioris est etiam causa vel conditio prioris? 11. *Spiritus adoptionis indulgeri ideo quia jam adoptio donata est*, frustra adjicitur, & probatur ex Gal. 1 v. 6. nec enim in quaestione inter nos est, quibus indulgeatur spiritus adoptionis, vel propter quid, sed an sub conditione fidei Deus velit tollere vitium in hominibus, in quibus una ex præcipuis vitii partibus est incredulitas. Quid opus etiam anxiam probatione, fidem præcedere aliquam spiritus adoptionis donationem? Cur eo se fatigat? Hoc verò probandum erat, fidem non haberi à Spiritu sanctificante, vel dari posse in ullo, antequam Spiritus sanctificans in eo fuerit operatus. Eo ipso verò quo fides ut conditio necessaria præcedit, & quidem ex ordine à Deo instituto, & adoptio æ Spiritus Sanctificans qui eam comitatur, ut res promissa conditioni succedunt, iis dona ista posteriora haudquaquam Deus vult, quibus non vult fidem. Sub qua enim conditione iis volet fidem? Si sub nulla, dabit illis fidem: Si sub aliqua, quænam illa esse poterit? An si homo admittat prædicationem Evangelii & hortationes ad fidem? Quid verò inde sequitur? nimirum Deum hominibus dare velle fidem, sub conditione si illam jam habeant? Admittere enim talia, est jam credere. 12. Frustræ Animadversor est, dum docet Ecclesias nostras hanc doctrinam esse amplexas, & hætenus Dei beneficio firmiter tenuisse, Confess. Art. xxix. & Catech. Sect. xx. quæ sit ipsissima Calvini doctrina. Utinam verò Animadversor hæreret illis quæ amplexæ sunt Ecclesiæ nostræ, & habent partim in Confessionibus suis, partim in Catechesibus, abstinuisset se à dogmatibus plurimis heterodoxis vel invehendis vel propugnandis. Ne latum quidem unguem, per Dei gratiam, recedo vel à Confessione illa, vel à Catechismo, & ad Symbola illa ipsa Ecclesiarum Gallicanarum toto animo & à me tradita examinari post Scripturam cupio, & tradita ab Animadversore. Doceat ex illis Animadversor prædestinationem suam universalem conditionatam, redemptionem universalem, fidem sine cognitione Christi, tria fœdera, non imputationem peccati Adami, & alia id genus. Discre-

etiam habet Articulus XXII. Confessionis, nos *per fidem regenerari*: Aded-  
que Spiritum Sanctum fidem in nobis producendo nos sanctificare.  
Ergo prima semper Spiritus operatio est fidem ingenerare: Secunda per  
fidem ingeneratam nos regenerare. Ex his judicabit jam Lector accurat-  
tus, qui vel mea eversum, vel sua stabilitum iuverit Animadversor!

VIII. Addit, me pergere: *Nec summè boni, nec summè sapientiæ esse, velle omnium misereri, seu respectu mali physici, seu respectu mali moralis, sub conditio-  
ne planè impossibili. Fidem autem illam esse rem præstitam planè impossibilem iis  
quibus Deus eam gratiam non indulget, quæ ex misericordia absoluta descendit.*  
Merito sanè ista à me opposita Animadversori; quæ ut lethali arundo hæ-  
rebunt semper lateri Theologiæ suæ. Qui verò hoc telum altè sibi ada-  
ctum evellere conatur? *Istam objectionem*, inquit aded fusè refutatam à se  
in prima parte specialiorum Animadversionum, ut vix sit eam attingere nunc ne-  
cesse. Cur verò bis illam occupat, & cur non semel sufficienter solvit?  
Quid opus duplici confutatione? Annon ideo duntaxat hoc dicit, ut  
Lectorem amplà spe distineat, eo ipso verò satis testatur, se hîc ei non  
satisfacere? Solemne hoc Animadversori est, cùm respondendum est,  
Lectorem hiantem destituere, & *μεγαλῶς* sua alibi præstita jactare, sed  
sine designatione paginarum, in quibus sibi trophæum ejusmodi erexit.  
Pauca interea Lectorem hîc habere vult, & tamen paucissimis lineis meis  
sex propemodum paginas opponit alienæ prolixitatis censor, cui omnia  
à se dicta, *pauca*, dicta ab aliis, *multa*, quia se unum audiri vult, & impa-  
tienter fert, ullum sibi obloqui. 2. Quæ hæc nova etiam sapientia? Im-  
possibile est, inquit, *ἀδυνάτων*, hoc est, caput est *κρίσεως*. Scilicet opus erat  
ista nos docere vel Lectorem! Annon quod de *ἀδυνάτω* subijcit, illud  
esse ad quod efficiendum nulla *δυνάμις* est comparata, idem sine Gratiatione  
dicere poterat, impossibile esse ad quod efficiendum nulla potentia est comparata.  
3. Quid opus erat addere, nullam *δυνάμιν* ad aliquid efficiendum compara-  
tam esse, dici vel absolute vel respectu creaturarum tantum. Et absolute quidem  
nihil esse *ἀδυνάτων*, nisi quod sese repugnantia & contradictione subvertit. Et ta-  
lem non esse fidei impossibilitatem, quod probat aliquot rationibus; an hoc  
est respondere ad rem? Cui bono ista digressio? An hoc docendi era-  
mus? 4. Inquit, in creaturis *δυνάμιν* ad fidem præstandam necessariam duobus  
modis considerari debere: Vel enim statui, illam consistere in potentia aliqua natu-  
rali, vel considerari, ut est sita in potentia naturalis constitutione, & comparatione  
aliqua, quæ potentia operationes vel juvet vel præpediat. Quid verò opus pro-  
lixè probare in hominibus esse *δυνάμιν*, hoc est intellectum & volunta-  
tem? An id etiam docendi eramus? Et an sine istis potentiis homines  
poterant esse homines? An ob id sequitur, fidem hominibus corruptis

& in

& in peccatis mortuis esse possibilem? Annon sic in damnatis erit potentia ad Deum salutariter cognoscendum & amandum? Habent sanè & illi intellectum ac voluntatem, & intellectum quidem vero comprehendendo, voluntatem bono expetendo à natura comparatam. Et hoc est partim *ἀλγίστη*, partim *ὀρεκτικόν*. Nihil aliud ipsis deest, quàm quod facultates illas ad talia obsequia rectè & ordine non applicent. Annon itaque hoc ludere est in re seria? Annon sic & cæcus *διόραμιν* habet ad visum, surdus ad auditum, & defectus tantum est in potentia secunda, sive in organo? 5. Quò verò ista ratiocinatio grandiloqua redit? Si homines facultates suas intellectum & voluntatem ad objecta debita rectè atque ordine applicarent, fides esset illis præstabilis, hoc est, si homines corrupti non essent corrupti, si mortui in peccatis non essent mortui, adeòq; si non essent quod sunt, & quod non possunt non esse, & si mortui illi exererent actum vitalem, *fides illis esset res præstabilis*. Hoc verò meram *ἀδολογίαν* dicerent, qui scapham scapham vocarent. At de quibus sermo, qui credere debent? Annon de hominibus mortuis in peccatis, & omnino mente cæcis, voluntate pravis, affectibus rebellibus, & incorrigibiliter quidem talibus? Quis fides illis est res præstabilis secundum Animadversorem? Si non sint ita cæci, pravi, rebelles? Estne hoc disputare, an illudere Lectori? Et hoc ipsum jam in Thesibus occupatum prætermittit securè Animadversor, quod tamen centrum est difficultatis, & rhetoricatur de iis quæ non faciunt quicquam ad causam. 6. Non pugnat sanè, nec cum sapientia Dei, nec cum ejus bonitate, ut salutem velit vel promittat, sub conditione talis operationis, ad quam naturalem facultatem concessit, quamdiu ista facultas talis est qualem concessit: pugnat verò, quando istam facultatem in homine planè corruptam novit, & incorrigibiliter quidem, ei felicitatem promittere cum intentione, ut salvari possit, sub conditione ne facultatem corruptam habeat. Haudquaquam itaque confundendus *status institutus & destitutus*. Sic, si Rex ingentem gazam concessisset gratuito, dum eam illum habere novit, potest ei polliceri dignitatem seriò, si eam benè custodiat, vel eà bene utatur; Sin nòrit, gazam istam vel negligentia ejus, vel aliis de causis prorsus dilapidatam esse & interversam, dicere, Regem illi polliceri seriò istam dignitatem sub eadem conditione, est dicere, Regem istam dignitatem illi revera nolle. 7. Frustra philosophatur de vicio duplici *physico & ethico*, quo *διωραμιν* laborare possit, quum nòrit, controuersiam esse de posteriori. 8. Quo ad infantes innumeros exstinctos inter Gentiles in cunis, & quo ad multos qui naturà stupidi, & nihil hominis præter formam externam habent, quales integræ etiam gentes, & quo ad phre-

ticos varios, revera vitium illud *physicum* potius est quàm *ethicum*, adeò-  
 que cùm sapientiæ & bonitati non conveniat, talibus aliquid promitte-  
 re, *quorum facultates naturali vitio sunt prædita*, respectu istorum saltem  
 concidit universalitas promissionis, quum tales, sive per naturam sive  
 per verbum vocentur, ab ea etiam parte facultatibus illis non valeant,  
 nec mente utantur vel consilio, nec etiam vel per ætatem, vel per naturæ  
 hebetudinem iis uti possint. Falsum verò, eos *oppido paucissimos* esse, qui-  
 bus tale aliquod *ἡθικὸν* usum intellectus præripit, myriades enim talium  
 dantur. Et si talibus *gratia rejectio & contemptio* non imputatur, & ista sola  
 damnationis sit causa, tales revera salvandi crunt; Sin illi dicantur da-  
 mnari propter peccatum originis, quod secum ferunt, gratia non potest  
 dici universalis, ne *objectiva* quidem, quippe quæ talibus nunquam obji-  
 citur, nec obijci potest. 9. Non agitur de *usu* intellectus & voluntatis  
 simplici, sed de *recto usu* istarum facultatum, quem quum non *prædiant*  
 tantum *ἡθικὸν* quoddam, sed *impediat* omnino moralis quæ in utraque  
 facultate supponitur esse corruptio, absurdè & omnino præter rem ur-  
 getur usus naturalis reliquus adhuc istarum facultatum, quem tamen  
 nec habent, nec habere possunt. 10. Vel etiam *universaliter* dicit, *vitium*  
*morale consistere in malitia, pertinacia, ignorantia affectata, amore rerum terre-*  
*narum acerrimo, Dei contemptu, & pulchri atque honesti averfatione vehementi,*  
 & sic falsum dicit, quia vitium istud universale non est, nec vel infantibus  
 suprà commemoratis vel stupidis gentibus, vel phreneticis impingi  
 potest: Vel *particulariter*, & sic non salvat promissionis sub ista conditio-  
 ne propositionem universalem. Vbi verò talia sunt ibi aliquid odio dignissi-  
 mum esse nemo ambigit, nec iis tantùm mentes mirum in modum *occupata*  
*ac prædita*, sed & incorrigibiliter per naturam. Et quia *tanta vis est ea-*  
*rum rerum, ubi semel inoleverunt, ut rectas & legitimas mentis ac voluntatis ope-*  
*rationes intercipient, & pertinacissimè obtinent, ne in apprehensione τῶ ἀληθοῦς*  
*ἢ τῶ ἀγαθοῦ* quod in Evangelio fulget, convenienter versentur, & incorrigibili-  
 ter quidem per naturam; An summæ sapientiæ & bonitati convenit, ta-  
 lem vim inolitam nosse in omnibus, & tamen illis promittere salutem  
 sub conditioe, ne isto vitio laborent, quo scit eos non posse non labo-  
 rare sine ope sua singulari, quam tamen illis haudquaquam decrevit?  
 11. Supponit etiam Animadversor sine probatione, illud *ἀληθὲς* & illud  
*ἀγαθόν*, quod in Evangelio fulget, omnibus revera fuisse revelatum quod  
 est *περὶ τὴν ψυχὴν*, & ab Apostolo confutatum Rom. x. 14, 15. 12. Si et-  
 iam eo respectu præstatio fidei hominibus omnibus in corruptione sua  
 à Deo relicta sit *ἀδυνάτων* π, καὶ τὸ βίαιον, sub conditione *ἀδυνάτων* Deus  
 dicitur salutem polliceri innumeris; Adeòque nec Sapientiâ utitur in cā  
 dispen-



dispensatione nec bonitate, quia id eâ intentione dicitur facere, ut salventur.

IX. Audiamus verò rationes, quæ ostendant, vitium istud & ἀδυναμία istam non impedire, ne Deus omnibus hominibus serîd & misericorditer, ac sapienter salutem promittere possit, quas Animadversor pollicetur, uno observato in antecessum, semper ipsum supponere, talia omnibus & singulis mortalium sub conditione ejusmodi promissâ esse, quod non tantum falsum, sed ne fieri quidem potuit, respectu multorum, ut demonstratum. Sic verò disputat: Primum si talis ἀδυναμία vetat, ne Deus quicquam hominibus spondere possit, vetabit pariter, ne quid iis possit pœnarum denuntiare. Haud enim est cum ejus justitiâ atque sapientia congruentius, ut possit fidem ab hominibus exigere cum interminatione pœnæ, ni pareant, si fides est res præstita impossibili, quàm convenit ejus cum bonitati tam sapientiæ, ac possit fidem ab hominibus exigere cum promissione remunerationis, si non credere res est illis omnino inevitabilis. Nemo igitur ex non-electorum numero pœnas dabit idèd, quia non credidit, quod tamen Scriptura S. falsum esse clamat. At revera primâ istâ ratione nihil futilius, ob Elenchum parium & consequentia evidentem, quamvis enim ἀδυναμία illa vetet, ne Deus quicquam hominibus serîd sub conditione ut ea non laborent spondere possit, haudquaquam tamen vetat, quo minus possit iis pœnas decernere; Ratio diversitatis est, quia ἀδυναμία illam non dedit homini, sed eam homo sibi attraxit, & culpâ suâ & sponte suâ. Vt itaque creditor non amittit jus suum in debitorem, quia is foro cessit, & in impotentiam solvendi se sua culpa conjecit, minus Deus. An sapienter poterat herus Matt. xvi. ii. spondere servo dignitatem, sub conditione, ut illa decem millia talentorum exsolveret? Illuisset reverâ servo potius quàm ei quicquam promississet. Potuit tamen jure herus ille & à servo exigere illa talenta, & ob non præstitam solutionem eum in carcerem conjicere, & tortoribus objicere. Adde, fidem ab omnibus & singulis haudquaquam exigi, minus cum interminatione pœnæ, ut demonstratum, quod tamen semper supponitur ab Animadversore. Exactio verò debiti potest urgeri à superiore, ad ostendendum jus suum, ad convictionem debitoris & humiliationem, ad correctionem ejus aliquam, ad aliorum terrorem, aliorum verò solatium, qui iisdem quidem debitis attinentur, sed quæ exactor illis condonare se velle testatur. Omnes itaque ex non Electorum numero pœnas debent, tum quia non crediderunt multi Dei verbo, asserenti Christum esse Filium Dei & Salvatorem, tum quia alii simpliciter pœnitentiam non egêre, nec se convertêre ad Deum, ad quæ tenebantur naturali debito. 2. Virorum doctorum responsio quam tangit Animadversor, qui dicunt, ho-

*minem quod Deo creditori suo decoxit Deo jure non eripuisse, quominus debitum exigeret, vel solida est, vel non; si solida est, cur eam perstringit? si non, cur non probat eam talem non esse, quod nunquam ullo acumine præstabit. 3. Nec verò vel Sapientiæ Dei vel bonitati aut rectitudini quicquam decedit, si justitiæ suæ exercitium denuntiet hominibus, nisi deficiant esse id quod sunt, & quod non possunt non esse, quia quod hoc sunt, quod sunt, hoc est, mali & corrupti, sua culpa sibi contraxere, & alii esse debent, & Deus alioquin amitteret jus suum in hominem, nec posset ab eo exigere quod ipsi dedit, & quod ille conservare & restituere debet, vel uti de positum quoddam, quæ omnia ne quidem inter homines sanos, locum habent. Adde, exactionum id genus fines dari varios, ut ostensum, nec Deus eâ intentione ab iis exigit quod debent, quasi expectet eos id præstyturos, sed ob fines illos supra designatos, & alios id genus. Adde, justitiæ patefactionem in exactione mera debiti, spectare illius exitum, à quo exigitur cum rigore debitum, & Deum talem à quo debitum exigit tantum, punire velle, meritò itaque ei denuntiat iram suam, nisi habeat & reddat vel depositum, vel debitum, ut convincatur quod & illud acceperit, & reddere teneatur. Absurdissimum verò ex adverso, Deum dici intendere vel velle salutem eorum quos novit *ad unumquemque* illâ credendi laborare, & eam in æternum ejurare non posse, & satis esse, eum misericordiam suam illis patefacere, & salutem polliceri eâ lege ut eam ejurent. Judex potest seriò homini denuntiare, ut restituat bona interversa, quamvis eâ restituere non possit, ut convincatur de culpa sua & justitia judicii; Sin minus, futurum, *ut luat in corpore, quod non habet in ære*. Sed judex seriò non potest promittere ejusmodi homini impunitatem, minus dignitatem, sub conditione ut ea restituat, quæ novit illum nec restitutum, nec restituere posse, nec istius restitutionis ullum dari medium nisi se dante, quod tamen haudquaquam illi dare decrevit. Quamvis itaque Deus & interminans pœnam homini nisi credat, & promittens salutem si credat, ex æquo prospiciat homines non credituros, prius tamen sapienter facere potest, & pro jure suo, posterius non, quia priori intendit quod reverà homini postmodum infligit, nimirum exitium, posteriori non item, quia non assequitur quod intendit. Prioris fines graves dantur, posterioris non item. Fallum itaque, vel non electorum respectu salutis promissionem esse seriam, sapientem & misericordem, vel non esse non electis imperandum ne credant. Nec itaque *Ministros prophetas* esse oportet, ut credendi ac relapsendi mandatum ad solos electos dirigant, satis enim illos inculcare officium & debitum commune. Nec Synodus Dordracena malè mandatum fidei & pœnitentiæ omnibus*

commune esse voluit, quibus Euangelium annuntiatur, modò ordo servetur in mandati istius propositione, quod Synodus illa non à fide sed à pœnitentia inchoari sapienter voluit, præter actuum fidei diversorum ordinem-observandum, à nobis in Exercitationibus demonstratum.

X. Reverà ἀδωπίαν credendi prohibere, quominus Deus eā laborantibus salutem velle & promittere seriò possit & sapienter, ut ut eam ab illis auferre nòlit, inde inter alia provenit, quod promissio illa nequit eis esse utilis. Quid opponit Animadversor? Hoc ipsum sanè negare non potest, quod unum sufficit ad evertendam promissionem istam universalem conditionatam, quam ponit. Quid verò addit? Si promissio ista, inquit, illis non possit esse utilis, nec debere esse damnosam. Atqui ex promissione gratie grave damnum ad incredulos accedere, quum talium pœne longè sint futura atrociore quàm eorum, qui in legem offendere duntaxat: Consentaneum itaque esse, ut ex Euangelii prædicatione salutem aliqua ratione consequi posse dicantur. Argumentationis istius tota vis huc redit; Si promissio salutis non posset ullo modo esse utilis non electis, esset illis damnosa tantùm. Consequens absurdum; Ergo & antecedens. Resp. I. Supponi falsum, illam nullo modo esse utilem multis, quamvis illis non sit utilis ad salutem, nec proponi sapienter à Deo posse, nisi illis ad salutem sit utilis. At utilis est multis ad coërcitionem aliquam, ad honestiorem conversationem, ad abstinentiam à gravioribus flagitiis, adedque ad mitiorem punitiōnem. Vbi verò hoc ultimum, ibi, ut Animadversor ipse docet, aliquod misericordiæ exercitiū datur. Fit enim misericorditer, quando aliquis magnā maledictionis parte levatur. 2. Supponitur falsum aliud, ferri non debere, quemquam ex ulla re magnum damnum accipere debere, ex qua nullum omninò emolumentum capere potest. At annon ex nativitate infantium gentilium ex Adamo corrupto, magnum illi damnum accipere coguntur, nullum verò omninò emolumentum, idque ex ordinatione Dei? An dubium etiam, ex propositione promissionis, hoc fac & vives, multis Israëlitis grave tantùm damnum, & severiores pœnas accessisse, quàm experiuntur ii quibus verbum illud Dei legale & jura ac statuta proposita non fuere? 3. Falsissimum, consentaneum esse, ut ex Euangelii promissione salutem aliqua ratione non electi consequi posse dicantur; quod est & τὸ ἐν δέχῃ & contradictionem implicat, illos qui ἀδωπίαν salutem consequendi laborant, eam aliquā ratione consequi posse, adedque ἀδωπίαν non laborare. Frustrà itaque falsissimo isti fundamento quod novit à nobis negari, superstruit consequentias suas, non esse ergo illis fidem rem aded ab omni parte impossibilem, quin eis salus seriò sapienter & misericorditer offerri queat, tamen ἀδωπίαν illā vitiosā & insuperabili laborent. Præterquam verò quod ista sint

*αὐτὴν ὁρᾶν & ἀφ' ὧν ὁρᾶται, non electis fidem esse aliquā ratione possibilem, adeoque posse aliquem venire ad Christum, quamvis Pater eum non trahat, posse aliquos audire vocem Christi, quamvis non sint oves Christi, posse aliquos credere quamvis non sint ordinati ad vitam æternam: Si fides non electis non sit impossibilis ex omni parte, non sunt planè & ab omni parte corrupti: Nec quæstio, an ἀδυναμία illa sit vitiosa & vituperabilis, quæ laborant, sed an sit ἀδυναμία vera sic dicta, & totalis quidem, & an arbit ista mala fructus ullos bonos ullâ ratione ferre possit? Salus itaque eâ laborantibus seridè, sapienter & misericorditer offerri nequit. Egregium verò ἔσθημα, ideo fidem esse aliquā ratione possibilem talibus, quia post peccatum iis conservatæ sint à Deo facultates intellectus & voluntatis, verò credendo, & bono expetendo à natura destinatæ. Quasi verò quærat, an homo corruptus homo sit, homo verò homo non esset, nisi facultates intellectus & voluntatis haberet. An verò sequitur, hominem has facultates corruptissimas, & incorrigibiliter quidem tales habentem, posse exere actum illarum non corruptum? An sequitur, hominem mortuum in peccatis actum vitalem edere posse? An cæcus, quia habet *potentiam* visivam *primam* potest elicere actum visionis, quia ista potentia ad actum illum naturaliter est destinata? Annon in Diabolis etiam & damnatis facultates istæ adhuc sunt reliquæ? Conservari sanè oportuit istas facultates, quia sine illis homo ne homo quidem esset, sed ideo conservatas esse, ut sic fides vel salus hominibus non electis essent possibiles, id verò splendide supponitur, non probatur.*

XI. In *tercia ratione* mira Sophisticatio apparet, & studium contradicendi apertè veritati. Argumentum breviter tale est: Si sapientia & misericordia Dei non convenit, hominibus aliquid promittere, sub ea conditione, ad cuius præstationem habent quidem facultates, sed *vitio inemendabili* præpeditas, eo quod non convenit illi aliquid promittere iis sub ea conditione, ad quam præstandam nullam habent facultatem, sequitur utrobique eandem rerum illarum disconvenientiam inter se esse. Falsum *consequens*, Ergo & *antecedens*. Consequens falsum esse ex eo probat, quia ἀδυναμία ex facultatum inopia orta excusat, ea verò quæ consistit in facultatum vitiositate morali, nullam excusationem habet, & quod illa major, tantò meliorem præbet excusationem, quò verò major ista, tantò detestabilior est, & minus excusanda. *Resp. 1.* Peccari *elencho* καὶ ἐν πᾶσι τοῖς & *paralogismo* à dicto secundum quid, vel insufficienti enumeratione. Satis enim utrobique impossibilem & non attingibilem reddi eventum, & bonum quod sub ejusmodi conditione promitti dicitur. Id verò hic reperitur. Quemadmodum enim ille, qui facultates non habet.

ad aliquid præstandum, nunquam illud præstare potest: Sic nec ille, qui facultates inemendabili vitio præpeditas habet, unquam illud præstare potest, quod non nisi ab eo præstari potest, qui facultates vel integras habet, vel instauratas. Et hac quidem in parte coincidere utramque impotentiam speciem moralem & naturalem, negare non audet alibi Animadversor, quod unum istâ comparatione intendimus. 2. Per συγχώρησιν, dato non concessio, exigi eandem rerum illarum disconvenientiam inter se; Annon æquè disconvenit *impotentia morali* inevitabili, ut *effectum morale* producat, ac *impotentia naturali*, ut producat *naturalem*? 3. Peccatur ignorance Elenchi vel saltem *paralogismo à dicto secundum quid*, nec enim hic quæritur, an impotentia moralis æquè excuset ac naturalis, vel non, sed annon sit æquè impotentia, & quidem æquè inevitabilis in ordine ad effectum producendum. Imò quia comparantur inter se, non possunt esse eadem. Idem enim non comparatur cum seipso, sed cum alio, & secundum quid tantum similitudinem habet cum eo cum quo comparatur. Frustra, itaque ludos hic sibi facit & Lectori Animadversor, quasi quia in aliquo diversa ratio est utriusque impotentiam, diversa sit in eo quod præcipuum est, & de quo hic quæritur! Et hac ratione non *discrepantem effectum creat*, ut loquitur, *respectu hominum, sed eundem planè*. Adeoque utraque prohibet hætenus ex æquo, ne quid Deus promittere dicatur sub conditione: ne impotentia illa in hominibus sit, quando illos eâ & inevitabiliter quidem impediri novit, ne vel effectum dent vel effectum dare possint, quod ab illis exigitur ut conditio.

XII. Denique *ratio quarta*, quam subnectit Animadversor, nihilo melior est. Nec enim quæstio est 1. An postulatio Dei sapiens sit vel æqua, dum exigit officium quod jure præstare tenemur. Quæstio est, an *beneficium* eâ intentione à sapiente & bono offerri dicatur quod offertur eâ conditione *ne id recuses*, quando offerens novit, te non tantum id recusaturum certo, sed & non posse non recusare. Id verò absurdum semper manet, nec ex hujus *παράμειψιν* anfractibus unquam se expediet Animadversor, si vel eandem, quam habere sibi videtur, subtilitatem haberet reverà. 2. Frustrà addit, *rem ex voluntate illius pendere, cui offertur*, quod ἀπόλορον, & ἀλογον. De cujus enim voluntate sermo? An non de voluntate hominis corrupti & inemendabiliter quidem? Quis verò Theologorum Orthodoxorum ferre possit, pendere vel salutem vel fidem ex voluntate hominis corrupti, quæ utraque pendet in solidum à gratia, & tractione Patris vel operatione potente Spiritus sancti. An pendet à voluntate illius qui bene velle non potest, ut bene velit! Sit bene velle potest, jam voluntatem prorsus malam non habebit. An pendet à mala arbore, ut bonum fructum ferat; hoc est,

est, ut non sit mala? Quàm cruda ista & diluta? Dicere itaque, *nos boni promissi compotes esse posse, si mente ac voluntate eo ferremur*, est dicere nos boni promissi compotes esse posse, si non simus quod sumus, vel non habeamus quod habemus, & quod non possumus non esse & habere. Imò si mente & voluntate ad bonum illud ferremur, jam non essemus prorsus corrupti & mortui in peccatis, nec mala arbor, nec haberemus intellectum & voluntatem, facultates inemendabilibus vitiis præpeditas. Adde, semper supponi, omnibus & singulis offerri bonum illud promissum sub conditione, ut Christum amplectentur, quod falsissimum esse, demonstratum. His expensis videbit Lector, interrogationi Animadversoris satisfactum esse abundè, & constare omnibus, quid in ea dispensatione quasi minus vel sapiens vel misericors culpari possit.

XII. Merito sanè etiam à me objectum, id ipsum esse ac si Deus vellet cæcis visum, modò non sint cæci, mortuis vitam, modò non sint mortui. Quid ad hæc Animadversor? *Hallucinatur*, inquit; & *miseret me quod hallucinationis illius suæ vestigia in singulis penè Exercitationum paginis impressit*. Pro isto commiserationis affectu æquè seridè me ipsi obnoxium profiteor, ac affectus ipsius serius est. Quàm optasset me materiam præbere & hic & alibi toti pergulæ suorum dictiorum sæpius adhuc aliquâ probabilitatis specie explicandæ, ut qui super optimè etiam dictis solet *καταδέχασθαι*, & veritatibus parum dignis Theologo gravi *vanιδέσθαι*. Gratiam tamen habeo huic Megarensi etiam, modò demonstraverit me hic hallucinatum. Hallucinationis verò me arguens, non hallucinatur, quod ignari & incauti esse potest, sed ultrò prævaricatur, quod vix est hominis ingenui, dum hoc in singulis penè paginis mearum Exercitationum impressum dicit, quæ insignis hyperbole est, à gravioribus enim verbis me abstinere memor ordinis nostri & causæ. Quì verò me hallucinatum probat? 1. *In eo, cæco velle visum modò videat*, inquit, *res promissa vel volita non differt à conditione; ex qua pendere supponitur*. At hic *res promissa memorabiliter differt à conditione*. Salus enim res diversissima est ab actu illo nostra mentis, quò salutis promissionem amplectimur. At 1. Non dixi hic, quod mihi affingit Animadversor, *Deum, ex sententia Animadversoris, velle cæci visum, modò videant, sed modò non sint cæci*. Ista verò non planè eadem sunt. 2. Dato, me ita loquutum, evidentissimum ex ista disputatione, istud simile non alio sine vel sensu à me allatum, quàm ut ostenderem, æquè inutiliter dici, Deum laboranti impotentiâ morali & inemendabili quidem per naturam salutem velle, sub conditione ne ea laboret, ac si quis diceret, Deum velle cæco visum, mortuo vitam, modò ille videat, iste vivat. Id itaque haudquaquam extendi debuit ultra mentem meam, quasi censuerim

fidem



fidem non distingui à salute, virtutem à felicitate. Annon etiam velle homini corrupto salutem sub conditione ut credat, est mortuo velle vitam, sub conditione ne sit mortuus? Credere sanè actus vitalis est. Promittere itaque mortuo vitam sub conditione actus vitalis, est illi promittere vitam sub conditione ne sit mortuus, sed ut vitæ principium in se habeat, adeoqueannon ejusdem hoc valoris, ac velle cæco visum, modò non sit cæcus, mortuo vitam, modò non sit mortuus? Quid hîc res volita differt à conditione? 11. Addit Animadversor; *Etsi cæco aliquid promitteretur sub conditione videndi, exigeretur ab eo conditio, qui nullas ad videndum facultates habet, tamen si id percipiat. Oculis illi præterea opus esse, quos sibi comparare neque potest neque tenetur. At in negotio salutis seorsum esse. Nam ad credendum ubi Evangelium annuntiatur, nulla alia facultate opus esse præter intellectum & voluntatem. At 1. An cæcus nullam ad videndum facultatem habet? Quàm hoc ἀφαιρέσις! An nova etiam hîc Philosophia procedenda æquè ac Theologia? Annon tyrones in elementis Physicis versati, ne de Doctissimo quem audit è Museo suo Philosopho Salmurienfi loquar, testabuntur Animadversori, cæcum habere facultatem videndi, inseparabilem quippe ab anima ipsius, adeoque potentiam primam ad videndum, quamvis non videat, vel propter humorem nervis opticis impactum, vel propter aliquid vitii tunicis & humoribus oculi adnatum, vel propter pupillam vitiatam, vel propter simile quid, adeoque quidem, ut causa tota sit in impotentia secunda, sive in dispositione pravâ organorum, per quæ se exerit facultas videndi. Falsum itaque, quando de cæco sermo est, exigi conditionem ab eo, qui nullas habet facultates ad videndum.*

2. Non est quæstio, an in eo conveniant ista, ut quemadmodum corporaliter cæcus percipit videre; sic idem cupiat spiritualiter cæcus. Id enim discrimen cum aliis id genus nos prolixè dare, sine ulla causæ nostræ dispendio, demonstratum in Anteromatibus. Vt &; corporaliter cæcum non teneri videre, spiritualiter verò cæcum, teneri. Satis in eo sit similitudo, quod neuter oculos illis sibi comparare potest.

3. An cæco etiam alia facultate opus est ut videat, & non solâ organorum purgatione; vel vitii istius in organis inhzrentis ablatione? 4. Sufficit, quamvis nullâ aliâ facultate opus sit ad credendum præter intellectum & voluntatem, opus esse facultatis utriusque renovatione per Spiritum Dei, quam non renovatus nunquam in æternum supplere potest, & quæ à solo Deo pendet. 111. Inquit Animadversor, *etsi utrobique eventus æquè necessariò futurus est in cæco ut non videat, in non electo, ut non credas, causas tamen illius necessitatu toto genere discrepare. Illic enim causam esse in inopia facultatum naturalium quæ sui ipsi Deo eripit, imperandi ut videat; hic esse causam in malitia* quæ

quæ Deo jus suum eripere non potest, ubi adsunt facultates à natura concessæ. At 1. Hoc nobis sufficit, eventum utrobique æquè necessariò futurum esse, in cæco, ut non videat, in non electo ut non credat. Hoc unum enim urgemus, hæcenus similitudinem dari, & propter hoc unum, simile istud à nobis affertur. Videat jam Lector, an vel sapientis vel summè boni sit, non electo offerre salutem sub conditione ut credat, cùm necessarium planè sit non electum non credere, nec credere posse æquè ac cæcum non videre? Si Animadverforem audimus, summè sapientis vel summè boni esse potest, hæreditatem offerre cæco sub conditione ut videat? 2. Causas necessitatis utriusque non tantùm discrepare libenter fatemur, sed eo ipso profiteamur, quando unam impotentiam naturalem vocamus, aliam moralem, (quamvis nec solum nec exclusivè) & unam comparamus cum altera. Ad institutum nostrum sufficit, necessitatem similem utrobique dari, quamvis causæ utriusque necessitatis sint dissimiles. 3. Αφιλοσπον denuò est, cæcitatæ naturalis causam esse in inopia facultatum naturalium. Si physica tradentem de isto argumento, è museo suo audivisset diligentius Animadverfor doctissimum Philosophum suum, dubio procul id non sine fructu fecisset, nec impigisset hic in elementa philosophica. An etiam cæcitas omnis, in quam homo incidit, Deo eripit jus illi imperandi ut videat? At potest aliquis suo scelere in cæcitatem incidere, ex cæcitate illa in peccata varia, quæ evitare potuisset si non fuisset cæcus? An à tali Deus exigere non potest, ut videat, & eum idèò punire quia non videt dum propter istum defectum in peccata varia incidit? 4. An quæstio etiam est, num malitia Deo jus suum eripere possit? An hoc controversum? Annon Deo jus suum exigendi pœnitentiam & fidem à corrupto, relinquimus integerrimum? An hominis vitium Deo, secundum nos, quicquam intervertit? Ex his constare potest Lectori, quàm validæ sint laciniæ istæ dissertationes pœtius quàm disputationes Animadverforis. Quam disputandi rationem si sequutus fuisset, dignissimus fuisset, in quem ita περιτρεπὸς incurreret, & ὅλας αἰετὰς στοματῶν, quod facit ubique, effunderet.

## CAPVT XIII.

Vindicix *secunde rationis*: Deum omnium & singulorum misereri  
non velle, nec *absolutè*, nec *conditionatè*.

## BREVARIUM Capitis decimi tertii.

**A**rgumentum oppositum Gratia Vniuersali. Exceptiuncula Animadversoris reuoca. Distinctionis de duplici impotentia repetitio inani. Ejus confutatio. Qua collatio inter utramque instituitur. Accusatio iniusta absterfa. Exceptio à Remonstrantibus hausta, confutata. An illis impunitas detur, qui sint aequè mali ac Diaboli. Concessio Animadversoris reuoca. Disparitas in causa eventus frustra allegata. Verba Animadversoris ipsius impa. Ignoratio Elenchi, & digressio inutilis notata. Discrimen citra mortuos naturaliter & moraliter sine causa regeftum. Status quaftionis iterum mutatus ab Animadversore. Ignoratio Elenchi alia notata. Falsa assertio de facultatibus nostris confutata. Condicio ab Animadversore frustra inserta. Qui Deum exigat à corruptis ut credant. Suppositio falsa notata. Distincta causa incredulitatis à non dante prohibens. Status quaftionis denuò mutatus. Ratio disputandi Animadversori solennis, notata.

I. **A**rgumentum à me Animadversori inter alia oppositum fuit tale Thesi VIII. Vel *absolutè* velle Deum omnium misereri, vel *conditionatè*. Si *absolutè*, omnes misericordiam consequuturos: Si *conditionatè*, vel Deum conditionem ad salutem necessariam *exigere* tantum ab omnibus, vel eam in iis *efficere* velle. Si *exigere* tantum, eum tantum salutem non velle, exigendo ab iis actum, quem novit non magis eos præstare posse, quàm Æthiopem nigrorem, par- dum maculas exuere, & Lazarum surgere ex sepulchro. Sin *efficere* velit actum istum, vel illum denuò *efficere* velle, *absolutè* aut *conditionatè*: Si *absolutè*, eum efficiendum in omnibus, & sic omnes actu misericordiam consequuturos. Si *conditionatè*, ferram reciprocari per eandem lineam, & quaftionem redire de hujus conditionis conditione. Hanc verò tandem coincidere cum re per conditionem volitâ, & coiri, Deum velle hominem convertere, si se convertat, & præstet id quod nec præstabit unquam nec præstare potest, & quod Deus novit ab æterno illum nec præstiturum nec præstare posse, quippe quod pendet à tractu suo, quem omnibus indulgere non constituit, sine quo tamen nemo non tantum ad Patrem venit, sed nec venire potest. Joh. v. 1, 44.

II. Quæ respondit in Dissertatione Animadversor, à me summa cum accuratone excussa fuisse videbit Lector in Exercitationibus nostris, & applicatam ubique *αἰετῶν αἰῶν* & *ἀπὸ τοῦ*. Ab eorum repetitione me abs-

tineo, operæ compendificandæ. Quid ad ista Animadverfor? 1. Miratur, me tot argumentationum dilemmaticarum *παράδοξας* circumvolvere. At nihil utilius constringendo Adversario undiquaque isto argumentationis genere, quod non parum *τῇ εὐφροδία* propositionum præstat. Ideò verò dilemma istud undiquaque à me munitum, quia institutum meum in *Theſibus* non erat solam Animadverforis sententiam confutare, sed omnium illorum qui *gratiam objectivam* universalem statuunt. Meritò itaque sic integrè ſtruendum & muniendum erat. 2. Nihil proclivius fuisse, inquit, quàm intelligere, se existimare Deum velle electorum salutem *absolutè*, reliquorum omnium *conditionatè* duntaxat, ideòque conditionem in electis efficere velle, à reliquis omnibus exigere tantum. At hanc ipsam sententiam dilemmaticis istis propositionibus absurdam esse demonstravi, quia conditionem ab homine exigere velle, quam scias illum non magis præstare posse, (quatenus eventus utrobique ex æquo est *ὅκ τῷ μὴ ἐνδεχόμενον*) quàm Æthiopem nigrorem, pardum maculas exuere, & Lazarum surgere ex sepulchro, idem est ac ejus salutem non velle. 3. Frustra dispiciendum ostendit, *quomodo Deus possit velle*, hoc est exigere, ut non electi præstent id quod eos nec præstituros esse, neque præstare posse novit, & *quomodo exigere possit id cujus præstatio pendet ab uno tractu suo, quem omnibus indulgere non constituit*. An enim ista in quæstione inter nos? Contineat se intra istas lineas Animadverfor, nec aliter Deum hoc velle dicat, quàm quod id vult exigere vel imperare. Nec hîc lis erit inter nos. 4. Nequicquam etiam denuò recoquit distinctionem istam inter *non posse*, quod pendet ex inopia facultatum, & inter *non posse*, quod in earum perversa comparatione consistit. Satis, *non posse* ineluctabile reperiri in non electis, ne credant, vel credere possint, quodcunque principium habeat, modò vitium illud; ut ipse fatetur, sit in illis inemendabile per naturam. Nec perperam à me allata exempla ab Æthiope, pardo, mortuo. nec enim impotentia, quæ in exemplis istis, à me collata *quoad speciem* cum impotentia credendi quæ est in non electis, quasi utraque ejusdem ordinis sit & naturæ, sed *quoad genus*, quod utraque sit impotentia, & ineluctabilis quidem per naturam, adeòque quæ in subiecto posita, nequicquam intenditur salus, sub conditione ne in eo sit. Nec has exceptiunculas reponere nobis debebat Animadverfor utpote in Exercitationibus & Anterote matibus nostris disertè occupatas, & confutatas. Si à Medicis ab illorum confutatione prohibitus fuit, at prohibitus non fuit ab eorum Lectione. Imò Exercitationes nostras, & bis quidem à se lectas, testatur. Causæ itaque nihil erat, cur reponeret à nobis jam confutata. Falsum etiam, duplicem illam impotentiam à me *censies confusam* in Exercitationibus. Osten-

di difertè, quàm in re conferrem utramque & quousque. Nec sanè impotentia quæ est à *malitia voluntatis*, vel Animadversore fatente, magis eluctabilis est, quàm ea quæ sita est in *defectu facultatum*. In quo uno comparantur. Verissimè itaque & optimè à me dictum, non magis esse in potestate non electorum credere, quàm in potestate mortuorum est, se resuscitare. Non electi enim sunt in morte spirituali. Et vel Animadversor idem hic nobiscum sentit, vel *oppositum* statuit in *apposito*, nimirum mortuum posse edere actum vitalem, & arborem malam fructum bonum ferre. 5. Exceptio Animadversoris, quam communem habet cum Remonstrantibus nostris, & ab illis hausit, elumbis est, *sic Deum non posse justè & sapienter imperare non electis ut credant* (non magis quàm mortuo ut resurgat) *nec eos plectere mandato non obsequentes*. An vrò quæ conferuntur in uno, conferuntur etiam ob id in alio, vel in omnibus? Annon comparatio illa in iis spectanda, secundum quæ adducitur? Imò difertè à nobis dictum in Exercitationibus, impotentiam istam, utut ineluctabilem, *nec Deo jure suum intervertere, id exigendi, quod dedit, nec hominem vel excusare, vel justè subducere pœne*, si non faciat officium, quod tenetur præstare, etsi id non possit præstare, quum ista *ἀδυναμία* sit *ἠνάγκη*, & ab homine suo jumento sibi accersita. Falsum itaque, hoc quicquam facere ad impunitatem malefactorum. 6. An etiam, secundum nos, ad impunitatem malefactorum obtinendam quicquam facit, si homines mali evadant æquè ac Diaboli? Imò eò magis erunt damnabiles, quo magis sunt scelesti: De eo nulla nobis quæstio. An enim Diabolus immunis est & erit à punitione? Quid absurdius? Cur ergò illi immunes essent, qui æquè in malo sunt obstinati ac Diabolus, quales tantum omnes peccantes in Spiritum S. & plane derelicti ab omni Spiritus Dei tum *convertentis* tum *coercentis* operatione? 7. Sufficit, ut fateri cogitur Animadversor, *eventum utrobique certum esse & respectu futuritionis æquè necessarium, & hæc esse ex aquo ἐκ τῆς μὴ ἐνδεχόμενης*, *Non electus non credet, mortuus se non suscitabit*. Hoc unum hic volumus, nihil præterea. Quod ipsum splendide nobis largitur, & quod ad absurditatem istius œconomix, quam fingit patefaciendam sufficit.

III. De causa eventus nobis nec lis, nec quæstio, an sit *dispar* & generis *diversi*: Non electum non credere, quia non vult, *ἡθελῶν*, si enim vellet in *sensu composito*, utique crederet. nam velle credere, est jam credere. At quæstio est, an talis possit aliter velle, & an habeat principium illud *ethicum*, vel supernaturale potius correctivum suæ voluntatis malæ, sine quo non potest dari principiatum sanum? At non magis aliter velle potest, vel malitiam qua detinetur, excutere, quàm mortuus potest resur-

gere, quatenus eventus ut facetur, utrobique aequè certus & respectu futuritionis aequè necessarius, quod unum volumus. Et hoc ipse addit, dum inquit, illum non posse velle credere, hoc est, contingere non posse ut id velit, usque adeo malitia in ejus voluntate magna & inolisa & inemendabilis est. An verò illi qui talis est, summè sapiens & summè bonus seridè dici potest, salutem velle sub conditione ut aliter velit, & ut non sit inemendabilis ejus malitia? De mandato credendi & poena justa subsequente, antè dictum. Judicet jam Lector de magnifici istius Disputatoris sublimitate & an ita disputare non sit τοῖς αὐτοῖς τὸ μέγιστον?

IV. Secundum, quod expedire vult Animadversor, est, quod possit Deus velle, hoc est, exigere, ut non electi praestent, id quod eos non praestituros esse, nec praestare posse novit. Quid verò attinet denuò παλάστιον in re non controversa? Nec enim de co inter nos quaestio, & peccatur merà ignorance Elenchi, & digressionem inutili. Et nihil solennius Animadversori, quàm ea quæ causam feriunt planè prætermittere, & luxuriari in non necessariis operose vel declarandis vel probandis, quod an ingenui disputatoris sit, judicabit Lector candidus. Fatemur libenter Deum non imperare posse mortuo naturaliter ut resurgat, imperare verò posse hominibus mortuis moraliter, ut cum Animadversore distinguamus, ut resurgant & credant, non tantum quia id praestare tenentur & ad id praestandum habent facultates à natura concessas, sed etiam quia habuere ad id praestandum facultates integras & voluntatem bonam, & suo vitio duntaxat ista non habent amplius. Nec prohibere malitiam voluntati jam inbarentem & magnitudinem ejus invictam, quin justissimè propter non praestitam fidem puniantur? Quid attinebat quæso talia nobis operosè ingerere, quæ non controversa? Probet Animadversor, à nobis negatum esse, Deum exigere ab homine justè posse fidem in verbum sibi revelatum, vel Deum posse cum propter non praestitam fidem punire, quod in æternum non probabit, vel fateatur, se τοῖς ἀνθρώποις ἀρετὰς hinc denuò θέτει, & sibi meros ludos facere ac Lectori.

V. In tertio nimirum, quomodo Deus exigere possit id cujus praestatio pendet ab uno tractu suo quem omnibus indulgere non constituit, 1. Frustra etiam laborat, nec enim id etiam in controversia. Fatemur ultro, Deum hoc posse exigere quod ipse solus operatur; sed id in controversia est, quæ Deus eâ voluntate vel intentione hoc possit exigere, ut credat non electus, & credendo salvetur, quod scit cum non tantum praestare non posse, sed etiam id pendere à mero tractu suo, quem tamen non electis indulgere non constituit? Nec quaeritur, an tractus Dei sit in hominis potestate, sed an id sit in hominis potestate, quod ab ejus solius tractu pendet?



pendet? Exigit sanè Deus etiam ab hominibus non electis *id quod ipsius solum tractum efficere oportet*, dum exigit fidem & conversionem, nisi negare velit Animadversor, talia à solo Dei tractu pendere. 2. Nequiquam addit; Nullas scilicet hominibus facultates à natura inditas quibus perficere queant, id si velint, ut à Spiritu Dei eo modo trahantur. Exigit Deus à non electis ut credant suo instinctu, non tractu alieno, viribus naturalibus mentis atque voluntatis, non vi causa externa qua ex eorum nutu non pendeat. Exigit ut credant, quia sunt creatura intelligentiæ atque ratione prædita, non ut si in quibus Deus singularem aliquam sui Spiritus efficacitatem exercere voluit. Exigit ut credant ii qui facultatibus suis ad eam rem uti jure naturali tenentur, non ut ii quos Deus peculiari quadam ratione ad id præstandum selegerit. Neque sanè peccant idèò quod à Spiritu Dei non trahantur, sed èò quod ipsi ad quod vocantur, non accedunt. Non id illis imputatur, quod quum electi non sint, electorum prerogativis non gaudent, id illis imputatur, quod quum homines sint, invitati venire dedignantur. Quid verò vðapè magis & magis putidum istis omnibus quæ merâ ignorance elenchi peccant, nec tangunt id quod in controversiâ? Siccine rhetoricandum potius erat quàm disputandum & congregiendum ad lineam! Observe Lector 1. Falsum esse, homines corruptos & mortuos in peccatis habere facultates à natura inditas, quibus perficere queant, ut à Spiritu Dei trahantur. Facultates enim tales non nisi corruptas habent, & quia illæ corruptæ sunt, non nisi corruptos actus edere possunt, adeòque nunquam perficere, ut tales trahantur à Spiritu Dei, magis quàm paralytici locomotiva eum èò usque perducere poterat, ut se conjiceret in piscinam. Imò ne facultates quidem integræ & non corruptæ perficere possunt, ut homo trahatur à Deo. Nec enim tractionis illius causa nisi in trahente: Spiritus ille spirat ubi ipse vult, non ubi homo vult. Frustrâ verò inserit, facultates id præstare posse, si id velint ob contradictionem in adjecto, quia si id vellet homines, jam non corrupti incemendabiliter forent, tamen supponitur. Satis itaque, eas id velle non posse ut frustra omnia dicantur. An nobis dicere licebit, si mortuus velit se proripere ex sepulchro eum resurrecturum vel victurum? At id velle non potest, quin jam vivat. Exigit sanè Deus à non electis ut credant suo instinctu, sed haudquaquam intendit, ut credant viribus naturalibus mentis atque voluntatis, quales sunt in statu corrupto; Exigit etiam id ab iis quia id dedit, & quia homines considerat non ut decoctores datorum, sed ut debitores. 3. Nec exigit ab iis ut credant, quia sunt creatura intelligentes & ratione prædita, sed quia debent esse creaturæ intelligentia sanâ & ratione rectâ prædita, qualem illis in creatione prima inseruit. An verò à nobis suppositum, Deum ab illis fidem exigere, ut ab iis in quibus singu-

*larem aliquam Spiritus sui efficacitatem exercere velit ?* Imò oppositum à nobis dictum, in talibus, quippe non electis, Deum singularem illam Spiritus sui efficacitatem exercere nolle, adeòque tales credere non posse, nec sub hac conditione serìò dici posse, Deum illis velle salutem. 4. *Εξαρτία*, Deum exigere ut credant, quia id tenentur, non verò quasi Deus eos ad id præstandum selegerit. An quæso nobis erat probandum, non electos non esse eos quos Deus ad fidem præstandam peculiari ratione selegit. 5. Falsum, non peccare eos, qui à Spiritu Dei non trahuntur, quia negationem istius tractionis necessariò sequitur peccatum, ut negationem luminis solaris in terra, tenebræ. Non quod Spiritus Dei negatio sit causa peccati, magis quàm luminis solaris negatio causa est tenebrarum, sed causa ibi, corruptio peccatoris, hîc opacitas terræ. Si enim homo corruptus non foret, non peccaret: Si terra foret lucida, non essent tenebræ, etiam remoto Sole. Satis est, Spiritus tractionem esse *prohibens* unum peccati; quo negato, id non potest non dari. Nec ista dispescenda per *Elenchum divisionis*, peccant non electi, & quia ipsi ad id quod vocantur, non accedunt, & quia à Spiritu Dei non trahuntur; priori ratione ut per *causam* propriè dictam *culpabilem*, posteriori, ut per *non dans prohibens*. Hoc sensu idèò non accedunt, quia non trahuntur, nec enim aliàs accedere possunt in statu in quo sunt, & hîc illis usu venit quod sponsæ, quæ sponsi tractionem flagitat, *trahè me, ut curramus post te*. An etiam quæstio est, an homines peccent in eo quod vocati non accedunt? An non potius, an de illis qui accedere non possunt ex se, & quos Spiritus Dei trahere non vult ut accedant, serìò dici possit, Deum velle eorum salutem, sub conditione ut accedant? 6. An etiam quæritur inter nos: An non electis imputetur, quod quum homines sint invitati, venire dedignentur? Quid opus erat hoc probare? Quamvis non tantùm hîc considerentur ut homines, sed ut homines quales Deus creavit, qui tenentur id præstare, cùjus gratia ipsis à Deo data fuit. Meritò itaque illis imputatur, & quod decoxerint bona ista, & quod venire dedignentur. Adde, supponi semper, invitationem universalem ad fidem, non probari. An in istis omnibus vestigium disputatoris ingenui, & qui id probet, quod probandum? Et an istis omnibus tollitur difficultas, absurdè dici Deum velle non electis salutem *sub conditione* quam præstare non possunt, etsi eam præstare teneantur, & cujus præstatio pendet ab una tractione Dei, qui gratiam istam talibus perpetuò denegatam voluit?

## CAPVT XIV.

De conditione Gentilium, an eâ evertatur gratia universalis.

## BREVIARIUM Capitis decimi quarti.

**F**irmitas argumenti ducti à Gentilibus. Rhetoratio Animadversoris. An τὸ πρῶτον omnibus obversetur. Confessio Animadversoris Auctori suo impacta. Τα πρῶτον hodie saltem secundum ipsum, non sufficere, probatum. An τὸ πρῶτον à Paulo dicatur invitare ad penitentiam. Quos & qui invitet τὸ γένος Ἑβραίων. An τὸ πρῶτον spem remissionis ostendat. Annon iustitiam peccanti potius denuntiet quàm misericordiam. Remissionis peccatorum revelatio tota Evangelica. Τὸ πρῶτον pertinet ad ordinem providentia, non gratia. Spem remissionis peccatorum non fuisse objectam eâ τὸ πρῶτον, probatum. locularis assertio de invitatione per τὸ πρῶτον. An τὸ πρῶτον viam apertam patefaciat ad salutem. Absurditas istius assertionis. Conditionis objecta inutilitas. Contradictiones notata. An spes remissionis sufficiat in œconomia gratia. An natura vel politia ratio urgenda sit in eadem. An infantes tantum censeantur ut partes vel appendices suorum parentum. Oppositum demonstratum. Præcipua difficultas declinata ab Animadversore. Unde fiat quod hi infantes talium parentum appendices sint. Simile ab embryone retusum. Absurditas sententia Animadversoris. Ignoratio elenchi notata. Animadversor commissus cum se ipso. Proscripta à Synodis Gallicanis reposita ab Animadversore. An disputandum sit de eo, quid futurum esset, si quis gentilium respiceret ad τὸ πρῶτον. Quæstio Animadversori proposita de liberis natis ex parentibus ebdurescentibus, & de intentione Dei circa illos. Imputatio peccatorum personalium adstructa ab Animadversore, negata peccati naturalis. Digressio captata ab eodem. Declinatio status contraversia. Ius summum Dei à nobis assertum. An parentes in causa sint gratia non transmissa ad eorum liberos. Ignoratio alia elenchi notata. Quæstio de qua agitur Animadversori impacta. Digressio inanis de causa conquerendi de Deo. Suppositio falsa. Animadversor ad lineam revocatus. Digressio inutilis. Libertas & jus Dei adstructa. Demonstratio invicta, Deum noluisse omnes salvare ex dispensatione ab eo adhibita. Vocatio omnis multis planè denegata. Nodus objectus Animadversori, & ab eo dissolvendus. Digressio inanis. Quæstionis proposita declinatio. An Deus illos salvare velit, quos inter Ethnicos in immatura ætate tollendos iudicat. Contradictio Animadversoris. Verbum ejus retorta. Alia eidem impacta. Voluntas universalis conditionata de salute omnium eversa. Animadversor cum se ipso denud commissus. Ignoratio elenchi alia notata. Quæstio inculcata. Declinatio hic præstandorum. Causa repetiti argumenti ducti ab infantibus.

I. **A**rgumentum ex Gentilium conditione à nobis desumptum, partim adultorum, quorum myriadibus multis nec Redemptoris, nec redemptionis, nec conditionis ad eam necessariæ ulla facta revelatio, partim infantium in primâ ætate sublatorum, quibus ne ex τὸ πρῶτον quidem τὸ Θεὸν revelatio ulla exhiberi potuit, Apostolum auctorem habet Act. xiv, 15. & experientiam omnium seculorum

lorum testem. Meritò itaque à nobis sæpius inculcatum, quod solum sufficere possit Vniversalis gratiæ commento convellendo. Id verò *in finitum in locis* in libro finito factum, liberaliter & pro more suo rhetoricatur Animadversor. Molestum hoc argumentum illi esse non miror. Scilicet ferre non potest τὸ πορροπῆτα φέρον, & copias suas in arctum cogi. Quàm altè adaçtum hoc telum hæreat Animadversori, clarius adhuc patebit ex infelici illius in eo evellendo conatu, & miseris istis argutatiunculis, quas nobis opponit.

II. Meritò contendi, ad neutros Vniversalem gratiam pertinere, nec ad eos qui inter Gentiles adolescunt, & quibus nulla unquam obtigit Euangelii manifestatio, nec ad eos qui exstinguuntur in cunis. Non ad illos, quia de Christo nihil unquam audiverunt. Non ad hos, quia ne τὸ γνωστὸν quidem ἔθεῖ, nedum Christi redemptio, iis unquam revelari ullo modo potuit. Nec tantum absurdum, & meritò quidem, dixi (sed sine vociferatione quam pro sua liberalitate & comitate mihi Animadversor hic admetitur) salutem extra Christum prioribus offerri, sed & quicquam illis offerri, qui nullius prorsus oblationis sunt capaces. Nec sanè hic sine aperto Indibrio tale quid statui potest.

III. Quid hic Animadversor? 1. Omnibus iis qui adolescunt, inquit, obversatur τὸ γνωστὸν τῷ θεῷ ante oculos, quod ad μετάνοιαν invitatur, & spem remissionis ostendit, si quis ex animo respiciat, & sic viam ad salutem apertam patefacit, si homines, ut convenit, oculos aperiant. Aut igitur remissionis & per remissionem salutis spes oblata gratia non est, aut gratia patet ad omnes Gentiles universè, qui saltem paulò sunt adultioris ætatis. Et hoc totum est, quod gravissimo isti argumento opponit. At 1. vel καθ' ἑλκ τὸ γνωστὸν ἔθεῖ omnibus inter Gentiles obversari censet, vel κατ' ἐξῆς: si posterius, nihil concludit pro gratia universali; si prius, plurimi excipiendi, qui vel cæci nati, vel bruti & stupidi, quales integræ etiam gentes in Americano orbe, qui nihil ferè hominis, præter faciem habent, quibus non magis τὸ γνωστὸν obiectum dici potest in finem ab Animadversore notatum quàm cæcis lux Solis ad visionem. 2. Annon etiam ipse Animadversor fatetur, in Novo Testamento distinctam Christi cognitionem esse necessariam ad salutem? Si hoc verum, quod verissimum, non sufficit, τὸ γνωστὸν ἔθεῖ plurimis gentibus hodieque obversari. Opus itaque foret, ut his obversaretur & innotesceret distincta Christi & mysterii redemptionis per eum præstitæ revelatio, quam tamen Deus multis myriadibus hominum in N. Testamento etiam, revelari noluit. 3. Supponitur liberaliter, τὸ γνωστὸν τῷ θεῷ invitare ad μετάνοιαν. At hoc Paulus non dicit, sed alium ei rei finem proponit, qui utique audiendus potius quàm Animadversor. De χηρυσία

τῷ Θεῷ id Paulus affirmat, non de τῷ γνῶσθαι, quæ non æquipollent. Quos verò Deum invitasse ad pœnitentiã, dicat Paulus, & qui, suo loco dice-  
tur, nimirum Judæos, idque simili modo quo indulgentia Principis & lenitas invitat subditos rebelles ad pœnitentiã & officium. 4. Τὸ γνῶ-  
σθαι ὁ Θεὸς spem remissionis ostendere, falsum; τὸ γνῶσθαι τὸν Θεὸν tantum divini-  
tatem & potentiam Dei ostendit, misericordiam specialem vel spem re-  
missionis non ostendit. Et hoc splendide semper supponitur. Imò quia  
q̄stendit, Deum, & Deum potentem, ostendit eum iustum æque ac bo-  
num: imò iustitiam ejus potius quàm misericordiam peccanti denun-  
tiat, quia illius exercitium ad peccatum sequitur *per se*, illud *per accidens*  
tantum; illud necessarium est, istud arbitrarium merè. Nec magis causa  
spei ex ista sola contemplatione quàm terroris. Imò istius causa potius  
quàm illius. Remissio peccatorum etiam & ejus spes sunt beneficia Evan-  
gelica, & ad œconomiam Evangelii pertinent, cujus præco ne lex quidem  
est, quæ talis, nedum τὸ γνῶσθαι τὸν Θεὸν. Τὸ γνῶσθαι τὸν Θεὸν idem semper est ante  
lapsum & post lapsum, & pertinet ad ordinem providentiæ, non ad ordinem  
gratiæ, prout ista contradistingui solent & debent. Hinc innumeri, qui-  
bus τὸ γνῶσθαι illud objectum, qui tamen nec se peccatores esse cogitavê-  
re, nedum ut anxii essent de remissione suorum peccatorum, vel ut eam  
sibi objectam censerent ἐν τῷ γνῶσθαι. Et talia videri potuisse in γνῶσθαι illo,  
περὶ τοῦ Θεοῦ est. Nec vitium *subjecti* prætendi potest solum. si enim tale  
quid in *objecto* legi potuisset, reperti fuissent aliqui saltem, qui per τὸ γνῶ-  
σθαι τὸν Θεὸν talia concepissent, quod falsum. Et ne à sapientissimis quidem  
inter gentiles, & studiosissimis τὸ γνῶσθαι beneficium illud Evangelicum  
unquam observatum. A *posteriori* itaque solidè inferri potest, tale quid  
haudquaquam illis ἐν τῷ γνῶσθαι objectum fuisse. Imò vix ab institutis  
in veritate ista post ratiocinia varia & actus varios intellectus ex γνῶσθαι  
elici potest, Deum esse placabilem; at Deum esse placatum, & voluisse  
placari, haudquaquam ullâ ratione ex eo elici potest. Qui ergo eo fine  
τὸ γνῶσθαι omnibus & singulis propositum voluit, ut ex eo remissionis spem  
conciperent? 5. Id verò jocularè est, τὸ γνῶσθαι τὸν Θεὸν omnes ad μετάνοιαν  
invitare, & iis spem remissionis ostendere, *si quis ex animo resipiscat*. Qui-  
bus verò Deus censetur hoc fine τὸ γνῶσθαι proponere? Hominibus mor-  
tuis in peccatis, resipiscere nesciis, qui non magis ex animo resipiscere  
possunt, quàm resurgere è morte peccatorum. Et tamen hac conditione  
illis proponitur beneficium istud, *si quis ex animo resipiscat*. Hoc est Barti-  
mæo proponitur opima hæreditas, modò aperiat oculos, Lazaro, modò  
resurgat. Quam vis enim impotentia dicatur esse diversi generis, semper  
tamen, ut fateri cogitur in superioribus, constat *eventum utrobique aquè*

certum esse, & respectu siccitatis aquæ necessarium. Et respiscere ac resurgere esse ex aquo ἐκ τῆς ὕδατος. Estne verò disputare seriò, talia ingerere? Eiusdem commatis est quod addit, τὸ πρῶτον hoc viam ad salutem apertam patefacere, si homines, ut convenit, oculos aperirent. Quid crudius dictum à profanis multis, qui indifferentiam religionum, & salutem in quavis religione haberi posse, sunt professi? Annon sic sufficiet τὸ πρῶτον τῷ Θεῷ intueri, ut in eo habeatur aperta via ad salutem? Sic gentes, quæ fuerunt Apostolo sine Deo, sine spe, sine promissione, tamen secundum Animadverforem nostrum, habuerunt viam ad salutem apertam, patefactam. Et quòs Deus odit, rejecit ab æterno, præscripsit ad damnationem, reliquit suis ipsorum viis incedere, quibus jura & statuta sua non patefecit, illi tamen in tempore habuere viam apertam ad salutem. Conditio adjecta ridicula est, si homines, ut convenit, oculos aperiant, hoc est, si non sint quod sunt, & faciant, quod facere non possunt. De quibus enim nobis sermo? De hominibus qui oculos aperire non possunt, quæcunque eorum impotentia sit, nihil attinet, satis invicta sit, Animadverfore teste, his tamen patet via ad vitam, sub conditione ut oculos aperiant: Et quum Spiritus Sanctus solam æconomiam verbi comiteretur, ut docet Animadverfor, & sine Spiritu nemo oculos aperire possit; tamen, si Animadverfori credimus, talibus via ad salutem patefacta, modò oculos aperiant. 7. Remissionis, & per eam salutis spes oblata, sanè gratia est, talem verò ἐκ τῆς χάριτος τοῦ Θεοῦ propositam esse, est ipsum χεῖρονόμιον, quod splendide semper Animadverfor supponit. Nec spes aliqua remissionis duntaxat exigitur in æconomia Gratiæ, sed fiducia, quia proponitur in ea ejus fundamentum, redemptor & redemptio, vel expiatio peccatorum per eum. Vbi verò talia non proponuntur, ibi gratia objectiva non proponitur, quæ salutaris esse possit.

IV. Quì verò se expedit de infantibus gentilium Animadverfor? Mi-serè sanè. Isthmum sinapi hîc mordet. 1. Ad liberos eorum infantes, inquit, quod attinet. sic est à natura & à polisia comparatum, ut quandiu aliena ratione reguntur, partes & velut appendices parentum suorum existimentur. Vt enim quod ad corpus attinet, quandiu sunt in utero materno, nec aliter vel spirant, vel nutrituntur, quàm ex eo spiritu quem parens prægnaus ducit, aut ex eis alimentis quæ ipsa pro se capit, aded ut nihil habeat à matre separatim. Sic quod spectat ad animam, quandiu utuntur alieno consilio, & alienâ intelligentiâ vigent, ejusdem eacenus cum parentibus conditionis esse putantur. Quamobrem, si quis esset inter Gentiles (quod nunquam est) qui ad τὸ πρῶτον τῷ Θεῷ ex animo respiceret, uti spem remissionis ipse proculdubio conciperet, sic spem illam ad liberos infantes propagaret. Quia verò omnium animi adversus Dei invitationes obdurescunt, uti spe  
illa



illa excidunt quam τὸ γινώσκον ostendit, sic eadem eorum liberi privati esse putantur. At 1. Nec natura nec politica ratio urgenda in dispensatione gratiæ, quæ limites istos haudquaquam attendit. 2. Falsum, quandiu infantes alienâ ratione reguntur, eos in hoc negotio partes & velut appendices suorum parentum existimari. Si enim censentur in se peccatores infantes vix nati, originalis peccati rei, & propter illud morti secundum se subiecti, utique non censentur tantum ut partes vel appendices suorum parentum, sed ut personæ separatæ. Aliâs enim deberent tantum mori & puniri in parentibus suis. At quum & peccatum illorum & reatus & condemnatio distinguantur à peccato, reatu & condemnatione parentum, quid clarius quam eos seorsum à parentibus & secundum se considerare, quamvis alienâ ratione regantur? Censentur enim ut totidem individua distincta, quibus vel gloria aliquando conferenda, vel pœna. 3. Declinat subdole Animadversor totum momentum causæ. Qui fit enim quæso, quod hi infantes, horum parentum gentilium sint partes vel appendices, & non appendices vel partes parentum scæderatorum aut fidelium? Annon hoc totum ortum ex dispensatione providentiæ divinæ, quæ voluit hos infantes ex talibus parentibus nasci, & non ex aliis? An verò seridè ab ullo mortalium dici potest, qui vel micam candoris habet reliquam, Deum velle salvari infantes tales, quos voluit nasci ex parentibus gentilibus vel contemptoribus τῷ γινώσκον τῷ Θεῷ aut Euangelii, & pertinacibus quidem, & voluit censeri eorum appendices, vel partes, adeoque reatum illorum iis imputari, eosque proprium reatum contrahere, haudquaquam verò gratiam illis facere ut adolescant, & vel solum τὸ γινώσκον τῷ Θεῷ intueri possint? 4. Simile ab embryone in utero matris constituto, inane. sermo enim nobis de infantibus extra uterum constitutis, & jam natis, quorum, quoad animam eandem esse rationem quæ est quoad corpus infantum in utero materno constitutorum dicitur, non probatur. Licet enim Embryones spirent in utero materno, illo spiritu quem parens prægnans ducit; infantes tamen nati suo spiritu spirant, suis oculis vident, suis auribus audiunt, & individua plane distincta sunt à suis parentibus, quorum actiones planè etiam distinctæ sunt ab actionibus parentum. Et quæ naturalis eorum distinctio est, ea etiam est moralis. Adde, distinguendum etiam esse inter infantes in utero materno jam formatos, & quorum corpora plenè sunt ἐξενευσθησά & organizata, ut loquuntur Scholæ, & inter eos qui consue non pervenire. Illi enim infantes non planè ut appendices matrum considerantur, etiamsi sint adhuc in utero materno, sed ut individua distincta. hinc enim fit quandoque ut extinguantur matres, foetu salvo, intereat foetus, salva matre. Adeoque comparatio ista claudicat,

& secundum id quidem, quod hic in comparatione adducitur. Scilicet puer trimulus vel quadrimulus adhuc erit *appendix* tantum sui *parentis*, nec in se peccabit, nec in se debet peccati, sed tantum in parente cuius *appendix* est! Quamvis itaque *utatur alieno consilio*, quod tamen minus proprie dictum, ut qui eo *regitur* potius quam *utitur*, non ob id definit esse *ὁπίσθεν τοῦ* distinctum, cuius peccata seorsum in ipso spectantur, & cui poena peculiaris destinatur. Imò si liberi ut *appendices* tantum suorum parentum considerari deberent, deberent peccati eadem duntaxat cum parentibus poena. At parentes saepe sunt gravissimi peccatores, sceleribus variis cooperati ad vitæ finem usque, adeoque gravissimè peccandi. An ita graviter erunt etiam puniendi eorum infantes? Vtique sanè, si audimus Animadverforem, sunt enim aliquid eorum, & *pars* vel *appendix*. At tales in infantia abrepti mensuram scelerum paternorum haudquaquam implent, & illius *mitius erit*. Et si parens uterque infantis bimuli extinguatur, cuius tum infans ille *appendix* erit? 5. Peccat Animadversor *ignoracione elenchi*. nec enim quaestio est, an ejusdem cum *parentibus conditionis esse putentur*, sed an Deus qui voluit eos esse liberos talium parentum, & ejusdem conditionis, voluerit tales servari? An verò illi prohibere possunt, ne nascantur ex parentibus id genus? Vel postquam ex illis nati sunt, an impedire possunt ullâ potentia ne censcantur eorum *appendices*, vel ne peccata parentum illis imputentur, & ne cum illis peccantur, vel ne tollantur in immatura ætate? 6. Hic dicit Animadversor, nullum esse inter gentiles, qui ad *τὸ ὁπίσθεν τοῦ Θεοῦ* ex animo respiscat, in Concionibus suis non negat, aliquos tales esse, sed *paucos*, adeoque vel ibi falsum pronuntiat, vel hic. 7. Cui bono dicitur, *si quis esset inter Gentiles, quod nusquam est, qui ad τὸ ὁπίσθεν τοῦ Θεοῦ ex animo respisceret*? Præterquam verò quod nobis reponere non debuit, id quod à Synodis Nationalibus reponere prohibitus est. Annon hoc est dicere, si quis esset inter cæcos, qui oculos aperiret, inter mortuos qui resurgeret, hoc vel illud esset futurum? An hominis seriò disputantis est ita agere? Nec etiam tantum dicendum, hoc *nusquam* esse, sed nec *esse posse*. Et ipse fateri interdum cogitur, neminem ad *τὸ ὁπίσθεν τοῦ Θεοῦ* respiscere ex animo posse, quia respiciencia talis requirit Spiritus S. *operationem*. Haudquaquam verò illa comitatur œconomiam *τὸ ὁπίσθεν*, ut fatetur. Nexus cæteroquin non negatur, inter respiciencia & spem, vel fiduciam potius remissionis, sed quaestio est, an Deus qui novit antecedens, hoc est, respiciencia talibus non esse possibilem, sub ea conditione talibus salutem velit, quam novit illis non esse præstabilem? Et quia omnium animi adversus Dei invitationes obdurescunt, nec possunt non obdurescere, ob invitationem,

Etiam, quæ in iis est corruptionem, & sic eorum liberi eadem spe privati esse putantur, quæritur, an talibus Deus salutem velit, quos ex obdura rescentibus illis inevitabiliter nasci voluit, & in cunis exstingui, adeoque considerari, ut partes & appendices tantum istorum parentum, & spe simul omni salutis ac medio omni ei potiundi privati? Adde, hæc imputationem peccatorum personalium parentum ab Animadversore tradi, imputationem verò peccati Adami negari, quod tamen radicale & naturale. Iudicet quæso denuò Lector, quis nostrum candorem adhibeat in disputando, & quis de soliditate sollicitus sit, vel non?

V. Addit Animadversor: Neque verò vel parentes, vel liberos quicquam in eo habere quod summo Numini succenseant, & id prolixè probat. Quid mirius & iniquius denuò istâ digressionem & dissertationem potius quàm dissertationem? Nam 1. Peccat ignoratione Elenchi, nec enim quæstio; An parentes vel liberi quicquam in eo habeant, quo iure Numini succenseant? Sed quæstio est; an quos Deus è talibus nasci, in talibus censeri, & in immatura ætate exstingui voluit considerarique, ut appendices suorum parentum, secundum Animadversorem, eos salvari velit? Et an hoc ullâ probabilitatis specie dici possit? *The Supra* itaque *de Animadversor*, & digressionem quærit non necessariam, in qua luxuriet ratiociniis nihil ad rem facientibus. Nos & animæ gloriæ vel summi Dei ius & hic ubique agnoscamus, qui & pro suo arbitrio ac potestate suâ agit cum creatura sua, & iustissimè creaturam corruptam, etiam tenellam, ut ova serpentum elidit vel proterit cum serpentibus, quia elidi vel proteri meruerit. 2. Parentes ipsos in causa esse, cur non sit illa gratia ad ipsorum liberos transmissa, haudquaquam castigatè dicitur ab Animadversore, nec primò absolute dari potest, cum ad pessimorum etiam parentum liberos interdum Deus gratiam transmittat, verbi gratâ ad Ezechiam ex Achazomatum, sic è barbarorum gremio Deus liberos quandoque transfert in Ecclesiam miris modis, & flagitiosissimorum parentum liberis sæpe sui timorem induit, ex adverso optimorum parentum filiis interdum non item, ut Chamo nato ex Noacho, Ismaeli ex Abrahamo, Esauo ex Jacobo. Adde, denuò ignoratione Elenchi peccari, nec enim quæritur, an parentes in causa sint istius rei, sed an Deus, qui vult hos infantes ex his parentibus nasci, qui in causa ejus rei sunt, & in primo flore ætatis exstingui, tales servari voluerit? An poterant infantes cavere vel impedire, ne ex talibus nascerentur, vel ne exstinguerentur hac ætate? An hoc ipsum impedire poterant etiam eorum parentes? 3. Ignoracione Elenchi denuò peccat Animadversor, dum probat, liberos non habere quod Deo hic succenseant? At enim id in quæstione inter nos? sed diverticula captanda erant, ut *Judith*

xia id genus pro bona merce obtunderet Lectori. Quæstio una hæc est; *an Deus voluerit tales servari, quos in nativâ ista corruptione qua illis omni modo inevitabilis est, sine ullo remedio perire vult?* Quicquid enim de vocatione parentum illorum dicatur, liberi eorum in se peccatores sunt, & in parentibus tantum vocantur, quam vocationem per ætatem audire non possunt, ne physica quidem potentia, ob organorum imbecillitatem, & eorum carentiam, quæ ad intellectus & voluntatis, facultatum illis connatarum, exercitium requiruntur. Censentur tamen coram Deo peccatores singuli personaliter, & eo nomine plectuntur. Nec ulla nobis lis, an Deo hoc liberum non fuerit, & illis & aliis, nullam omnino gratiam suppeditare?

4. Frustra digreditur, si quid sit de quo conquerantur, id ad unum ex tribus istis revocari debere. Nullam enim prorsus conquerendi de Deo causam habent, & minus longè quàm lutum conquerendi de figulo, quod tamen nullam habet, quamvis figulus ipse etiam creatura sit, æquè ac lutum, minus creatura causam conquerendi habere potest de creatore. De fundamentis itaque istius querelæ inaniter disputare, est *ὅμοιωσις τῶν πλῶν τῷ θεῷ*.

5. Nulla sanè illis injuria facta, quod geniti sint ex parentibus incredulis & impenitentibus, adeoque causam expostulandi non habent. Liberrimum enim fuit Deo sic dispensare eorum generationem, ut ex talibus nascerentur; Quæstio tantum, an quia ita de iis dispensare voluit, voluerit eos salvari? Mera itaque verborum ludibria nobis oggerit Animadversor, dum subjicit, *Deo liberum fuisse, secundare semen hominum infidelium, & vim generandi à se inditam in eis ita influxus sui concursu prosperare, ut non in cassum erumpat, vel fructum ex eo genitum conqueri non posse.* Annon hoc est narrare *μὴ ποτὶ θεῷ φανεῖν*? Annon ista omnia inter nos *ἐξ ἀγνοίας*? Nec hujus enim nec ullius querelæ jus damus creaturæ in creatorem. ¶ 6. An etiam dicimus, injuriam liberis illis saltam, quod non sint alterius quàm (non parentis) sed parentum à quibus geniti sunt conditionis? Liberrimum sanè Deo fuit, vel eos transferre ex conditione in qua geniti erant, vel in ea relinquere. Nulla itaque quæstio, an Deus qui nullam parentibus spem gratiæ ostendere potuit, potuerit etiam illam ita dispensare, ut parentum & liberorum eadem conditio esset? Frustranea ista omnia. Nec Deus eo nomine, ex sententia nostra, ullo modo culpari potest: sed quæstio est, an quos in hoc statu, pro liberrimo beneplacito suo, relinquere voluit, eos voluerit salvari? Si hoc voluisset, vel eos ex aliis parentibus eduxisset, vel eos traduxisset in statum alium, vel ad ejusmodi ætatem saltem perduxisset, in qua suæ spontis essent & sui judicii. Adde, Deo facile fuisse, aliam rationem inire in creandis hominibus verbi gratiâ vel plures homines independentes à se invicem, creando, ut plures Angelos, vel peccatum Ada-

mi personale reddendo, vel ante peccatum, liberos ex Adamo educendo, vel omnes actu ex eo liberando. Varii itaque modi sapientiæ Dei deesse non poterant, quibus vel intercederet peccati introductioni in hos infantes, vel mederetur ei jam introducto. Potuisset etiam efficere, ut quamvis parentum & liberorum id genus eadem conditio esset *quoad naturam*, haudquaquam tamen eadem esset, *quoad gratiam*. Quia verò à *posteriori* patet, Deo hoc non libuisse, concludendum, Deo non libuisse, ut tales salvarentur. 7. Sanè si Deus tales infantes ullo modo salvari voluisset, vel saltem *gratiam objectivam* aliquam ad illos extendere, necessarium omninò fuisset, eum impedire, ne exstinguerentur in cunis, sed ut ad eam ætatem pervenirent, in qua vel τὸ πρῶτον ὁ Θεὸς intueri saltem possent, vel aliquo modo ipsi ad Deum vocari. Quamvis enim tales istà luce objectivâ in natura proposita haudquaquam salutariter uti potuissent sine Spiritu Dei, vel suo *propre ingenio*, aut *suâ penitentia* corrigere id quod in eorum nascendi conditione triste fuit, aliquâ tamen saltem probabilitatis specie dici posset, aliquam vocationem talibus objectam, quod de infantibus istis nulla ratione, dici potest. Homo sanè *suo ingenio* in peccatis natus corrigere non potest corruptionem in qua natus est, non magis quàm mortuus suam mortem, leprosus suam lepram. Nec quaestio est, *annon parentes in liberos transmittant ea tantum, quibus ipsi fruuntur*. Quamvis enim ne hoc quidem universale sit, in eo taneùm difficultas est, an Deus, qui voluit infantes nasci ex parentibus istis, qui in eos nihil transfunderent nisi peccatum & mortem, & statim exstingui, illos salvari voluerit? Hic stringendus est nodus. 8. Peccatur denuò *ignoracione Elenchi*, & inutili rhetoricatione, Deum, ad quem *societatis humane procuratio* attinet, de liberis infidelium statuere è *re communi*, & eos vel sinere vivere, vel immaturo fato præripere, uti rebus humanis conducibile esse iudicat. An de hoc disputamus, Animadversor? Annon potius, an Deus infantes istos, quos ex parentibus infidelibus nasci vult, & immaturo fato præripere, & de quibus ita statuere, conducibile iudicat rebus humanis, salvari velit? An quod hîc è *re communi* esse dicitur ab Animadversore, est è *re particulari* istorum infantium? Et quî hoc ipsum conciliari potest, cum opinione de voluntate Dei omnes & singulos salvandi, velle ut tales propter *rem communem* priventur omni *gratiâ & objectivâ & subjectivâ* simul? 9. Egregiam etiam solutionem nodi à nobis nexi notet Lector! Fateatur Animadversor, *hominum nativam corruptionem* tantam esse, ut nisi Deum eam spiritu suo corrigas, evenire non possit, quin invitationes ad *penitentiam* respuant. Siu hoc ita se habet, ut revera se habet, an ab ullo homine sano dici potest sine aperto ludibrio, Deum illis quorum nativam corruptionem tantam esse novit,

& quo-

& quorum corruptionem suo spiritu corrigere non vult, salutem velle, sub conditione, ne corruptionem istam vel habeant, vel exerant, respondendo invitationes ad penitentiam? 10. Si etiam illi, quos penè nascentes præfocuit, ita corrupti sunt, ut, si adolescerent, pro communi hominum vitio τὸ γυναικὶν ipsius oblatum spernerent, & non possent non spernere, & sic ad reatum qui peccatum originale naturaliter sequitur, novam culpam adderent ex contumacia, & sic iram in se exaggerarent, nec possint aliter ob istam impotentiam sibi connatam, & invictam quidem, an quæso ab ullo homine Majestatis divinæ reverente dici potest, Deum vel infantes tales, vel adultos, quos in hoc statu relinquere planè constitutum habet, salvari velle? An etiam hoc posito non dici debet, invitationem per τὸ γυναικὶν τῷ Θεῷ omnibus id genus cedere in malum potius, quàm in bonum, adeoque tales injustè sic invitari, si credimus Animadversori. Sic enim disputat alibi: Si non potest illis ullo modo utilis esse ista invitatio, neque debet esse damnosa. At necessario damnosa est ex verbis supra dictis. Quis verò ferat, inquit Animadversor, quemquam ex ulla re magnum damnum accipere debere, ex qua nullum omnino emolumentum capere potest? 11. Denuò declinat statum controversiæ Animadversor. neque enim quæstio, annon sic infantes præfocati à Deo, antequam adolescant, minùs peccent & mitiùs puniantur, quia ad reatum qui peccatum originale naturaliter sequitur, novam culpam non addunt ex contumacia, & sic iram in se non exaggerant; sed, an Deus illos salvati velit, quos vult nasci in peccato originali, & nasci ex parentibus prorsus infidelibus, & maturè tolli antequàm adolescant? Quod ostendendum erat Animadversori, nec alia omnia agenda, & de Atridarum scapha litigandum. An dubium, Deum illos sapienter tollere in ista ætate, & id cedere ex eventu quasi factum esset misericorditer, ita ut magnâ parte maledictionis, quæ aliqui inevitabilis erat, miseri illi infantes levarentur? Ista omnia ἐξ ἀρχῆς, quæstio tantùm est, an Deus tales omni parte maledictionis levatos voluerit, & ipsis ullo modo evitabile fuerit, non nasci in peccatis, vel non nasci ex talibus parentibus. An prohibere etiam potuere, ne talium parentum appendices essent, vel ne damnarentur? Sed de eo adhuc aliàs, inquit Animadversor. At hic de eo agendum erat sufficienter, & decidenda semel res tota. Istud aliàs nullibi reperitur, & mera fuga est. Alibi enim, ubi hac ἐνστάσις urgetur, vel dictæriolis illam excipit, solutione Theologo dignâ, vel dictatorem agit Animadversor, vel interpretem τῷ ἐξήκοντῳ, & strepitum infantum ut sibi molestum nos amoliri jubet pro imperio. His inter se collatis nisi deprehendat Lector candidus, apertissimè fugere Animadversorem, nec quicquam solidè respondere ad nodum sibi nexum incidendum, causam non dico, quin plures adhuc prænas optimus sui Panegyristes



gyristes sibi ipsi occinat, & citharâ suâ magnificè victorias suas sibi gratuletur. Non mirum interea videbitur Lectori, si argumentum istud, velut *ἡ ἐσχάτη* quoddam *ἀμύμα*, ex quo nulla sophistica se unquam expedit Animadversor, pro rē natâ sæpius ipsi impingamus, quippe quod immotum & suo robore subnixum stat; plenèque à nobis ab omnibus ejus argutariunculis hīc vindicatum fuit.

## CAPVT XV.

*An misericordia universalis evertat decretum Electionis  
& Reprobationis.*

## BREVIARIUM Capituli decimi quinti.

**A**rgumentum nostrum. Exceptio Animadversoris. Dicta à nobis de decretis Dei vindicata. Hastatio inanis Animadversoris. Ordo decretorum ab eo constitutus. Remonstrantium ordini geminus. Absurda consequentia universalem *φιλανθρωπίαν*. Illam *ἀντιμίας* potius esse quàm misericordiam probatur. Verba Animadversoris retorta in causam ejus. Quis ordo concipiendus in decreto & executione. An Deus servet ob fidem, ut damnat ob incredulitatem. An decretum servandi suspendi debeat ex prævisione fidei. Dogma heterodoxum notatum. Synodi Dordracena judicium. Animadversor cum se ipso commissus. Prævisio fidei & electio ex ea expensa. An prævisio obstinationis sit causa decreti Reprobationis. An id sequatur ex damnatione consequente obstinationem. Verba Animadversoris retorta in causam ipsius. An Deus decreverit fidem dare vel negare ante decretum servandi vel damnandi. Absurda axiomatis ab Animadversore positi. An omnibus fuerit oblata promissio ad credendum. Falsa suppositio Animadversoris. Ordo executionis ab eo confusus cum ordine in decernendo observato. Quæ ratio prioris & posterioris concipienda sit in decretis Dei. Verba Animadversoris retorta. Obiectum an omnibus propositum, & cum intentione salvandi dici possit. Abus variis prærequisiti ante exactionem fiducia in illud obiectum. Aberratio à questione notata. Quæstio qua controversa. An ex propositione Christi directâ etiam ad reprobos sequatur, Christum illi propositum esse ad salutem. Argumentatio non distributo ad distributum notata. Electio & reprobatio male descripta ab Animadversore. Aberratio alia à questione. Qui transeat aliquid ex possibili in conditionem futuri. Concessa ab Animadversore, retorta. Universalis *φιλανθρωπία* evertit decretum Electionis & reprobationis, probatum. Absurda varia istam *φιλανθρωπίαν* consequentia. Ordo datur in iis quæ Scriptura Deo tribuit, non in iis quæ illi assignantur.

**I. T**hesi X. hoc argumentum etiam à nobis propositum fuit: Misericordiam universalem evertere decretum Electionis & reprobationis. Exceptiones Dissertatoris à nobis confutatas habebit Lector in Exercitationibus, quas non regerimus molis operis nostri contrahenda.

II. Quid ad nostra reponit Animadversor in specimine suo ? I. *spe-  
 kuator* agit, & dicit, *se nescire quibus gradibus ascenderit usque ad æternam  
 illam decretorum divinarum constitutionem.* Quid verò à me de decretis illis  
 dictum in Thesis ? 1. Ea æterna esse, an hoc dubium ? 2. Ea esse non  
*voluntatis* cujusdam *consequentis* duntaxat, suspensæ sive à conditione, sive  
 à prævisione conditionis, ut nimirum eligatur quem prævidit Deus cre-  
 diturum, rejiciatur, quem prævidit futurum rebellem & incredulum ad  
 suam vocationem. An hoc etiam ulli orthodoxorum retrò vel dubium,  
 vel improbatum ? 3. Conditionis præstationem esse ab ipso decreto effe-  
 ctivo, omissionem à decreto permissivo & directivo. An ista vel ex ipsius A-  
 nimadversoris sententia falsa ? 4. Conditionis prævisionem inniti ipsi  
 decreto; nec aliam rationem dari posse, cur possibilia transeant in condi-  
 tionem futurorum in æternitate. At id ipsum mirum videri non debet,  
 vel novum Animadversori, gemina quippe tradita antehac à Camerone.  
 An itaque causæ quicquam hic erat, cur hæreret Animadversor dubius,  
*quibus gradibus eò ascenderit ?* Scriptura duce eò ascendi, quæ decretum  
 Dei sive ejus-volutionem & beneplacitum facit causam omnium, & pri-  
 mum inter omnia, & ex eo ducit omnium vel effectum, si bona sint,  
 vel permissionem & directionem, si sint mala: sana etiam ratio ostendit, decre-  
 tum Dei prius esse prævisione ejus, quum opposito ordine vel constitu-  
 to, vel admisso, decretum reddatur inutile, & supervacuum, ut alibi à no-  
 bis demonstratum. Ostendat jam nobis ex adverso Animadversor, qui-  
 bus ipse gradibus ascenderit ad istam Decretorum Dei, quam fingit, *fabricam*,  
 nimirum Deum primò prædestinatione conditionali universali omnes sal-  
 vatos voluisse, vel voluntatem saltem universalem conditionatam ha-  
 buisse omnes salvandi, sub conditione; *Secundò*, eum voluisse dare Me-  
 diatorem sub ista conditione omnibus & singulis mortalium; *Tertio*, eum  
 prævidisse omnes & singulos fore incredulos; & sic inanem fore & præ-  
 destinationem istam suam & redemptionem universalem & conditiona-  
 tam, nisi daret aliquibus conditionem, ob eorum incredulitatem; *Quarto*  
 eum voluisse aliquibus dare gratiam conditionem præstandi, aliis non;  
 Et sic voluisse illos salvari, hos damnari. Vbi Scriptura hunc ordinem  
 tradit ? Et quid ille differt ab ordine decretorum à Remonstrantibus  
 nostris constituto ? An Principi etiam vel homini sano ejusmodi desti-  
 nationes assignari possunt vel sine ludibrio, vel sine notatione summæ in-  
 spicientiæ ? Scilicet Deus nondum præviderat in prima ista voluntate uni-  
 versali & conditionali, quæ esset hominum conditio, quæ ad credendum  
*adverbia*, & quam frustra & prædestinationem poneret universalem &  
 redemptionem, utramque conditionatam, suspensam à conditione,  
 quam

quam nōverat homines nec habere, nec habere sine dono suo posse, adeoque quæ voluntas universalis respectu omnium illorum, quibus conditionis gratiam facere nollet, non esset voluntas tales salvandi, sed damnandi potius. Nec sanè Princeps præscijs omnium istorum, & tamen beneficium à condicione suspendens, & conditionis à se solo pendentis gratiam paucis facere volens, reliquis beneficium seridè velle sed nolle potius dici vel posset, vel deberet! Benevola itaque ista voluntas, vel primà misericordia, vel inenarrabilis φιλανθρωπία ab Animadversore constituta, abit in meram *Σοφοσύνην*, & voluntatem damnandi non electos omnes, & necessariò quidem. Proponere enim alicui thesaurum sub conditione quam scias ab eo præstari non posse, quæcunque impotentia intercedat, modò exinsuperabilis sit, est cum vel non proponere, vel proponere ad ludibrium.

III. Addit; *Se tutissimam viam putare, si quid Deus fecerit in tempore, & quam rationem in quacunque re sequutus sit, diligenter observemus.* Haud enim aliter Deum egisse in tempore, quam quomodo se ætèrnum esse decrevit ab æterno. Servare ergo homines ob fidem, damnare ob incredulitatem. Illos igitur servare decrevisse, quia prospexerat futurum esse ut crederent, hos damnare constituisse, quia futurum esse præviderat ut adversus Evangelium obstinati manerent; Ista verò partim ambigua, partim heterodoxa & falsa. 1. *Ἐπὶ τοῖς βίαιον* retorqueri possunt in Animadversorem; Si enim ex œconomia Dei in tempore adhibita judicandum de decreto æterno: Quia Deus in tempore omnes & singulas peccato & reatu involvi voluit, innumeris tamen, vel omnia vel sufficientia saltem media ad salutem perveniendi negavit, merito inde concluditur, Deum noluisse tales salvari. 2. Limitatè & cautè aphorismus Animadversoris intelligendus est: Quamvis enim in tempore ea eveniant quæ Deus decrevit, & prout illa decrevit, haudquaquam tamen idem est ordo in decreto, qui est in executione, & contra. Nam in decreto, nostro considerandi modo, semper naturâ præcedit decretum de fine, sequitur decretum de mediis, in executione verò prius adhibentur media, quam attingatur finis. Et quamvis unum duntaxat decretum constituatur de fine per certa media obtinendo, quod convenientissimum, semper prioritatem naturæ finis prior est in intentione mediis, quippe quæ sunt, propter finem, hic verò non propter media, in executione verò ordo inversus est, ut notum omnibus. 3. Falsam, Deum servare homines ob fidem, ut damnat ob incredulitatem, quia incredulitas causa meritoria est damnationis, fides salutis non item. Servat itaque Deus per fidem potius quam ob fidem, quamvis damnet ob incredulitatem. 4. Deum illos servare decrevisse, quos prospexerat futurum esse ut crederent,

& αἰρεολογον & est αἰολογον. Annon etiam hic statuitur disertè cum Remonstrantibus & heterodoxis aliis, *electio ex fide prævisa*? Quid Arminius urfit crebrius quàm hoc ipsum, & ejus sequaces? Quid Synodus Dordracena habet Can. 1x? Annon negat *Electiōnem* esse factam *ex prævisa fide*, sive ut *causas*; sive ut *conditione in homine eligendo prærequisita*, & *electiōnem* factam esse *ad fidem*, non *ex fide*. Quid etiam est *Electiō*, nisi decretum servandi? Annon Rejectione V. quoque dogma istud de electione ex fide prævisa perstringitur disertè in Heterodoxis? Si excipiat, se aliter sentire de causa fidei quàm Remonstrantes. Ab ista loquutione istorum hominum etiam abstinere debebat, nec circumducere Lectorem inutiliter per spiras istas; & quum statuatur, electionem esse decretum dandi fidem, *electiō* non potest esse decretum servandi *ob fidem*, sed *per fidem* tantum. 5. Qui etiam Deus prospexit futurum esse, ut aliqui crederent? Annon vel in castrafemi-Pelagianorum concedendum, vel dicendum, ideò Deum hoc prospexisse in his, non in illis, quia decrevit his gratiam fidei largiri, aliis non. Neque enim istius prævissionis fundamentum dari potest aliud. Quò verò evadit ista argumentatio, hoc etiam ordine observato? Nimirum, Deum aliquos servare voluisse, quia illis voluit fidem dare. At voluntas dandi fidem non est prior voluntate salvandi ordine naturæ, sed posterior. Nec enim Deus vult hominem salvare ut credat, sed vult eum credere ut salvetur. 6. Adde, Deum sæderatorum infantes salvari velle, etsi non credant, & salvari velle multos impios & hostes suos quos ex talibus facere vult amicos & credentes, adeoque non si credant, sed ut credant. 6. Falsum, Deum constituisse reprobos damnare, quia futurum esse præviderat, ut adversus Evangelium obstinati manerent. Qui enim obstinationem istam in innumeris prævideri potuit, quibus noluit Evangelium prædicari? Adde, quæstionem redire, qui Deus præviderit homines vel Evangelio opus habituros, vel adversus id obstinatos mansuros, nisi postquàm decrevit omnes involvendo esse communi lapsu, & inemendabili corruptione, & Electos tantum ex eo educendos per fidem in Filium. Omnia itaque in merum Dei beneplacitum tandem revolvuntur. Adde, eandem obstinationem Deum præviderisse in omnibus, futuram, ut adversus Evangelium obstinati manerent, nisi isti corruptioni intercederet gratiâ internâ. Quum verò communia nullum faciant discrimen, non potuit ista prævissio damnationis illius causa magis esse in his quàm in aliis.

IV. Addit: *Antequam Deus hos condemnet, illos verò servet, illos credidisse alicui, hos autem Evangelium respuisse, quum tamen essent & ex aqua, & ad unum omnes corrupti, atque omni credendi virtute defecti ac destituti.* At 1. Falsum univer-

universaliter, antequam Deus, omnes qui condemnantur, condemnet, illos actu Euangelium respuisse. neque enim id dici potest nisi de illis quibus id oblatum, haudquaquam verò de innumeris aliis. 2. Non dubium, actu Euangelium respuisse multos, antequam actu damnentur. At quæstio est, non de exequutione decretorum, sed de decretis ipsis. Sic actu aliqui bene sunt operati, antequam serventur, nec tamen Deus idè illos salvare voluit, quia prævidit eos benè operaturos, quum id ipsum quod benè operati fuerint, à mera ipsius gratia sit. 3. Doceat etiam nos Animadversor, an credere potuerint sine Dei dono illi qui non fuerunt ordinati ad vitam æternam à Deo, & aliter facere, quàm respuere Euangelium? Quod enim alii crederent actu, id idè factum, quia erant ordinati ad vitam æternam, ut disertè tradit Scriptura. 4. *Ἐν τῷ βίαιον, quia omnes ex equo erant corrupti, & omni credendi virtute defecti ac destituti*, an seridè dici potest, Deum eos, quos novit esse tales, & incorrigibiliter quidem per naturam, voluisse servari, sub conditione ne essent tales? Et cur omnes sunt tales, nisi ex decreto, ut unus homo liberrimè quidem, necessariò tamen simul, laberetur in peccatum, & omnes in do? An qui hoc voluit, nec istud vitium correctum voluit in plurimis, omnes salvari voluit? 5. *Ἐξ αἰώνιον*, quod addit, Deum in eos qui credidè, aliquam Spiritus sui efficacitatem exeruisse, in iis qui increduli permansere, neutiquam. Præterquam verò, quod magnam efficacitatem, non aliquam, (quippe quam Apostolus vix satis, efficacissimis etiam & amplissimis, verbis congestis Eph. 1. 19, 20. extollere se posse censuit) exeruit in iis qui credidè, quia in aliis eam exercere voluit, in aliis non, & sine ista efficacia fieri non poterat, ut reliqui crederent, fieri etiam non poterat, ut reliqui salvarentur. 6. Cogitur Animadversor ea probare quæ dixi de prævisione Dei, nostro concipiendi modo, innitente Dei decreto. 7. *Ἀφ' ὧν planè & ἀλογον*, Deum decrevisse aliis dare fidem, alii verò eam denegare, antequam eos actu servare vel damnare decerneret. Quid absurdius? Deum prius decrevisse id quod habet rationem medii, antequam decerneret id quod comparatè respectu istius habet rationem finis? Quid putidius quàm Medicum prius decernere pharmaci exhibitionem, antequam cogitationem suscipiat de sanitate ægri, hominem lapidum & lignorum struem congerere ad ædificationem domus necessariam, ante cogitationem de ædificio exstruendo? Et quum inversus sit ordo intentionis & executionis, prius Deus salvabit homines vel damnabit actu, post illis dabit fidem, illis negabit, si audimus Animadversorem. Novà sanè hic Dialecticà opus, æquè ac novà Theologîa.

V. Addit: Antequam alii crederent, alii non crederent, omnibus promissè atque indiscriminatim obtulisse promissionem ad credendum. Ad enim ex-

perientiâ constare, & ipsa ratione confirmari. Fidem omnem esse actionem quandam intellectus in seipsum amplectentis, & incredulitatem esse actum itidem intellectus in seipsum respuentis. Omnem autem talem facultatis operationem, objecti propositionem necessariò præcedere, neque id me diffiteri. Antequam igitur Deus apud se decerneret, huic dare ut actum illum intellectus exerceret, permittere verò ut ille cum exercere aspernaretur, constituisse utrique offerre illud objectum commune promissionis, sine quo nullus talis actus futurus erat. Observet Lector 1. καὶ ἑλκεῖ & falsum esse, & τὸ ἐν δαχρῶν, Deum omnibus promiscuè & indiscriminatim obtulisse promissionem ad credendum. Innumeri enim ne verbum quidem de ista promissione unquam audivêre. Et quum in vocatione per verbum tantum proponatur, & ista nunquam fuerit universalis, nec propositio promissionis talis censei potest. Imò inter ipsos vocatos per verbum nonnisi illis verè oblata fuit promissio, qui respicebant. Reliqui sub Lege manebant, ad quos minz Dei pertinebant, non promissiones. 2. Fidem actionem intellectum duntaxat esse, vel solius, vel exclusivè, & falsum est, & merum novæ Theologiæ placitum. 3. Εἰς αὐτὸν ὅλον, omnem facultatis operationem necessariò præcedere propositionem objecti, ut quæ fertur in objectum. Falsum verò, si fides est actus intellectus, & fertur in promissionem: Ergo Deus antequam decerneret huic dare, ut actum illum intellectus exerceret, permittere, ut alius cum exercere aspernaretur, constituit, utrique offerre objectum commune promissionis. Nam & τὸ ἀνεξαρτήτως αἰωνιότητι decretorum Dei, quæ uno nunc constat, & indivisibili quidem; ac stante non fluente, ut habent Scholæ, haudquaquam convenit: Et datâ etiam consequentiâ, tantum referri posset ad illos quibus actu Evangelium annuntiatur, vel promissio ejus, non verò ad omnes omninò homines; Et nihil falsius, quàm Deum constituisse illud objectum commune promissionis offerre omnibus & singulis. Adde, in ordine quidem executionis ista dari, primò proponi objectum credendum, postmodum demum ejus excipienda gratiam dari vel negari. At in ordine intentionis id absurdum, quia secundum hunc Deus uno & simplicissimo decreto, naturæ suæ convenienti, ab æterno voluit servare electos suos per fidem in Christum, quàm illis daret, & quia hoc decrevit, voluit simul & promissionem proponere, & electis suis gratiam facere eam amplectendi, aliis non. Sic si Rex vellet gratiosum ad dignitatem aulicam evehere, per media ad istum finem consequendum convenientia, verbigratiâ, per fortitudinis ipsius in monomachia aliqua demonstrationem, ad quam armis & auxiliis necessariis eum instrueret, alium deprimeret, per istam ejus in pugna, cui nollet illa subministrare quæ alteri offerre decrevit, etsi in executione Rex primò proponeret monomachiam, dignitatem promit-



promitteret vincenti, utrumque ad pugnam incitaret, arma & auxilia subministraret uni, alteri non, sequeretur tandem unius victoria, alterius clades, victoris erectio, depressio victi, nemo diceret, in intentione ista hoc ordine à Rege decreta, sed primò finem, deinde media, vel saltem media ob finem istum animo conceptum. Adde, ea propriè duntaxat habere *rationem prioris & posterioris* in decreto Dei, secundum ordinem nostrum concipiendi, quæ se habent ut finis & media; jam quum & propositio objecti & ejus amplexatio ingrediantur unum ordinem medii adæquati ad salutem à Deo constituti, utique dici non debet, Deum apud se decernere unum antequàm decernat alterum. 4. *ἡ τὸ βίαιον*, eo ipso quia Deus decrevit, secundum Animadversorem, objectum commune promissionis utrique offerre, his verò dare, ut actum illum fidei exerant, aliis non, reliquorum salutem velle seriò dici non potest, sed damnationem potius, ob negationem absolutam medii ad illius assecutionem necessarij, & ex hypothesi statùs, in quò tales esse supponuntur, quando illis objectum propositum dicitur. 5. Objectum utrique, hoc est, electo & non reprobo, adeoque ex hypothesi Animadversoris, omnibus & singulis qui in utroque ordine communiter offerri, falsum. innumeris enim non offertur, ut omnium seculorum experientia docet. Imò ne vocatis quidem per verbum *communiter* offertur. inter eos enim, ut dictum, quidam sunt respicientes, alij non; illis offertur, istis non item, sed ab istis exigitur prius *τὸ μετάνοιαν*. Adde, oblationem objecti, sine operatione Dei necessaria ad ejus amplexationem, non proponi posse ad salutem ab eo, qui novit subjecta quibus proponi dicitur, carere ista rectitudine intellectus & voluntatis suæ, sine qua nec intelligere possunt verum spirituale, nec amplexari Bonum ejusdem ordinis. 6. Adde in objecti istius propositione actus exigi varios à variis. Priores semper præexigi, verbi gratia, ut homines agnoscant se & peccatores esse, & corruptos, & damnationis æternæ reos, ut seriò doleant de peccato admissio, & offenso Deo, ut credant, salutem haberi non posse per legem, nec per vires nostras, nec per ullam creaturam, sed per Messiam solum, & illum Messiam esse Jesum Nazarenum, *Ἰησοῦν Ναζαρενόν*, & omnes credentes in eum salvandos. Qui hos actus præstat, ille demum jubetur credere, Jesum illum Nazarenum esse suum Salvatorem, & verà fiducià in eum ipsi recumbendum, & in eo uno conquiescendum. Non ergo communiter quibusvis offertur illud objectum promissionis, quum innumeri vel nullum ex prioribus actibus præsent, vel aliquos saltem non præsent. 7. Peccatur *ignoracione elenchis*, nec concluditur quæsitum. neque enim quæstio est, vel an Deus proponere potuerit Christum in tempore, in verbo Evangelij, velut commune bonum,

bonum, omnium nimirum & sporum credentium, vel, an potuerit id decernere: Sed quæstio est, an Deus, qui decretum illud Electionis & reprobationis adeoque decretum de efficientia fidei in electis, negatione illius efficientiæ in non electis ab æterno formavit apud se, ex quorum uno sequitur necessariò communicatio fidei & salus, ex altero incredulitas & dampnatio, quamvis diversimodè, ut ostensum in Theſibus, illud *per efficientiam*, istud *per permissionem & directionem*, utramque tamen infallibilem, an, inquam, Deus iis Christum proponere decreverit ab æterno, vel proponat in tempore, ut salventur per eum, quos reprobavit ab æterno, adeoque quibus denegare voluit operationem necessariam ad fidem iis ingenerandam? Quæstio itaque non est, an proponi potuerit Christus reprobis, sed an proponi iis potuerit ad salutem, & eà voluntate vel intentione ut per eum salarentur, ab eo qui novit & incredulitatem non electorum invictam, & decretum suum de non danda illis gratiâ fidei? Si quæras, cur ergo illis proponit Christum? Causas varias ejus rei dari, alibi ostensum, verbi gratiâ, ut aliqui ex illis ad aliquod tempus fidem vel historicam vel temporariam etiam concipiant, coercantur in reverentia aliqua Christi & obedientia quâdam, externa saltem, & sic mitius peccent, & mitius puniantur, ut excusatio omnis tollatur, aliis de non proposito ipsis objecto, & ut ex aliorum incredulitate commendetur aliorum fides, & quia sæpe illi se ingerunt in cœtus filiorum Dei qui non habent vestem isuptialem. Si itaque causæ diversæ dari possint propositi objecti, illatio ista inconsequens est: Christus propositus est non electis: E. ad salutem. Procedit enim à non distributo ad distributum, vel à genere ad speciem affirmativè. 8. Electionem consistere in decreto effectivo fidei, reprobationem in decreto *permissivo & directivo* incredulitatis, & quidem vel *adequatè*, vel *præcipuè*, vel *exclusivè*, falsum est. consistit enim Electio primò in segregatione æternâ certarum personarum ex massa peccati, & in decreto tales salvandi per fidem, secundariò demum consistit, nostro concipiendi modo, in decreto illis dandi fidem. Similis ratio ex adverso Reprobationis, quæ denotat primò segregationem æternam peccatorum, quos Deus vult relinquere in sua corruptione, & in iis justitiam ac severitatem suam & liberrimam etiam *αὐτοκρατορίαν* demonstrare, cui velut subordinatur, secundùm conceptum nostrum, volitio negandi iis gratiam emergendi ex corruptione sua. 9. Objecti communis propositio ex communi & universali Dei *φιλανθρωπία* & misericordiâ est *πᾶντων ψόδος*, & res enim falsa, & ejus fundamentum, ut demonstratum.

VI Subjicit Animadverſor: *Prævisionis divine negotium sic perspicuè explicari?*

*plicari: Possibile esse, obiectum offerri communiter, vel non offerri. Deum decrevisse id oblatum iri promiscuè atque indiscriminatim omnibus. Tùm possibile illud transivisse in conditionem futurorum. Possibile fuisse vel neminem credere, vel omnes Euangelium amplecti, si Deo sic libuisset, vel alios amplecti, alios verò respuere. Deum decrevisse alios ab aliis secernere, quibus fidem indulgeret, reliquis præteritis; Sic transivisse possibile in conditionem futurorum. Et qua vi decretorum ex possibilibus certò futura facta sint, illa Deum tanquam futura prævídissè, prævísione qua decreto nitebatur. At 1. Vel explicatio nostra Animadversori probanda erat, vel confutanda, & vitia ejus ostendenda. Haudquaquam verò à nobis dicta evertere potest, quin contradicat Cameroni Magistro suo, qui idem argumentum eodem modo exequitur. 2. Possibile fuisse, obiectum offerri communiter, vel non offerri, haudquaquam vel controversum inter nos, vel ad rem nostram pertinet. Poterat sanè Deus Christum vel promissionem & nemini offerre, & offerre omnibus; Deum verò decrevisse id oblatum iri promiscuè & indiscriminatim omnibus, falsissimum, & τοῦ δόξαν, ex sententia Animadversoris, ut qui vel universalem oblationem intelligere debet, vel non concludit id quod est in quæstione. Ludit verò à ambiguitate phrascos, dùm promiscuæ & indiscriminate oblationis meminit, quippè quæ speciosius jactari potest, quàm universalis. 3. Ex decreto sanè Dei possibile transit in conditionem futuri, potius quàm futurorum, ut loquitur; Falsum verò, oblationem universalem, ut ut possibilem, transivisse unquam in conditionem futuri, vel Deum id decrevisse. Repugnat enim omnium temporum œconomia. 4. Possibile sanè erat, vel neminem credere, vel omnes credere, si Deo sic libuisset, vel alios amplecti verbum, alios respuere, quod ipsi libuit. Ista ἡ ἀγώνια, sed solenne hoc Animadversori, evagari & digredi ad non controversa, & altum silere de controversis. 5. Deum decrevisse alios ab aliis secernere, quibus fidem indulgeret, reliquis præteritis, & sic transivisse possibile in conditionem futurorum, extra controversiam etiam. Quia verò Deus hoc ipsum decrevit, & præteriti omnes inevitabiliter sunt increduli, noluit istos omnes servari, ob negationem medii necessarij ad salutem, & à se solo liberrimè constitui; & à se solo pendentis. 6. Notet etiam Lector, post maxandos multos, tandem Animadversorem id ipsum dicere, quod dixi, nimirum quæ vi decretorum (vel decreti potius) ex possibilibus certò futura facta sunt, illa Deum ut futura prævídissè, prævísione qua decreto nitebatur. Prævídicit itaque reproborum incredulitatem vel corruptionem invictam, & ex ea damnationem, quia ista ut evenirent, & certò quidem, quamvis reproborum vitio, decrevit.*

VII. Quærit tandem Animadversor: Quid desiderem in doctrina sua, ut

decreta Dei æterna sint, & certissima eadem, tametsi Electio & reprobatio ab universali misericordia non evertantur? Quid in doctrina ipsius desiderem, facile erat colligere ex Exercitationibus meis, & argumentis in iis doctrinæ isti oppositis. Satis, me hîc evincere, illâ stante decretum Electionis & Reprobationis non posse esse æternum, quia vult universalem Dei *φιλανθρωπίαν*, & voluntatem universalem conditionatam omnes salvandi priorem esse decreto Electionis & Reprobationis. An verò id æternum esse potest, quò aliquid prius? Sin dicat, istam voluntatem priorem tantum concipi *ordine natura* decreto Electionis & Reprobationis, & supponit id quod est *ἐν ᾧ*, ac non enti adscribit accidens, & Deo adscribit evanidum affectum, quem novit in æternum inutilem fore innumeris, & non posse non esse talem, & ei tribuit actum ab omni sapientia alienum, bonum alicui proponere cum intentione eum salvandi sub conditione, quam sciat ipsum nec habere posse, & Christo directè contradicit, qui testatur se tales *nunquam* nosse, quod falsum esset. *Nosset* enim tales, hoc est, amâset prius voluntate istâ universali conditionatâ. Mutationem etiam Deo adscribit, ut qui eos quos reprobavit, adeoque odit, amare desinit, quamvis prius illos amâset voluntate istâ universali. Imò Deo affingit voluntatem benevolam, quæ non tantum ludibrium est, sed & sententia damnatoria. Velle enim homini incredulo incorrigibiliter bonum sub conditione, ne sit incredulus, est non tantum illi illudere, sed & velle ei oppositum malum, quod scit illum non posse non incurrere ex ista conditionata propositione beneficii, ob impossibilitatem, quæ in eo, cujuscunque generis sit, conditionem præstandi, & ob decretum ei conditionis gratiam à se solo pendentem negandi. Simul & semel etiam Deus vult omnes & singulos salvari, & id non vult. Nec sufficit excipere, Deum id velle *conditionatè non absolutè*. eo ipso enim quò id velle censetur sub conditione quam novit nec dari in hominibus corruptis, nec dari posse, eo ipso eorum salutem non velle dici debet, sed nolle. Et sic evertetur ista *φιλανθρωπία*, & convertetur in *μισανθρωπία*, & reddetur Dei Sapientiæ & bonitate omninò indigna, ob rationes datas. Si itaque ponatur in Deo, evertetur necessariò & æternitas & veritas decreti Electionis & reprobationis. Nec ullus mortalium æternum Dei odium erga eos quos *nunquam* novit, antequàm quicquam fecisse censerentur boni vel mali, conciliabit cum universali illa *φιλανθρωπία* & voluntate conditionata omnes & singulos salvandi, adeoque nec decretum Reprobationis, quippe per quod Deus absolutè ab æterno decrevit plurimos in corruptione & damnatione relinquere, vel sine omnibus vel sine sufficientibus ad salutem mediis, quæ tamen secundum universalem istam *φιλανθρωπία*

*πίαν* Animadversoris à Deo omnibus offeruntur. Si excipiat, media ista prius considerari ut oblata à Deo & ut rejecta ab homine, repugnat Apostolus, & Esau exemplo docet decretum Reprobationis factum sine intuitione ejusmodi mali actûs. Et quamvis *momentis temporum separata* sint, quum fiunt, nullistamen temporum articulis vel *separari* vel distinguì dici debent, ut fatetur, dum *decernuntur*, quippè quæ in æternitate decernuntur, quæ caret omnibus temporum differentiis. Et quia quæ decernuntur à Deo, decernuntur *uno & indivisibili mentis actu*, quî quæso hoc concipi potest, Deum uno & indivisibili actu omnes velle salvari & nolle, multos & amare per *φιλαθρωπίαν* universalem, & odisse tamen per reprobationem, nôsse illo modo, non nôsse istò, velle illis salutem priori modo, non posteriori? Judicet qui suæ spontis est, an ista uni & indivisibili actui adscribi possint vel debeant, quin Deum & ridiculum faciant, & in diversa simul trahant, ut nolit uno actu, quod vult altero, & vice versâ. Si seriò velit salutem omnibus & singulis ex *φιλαθρωπίᾳ* universali, seriò non vult decretum reprobationis, sin seriò istud velit, seriò non vult universali *φιλαθρωπίᾳ* omnium salutem. Pone etiam ab æterno concipi *φιλαθρωπίαν* illam universalem, ut priorem, reprobationis decretum ut posterius, in tempore tamen, quando Deus vocat peccatorem, si Animadversorem audimus, Deus reprobum amat istâ *φιλαθρωπίᾳ*, & vult illum servari sub conditione saltem, etsi secundum decretum Reprobationis, quod omni vocatione antè, ut quæ in tempore demùm fit, vult illum & inevitabiliter esse incredulum, & ineluctabiliter damnari. Et *φιλαθρωπίᾳ* talis erga reprobum suspensâ à conditione, quam scias nec esse in reprobo, nec esse posse, non amor est, sed ludibrium conjunctum cum odio. Velle enim puellam ducere, ut simile Animadversoris usurpemus, sub conditione ne sit deformis vel in re tenui, & scire, eam esse & deformem maximè & pauperrimam, nec velle utrumque defectum ablatum, quamvis in manu illius sit, ac solius quidem, qui hoc velle statuitur, utrumque auferre, æquè illi illudere est, ac velle salutem alicui sub conditione quam scias eum nec habere, nec habere posse, nisi te dante, & quam nolis ei dare: Est enim non velle illi salutem, sed nolle, adeoque velle eum in sua damnatione & corruptione relinquere. Quis reorum conditionatam ejusmodi gratiam Principis erga se, sub conditione ne vel reus sit, vel gibbosus, vel strabus (si talis naturâ sit) non ludibrium potius interpretetur quàm gratiam? Dissimilitudinis quoad impotentix distinctionem, confutationem habet Lector in superioribus. Nec sufficit excipere, *quæ in Deo tempore simul sunt, nec indivisa modo sed indistincta, illa à nobis concipi debere, ut natura momentis διηγεμῶσα*, nec enim

id in *thesi* negatur, ratione illorum quæ revera Scriptura in Deo concipienda docet, negatur tantum respectu eorum, quæ Scriptura in Deo concipienda non docet, & quæ Deo & insipientiam affingit, & bonitatem conjunctam cum ludibrio, qualis est *φιλανθρωπία* ista universalis conditionata, ut demonstratur. Non sequitur itaque, si decretum à nobis concipiatur antierius prævisione; Ergò *φιλανθρωπία* universalem concipiendam ante decretum Electionis vel reprobationis, quia Deum & prævidere futura, & prævidere ea, quia decrevit ea vel facere vel permittere, docet Scriptura, *φιλανθρωπία* verò istam universalem & conditionatam non item, quæ inter *Milesias fabulas*, vel *Lamias turres* referri debet.

## CAPVT XVI.

An voluntas redimendi per Christum omnes & singulos peccatores in Deo universalis fuerit?

## BREVIARIUM Capitis decimi sexti.

**A**rgumentum nostrum. Querela iniqua Animadversoria. Ejus distinctiones. Examen earum. Ignoratio clenchi notata & aberratio à quasiene. An productio fidei sit species applicationis salutis. Fidei & productionis ejus mala descriptæ. Verba Animadversoria retorta. *Τὸ ἐν δεξιᾷ* repetitum. An volitio conditionalis universalis impetrationis & applicationis salutis Deo adscribi debeat. Affectata à questione digressio. Quis sit finis impetrationis vel fidei, vel salutis. Absurda assertio Animadversoria revicta. Quid per finem impetrationis à nobis intelligatur. *Τὸ ἐν αὐτῇ* nudè repetitum. An finis impetrata salutis sit actualis ejus communicatio sub conditione fidei. Suppositio falsa notata. An finis impetrata salutis sub conditione omnibus sit declaratio amoris Patris, & charitatis Filii. Absurda notata. An homines possint incredulitatem exuere si velint. An salus conditionatè sit impetrata omnibus. Qui ipsa conditio impetrata dici possit. Principii petitio absterfa. An aliquid sub conditione non præstabili impetratum verè impetrari dicatur. *Τὸ ἐν δεξιᾷ* Animadversori impactum. Absurda assertio notata. An fides aliquibus non conferatur propter eorum incredulitatem. Impetratio salutis conditionata revicta. Exceptio & distinctio Animadversoris super τὸ frustra excussa. Petitio τὸ ἐν δεξιᾷ notata. Distinctio de fine absoluto & conditionate expensa. An Pater & Filius consequuamur charitatis suæ exercitium ex ostensione dici debeant in impetratione conditionata salutis. Probrosa Deo affecta. An Deum illis intenderis salutem qui eam exciderunt. Petitio alia & *ἐν δεξιᾷ* notata. Absurda Deo tributa. An procuratio conditionata redemptionis potuerit fieri sapienter & misericorditer. De causa nova Theologia excogitata.

**I.** Hec XII. tale etiam argumentum à nobis redemptioni universali fuit oppositum: Si voluntas redimendi per Christum omnes & singulos peccatores, in Deo universalis fuit: vel talis fuit quoad impetrationem sive acquisitionem salutis, & quoad ejus applicationem



nem simul : *Vel quoad impetrationem sive acquisitionem tantum. At non prius, ut ἐξαρτύων, & notum, nec posterius, tum quia impetrationis vel acquisitionis finis est applicatio; tum quia nihil apud Deum impetratur vel acquiritur, quod non actu conferatur: tum quia vel eadem sphaera & latitudo objectiva est impetrationis & applicationis, vel non: Si prius, omnibus quibus impetratur, etiam applicatur: Si posterius, frustra impetratur, quod scit & ille qui impetrat, & ille apud quem impetrat, nec applicatum iri, nec applicari posse, & cuius applicandi facultatem innumeris largiri noluit is qui solus eam largiri potest.* Rēgessit quādam obiter Dissertator, quæ discussa à nobis accuratè in Exercitationibus. Nec dubito, quin ex collatione dictorum ex utraque parte animadvertat Lēctor, inconcussum stare argumentum nostrum.

II. Quid ad hæc Animadversor? 1. Promittit se ad unumquodque dilemma meum breviter & ex arte respondurum, ut quid ex eo consci possit, omnes nullo negotio intelligant. Bonum verò factum si id præstiterit! 2. Concedit, si voluntas redimendi per Christum omnes & singulos peccatores in Deo universalis fuerit, vel talem fuisse quoad impetrationem sive acquisitionem salutis, & quoad ejus applicationem simul, vel quoad impetrationem sive acquisitionem tantum. Quiritatur tantum, quod hæc paulo obscuriora sint, explicanda cum tempore in sequentibus. At nihil clarius utroque dilemmatis membro, quippe in quo & aperta ac sufficiens partium est enumeratio, & sufficiens earum distinctio ac oppositio. Et quia à me negatum, voluntatem illam Dei universalem fuisse quoad impetrationem & applicationem simul, distinguendam sibi censuit applicationem, & aliam esse dicit, quæ consistat in rei impetrata actuali communicatione, aliam, quæ consistat in operatione aliqua per quam promissiones de re ipsa communicanda ita admoventur ad intellectum, ut eos admitrat & amplectatur. illam applicationem priorem eodem modo ad Dei voluntatem universalem referri, quo refertur impetratio ipsa. Vt enim, inquit, Deus voluit Christum per mortem suam impetrare omnibus salutem, modò crederent, sic Deum voluisse salutem illam ita impetratam omnibus, actu communicare, modò credant etiam. Posteriolem verò applicationem ad voluntatem illam universalem non referri, sed ad particularem, quæ Deus voluit si dem creare operatione sui Spiritus in nonnullis, non verò in omnibus. Itaque prius illud, si de applicatione, quæ in donatione fidei consistat, intelligatur, extra controversiam esse & in confesso inter nos. At 1. Distinctio ista nec dilemma meum ferit, nec sibi constat. Dilemma agit disertè de applicatione salutis, non de applicatione promissionum ad intellectum, hoc est, de productione fidei, adeoque per applicationem salutis intelligitur tantum rei impetrata actualis communicatio, an nimirum voluntas Dei per Christum redimendi omnes & singulos peccatores fuerit, omnibus actu communicare salutem

impetratam, vel non. Si prius, omnibus salutem actu communicandam : si posterius, frustra id impetratum dici, quod scit & ille qui impetrat, & ille apud quem impetrat, nec applicatum iri, nec applicari posse, & cuius applicandi facultatem Deus innumeris largiri noluit, qui solus eam largiri potest. 2. Et quî, quando agitur de *salutis* applicatione, dicit Animadversor, *aliâ* esse, quæ consistat in rei impetrandæ *actuali communicatione*, *aliâ*, quæ consistat in operatione aliqua, per quam promissiones ita admoveantur ad intellectum, ut eas admittat? An enim fidei productio est species applicationis salutis? *Quid* dilutum magis? Atqui se habent comparatè, ut *medium* & *finis*, *antecedens* & *consequens*? Et an distinguenda est applicatio beneficii in ejus communicationem actualem, & in collationem gratiæ officii præstandi? Nec magis donum fidei est applicatio salutis, quàm restitutio membri luxati ad luctam vel cursum necessarij est applicatio brabei in lucta vel cursu consequendi: Membra distinctionis etiam debent pertinere ad naturam distincti, & non ad id quod eam præcedit. Denuò δὲ ξαν. suam repetit Animadversor, fidem nihil aliud esse quàm actum intellectus admittentis promissiones, & productionem fidei, quàm operationem per quam promissiones ita admoventur ad intellectum, ut eas admittat, quæ sunt novæ Scholæ placita. 3. *Priorem applicationem eodem modo ad Dei voluntatem universalem referri, quo impetrationem ipsam, ominosè dicit Animadversor.* Id enim ἡ τὸ βίαιον retorquemus: Quemadmodum ubicunque datur applicatio, ibi præcedit impetratio; sic ubi non datur applicatio, nec impetratio præcedit, adeoque quibus non applicatur salus, iis impetrata non fuit, quibus verò impetrata fuit, iis actu applicatur. 4. Deum voluisse Christum per mortem suam omnibus impetrare salutem, modò credant, coccyssinus est, & mera repetitio τὸ ἐν ἀρχῇ. Dicet fortè cum tempore, quum è Musæo suo, audire possit Doctissimum Philosophum docentem, aliter esse disputandum. Nec melioris commatit est quod addit, Deum voluisse salutem ita impetratam omnibus actu communicare, modò credant etiam. Volitio ista conditionalis & impetrationis & applicationis sub conditione fidei histrionia mera est tum respectu omnium illorum quibus conditio nunquam proposita, tum respectu omnium illorum quibus proposita quidem, sed quibus ejus præstandæ gratia non facta, qui cā perpetuò & necessariò quidem destituti manent. Quibus verò impetrata salus, secundum ipsum Animadversorem? Incredulis, & invictè quidem talibus, & qui non magis possunt credere ex se, quàm naturam suam incorrigibilem mutare. Sub qua conditione tamen illis impetrata statuitur? Vt credant, hoc est, ut id vel habeant vel faciant, quod nec habere possunt nec facere, talibus itaque hoc modo

vel

vel impetrare velle salutem, vel applicare nihil aliud est quàm miseriz eorum illudere velle, & veteri adjicere novam. Neutiquam itaque Deo affingendum, quod vel hominem impostorem argueret.

III. Pergit Animadversor: Argumentum nostrum est. Si voluntas redimendū omnes & singulos peccatores in Deo universalis fuit, & talis fuit tantū quoad impetrationem vel acquisitionem salutis, eam absurdam fore, quia *impetrationis vel acquisitionis finis est applicatio*. Quid verò regerit? *Distinguere se dicit denuò de applicatione*. At non distinguit disputator de re, sed rem. Si applicatio, inquit, significat fidei donationem, nego fidei donationem esse finem impetrationis salutis. At agitur disertè de applicatione salutis, ut patet ex Thesi, aliud verò est, *applicatio salutis*, aliud *donatio fidei*. Nec donatio fidei sub applicatione salutis continetur, ut membrum divisionis sub suo divisio. Frustra itaque & parū candidè hīc digreditur Animadversor ab argumento. Nequicquam etiam addit, fidei donationem non esse finem impetrationis salutis. Quis enim tale quid unquam somniavit? Margiten esse oportet vel strychni potorem, qui hoc asserat? Clarum, impetrationem fidei habere pro fine comparatè, applicationem vel collationem fidei, impetrationem salutis, collationem vel applicationem salutis. Non itaque docendi eramus ab hoc Doctore, *Christum nobis salutem non impetrasse, ut crederemus, fidem verò nobis indulgeri, ut salute impetratā fruamur*. Et quia fides indulgetur nobis, ut medium ad salutis fruitionem, ut ad finem, ineptè ipsa salutis collatio distinguitur in ejus communicationem, & in donationem fidei.

IV. Dubitare verò non debuit Animadversor, actuale salutis communicationem hīc à nobis intelligi, ut finem impetrationis. Quid verò ille? Distinguit denuò *finem absolutum, & conditione affectum*. Finem impetratæ salutis absolutum esse communicationem ejus actuale, negat, sed finem absolutum, impetratæ omnibus salutis à Christo esse, inquit, declarationem admirabilis *Φιλανθρωπίας* Patris, & incredibilis charitatis Filii. Finem verò conditionatum impetratæ salutis esse actuale ejus communicationem. Salutem enim Christum omnibus impetrasse, ut omnibus pariter actū conferatur, si credant. Negari autem, ex eo, quod Deus in redemptione per Christum factā talem finem conditionatum habuit ante oculos, sequi, ejus voluntatem de redimendis hominibus non esse universalem. Contrarium potius sequi. Observet Lector. 1. Finem impetratæ salutis conditionatum, esse actuale ejus communicationem, respectu omnium si credant, est ipsum *κενόςμενον*, centies repetitum, quamvis confutatum, quod ridiculum, respectu omnium illorum, quibus haudquaquam revelata vel salus acquisita, vel persona illius per quem acquisita, vel modus, vel conditio. 2. Adde, finem impetratæ salutis

Statuere

statuere actualem ejus communicationem sub conditione fidei respectu incredulorum, qui eam nec habent, nec habere possunt, & qui ut incorrigibiliter ex se increduli Deo & Christo objiciuntur in impetratione vel acquisitione salutis, & quos Deo tales relinquere placet, esse Deum *ἠνχαρίκατον*, Lectores cercopithecos fingere, & fungos. An verbi gratiâ Mephiboseto regiam dignitatem polliceri, sub conditione ne sit claudus, benevolentiz documentum fuisset, an insultationis vel ludibrii? Dicere itaque, talem finem conditionatum Deum in Redemptione habuisse ante oculos, indignum est eâ Dei perfectione, quâ Deus Deus est & ex eo fingere Jovem *μυκτηρίζοντα*, & naso suspendentem miseros mortales. Si etiam finem ejusmodi habuisset, quod falsum, haudquaquam habuisset voluntatem universalem de salute omnium, sed meram noluntatem tantum. 3. Finem absolutum impetratæ omnibus salutis in Christo (quod supponitur, denuò non probatur) sub ejusmodi conditione, esse *declarationem vel admirabilis φιλανθρωπίας Patris, vel incredibilis & inenarrabilis charitatis Filii, splendide* denuò supponitur. Non Entis verò nullus finis est. Adde, nihil magis ad Dei contumeliam facere quàm tale quid ipsi assignere & adhuc cum *ἠνχαρίκατον* admirabilem vocare *φιλανθρωπίαν & incredibilem ac inenarrabilem charitatem*, voluntatem ridiculam redimendi cæcos sub conditione ne sint cæci, mortuos, ne sint tales, incredulos incorrigibiliter, ne sint ita increduli, qui tamen non possunt non esse quod sunt, & quos novit Deus per Christum redimens, & ipse redimens Christus tales futuros in æternum, nec aliter sine nova gratia esse posse. Si Animadversor in incurabilem aliquem morbum (quem ab ipso prohibesset Deus) incideret, & Medicus ipsi polliceretur plenam curationem, sub conditione, ut partem morbi æquè incurabilem vel non haberet, vel curaret ipse, quam tamen non magis curare posset, quàm totum morbum, annon Medicum istum juberet sibi res suas habere & agyrtam ac ludionem censeret, & dignum in quem vivum mortui incurerent boves? Incredulitatem verò partem morbi esse, quo laborent homines, & gravissimam quidem ac incurabilem, ex nobis ipsis, nemo negare potest. Nec excipi potest, homines posse exuere incredulitatem istam *si velint*, præterquam enim quod hoc ipsum vel periculosè dicitur, vel *ἀκυρολόγως* saltem, satis est eos hoc non posse velle, & impotentiam illam moralem quoad certitudinem eventus æquè invictam esse ac impotentiam naturalem, ut ipse fateri cogitur. Hinc patet quâ *primam rationem* nostram evertat Animadversor.

V. Ad *secundam rationem* accingit se in sequentibus, sed eodem successu: *Secundam rationem meam esse*, inquit, *quia nihil apud Deum impetratur vel ac-*  
*quiri-*

quiritur, quod non actu conferatur. Merito verò id à me assertum. Excipit, nihil impetrari absolute, quod non actu conferatur. At salutem non esse omnibus absolute impetratam: Nihil verò impetrari conditionatè à Deo, quod non actu conferatur, negari, & esse meram principii petitionem. Frustrà verò denuò ista: Nam

1. Nisi absolute impetretur salus, non impetratur. impetrare enim eam alicui sub conditione, quam præstare non possit, non tantum per defectum facultatum, sed & per defectum virtutis in facultate, modò illud sit ipsi incorrigibile, est eam non impetrare. Illi enim omnes quibus impetrari statuitur salus, semper debent supponi hic (quod negare nequit Animadversor) ut conditione illà defecti & destituti, & incorrigibiliter quidem.
2. Falsum, salutem conditionatè omnibus impetratam, & hoc ipsum est merum *καυχήμα*, quod denuò nobis recoquit Animadversor, & pro responsione obtrudit, quamvis confessum & confutatum soricinà magis, nixià in Exercitationibus passim. Adde, absurdè dici, aliquid impetrari à Deo conditionatè, quod non actu conferat, si conditio sit inter ipsas res impetrandas, & è præcipuis quidem. Quæ enim tantum impetrantur sub conditione, quam impetrans novit nec præsupponi in subiecto, nec ab eo præstari posse, ea non impetrantur, vel per ludibrium tantum impetrata dicuntur. Et de impetratione ipsius conditionis quæstio reddit, sub qua conditione illa impetrata sit, an absolute an conditionatè. Nec ulla Animadversoris se hinc unquam expediet subtilitas.
3. Principii petitionem melius aliquando efferre discet à Doctissimo quem audire potest Philosopho. Eam verò mihi hic impingere non potest, qui non doceo, impetrari salutem conditionatè à Deo, sed absolute, etsi per conditionem obtinendam, sed quam Deus dat absolute quibus vult, negat quibus vult. Impetrata verò illa æquè est ac ipsa salus.
4. Judicabit etiam Lector, an hoc sit, supponere quod vel dubium vel controversum esse debet, nihil à Deo impetrari quod non actu conferatur. An enim oppositum non reddit impetrationem ridiculam? Pone reo veniam impetratam à Principe, & tamen illum in furcam agi. An seriò illa impetrata gratia dici poterit? Nec limitatio, quam addit Animadversor, quicquam vix habet, de eo sermonem esse, quod impetratur conditionatè à Deo, satis, id fieri dicatur, sub conditione quam scias nec esse, nec esse posse in subiecto. sic enim aliquid impetrare subiecto, est ei nihil impetrare. An dici poterit sine *μικρολογίᾳ* aperto conditionatè impetrari à Titio, beneficium Sempronio, si discat volare, vel si testudo perambulet orbem. Eadem enim, quod solum spectamus, futuritionis rei impossibilitas est, quamvis non ejusdem generis. Nihil conditionatè impetrari sapienter dici potest, nisi quod impetratur sub conditione, à qua & impetrans & ille à quo impetratur,

tratur, norunt, nullâ impotentia, quæcunque illa sit, subiectum arceri. Aliàs aliquid impetrare *sub conditione*, & non impetrare æquipollent. 5. *Thesis* Animadversoris habet verè τὸ ἐν δόξει, salutem fuisse omnibus impetratam sub conditione fidei, *quam tamen paucis actu conferat ob incredulitatem aliorum*. Id verò falsissimum esse à nobis retrò demonstratum in Exercitationibus, adeoque vel rationes nostræ omnes confutandæ erant, vel non reponendum dogma, quod ut aurum cin. sionum tandem in fumum abit & vaporem. Sed occidit miseris crambe repetita Magistros. Quid absurdius verò, quàm dicere, *fidem paucis actu conferri ob aliorum incredulitatem*? An enim fides ulli confertur ob ipsius fidem? Et annon opus fidem conferri alicui, ut desinat esse incredulus? Et si fides alicui non confertur, quia incredulus est, nemini confertur, vel conferri potest, omnes enim naturâ sumus increduli. Etsi ergo fides non conferatur alicui ob ejus incredulitatem, ut causam; incredulitas tamen non obstat, quominus conferatur. Imò necessariò confertur, ut desinat incredulus.

VI. Addit: *Tertiam rationem dilemmaticam esse, tum quia secundum me, vel eadem sphaera & latitudo objectiva est impetrationis & applicationis, vel non: si prius, omnibus quibus impetratur, etiam applicatur: si posterius, frustra impetratur quod scit & is qui impetrat, & ille apud quem impetrat, nec applicatum iri, nec applicari posse, & cujus applicandi facultatem innumeru largiri noluit is, qui solus eam largiri potest. Quid excipit Animadversor? Distinguo, inquit. nam si applicatio est actualis communicatio salutis, eadem sphaera est & latitudo objectiva impetrationis & applicationis, si eo modo considerentur, quo applicatio ex impetratione pendet. Ut igitur impetrata est omnibus si credant, sic etiam omnibus actu conferretur, si crederent. At quis non impetrata est omnibus nisi credant non applicabitur omnibus, nisi credant pariter. Nihil verò hic præter nebulas in pariete. nam 1. vel novit, vel nosse debuit, applicationem nobis esse actualem communicationem salutis, eandem verò ipsius latitudinem esse debere, quæ est impetrationis, ostensum ipso Dilemmate. 2. Impetratam esse salutem omnibus si credant, falsum. Sic enim idem foret, eam incorrigibiliter incredulis impetratam esse, & non impetratam. Impetrata verò est illis, quibus impetratum est ut credant, & ut per fidem salventur. Nec quicquam Christo magis indignum, quàm vel in incertum eventum impetrare aliquid, si hoc vel illud sequatur, vel in eventum non attingibilem iis, quibus aliquid impetrasse censetur, ob *ἀδυναμίαν* præstandi conditionem, quam novit esse in subiecto, quæcunque illa sit, satis, sit *ἀδυναμία*, adeoque quum sciverit Christus redimens innumeros nec eredituros, nec posse credere, nec se velle illis dare ut crederent, nonnisi absurdissimè illis im-*

petrasset



petrasset salutem, sub conditione *si crederent*. Nexus cæteroquin datur inter fidem & actualem collationem salutis. Falsum verò, Deum voluntatem habere actu omnibus salutem conferendi *si credant*, magis quam actu omnes Israëlitas servandi sub conditione, *si omne id quod præceptum in Lege faciant*, quippe qui scivit illos id nec facturos, nec facere posse. Et impetratio itaque & applicatio conditionalis sub conditione *si credant reprobis*, mera sunt ludibria hominum Evangelii doctrinam & Christi meritum prostituentium, & in histrioniam ac scenam convertentium.

VII. Subjicit: *Se distinguere illud frustra*. Aliud enim frustra dici quod sit *remerè*, non sapienter, non misericorditer; Aliud frustra fieri dici, quod caret successu, cujuscunque rei vitio id accadat. Priori modo se negare, frustra impetratam esse salutem omnibus, quam & ille qui impetrat, & ille apud quem impetrat, scit nec applicatum iri, nec applicari posse. Negotium enim istud de redimendū omnibus sub conditione fidei susceptum esse & sapienter & misericorditer cum à Patre, tum à Filio. Posteriore modo distinguendum esse successum. Alium enim esse successum qui respondet fini absoluto, alium verò qui respondet fini conditionato. De illo successu se negare, dici posse ejus respectu salutem impetratam fuisse frustra. Id enim ex eo cum Pater, tum Filium consecuti sunt, ut memorabilem suam charitatem ac φιλανθρωπίαν exercerent & ostenderent, quo nihil potest esse gloriosius. De hoc successu se concedere, negotium illud factum esse frustra respectu mulierum qui vitio suo salute exciderunt. At negare se, ex eo sequi, absurdum esse, ut Deus talens voluntatem habuerit. Notet verò Lector, 1. Merito à me objectum, sic dici frustra impetratam salutem. Distinguit Animadversor *τὸ frustra*, sed frustra. Revra enim & hoc statuitur frustra, quod caret successu, & necessariò quidem & inevitabiliter. Quis verò mortalium diceretur seriò impetrare alicui beneficium, quod sciret non tantum successu omni cariturum, sed & non posse non eo carere? Adde tale quid statui non posse, quia dicatur fieri *remerè*, adeoque nec sapienter nec misericorditer. 2. Frustrà verò id ipsum negat, sed quâ ratione? Negotium enim istud, inquit, de redimendū omnibus sub conditione fidei susceptum est & sapienter & misericorditer cum à Patre tum à Filio. Quod est ipsum *κατὰ νόμον*, & egregia ratio probandi negatum. Negatur à nobis convenire vel sapientiæ vel bonitati Dei inanem ejusmodi impetrationem, quæ successu omni non potest non carere. Respondet Animadversor noster, id susceptum esse & sapienter & misericorditer. At hoc ipsum negatum fuit, & probandum erat, non repetendum. An projecta ista disputandi ratio non meretur *τὸ συμμάχου* & *κατὰ δόξαν ἡμῶν*? Quis non splenem agitet, atque in risum solvatur?

3. Distinguit miro modo successum qui respondeat fini absoluto, & alium,

qui respondeat *fini conditionato*. illius respectu salutem non fuisse impetratam frustra. Revera opus, opinionem admodum intricatam esse, quæ tot miris distinctionibus opus habeat ut extricetur. Et ubi Scriptura docet, Deum in ista impetratione habuisse, finem *absolutum* unum, *conditionatum* alterum, & hunc quidem, quem novit, sine ullo successu à se intendi & quidem diu post decretum præteritionis innumerorum, ex sententia Animadversoris. Quis verò est *successus* ille respondens, ut loquitur, fini absoluto? Id, inquit, cum Patre Filius consequuti sunt, ut inenarrabilem suam charitatem ac *φιλανθρωπίαν* exercerent, & ostenderent, quo nihil potest esse gloriosius. Estne verò hoc ludere, an disputare? An Deus opus habet, ut aliquid consequatur ex nostra redemptione? An sibi aliquid acquisitum voluit, an nobis? An inenarrabilis est ista charitatis ac *φιλανθρωπίας* demonstratio, quæ nihil potest esse gloriosius, incredulis & necessariò quidem & incorrigibiliter talibus, & quos scias esse tales, impetrare salutem, sub conditione ne sint increduli, quod non possunt non esse? An talia gloriosa Deo sint, vel dehonestamenta potius mera, judicabit Lector. 4. Concedit, id frustra factum respectu multorum qui vitio suo salute exciderunt. An verò Deus illis salutem intendit, vel non? Si intendit, ipse etiam excidit sine suo, non tantum homo. Si eam non intendit, cadit universalis redemptio. Dicere, Deum eam *conditionatè* intendisse, est dicere, Deum eam non intendisse seridò, ut qui novit impotentiam hominis moralem perpetuam ad præstandam conditionem.

VIII. Addit: *Se negare, ex eo sequi, absurdum esse, ut Deus talem voluntatem universalem habuerit.* Nam quæ sunt sapienter atque misericorditer, ita ut præstantes Dei virtutes in eo exerceantur & elucescant, satius causæ habent cur suscipiantur à Deo Sapienti ac misericordi, tamen si homines culpâ suâ nullam ex eo utilitatem percipiant. Verè dictum, nihil esse *ἀπεργαζόμενον* homine iniquo. Quid hic denuò nobis reponitur nisi ipsum illud quod est *ἐν ὁρῇ*, præterquam quod absurdum cumulat ab absurdo. Ut enim absurdum est, Deum talem voluntatem habere, qualem nemo homini non stolido vel non malo planè affingeret, sic absurdum est, dicere, hæc fieri sapienter ac misericorditer respectu Dei, quæ ne mediocris quidem sapientiæ & bonitatis homini sine contumelia tribui possent. Præstantes itaque virtutes Dei in eo exerceri & elucescere mera illusio est. Imò hoc est præstantes Dei virtutes prostituere cavillis omnium, & Tantaleas dapes à Deo miseris mortalibus objectas fingere, quæ labris eorum admoveantur in pœnam tantum & cruciatum. An etiam Deus sibi aliquid quæsit in procuratione redemptionis & non potius hominibus? Qui itaque nullam utilitatem ex ea capiunt, vel capere possunt, quorum bono tamen destinata suppo-

supponitur, eorum respectu reverâ frûstra instituta fuit, adeoque nec sapienter, nec misericorditer, quum præsertim misericordia relationem dicat ad homines miseros, & si seria sit, seriò illis bonum velit, & omne impedimentum ablatur, quod obstarè possit, quominus eo potiantur. Quot quæso opus hîc foret exclamationibus! Sed nolo imitari Animadversoris schemata nec induere cothurnos Scenæ opportunos, non materiæ gravi & sanctæ. Distinctiones istæ, quas adfert, non novæ tantum sunt, ferri enim possent, si solidæ forent; sed putidæ sunt, & mera *αὐτοχρησία*, quæ per-rumpi non debent, dissilari debent, nec quicquam sunt nisi *πευρόλυτες* & bullæ, statu vel tubo excitatæ. De causâ cateroquin novæ Theologiæ excogitatæ & tanto ardore propugnata, & res ipsa & tota Gallia loquitur, & ventosa ista scriptio, in qua Author orationem sibi passim destinat, si non triumphum unus sanè certusque nostrorum & laborum & cordium etiam iudex Dominus est, judicabit ille facilè, quis ambitioni suæ inter nos velificetur, egone qui tritam & communem Ecclesiis nostris doctrinam defendo, an ille qui reverâ à trito calle declinat, & veterem Theologiam, ut scabram nimis & impexam, novò pumice defricare satagit, sed illaudato & illaudabili conatu.

## CAPUT XVII.

An ex non expiatione peccati incredulitatis & impænitentiz, erroris convinci possit doctrina de Gratiâ universali?

## BREVIARIUM Capitis decimi septimi.

**A**rgumentum nostrum truncatum ab Animadversore. Orthodoxi Theologi ab eo per-stricti. An argumentum istud ridiculum sit, an verò sententia ei opposita. Absurda Animadversori impacta. An sanguis Christi abluat ab omni peccato, ex ejus sententia. An incredulus nullius peccati remissio applicetur. *Argumenta varia.* Qui incredulus, & innarrabilis detur charitas in redemptione universali conditionata. An incredulus non sit inter peccata expiata à Christo. Conditionata expiationis incredulitatis absurditas. Simile Animadversoris confutatum. Conditionalis gratia absurda. Particularitatis gratia demonstratio. Pugna nobis objecta confutata & retorica. An argumentum de incredulitatis expiatione ineptum dici debeat. Simile aliud Animadversoris excussum & confutatum. An bene neget Animadversor incredulitatem esse inter peccata expiata à Christo. An reproborum peccata omnia sint expiata conditionatè, & sub qua conditione incredulus eorum expiata sit. Qui irrepescencia talium expiata sit. Sub qua conditione infantium non fœderatorum peccata expiata sint. Argumentum nostrum truncatum. Integrum quale sit. Dissertiolum abstersum. Digressio Animadversoris. In que mortis naturalis & moralis comparatio à nobis adhibeatur. An & qui Christus fidem impetrârit non electi, an absolute, an sub conditione. Andrea Riveti verba vindicata.

*dicata. Quo fine doctrina fidei propenditur non electis. Qui puniuntur non electi ob neglectionem verbi. An lux Evangelica nemini impetretur sub conditione, secundum Animadversorem. An sint duo genera hominum à Christo redemptorum, electi & non electi. Deum electos salvari noluisse, probatum ex ipso Animadversore. Causa cur omnes teneantur credere. Dogma Animadversoris de aequalitate meritis Christi & ordine decretorum eversum.*

I. **A**rgumentum Thesi mea XIII. propositum, truncare visum Animadversori, ut sic proclivior ad evadendum ipsi daretur via. Posteriores itaque duntaxat partem aggreditur, ubi dixeram, vel Christum pro omnibus omnino omnium & singulorum peccatorum peccatis expiandis mortuum esse, vel non: si posterius, cadere universalitatem redemptionis; si prius, pro refectione etiam redemptionis, & pro infidelitate, malitiâ, & aliis id genus peccatis expiandis eum mortuum esse, quæ intercedunt, quominus homo sibi applicet gratiam redemptionis, adeoque ea non obstitura, quominus redemptio applicetur. Nihil sanè hoc argumento firmius esse vel ex solis Animadversoris exceptionibus patet. Si enim redemptio universalis est, debet etiam, ut loquitur, involvere expiationem impœnitentiæ & incredulitatis sive initialis sive continuatæ ad tempus & perseverantiæ ex se, impediendo quo minus sit perseverans ad finem usque.

II. Quid ad ista Animadversor? Id jam supra à se resutatam esse, inquit: Notat verò pag. 70. & 71. in margine ubi me disputantem introducit: *Remissionem peccatorum* (omnibus nimirum hominibus à Christo partam, ex sententia Animadversoris) *intelligi vel universalem, vel particularem*: Si universalem, intelligi etiam remissionem incredulitatis & quidem perseverantis quoque, ipsam enim etiam peccatum esse, & gravissimum quidem; Si itaque omnibus & singulis destinatur applicatio illa redemptionis, & Deus illam applicare velit, non obstiturum defectum conditionis, quominus applicetur, quia defectus ille conditionis inter peccata est, quorum remissio applicatur. Quid verò opponit nobis Animadversor ibidem? 1. Dicit, me non solum ita argumentari, sed & alios multos. Eò melius mihi consultum, quod non nova sed trita vestigia Doctorum Orthodoxorum lego, & aureis eorum armis pugno. 2. *Ridiculum argumentum vocat*, quod solidissimum magnis Theologis, & meritò quidem videtur, homo præ Maximis, quos ridiculos facit Viris verè *μακροθυμοῖς*. 3. Eos, inquit, qui gratiam universalem statuunt, eam conditionatam statuere, hoc est, ex alicujus conditionis præstatione suspensam. At non quaeritur, quid tales statuunt, sed quid statuere debeant. Positio verò illa verè ridicula est, suspendere gratiam universalem à conditione fidei, etsi illis destinatam, quos destinans novit esse pertinaciter incredulos, & invictâ quidem

quidem in incredulitate pertinaciâ laborare, nec aliter se habere posse.  
 4. Frustrâ absurditatem à se amoliri conatur, subjiciendo, ut *gratia illa conditionalis applicetur actû, & evadat absoluta, necesse esse ut conditio fidei præstetur, alioqui non applicari, & quum per fidem absoluta fiat, per fidei detractationem pertinacem & perseverantem evadere nullam.* Semper enim supponitur ista gratia universalis conditionalis, non probatur. Adde, sic semper manere absurdum à nobis nexum, Christum non redemisse homines ab omnibus peccatis, quia non redemit eos à peccato non præstationis conditionis. Si enim redemisset ab omnibus, etiam ab hoc redemisset, nec id obstaret, quominus applicaretur redemptio. Dicere itaque non applicari redemptionem, quia obstat hoc peccatum, est admittere id ipsum, quod ipsi inpegi, absurdum, Christum non redemisse homines ab omni peccato. Et expungenda erunt Scripturæ verba, *sanguinem Filii Dei nos abluisse ab omni peccato*, 1 Joh. 1, 7. vel negandum erit, incredulitatem esse peccatum. Nec hîc dici debet, redemptionem ob istius conditionis defectum non applicari, quum pro ipso conditionis defectu æquè præstita sit, ac pro peccatis aliis, quippe quæ pro omnibus peccatis præstita dicitur. Et sanè, si redemptio à Christo parta extendatur ad hoc peccatum, prout necessariò extendi debet, obstat, ne fidei detractatio sit pertinax & perseverans. Adde, applicationem redemptionis homini incredulo incorrigibiliter à Deo destinari sine voluntate dandi illi conditionem fidei, esse illi eam non destinari. Et redemptio Christi abit in *ἄδωρον ἁδωρον* sine isto beneficio, quod inter præcipua, & sine quo omnia alia inutilia, & nihil nisi semper fugituræ dapes.

II. Addit: *Ad incredulos quod spectat, neque illis applicatur remissio incredulitatis perseverantis, neque cujusquam aliûs peccati.* Quum enim applicatio illius gratia nulla fiat, nisi credant, non credant autem qui in incredulitate perseverant, utique absurdum est, velle ullam gratiam illis applicari. At 1. Vel sanguis Christi abluit redemptos ab omnibus peccatis, vel non. si prius, abluit eos etiam à peccato incredulitatis; si posterius, falsum pronuntiavit Johannes. Hoc verò procul *ἀπὸ ὅλων τῶν ἁμαρτιῶν*! 2. Incredulis nullius prorsus peccati remissionem applicari, est id ipsum quod absurditatem Novæ Methodi proseribit & prostituit. Quum enim & redemptio & remissio destinentur incredulis naturâ, & incorrigibiliter quidem talibus, dicere, redemptionem & remissionem non applicari talibus qui sunt increduli, est dicere, illam nemini applicari. omnes enim natura sunt increduli. Imò si homines non fuissent increduli naturâ, nec corrupti natura fuissent, adeoque Christo opus non habuissent, nec redemptione. Nec sine insultatione & exprobratione miseriz beneficia illa istis destinari dicuntur,

tur, modò ne sint, quod non possunt non esse. Annon verò beneficium destinare subjecto, sub conditione ne sit quod est, est Æthiopi destinare legatum vel hæreditatem sub conditione ne sit niger? Vel itaque Deus mittendo Christum pro reprobis nihil aliud voluit, quàm illudere illorum miserix, vel non potuit applicationem redemptionis per Christum iis destinare sub conditione, si credant, quum unum & è potissimis quidem eorum malis, & unum è maximis eorum defectibus noverit esse impotentiam istam credendi, cujuscunque generis illa dicatur. Et quia *absurdum est*, ut fatetur, *Deum velle ullam gratiam illis applicari*, non minus absurdum est, Deum tales velle salvari: Haudquaquam etiam opus erit disputare de remissione incredulitatis perseverantis, impedit enim redemptione ne sit perseverans. 3. De incredulitate quæ datur in Electis, nulla nobis quæstio, sed de ea quæ reperitur in Reprobis, quæ nunquam emendatur. Sin verò Christus pro omnibus peccatis satisfecisset omnium hominum, pro initiali etiam & inchoata talium incredulitate satisfecisset; quod ipsum obtinisset, ne fieret perseverans. Sin reproborum incredulitas nunquam expiatur vel condonatur à Christo, nec aliâ ratione vel expiari vel condonari potest, idem est reprobis sub conditione fidei proponere Christum, & ejus beneficia gratiam & gloriam sub conditione ne sint increduli, ac ista illis non proponere. Inde duntaxat ludibrium accedit eorum miserix, solatium nullum; Hujus charitatis Christi erga tales declarationem non immeritò sanè vocat Animadversor certo sensu *& incredibilem ac inenarrabilem*. Reverà *incredibilis* illa est & *inenarrabilis*, & non nisi ab illis fingi potest vel deprædicari, qui alios mortales censent caudices, vel stipites. Mirum sanè, quod de Auguribus olim Romæ dictum, harum absurditatum Doctores sibi mutuò sine risu occurrere posse. 4. Scire etiam vellem, quo pretio satisfactum fuerit pro incredulitate antecedente, verbi gratiâ latronis, Pauli & aliorum conversorum. Quum enim & peccatum fuerit, & gravissimum quidem, vel imputabitur talibus in æternum, vel pro eo satisfactum est, & id expiatum est; si sanguine Christi, falsum, incredulitatem non esse inter peccata sanguine Christi expiata. Si alio pretio, ostendat nobis Animadversor, quodnam illud sit. Si *excipiat*, eam etiam expiatam esse, quia tales tandem crediderunt, absurdum saltem non erit, dicere, incredulitatem esse inter peccata à Christo expiata, & eo ipso, quia crediturorum tantum incredulitas expiata, ergo incredulorum incredulitas non expiata, adeoque non omnia omnium peccata abluta sanguine Christi, nec *absolutè*, ut notum, nec *conditionatè*; tum quia ablutio illa proponitur, ut absoluta à Johanne, tum quia dici non potest, sub qua conditione talibus fides impetrata sit,



tum quia conditionalem istam expiationem incredulitatis fingere, quoad incredulos perseveranter, qui naturâ sunt increduli, & quidem tales impotentia morali invictâ, sub conditione ut credant, est *ὀνειροπλεῖν*, non disputare seriò. Adde, quia Deus solum credentium peccata expiata voluit, constituisse eum, ut solum Electorum peccata expiarentur, quippe quos solos ut credentes novit, vel credituros. 5. Adde, suspensionem expiationis istius incredulitatis à fide statuere respectu illorum, quibus nec de fide, nec de expiatione illa Deus quicquam unquam revelare voluit, esse habere *ὡς παρεξηλημένον*, & talem affingere Lectoribus suis. Simile quod adfert Animadversor de Sempronio legante Titio centum aureos eâ lege, si in Capitolium adscendat, inane est. Haudquaquam enim quicquam dicimus, ex quo sequatur, si Titius in Capitolium adscendat, si non, ei centum aureos ex legato donandos. Nec etiam fides hic potest comparari cum conditione ascensus in Capitolium ad legatum illud obtinendum. Quia ascensus Titio possibilis est, vel esse supponitur à Sempronio, & quia facultas ascendendi in Capitolium & voluntas non facit partem legati Titio promissi à Sempronio. At hic fides supponitur impossibilis illis, quibus Redemptor destinatus dicitur. sunt enim naturâ corrupti & invictè quidem, adeoque & invictè increduli. Adde, fidem partem esse beneficii à Redemptore destinati. An verò Sempronius non ludibrium omnibus deberet, vel annon nollet beneficium datum Titio, si illi legaret centum aureos, sub conditione ut pedibus suis ascenderet in Capitolium, & sciret vel Titium truncum pedibus esse, vel habere pedes stupeos aut laneos, aut sideratos ex paralyfi, quos ne loco quidem movere posset. Enim verò legatum à Sempronio sub istâ conditione Titio pedibus valenti relinqui potuit, vel promitti, à Deo verò sub conditione fidei legatum salutis nulli mortalium fieri potuit, quum Deus sciret omnes esse naturâ incredulos, & non magis illam incredulitatem exuere posse, quàm mortuus potest se proripere ex sandapila, nisi simul constituerit incredulitatem illam in eo curare. Legatum itaque vel beneficium relinquere sub conditione non præstabili, morali saltem impotentia, illis qui eâ laborant & incorrigibiliter quidem, est id eis non relinquere. Nec receptum hîc quæret Animadversor in sacra anchora sua, confundi impotentiam moralem cum naturali. Sufficit enim, ipsummet fateri, *eventum utrobique aequè certum esse, & respectu futuritionis aequè necessarium, non electum non credere, & mortuum se non suscitare, esse ex aquo ἐκ τῆ ἐνδεχομένης*. Conditionalis itaque gratia universalis, & quidem sub tali conditione oblata, non sine summa absurditate statui potest, quum detrectatio conditionis, ex qua pendere dicitur, & inseparabilis sit per naturam ab eo cui offertur,

& unam ex præcipuis partibus miseræ istius constituat, cui curanda ista gratia proponi dicitur. Imò eo ipso, quia ex conditione ista pendet, nec universalis est, nec dari potest, quia conditio in plerisque nec datur, nec dari potest. Suspendio itaque ipsa gratiæ à tali conditione, ejus particularitatem arguit, & voluntatem in suspendente eam particularem tantum relinquendi. Pugnant sanè, pendere ex conditione fidei, & tamen esse gratiam istam citra conditionis istius præstationem. Illa verò haudquaquam à nobis conjunguntur, sed ista, Deum suspendere salutem ex conditione fidei, & fidei gratiam illis largiri, quibus salutem vult. Aequè verò etiam pugnant, suspendere gratiam istam ex conditione fidei, quam scias plerosque nec habere, nec habere posse, & quam illis dare nolis, etsi facillimè possis, & tamen dicere, illum, qui ita agit, seridè talibus salutem per istam gratiam velle. Recurrit etiam semper absurdum illud, sub conditione fidei gratiam proponi non tantum iis, qui ad ejus in verbo exactæ præstationem potentiam moralem non habent, sed & iis, quibus nihil nec de fide, nec de ejus objecto Christo unquam innotuit, vel per ætatem etiam innotescere potuit.

III. Ex his patet, quæ Animadversor confutavit hoc argumentum, & quo jure pro solita sua modestia, eo nihil ineptius esse dicat, quod tamen aptè evincit vel Christum non pro omnibus peccatis eorum satisfecisse, pro quibus satisfecit, quod *ἀπολύειν* & *ἀφαιρέω*, nec redemptos in eo habere omnium peccatorum remissionem, vel peccatum etiam incredulitatis hoc ambitu contineri, vel id peccatum non esse, vel novam Methodum absurdissimam esse quod verissimum. Si etiam argumento isto nihil ineptius, cur hoc tribus locis distinctis, & ita operose quidem aggreditur? Id enim quod revera tale, tantam curam non meretur. Et nimis diligens est Animadversor in re levi. Et qui confusionem nobis objicit & repetitiones, eò nos adigit, eadem sapius regerendo. Et vel hic novi quid affert, ad hoc argumentum, vel non, si affert, ostendat id Lectori; si non affert, cur eandem mazam tam sæpè retrò pistam repin- sit? De iis quæ infrà se propositurum pollicetur, agetur suo loco. Quæ verò sunt illa quæ nobis hic oggerit? Si qui docent, inquit, gratiam universalem, eam absolutam facerent, & à nulla conditione pendente, forte an esset in ea ratiocinatione si minus vi, saltem species aliqua, qua mentes hominum commoveret. At quum eam conditionalem esse statuant, utique necesse est, quando conditionem necessariò includit, ut pariter excludat necessariò peccatum in conditionis detractione situm. Notet Lector. 1. Illos, qui gratiam universalem conditionalem faciunt, & quidem supponentem fidem, in subjecto in quo nec est, nec esse potest per naturam, eo ipso istam gratiam reddere ridicu-

lām,

lam, ut demonstratum. Et sanè quia conditionem necessariò includit, & necessariò excludit peccatum in conditionis detractione situm, nec illa verò præstari potest, nec ista excuti vel arceri ab innumeris, quibus gratia ita conditionaliter oblata dicitur, nihil istius doctrinæ positione non dicam *ineptius*, ut loqui solet Animadversor, sed absurdius & alienius à sana ratione. 2. Simile quod addit, revera ejusdem commatis est: si enim edicto publicè promulgato Rex subditis suis rebellibus universis gratiam omnium malefactorum polliceretur eâ lege, ut præstent id quod nõsset eos nec præstituros, nec præstare posse, & quidem ex impotentia ex sua ordinatione & directione contractâ, quam emendare nollet, etsi facillimè posset, & tamen seriò diceretur illis gratiam malefactorum polliceri, nemo Regem illum non vel Histrionem censeret, vel tyrannum, vel insanum. Adde Regis gratiam eâ lege propositam, prout proponitur ab Animadversore, restringi & ad ante acta crimina duntaxat, & ad certos menses, ad certos dies, adeoque subsequenter rebellionem, vel obstinationem post promulgatum edictum, sub prioris abolitione non comprehendi. At redemptio à Christo præstita, & gratia per eum parata non est tantum temporis unius, sed totius vitæ, & omnium peccatorum in ea patratum. Univerfalis itaque non erit, nisi complectatur etiam veniam incredulitatis, quia incredulis oblata dicitur & inturabiliter quidem per naturam talibus. Adde, gratiam Principis non complecti, nec complecti posse correctionem internam rebellionis subditorum suorum, at gratiam in Christo propositam complecti correctionem rebellionis nostræ naturalis, & hanc esse ex præcipuis gratiæ ejus fructibus, tollere istam rebellionem. Quod ipsum Deus facit in suis, vi istius meriti & redemptionis Christi. Si itaque redemptio ista reprobis etiam destinata foret, non sub conditione illis destinata foret, ne istâ miserâ laborarent, sed efficeret, ne eâ laborarent ulterius. 3. Observet etiam Lector Orthodoxus, quî gratiam suam universalem explicet Animadversor, dum inquit, *à se universalem vel gratiam vel propitiationem non appellari, quia absolutè omnia peccata expiet in universum, ne incredulitate quidem exceptâ*. At quibus ista gratia vel destinari dicitur, vel proponi, aut offerri? Iis qui increduli sunt, & inevitabiliter quidem ex se tales. An verò sine aperto ludibrio aliorum peccatorum expiatio talibus offertur, sub conditione ne illud peccatum habeant quod non habere non possunt, & quod non potest non omnem reliquum gratiæ fructum illis inevitabiliter intervertere? Hactenus verò credidère Orthodoxi, Christum pro omnibus peccatis illorum mortuum esse, pro quibus mortuus est, adeoque etiam pro incredulitate; sin pro incredulitate mortuus non foret, unde

illius expiatio dari posset in electis, si à Christi redemptione non est? Nullum sanè peccatum electorum remitti potest, quin sit à Christo expiatum. Sin incredulitas Electorum solum expiata sit, semper incredulitas erit inter peccata expiata sanguine Christi, & eo ipso Christi meritum integrum, ad electos solos pertinet, non ad alios. Si reproborum etiam peccata, *conditionatè* expiata sunt, vel *non omnia* eorum peccata ita expiata sunt, vel *omnia*: si *non omnia*, quæ causa distinctionis? Et qui illi salvari possunt, quorum peccata omnia expiata non sunt, quum vel unum peccatum sufficiat ad damnationem. Sin *omnia* conditionatè expiata sint, sub qua conditione incredulitas reproborum expiata est? An si credant, vel desinant esse increduli? At præterquam quod non possunt desinere esse increduli, absque gratiâ speciali expiantis, non magis, quàm desinere esse corrupti, vel Lazarus mortuus, vel Bartimæus cæcus, nihil ab omni rectâ ratione alienius excogitari potest, quàm gratiam fingere quæ incorrigibili defectu laboranti offerri dicatur sub conditione, ne eo laboret, & ut quod incorrigibile est, haudquaquam sit tale, & quod est ἐν τῇ μὴ ἐνδεχομένῳ, sit ἐν τῇ ἐνδεχομένῳ. 4. Si etiam solâ incredulitate excepta omnia hominum in universum peccata expiata sunt propitiatione Christi, ergò expiata etiam est omnium hominum *irresipiscentiâ*, quippe quæ distincta est ab incredulitate: omnes itaque quibus τὸ γνῶσθαι oblatum duntaxat, non verò verbum Evangelii, debent salvari; quum enim irresipiscencia illorum sit expiata, pœnitentiam agent, adeoque conditionem habebunt & præstabunt exactam ab iis quibus τὸ γνῶσθαι istud tantum revelatum est, & sic cum sub conditionis istius præstatione omnia reliqua peccata sint expiata à Christo, omnia illorum peccata alia sunt expiata, adeoque omnes tales sunt salvandi: Et summi beneficii loco erit tantum vocari per τὸ γνῶσθαι τῷ Θεῷ. Si dicat, se resipiscenciam etiam ponere conditionem, quod sanè facit in sequentibus, de sola incredulitate alibi loqui non debuit, quod sapissimè facit, sed impœnitentiam etiam adungere. An denuò irresipiscencia talium *absolutè* expiata, vel *sub conditione*. Si *absolutè*, resipiscant omnes; si *sub conditione*, detur conditio quæ non recurrat cum conditionato. 5. Docebit verò nos Animadversor, sub qua conditione infantum Gentilium, (nam de illis jam liberè loqui nobis licet, depulsis μεροληψείῃς illis, ob quæ illos abactos voluit) peccata expiata dici debeant? An sub conditione *pœnitentie* vel *fidei*, an sub conditione ne nascerentur ex parentibus infidelibus; vel ne eorum appendices essent, vel ne corruptionem ab illis traherent? Quibus omnibus quid magis ridiculum? Equidem conditionis ullius hæc nec species nec obiectus etiam minimus dari potest. Talium itaque omnium pec-

cata vel absolutè expiata, & sic gentilium liberi omnes salvandi sunt, vel eorum peccata planè non expiata, adeoque omnium hominum in universum peccata haudquaquam à Christo expiata, nec sola excipienda incredulitas vel impœnitentia.

IV. Addit Animadversor: In eodem loco Thesum nescio quam dupliciter dilemmaticam aliam rationationem per varia, si absoluta, si conditionata, si prius, si posterius circumductam, à me adducti, & tandem ita concludi, ut dicam, frustra redemptionem esse impetratam à Christo sub conditione non prestabilis ab homine mortuo in peccatis. Observet Lector 1. Ab Animadversore inverti argumentum Thesi nostra XIII propositum, & caput argumenti caudam fieri, caudam caput, postremâ parte præpositâ, priore postposita, nec argumentum vel suo ordine vel integrè etiam repræsentatum esse, quod candidi Disputatoris fuisset. Thesis verò mea sic se habet: Si voluntas redimendi per Christum omnes & singulos peccatores in Deo universalis fuit, vel absoluta fuit, vel conditionata: si absoluta, omnes omnino redempti suere, adeoque in statum gratiæ restituti: si conditionata, vel conditionem redemptionem sibi applicandi redemptis omnibus Christus impetravit, vel non: si prius, omnes conditionem prestabunt, adeoque fructum redemptionis consequentur: si posterius, frustra redemptionem illam impetravit, sub conditione non prestabilis ab homine mortuo in peccatis. Excipere, impetrâsse quidem Christum conditionem, modò non rejiciatur, est excipere, Christum impetrasse cæco visum, modò aperiat oculos, mortuo vitam, modò resurgat. Non rejicere enim conditionem, est illam præstare; adeoque denuò res volita, & conditio sub qua volita, coincident. Adde vel Christum pro omnibus omnino omnium & singulorum peccatorum peccatis expiandis mortuum esse, vel non; si posterius, cadit universalitas redemptionis; si prius, pro reiectione etiam redemptionis, & pro infidelitate, malitiâ, & aliis id genus peccatis expiandis mortuus est; quæ intercedunt, quo minus homo sibi applicet gratiam Redemptionis, adeoque ea non obstabunt, quo minus ea applicetur. Judicet jam Lector, an hoc argumentum isto disteriolo evertatur, me nescio quam duplicem dilemmaticam aliam rationationem, per varia si absoluta, si conditionata, si prius, si posterius circumductam adducere. Ingrata illa sanè Animadversori, quia causæ jugulum petunt, & effugiis omnibus obstruunt viam. Haudquaquam verò vel contemptu excipienda erant, vel posticâ sannâ, sed confutanda à Disputatore accuratationem & candorem profitente. Nec tædere debebat Animadversorem ea integra & proponere & confutare, quorum refutationem aggressum se esse proficetur. Qui verò ad ista omnia in superioribus responsum fuerit, judicabit Lector æquus. *videtur ipse, etiam adhuc animadversor.* 2. Merito concludo, frustra redemptionem esse à Christo impetratam sub conditione

non præstabili ab homine mortuo in peccatis. Nec unquam à se & causa sua hoc absurdum ulla subtilitate amolietur Animadversor. De *frustra* sanè ab eo actum, sed frustra. De conditione impræstabili à nobis etiam disputatum, & demonstratum, nihil iuvare causam Animadversoris distinctione *potentia naturalis & moralis*, quæ, ipsius vel confessione, in eo conveniunt, in quo à nobis comparantur, quâ unâ fibulâ subductâ luxatur tora Theologi nostri machina. Frustrâ etiam vel suprà se disputâsse gloriatur, vel alibi se tractaturum pollicetur de discrimine hominis in peccatis mortui, & mortui morte physicâ. De eo enim non agitur, nec vel mortes istæ vel mortui exæquantur à nobis in omnibus, sed in aliquo, quod hic *formale* est & ad causam nostram facit, quatenus *eventus* utrobique *æquè certus est, & respectu futurationis æquè necessarius, & non electum credere, & mortuum se ipsum suscitare.* Et quatenus ista sunt ex æquo *ἐν ᾧ μὴ ἐνδεχόμενον*, ut fatetur ipse Animadversor, quod unum quærimus. In eo uno itaque comparatio nostra validissima est, cujus causâ à nobis adhibetur, Animadversoris ipsius iudicio. Differentias itaque alias allegare nihil est nisi digredî à scopo, & ἀνεμὼν ὑπερὶν δυνάμιν. 4. Quod à nobis dictum, excipere non licere, *impetrâsse quidem Christum conditionem, modò non rejiciatur*, id iis à nobis oppositum, qui statuunt gratiam credendi etiam à Christo impetratam, modò ei non ponatur obex, vel modò ei non resistatur, vel modò ne repudietur. Nec enim Theses meæ solius Animadversoris sententiæ oppositæ fuere. Causæ itaque nihil erat cur in eas velut in se unum destinatas, incurreret. Tales verò qui superiora statuunt, meritò à me argumento apagogico ducti ad absurdum. Adde, necessariò dicendum esse, fidem vel fuisse hominibus omnibus impetratam *absolutè*, vel *conditionatè*, ut quæ ex potissimis fructibus est mortis Christi, quam gratia credendi sit effectum Spiritus Dei, Spiritus verò ille per mortem Christi partus fuerit Electis. Sin Electis *absolutè* impetrata fuit ista gratia, vel reprobis *absolutè* etiam impetrata fuit, vel *sub conditione*, vel ne conditionaliter quidem Christus sua beneficia morte suâ non Electis impetravit, vel partem eorum duntaxat. Quodcunque ex hisce elegerit Animadversor, in absurda se induet. Adde, frustranea omnia alia esse sine impetratione fidei, quippe quâ præsentè omnia alia beneficia nobis applicantur, absente, nulla. Nec fidem hîc *ambiguè* accipimus pro *objecto virtutis*, sed pro *virtute*, non pro fide *quæ*, sed pro fide *quâ* creditur. Nihil itaque ad litem nostram facit, quod summum & gravissimum Theologum Andream Rivetum dixisse vult, Christum multis non electis impetrâsse, ut illis doctrina Christiana per prædicationem annuntietur. Satis nobis, Christum non impetrâsse talibus ut salventur, vel ut salvari possent.



Sic ἡ ἀγάπη, Christum exigere à non electis, ut doctrinam quam illis offerri curavit, admittant, atque amplectantur, intellectum nimirum deus qui vocationis externæ per verbum sunt participes. Id verò nec universale est, nec nisi per gradus & certo ordine factum intelligi debet; quæ omnia in Exercitationibus nostris exposita. Haudquaquam interea vel Christus à non electis exigit, ut credant se pro ipsis mortuum esse, vel doctrinam suam illis eâ intentione proponit ut salventur, adeoque vel ut decretum reprobationis suæ æternæ evertatur, vel ut tales desinant esse reprobi & fiant electi, vel ut aliqui reprobi salventur. Sic Christum ingratos & pertinaces interdum ipsa punire; ut ab ipso Evangelium ad alios transferat, sinatque illos jacere in tenebris, qui lucem exosam habuerunt: Id pari ratione inter nos controversum non est. Nec enim negamus, Christum ita multos etiam non electos punivisse & punire, non quod neglexerint salutem sibi oblatam, sed quod verbum & sanctissima præcipiens, & cœlestem doctrinam tradens spreverint, adeoque exactionem poenitentiae Deo debita susque deque habuerint, ut & nuntium istud Evangelicum, salutem esse à Messia, & istum Messiam esse Jesum Nazarenum, & omnes in eum credentes servandos. 5. Sic nos non ferit, quod addit Animadversor, lucem Evangelicam esse objectum quod offertur ad amplectendum, non conditionem. Nec enim id à nobis assertum. Falsum verò ex Animadversoris sententia, eam non propriè loquendo cuiquam sub ulla alia conditione impetrari. Annon verò ipse docet passim; si homines benè utantur τῷ γὰρ, futurum ut Deus illis revelet Evangelium, vel per Angelum, vel miraculosâ aliâ ratione potius, quàm ut id iis non reveletur, adeoque ex sua hypothese, negare non debet, id propriè loquendo sub alia conditione multis impetrari, vel offerri saltem. 6. Duo genera esse hominum à Christo redemptorum, & Electos & non Electos, & falsum est & heterodoxum, & τὸ ἐν δόξῃ, quoad posterius hominum genus; Imò cum credentes tantum sint redempti, & soli electi sint credentes, soli etiam electi sunt redempti. Adde, illum de redemptione absolūtè loqui, non conditionatè. Non electis fidem nullo modo esse à Christo impetratam, libenter largimur Animadversori, sed addimus, nullum beneficium vel gratiæ salutaris, vel gloriæ cœlestis esse illis impetratum sive absolūtè sive conditionatè. Imò καὶ τὸ βίαιον, quia fides illis non est impetrata ullo modo, haudquaquam Deus tales servari voluit. Indubium cæteroquin, eos teneri fidem præstare, sed ordine à nobis indicato, & iustissimè puniri à Deo nō id faciant, datum enim primo homini credere omni Dei verbo, adeoque & verbo promissionis, quodcumque aliquando reveletur, huic itaque etiam, omnes credentes in Christum esse servandos, nec enim alio habitu ad hoc verbum credendum

dum opus erat, quàm qui homini integro fuerat concessus. 7. Electis fidem impetratam esse, ita ut impetratio omnem conditionem excludat, non controversum est inter nos. Ex eo Verò abundè liquet, solos Electos posse salvari. 8. Non debuit verò Animadversor subterfugere, quominus nobis diceret, *quomodo impetratio fidei ad mortem Christi referri debeat*. Haudquaquam verò aliter ad eam referri debet, quàm dona alia quæ nobis Christus peperit. Nec hoc hic *anæsthesi* fuisse, ut multa in quibus luxuriat sine causâ & sine necessitate. 9. Si etiam hæc differentia certa sit de morte Christi respectu Electorum & non electorum, quod fides illis à Christo impetrata sit, istis non item, docebit nos Animadversor, qui Christus *equaliter* mortuus fuerit pro omnibus, cum pro illis *absolutè* mortuus fuerit, pro istis *conditionatè*; illis fidem impetrarit, istis non item. Imò qui pro Electis & non electis Christus ab æterno se ad mortem devovere potuerit, ut illis fidem impetraret, istis non, quum mortis istius destinatio anterior fuerit ordine concipiendi electione & reprobatione, si credimus Animadversori.

## C A P V T XVIII.

*An Argumentum à consideratione damnatorum ante Christi mortem, jugulet-redemptionis universalis gratiam.*

## B R E V I A R I V M Capitis decimi octavi.

**A**rgumentum nostrum iterum truncatum. Digressio inani captata. *An dda virtutes in Deo maximè memorabiles dici debeant. An ex fide & respicientiâ exercitium misericordie Dei necessariò pendeat. Verba Animadversoris rejeta. Digressio alia inutilis. An cesset misericordia divina usus, si creaturam non poenitentem peccati sui. An misericordia moveatur à poenitentia ad condonationem. Contradictio impacta Animadversori. Digressio alia inutilis. An Angeli idcò remissionem consequi non potuerint, quia non respicere. An misericordia usum homines sibi conciliant per respicientiam: An ex quædam gratia Deus inclinatus fuerit ad remittenda omnibus peccata. An omnes ad fidem fuerint provocati. An spes remissionis omnibus proposita fuerit. An talia conveniant sapientia & bonitati Dei. An negotium salvationis hominum dici debeat multum operosius salvatione Angelorum. Decretorum Dei ordo absurdus constitutus ab Animadversore. Absurditas demonstratio. Digressiones Animadversoris inutilis. An Deus omnibus & singulis ostenderit missionem Filii, & spem venia in eo. An sufficiat spes misericordie ostendere. Digressio alia Animadversori. An æconomia misericordie unquam fuerit universalis. Placita Animadversoris adversa Synodo Dordracena, & faventia Remonstrantibus. Falsa Animadversori assertio. An debuerit Christus aliquid expiare. Argumentum invictum de non expiatione defectus non præstita conditionis. An pro reprobus expiatus fuerit conditionatè. Qui negotium aliquod conditionis affectum alicui proponi possit. Secundum Animadversorem, saltem, sanguinem Christi purgare ab omnibus*

omnibus peccatis. Absurda expiationum universalium conditionata. Argumentum à scientia Christi vindicatum. Petitio mera tūc dē xxj. Verba Animadversoris resorta. Absurda ejus ab OEconomia redemptionis loquutio. Revelatio gratia universalitatis perperam asserta. Pro quibus Christus munere suo fungi voluit, pro iis eo integrè fungi voluit. An Pater spem gratia damnatis obtulerit. An Christus nullo modo pro iis satisfacere voluerit. An satisfactionem offerre voluerit qua illis profuisset, si credidissent. Conditionalium propositionum in hoc argumento inutilitas. Exempli de actu salvatis offensa disparitas. Petitiones mera illorum qua sunt in questione ab Animadversore repetita. Aequalitas mortis Christi denuò tradita ab Animadversore. Verba ejus retorta, & ex iis sententia ipsius eversa. Cavilla Animadversoris absterfa.

I. **A**rgumentum istud à nobis occupatum Thefi XVI. Ita confusè verò agit Animadversor, ut saltitet ab una Thefi ad aliam, pro arbitrio, vel omisiss vel transpositis intèrmediis, quod non est disputatoris ingenui. Sic verò me argumētari dicit dūcematicè. Vel Deus voluit jam actu damnatos, tunc cum Christus mortem appeteret, redimere, vel non: si posterius, cadit universalitas redemptionis; si prius, dabitur ex inferno redemptio, vel saltem redimibilitas. Truncat verò argumentum meum, nec integrum proponit.

II. Quæ nobis opposuit in Dissertatione, in Exercitationibus nostris cum pulvisculo, à nobis excussa fuere. Restat ut videamus, quid hic vel reponat vel regerat. 1. Doctrinam suam breviter sibi explicandam dicit, antequam ad argumentorum propositionem & solutionem veniat. At nec illud necessarium erat. satis enim constat sententia illius, sed digressio denuò captanda erat, pro more, & vela laxanda speculationibus aëreolatorum. Nec verè dicere potest doctrinam suam fuisse à nobis vel ignoratam, vel dissimulatam. Verè verò doctrinam suam vocat, tale illi nomen non invidemus. Obfirmamus interea nobis animus, quamvis opus esset reverà Animadversori præcone Attrico, qui cum juberet agere *ἀντὶ τοῦ προσηκουσίου καὶ μετῴν.* Apud se sanè non fuit, dum hic scripsit, doctrinam suam sibi explicandam, antequam ad argumentorum propositionem veniat. Ea enim jam proposuit in antecessum. 2. Duas in Deo virtutes maxime memorabiles dicit esse Animadversor, quasi reliquæ minus memorabiles forent, & quum omnes identiscuntur, ut loquuntur scholæ barbarè, & inter se & cum essentia Divina, una non magis memorabilis est quàm altera. Adde misericordiam (quæ bonitatis Dei velut species est respectu certorum objectorum, miserorum nimirum) liberrimè se exeruisse, & potuisse se non exerere respectu hominum miserorum, prout se non exeruit respectu daemonum, an magis itaque memorabilis est Dei virtus quàm sapientia, potentia & alia id genus? 3. Falsum, ex fide & respicientiâ exercitium misericordiae necessariò pendere. Datur enim sine utràque, erga infantes foederatorum. Adde, & *ὁ*

*Blasius*, si pendet ejus exercitium ex fide & resipiscentiâ, non potest ullâ ratione exerceri erga peccatores, quibus Deus istas virtutes largiri non vult, & qui eas ex se habere nequeunt, adeoque tales salvari non possunt, & frustra dicitur, Deum illos salvari velle, quum peccatum condonari non possit peccatori non resipiscenti, ut ipse fateatur, fieri verò non possit, ut illi resipiscant unquam, & Deus nōrit, eos resipiscere non posse. Quod verò hæc virtutes necessariæ sunt, id à mera Dei ordinatione pendet, qui potuisset peccatorem pro quo satisfactum à Christo, statim evehere ad lumen gloriæ, si voluisset. 3. Inutili digressionem expatiatur denuò Animadversor docendo, erga creaturam integram, nec justitiæ, vindictæ nimirum, locum esse, nec misericordiæ. Quem quæso ista feriunt? 4. Falsum καὶ ἄλλο, cessare misericordiæ divinæ usum, si creaturam sui peccati non pœnitet. At antequàm eam pœnitcat, vel pœnitere possit peccati, misericordia divina se necessariò exerit, in electione multarum ex creaturis peccatricibus, in destinatione & missione Mediatoris pro illis, & in actuali doni resipiscentiæ collatione, quod exercitium, vel qui usus misericordiæ divinæ necessariò antevertit omnem creaturæ resipiscentiâ? Et absque eo foret, pereundum omnibus foret peccatoribus in æternum, si Deus suspenderit eventum suæ misericordiæ, donec creatura peccatrix resipuisset ex se, adeoque dici non debet, misericordiam esse ad eam conditionem naturâ suâ determinatam, Et falsum, misericordiam moveri ad condonationem, nec aliter se rem habere posse, ubi creaturam peccati sui pœnitet. Fateri enim ipse cogitur in sequentibus, nullâ resipiscentiâ homines usum misericordiæ condonatricis sibi conciliasse. Vbi contradictio aperta, misericordiam necessariò moveri ad condonationem, ubi creaturam peccati sui pœnitet, & homines nullâ resipiscentiâ usum misericordiæ condonatricis sibi conciliasse; De eadem enim misericordia utrobique sermo. 5. Justitiæ & indicis relationem necessariam ad peccatum, damus, sed id extra quæstionem. 6. Digressionem iterum planè inutilem subnectit Animadversor, de diversa naturâ Angelorum & hominum, quæ causam nostram non ferit. In eo etiam hallucinatur, quod dicit Angelos ideò remissionem consequi non potuisse ex misericordiâ, quia ex peccato non resipuerunt. An verò magis resipuerant homines? Annon potius dicendam, ideò eos remissionem non potuisse consequi ex misericordia, quia Deo non placuit illam erga illos exerere per eorum restitutionem, ut per restitutionem hominum. Ad id itaque duntaxat hîc assurgendum, quia Deus id ita in æternum procedere voluit. 7. Non misericordia tantum condonatricis usum nullâ resipiscentiâ sibi conciliant homines peccatores, sed nec misericordiæ, ut ita loqui liceat, analogicè cum Animadversore, instantiâ suæ corruptionis,

vel regenerantis potius. Adeoque per bonum usum τὸ γινῶσθαι sibi conciliare nullo modo potuere maiorem gratiam, nec hoc sine illud ipsis à Deo obijci potuit. 8. *φιλανθρωπία* Deum inclinatum fuisse erga genus humanum, & illi remissionem peccatorum indulgere voluisse, si crederet atque resipisceret, κατέλιν intellectum, est *κελεύσας* Animadversoris, & περὶ τὸν *ἑαυτὸν*, & hoc ipsum merum ludibrium est respectu omnium illorum, quibus resipiscentiæ gratiam facere noluit. Et nequiequam additur, *Deum ex φιλανθρωπίας illam remissionis ostendere constituisse, ut ad fidem & poenitentiam provocarentur.* An enim ad fidem saltem, secundum ipsam Theologiam Animadversoris, omnes illi provocati, quibus nec Christus nec Evangelium unquam innotuere? Imò ne spes quidem remissionis omnibus proposita, nec vel τὸ γινῶσθαι propositio, vel beneficiorum naturalium largitio, ad fœdus gratiæ pertinet, aut ex eo fluunt, sed arguunt meram *χρηστότητα* & longanimitatem Iudicis erga reos, ad generis humani conservationem. Annon etiam Dei sapientiæ & bonitati illuditur, dum statuitur, Deum hominibus corruptis & resipiscere nesciis spem remissionis ostendere, ut ad fidem & poenitentiam provocentur, ad quæ tamen illos pervenire non posse ullâ gratiâ objectivâ solâ perspectum habuit? Qui & quos τὸ *χρηστὸν τὸ θεῷ εἰς μετανοίαν αἰεὶν* dicatur, suo loco demonstratum dabimus. Sufficiat hîc observâsse intranscursu, id non omnibus impingi hominibus sed certo tantum populo erga quem Deus usus fuit dispensatione peculiari quæ singulari habuit *χρηστότητα* conjunctam. 9. Negotium istius salvationis hominum fuisse multò quam negotium Angelorum *operosius* & αἰχμηρότερον planè, & parum dignè Dei majestate dicitur, cui nihil *operosum*, nihil ergo vel magis vel minus tale. Si Angeli fuissent servandi, æquè justitiæ divinæ satisfieri opus fuisset & æquè illi ad poenitentiam & fidem vocandi fuissent, si id Deo placuisset. 10. Quis docuit etiam Animadversorem ita loqui de Dei conceptibus, & quibus gradibus, ut eum ipso loquar, *ascendit ad aeternam decretorum divinarum constitutionem*, ut Deus voluerit primò *φιλανθρωπίας* in genus humanum inclinari, & illis remissionem peccatorum indulgere, si credant & resipiscant. Secundò illis remissionis spem ostendere, ut ad fidem & resipiscentiā provocentur. Tertiò, Sapientiam Deo suggestisse, ut Filium mitteret, qui satisfaceret ipsius justitiæ, & sic decretum de Filio mittendo constitutum esse. Quid quæso indignius Deo isto conceptum & decretorum in partes varias conciso & sic disposito ordine fingi potest? Annon præstat dicere, Deum simpliciter voluisse gloriam & misericordiæ & justitiæ suæ ostendere per certæ multitudinis hominum, quos ipsi placuit eligere præ aliis, è peccato & omnibus ejus appendicibus per Christum liberationem, & alio-

rum in miseria sua relictionem? An homo sapiens primò inclinatur erga reos vel captivos ad remissionem illis reatus vel pœnæ indulgentiam, inodò conditionem habeant, quam scit illos nec habere, nec habere posse, & quàm multis ex illis dare haudquaquam decrevit, etsi à se uno pendeat? An postmodum vult illis spem iltius remissionis ostendere, ut ad conditionem illam provocentur eâ ratione, quâ novit eos ad eam provocari non posse, præsertim si conditionis defectus sit pars essentialis eorum miseriz? An tandem vult dare λύτρον, sed quod aliquibus applicet, illis conditionis gratiam largiendo, aliis offerat, sed nonnisi sub conditionis illius præstatione æquè impossibili illis ac ipsius λύτρος solutio est. Si quis auderet talia affingere homini qui pro non stolido haberetur, vix suspicionem ejus traducendi multorum animis eximeret. An enim misericordiz id genus patefactio, & miserorum ad eam invitatio sub ista conditione non ridicula censeretur, omnibus sanis, & merum ludibrium? Ita tamen nos de Deo loqui vult Animadversor. Adde, si ita procedendum foret, ordine inversò executionem processuram, & sic prius Deus mitteret Filium quàm promissionis spem ostenderet, & prius spem remissionis ostenderet, quam φιλαργυρίαν suam exereret, quæ absurdum evidens implicant.

III. Digressio itaque Animadversoris inutilis est & absurda: Et quid ista fimbria ad peplum, vel tota ista commentatio ad argumentum de damnatis, ad quod respondere se velle professus est? Cur ita circumducendus erat Lector, & quis quæso nostrum ejus patientiæ illudit? Addit, Deum certis de causis voluisse differre missionem Filii ad plenitudinem temporum. An verò de eo nobis lis est? Addit: *Et si Filii missionem in longum tempus distulisset, statuisse misericordiam illam suam & veniæ spem patefacere hominibus, qui ante illius adventum victuri erant, ut si crederent & resipiscerent, futuri illius placamenti fructum, in peccati condonatione participarent.* Quid ista etiam ad disceptationem nostram? Notum enim quæstionem non esse inter nos de hominibus, sed de omnibus & singulis hominibus, an illis omnibus misericordiam istam suam, & veniæ spem in missione Filii patefacere voluerit, vel an eam omnibus & singulis hominibus patefecerit? Non itaque indefinutè hîc loquendum erat, sed universaliter, nec id prætermittendum erat quod controversum est, differendum verò quod non controversum. Tuam verò fidem Lector & conscientiam! An Deus vel missionem Filii, vel misericordiam suam in Filio & spem veniæ ob futurum illud placamentum omnibus & singulis mortalium ostenderit ante adventum Filii? Imò ne post ejus adventum quidem id vel factum, vel fieri per ætatem multorum potuit, vel hodieque fit, quamvis jam distin-

Etam



Etiam Christi cognitionem ipse Animadversor fateatur necessariam. Nec verò spes tantum misericordiae ostendenda erat, sed & modus ejus & ratio in promissione Evangelica de semine mulieris, & contritione capitis serpentis per illud, adeoque & scederis gratiae propositio & explicatio. Nec Deus spem tantum exegit, sed fidem erga promissionem gratiae. Frustra verò digreditur denuò Animadversor, ut probet quia solutio nostri debiti, & justitiae divinae per eam placatio sit in genere *causarum moralium*, tantundem eam apud Deum praestitisse antequam perageretur, ac post id enim ἐξαγορίων inter nos, & à me ipso occupatum in exercitationibus. Id verò haudquaquam dāmus Animadversori, vel oeconomiam aliam misericordiae Dei circa salutem hominum universalem unquam fuisse, vel hanc esse priorem partem oeconomiae misericordiae Dei circa salutem hominum quā semel ita deliberatā constitutaeque Deus ad alteram partem accessit quae pertinet ad fidem vel concedendam vel denegandam. Id enim vel mediocri sapientiā, magis divinā prorsus indignum, Deum prius in incertum velut decrevisse mittere Filium, qui pro resipiscentibus & credentibus placaret justitiam suam, antequam constitueret sigillatim qui essent credituri & poenitentiam acturi. Imò & Synodus Dordracena & Ecclesiae nostrae constanter missionem Filii Dei ducunt ex doctrina Electionis, ut medium ei exequendae subordinatum, nec cum Animadversoris Theologiā constituunt electionem vel reprobationem tantum in decreto dandi vel negandi fidem. Et sanè si Animadversorem audimus, statuendum nobis erit, contra omnem rationem, & Scripturam, & omnes Theologos Orthodoxos, praecedere decretum de mittendo Filio, sequi demum decretum electionis & reprobationis; Qui ordo placuit Remonstrantibus etiam nostris, & post ipsos novae Theologiae Myltae.

IV. Addit, 1. se jam ad argumentum nostrum venturum. At id factum oportebat sine ista digressionē, laciniosā, inutili planè, & involvente multa partim *ὑπελα*, partim falsa. Quid verò dilemmatibus nostris, quibus undiquaque constringitur opponit? Cavillum merum, quod genus respondendi partim Theologicum & mera λογισμῶτα. 2. Desinere dicit ingentem istam molitionem meam in id, conditionem ignoratam fuisse multis & debuisse conditionis non praestationem expiari; Prius à se refutatum esse, posterius indignum esse hominibus qui se ratiocinari profitentur. Legat quāso Lector *Thesin* meam XVI. integram, & mirabitur θυμὸν ἐν ἡρώων hominis, qui audet affirmare in hoc unum desinere disputationem nostram ibidem institutam. Quamvis etiam in hoc unum desinere, non ob id vicisset Animadversor. conditionem enim adjectam mortis Christi, quae est fides, innumeris non tantum ignoratam fuisse hodie-

que ignorari, adeò evidens est, ut sine summo veritatis & Lectoris contemptu, negari nequeat à perfictæ etiam frontis homine, imò & respicientiæ conditio, quæ tamen sola non sufficit, innumeris pariter ignorata fuit. *Debuisset* verò Christum conditionis non *præstationem* expiare, haudquaquam unquam dictum à nobis, nihil Christus *debuisset*, sed hoc dictum; si Christus voluisset omnium peccata expiare, futurum fuisse, ut expiaret etiam defectum non præstitæ conditionis, quippe qui inter potissima hominis peccata est, & sine cujus expiatione omnium aliorum expiatio inanis prorsus est & inutilis, utpote nunquam profutura peccatori: Quippe quem defectum Christus moriens in omnibus redimendis prævidit, & inevitabilem quidem, & cujus non expiatio universalitatem expiationis peccatorum convellit. Et cum Scriptura profiteatur, *sanguinem Christi nos purgare ab omnibus peccatis* 1 Joh. 1, 3. vel conditionis non præstitum peccatum non est, vel ab eo etiam sanguis Christi purgat. Si dicat, electos tantum à peccato isto sanguine Christi purgari, semper sequitur, absurdum non esse, defectum conditionis præstandæ inter peccata referri, quæ expiantur à Christo. Adde ex Theologia Animadversoris semper sequi, quod *absolutè* à Christo præstitum pro electis, id *conditionatè* præstitum esse pro non electis; dicat ergo, sub qua conditione Christus expiavit defectum non præstitæ conditionis? Et quæ sit illa conditio, an si homo vel non sit incredulus, vel si desinat esse talis? At prius ridiculum, posterius inane, quippe quem Deus novit non magis desinere posse ab incredulitate sua sine dono suo, quàm expiare peccatum. An hæc exclamatio ista tragica opus erit? *Vsq̃uene adeò esse homines Theologos rerum humanarum imperitos!* 3. Non ignoramus, omne negotium conditione affectum ita pendere ex præstatione conditionis, ut si præstetur illa, ratum sit, sin minus, irritum & nullum evadat, sed supponitur, conditionis præstationem esse possibilem illi cui negotium proponitur. Si verò illa conditio impossibilis sit, vel non attingibilis illi, cui proponitur, nec gratia illius præstandæ ipsi fiat, processus iste conditionalis cum tali merum schema est, larva mera. Inaniter itaque subjicit, *quum Christus peccata non electorum non expiaverit, nisi sub conditione, si credant, non modò incredulitatem, sed & reliqua eorum peccata omnia manere inexplata.* Annon verò inde sequitur. 1. Christum non omnia omnium peccata expiavisse, pro quibus satisfecisse censetur, adeoque annon falsum erit, *sanguinem Christi purgare ab omnibus peccatis?* Quod blasphemum. 2. Annon incredulitatem Electorum Christus expiavit & *purgavit absolutè?* 3. Peccata non electorum expiata à Christo dici, sub conditione fidei, si credant, jocularè est, quippe quos certum erat nunquam credituros esse, & quibus Deus voluit denegare gratiam creden-

credendi ab æterno. 4. Et quia nulla eorum peccata expiata, Christus pro illis mortuus non est. Et sanè expiare peccata incredulorum, quos nōris esse incorrigibiliter tales sub conditione ne sint tales, vel, ut tales esse desinant, est ea non expiare, nec expiare velle, sed cumulatam velle eorum miseriam acerbis ludibrio.

V. Nec minus stringit firmiter argumentum nostrum ductum à *scientia Christi*, mortem appetentis, illum nimirum vel non scivisse ante mortem suam non electos, conditionem non præstitisse; & sic non fuisse omniscium vel scivisse, & sic noluisse pro illis sub conditione mori, quos novit sine conditionis præstatione mortuos fuisse, & ob id etiam jam actum damnatos. *Κυμαδὶσθῆναι*, & frigidis jocis opponere rationibus, quod Animadversor hic facit, Theologi non est. Fruatur ingenio suo. Desinat verò imitationem Christi profiteri, cui λόγος σωπῆτος, imò & ἀέριος, exosi. Res certa, vel omniscientiam Christi evehti, vel concedendum esse, Christum moriturum novisse, innumeros sine conditionis præstatione expirasse, adeoque cum pro iis sub conditione mori nec debuisset, nec potuisset. Quid verò hic opponit Animadversor? Observet quæso Lector acumen hominis. Idem Christus qui noverat, inquit, eos neque præstitisse conditionem, & flammis infernalibus ustulari, noverat, se ab æterno vadem interpositum pro omnibus hominibus si crederent; noverat, se Patri promississe, mortem esse appetiturum pro omnibus in universum modò crederent, noverat Patrem ejus tanquam vadi fidem veluti securum, gratiam omni sæculo talibus hominibus revelasse, nihil quicquam tale futurum unquam, nisi Christus ad id sese fide & vadamonio obstrinxisset. At 1. Quid hic præter λόγος metas, & repetitiones eorum quæ sunt in quæstione? Estne hoc respondere? At, ἀφ' ἡρᾶς, annon hoc ipsum κεράμειον nostrum est, & ἀμφοτερόμελον, an Christus se vadem interposuerit pro omnibus in universum, modò crederent, & an promiserit Patri mortem pro omnibus in universum, modò crederent. 2. Imò ponamus, quod falsum, Christum promississe, se mortem appetiturum pro omnibus modò crederent, annon ob id ipsum, quia noverat, multos expirasse in incredulitate, adeoque non credidisse, nec debuit nec potuit pro talibus mori? verbi gratiâ, si quis polliceatur alicui, se pro debitoribus soluturum debita, sub conditione, si hanc tesseram gerant, vel hoc aut illud obsequium præstent, & interea illi expirarent in carcere sine præstatione conditionum illarum, an pro talibus debita solvi deberent? Regeramus quæso hic Animadversori sua verba, usque adeo esse homines Theologos rerum humanarum imperitos, ut non intelligant omne negotium conditione affectum, ita pendere ex conditionis præstatione, ut si præstetur illa, ratum sit, sin minus, irritum atque nullum evadat! Quia itaque conditio à talibus præsti-

præstita non fuit, Christus qui pro illis sub conditione tantum mori debuit, pro illis neglecta conditione, mori non debuit. 3. *Ἀκυρόλογον* etiam, Christum Patri hoc promississe, quasi ab eo initium duceret Scriptura illius œconomix redemptionis, imò Pater Christum ad hoc & destinavit & misit, etsi summo cum consensu Filii, nec sine *κατὰ χεῖρας* dici potest, vel Patrem hic Christi fidem secutum, vel Patrem nihil quicquam tale facturum unquam fuisse, nisi Christus ad id se fide & vadimonio obstrinxisset. 4. Falsum Deum gratiam omni seculo revelasse, omnibus nimirum & singulis hominibus, omnes enim & singuli intelligendi ad salvandam gratiam universalem. 5. Et quia Christus, quum mortem oppetiit, non hoc habuit in animo, ut damnatos ab inferis redimeret, pro damnatis nec absolute mortuus est, nec conditionatè. Fuit sanè Christo animus fungendi munere à se suscepto, & ei animus fuit fidem datam liberare, sed an pro omnibus in universum? Id verò splendidè supponitur, non probatur; Imò pro quibus Christus munere suo fungi voluit, pro iis eo voluit fungi integrè, adeoque illis & vitam promereri, & conditionem ad eam obtinendam necessariam. 6. Patrem spem gratiæ damnatis obtulisse, salutis nimirum, est ipsum *χεῖρὸς ἔσθω*, adeoque sine fundamento dicitur, Christo morienti animum fuisse ea facere, quæ nisi fecisset, Pater spem gratiæ hominibus illis (damnatis scilicet) olim, dum vivebant, temerè & inconsultò obtulisse existimatus esset. Non entis enim nulla accidentia. Adde, ne spem quidem gratiæ per ætatem innumeris offerri potuisse; Adeoque respectu talium saltem eo fine non opus erat Christum mori.

VI. Christum pro jam actu damnati voluisse satisfacere, absurdè dicitur, quæcunque ejus rei interpretatio. Nec enim voluit, ut fatetur, satisfactionem pro iis offerre, quæ illis actu prodesset, si crederent. Et quia hoc non voluit, conditionatè mori pro illis non voluit, pro quibus enim ita mori voluit, ex ipsius Animadversoris sententia, illis salutem possibilem reddere voluit, modò crederent. Nec potest dici, illum voluisse satisfactionem offerre, quæ illi profuisset, si illi olim credidissent: Tum quia innumeris nec satisfactio nec ejus conditio ad credendum proposita fuere, adeoque talibus illa prodesse nullo modo potuit, imò innumeris ne per ætatem quidem proponi vel offerri potuit. Et quia prævidit ab æterno, non tantum suam satisfactionem & ejus oblationem non profuturam, sed ne prodesse quidem posse omnibus illis quibus gratiam credendi largiri noluit, nec sapientiæ Patri, nec Christi convenit, talibus satisfactiõnem sub ista conditione vel destinare, vel offerre. In sensu compositio cæteroquin dici potest, profuturam satisfactionem talibus, si modò credidissent, ob nexum officii & beneficii. At contradictio necitur in adjecto, si enim tales credidissent, jam

jam fuissent electi, cum soli electi ad vitam æternam possint credere. Supponuntur verò esse non electi.

VII. Absurdum à nobis impactum ipse fateri cogitur; *Quum damnati jam eo loco eoque statu essent, ut conditio non amplius ab illis exigeretur, indignum fuisse sapientiæ Christi velle mori pro iis sub ea conditione, quæ ab illis non exigetur in æternum.* Adeoque dici non potest, Christum mortuum esse pro non electis, damnatis ante ejus mortem, sub ea conditione, si crederent, sed addendum erit, *si crederent, vel si credidissent.* Imò eo ipso non debuit pro talibus mori, quia non credidère, & quia in incredulitate exspiravère. Quod addit: *Si illi qui ante Christi mortem damnati sunt, credidissent & respuissent, damnati non fuissent, sed servati:* Ostendit tantum nexum inter antecedens & consequens. Nec inde sequitur voluntas Dei de talibus per fidem salvandis. Sic dici potest, si homines non peccassent, fuissent omnes servati; Si Israelitæ legem implevissent, fuissent per eam salvati: Si equus esset rationalis, esset homo, & alia id genus. Sic sanè vera est propositio ratione nexùs, si non electi credidissent ac respuissent, Christi mors illis profuisset. At *oppositum est in apposita*, non electos credere ac respuiscere, vel credere ac relapsiscere posse. Sic dici potest, si gratiam Principis reus habuisset, non fuisset ipse furcam actus, quamvis Princeps voluntatem non habuerit, illi gratiam vitæ faciendi. Innumeræ id genus hypotheses produci possent, sed quibus antecedens non ponitur, nec voluntas de hoc vel illo per media id genus in iis efficiendo, qui media nec habent, nec habere possunt.

VIII. Occupavi sanè per *περὶ τῆς ψυχῆς* objectionem de actu salvatis, antequam Christus moreretur, quum scirem eam reponi solere ab illis qui hac methodo utuntur; Et dixeram Thesi XVI. *Exemplum à salvatis ἀπερὸς διόνυσον* esse, adductis sententiæ meæ rationibus. Quid verò excipit Animadversor? 1. Quærit, an Christus habuerit in animo, cum pro iis mortuus esset, eos liberare à captivitate peccati & Diaboli, & mortis, si crederent? Id verò dici non posse. Eos enim jam actu liberatos fuisse, & nullam amplius conditionem fidei ab eis postulari: At ratio ostensa in Thesi, qui pro illis mortuus dicatur, quia nimirum tales salvati fuère ob redemptionem pro se à Christo præstendam, quæ habita fuerit in mente Dei, ut jam præstita pro illis. Voluit itaque, ut addit, *munus à se susceptum convenienter exequi*, & quia pro illis susceptum fuit, executioni etiam mandatum pro illis fuit. Et voluit sic fidem pro illis datam exsolvere, & voluit id præstare, absque quo salus illis data non fuisset. Et quia tales conditionem requisitam præstitère ante obitum, revera potuère, illi redimi. Quamvis itaque Christus non pro eis mortuus fuerit, *ut eos liberaret sub conditione fidei*, quippe qui jam in

cælum transcripti supponuntur, voluit tamen id præstare, ob quod salutem reapse sunt consecutus, quod est id ipsum, quod posui in Thesi. Quod enim illi salvati ante redemptionem actualem, hoc imputandam redemptioni à Christo præstande. Confirmat itaque Animadversor à me posita, non evertit.

IX. Addit, se fateri, longè diversam esse rationem salvatorum & damnatorum, sed per cavillum. Explicaveram verò in quo hic ista disparitatis ratio constituta esset, simili ducto ab obæratīs. Subjicit Animadversor multas petitiones ἢ ἐν ὁπλῇ pro responsionibus, quo respondendi genere nihil indignius. Oeconomia prioris partem pendere ex communi Φιλανθρωπία & spem salutis universalem facere, supponit, quæ nec prior est, nec posterior, quia nec est, nec fuit unquam. Eiusdem commatis est quod addit, Christi mortem fuisse rem in mente divina deliberatam, & certissimè obæundam pro omnibus in quos credimus, antequam actu oppeteretur: Deum etiam ejus intuitu incitatum, omnibus spem veniæ obtulisse, aliis in verbo, aliis ἐν τῷ ἔργῳ, ceterum salutem dandi, si spem illam amplecterentur. Omnibus igitur fuisse extenus conditionem parvam, qua omnium pariter respectu requisiverit ut mors à Christo oppeteretur. Sic factam esse gratiam universalem. An verò hoc respondere est, suam sententiam nobis ingerere, quæ tot argumentis consutata fuit & profulgata? Sic nemo non disputatorum est, qui hoc modo vincere non possit, modò rationibus objectis opponere liceat sententiæ suæ repetitionem, quamvis responsionibus ipsis eversam. Quas non exclamationes in me concitarem, si ita projectè disputarem! Ista verò omnià à nobis satis superque jugulata. Id tantum observandum, mortis Christi equaliter hæcenus pro omnibus obitæ, & in Synodo Nationali Atensopensi damnatæ, & rescriptæ cramben reponi ab Animadversore. Et quia, ut addit, Deus actu gratiam respuentes actu damnare decrevit, & prævidit omnes non electos hanc gratiam respuitorios, nec aliter facere posse, eos actu damnare, non servare decrevit. Et quia actu tales non tantum damnare decrevit, sed & actu plurimi ex illis jam damnati erant, antequam Christus mortem oppeteret, non nisi absurdissimè Christus pro talibus se in mortem dedisse vel absolute vel conditione dici potest, etsi pro actu salvatis se in mortem dare potuerit, ut demonstratum in Thesi: Quid verò intèr sit inter damnare & actu damnare non video. Et quia Christus, ut addit, venit, qui ut promiserat satisfecit pro omnibus credentibus, quocumque seculo vel vixissent, vel victuri essent, & vadimonium, quod Deo constituerat, bona fide obivit, universaliter pro omnibus non satisfecit, quia plurimi jam expiraverant in incredulitate, adeoque non pertinere poterant ad objectum credentium. Nec magis vadimonium pro non credentibus obiri debuit quam solutio præstari debet pro hominibus, qui in pertinacia sua in carcere



computruere, nec vadem vel vadimonium admittere voluere. Absurda verò sibi impacta non expedit Animadversor, sed cavillo, denudò disputationem claudit, & rhetoricatione. Quis verò ex nobis aurum, quis orichalcum obrudat. Lectori, judicabit quicunque sine præjudicio ad collationem Scriptorum nostrorum accedet, & videbit nullâ ratione argumentum à damnatis ductum expediri ab Animadversore, nec responderi nisi per digressiones inutiles, & per meram repetitionem sententiæ confutata, quod putridum disputandi genus est. Et sic, cum bono Deo, absoluta Pars Prima, & demonstratum, omnes argumentationes Animadversoris contra argumenta in Thesibus nostris proposita, stramentitias esse, & nullius commatis, præterquam quod plurima à nobis & in Thesibus & in Exercitationibus producta plane dissimulata ab eo fuerint, nedum confutata. Post heroicam tamen istam disputandi rationem, si Panegyristæ in futurum desint Animadversori, ipse sibi prænas canet, & actor, plausor erit ac Theatrum.

Finis Partis Primæ VINDICIARVM.



FRIDERICI SPANHEMII

## VINDICIARVM

EXERCITATIONVM

DE

GRATIA VNIVERSALI.

PARS SECVNDA.

Exhibens Defensionem *Responsionum* oppositarum L. Erotematibus ab Animadversore propositis.


CAPVT I.

Examen Præfationis Animadversorij.

BREVIARIVM Capitis primi.

**O**ccasio Partis secunda. Scopus Animadversorij in proponendis Erotematibus suis. Æstus Animadversoris & rhetoricatio. Falsa ejus assertio. Vox ominosa. Illatio inanis à particulari ad universale. Cavillum abstersum. An eadem responsiones perpetuè à me adhibita. An id improbandum sit. Periphrasis vana Animadversorij. Contradictio ejusdem notata. Convitiium ab eo impactum Gallis. Causa vera responsionis accurata prætermissa. Injusta accusatio refusa. Compendiosa Animadversoris victoria. Inanis rhetoricatio notata. Forma respondendi epistolica jam cepta ab Animadversore mutata. Causa mutationis insinuatæ & Animadversionum extrusarum. Apologia ipsius pre me contra seipsum. Existimatio Animadversoris causæ scriptionis, ut & Amicorum apud ipsum sollicitationes. Vana assertio notata. Causa consilii Amicorum non admitendi. Examen locorum Scriptura ab Animadversore declinatum. Digressiones ejus snutiles ad commentationes Calvinij. Ignoratio elenchi meridè notata in Animadversore. Universalis gratia ab ipso met everfa. Fuga Animadversoris, & declinatio statûs controversa. Cavillum ejusdem. An dispensatio salutis pertineat primariè & per se tantum ad adultos. Oppositum demonstratum. Argumentum de liberis infantibus vindicatum. Tò xarà tòs repetitum. Quiræ se invicem evertescentes Deo tributa. Mediorum ad salutem sufficientium propositæ universalis everfa. Contradictio Animadversoris notata. Dispensatio Dei ab ipso Animadversore constituta tollit gratiam universalem. An media ad salutem absolutè destinata sint infantibus gentiliùm, an sub conditione. Animadversor provocatus ad quæstionem. An media infantibus illis offerantur in parentibus. Absurda varia. Ignoratio alia elenchi notata, & assertio Animadversoris vetera.

*retorta. Animadversor denud revocatus ad lineam. Universalitas gratia eversa. An obtendi possit abusus gratia, si infantes adolescerent. Reciprocatio quaestionis, unde ille sit. An aliquid damnosum sine ulla fructu alicui instigi possit. Cavillum Animadversoris retusum. Comparatio à nobis instituta, vindicata ex ipso Animadversore. Declinatio obiectorum pro libitu illi exprobrata. Lenitatis Animadversoris emblemata. Querela de repetitis responsionibus absterfa. Digressiones & aliena à re cui nostrum imputari debeant. Schemata-solemnia Animadversori. An ingenui disputatoris & accurati sit pro arbitrio sibi consultanda eligere. An petitio delectus argumentorum justa sit. Convicia absterfa. Iudicia Theologorum Celeberrimorum faventia Exercitationibus, opposita.*

I.  Otum, Animadversorem non tantum Thefisbus nostris opposuisse Dissertationem rhetoricam potius quam Disputationem, toris instructam & nervis, verum etiam sententiam de Gratia Universali L. Argumentis, quæ Erotematum formâ ipsi proponere placuit, adstruere conatum esse, quæ quia præ aliis seligenda censuit, dubio procul præcipuum robur novæ istius Theologiæ credidit, & velut ἱερὸν λόγον, aut τείχη quædam ἀπείλκτου, quibus perumpendis nulla sufficeret industria, vis nulla. Illa verò argumenta omnia à nobis cum cura excussa fuere in Exercitationum nostrarum Appendice, vel Parte Tertia, & πρὸς τὴν πύλιν confutata.

II. Quid verò à nobis oppositis reponit Animadversor in Novo Opere? 1. Aliquot paginis rhetoricatur, ostendendo æstum animi sui, multum diuque se dubitasse, num quid responsionibus ad ista Erotemata esset repositurus. An verò ille qui se ad confutationem integrarum Exercitationum mearum jam accinxerat, dubitare de eo in progressu Operis debuit? An hoc respondere est, & integrè quidem, bonam partem eorum dissimulare quæ opponuntur? 2. Rationes aliquot partim falsas, partim futes adfert, cur sibi respondendum primò non censuerit. Conscientiæ verò suæ obloquitur, dum inquit, *pleraque omnia que in eis adversus doctrinam de gratiâ universali disputantur, in Animadversionibus specialibus vel suse à se tractata, vel obiter perstricta fuisse ut vix quid desideretur in eorum refutatione.* At præterquam quod de quam plurimis quæ ibi proponuntur, alibi sermo non est, vel sola locorum Scripturæ consideratio Animadversorem convincit assertiois aperte falsæ. Multa enim ibi Scripturæ loca in Erotematibus proposita excutiuntur & vindicantur, quæ ne tanguntur quidem ab Animadversore in specialibus Animadversionibus. Nec quicquam aliud desidero, nisi ut Lector collatis Responsionibus nostris ad Erotemata, & Specialibus istis Animadversionibus pronuntiet de candore istius Disputatoris. Ominosè cæteroquin & verè dicit multa *obiter à se esse perstricta, & valdè obiter quidem.* At solidè & accuratè

confutanda ea erant, non obiter. 3. Addit, *se tria Erotēmata accuratissime defendendo, satis ostendisse quid præstiterim in reliquis, & me iisdem elusionibus, apagogis & cavillationibus perpetuò uti.* Id verò perquàm egregium, ad tria capita respondere è quinquaginta propositis, esse ad omnia respondere, & Adversarium triumphatum obtorto collo ducere! Pone etiam, in tribus illis capitibus alicubi minus feliciter à me disputatum, quod tamen haudquaquam probat Animadversor, ut ex singulorum Examine constabit; an ob id sequitur, nihil à me alibi opportunè vel ad rem dictum, quod mereretur hujus Herois considerationem vel curas? *At sæpe est olitor verba opportuna loquutus.* Nec qui alicubi cespitat, ubique cespitat. Si tria illa etiam ad decisionem Controversiæ istius maxime pertineant, ut vult, reliqua Erotēmata prætermittenda erant Animadversori, & nequicquam ab eo proposita fuere. At quia semel ea extrudere voluit, vel vadimonium deferendum erat, vel Pergama ista tuenda. *iisdem me uti perpetuò responsionibus*, quod pro suo more, ut mollissimè dicam, per merum convitium affirmat, falsum, & ex collatione à me dictorum revinci potest. Vel etiam Erotēmata ipsius diversa sunt, vel non. Si diversa non sunt, cur ea multiplicata voluit, & lentem dividere in vasta conchâ: sin diversa sunt, quî, cum ad ea respondeam *ἡ μέγα*, fieri potest, ut easdem responsiones ad diversa argumenta perpetuò subjiciam? Nisi quando illa inter se quandoque coincidunt, & Animadversor nobiscadem aliis verbis reponit. Aliàs certo sensu, iisdem responsionibus aliquem uti, improbandum non est, sed probandum potius. Hoc enim signum est, cum sibi constare, nec à seipso abire, modo simul certum sit, responsiones istas esse probas & solidas. 4. Testatur, se noluisse meo more *Λέκτορες defatigare ad languorem usque.* Et hæc responsionis non instituendæ *ῥητορική* egregia! Imò si sine digressionibus laciniosis & convitiis ad mea respondere instituisset, minori volumine quàm quod evulgavit, rem tentare poterat, si non conficere. 5. Addit, *tantam molem rerum* surrecturam fuisse, ut nemo inter Gallos sit adeò *χαλκίλερος*, quem non de-terrere potuerit. Hoc ipso verò se ipsum castigat, non eadem semper repetita fuisse, sed *molem rerum*, diversarum utique, aliàs enim molem non facerent, occupandam sibi fuisse. Non verò tam defugit laborem, quàm desperavit, se à me dicta ullâ probabilitatis etiam specie sæpe carpere posse, paucissimis responsionibus exceptis, ubi videbatur majorem habere facilitatem copias suas explicandi, & meditationes diu paratas extrudendi. Gallis etiam suis convitium facit, quasi impatientes essent operis, & impares accuratori rei alicujus inquisitioni, quod facere non debuit. Sunt enim, ut de aliis viris illustribus & Eximiis in ista gente nihil dicam, inter

ter Theologos Gallos Magni & Gravissimi Viri, qui ut accuratè, sic prolixè simul scribunt, & totum argumentum suum exhauriunt, quales fuere retrò inter alios Calvinus, Beza, Sadeel, Chamierus & sunt hodieque à Theologis Clarissimis Gallis Molinæ, Rivetus uterque, Falcarius, Maresius, Blondellus, Albertinus, Bochartus, alii, qui dum nihil inexcussum relinquunt, quod non confutent, sive ab Adversariis occupatum sit, sive id occupent ipsi, prolixitatem evitare haudquaquam potuere. Quin tales & innumeri alii Galli Viri Illustres complures verè sint χαλκίνοι hoc sensu, negari haudquaquam potest. Subjicit, *delectum à se institui non potuisse, quin gloriarer de reliquarum responsionum incolumitate, quanquam pleraque extra recte disputationis orbitam evagentur.* Meritò verò non gloriior quidem, sed doleo, ita jejune hoc pensum exequutum esse sublimem istum Disputatorem, ut pleraque à me proposita ne attigerit quidem, nedum confutari, adeoque eo ipso ostenderit, quo se redactum sæpe senserit. Nec ullius iudicii homo censebit paginas digressionibus fartas alienis à re, sufficere ad orationem vel triumphum. *Responsiones meas plerunque extra orbitam recte disputationis evagari probandum erat, non asserendum tantum.* Imò eò minus operosa futura fuisset earum confutatio Animadversori, si res ita se haberet. 6. *Satiùs se putasse, addit, illam propè infinitam rerum inutilium copiam omittere, qua ipsa per se diffunderet, quàm delectu aliquo instituto prebere suspicionis materiam, firmiora à se praterita esse, infirmiora selecta ad triumphum.* Quid compendiosius ad gloriam hoc vincendi genere, quàm solo contemptu difflare copias sibi oppositas! Quis non cerdo, vel diobolaris Doctor Φιλωνίδης etiam ἀπαυδῶ περι! sic splendide triumphare novit? Scilicet κώνωπος ἐλέφας σὺν ἀλεξίγει! Bonum verò factum, quod cordatis omnibus non tantum iniqua ista agendi ratione quam sæpe sequutus est suspicionem passim iniecit deserti vadimonii, sed apertissime ostendit, se desperasse accuratam ad singula responsionem. Plaudat itaque sibi quantum volet Roscius noster, & φοινητὴς aliquot sibi obnoxios habeat, qui complodant manum, & Magistri sui victorias canant, theatro erudito ista agendi ratione nec causam suam, nec suum candorem unquam probabit. An verò à me opposita vel inutilia sint, vel per se diffusant, Lectoris, non Animadversoris iudicio decidendum erit.

III. *Rationes oppositas ostendit, quibus se inductum profitetur, ut responderet ad ea quæ Erotematibus ipsius opposita à me fuere.* At quia consilium posterius se amplexum profitetur post diurnum animi æstus, frustranea est tota illa de instituto priori rhetoricatio. Dissimulat verò apud Lectorem, se Epistolâ primò diæteriolis totâ fartâ constituisse respon-

respondere, & jam à Typographo Salmuriensi aliquot solia typis exscripta fuisse, quæ cum ne amicis quidem ipsius satisfacerent, nec vel exspectationi, vel causæ ullo modo satisfactura viderentur, tandem *αὐτῶν γε θυμῷ* se ade prolixiorum confutationem Exercitationum mearum accinxit. Hoc itaque consilium, & masculum istum partum non debemus instituto Animadversoris, sed convitio amicorum, & importunis eorum flagitationibus, quibus tandem cessit, ut patebit ex sequentibus. Fatetur verò, se animadvertisse, nisi ad illa responderet, id conjunctum *futurum fuisse cum aliqua labe existimationis suæ, & cum causæ ipsius detrimento*. At si hoc verum, à me opposita talia non erant, *quæ per se disfluere*: sin talia erant, sine labe existimationis suæ pati poterat, illa præterfluere. Satis verò ipsa mole Operis nobis oppositi ostendit, necessariò sibi occupandum fuisse hoc pensum, nec id omitti potuisse, nec ita levia esse argumenta mea, quæ confutatione operosâ etiam essent indigna. Nec sanè illa pro talibus habita à Summis etiam Viris, & in Gallia ipsa, & extra eam, quod & ipse agnoscere cogitur, & quod jecur hominis etiam Theologi non parum ussit. Tangit verò hic Helenam suam, pro qua pugnat revera, *existimationem* nimirum suam. Cujus, in publicis etiam congressibus, haudquaquam vel inmemor fuit vel incuriosus. Absque hoc fuisset, pro nova illa Theologia nunquam laborem tertium & decimum subiisset hic Hercules. 2. Ad hoc etiam se adductum ait *virorum prudentissimorum vocibus*. Et sanè absque iis fuisset, Animadversor copias omnes suas domi continuisset. Ut ut enim ad scribendum se propensum faceretur, excitandus tamen fuit, & cogendus ferè, ut aliquid moliretur, ea una causa fuit Epistolæ bombis & flatu tantum referre revocandæ. Iisdem Amicis tribuit, quod non ad singula Erotematis ipsius opposita responderit, quasi, qui Epistolam aliquot phylararum duntaxat opponere privato arbitrio constituerat Operi meo; factum ex eo facturis fuisset, nisi intercessissent Amici, quibus tamen unis debemus Animadversionum molem! At vel hoc consilium ipsi dandum non erat, vel ab ipso non adoptandum, quod non poterat non ostendere causæ ipsius apertam imbecillitatem. An enim verbi gratià loca Scripturæ sacræ ab eo mihi objecta, & à me vindicata, non tuenda ipsi erant, & ad argumenta mea respondendum, quibus ostendi, haudquaquam illa quicquam pro gratia universali facere? Quod ipsum tamen obiter admodum facit & perfunctoriè, etsi in iis disputationis totius fundus sit. Interea digreditur passim ad *Calvini* commentationes nobis opponendas, quasi magnorum etiam virorum dicta omnia forent *αὐτῶν* (quamvis Calvinus revera in ea in qua est sententia, quod nunquam demonstrabit, fuisset) prætermisso locorum Scrip-  
pturæ



pturæ examine accurato. Quod an Theologi sit solidè veritatem quærentis, judicabunt omnes, quippe cujus basis una Scriptura est, & esse debet. 4. Fugam suam tandem tegit brevitatis obtentu, & Lectoris, cui utrique studuerit ne fastidium pareret. Sic omnia declinari potuissent, nec quicquam putidius isto schemate, ubi de divina autoritate (non humana, in quatalia declinare licet) agitur.

IV. Magnam suorum Erotematum partem ex iis testimoniis Scripturæ sumptam fatetur, quæ gratiam in Evangelio oblatam iis omnibus faciunt communem, quibus annuntiatur. Reponi verò à me frequenter, inquit, ex iis probari non posse gratiam Vniversalem. Et meritò quidem, quia ipse fatetur, insanum esse qui dicat, Evangelium omnibus prædicari. Et innumeri ante tempora illa, ut addit ipse, periëre, & illà ipsâ hujus æconomix periodo è vita rapiuntur, quibus non innotescit. Ad hoc verò in Secunda parte Animadversionum Specialium se respondisse dicit. Cur itaque hîc id occupat incassum? *In eo uno se niti*, addit, *ut gratiam que in Evangelio proponitur non ad electos solummodò, sed etiam ad non electos quibus annuntiatur, pertinere demonstraret. Id verò ad hypothefin meam labefactandum satù esse.* Imò id satis non est, quia de Gratia Vniversali disputamus, & hoc Thema tum in Thesisibus à me impugnatum, tum ab Animadversore defensum, tum titulo operis ipsius præscriptum in quo defendere voluit contra Theses meas, gratiam & miserationis Patris, & redemptionis Filii, & vocationis esse universalem. Nec concessio etiam, quod non concedimus, gratiam Evangelii ad non Electos quoque pertinere, concludi posset Animadversoris institutum, sed tantùm, illam esse latiorē, quàm à me proposita fuit, universalem haudquaquam. Solenne verò Animadversori, in toto hoc opere vela obliquare, & loco defensionis Gratix Vniversalis, quam tuendam suscepit, & quæ est *κατ' οὐμὸν* nostrum, manifesto imbecillitatis causæ suæ indicio, deflectere ad Thema aliud, quod majori specie urgeri posse censet, super iis quæ non electis aliquibus, vocatis tamen externè per verbum, communia videntur.

3. Argumentum de liberis gentilium (quibus nec verbum, nec τὸ πρῶτον proponi potuit simpliciter) cavillo eludit, se non *detenturum Lectorem diutius in umbrarum istarum depulsione.* Omnem enim Dei dispensationem circa salutem hominum pertinere *ad adultos per se & primariò, ad infantes secundariò tantùm & consequenter*, quod sint tantùm *paries & appendices parentum.* Elumbem istam responcionem accuratè excussimus & confutavimus cap. xiv. Partis Primæ. Falsum etiam, dispensationem Dei circa salutem pertinere *per se & primariò* ad adultos tantùm. At Scriptura de Jacobi salute, Esayi exitio, pronuntiat, quum essent adhuc in utero mater-

no: Eosque ut *ἀποδείξμα* Electionis & reprobationis constituit. Sic promissiones Dei æquè ad liberos fidelium parentum, ac ad parentes ipsos pertinent. An etiam dispensatio Dei circa salutem non pertinet per se & primariò ad illos quos Deus sibi sanctificat ab utero? Imò dispensatio ista primò & per se pertinet ex æquo ad omnes illos qui sunt & fœderati & salvandi. Et quum æqualem ponat tum prædestinationem tum redemptionem conditionatam, vel voluntatem saltem Deitalem, ejus objectum ex æquo sunt omnes omninò, qui ut individua ad genus humanum pertinent, vel ista voluntas, & beneficia illam consequentia æqualia non erunt.

4. *Umbras* illas se non tam facilè, ut videri vult, à se abigere, satis docet, dum hoc argumentum resumit, & ostendit se ne sibi quidem ipsi in superiori confutatione satisfecisse proponendo diversam Dei *χρῆσις*, unam, quàm pro sua *φιλανθρωπία* res pertinentes ad salutem hominum procurat, alteram quàm orbis terrarum rector atque moderator est in eis quæ spectant ad generis humani societatem conservandam & gubernandam. Priori respectu, Deum ea salutis media hominibus suppeditare quæ liberis eorum juxta cum illis offerrentur si adolererent, quia destinati sunt universaliter omnibus. Posteriori, multos infantes è numero virorum eximi, antequam adolecant, quia sic è re esse judicat societatis humane. Quàm in re, addit Animadversor, & bonum se se ostendit erga homines, quorum commoditatibus istorum morte consulit, & erga infantulos illos ita se gerit, ut si ex eorum conspectu sublatum est objectum, quo certum erat, fore ut abuterentur ad majorem suam perniciem, non habeant cur de eo conquérantur. At 1. *χρῆσις* ista *φιλανθρωπίας*, nimirum communis & universalis, qualem intelligit Animadversor, Deo ab eo affingitur, non probatur, & est ipsum *καρὸν*. 2. Ut istæ *χρῆσις* distinguerentur sano sensu, una tamen ex illis tribui non debet Deo, eo modo quò evertit alteram. Pone verò, *φιλανθρωπίας* Dei ex una parte erga singulos peccatores tendere ad eorum salutem; ex altera verò Deum infantes gentilium naturaliter & necessariò corruptos, ex decreto *ἀπεχυνίτω*, adolescere non sinere; annon semper sequitur talibus omnia prorsus media ad salutem interverti? Adeoque posterior *χρῆσις*, per quam statuitur Deus ut rector universi infantes illos tollere antequam adolecant, evertit priorem de talibus salvandis, & de universali propositione mediorum sufficientium ad salutem in ordine ad omnes & singulos homines. 3. Quàm parùm sano judicio hic usus fuit Animadversor, dum dicit, Deum ex gentilibus de quibus agitur media suppeditare, quæ liberis eorum juxta cum illis offerrentur, si adolererent. Eo ipso enim incurrit in se ipsum, & fatetur, talia media illis nec offerri nec oblata esse, quia non adolescunt, & quia Deus vult eos non adolescere. Adeoque Deus qui non vult illos adolescere, non vult

illos

illos esse in eo statu in quo ulla illis media salutis possint offerri. Ista itaque dispensatio tollit omnino *φιλανθρωπίαν* illam universalem & ejus exercitium. Si quis diceret, Pharaonem voluisse sub una *χρίστ* liberos Israëlitarum ad splendida munia in aula sua evehi, sub conditione si hoc vel illud præstarent adulti, & tamen simul eum voluisse sub alia *χρίστ* illos in profluentem projiciendos curare in prima infantia, nec permittere ut adolescerent, ille vix se, vel Principem ejusmodi tueri posset à meritissimis diceriis & justissima insectatione. Et tamen, si Animadversori credimus, Deus voluit id genus infantes ad beatitudinem evehi, sub condicione, si adulti hoc vel illud præstarent, noluit tamen eos adolescere, imò eos in herbâ oppressos voluit. 4. Destinata esse etiam illa media omnibus universaliter, falsum est, & implicat contradictionem; *Absolutè* sanè ea iis destinata non esse, ex eo patet quia non adolescunt; *sub condicione* ea iis destinata esse, si adolescant, ridiculum pariter est, quia Deus decrevit eos è vivorum numero eximere, antequam adolescant. 5. Non est quæstio, an id sit è *re societatis humanae*, sed an hoc sit è *re infantium* illorum? Et an Deus id è *re* eorum esse velit? Et an Deustalibus, quibus propter humanæ societatis bonum vitam adimere vult antequam adolescant, salutem velit, & media salutis ulla suppeditet? 6. Nec fatis, media ista offerri parentibus, quia infantes illi in se peccatores & rei censentur, objecta in se damnationis, quibus tamen media salutis nulla, sed tantùm parentibus eorum obtingere supponuntur. An verò illi obistere possunt, vel ne nascantur ex parentibus id genus, vel ne parentes illorum negligant ista media, vel ne eximantur è numero vivorum, antequam adolescant? 7. Peccatur denuò *ignoracione elenchi*. Nec enim quæstio, an sic Deus bonum se se ostendat erga homines, quorum commoditatibus istorum morte consulit, sed an infantibus illis quos in prima ætate exstingui vult, salutem velit, & iis media ulla ad eam perveniendi suppeditet? Imò eo ipso quia istorum morte in tenerrimâ ætate consulit reliquorum commoditatibus, fatetur, eos abripi in statu, in quo nullorum prorsus mediorum sunt capaces. 8. *Εξαρτίον* etiam, infantes istos non habere eür de Deo conquerantur; nec hoc quæritur. Id verò quæritur, annon omnia media illis denegata sint ad salutem. Istam verò difficultatem nulla subtilitate eludere unquam poterit Animadversori. Et ipse facteri cogitur, ex eorum conspectu sublatum esse objectum, & omne quidem. 9. Nec juvat dicere, certum fuisse, futurum ut eo abuterentur ad majorem suam perniciem, sufficit nobis, nullum planè objectum illis fuisse manifestatum, adeoque gratiam objectivam non fuisse nec esse universalem, quod est *πενόμειον* nostrum. Quæ etiam factum, quod in hoc

statu nascerentur, in quo futurum erat, & infallibiliter quidem, ut abuterentur objecto sibi proposito, si adolescerent? An illi poterant vel impedire istam corruptionem, vel eam emendare ulla ratione? Et, an talibus malicia affectata, qualis Animadversori impotentia moralis est, adscribenda est? Et annon omnia quæ ad eorum nativitatem ita corruptam pertinent evenire ex dispensatione Dei, & quæ ullo modo potuere salvari, qui tales? 10. Si etiam certum, fore, ut abutantur objecto gratiæ ad majorem sui perniciem omnes qui non sunt electi, ut fatetur, adeoque id non tantum utile illis esse non potest, sed etiam damnosum est, & non potest non esse, vel castiget se Animadversor vel sua verba sibi applicet: *Quis ferat quemquam ex ulla re magnum damnum accipere debere, ex qua nullum omnino emolumentum capere potest?* Ne ferat ergo hoc Animadversor, vel emendet istam Dei dispensationem, & doceat homines eam non ferre! Præter hos sanè de quibus agimus, plurimi adulti ex non regeniis, necessarii ex vocatione per verbum majus damnum accipere ab ipsomet censentur, sine ulla perceptione emolumenti, ne possibili quidem, ob corruptionem suam moralem.

V. Addit Animadversor; *se præterire pardos, Æthiopes, leprosos & mortuos, quod jam sint eliminati:* At non pro imperio, sed ratione sunt eliminandi; nec prætorio edicto hæc causa agitur vel supercilio, sed argumentis, qualianobis nunquam exhibebit, quæ examen accuratum sustinere possint. Ipse sanè, ut demonstravimus, fateri cogitur, dari comparationem respectu talium in eo in quo à nobis instituitur duntaxat, *quantenus eventus utrobique aequè certus est, & respectu futurationis aequè necessarius.* Eliminata verò similia ista cupit Animadversor, ædilitatem sibi sumens sine suffragio, quia absurditatem causæ ipsius renudant, & docent eum *οὐκ ἔστιν ἡλίου περιμύθιον λαλεῖν.* *Conditiones non præstabiles etiam se ne respecturum quidem dicit, singulari sanè prudentiâ.* Scilicet *ἁπλοῦν φέρεται τὸ περιμύθιον!* Et sanè obstructâ rimâ unâ impotentiz moralis, *ὡδ' ἔγκρατος λέλειπται* Animadversori: An hoc etiam Disputatoris ingenui, & qui Adversarium suum catenatum triumphatumque se ducere gloriatur, pro arbitrio ea eligere quæ respiciat in confutatione, prætermisissis pro arbitrio iis, quibus *δοῦνός τι πικτυ.* Importuna, sanè talia sæpe visa Animadversori, sed qui se istâ indagine cinctum videbat undiquaque & vix rimam prospiciebat ad fugam: Quod inquit: *Feram se insectari,* dum me insectatur, non insectabor. *Lenitatis* ista Christi sunt emblemata. Si cæteroquin vel semel solidè refutet à me dicta, repetitionem responsonum non urgebo. Demonstratum verò denuò à nobis, pessimæ notæ esse responsones allatas in prima Animadversionum parte, adeoque vel ipse ingenuâ confessione

sione erroris se triumphatorem ostendet, quod vix sperare nobis licet ab ipsius ingenio, & quæsitâ tam anxie retrò existimatione; vel alia ipsi excogitanda erunt, quæ causam labentem fulcire possint. Nequicquam enim quiritatur; me eadem sæpius inculcare. Si enim bona sint, non peribit illorum robur, quamvis repetantur: sin mala, causam nostram prostitutum ibunt, & Animadversoris negotium commendatum. Sed id prius ipsi demonstrandum erit. *Permiscere verò me multa ad rem minimè pertinentia*, docere debuit inductione exemplorum. Judicabit verò Lector cordatus, quis nostrum ad rem pertinentia dicat, quis aliena à re, & meras digressiones, quavis occasione capiet. Et si à talibus Animadversionum opus expurgandum foret, tumida ista moles tota concideret. Certum interca, & æquè clarum, ac Solis radii esse solent, quum sudum est, eum patientiam Lectorum non fatigare, sed enecare propemodum, non digressionibus duntaxat creberrimis, sed etiam repetitionibus continuis suarum opinionum, & distinctionum, & sesquipedalibus ampullis, quibus se triumphatorem passim infert magnâ cum pompa. Responsiones se *delectu factò* aggressurum pollicetur, *qua plus roboris habent*. Estne verò Disputatoris candidi delectum facere pro arbitrio confutandorum, si & integra ab eo exigatur confutatio, & ille ipse eam *μὴ πρὸς τὴν ἀπορίαν* polliceatur (quod sæpe jactabundus facit) imò si gloriatur, nihil à se prætermisum. Adoptionem verò quod spectat, quam mihi defert, ut eligam quamlibet responsionum mearum partem, injusta illa est & iniqua, quippe qui omnes responsiones meas solidas esse censeo & optimæ notæ. Totam ergo molem tantus heros vel expugnare debuit, vel aggredi saltem. An verò *tergiversationibus* rem gesserim, an verò argumentis, an nihil sit *vanius meis argumentis*, vel an illa *indigna sint vero genio Theologorum*, judicabunt alii. Judicârunt per Dei gratiam de iis aliter præcipuè Orbis Reformati Academix, & Celeberrimi totius Europæ Theologi, quorum judicia non obnoxia quæ penes me habeo, pluris facienda quàm hominis æstuantis & extra se rapti impetigo, vel *lauros suos marcescere dolentis* indignatio.

## CAPVT II.

## Vindiciæ Responsionum ad I. Erotema.

*An ex iis quæ de temporariis dicuntur Hebr. v. 1, 4. probetur  
Gratia universalis?*

## BREVIARIUM Capituli secundi.

**R**egesta ab Animadversore ad responsiones nostras. Consideratio triplicis eventus prædicationis Evangelicæ. Elenchus *ἡ ἀποδομιὰ τοῦ ἀπαγγέλλοντος* Animadversori. Ad rejicientes omnino prædicationem Evangelii, vel ad tempus eum admittentes salvificâ fide eam excipere possint. Inconsequentia Animadversoris notata. Ignoratio elenchi offensa. Qui dicantur homines ἀνθρώποι ἰσχυροὶ Filium Dei. An verborum Apostolicorum consideratio sit jejuna grammaticatio. Temeraria Animadversoris assertio. Quid τὸ φησὶν multis à veteribus. Quid φησὶν ἡ ἐκκλησία? *ἡ ἐκκλησία τοῦ Θεοῦ*. Inconsequentia alia notata. Exceptio de aliquibus non electis confutata. An credant temporarii, Christum pro se mortuum, & an hoc sit à Spiritu Des. Qui veritas Evangelii quadantenus admittatur à multis. An ad quamvis admissionem veritatis sit necessaria vis Spiritus. Calvini verba restituta in Animadversorem. Distinctiones luminis convincentia, coercens & convertentia. An donum cælestē hic sit Apostolo justificatio in morte Christi. Argumentatio à non distributo ad distributum impacta Animadversori. Dogma *ἡ ἀποδομιὰ τοῦ ἀπαγγέλλοντος* Animadversoris de justificatione. An sermo Apostolo de potentiall & conditionatâ justificatione. Inconsequentia alia notata. An ἡ ἀποδομιὰ τοῦ Θεοῦ semper designet justificationem. An Spiritus ad Hebr. 12. sit Spiritus consolator & sanctificator. Oppositum demonstratum. Calvinus adversus Animadversori. An Spiritus sanctificator obtingat deficientibus à Christo. Qui tales participes dicantur Spiritus S. An Spiritus consolator precedat Spiritum sanctificatorem. Quid denotet bonum Dei verbum. Quid pariat ejus gustus. An omnes qui gustant Evangelium, habeant suave divini erga se amoris testimonium. An virtutes tuturi seculi non possint esse virtutes miraculorum. Qui Oeconomia Messia designatur à Iudaï: Quid sit *ἡ ἀποδομιὰ τοῦ ἀπαγγέλλοντος*. Qui hoc seculum dicatur futurum. Quis designetur gustus ab Apostolo. Quorum donorum fuerint vel non fuerint participes illi de quibus sermo Apostolo. Annon electi eadem dona dicantur imbibisse cum electis. An externa doctrina salutaris esse possit non electis. An dicendum temporarios tantum non æquè imbibisse eadem dona cum electis. Oppositum in appposito ab Animadversore statutum. Graduale, non specificum discrimen positum inter electos & temporarios ab eodem. Ignoratio elenchi notata. Qui idem verbum proponatur & non proponatur. Quo ordine proponatur verbum Evangelicum. An non electi possint recipere semen in bona terra. An sub intentione salutis illis proponatur. An dicendum, non electos posse bene recipere semen, si velint. Exceptio ista confutata. Assertio falsa Animadversoris. Verba ejus contradictoriè opposita verbis Christi. Falsa suppositio, initia vera consolationis ac sanctificationis in temporariis dari. An gustus non electorum oriatur ex persuasionē de Christi morte. Contradictio Animadversoris in appposito de persuasionē non persuasionē. Christum non mortuum esse pro non electis probatur. Candor in Animadversore desideratus. Truncata ab eo & dissimulata multa. An vera possit



possit esse consolatio vel sanctificatio qua solida non sit. An initia utriusque sint sine complemento. An temporarii gustent divini erga se amoris testimonium. Gustus duplex distinctus. An nemo possit esse particeps Spiritus S. sine aliquo sanctificationis tentamento. Distinctus sensus univocus & equivocus. Consolationis vel gaudii temporariorum initia. Varia Exempla. At ea sint ex paterna Dei indulgentia sensu. An persuasio de Deo in Christo placato fuerit, vel potuerit esse universalis. An omnis persuasio de re vero semper nitatur fundamento. An Denu temporarii Christi satisfactione verè placatus fuerit, vel non. An eius rei persuasio in illis possit esse à Spiritu Dei. Convitium de contradicendi studio, abstersum. Contradictio Animadverseris notata. Qui temporarii dicantur peccare in Spiritum S. An ex nostra sententia desinat hic commemorari peccatum maximè horribile. A quo Spiritu desciscant temporarii. An desciscant à persuasione, movem Christi pro se obita. An deponatur à fidei persuasio Spiritus S. de morte Christi pro se obita. An temporarii verè talem habere potuerint, secundum ipsum Animadversorem. Falsa opinatio distinguenda à persuasione fidei. Qui temporarii spernant remissionem peccatorum. An verum ejus habeant sensum. Quale officium eorum qui verbum audiant. An remissio peccatorum ad temporarios pertineat sub conditione. Connexionis alia ratio, alia partium connexi. Illi etiam peccare possunt in doctrinam de remissione peccatorum ad quos non pertinet. An absurdius sit, omnibus incumbere penitentiam quam fidem. Nedus ab Animadversore nexus ipsimet solvendus. An Apostolus supponat, Christum semel crucifixum fuisse pro temporariis. Neque via aperta verborum Apostoli in Animadversore notata. Quo sensu dicat, tales Filium Dei accepisse. Vera phrasios istius expositio, defensa. Temeraria Animadversoris assertio castigata. Contraria, opposita. Sensus casualis verborum Pauli. Locus ad Hebr. x. nequequam allegatus ab Animadversore. Calvinii commendatio. Cui nostrum favent. Absurda varia interpretationi Animadversoris impacta. Interpretatio alia evertens totam Animadversoris argumentationem. OEconomia Dei circa electos.

I. **E** Rotema primum à Dissertatore propositum à nobis accuratè expensum fuit Parte III. Exercitationum à pag. 170. ad p. 173 i. & responsionibus variis partim *ostensivis*, partim *apagogicis* confutatum. Quæ ut consulat Lector, & causæ interest, & id ejus seridè & sanctè acceat fiducia me ab eo flagitare jubet.

II. Quid ad singula Animadversor? I. Ostendit prolixè, ex quo pendeat vis argumentationis primo Erotemate comprehensæ, nimirum ex eo quod Scriptura doceat, *predicationem Evangelii triplicem eventum foriri*: Vel enim recipi per veram fidem, quod in electis contingit, vel omnino rejici, quod fit à multò maxima parte non electorum, vel aliquatenus admitti à nonnullis, quorum quia fides fluxa est, nec perseverat usque ad mortem, *temporarii* nuncupantur. In postremo hoc hominum genere quosdam repositos, de quibus Apostolus loquatur Hebr. v. 1, 4, 5. quibus tamen acciderit, ut ab Evangelio desciverint. At i. Quæ consequentia ratio; si dentur quidam qui aliquatenus admittunt predicationem Evangelii, & qui fidem fluxam habent: Ergo datur Gratia universalis?

salis? Istud enim thema est quod probare debent Erotemata, si respondeant scopo Auctoris sui, & titulo operis. An verò fides illa omnium non electorum est, vel esse potest ex dispensatione Dei? At ne ipse quidem hoc affirmare auit. 2. Ille qui veterejcit omnino prædicationem Evangelii, vel qui ad tempus illam aliquatenus admittit, vel verà ac salvificà fidẽ prædicationem illam excipere potest, potentià morali, secundum Animadversorem, vel non: si prins, possunt non electi fieri electi, & reprobi salvari, & aliqui possunt venire ad Christum, quos tamen Pater non trahit, & credere quamvis non sint ordinati ad vitam æternam, & mala arbor potest bonos fructus ferre. Si posterius, haudquāquam Deus illis Evangelii prædicationem proponit ad salutem, vel eos per eam vult salvari. 3. Quæ sequela: si temporarii sunt illuminati: Ergo sibi persuadent vel Deum se velle salvari, vel Christum pro se mortuum?

III. 2. Addit: *Quando tales ab Evangelio desiscunt, ἀναστρέφονται εἰς μαγανίαν, ejusque rei rationem hanc reddit, quod Filium Dei ἀναστρέφονται ἑαυτοῖς, & exponunt ignominie.* At 1. Quid hoc ad Gratiam Universalem facit, quod tales non possint revocari ad pœnitentiam? 2. Qui tales dicantur Filium Dei ἀναστρέφονται ἑαυτοῖς, ex phraseos ab Apostolo adhibitæ, & locorum parallelorum collatione à nobis demonstratum p. 1728. 1729. Quibus nihil aliud opponit Animadversor, nisi esse jejunam grammaticationem: Nomenclationem istam revera merentur pædagogicæ illæ crepundix & scruta, quibus duas Partes speciminis sui oppleta voluit, quæ multum sanè faciunt pro gratia universali probanda. Loci verò Apostolici, & verborum Apostoli seria consideratio ad argumentum nostrum directè faciens Animadversori est jejuna grammaticatio. Contra sensum verò omnium Interpretum & Theologorum quotquot sunt vel suè inter veteres atq; recentiores, me hic ite temerè affirmat, eum ne decimam quidem eorum partem vel viderit vel noverit. Auctoritates humanas congerere hic proclive foret, nisi constitutū nobis in hoc Opere esset ex humana autoritate non disputare.

IV. 3. Subjicit: *Illuminari, esse vi aliquâ Spiritus Dei veritatem Evangelii quandantenus admittere.* At 1. An & hoc Veterum omnium & Recentiorum interpretum glossema est? Atqui multi τὸ φωτίζεσθαι sumpsere hic pro βαπτίζεσθαι, prout φωτισμός & φωτισμα sumitur apud Veteres pro βαπτισμῷ & αἱ ἡμέραι τῶ φωτων, dies baptismales, baptismi olim administrando destinati dicebantur, ut Paschale & Pentecostale festum. Sic ἡ φωτεινὴ ἡμέρα vocat Gregorius vestem, quā indui solebat ὁ φωτισθεὶς. 2. Demus, illuminationem intelligi. Quæ consequentia? Si aliqui non electi vi aliquâ Spiritus Dei veritatem Evangelicam quandantenus admittunt. Ergo datur gratia universalis. An verò omnibus vel proponitur veritas Euange-

Euangelica, vel an illuminantur omnes? Si excipiat, satis esse aliquos non electos eam admittere: præterquam quòd non concludat institutum suum de gratia universali probanda, absque quo omnia alia nequicquam probantur, proclive nobis regereret, ex eo non sequi vel Deum voluisse, tales salvari, vel tales sibi persuasisse, vi Spiritus Dei, Deum voluisse se salvari. Vt ut enim Spiritus S. operatione communi in illis aliquid produxerit lumen, non sequitur tamen evanidam illam opinionem, *se salvandos*, fuisse à Spiritu Dei; quum ipso eventu pateat, illam falsam esse. Quamvis ne hoc quidem constet, temporarios eam habere. 3. An etiam veritatem Evangelii *quadantenus* admittere est statim credere Christum esse pro se mortuum? Atqui illi possunt veritatem Evangelii *quadantenus* admittere, qui credunt, salutem non esse in lege, in Synagoga, in Gentilitate, sed in Messia, & illum Messiam esse Jesum Nazarenum, & omnes in eum credentes servandos. Imò istius doctrinæ veritas admitti sæpè potest *theoricè*, sine ulla vi Spiritus Dei, prout Diabolus eam admittit, & agnoscere cogitur, eam verissimam esse. An verò istam fidem quam Jacobus tribuit demonibus, dicemus productam à Spiritu Dei?

V. 4. *Calvini* verba adducit Animadversor, quæ nos non feriunt, imò pro nobis sunt; quia enim *cæci sunt homines, donec Christus illis affulgeat*; cæci fuere, & mansere, omnes extincti in gentilitate, quibus Christus non affulsit, nec aliter se habere potuere, idque ex decreto Dei, quos utique salvari noluit. Adde, supponi, non probari, omne lumen quo Christus affulget mentibus virtute Spiritus ad salutem sufficere. At datur sæpè lumen aliquod *convincens* aliud *coercens*, non electis, electis verò solis lumen *convertens*. Nullum verò potest esse salutare nisi ultimum. Et nulli salutem Christus vult, cui non vult affulgere lumen ultimum.

VI. 5. *Donum cæleste*, inquit, esse *justificationem in morte Christi*, quæ Rom. v. *ἡ δωρεὰ τοῦ θεοῦ* nuncupetur. Quo nihil absurdius. Nam 1. Argumentum ducitur à genere ad speciem affirmativè, vel à non distributo ad distributum. Tales dicuntur particeps redditus doni cælestis: Ergo justificationis in morte Christi. Vel, justificatio in morte Christi est donum cæleste: Ergo ubi de dono cælesti sermo, ibi intelligitur justificatio. At plura alia æquæ sunt dōna cælestia ac justificatio. 2. Quid magis his ἀρεῶν? Si enim temporarii illi particeps sunt facti doni cælestis, & donum illud cæleste sit justificatio in morte Christi. Ergo tales fuerunt justificati in morte Christi: At defecerunt postmodum, & fuere damnati: Ergo justificati in morte Christi possunt damnari, & justificatio non connectitur nexu inseparabili cum glorificatione? Nec sermo de *potentia* vel *conditione* justificatione; verba enim Apostoli absoluta sunt, & docent actua-

lem receptionem doni istius cœlestis. 2. Quæ consequentia etiam? Paulus Rom. v. per *δυσπείαν* & *ἡν* intelligit justificationem in morte Christi. Ergo & hîc? At & alibi *ἡ δὲ δαπέδον τῆς ἡν* alio sensu sumitur, verbi gratiâ Act. v. 11, 20. Quasi verò noticia & gustus aliquis doctrinæ Evangelicæ non sit etiam donum cœleste!

V II. 6. Addit; Notum esse ex Evangelio, quid sit Spiritus ille cujus participes esse dicuntur; nempe *Spiritus consolator*, & *Spiritus sanctificator*. iis omnibus indultus qui Eûangelium recipiunt. Mîra verò Animadversoris fiducia de stupore Lectoris! At id haudquaquam ex Evangelio notum, vel Spiritum semper designare Spiritum *consolatorem*, & *sanctificatorem*, ut Ciceronianè loqui placet Animadversori; vel iis omnibus qui spiritus participes dicuntur, obtingere Spiritum *consolatorem* & *sanctificatorem*, quasi non alia dentur dona Spiritus magis communia, vel quævis Evangelii receptio hoc Spiritu fiat! Iste verò Spiritus quem *consolatorem sanctificatorem* vocat, Filiorum Dei peculium est. Si consuluisset etiam Animadversor Calvinum in hunc locum, vidisset id quod vult omnibus notum esse, tanto Interpreti hîc ignotum fuisse. An hoc etiam Orthodoxæ Theologiæ axioma est, Spiritum *sanctificatorem* obtingere illis qui postmodum deficiunt totaliter & finaliter, à Christo, nec instaurantur? At sanctificationis donum perpetuum est, & conjunctum cum glorificatione, & ubi Deus semel incipit bonum istud opus gratiæ, ibi etiam id perficit ad diem usque Domini. Cur non potius dicamus, tales participes fuisse factos Spiritus sancti, secundùm dona communia etiam non electis, verbi gratiâ quod linguis loquerentur, prophetarent, &c. de quibus Spiritus donis sermo Apostolo 1 Cor. xii, & xiv. Equidem si Calvinum inspexisset in locum illum Animadversor, observasset, Deum dare Spiritum regenerationis, ad eoque Spiritum *sanctificatorem*, nec enim aliud est, *electus*, & eos hoc ipso differre à reprobis. Cur etiam Animadversor præponit Spiritum *consolatorem* spiritui *sanctificatori*? At hic præcedere debet & actu præcedit. Nec enim solida consolatio, nisi post sanctificationis sensum.

V III. 7. Addit, Calvinum rectissimè explicare, quid denotet *bonum Dei verbum*; notari enim discrimen Legis & Evangelii. Quamvis hîc recedere possimus à Calvino, ut Animadversor ab eo recedit in verborum antecedentium expositione, hoc nos non ferit, & dabimus libenter, Evangelium designari, & tales dici gustasse Evangelii doctrinam vel ob novitatem, vel ob suavitatem summam, vel ob liberationem à iugo legalium ceremoniarum, vel ob alia id genera. Quid inde? An verò, quia Calvinus inquit, Evangelium esse *suave divini erga nos amoris & indulgentiæ*

*et testimonium, sequitur, omnes illos qui gustant Euangelium quovismodo, sentire suave divini erga se amoris testimonium? Illud verò liberaliter admodum de suo supponit Animadversor. Nec enim omnes illi, qui aliquomodo percipiunt rem aliquam, percipiunt id omne quod est in re. Imò quia tales gustum tantum aliquem habent, hoc est, primordia quædam cognitionis Euangelicæ, id non habent, quod non nisi veram applicationem istius Euangelii per fidem sequitur. Annon Herodes etiam habuit gustum aliquem boni Dei verbi, quando cum gaudio audiuit Johannem? Annon Judæi etiam multi Joh. v. 35? An & illi habuere in se, & sensere suave divini erga se amoris testimonium?*

IX. 10. Subjicit, secundum Calvinum significari, *gustum virtutum futuri seculi nos adiuvari in regnum celeste, ut beatam immortalitatem, qua sensus nostros lætat, spiritum cernamus.* At 1. An de eo dubium, in nobis gustum virtutum futuri seculi hoc efficere, vel in eo gustum istum respectu nostri consistere; quæstio est; an idem reperiatur in omnibus qui gustum aliquem habent virtutum futuri seculi? 2. Quid? si per virtutes futuri seculi cum Chrysostomo & Interpretibus aliis eximis intelligamus τὸ θαυμαστὸν ἁγίων, virtutes miraculorum quæ obtingebant multis etiam hypocritis & quæ vocantur virtutes fidei seculi, hoc est, œconomix N. Testamenti, vel Messicæ, quæ à Judæorum Magistris interdum appellabatur *משיח* vel *משיח* hoc est, mundi venturi, renovandi, cui mundo & promissæ & reservatæ veluti erant istæ virtutes. Sic cap. 11, 5. οὐκ ἐστὶν ἡ μετάνοια, sumitur pro Ecclesiâ Novi Testamenti. Futuram vero dicitur hoc seculum, non respectu illorum, qui tum vivebant, sed respectu Patrum, qui id & futurum credebant & sperabant, & istâ fiducia se erigebant, & hoc nomen obtineat per ἀνέστην ad statum Testamenti Veteris, cuius œkonomiâ durante ferebant iugum αἰσχροκρῆν. 3. Demus etiam, intelligi gustum quendam immortalitatis & gaudiorum cœlestium, quæ proponebant præcones Euangelii doctrinam istam salutarem amplectantibus, an ob id sequitur, quicumque capiebantur interdum, defultoria quædam ratione, desiderio istius felicitatis, illos fide in regnum cœleste admissos fuisse, & beatam immortalitatem spiritu, ut oportet, intuitos esse. Et sanè τὸ γινώσκειν bis hic adhibitum à Spiritu sancto, ostendit superficialiam duntaxat perceptionem talium subiecto isti tribui, prout & τὸ γαστρεῖν opponitur sufficienti applicationi vel perceptioni Matth. xxvii, 34 & 11 Reg. iv, vers. 40.

X. Quid verò ex his infert Animadversor? Fuerunt ergo, inquit, isti temporarii, de quibus eo loco agitur omnium istarum rerum participes aliquatenus. Fuerunt sanè, sed quarum & quatenus & qui ostensum. Et supponitur,

non probatur, ullorum donorum adoptionis, & propriorum electis temporarios, sitales hic intelligantur, unquam fuisse participes. Describuntur verò hoc modo ab Apostolo, quia *χρῆμα* aliquod illorum habuere, quæ revera Apostolus proponit, non quæ illi affinguntur, ut notet, tales & Christo nomen dedisse, & Evangelium professos esse, & de eo multa novisse, & super eo gavisos esse, sed gaudio evanido, ut Christus docet in parabola, Matth. xii 1, 20. Radicem tamen tales non habuere, adeoque nunquam veræ fidei facti fuere participes. Addit Animadversor, *istos ea omnia non aequè cum electis imbibisse, & electorum illuminationem singulare quid habuisse, quo fit ut à temporariis non gradu tantum, sed etiam specie vocationis discernantur.* At 1. Ista dona vel sunt dona adoptionis, vel non; Si sunt, nulli sunt communia qui non vel adoptatus sit, vel adoptandus, adeoque qui non sit electus. Sin talia non sunt, non sunt eadem dona cum donis quæ imbibuntur ab electis. Idem quidem semen est, hoc est, eadem doctrina externa quæ proponitur multis non electis, etsi suo ordine & gradu; quia verò recipi non potest salutariter nisi in bona terra, nec terra bona esse potest nisi à Spiritu S. talis reddita per vocationem efficacem, & tractionem ad Christum, externa sementis salutaris esse non potest ulli qui non redditur terra bona à Spiritu S. Et quem talem reddere non vult, illum non vult salvare. 2. *Illuminatio* de qua Apostolus hic loquitur, *gustus doni celestis, participatio spiritus S. gustus boni Dei verbi & virtutum futuri seculi*, vel sunt dona ejusdem speciei & naturæ cum donis electorum, vel non. Si sunt dona ejusdem speciei & naturæ, debent habere radicem & non deficere, & ii qui ea habent non possunt esse temporarii. Sin talia non sunt, non possunt esse salutaria, nec Deus illos salvare vult, quibus illa tantum vult obtingere. Non ergo tantum temporarii non aequè imbibere cum electis eadem dona, sed plane non imbibere eadem dona, minus persuasionem de morte Christi veluti pro se obitâ. Nec illuminatione tantum electi distinguuntur à non electis, sed & tractione & sanctificatione. 3. *Oppositum* statuit Animadversor *in opposito*. Si enim in eo tantum sit discrimen inter temporarios & electos, quod non aequè talia imbibierint, & quod electorum illuminatio, singulare quid habeat, quo discernatur ab illuminatione temporariorum, non *specie vocationis*, sed *gradu* tantum differret. Et sanè, quum in utrisque, secundum Animadversorem, detur *φύσις*, *χρῆμα*, participatio spiritus consolatoris & sanctificatoris, testimonium suave divini erga se amoris, admissio per fidem in regnum celeste, non potest *specificum* sed *graduale* tantum discrimen inter electos & temporarios constitui, quod dona illa deficient in temporariis, perseverent verò in electis. Negat itaque hoc tantum verbis

Animad-



Animadverfor, amoliendæ invidiæ, ne hac etiam in parte videatur idem cum Remonstrantibus sentire & dicere, quamvis reipsâ gemina eorum dogmatibus tradat.

XI. Addit: *Ipsum Christum in ea parabola in qua describit temporarios hoc discrimen inter eos & verè fideles constitutere, quòd hi verbum, Evangelicum scilicet, & quo gratia continetur, recipiunt in bonam, in illis semen istud vivificum superficiem tantum occupat, ex qua mox erumpit cum aliquo gaudio, at quia non satis altas radices habet, confestum exarescit.* Atqui 1. Quæstio non est, an idem verbum utrisque proponatur, electis & temporariis, sed an eadem intentione & eodem fine à Deo, ut utrique salventur, quod in quæstione est? 2. Quæstio etiam est, an utrisque proponatur, ut credant Christum pro se esse mortuum? quod supponitur, non probatur. Hactenus verò verbum idem illis proponitur, nimirum, salutem non esse querendam in ceremoniis, vel operibus legalibus, sed in Messia, illum esse Jesum Nazarenum, omnes in eum credentes servandos. Hoc verbum Evangelicum primò proponitur, haudquaquam verò promissio singularis, ut credat Petrus vel Paulus, verbi gratiâ Christum pro se esse mortuum, nec illa locum habet, nisi ubi prius verâ fide exceptum fuerit. Illa itaque communiter proponuntur electis & temporariis, non verò ultimum istud. 3. Quia Deus novit electos tantum posse esse bonam terram, & se velle illos duntaxat talem reddere; salutariter verò hoc semen excipi non potest nisi ab illis qui sunt bona terra, sequitur, Deum istud semen non sere cum intentione salutis, nisi respectu talium. Et vel non electi possunt recipere semen istud in bona terra, vel non: Si prius, non sunt temporarii; si posterius, non cum intentione salutis id iis proponi potest. Si excipias: illos id posse facere *si velint*, nihil nisi mera verborum spumâ circummagnetur Lector, Quæstio enim recurrit, an id velle possit non electus; Si potest, electus erit; si non potest, frustra hoc dicitur. Hoc enim velle posse, præsupponit bonam voluntatem, bona voluntas vocationem efficacem, vocatio efficax electionem. Nec sermo hic de potentia volendi *physicâ*, quæ etiam in diabolis est, sed de constitutione ejus *motali*, hoc est, de ejus rectitudine. 4. Et quia lumen istud in talibus non tantum meram superficiem occupat, sed etiam non potest non ibi hærere, iis ad salutem proponi non potest, non magis quam semen potest feri cum intentione ut germinet super petram, quum fieri non possit ut saxum penetret. Etsi enim impotentia diversa constituatur, semper tamen eventus idem in utrisque consequetur, & incorrigibiliter quidem per naturam, ut ista seminatio nunquam bonum fructum proferat. 5. Nec tantum semen in talibus exarescit, quia *non satis altas radices* habet, sed quia nullas

habet, Christo disertè negante, tales *radicem habere*. Contradicit itaque Animadversor Christo, id affirmando, quod Christus expressè negat. Si Christo credimus, tales *radicem non habent*; si Animadversori, radicem quidem habent, imò radices, sed *non satis altas*. An hinc hærendum homini, qui nondum pudorem omnem decoxit, cui credendum sit?

XII. Ex his, inquit Animadversor, se hoc Erotema confecisse; *Quum initia consolationis ac sanctificationis qua sunt in temporariis, non possint aliunde esse quàm ex eo quòd illis aliquatenus persuasum fuit, Christum pro ipsis esse mortuum; & persuasio ista non potuerit aliunde esse quàm à Spiritu Dei, queritur quomodo id illis Dei Spiritus persuaserit, si verum non est?* At 1. Ex antedictis istud Erotema confici non potuit, putrido quippe tibicine fultum, quum nulla initia vera vel consolationis vel sanctificationis in temporariis dentur. 2. Nec quod in iis est *grævia* ex eo oritur, quod illis persuasum aliquatenus fuit, Christum pro se esse mortuum. De hoc enim ne verbum quidem Apostolus habet: Adeoque falsum est, Spiritum Dei id illis persuasisse. 3. Contradictio ponitur in adjecto, id est *aliquatenus persuasum fuisse*; Ac vel id illis planè persuasum fuit; vel omninò persuasum non fuit, quum persuasio de re aliqua non detur, quæ non plena sit. 4. Si etiam Christus pro talibus mortuus est, vel verè pro illis mortuus est, vel non: Si verè, semper pro iis mortuus erit in quocunque statu sint, etiam quando deficiunt, ac sic damnari nequeunt. Imò ne deficere quidem poterunt, quia oves Christi, Christo non eripiuntur, diligit enim ille ac custodit suos ad finem: Sin non verè pro illis mortuus est, non debet dici pro iis mortuus esse. Conditionatæ mortis rima retrò obstrueta fuit Animadversori, nec mors Christi à conditione, sed ista ab illà pendet.

XIII: Quid hinc Animadversor? An candidè mecum agit, & à me opposita sincerè vel proponit, vel examinat? Nihil minùs. Delibat quæ vult, truncat & dissimulat quæ non vult. Consulat Lector à me responsa à p. 1720, & videbit fidem ac candorem Animadversoris. 1. Inquit, me negare in temporariis ulla esse *solida* initia consolationis, & sanctificationis, quia si solida haberent, perseverarent. Et meritò quidem ita à me exceptum. Quid opponit? *De soliditate, quæ perspicitur in perseverantia, hinc non agi, sed tantum de re ipsa, num aliqua vera consolationis & sanctificationis initia experiantur*. At 1. Agitur de vera consolatione & sanctificatione, illa verò non potest non esse solida, adeoque & perseverans ubi est; vel ergo de ea non agitur, vel de dono solido agitur, adeoque & perseverante, quod cum non cadat in temporarios, nec vera consolatio vel sanctificatio in illos cadit. 2. Vbicunque sunt initia veræ consolationis & sanctificationis, ibi sequitur complementum. Quia ubi incipit Deus istud

istud bonum opus gratiæ, ibi id perficit, & quibus Christus est ἀγαπῶν, illis etiam est ἀγαπῶνται, quibus est ἀρχηγός, illis etiam est πληρωτής τῆς πίστεως. Nec vera datur sanctificatio, quæ non sit perseverans, adeoque quæ non sit solida. illa enim demum talis est, quæ radicem habet, quæ verò talis, illa est in terra bona, fructum constantem profert, & non deficit.

XIV. Addit. *Quisquamne potest, vel gustare divini erga se amoris & paternæ indulgentiæ testimonium, atque ad id severitati Legis oppositum, sine aliquibus consolationis primordiis, vel esse particeps Spiritus Sancti sine aliquo sanctificationis tentamento?* Atqui 1. Humana nobis glossemata opponit, non verbum divinum, quod solum ἀντίκεινται, reliqua omnia ἀποποιεῖται. 2. Supponit, temporarios gustare divini erga se amoris & paternæ indulgentiæ testimonium, & quod de nobis Calvinus dicit, trahit Animadversor ad omnes. 3. Gustus est vel ἀπίσταντος, hærens velut in superficie, mera opinatio, eaque fallax de amore Dei erga se, vel radicalis fundatus in fiducia vera. Alius *apparens*, verus alius. Prior in temporarios cadere potest, posterior non item. Ut itaque duplex gustus, sic consolatio duplex, una vera, alia apparens. Quoties verò peccatores cum Michæ se solantur quasi Deus sibi sit propitius, quando minime propitius est! Qui interea verè gustat gustu posteriori divini erga se amoris, & paternæ indulgentiæ testimonium, veram consolationem sentit. Qui non verè gustat, nec veram consolationem sentit, nec sentire potest. 4. Nihil falsius, quàm neminem posse esse participem Spiritus Sancti, sine aliquo sanctificationis tentamento. At Spiritus Sancti etiam fuerunt participes Saul, Iudas & hypocritæ varii, donis linguarum, prophetiæ, & aliis id genus instructi, qui tamen nullum sanctificationis in se habuere tentamentum. Id enim vel in sensu æquivoco dicitur, & nihil facit ad rem, vel in sensu univo-co, ut intelligatur vera sanctificatio, qualis est electorum, & nullum ejus tentamentum datur, quod non perficiatur. Vbi enim Spiritus adoptionis semel ingreditur, ibi stationem figit, & manet in æternum, secundum dona nimirum salutaria. Vbi incipit bonum opus; ibi id perficit.

XV. Addit: *Me negare & irridere, quicquid illud est, ex eo profectum esse, quod talibus aliquatenus persuasum fuit, Christum pro ipsis esse mortuum. Qui pote igitur, inquit, ut quisquam vel gustet consolationis initia, ex paternæ indulgentiæ sensu orta, atque ad id aliquo modo regni cælestis possessionem mente atque animo antecapiat, quàm aliquatenus persuasum ei sit, Deum sibi esse Christi satisfactione placatum?* At 1. Non hoc à nobis vel cavillis exceptum, vel convitiis, quod solenne Animadversori, sed rationibus. 2. Demonstratum, unde initia sive consolationis, sive gaudii alicujus (non sanctificationis) in temporariis oriantur, exemplo allato p. 1722. 1723. & rationibus ejus

rei variis adductis. Quæ omnia mirum quantum dissimulat Animadversor, quamvis clarè ostendant, potuisse gaudium istiusmodi in temporariis excitari, haudquaquam verò istam persuasionem. 3. Annon Gentiles multi consolationis & gaudii de futura etiam felicitate sua materiam uberissimam concepere ex virtutum suarum moralium, integritatis vitæ, & heroicarum actionum suarum recordatione? Quot Judæi talem sibi finxere ex mera legis ceremonialis & externorum aliquot actuum observatione! Quot Muhametani & superstitionis alii ex fictitiis suis cultibus! Quot Sociniani omne placamentum per Christi mortem rejicientes! Falsum ergo, quamvis consolationem, quodvis gaudium id genus habere fundamentum solidum. 4. Supponit splendide Animadversor, temporarios suæ consolationis initia gustare ex *paterna Dei indulgentiæ sensu, & ex regni caelestis possessione mente & animo antecaptâ*, cum nōrit alia ejus rei fundamenta à me proposita, & illa exertere debuerit, contrā probare id quod ponit ipse fundamentum, antequam ex eo argumentetur. Certum equidem, multorum pectora & gaudia ac solatio aliquod præsentī perfundi, & idem sibi in futurum polliceri, sed vanā pollicitatione, quamvis de fundamento Animadversoris ne semel quidem cogitârint. 5. Temporarii illi vel verè sentiunt *paternam Dei indulgentiam erga se*, & fide admittuntur in regnum caeleste, ut beatam immortalitatem spiritu cernant, ut ante ex Calvino docuit Animadversor, vel non. Si prius, revera sunt Dei Filii, adeoque electi. Si posterius, de illis hoc efferrī non debet, nec id de iis intellectum voluit Calvinus. 6. Quī quæso illi persuasum habere possunt, Deum sibi esse Christi satisfactione placatum, quibus nunquam illa revelata, imò quibus revelari non potuit, ne per ætatem quidem! Illo itaque etiam dato, quod haudquaquam damus, & cujus contrarium ostendimus, non sequeretur universalitas redemptionis Christi. 7. Adde, non persuasionem omnem de re verò semper fundamento niti, vel aliquem *aliquatenus persuasum* sine ἀκυρόλογια, imò sine aperta contradictione dici posse, quod ipsi antehac impactum generosè dissimulavit Animadversor. qui enim de re aliqua persuasus est, vel planè de ea persuasus est, vel nullo prorsus modo persuasus dici debet. 8. Imò vel verè Christi satisfactione Deus temporariis placatus fuit, vel non. Si non fuit, malè id sibi persuadent, nec ista persuasio Spiritum S. authorem habet. Si fuit, semper illis placatus manebit, adeoque illi nec deficient, nec damnabuntur. Cùm verò tales non manere in gratia supponantur, persuasio illa falsa fuit, & quia falsa fuit, Spiritum veritatis authorem habere non potuit. Si excipiat, Deum illis sub conditione placatum fuisse, eo ipso docet, Deum illis reverà placatum non fuisse, quia illos conditionem nec habere,

habere, nec habituros, nec haberè posse novit, futurum verò demum placatum, ubi conditionem habuerint, quam tamen nunquam habebunt.

XVI. Denique, inquit, *me falsum arbitrari, persuasionem istam non aliunde esse quam à Spiritu Dei.* Addit: *Me præ contradicendi studio non sat adverte-re, quid dicam: Quasi quisquam qui Euangelium audit, in animum ex eo suum inducere queat, Deum sibi per Christum esse placatum, nisi aliqua efficacitate Spiritus, & quasi illi non dicantur peccare in Spiritum S. quia Spiritus S. eorum mentibus illuxit.* Atqui 1. Non tantum hoc à me dictum, sed etiam probatum, illam persuasionem à Spiritu S. nec esse, nec esse posse. 2. Contradicendi studium in me nullum, sed dolor serius, quod contradicendum sit, & quod tot paradoxa infarciantur in Theologiam nostram ab homine Orthodoxiam proficiente. An verò non *advertam quid dicam*, Lectoris judicium esto. Convitia & contumelias, vel dicteria rependere, nostrum non est. 3. Falsum, concepissem plurimos temporarios gaudium, quod Euangelium illis tribuit ex ulla fiducia, Deum sibi per Christum esse placatum. contradictionem enim implicat, talem fiduciam habere, & temporarium esse, quum fiducia ista vel sit ipsa fides radicata, vel actus ejus. Quæ Apostolorum ipsorum aliquandiu hæc fuerit vacillatio, de hoc ipso satis constat ex Historia Evangelica. 4. Vel talibus verè Deus per Christum placatus statuitur, vel non. Si verè, semper illis placatus mansit, & illi non fuere temporarii. Sin minus, talium falsa persuasio non debet Spiritus S. operationi, minus efficacitati adscribi. 5. Dicuntur sanè tales peccare in Spiritum S. sed non quia sibi *persuadere aliquatenus*, Deum sibi esse placatum per Christum. Quod gratis supponitur. Ideò verò in eum peccasse dicuntur, quia veritatem Evangelicam *theoricè* agnitam, imò in qua se gaudere erant professi, negabant, odio habebant & persequabantur. Spiritus S. illorum mentibus sanè illuxit ad aliquam illuminationem, non verò ad persuasionem, Deum per Christum iis fuisse placatum.

XVII. Addit: *In primis verò istud memorabile est, quod defectionem istam Apostolus eo loco describit tanquam peccatum præ ceteris omnibus peccatis maxime horribile, cum tamen, si viro docto credimus, neque à Spiritu consolante atque sanctificante desciscat, neque persuasionem de morte Christi pro ipsis obita deponant, nisi falsam & temerè susceptam; quæ in re laudem potius mereatur quam vituperationem: neque vel remissionem peccatorum spernant, vel spem beatæ immortalitatis abjiciant, quæ nihil ad ipsos attinebat. Tum & de eo quid fiet, quod cum Apostolus tantam esse peccati istius atrocitatem prædicet, ut impossibile sit eos ad penitentiam revocari, quia contempto ac veluti proculcato Christi sacrificio, non*

aliter servari possent, quàm si denuò pro illis crucifigeretur & exponeretur opprobrio? At vir doctus admirabilem illam rerum in Apostoli instituto connexionem dissolvit scilicet, fressu nescio qua jejuna grammaticatione in particulam *αὐτὰ*, in qua is contra consensum omnium Interpretum & Theologorum, quotquot usquam sunt vel fuerunt inter veteres atque recentiores. Conserat, quaso, Lector, hunc locum cum alio qui habetur, Hebr. x, 26, 27, 28. & in utrumque legat Calvinii Commentarium. Videbit quid inter duos illos Theologos intersit. At 1. Exceptio ista hausta à Remonstrantibus, quorum vitulâ hic arat Animadversor, quicquid obtendat. 2. Si intelligantur verba Apostoli *absolute*, & *subjectum* propositionis istius constituantur temporarii, non desinit peccatum de quo hic sermo; esse *maximè* horribile præ cæteris, quamvis tales à Spiritu *consolante*, vel *sanctificante* non desciscant, à quo nemo desciscit. Satis, desciscant à Spiritu *illuminante*, mentem illorum convincente de veritate Evangelica, cor etiam tangente gaudio aliquo, sed evanido, prout serium, verbi gratiâ, sobrietatis præconium & commodorum ejus, ac incommodorum intemperantiæ representatio interdum ebriosos etiam afficit amore aliquo sobrietatis, quamvis relabantur facile, occasione datâ ad *αὐτοῦ* suam, ut aqua calefacta ad suum frigus, quia calor illi adventitius, frigus naturale. 3. Quasi verò peccatum talium desinat esse *maximè* horribile, quamvis persuasionem de morte Christi veluti pro ipsis obita non deponant, ob *lumen convictivum* quod habent, & ob *gustum* aliquem, quo affecti fuère. De persuasionem sanè ista, quod mors Christi pro ipsis obita sit, ne verbum quidem apud Apostolum, quod tamen præmittendum non erat, si illud beneficium ipsis fuisset indultum. Non opus itaque, ut tales id deponant, quod nunquam habuère; satis, eos deponere id quod habuère, extinguendo *lumen convictivum*, & suffocando gustum & gaudium conceptum ex Evangelii doctrina. Supponitur etiam, persuasionem de morte Christi pro se obita verè conceptam & à Spiritu S. productam deponi posse. At ista persuasio fides est, & quidem justificans, considerata in potissimo actu suo. Non magis itaque ista persuasio deponi potest, quàm vera fides, quæ est semen incorruptibile, donum *αἰώνιον*, & perseverans, quia Christus est *πρωτογενὴς* & quæ ac *ἀρχὴ* fidei. 4. Imò, ne ex *hypothesi* quidem Animadversoris, tales persuasionem habere poterant de Christi morte pro se obita. nec enim *absolute* pro ipsis obita erat, ut notum, quippe qui supponuntur esse non electi, nec *sub conditione* fidei, quia veram fidem nunquam habuère. Nec magis si quæ de eo fuit opinatio in eorum animis, appellari debet vera *persuasio* aut fides, & cum *contradictione in adjecto*. *persuasio* aliquatenus talis, quàm opinatio illius qui naves omnes in Piræum appellentes suas censebat; vel

pistoris



pistoris Pharaonis, sibi ex favente somnii socii interpretatione fingentis dignitatis suæ instaurationem; vel stolidi cogitatio, quam Micha fovebat animo, Deum sibi fore propitium ex institutione suæ *ἰσχυροῦς ἀποδομιῦναι*. Vituperationem semper merentur tales, ob luminis *convictivi* extinctionionem, & graves poenas. Servus enim qui novit voluntatem Domini sui, nec facit, pluribus plagis cadetur. 5. Remissionem peccatorum omnino tales spernunt; quatenus spernunt doctrinam; in qua sola traditur, & in qua eam tradi vident, amplexando & præferendo cum Demâ præsens seculum, præsentia magis spectando quam futura, & pluris faciendo exter-  
nam nimirum quietis, opum, honorum, & aliorum id genus sine Evangelio possessionem, quam possessionem Evangelii sine illis. Prout hodie-  
que doctrina de remissione peccatorum à multis spernitur, qui in Eccle-  
sia sunt, quando illi cum temporariis istis peccata sua sæpe non sentiunt, sed stupore & lethargo quodam corripuntur, vel abripiuntur ab illece-  
bris carnis & mundo. Nec tales spernunt remissionem peccatorum, quasi nōrint eam sibi destinatam, sed spernunt & rejiciunt per suam apostasiam doctrinam in qua traditur ratio ejus consequenda. Et cum in doctrina ista non offeratur ista remissio nisi verè resipiscentibus & credentibus, isti verò nec tales sint, nec tales se esse sentiant, haudquaquam possunt ve-  
rum ejus sensum habere. An verò ob id non peccant? Imò maximè peccant. debent enim omni studio anniti, media adhibere, ut resipiscant, & ut sic donum istud remissionis peccatorum suum faciant. Nec enim illis cogitandum de *decreto* Dei, sed de *officio* suo, nec de iis quibus id vel destinatum, vel nōn, sed de promissione quæ omnibus resipiscentibus & credentibus hoc beneficium exponit; prout qui in navi cum plurimis naufragis cum fluctibus colluctatur, & funem projectum videt, non debet anxie quærere, an funis sibi projectus sit & destinatus, sed eum apprehendere. Si excipiat Animadversor, eo ipso remissionem peccatorum ad tales pertinere, sub conditione, adeoque gratiam universalem conditio-  
natam admittendam. Observandum, id tantum inde sequi, eam pertine-  
re ad omnes eam apprehendentes. At quia & apprehensio illa exigitur, & Deus ejus gratiam non omnibus facit, illis solis eam destinat & vult, quibus gratiam eam apprehendendi largitur. Consequentia cæteroquin datur, si tales apprehenderent quod proponitur, futurum, ut salvaren-  
tur, ob connexionem antecedentis & consequentis, quæ nunquam à nobis negata, sed potius retorta; prout dici potest, si saxum ex se ascenderet, id fore leve; si formica impleret Theatrum, eam fore majorem mole ele-  
phanto. Cum verò in argumento nostro consequens locum habere non possit, nisi posito antecedente, & antecedens poni non possit, nisi ab iis

qui trahuntur à Patre; & qui sunt ordinati ad vitam æternam, sequitur; Deum salutem talibus duntaxat velle. In eo itaque temporarii isti semper peccant, quòd non faciant officium, quod est resipiscere, & per resipiscen-  
 tiam quærere remissionem peccatorum. An Diaboli etiam non peccant, qui doctrinam de remissione peccatorum per doctrinam Euangelii omni modo oppugnant, quamvis illa ad eos nihil planè attineat? An qui conspuunt & conscindunt literas & diplomata regia, gratiam subditis offerentia, pœnam non merentur, quamvis beneficium literis illis contentum ad eos non pertineat? Quod verò de remissione peccatorum dictum, applicandum etiam ad *spem beatæ immortalitatis*. Abjicere sanè doctrinam & deficere ab ea, de qua convictus es, eam esse viam ad immortalitatem, propter externa vel illicia vel terribilia, maxime horribile crimen est. Tales etiam nec nòrant, nec debent nòsse, eam nihil ad se pertinere. Scire verò debent, eam pertinere ad omnes resipiscen-  
 tes, & suum officium esse resipiscere, Deo verò relinquere arcana suæ Electionis. Et idem nodus expediendus Animadversori, qui vult omnibus incumbere credere, Christum pro se esse mortuum. At quum Deus fidem velit esse tantum *electorum* suorum, nec illa aliunde haberi possit, qui omnes scire possunt, an Deus velit donum istud in se operari, & an sint ex numero electorum? Annon ibi Animadversor vult hominès debere hæere in præstatione officii, eventum verò Deo committere? Idem etiam & hîc occupandum ab istis temporariis. 6. Falsum, omnino Apostolum supponere, Christum semel pro hominibus istis crucifixum fuisse, dum inquit, Tales *ἀναγκαῖον ἵνα τοῖς τὸ ὄν ᾖ Θεῷ*, & innuere, eos servari non posse, nisi denuò pro illis crucifigatur, quod nec verba Apostoli docent, nec verborum vel rerum *connexio* (quam fingit Animadversor, non probat) nec ratio patitur. Nec enim sermo de remedio necessario talibus ad sui instaurationem, sed sermo de solo eorum crimine, quod tales sibi crucifigant Filium Dei, hoc est, id iterum faciant, quantum in se est, quod semel fecêre Judæi, contumeliis & probris Christum afficiendo per apostasiam suam, recedendo à doctrina Evangelii, & eam insectando, idque in suam perniciem. Et sanè *ἡ ἐξηγγελία* subiicitur, quid sit *ἀναγκαῖον τὸ ὄν ᾖ Θεῷ*, nimirum eum *παραδειγματίζειν*, publicè traducere, & velut piaculum aliquod aut victimam odii publici proponere. Et sanè verbum posterius hîc est *ἐξηγγελίαν* prioris. Tales ad penitentiam revocari, impossibile esse, ab Apostolo dici, *ἐξαγώνιον*, tales etiam contemnere ac proculcare Christi beneficium, patet, haudquaquam verò, ut sibi destinatum. Remedii itaque istius inculcatio, & *admirabilis* illa quam fingit Animadversor, *rerum connexio*, merum figmentum est, alienum planè & à verbis

& à scopo Apostoli, qui simpliciter negat, tales posse revocari ad poenitentiam, gravitate criminis illorum designatâ, quod sibi denuo crucifigant Christum, & eum ludibrio exponant. 7. An verò expositio nostra appositâ sit, quâ à nobis proposita fuit p. 1728. 1722. super verbo ἀνασκευὴν & super sensu, quo tales dicuntur Christum ἀνασκευάζειν ἑαυτοῖς, an verò jejuna duntaxat sit *grammaticatio*, tamen si ex Scriptura ipsa firmata, Lectoris æqui judicium erit, hîc enim Animadversor iudex sedere non potest. Compendiosa scilicet confutandi ratio, contemptus est & supercilium. 8. Me hîc ire contra consensum *omnium interpretum & Theologorum, quotquot unquam sunt vel fuerunt inter veteres atque recentiores* (si reverâ id facerem, quod tamen nunquam probatum dabit) haudquaquam mirum videri deberet Animadversori, cui solenne, ab omnibus passim recedere, & ea fingere quæ nemini Orthodoxorum unquam cogitata vel scripta. Imò gratulari sibi deberet, se regi se regem accedere, nisi sibi soli indultum putat τὸ νοσφεῖσθαι, & nolit etiam hîc sibi aliquid mecum commune esse. Mirâ verò sui & Lectoris fiducia hoc splendide asseverat, quum tamen plurimorum hujus loci Interpretum ne corticem quidem viderit unquam, nedum sensum nôrit, ut qui laborum aliorum contemptum potius proficitur, quàm lectionem, paucis exceptis, quos sibi faventes credi vult. Interea, si humana auctoritate, quam in toto hoc Opere unius quidem causâ defugimus, pugnare vellemus, nube Interpretum hîc obruere possemus Animadversorem, qui hîc pro nobis faciunt, & hunc locum juxta nobiscum interpretantur de temporariis, qui donâ duntaxat communia habent, haudquaquam verò salutaria, & deficiendo ab illis graviter peccant, donec crescente Dei judicio plenum in Spiritum S. peccatum admittant. Horum verò instaurationem impossibilem esse, ut qui ed impietatis progrediuntur, ut cum Judæis Filium Dei velut probro & contumeliaz exponant & traducant, sed in suam perniciem; Talibus itaque Apostolum horrendum judicium denuntiare, & eo ipso Hebræos ab hoc crimine deterrere velle. Et sanè Interpretes multi verba illa Apostoli ἀνασκευάζειν ἑαυτοῖς τὸ πρὸς Θεῷ in sensu *causali* accipienda censent, ut causa reddatur impossibilitatis restitutionis οὐκ ἀνασκευάζειν καὶ νοσφεῖσθαι καὶ πρὸς Θεῷ καὶ ἑαυτοῖς, adeoque eo designari scelus iltorum hominum, non verò remedium quod illis instaurandis necessarium foret. Consulat Lector Interpretes Orthodoxos plerosque, & judicet de eorum vel consensu vel dissensu. Nos enim allegationibus humanis eum non morabimur, scssum satis & enecatum propemodum iis quas in Animadversoris Opere frequentius penè divinis, luculentius sanè & magis anxie pertractatas, passim reperit. 9. Loci ad Hebræos x. sensum eundem

esse, fateamur, adeoque nec illum magis quàm istum qui exstat, Hebr. vii. favere Animadversori, quod proclive nobis foret demonstrare, si compendio non studendum nobis censeremus. Cùm vel in primis satis habeat Animadversor id affirmare, adeoque affirmationi simplici simplicem hic opponere negationem sufficiat. Vbi verò vires suas in loco isto periclitari volet, habebit me sibi obsequentem & *Αὐδον αἰς μέδιον*. Calvinii commentariorum prolixam discussionem ob causam datam prætermittimus, quamvis eum in summa rei pro nobis facere haudquaquam nobis operosum esset demonstrare. Sed præstat in divina auctoritate, & quæstione *juris* subsistere. Illa una rem decedit. Quid cæteroquin intersit inter Maximum istum virum, & me, sine monitore toto animo agnosco, nimirum illum fuisse summum Theologum, & eximium Dei servum, me inter minimos, & ex minimis esse. Consensum cæteroquin doctrinæ nostræ cum doctrina Calvinii longè majorem in hoc argumento esse, quàm Animadversoris præter apertissima & plurima Calvinii dicta, & totam doctrinæ ejus æquoriam & texturam, vel solæ Adversariorum criminationes docent, qui ob istam quam tradimus de Prædestinatione doctrinam, potissimum nos *Calvinianos* appellant, & eo nomine Calvinum acerbè flagellant. Peculiaris verò, quam publico exhibendam confidimus, operæ erit, id ex ipsis sanctissimæ memoriæ Viri commentationibus & scriptis demonstratum dare.

XVIII. His observatis constabit Lectori candido de primi Exotematis vel firmitate vel futilitate quod 1. Fingit initia veræ sanctificationis & consolationis in temporarius, non probat. 2. Fingit falsum fundamentum illis substratum, *persuasionem*, & quidem cum contradictione in adjecto, *aliquatenus* tantum talem, Christum pro ipsis esse mortuum, de quo ne verbum quidem habet Apostolus. 3. Fingit, *persuasionem* vel opinionem potius quam habent tales, à Spiritu Dei profectam esse, quam tamen eventus docet esse falsam, nec Christum pro talibus verè esse mortuum, adeoque tale quid Spiritum S. authorem habere non posse. 4. Universalitatem gratiæ non probat, & *ignoratione* aperta *Elenchi* peccat, cum agatur hîc disertè de vocatis per verbum, innumeri verò ita vocati non sint. Nec excipi potest, satis esse, id de aliquibus non electis probare. Aberratur enim semper à scopo quæstionis & ab ejus statu, qui est agere de Universalis gratiæ, quæ sententia vel probanda erat vel delectenda. 5. Imò tota ista disputatio & ducta ex hoc loco & ducta ex loco ad Hebr. x. ab Animadversore à nobis verbo confutari posset, si cum multis Interpretibus dicamus, agi hic ab Apostolo de Filio Dei, & Electis, non quòd sit futurum unquam, ut tales deficient, sed id proponi ne defi-

deficiant. Et sanè nihil obstat, quominus cum Interpretibus aliquot participium *ἐξαρτίως* interpretemur *conditionaliter*, subintellectâ conditione, quod Græcis in isto loquendi genere solenne, & id resolvamus in phrasin istam *ἐὰν ἐξαρτίως*, vel *ἐὰν ἀξαρτίως*, si *prolabantur*, vel si ita prolabi eos contingat. Qualia loca in Scriptura non infrequentia sunt, Filios Dei sub gravissimis comminationibus dehortantia à peccatis etiam illis, in quæ tamen, ne incidunt, divina intercedit gratia, ad eò ut illæ ipsæ minæ sint medium potens, cuius interventu, Deus eos continet in officio, & impedit illorum lapsum. Quæ interpretatio etiam ex eo confirmari potest, quod Apostolus de Hebræis, quibus talia proponit, addat immediatè v. 9. *Sed persuasimus vobis de vobis meliora istis, & cum salute conjuncta, etiam si ita loquamur.* Sive itaque *subiectum* Aphorismi Apostolici cum Animadversore hic constituamus *temporarios*, sive cum aliis *electos*, sive *συγγρηγμένους* respondeamus, sive *ἀντιπαρσένους*, nihil plane pro causa Animadversoris ex verbis istis Apostoli exculpi potest.

## CAPUT III.

## Vindiciæ Responsionum ad II. Erotema.

*An ex verbis Iohannis I Joh. v. 9, 10, 11, 12. probari possit doctrina de Gratia Universali?*

## BREVIARIUM Capitis tertii.

**I**nnuuntis repetitis notata, & oscitantia in describendū verbis Iohannis. Ignoratio elenchī observata. Verba Animadversori resorta. Particularitas gratia ex iis ostensa. Etenim multa proposita. Qui non credentes Deum accusent mendacii. Retorso verborum Animadversoris contra gratiam universalem. An omnes dici possint rejicere Filium & vitam. Aliud, vitam rejicere, aliud, non habere. Sensus verborum Iohannis ostensus. Quæ ex iis haberi possint, expensa. Elenchus divisionis notatus. Falsa Animadversoria suppositiones. Qui increduli Deum faciant mendacem. Exceptio de morte conditionali confutata. An Diabolus etiam Deum non faciat mendacem. Contradictio Animadversoria notata. Iohannem loqui de credentibus ostensum. An Deus testetur omnibus vocatū per verbum, Christum ipsi esse destinatum Mediatorem. Ordo observandus in actibus qui exiguntur & vocatū. Testimonii distinctiones observanda. Aliud commune, aliud singulare, aliud propositum, aliud receptum. Neminem nisi electum vitam habere posse probatur. An Deus omnibus dederit vitam in Filio, vel absurdè vel sub conditione. An *τὸ ἡμῶν* non sit expendendum apud Iohannem. An Iohannes se ibi consideret ut electum, an ut hominem. Iohannem de electis loqui demonstratum. Peccatum incredulorum in quo consistat. Falsa suppositio de peccato incredulorum. An sub conditione vita data incredulis. Ordo observandus incredulis. Absurda assertiones Animadversorii. An aliqui statuerent debeat se non esse electum. Christum esse Redemptorem omnium.

*& solum electorum. Euangelium esse bonum nuntium πᾶσι τοῖς ἀκούουσιν, excludit non electos. Qui offeratur salus non electis. An illis quā talibus possit offerri. Calvinus locus eximius de sine propositi Evangelii reprobis. An oblatio salutis fiat hominibus quā talibus. Ordo decretorum à Remonstrantibus & Animadversore constitutus idem. Pro-nemini observatio defensa.*

I. **S**ecundum Erotema à Dissertatore propositum, à me acuratè excussum & confutatum habet Lector Exercitat. Part. III. à pag. 1732. ad pag. 1738. Quid ad mea reponit Animadversor?

1. Verba Johannis repetit ex 1 Johan. v, 9, 10, 11, 12. Quā repetitione tamen haudquaquam opus erat, nec enim ea à nobis vel ignorata, vel negata. Nec ita oscitanter exscribenda erant verba Spiritus S. ut illi affingeretur repetitio inanis: Porro hoc est testimonium Dei quod testificatus est de Filio suo, quum prius jam id expresserit: Quoniam hoc est testimonium Dei quod testificatus est de Filio suo. Quā ille aget religione in humanis dictis describendis, qui in divinis ita negligenter versatur! 11. Addit, se eum locum ita intellexisse, ut existimaret, testimonium quod de Filio Deus ipse perhibuit, in eo consistere, ut testaretur, eum esse ipsius Filium Messiam promissum à Prophetis, vitæ æternæ auctorem omnibus credentibus, adeo ut nihil ab hominibus requiratur, ut Filii, & unā cum eo vitæ æternæ sint compotes, nisi ut eum pro tali agnoscant, & in eo tribuant ipsi Patri gloriam veracitatis: Eos qui credunt, isti Dei testimonio locum dedisse, atque intra se in animum induxisse, & in ea re non oretantum, sed etiam mente atque animo Deo laudem illam tribuisse quam merebatur. Eos qui non credunt, Deum accusare mendacii, quia habent pro falso id quod de Filio testificatus est. Eos qui credunt, quia sic Filium recipiunt pro Filio Dei, & Messia, & auctore vitæ æternæ, recipere unā vitam æternam, quia in Christo inclusa est tanquam in causa & unica & minime dubitabili. Eos qui non credunt, idēd quia Filium rejiciunt, rejicere pariter vitam, &c. Cui bono verō ista omnia! Nec enim regnum quod hīc exercet Animadversor, me absterret, quominus ut antehac, sic & in posterum optimo sensu ista phrasi utar. An 1. A me negatum, testimonium quod de Filio Deus ipse perhibuit, in eo consistere, ut testaretur eum esse ipsius Filium, Messiam promissum à Prophetis? At hoc disertè à me positum. An etiam à me negatum, eum esse vitæ æternæ auctorem omnibus credentibus? Id verō passim non minus à me affirmatum. 2. Nihil ab hominibus requiri, ut Filii, & unā cum eo vitæ æternæ sint compotes, nisi ut eum pro tali agnoscant, & in eo tribuant ipsi Patri gloriam veracitatis, sano sensu sumptum difficultatem etiam non habet, nec inter nos controversum est. Quia tamen hoc requiritur, quod nonnisi illorum est, & esse potest, qui sunt ordinati ad vitam æternam, & quos Pater trahit, nec Filii nec una cum eo vitæ æternæ compotes



potēs esse possunt ulli alii, nisi electi. An etiam de iis quibus Deus Pater Christum nec revelavit unquam, nec revelare per ætatem potuit, dici potest, nihil ab illis requiri nisi ut Filium agnoscant, & in eo tribuant Patri gloriam veracitatis? An hoc docet τὸ γνωστὸν ἔσθαι? Hoc ipsum itaque semper particulare manet, unde de hominibus hic *indefinitè* loqui cogitur ipse Animadversor, nisi verò *universaliter* ita Filium omnibus propositum dicat, non concludit institutum suum de Gratia universali, nec hoc Erotema etiam quicquam ad ejus probationem facit. Nec quamvis ad vocatos omnes per verbum hoc testimonium pertinere diceremus, sequeretur, id universaliter ad omnes & singulos homines pertinere, adeoque gratiam istam esse universalem. 3. Eos qui credunt, ut oportet, isti testimonio Dei locum dedisse, & in ea re, non ore tantum, sed & mente & animo Deo laudem tribuisse, quam merebatur, ἐξαγώνιον est, nec quicquam facit ad rem nostram. Talibus enim testimonium istud cum invitatione eos salvandi proponi, constanter professi sumus. 4. *Eos qui non credunt, Deum accusare mendacii, quia habent pro falso id quod de Filio testificatus est, nos haudquaquam ferit.* Id enim faciebant ii ex vocatis, qui credebant jam olim, Christum non esse Filium Dei, nec ab eo missum in carnem, ut Messiae munus fungeretur, quamvis Deus disertè id testatus fuisset è cælo Matth. 111, & xv11. Credebant verò, Christum esse Pseudoprophetam, hostem Dei, Mosis, Legis & Sabbathi, emissarium Beelzebub, quas blasphemias quandoque eructabant. 5. Nec sequitur, si credentes plus credidère, Christum nimirum suum esse Mediatorem, non credentes, quibus Deus hanc gratiam facere noluit, in eo Deum accusasse mendacii, vel Deum illis esse testificatum, Christum esse ipsorum Mediatorem & eum pro ipsis mortuum esse, de quo quippe ne cogitabant quidem. Illi equidem qui credunt, & priorem actum edunt & posteriorem, electi quippe, alias non crederent, qui non credunt, non ideo rei peraguntur quod posteriorem actum non edant, quippe cui locus non est ante primum actum, sed quod primum actum non præstant. Quandiu verò in hoc statu aliquis est, posterior actus ab eo non exigitur, quemadmodum à non pœnitente, hoc est, à non agnoscente vel non desistente peccata sua fides non exigitur. Eos etiam qui credunt, recipere unà vitam æternam, nemo in dubium vocat, & ista omnia ἀπεσδιόνα. 6. Si verò vita æterna in Christo inclusa est, tanquam *in causa unica*, vita æterna illorum esse non potest, quibus non placuit Deo ullo modo revelare Christum, in quo inclusa est, nec Deus illos salvari voluit. 7. Eos qui non credunt, idèd quia Filium rejiciunt, rejicere pariter vitam, utique de omnibus dici non potest, quia illi non possunt dici rejicere Filium,

quibus ille nec oblatus est, nec offerri per ætatem potuit, adeoque hoc ipsum universalem gratiam non probat. Nec Johannes dicit, tales vitam rejicere, sed *vitam non habere*. Ista verò diversissima sunt, illi enim etiam *non habent* Filium, quibus Filius nunquam revelatus est, haudquaquam tamen dici potest illos rejecisse Filium. Nec magis dici potest, eos rejecisse vitam, ideo quia rejiciunt Filium. Et sanè tales non judicabuntur ex Evangelio, sed ex Lege. Adde, eos qui non credunt simpliciter, Christum esse Filium Dei vel Messiam, dici posse aliquo modo rejicere vitam æternam, non quod Filius illis sit destinatus ad salutem, sed quia id averfantur, sine quo vita haberi non potest. Sic verbi gratiâ, si Medicus eximius urbem aliquam ingrederetur, quamvis nollet ægris omnibus curandis manum admoveere, & sperneretur ab aliquibus ex illis, nec ab iis haberetur pro Medico, sed pro impostore, tales possent dici rejicere restitutionem sui, eo quod spernerent illum, sine quo nemo curari posset. Quamvis de phrasi Animadversoris laborandum nobis non sit, sed de phrasi tantum Johannis qui id non dicit quod hic illi affingit Animadversor.

II. Addit Animadversor: Se ex istis Erotema hoc confecisse: *Quum Johannes dicat, eos qui non credunt Dei testimonio, ipsum facere mendacem, hoc est accusare mendacii, testimonium autem illud in eo positum sit, quod illis Deus vitam æternam dedit in Filio, quaritur, quomodo Deum faciant mendacem, si id illis non restatur; si testatur, quomodo verum non est?* Observet Lector. I. Hunc verborum Johannis duntaxat sensum esse, testimonium quod testes & cœlestes & terrestres de quibus sermo v. 7, 8. perhibuere de Christo, omni acceptione dignissimum esse, divinum quippe non humanum. Quale verò illud est? Iesum Nazarenum esse Dei Filium & Servatorem unum omnium in se credentium vel crediturorum, nec salutem vel vitam posse haberi in alio, vel alio medio, esse enim eum *qui venit per aquam & sanguinem*, hoc est, vel qui aquam & sanguinem ex latere suo fudit, vel qui res signatas per *ablutiones & sacrificia* legalia in se exhibuit, hoc est, & expiationem peccatorum pro nobis, & eorum ablutionem in nobis, vel quia duo Sacramenta, aquæ unum, sanguinis alteram instituit. Credentes etiam huic testimonio, & Christum verâ fide amplectentes non tantum habere promissionem vitæ, sed iam arrham, gustum, & principium quoddam ejus in seipsis. Eum verò qui Christum pro Salvatore non habet, nec censet vitam per eum, & non nisi per eum haberi posse, quantum in se est, Deum facere mendacem, vel in dubium vocando, vel negando illud Dei testimonium quod perhibuit de Filio suo. Quo testimonio constat. I. Unde nobis in morte constitutis sit vita æterna? Nimirum à Deo.

Deo. 2. *Qui* ea nobis obtingat? Quod *decur*. 3. *Per quem*? Per Filium, imò in quo sit ut in fonte, & extra quem haberi non possit. 4. *Quibus*? Nimirum nobis actu in eum credentibus, quos vocat *dilectos & filios suos*. Omnes ergo qui credunt in Filium, & cum habent pro suo Servatore, habent vitam hinc in fiducia & spe, habituri aliquando reipsâ. Qui verò non credunt in Filium, nec cum pro Authore vitæ vel salutis habent, eos vitam nec habere, nec habituros. Cur verò hæc à Johanne scripta ita sollicitè? Versus 13. causam ejus rei subjicit, qui versus ad præcedentes pertinet, & cum iis connectendus erat ab Animadversore. Sed quia vidit, sic argumentationis suæ imbecillitatem clarè nimis constitutam esse, per fallaciam divisionis comma illud prætermisit, & à reliquis sejunxit. *Hæc scripsi vobis*, inquit Iohannes, *qui creditis in nomen Filii Dei, ut sciatis vos vitam æternam habere, & credatis*, hoc est, credere pergatis, *in nomen Filii Dei*. Ex quo constat, quibus sit destinatum & testimonium istud, & res testimonio confirmata, & salutaris ejus fructus, quod evertit planè universalem Christi destinationem, & missionem. 2. Hinc etiam patet, quo jure locum istum ad dogma istud suum detorqueat Animadversor. 1. Supponendo, Deum testimonium istud de Filio universale reddidisse, quod falsum, nec enim de eo quicquam ἐν τοῖς γραφαῖς. Quum verò vita tantum in ipso sit, & non nisi per fidem in ipsum haberi possit, utique quibus testimonium illud nunquam revelatum fuit, illi nunquam potuere salvari. 11. Supponendo, etiam testimonio illo revelato omnibus, quod tamen falsissimum, ullum mortalem potuisse id excipere, ut oportet, vel per id salvari, cui Deus gratiam fidei largiri noluit. 111. Supponendo, testimonium illud esse, Christum esse Salvatorem omnium omninò hominum sub conditione fidei, quum illud potius sit, Salvatorem illum esse omnium & solorum & actu in se credentium vel certò creditorum ex Dei singulari dono, sine quo quippe nemo eo unquam ad salutem potiri potest. 1v. Supponendo, eos Deum non facere mendacem, qui non credunt simpliciter, vel Jesum Nazarenum esse Filium Dei, vel eum *venisse per aquam & sanguinem*, hoc est, exhibere res signatas per *aquam*, vel lustrationes legales, & per *sanguinem*, vel victimas & sacrificia vetera ἱλαστικά; uno verbo, eum esse Salvatorem, & vitam in ipso esse, & in eo tantum. Non itaque impii & increduli Deum mendacem facere dicuntur à Johanne quod non credant, Christum pro se esse mortuum, sed quod non credant superiora de Christo. Imò illi mendacem Deum facerent, si crederent Christum pro se esse mortuum, quum nec *absolutè* pro iis mortuus sit, ut patet, nec *sub conditione*, quippe quam nec habent, nec habituri sunt, nec habere possunt unquam & quam Christus moriens novit eos

nec habere, nec habituros esse. Et frustra supponitur, Christum pro ipsis morituum fuisse, si eam haberent, eo ipso enim, quo Deus noluit illis gratiam dare, ut eam habeant, & illi eam ex se habere non possunt, & tamen voluit vitam ab isto dono suspendere, tales servari noluit, ad eoque & Christus pro iis mori inutiliter noluit. Annon etiam Diabolus, quantum in se est, Deum mendacem facit, persuadendo innumeris, nec Iesum Nazarenum esse Filium Dei, nec Salvatorem, nec vitam in ipso esse, etsi illi nec Filius, nec vita sint destinata ullo modo? v. Supponendo, Deum illis dedisse vitam in Filio, qui non credunt Dei testimonio, quod implicat *contradictionem in adjecto*, si enim dedisset eis vitam in Filio, dedisset etiam iis fidem in Filium: Iohannes verò non de non credentibus in Filium, sed de credentibus disertè loquitur, quod *nobis* dedit vitam, hoc est credentibus, quos vocat supra *πενία, ἀγαπῶντες*, & quos dicit vers. 13. *πιστεύοντες εἰς τὸ ὄνομα τοῦ υἱοῦ τοῦ Θεοῦ*. Testatur itaque Deus multis externè tantum vocatis per verbum, Iesum Nazarenum esse Filium suum, & Mediatorem credentium, & omnes actu credentes in eum salvandos, sed non testatur illis, eum omnibus & singulis externè quoquomodo vocatis esse destinatum in Mediatorem, ob vocationem antecedentem ad resipiscentiam, sine cujus præstatione non datur vocatio ad fidem, & ob ordinem necessariò observandum inter actus varios fidei. Nemo sanè ad hunc actum vocatur, ut credat Iesum Nazarenum esse suum Mediatorem, antequam verè credat, eum esse Mediatorem omnium credentium. Nemo utique vel confidere vel credere poterit, aliquem sibi Medicum esse, vel fore, nisi credat prius, eum Medicum esse, & artis medendi peritum. Imò quia ut credentium tantum Mediator proponitur, non proponitur ut Mediator illorum, qui nec ex se credere possunt, & quibus Deus credendi gratiam largiri nullo modo vult.

III. Quæ verò responsionibus meis opponit hîc Animadverfor?  
 I. *Multa inutilia à me responsa dicit.* Hoc verò arbitro mihi haudquaquam standum. II. *Me dicere, inquit, non credere Dei testimonio de Filio, nihil aliud esse, quàm non credere, Christum esse missum in carnem, nec eum esse Mediatorem, non verò, Christum pro se esse mortuum.* Id verò eo impugnatur, quod Apostolus *disertè* dixerit, *testimonium illud in eo positum esse, quod vitam æternam nobis dedit, quodque hac vita est in Filio, adeo ut quicumque testimonium illud recipit, quod Deus perhibet de Filio, vitam æternam habeat, & quasi vitam quisquam habere posset, nisi pro ipso Christus mortuus esset.* Atqui I. Testimonium illud Iohannis distingui debet in *commune & singulare.* *Commune*, quod Deus testatur omnibus per verbum vocatis, Iesum esse Filium suum, & *venisse per aquam & sanguinem,*

& illum esse audiendum, & omnes in eum credentes servandos. Et hoc est testimonium Dei quod testificatus est de Filio suo in baptismo & transfiguratione Matth. 111. & xvii. *Singulare* est, quod Deus testatur tantum singulis credentibus, id non proponendo duntaxat foris, sed etiam in illis producendo intus, quo testatur eorum cordibus, se illis dedisse vitam in Filio. Vel distingui potest testimonium *propositum* à testimonio *recepto*. Testimonium testificatione Dei externa *propositum*, est, Iesum Nazarenum esse Filium suum, & servatorem omnium credentium. Testimonium *receptum*, est, testificatio Dei interna quam sentiunt Filii Dei in cordibus suis, de vita æterna, sibi data per Filium. Et hoc est testimonium quod, qui credit, habet in se ipso, de quo sermo versu. 11. Et sanè solus qui credit actu, hoc testimonium in se habet. Quod testimonium cum priore non est confundendum. Vnde τὸ ἡμῶν disertè habet Iohannes, & restringit id testimonium ad credentes. 2. Extra controversiam est, cõs qui testimonium illud recipiunt, vitam æternam habere, quum verò nemo id recipere possit, nisi Electus, cui Deus gratiam id recipiendi dat, certum, neminem, nisi electum, vitam æternam habere posse. 3. Nec quæstio hîc est, an aliquis vitam æternam habere possit, pro quo Christus mortuus non est, sed an vel omnibus Deus vitam æternam proposuerit, vel media sufficientia dederit eam consequendi, vel an Christus pro omnibus mori voluerit. 4. Adde illud, quod Deus nobis dedit vitam in Filio, vel *universale* est, & ad omnes ac singulos mortales pertinet, vel *particulare* est, & pertinet tantum ad Electos. Si prius, omnibus saltem proponi debuisset, quod haudquaquam factum, cum sine ejus propositione non possit non esse inutile istud beneficium in æternum. Si posterius, nihil id facit pro gratiâ universali. Si omnibus etiam Deus dedit vitam in Filio, vel *absolutè* eam dedit, vel *sub conditione fidei*. Non prius, ut fatebitur Animadversor, sic enim omnes actu vitam haberent; Si posterius, illis non dedit vitam, qui non credunt, nec possunt credere ob impotentiam credendi invincibilem per naturam. Nec dare voluit, nisi volitione evanidâ & inani, quâ volens novit nunquam illis profuturam, quibus eam voluisse dicitur sub ista conditione. Quibus verò dedit vitam in Filio, illi revera ejus spem in dõ fiduciam hîc habent, & eam actu reipsâ aliquando sunt habituri, & in iis vita gratiæ exhibet in vitam gloriæ.

IV. Addit: Me dicere, Iohannem loqui disertè de se, & Electis aliis Dei Filiis, quia ait Iohannes ἔδωκεν ἡμῶν? Quid opponit? Quasi, inquit, illa observatio τὸ ἡμῶν non esset omninò futilis, quasi in eo Apostolus se consideraret ut electum, non verò ut hominem. At 1. Nihil verius ista observatione, illos enim intelligit Iohannes, qui in eodem secum erant ordine, adcoque qui electi

Dei Filii erant, quos v. 19. dicit, nosse se *ex Deo esse, & esse in Christo v. 20.* An verò prædicata ista communia sunt & omnium ac singulorum hominum, imò hominum quàm talium? Annon etiam diserte illos designat, quos opponit *mundo*? 1 Ioh. 111, 1. An verò mundus non constat ex hominibus? Imò illos intelligit, quibus Deus actu *dedit vitam æternam*, quoad certam de ea fiduciam, & vividum ejus sensum, quod sanè non nisi credentibus actu, adeoque nonnisi Electis convenit. An ergo hoc futile? 2. Certum, Apostolum se considerare ut credentem, testimonium quippe habentem in se suæ Electionis & persuasionem de vita æterna, ut sibi per mortem Christi acquisitâ. Nec quicquam reverâ futilius, quàm Iohannem se considerâsse ut hominem. An enim in eo potest esse argumentum consolationis? Et an *vitam æternam dedit Deus omnibus & singulis hominibus*? Si etiam Iohannes se consideravit ut hominem, Deus dedit vitam æternam hominibus, ut hominibus, quod est contra ipsum Animadversorem; qui vult Deum dedisse vitam non hominibus *reduplicativè* quàm talibus, sed *specificativè* (ut liceat βαρβαρίαν cum scholis) quàm credentibus. Consideravit se ergò Johannes non ut hominem simpliciter, sed ut hominem credentem. Homo verò credens necessariò electus est, quùm ex una Electione fiat ut sit credens. Act. x 111, 48.

V. Addit; *Quasi incredulorum peccatum in eo consistat, quod non credant Redemptorem, & vitam datam esse electis, non verò sibi, quod est longè absurdissimum*, inquit, nec enim id ab illis unquam exigitur. Hoccine postulat Euangelium à non electis, ut credant, Christum esse Filium Dei, Messiam Redemptorem electorum solum, in quo nihil quicquam habeant, an verò ut eum, pro suo Redemptore, proque Authore vite suæ agnoscant & amplectantur. At 1. Supponitur, in eo tantùm peccatum incredulorum à nobis constitui, constituitur verò etiam in eo, quod vel Christum absolutè non habent pro Dei Filio, vel pro Messia, vel quod axioma, omnes credentes in ipsum servandos, censent esse fabulam, & Euangelium, delirium. Ut verò increduli diversi ordinis sunt, sic & peccatum, quod illis imputatur, diversum est. Sufficit verò, eos non credere, quod postulat ab illis Euangelium, nimirum, Christum esse redemptorem omnium & singulorum credentium. 2. Supponitur, non probatur, peccatum incredulorum in eo esse, quod non credant Redemptorem & vitam sibi datam esse: At falsum crederent, ex sententia Animadversoris ipsius, si crederent vel vitam vel Redemptorem incredulis data esse, quippe quæ non data nisi credentibus. Si excipiat, ea illis etiam data esse, si crederent. Certum, connexionem dari, si enim crederent, jam essent Electi. connectuntur enim fides & vita, ut electio & vita. At quia nonnisi sub hac conditione vita data & Redemptor, illis ista non data,



data, quibus conditionis gratia non data. 3. Ordo observandus, incredulis, agenda pœnitentia, pœnitentibus credendum, Jesum Nazarenum esse Dei Filium & Messiam, vel Mediatorem, & omnes in eum credentes servandos. Hæc omninò credenda, antequam jubeatur ullus credere, Christum esse suum Mediatorem. Quia verò increduli priora illa non credunt, necessariò incredulitas ista illis imputatur in peccatum, quum illa verissima sint, quamvis ea nunquam credant. Verum verò non est, Christum illis esse datum, vel vitam, cum non sint in ordine eorum quibus datus est. 4. An in eo etiam nulla ratio peccati, non credere, Redemptorem & vitam esse data electis, & doctrinam de Electione proscindere? Annon absurdissimum, istud etiam ab illis non exigi, & inter credenda non esse? Annon proponitur in Evangelio, & ab ipso Animadversore, vitam esse omnium & solorum credentium, adeoque omnium & solorum Electorum Dei? An enim alii vel credunt, vel sunt credituri, vel credere possunt eâ potentiâ quæ hic exigitur, præterquam ordinati ad vitam æternam? An verò hoc inter credenda non est? Sin inter ea est, peccant utique qui id non credunt. 5. Supponitur, non electos statuere debere, se esse non electos. At nemo hoc debet statuere dum vivit, nisi qui sensit se peccare in Spiritum S. quia Deus diversas horas habet homines ad se vocandi & trahendi, & sæpè sextâ horâ trahuntur, qui non tertiâ, sæpè nonâ qui non sextâ, sæpè undecimâ qui non nonâ. Omnes itaque debent electionis & reprobationis arcana Deo relinquere, & officium facere, pœnitentiam agere, credere, Christum esse Filium Dei, & Redemptorem, & omnes in eum credentes servandos esse, & conari hoc ordine progredi ad actum ultimum. 6. In genere certum, omnes qui audiunt verbum, debere statuere, Christum esse Redemptorem omnium & solorum credentium, adeoque, quum nemo credat nisi electus, omnium & solorum electorum, suarum *ovium*, non canum, non hircorum, populi sui, non extranei, civitatis Dei, non diaboli, in quo beneficio partem nullam habent reprobi quoad beneficia salutaria, quippe quod scriptura tradit Ioh. x, 15, 16. & xvii, 9, 18. Rom. vii, 33, 34. & passim alibi. Quibus enim Christus datus Redemptor, illis omnia cum eo traduntur, & contra tales nulla est accusatio, quod non est nisi electorum. Et falsum, ac *ἡ ἐν ἀρχῇ*, Evangelium postulare à non electis, ut Christum *pro suo Redemptore, & pro Authore vite sue agnoscant*. Quum enim tales sint increduli, & necessariò quidem, & Christus tantum sit Redemptor credentium, & tantum Author vite talibus, secundum ipsum Animadversorem non electi, id sibi tribuere non deberent, si scirent se non electos esse. A nemine itaque hoc postulatur, præterquam à pœnitente actv.

V L. Addit,

VI. Addit, 1. Sc à me ad Calvinum remitti, qui hoc in genere de Evangelio interpretetur, istud verò nihil aliud esse, quàm bonum nuntium vitæ per Christum mortuum partæ παντὶ πνεύοντι. 2. Alia Calvini verba citat, ex quibus in fine colligit, cum salutis oblationem in Evangelio communem facere electis & non electis, non quâ tales sunt, sed quâ sunt homines, quibus sese sub ea *χρὸς* annumeret. 3. Convitium mihi dicit, quod susque deque habeam, dummodò ad silentium redactus esse non videar, & τὸ nos urgeam. At 1. Ad Calvinum sanè à me ablegatus Animadversor, sed *argumento duntaxat ad hominem*, quia illius auctoritate ipsi pugnare solenne potius, quàm Scripturæ, & eò perpetuò fermè Lectorem suum ablegat ipse. Alioquin quo ad rem ipsam, humanâ auctoritate hîc non pugnabimus, pro instituti nostri ratione. 2. An à nobis unquam negatum, Evangelium esse bonum nuntium παντὶ τῷ πνεύοντι? Annon *τὸ βίβαν*, quia tale nuntium est, excludit omnes illos quibus Deus gratiam credendi non facit, & qui ex se credere nequeunt. 3. Salutis oblationem à Calvinò non electis communem fieri, vel fieri debere ab ullo, (si agnosci possent) falsum, eo ipso quia electis solis præparata est ante jacta mundi fundamenta. Quia verò à servis agnosci non possunt, illorum est benè de omnibus sperare, quibus Deus Evangelii audiendi gratiam facit, adeoque officium promiscuè exigere, & id præstantibus offerre beneficium. Quando verò de non electis disputatur *sub hac ratione formali*, quâ considerantur ut non Electi, certum, salutem illis ferè quâ talibus offerri non posse, quoniam, secundum ipsum Animadversorem, inevitabiliter & increduli sunt & damnandi. Audiat quæso Animadversor hîc illum quem semper audiri vult Calvinum sic commentantem ad comma 25. cap. xxiv. Actorum: *Iam hîc mirabile Dei consilium notare opera pretium est, qui vult interdum reprobis Evangelium proponi, non ut inde quicquam proficiant, sed magis ut reddantur inexcusabiles.* An verò Deus salutem vult iis quibus ita Evangelium proponi vult, *ut nihil quicquam inde proficiant?* Si tale quid à me scriptum fuisset, dubio procul in me concitasset totam Animadversoris facundiam, & splendida dictèria, vix multâ spongiâ abluenda. Si dicamus, oblationem illis fieri debere, *quâ sunt homines*, & hoc falsum, quia fieri tantum debet credentibus, vel hominibus *quâ sunt credentes.* ὑπὸλον verò dogma suum insinuat denuò Animadversor, quo statuit cum Remonstrantibus, & missionem Mediatoris & oblationem ejus anteriorem esse decreto electionis, quæ tamen & Scriptura, & post eam Synodus Dordracena, & omnes Ecclesiæ nostræ constanter ex electione, ut primâ benedictione spirituali, ducunt. 4. Convitium regerere nec nostri Ordinis est, nec instituti. Quis verò nostrum solidè & accuratè dispu-

disputet, & ad rem loquantur, iudicium aliorum & non obnoxiorum quidem esse debet non hominis pro tota sua fama hic stantis? *Pronomen ceteroquin* meritò à me urgeri, quod & Apostolus habet, & Calvinus ipse observatus, iudicabunt omnes, qui suæ sunt spontis, & videbunt, non nisi absurdissimè id ad omnes trahi posse, quod disertè Johannes restringit ad paucos.

## CAPUT IV.

## Vindicæ Responsionum ad III. Erotema.

*An ex loco ad Col. I, 28. collato cum loco Act. xx, 31. possit probari Gratia Universalis?*

## BREVARIUM Capitis quarti.

**R**eposita nostris ab Animadversore. Eorum examen. Syncategorematis quis sensus Col. I, 28. Inconsequentia ostensa Animadversori. Calvini auctoritatis frustra objecta. An omnis hortatio ad officium nitatur propositione spei. An Paulus censuerit spem ad omnes pertinere. Quid per *πᾶσι* ἀνθρώποις designet Apostolus. Cavillum Animadversoris abstersum. Dissimulatio objectorum in Animadversore notata. Quo sensu syncategoremate isto usus sit Paulus, & cur. An hortationes ad vitam inferant destinationem vitæ. An *πᾶσι* ἐκείνῃ collectivè ibi apud Apostolum sumi possit. Illatio inconsequens & inanis Animadversoris. An ex actu hominum argumentum duci debeat ad decretum Dei. Canon charitatis adhibitus à Paulo. Locum Pauli ad Gratiam universalem inutilem esse, demonstratum. Elenchus oppositorum notatus. Calvinus vindicatus. An absurdum sit, intentionem charitativam Pauli latius patere quam ἀνθρώποις salutari Dei. Qui huius dignitas speranda. Unde illa nata fuerit. Oscitantia notata. Elenchus à dicto secundum quid commissus. Varietas æconomia in annuntiatione verbi adhibita. Inconsequens illatio notata. Calvini verba retorta. Assertio in Erotemate proposita, revicta. Argumentum ab actu Pauli ad actum Dei, & à mandato Dei ad decretum ejus, inane. Objectione Animadversoris retorta. An admonitiones sub spe salutis inferant, Deum velle omnes salvari. An omnis admonitio præferat spem salutis. Inconsequentia ad Gratiam universalem probandam notata. *πᾶσι* sequentia verbi *ἐκείνῃ*. Falsa mihi afficta ab Animadversore. Ordo à Paulo observatus, & meritò. Inconsequentia alia notata. An non respicientes debeant sibi persuadere, Christum esse pro se mortuum. Intentio Dei de salute hominum unde colligenda. Quibus cum negotium fuerit Paulo Ephesi. Candor desideratus in Animadversore in iis qua mihi affingit. An ex mandato dato Paulo sequatur Deum velle omnes salvari. Idem retortum contra Animadversorem. Quorum causa ministerium verbi per se institutum. Usus ejus circa non electos.

**I.** **E**rotema tertium petium ex Col. I, 28. refutatum à nobis exactè habet Lector Exerc. Part. III. à p. 1739. ad p. 1748. Quæ verò nobis regerit Animadversor? I. Syncategorema urget, Apostolum loqui de omni homine, & videtur, neminem non electum excludi.

2. Calvini auctoritatem denuò adducit. 3. Adjicit, se addidisse locum Actor. xx, 31. ut ἐκζητησὶν prioris, ne *syncategorema* intelligeretur *distributivè*. Col. 1, 28. Nec enim consentaneum esse, hortari ad fidem unumquemque sub spe salutis obtinendæ, neque tamen esse certum, spem illam ad unumquemque pertinere. At 1. *Syncategorema* à nobis diligenter expensum, & demonstratum, necessario id hic *distributivè* sumi debere, cum de toto *integrali* sit sermo, non de *generico*, & aliis de causis. Ostendimus quoque *syncategoremate* etiam *collectivè* sumpto nihil ex hoc loco pro gratia universali exsculpi posse. 2. Dato etiam, Apostolum *neminem non electum excludere*, quem non admoneret, quàm illius non fuerit distinguere inter electos, & non electos, an ex eo sequitur, salutem omnibus sub conditione destinatum? 3. De Calvini auctoritate pro instituto nostro hic non litigabimus, cujus verba & ex illo ipso loco & ex parallelis aliis nobis cæteroquin vindicare proclive foret. 4. Ostendimus, sine ullo fundamento locum Actor. xx, 31. ἐκζητησὶν statui loci Col. 1, 28. 5. Falsum, quamvis Apostolus sciret spem illam ad unumquemque non pertinere, quicquam intercedere, quominus posset hortari unumquemque ad officium, quia id etiam sine objecta ulla spe debetur ab omnibus. Imò, quamvis Apostolus sciret, spem illam ad unumquemque non pertinere, falsum tamen, illum non potuisse hortari unumquemque ad fidem sub spe salutis obtinendæ, quia ipsius non erat distinguere illos ad quos revera spes illa pertineret, ab iis ad quos non pertineat, electos à non electis. Ipius itaque erat fungi officio, & promiscuè proponere officium, & cum officio, beneficium, utpote omnibus resipiscentibus & credentibus destinatum, eventum Deo relinquere. An verò dubium esse poterat Paulo, spem istam ad omnes non pertinere? An etiam ignorabat multos à Deo præteritos esse, constitutos ad iram, præscriptos ad iudicium? Annon de reprobationis mysterio prolixè satis disseruerat Rom. vii i. & ix. & xi. & ostenderat, Deum non omnium misereri velle?

II. Quid addit Animadversor? 1. Prius me negare dicit, πέντε ἀνδράσιν πῶς πῶς aliter accipi debere quàm *distributivè*, ut apud Matthæum πέντε τοῖς νόστον & apud Lucam πέντε λαχόντων. Hoc verò dictorio dissolvit; Scilicet, inquit, id *vehementis Emphaseos* ergo dixeris, ὡς θῆντες πέντε ἀνδράσιν καὶ διδάσκοντες πέντε ἀνθρώπων, ut paucos homines à reliquis secretos designaret! At 1. Prætermissa sunt ab Animadversore alia à me notata, quæ ostendunt evidenter, illum peccare *ignoratione Elenchi* nec, dato etiam, quod vult, eum concludere institutum, hic probari gratiam objectivam universalem. 2. Meritò sensus *distributivus* à me ut ostensum, hic expressus & defensus. Quæ omnia solidis rationibus probata dedimus, quæ aut confu-

tanda erant Animadverfori, vel admittenda. Ea verò à Lectore suo loco plenè videri malumus, quàm hìc exscribere, contrahendæ operæ. 3. An verò *emphasis* perit, & ad paucos *absolutè* refertur hortatio, quæ promiscuè proponitur *quibusvis*, tum Judæis, tum gentilibus, tum magnis, tum parvis, tum divitibus, tum pauperibus, tum sapientibus, tum insipientibus? Annon etiam in eò ab Apostolo constituta *αὐτίθεν* inter æconomiam Veteris & Novi Testamenti, in illo enim *υἱογενία* id genus non directæ fuit ad *πάντες ἀνθρώπων*, sed tantum ad Iudæos, paucissimis profelytis exceptis. Satis ergo ostensum, cur ita locutus fuerit Apostolus. Adde, muneris Apostolici latitudinem non affixam ulli Ecclesiæ sic indicatam, & *παιδείαν* ejus ostensam, quosvis etiam ex falsis Doctõribus Colossensium percellendi. 4. Annon etiam *donum fidei* ipse Animadverfor refert ad paucos homines, à reliquis secretos? Et tamen vult, Apostolum omnes promiscuè hortari ad fidem. Et an minor absurditas, hortari omnes ad fidem, quamvis scias, eam ad omnes non pertinere, quàm hortari ad vitam consequendam omnes, quamvis vita paucis illis tantum sit destinata?

III. Addit, secundum me, Apostolum dicere, *σε διδάσκουν πάντες ἀνθρώπων ἐν πίστει σοφίας*, & id distributivè intelligendum esse, quia non docuerit Metaphysicam, nec Physicam, nec Politicam. Et id *me operam dare* dicit, ne quid unquam in Apostoli scriptis intelligamus. Opponere verò Apostolum veram & solam salutarem sapientiam, quæ in Evangelio revelata est humana sapientia, quam nonnulli inter Colossenses jactabant, & in ea oppositione tacta, tacitè pariter indicare, omnem aliam, quacunque sit, sapientiam, præ divinâ illâ, quam annunciabat, pro nulla haberi debere. Restabat ergo illi, inquit, sapientia Evangelica, quam, secundum me, annunciavit omuem distributivè, non autem collectivè, vel universè. Et quartit, quam partem divinæ illius sapientiæ Paulus Colossenses celârit. At 1. Negare nequit, *πᾶσαν σοφίαν* haudquaquam sumi posse collectivè de quavis sapientia, sed debere intelligi restrictè de sapientia cœlesti, ut ostendi in Exercitationibus, nec cavillum moror, à bile vel timore profectum. 2. An sequitur, si Paulus solam Evangelicam sapientiam pro sapientia habeat, & nullam aliam, ob id *Syncategorema* universale additum *τῇ σοφίᾳ* non necessariò sumendum distributivè? Nec enim quia sapientia humana, politica, alia, nulla est *comparatè* in ordine ad sapientiam Evangelicam, ob id sapientia non est? Et quia Paulus illam solam intellectam voluit, non potuit *syncategorema* illud collectivè sumere ad id omne complectendum quod sapientiæ nomine censeretur solebat tempore Pauli. Ludit itaque in ambiguo Animadverfor, & sibi & Lectori ludos facit, ita concludendo: Syncategorema universale sapientiæ additum *δι-*

*tributivè* sumendum est, quia Paulus non omne id docuit, quod sapientiæ nomine censebatur illo tempore: Ergo doctrinam Evangelii, vel sapientiam cœlestem *distributivè* tantum annuntiavit, non *collectivè*, vel *universè*. An hoc ullis fidiculis extorquebit unquam ex verbis meis? Satis, Paulum omnem quidem sapientiam Evangelicam annuntiassè, quamvis non omnem sapientiam annuntiârit *collectivè*. Imò quia solam sapientiam Evangelicam annuntiavit, sapientia *distributivè* hîc intelligenda, non *collectivè*. Sic si dicam, verbi gratiâ, per *omnem* hominem fœderis signum gerentem in carne sua in Veteri Testamento Iudæum intelligendum, necessariò *synkategorema* sumo *distributivè*. quamvis enim neminem Iudæorum excludam, satis, me homines multos excludere. Mera itaque ista cavillatio est, & funis nexus ex arena.

IV. Addit: Me negare, ex actu Ministri & intentione charitativa Pauli, etsi omnes *collectivè* alloqutus esset, colligi posse, Deum omnes pariter salvari voluisse. Quasi verò Paulus ex intentione charitativa tantum, non ex instituto muneris, & ex Dei ipsius præscripto id se fecisse doceret! Constituit me Deus, inquit, (sic eum Calvinus loquentem introducit) in excelso loco publicum arcani sui præconem, ut sine exceptione totus mundus ex me discat. Aut quasi intentio charitativa Apostoli latius patere vel potuerit vel debuerit quam Dei *φιλανθρωπία*, ex qua nata erat, & ad quam sese conformare studebat! At 1. An absurdum, negare, ex actu hominis argumentum ad decretum Dei duci debere, quum ille frustraneus esse possit, istud non item? Et cur non confutavit Animadversor exempla à me adducta Samuelis pro Saule orantis, preces pro multis peccantibus in Spiritum S. conceptas, verba Pauli, multos *Electos* vocantis in Epistolis qui tamen tales non erant? An itaque absurdum, Paulum etiam ex *canone charitatis* multos pro salvandis habuisse, quos tamen Deus salvari noluit? 2. An etiam Paulus omnes & singulos mortalium vel admonuit, vel admonere potuit? Et quamvis omnes admonuisset, quod tamen fieri non potuit, quid id ad gratiam universalem & tempora Pauli prædicationem antegressa? 3. Peccatur *elencho oppositorum*; An enim intentione charitativâ Pauli propositâ, negatum à me, illum fecisse simul quod fecit vel ex instituto muneris, vel ex præscripto Dei? Quale verò erat istud munus, quale præscriptum Dei? Quibusvis & Iudæis & Gentilibus annuntiare officium, proponere Christum, quum illius non fuerit distinguere electos à non electis, quamvis nôisset ex divina revelatione multos esse non electos, adeoque nunquam salvandos? Annon Animadversor novit & fatetur, multis Deum fidem nolle dare, & tamen hortatur quosvis ad fidem sine discrimine? Nec etiam munus Apostoli tantum institutum propter electos, ut illi salventur  
per



per verbum, sed etiam ut alii per id vel *convincantur*, vel *coerceantur*, vel ad tempus gustent Euangelium & gaudeant, & ad alios fines id genus. Nec Calvinus nisi de œconomia Novi Testamenti exporrecta ad quosvis, loquitur, oppositâ œconomia T. Veteris, in qua dabatur exceptio multa & multorum. 4. Nec absurdum, *intentionem charitativam* Pauli latius patere Dei *φιλανθρωπίας* salutari, quia illa potest esse *inefficax*, & sine successu vel eventu, Dei *φιλανθρωπία* non item, cuius dignitas *intensivè* spectanda, non *extensivè*, ex *efficacia* interna sui *actûs*, non ex *latitudine* externa sui *objecti*. Apostolum latuit qui essent reprobi, Deum non latuit. Nec intentio charitativa Pauli nata fuit ex consideratione *φιλανθρωπίας* universalis Dei, quâ omnibus salutem velit, illa enim merum commentum est, sed ex officio charitatis præscripto in Lege, & ex munere ipsi imposito.

V. Addit: Me *tertîd negare*, locum ex Col. 1, 28. ad interpretationem Actor. xx, 31. adhiberi debere. Opponit verò: se non existimasse, aliter Apostolum Euangelium usquam annuntiâsse, quàm quomodo id apud Ephesios prædicavit. Quum igitur apud Ephesios profiteatur, se omnes admonuisse καὶ ἑκάστου, vel ἑνα ἑκάστου, id se arbitrari ab eo pariter alibi fuisse factitatum. Idcirco Calvinus, inquit, id tam ad plebem quàm ad presbyteros referri vult. Nam quia sermonem Paulus statuerat habere toti Ecclesia communem, perinde loquitur ac si adesset totum corpus. Verum, esto: non sit alter alterius loci ἐκζητήσις, quid tum erit postea? Non satis est, Apostolum apud Ephesios monuisse ἑνα ἑκάστου, ex instituto muneris & ex mandato divino, ut ex eo colligamus salutem, cuius spem admonitio præ se ferebat, ex Dei mandato atque instituto, item ad ἑνα ἑκάστου pertinuisse? At 1. Vertiginem passus hic denuò est Animadversor. nec enim à me increpitus fuit, quod locum ex Col. 1, 28. ad interpretationem loci Actor. xx, 31. adhiberet, sed contra quod istum ex illo exponendum censeret. Id enim à me negatum, jure ab ipso factum, quod factum, non verò, quod non factum. 2. Peccat elencho à dicto secundum quid: Falsum enim simpliciter, non aliter Euangelium Apostolum usquam annuntiâsse, quàm quomodo id apud Ephesios annuntiavit. Id enim verum duntaxat & de doctrina annuntiata & de sinceritate annuntiationis; falsum verò, œkonomiam annuntiationis eandem planè ubique fuisse. Nam apud Ephesios, ut à me observatum, id annuntiatum & δημοσίᾳ & κατ' οἶκον, quo alludit, quando docet, se ἑνα ἑκάστου monuisse tum ob diuturniorem moram, quam ibi traxit Apostolus, tum ob majorem quam in ista Ecclesia habuit opportunitatem singulos privatim monendi. At multis in locis tantum δημοσίᾳ illud annuntiavit, & non κατ' οἶκον, nec locum habuit, vel tempus aliter agendi. Quamvis itaque concedamus, Aposto-

lum apud *ἐνὰ ἑκάστῳ* prædicâsse Euangelium Ephesi, an sequitur idem ab eo factum apud Colossenses? Quàm diversa etiam œconomix prædicati Euangelii ratio fuit apud varias Ecclesias alias senel, alias crebrius, alibi publicè, alibi privatim Apostoli docuere, alibi hætere diutius, alibi parum substititè pro motu Spiritus, & occasione ex ejus directione oblata! 3. Demus etiam, à Paulo *ἐνὰ ἑκάστῳ* ubique fuisse monitum, non sequeretur tamen, ut prius demonstratum, ex actu Pauli intentio Dei de omnibus salvandis. 4. Se ipsum jugulat Animadversor, dum id à Calvino referri dicit tam ad *plebem*, quàm ad *Presbyteros*, adeoque id *distributivè*, non *collectivè* ab eo intellectum juxtà nobiscum docet. 5. Concedere cogitur, locum Act. xx, 31. sine ullo fundamento dici loci Col. 1, 28. *ἐν ἑκάστῳ*. Nec oppositum probare potest. 6. Quæ illatio quæso? Si Apostolus apud Ephesios monuit *ἐνὰ ἑκάστῳ* ex instituto muneris, & ex mandato divino. Ergo salus, cujus spem admonitio præ se ferebat ex Dei mandato & instituto etiam ad *ἐνὰ ἑκάστῳ* pertinuit? Annon denuò illatio ab actu Pauli ad actum Dei? Nec semper ex *mandato* divino inferendum Dei *decretum*. Annon & ipse vult, Deum omnibus præcipere ut credant, quamvis nolit omnibus dare fidem? Sic potest præcipere, ut admonitiones instituantur respectu omnium, sub spe salutis, nec tamen velle omnes salvari, quum istis admonitionibus annectatur officium suspensum à gratia solis Electis destinata, & ab illius officii præstatione demum suspenditur salus. Adde non omnem admonitionem præ se tulisse spem salutis, sed potuisse sæpe esse simpliciter *imperativam* & *exactivam* officii. Eo ipso verò quo Deus salutis spem non voluit proponere nisi sub conditione præstationis officii, istius verò gratiam non largiri nisi electis, salutem non vult obtingere nisi electis. Et quæ illatio à spe salutis propositâ à Paulo unicuique ex Ephesiis ad gratiam universalem? Peccat itaque semper *ignoratione elenchis*, quicquid obtendat, nec concludit quæsitum.

VI. Subjicit tandem: *Me negare, probari posse τὸ ὁμολῆν ibi Paulo esse promissionem salutis proponere, & mandatum credendi Christum pro aliquo esse mortuum. Dicat ergo nobis, inquit, quando τὸ ὁμολῆν in utroque loco est, quid sibi velit Apostolus cum ita Colossenses alloquitur. Dispensatio Dei mihi data est erga vos ad implendum sermonem Dei, Mysterium reconditum à sæculu & generationibus, quod nunc revelatum est sanctis ejus: Quibus voluit Deus patefacere quæ sint divitiæ gloriæ mysterii hujus in Gentibus, qui est Christus in vobis spes gloriæ. Quem nos prædicamus admonentes omnem hominem, & docentes omnem hominem, in omni sapientia, ut sistamus omnem hominem perfectum in Christo Iesu. Hactenus enim ista ad sapientiam salutarem, quæ sine persuasione de morte Christi pro se obita nulla est, pertinere putaveramus. Item, dicat, quid sibi voluerit Apostolus,*  
*cum*

cum apud Ephesios per triennium nocte & die non cessavit cum lachrymis monere  
 ἵνα ἴνασιν, si eos ad Christum pro Redemptore quemque suo amplectendum non  
 hortabatur? Quanam erant ille res ad salutem nimis spectantes, digne in qui-  
 bus tantus Apostolus per triennium integrum noctes & dies cum lachrymis contene-  
 ret? Denique, quam rem sibi Paulus putabat esse datam in mandatis à Deo, nisi  
 ut homines ad salutarem ipsius cognitionem converteret, & participes faceret ju-  
 stitia que est in Christo? Qui sic disputant, habentne in animo ut veritas inno-  
 tescat? At 1. Quid clarius, quàm τὸ ὑποσχεῖν non esse promissionem salu-  
 tis proponere, & mandatum credendi Christum pro aliquo esse mortu-  
 um? An Commentatore hinc opus erit Animadversori, vel Etymolo-  
 gico ad id probandum? 2. Pervertit Animadversor mentem meam, &  
 falsum mihi affigit: An enim à me vel dubitatum, vel negatum, Paulum  
 promissionem salutis proposuisse etiam Colossensibus? Annon tantum  
 dictum, Paulum incipere δὲ τὸ ὑποσχεῖν, ut quosvis ad resipiscendam eò pellice-  
 ret? Annon disertè additum, ut eà promissâ doceret & institueret in Scriptu-  
 ra Evangelica? Ita verò mecum agit Animadversor, quasi negarem, Apo-  
 stolum quicquam fecisse præter τὸ ὑποσχεῖν, quod abit à candore omni. nec  
 enim rem negat, qui de ordine duntaxat rei agit. Per τὸ ὑποσχεῖν verò pri-  
 mò à Paulo exacta fuit resipiscencia, quâ non præstitâ non erat nec esse  
 poterat locus propositioni promissionis, quippe quæ non pertinet ad  
 impœnitentes. Quum verò solis electis Deus det gratiam resipiscentiæ,  
 illis solis intenditur à Deo promissio salutis: 3. Sapientiam salutarem sine  
 persuasione de morte Christi pro se obita, nullam esse, fatemur libenter. An verò  
 sequitur inde initium ductum prædicationis Apostolicæ, & sine obse-  
 quio præstito τῷ ὑποσχεῖν Pauli, talem persuasionem ulli Colossensium im-  
 peratam? Vel itaque intelliguntur soli Colossenses resipiscentes, vel non.  
 Si illi, nulla nobis lis, tales verò omnes erant electi. Si non, sequitur,  
 non resipiscentes debuisse sibi persuadere, Christum pro se esse mortuum.  
 At non resipiscentes sunt non credentes, ad quos, ne secundum Anim-  
 adversoris quidem Theologiam, mors Christi pertinet. Si dicatur, id  
 ipsis propositum fuisse sub conditione resipiscentiæ & fidei, eo ipso osten-  
 ditur, Deum illis, quibus salutem vel mortem Christi sub ista demum  
 conditione destinasse dicitur, ea illis reverà non destinasse, quibus fidei  
 donum largiri noluit, sed solis electis, quibus fidem largiri decrevit.  
 4. Satis patet, Apostolum tot lachrymis adhibitis monentem negotium  
 habuisse cum hominibus refractariis & contemptoribus & resipiscentiæ,  
 & Evangelii. Aliàs tot hortationibus & interdiu & noctu repetitis, & cum  
 lachrymis quidem conjunctis opus non fuisset. Hortabatur itaque sin-  
 gulos ad pœnitentiam & ut excussâ superstitione vel Paganâ, vel Judaicâ  
 fidem

fidem adhiberent Evangelio, & crederent, eam esse unam doctrinam ducentem ad vitam, Christum unum Mediatorem, omnes & solos in eum credentes, servandos. His demum præmissis, & talia se credere profitentibus proposuit & proponere potuit Apostolus hortationem ad amplectendum Christum pro suo Redemptore. Et hic ordo necessario observandus. 5. Quo quæso candore mihi affingit Animadversor, me statuere, Apostolum contrivisse triennium integrum in rebus ad salutem minimè spectantibus inter Ephesios noctes & dies cum lachrymis? Vbi tale quid à me vel verbo indicatum? An nulli etiam electi erant inter Ephesios & per *regiam*, & per Evangelii prædicationem ad salutem adducendi? An alii non erant convincendi & coercendi? 6. Sanè Paulo in mandatis datum, ut homines ad salutarem Dei cognitionem converteret, & participes faceret justitiæ, quæ est in Christo. At annon per gradus illud erat præstandum, qui pro scripturæ ordine, & rerum ipsarum naturâ à Deo constitutâ à me enumerati? An Deus etiam voluit omnes illos salvari, circa quos Pauli cura se occupabat? Annon Animadversor apud omnes Auditores suos idem molitur? Annon omnes ad fidem hortatur, & tamen fatetur, illam esse solorum Electorum donum, illis solis à Deo & destinatum, & datum, & neminem posse venire ad Christum, nisi Pater eum trahat, etsi nolit omnes ex iis ad Christum trahere? Et quæ sequela, si Paulo in mandatis datum, ut homines ad salutarem Dei cognitionem converteret? Ergo Deus voluit non electos salvari. Ministerium sanè institutum propriè & directè & primò propter Electos, ut illi salventur, ut ipse fateri cogitur, usus tamen ejusdem varii alii dantur circa non electos, secundum beneplacitum Dei. Consulat etiam locum ex Calvino ante à me notatum ad cap. xxi. Actorum, & expendat cum animo suo, an dicta sua in me jacere possit, quæ non multò magis feriant Summum illum virum, sub cujus clypeo ubique latere vult, ut qui longè minus ex Evangelii prædicatione ad reprobos redire vult, idque ex destinatione Dei, quàm quod à me statuitur. Judicabit jam Lector, an ita disputem, ut *nolim veritatem innotescere*, & cui nostrum hoc schema aptari debeat.

## CAPVT V.

## Vindictæ Responsionum ad quartum Erotema.

*An ex annuntiatione universali Euangelii sequatur Gratiâ universali?*

## BREVIARIUM Capitis quinti.

**I**gnoratio elenchi notata. Vniuersala annuntiatio reuicta ex verbis ipsius Animadversorij. An diffusum fuerit Euangelium ab Apostolis, etiam quantum fieri poterat. Allegationis Apostolica ordo. Inanis jam occupatorum iteratio notata. Promiscua predicationis Apostolica fundamentum, & ratio. Hortationis ad resipiscentiam distinctio observanda. An hortatio ad penitentiam semper præsupponat spem veniæ. An Deus vel spem remissionis vel salutem voluerit esse uniuersalem. An spes ista ubique præposita fuerit ab Apostolis. Quid designatum fuerit promissione beneficii sub conditione. Adversatiua Animadversorij conuersa in copulatiuam. An sperarint, vel sperare potuerint Apostoli, omnes convertendos & salvandos. An hoc impedierit promiscuam actionem. Falsa assertio alia notata. An Christus voluerit Apostolos ministerio defungi apud omnes. Locus 11 Cor. v, 18, 19, 20. vindicatus. Falsum Apostolo ascriptum. Ministerium Apostolorum evertit gratiam uniuersalem. An Deus id uniuersalo esse voluerit. An invitatio ad reconciliationis participationem sit primus gradus predicationis. Inutilitas istius Erotematis ad probandam Gratiâ Vniuersalem. Fuga aperta Animadversorij & declinatio à statu controuersa. Contradictio evidens eisdem, per omnes & singulos homines non esse intelligendos omnes & singulos homines. Candor Animadversorij desideratus. Exceptio ejus retorta. Ignoratio elenchi notata. Invitationis ad reconciliationem ambiguitas exposita. Locutio Animadversorij aliena à stylo Scriptura. Ad quem reconciliatio referatur in Scriptura per appropriationem. Ad solos resipiscentes pertinere promissionem reconciliationis. Quid ex æconomia non vocatorum per verbum infertur. Qui Deus tales non deseruerit. Cura Animadversorij periculosa de non vocatis per verbum. Ignoratio elenchi aperta falsa mihi impacta, aliter. Fuga Animadversorij. Erotematis & argumenti ex eo ducti inutilitas. An Deus omni op. plurimos non electos vocet. Oppositum demonstratum. An promissa remissionis ad eos pertineat. Dissimulatio à mo obiectorum. Hortationis ad penitentiam prioritas necessaria. Qui nulla vera penitentia dicatur, nisi qua nascatur ex spe remissionis. Fundamenta hortationis ad penitentiam qua sint. Absurda suspensa penitentia à spe veniæ. Spes veniæ multis præclusa. An promissa salutis & spes ejus obijci potuerint non electis cum intentione eos salvandi. Qui beneficium promiscue proponatur. Exactio penitentia iusta est, etiam sine destinatione beneficii. An Pater & Filius non gesserint animum ab omni reconciliatione alienum respectu multorum. Concessio mihi ascripta, reuicta. Quid inferri possit ex propositione. Omnium credens in Christum, servabitur. Actus diversæ fides notandi. Qua propositio primo credenda sit. Ad quid & qui aliquis infuso sollicitatis amore instigari dicatur. Unde oritur delectus medij cum salute connexi. An Deus omnes & singulos roget, ut illum fides actum edant, quem necessario sequitur salus. An Deus aliquomodo inclinetur vel in omnium, vel in aliquorum salutem. Primus actus predicationis falso suppositus. Hortationes sunt media rerum ipsarum perficiendarum. Phrasis incon-

grua de Deo adhibita. Cogitationes Deo indigna ei tributa. Falsa suppositio mihi afficta, absterfa. Externè vocatorum multorum pena gravior. Absurditas nobis impacta re-torta in Animadverforem. Dissimulatio obsectorum iterum illi impacta. Apostolorum legationem apud omnes obitam non fuisse, nec omnibus & singulis destinata. Illatio Animadverfori inconsequens. Absurdum Animadverfori impactum. Anpost reprobationem eternam dari possit prateritorum ad salutem invitatio seria cum intentione eos salvande. Diversi vocationis fines respectu electorum & non electorum. Voluntas conditionalis Dei de omnium salute, explosa. Salus non magis redditur communis quàm damnatio ex aphorismis Evangelicis. Deum salutem omnibus communem facere noluisse, demonstratum. Iniqua Animadverforis questio, & triumphus ejus inanes.

I. **Q**uartum Erotema ductum ab universali Evangelii annuntiatione ab Apostolis instituta seriò etiam & cum cura à nobis excussum fuit Parte III. à p. 1748. ad p. 1764. & ostensi paralogismi varii Dissertatoris, ignoratio elenchi & inconsequen-tiæ. Ostensus etiam ordo & ratio περὶ τῆς εὐαγγελίας de qua sermo 11 Cor. v, 20. & absurda varia impacta Dissertatori.

II. Quæ verò regerit? 1. Evangelii predicationem ita ab Apostolis institu-tam esse, ut omnes homines, quoad id quidem ab illis fieri poterat, nullo discrimine alloquerentur: At 1. De promiscua vocatione nobis lis nulla, sed de univer-sali. Ab itaque Animadverfor ab eo quod est in questione. 2. Eo ipso, quia ab illis fieri non potuit, ut omnes & singulos alloquerentur, annun-tiatio Evangelii ab illis instituta, universalis non fuit, nec esse potuit, nec Deus eam talem esse voluit, quod locis invictis ex ipso Animadverfore allatis demonstratum dedimus, quæ sibi dissimulanda, tanquam indi-cta, censuit. 3. Ne quidem apud multos annuntiatum Evangelium, quantum fieri poterat ab Apostolis, quia interdum prohibiti fuere docere certis locis. Et quia sæpe diu illis hærendum fuit in locis aliis, quo tem-pore fieri poterat, si id Deo libuisset, ut Evangelium annuntiarent etiam plurimis aliis. 4. Alloquutio etiam Apostolorum prima fuit, æquè ac Johannis & Christi, hortatio ad pœnitentiam, & eâ demum exactâ & sub conditione demum ejus prælitæ progrediebantur ad hortationem ad fidem.

III. Addit, Apostolos non distinxisse inter electos & non electos, nec ex præde-  
 stinationis nominâ delectum eorum fecisse, ad quos Evangelium dirigerent, secretis  
 aliis. Id verò disertè à me ipso occupatum, Apostolorum non fuisse in id in-  
 quirere, qui illi essent vel non, & pro quibus Christus esset mortuus, vel  
 non. Nec de beneplacito Dei ipsis fuisse laborandum, vel in id inquiren-  
 dum, sed in mandatum sibi propositum, non in voluntatem decernentem,  
 sed in voluntatem precipientem. Cui bono ergo ista regerit! Addit: Eos  
 nullam aliam in corasione sequutos, nisi quæ esset ex communi Dei Φιλανθρωπία  
 petita,



*petita, & ex mandato Christi, Ite, predicate omni creatura.* Φιλανθρωπίας sanè communis rationem sequuti fuère, quatenus novère in Novo Testamento, Deum eam extendere, non tantum ad Judæos, sed etiam id Græcos, hoc est, ad quasvis gentes, pariete intergerino dividente subverso, Φιλανθρωπίας verò *universali* Dei quoad salutem omnium & singulorum hominum rationem eos sequutos, falsum, quippe qui noverant nec Deum omnium velle misereri, & multos à Deo præteritos esse. Quia verò librum illum septem sigillis clausum sibi Deus reservat, illi περιστέειω suam promiscuè & obire debuère, & actu obière. Et sic habuère rationem mandati de prædicando Evangelio *cuius creatura*, oppositè ad æconomiam Testamenti Veteris.

IV. Fatetur Animadversor, illos hortatos esse ad *resipiscientiam*. At quia *resipiscencia* nulla sit sine spe remissionis & reconciliationis cum Deo, spem illam passim & ubique & nullo discrimine itidem omnibus ostentasse, neque quemquam alloquutor esse, seu privatim, seu publicè, in Evangelii præconio, cui spem illam non offerrent & inculcarent. Id autem eos fecisse non instinctu animi sui, non solà charitate (quæ tamen nasci non potuerit nisi ex imitatione divina Φιλανθρωπίας) non ex munere vel ab ipsis temerè arrepto, vel à Christo officianter & persuntoriè concesso, sed ex officio accuratè demandato, ita ut ejus legati haberentur. Christum enim iis imposuisse quod ipse cælo receptus per se obire non potuit. 11 Cor. v, 18, 19, 20. Porro omnia ex Deo, &c. Sic quia Deus Pater ipse per se mundum sibi reconciliare non poterat, sese in Christo exhibuisse, ut reconciliationem illam perficeret; Christum quia ipse per se sermonem reconciliationis in mundo annuntiare nequivit, eum in Apostoli deposuisse, ut mundum ad istius reconciliationis participationem Ipsius veluti & Patri nomine ac loco obnixè atque adedò precando invitarent. At 1. Hortatio ad *resipiscientiam* duplex fuit, una merè *imperativa* obsequii, altera *imperativa & operativa* simul, illà Deus à multis merè exegit officium, prout id pro suo jure exigere potuit. An verò iudex, verbi gratià, homicidam ad pœnitentiam sui criminis hortari non potest, quamvis, nullam illi spem veniæ proponat? Falsum ergo, nullam hortationem ad *resipiscientiam* dari sine spe remissionis. 2. Iudè quia spes remissionis suspensa est à *resipiscencia*, & istius gratiam Deus tantum electis facit, nec alii præterquam electi verè *resipiscere* possunt, spei illius propositio sine ista gratia salutaris esse nequit ob corruptionem hominis, nec propositionem istam Deus salutarem esse vult talibus, quibus istam gratiam pro liberrimo beneplacito suo conferre non vult. Spei itaque illius propositio vel ablazio potius quàm *ostentatio*, quæ; ut plurimum saltem, in vitio est, non nisi solis electis salutaris esse poterat. 3. Spem istam passim & nullo discrimine ab Apostolis propositam, certum, ubi-

que, falsum. Et semper ab illis præmissum officium ; Et quia sub hac conditione demum promissum beneficium ; ostensus quidem nexus à Deo inter ista constitutus istâ prædicatione, haudquaquam verò voluntas Dei de omnibus & singulis salvandis, ad quos perveniebat istud verbum. 4. Ex *adversativis* Animadversoris *copulativa* instituenda, nam & ex instinctu animi sui sanctificati, & ex charitate, & ex munere sibi demandato Apostoli ita *promiscuè* proposuerunt & officium & beneficium, ob causas sæpe dictas, sed nunquam vel *universaliter*, vel hac spe, aut omnes actû per verbum istud convertendos & salvandos, aut salvari posse, quippe qui compertum habuere Mysterium electionis & reprobationis, & id ipsum disertè tradidère. Quia tamen illorum non erat distinguere subiecta utriusque, illorum erat communi & promiscuâ defungi *πρωτοῦ*, & Deo arcana sua relinquere, & bene de quibusvis sperare. Charitatem Apostolorum erga singulos ex divinæ *φιλανθρωπίας* velut universalis & omnium salutem volentis imitatione natam esse, denuò asseritur sine fundamento. Alia enim illorum fuisset charitas, quàm Patriarcharum & Prophetarum sub Veteri Testamento, qui Dei *φιλανθρωπίαν* salutarem, non nisi particularem vidère erga unam familiam & gentem, vel *φιλανθρωπία* Dei fuisset mutata, quippe qui præconium istud verbi in Veteri Testamento in una tantum gente exerceri voluit, in Novo in quibusvis. 5. Christum Apostolis prædicandi munus imposuisse, extra contròversiam est, & apud quasvis gentes. Ut verò nec ipse præsens apud omnes ista prædicatione defungi voluit pro beneplacito suo, apud quos eâ defungi potuisset, sic, ut ex ipso Animadversore demonstratum dedimus in Exercitationibus, noluit Apostolos, apud omnes eodem ministerio defungi. 6. De verbis Apostoli 11 Cor. v, 18, 19, 20. nulla nobis lis, nec illa nos ferunt, sed Animadversorem. Dicitur enim Deus *nos* sibi reconciliâsse, vel *mundum*, cui *non imputavit peccata sua*. An hoc pro universali gratia? Tuam fidem Lector! Annon sermo ibi de actuali reconciliatione, & de actuali non imputatione peccatorum? An malè pronomen *nos*, ut sæpissime alibi, restringitur ob prædicata adjecta? Quod cavillo eludere sæpe conatur Animadversor, sed nequicquam. An *mundus* ille aliud quid designat, quàm corpus salvandorum ex toto Mundo ex quavis gente collectorum, oppositum uni genti intra quam fœdus & gratia coercita fuerunt in Testamento Veteri paucissimis quibusdam profelytis exceptis. 7. Nec Apostolus hic dicit, quod ipsum dicentem facit Animadversor, *Patrem per se Mundum sibi reconciliare non potuisse*. Quod non dicimus, quasi negaremus satisfactionis Filii necessitatem, sed tantum quia hic asstringitur Apostolo id cuius mentionem non facit. 8. *¶*

τὸ βίαιον, ut ipso Animadversore fatente, Deus noluit Apostolos legatione fungi apud omnes & singulos mortales, sic nec per ministros alios, reconciliationis illud præconium voluit esse universale. Sin voluisset, non defuissent ei rationes optimæ, id omnibus promulgandi. 9. Falsum, primum gradum prædicationis Evangelicæ debuisset esse invitationem ad istius reconciliationis participationem, Christi & Patris nomine: Nec quod Apostolus ingessit ibi Corinthiis jam penitentiam ex parte saltem professis, id statim ingerendum illis, qui penitentiam nondum professi erant. Qualis verò mundus & quæ invitatus fuerit, patet ex prædicato adjecto.

V. Ex his liquet causæ nihil fuisse, cur gratiam universalem, quam probare satagit istis Erotematibus, quarto isto Erotemate se demonstraturum consideret. Quæ verò opposita à me isti Erotemati confutat? 1. A me negari, inquit, Evangelium omnibus & singulis annuntiari, & me ex eo τὸ βίαιον argumentari. Quod quidem meritò à me factum. Ostendat contrarium Animadversor. 2. Inquit, illud omnibus & singulis à se dictum fuisse, non absolute universè, ut omnes omnino homines complecteretur, sed ut tolleretur tantum discrimen inter electos & non electos eatenus. At hic perpetuus Animadversoris paralogismus est, & merum effugium. Quum enim disputatio inter nos instituta esset de gratia universali, ego illam Thesibus confutàissem, Animadversor eam Dissertatione suâ vindicare satagisset, tandem Erotematum nomine quinquaginta argumenta Erotematum titulo pro Gratia Universali producere conatus est, quod & ex instituto, & scopo, & Librorum lemmatis, & ipsorum Erotematum multorum verbis patet. Quum verò in Exercitationibus nostris passim demonstratum fuerit, *ignoratione Eleuschi* plerumque peccari, nec probari gratiam universalem, mutata velificatione strenuus Disputator id probandum se suscepisse videri vult, vocationem non tantum pertinere ad electos. An verò id Thema nostrum erat, & disputationis argumentum? Quid apertius, quàm Animadversorem Sophisticâ apagoge hic uti & Thesin suam ac *κρυφαὶ δόξαν* deferere, quam videt nullo tibi sine fulciri posse. Demus jam, quod haudquaquam damus, & vocationem & spem salutis etiam pertinere ad aliquos non electos vocatos per verbum, an inde concluderetur *gratia universalis obiectiva conditionalis* quam ponit? Meritò itaque *ignorationem elenchi* illi passim impingimus, quum aperte recedat à quæstione. Ex quo patet, gratiam universalem plerisque istis Erotematibus, ne aliquâ quidem veri specie, probari posse, quam tamen probandam susceperat. 3. Quis mortalium etiam unquam audivit, per omnes & singulos homines non esse intelligendos omnes & singulos homines!

Hominum enim nomen disertè adjectum est in Erotemate. Qui etiam *universalitas absoluta* aliter, & magis emphaticè efferrì potest? Quis quæso dicat, aliquid *omnibus & singulis hominibus* esse commune, quia non solis electis commune est? An ergo quia olim non electis tantum communis fuit transitus per mare rubrum, sed & plurimis non electis, ille potest dici communis omnibus & singulis hominibus? Quid quæso ab omni rectè loquendi ratione alienius? Et annon manifesta hic fuga & verborum detorsio. Quàm præstitisset, Animadversorem hic candorem suum probasse Lectori, ingenuâ inconsideratæ scriptionis confessione, quàm obstinare animum & calammum contra apertissima verba, quæ nullam patiuntur restrictionem? Si *omnes & singuli homines* etiam non denotant *universalitatem absolutam*, an longe minus universalia vocabula, quæ ex Scriptura & Calvino nobis objicit Animadversor, eam necessariò designant? 4. At, inquit, *sufficere sibi, si in prædicatione Evangelii Deus & Christus in Apostoli nonnullos non electos unâ cum electis hortentur, & precentur, ut cum ipsis reconciliari velint. Sic enim saltem ad eos reconciliationis promissio, addit, pertinebit. De reliquis quibus verbum nondum annuntiatur, nos sollicitos esse non debere, neque Deum eos omnino deseruisse. Imò hoc non sufficit, quia non concludit institutum, gratiam esse universalem. Adde, invitationem ad reconciliationem, esse vel hortationem ad resipiscentiam, vel hortationem ad amplexationem reconciliationis in Christo parta.* Si prius, hortatio illa omnibus quibus verbum prædicatur proponitur, quia est exactio officii debiti. Si posterius, hortatio illa omnibus nec proponitur, nec proponenda est, sed iis tantum qui poenitentiam egerunt. Contra stylum etiam Scripturæ dicit, Deum & Christum hortari, ut *cum ipsis* homines reconciliari velint: At reconciliatio illa *appropriativè*, ut barbarè sed significanter Scholæ, in Scriptura refertur ad Patrem, instituenda quippe per Christum. Quam distinctionem Paulus ibidem tradit, dum inquit, *Rogamus per Christum, reconciliamini Deo.* Sic Pater ibidem in Christo dicitur sibi reconciliasse Mundum. Et disertè ibi distinguitur Filius à Patre, ut ille *per quem*, ab illo *apud quem* reconciliatio instituta. Quæ distinctio ab Apostolo etiam alibi observata, Christum considerante, ut *Advocatum apud Patrem*, hic etiam erat observanda. Quæ non idèò à nobis dicuntur, quasi negemus *Opera*, quæ dicuntur in Scholis *ad extra*, esse communia, vel ea quæ referuntur ad Patrem quæ Deus est, non quæ Pater est, & distinguitur Filio, etiam referri ad Filium, sed quia de æconomia redemptionis præstat loqui cum Scriptura. Et quamvis Patri reconciliata sit tota Trinitas, *vinculus* tamen ut *appropriatio* ista à Scriptura *denotatus* expressa, nobis etiam de hoc mysterio loquentibus retinenda est. Ad omnes itaque

itaque & singulos reconciliationis promissionem pertinuisse, falsum, sed ad omnes tantum respicientes, quales nulli verè dantur, nisi qui electi. De reliquis, quibus verbum nec annuntiatum fuit, nec annuntiatur, qui maximam mundi partem faciunt, non solliciti sumus, nisi ut ex œconomia ista demonstremus, promissionem ad illos non pertinere, quibus nunquam fuit annuntiata, adeoque eam non esse universalem. Qui Deus reliquas gentes non deseruerit, nemo melius novit Apostolo, qui testatur, Deum illis dedisse pluvias & præstituta tempora fructibus perferendis Actor. xiv, 17. Vtinam verò sollicitus non fuisset Animadversor de non vocatis per verbum, & curas suas ad illos non extendisset, sed se continuisset intra spacia vocatorum, præcidisset ille hac ratione multam materiam litium, nec se in inextricabiles conjecisset difficultates vocationis Evangelicæ quærendæ in natura fidei constituenda sine cognitione Christi, & quæ sunt alia id genus portenta novæ Theologiæ!

VI. Addit: Me dixisse (omissis plurimis ex ipsiusmet Animadversoris propriis verbis à me citata, & ipsi impacta) *etiamsi id concederetur de omnibus qui vivunt temporibus Novi Testamenti, non propterea Gratiam Universalem esse futuram, quia sub Veteri Testamento longè pluribus non innotuit. Verum id nihil facit, inquit, ut supra monuimus, ad rem. Deus temporibus illis convenienter prospexit, & id à nobis fusè explicabitur alibi, in 11 Parte Specialiorum Animadversionum. Nunc nobis satius est Deum & Christum plurimos non electos ad participationem salutis omni ope vocare. Id enim non facerent, nisi remissionis promissionem ad eos pertinere voluissent. At 1. Illatio mea inviata est, & causæ jugulum petit, gratiam objectivam universalem probari non posse isto Erotemate. Et tamen hoc non facere ad rem, inquit disputator subtilis, si attulisset, suam, verè dixisset. An quid magis ad rem facere potest, quàm quod disertè evertit Thesin positam, & ei contradictoriè opponitur? 2. Merum effugium est, Deum temporibus illis convenienter prospexisse, & id à se fusè explicatum Parte II. At quæstio hîc est, an verbum reconciliationis istius omnibus annuntiatum fuerit, vel non, de quo Erotema agit, & quod negatum à me universaliter factum. Si id concedit, meritò à me negatum, hoc argumento universalem gratiam adstrui. Si affirmat, falsum apertè affirmat. Non dubium, quin Deus convenienter temporibus illis prospexerit, an verò ita illis prospexit, ut verbum reconciliationis omnibus & singulis annuntiari jussisset, quod solum est ministerium Spiritus, vel ipsomet fatente? Nequicquam verò nos remittet ad secundam Partem. Consuetudine hæc ipsi fuga est, quando se premi sentit. Nec ibi id ipsum probat, quod probandum, ut suo loco ostendetur. 3. Inò id satis non esset, quamvis daretur, quod non datur, Deum plurimos non electos ad partici-*

ticipationem salutis vocare. Nec enim concluderetur τὸ καὶ ἐν ὁμολογίᾳ participum, ob quod inter nos instituta disputatio. Adde, supponi, non probari, Deum plurimos non electos ad participationem salutis vocare. omnis enim Dei vocatio ordinaria primum est ad pœnitentiam, postmodum & secundariò demum ad participationem salutis per eam. Quid falsius etiam, quàm Deum *omni ope* plurimos non electos vocare? At quem non trahit Pater, illum ad Christum nec omni ope vocat, nec, non tractus, sine ista tractione ad Christum venire potest, vel velle venire. Hinc patet, Deum promissionem remissionis haudquaquam ad eos pertinere voluisse, quippe qui sunt impœnitentes, & necessariò quidem ac incorrigibiliter. Et sanè, promissionem remissionis ad aliquem extendere sub conditione, quam scias illum nec habere, nec habere posse, quæ à te solo pendet, & quam dare ei nolis, est eam non extendere ad salutem illius. Plurima verò à me hîc notata, ut plerumque alibi, intacta prætermittit pro arbitrio accuratus Disputator.

VII. Tertiò, inquit, Distingui à me diversa momenta predicationis, & dici, non predicari quidem Euangelium sine promissione remissionis; at hortationem ad pœnitentiam præcedere debere. Tum contendere me, quemque hortandum esse ut credat Iesum Nazarenum esse Messiam, & omnes in eum credentes servandos, non verò ut credat in individuo quisque promissionem ad se pertinere, nisi perspectâ prius ejus respicientiâ. Verùm prius illud inutile est. Quum enim nulla sit vera pœnitentia nisi qua potissimum nascitur ex spe remissionis, spes autem nulla remissionis sit nisi ex promissione vel demonstratione misericordie Dei. si Deus & Christus Apostolorum interventu omnes & singulos homines ad pœnitentiam appellarunt, consequens est ut promissione eos in spem remissionis crexerint itidem. Potueruntne ergo id Deus & Christus facere, si omninò remissionis promissio nihil ad istos attinebat? Rogaruntne eos ut reconciliari vellent, si ipsi mentem gerebant ab omni reconciliatione prorsus alienatam? Posterius id ipsum concedit quod Erotemus postulat. Nimirum quicumque credidit, uti credere id oportet, Iesum Nazarenum esse Messiam, & omnes in eum credentes servatum iri, ille eum actum fidei præstitit ex quo reliqui necessariò consequuntur. Sic enim ratiocinatur apud se: Quicumque ex hominibus credet in Iesum Nazarenum, ille vitam æternam obtinebit. Quod nihil aliud est quàm adhibere fidem testimonio quod Pater de Filio perhibuit, ut suprâ ex Iohanne vidimus. Subsumit autem sic: Atqui sum ego unus ex hominibus. Fieri enim certè nequit quin sic continuò mentem in semetipsum reflectat. Ex quo conclusio sequitur: Ergo si credam in Iesum Nazarenum, salvus ero. Si igitur actus ille fidei qui majore propositione continetur, nondum est tota fides. potestne quisquam habere certissimè persuasum, si in Iesum credat, fore ut servetur, quum insitus felicitatis amor eum illò necessariò rapiat, ut felicitatis inaudiatum augmentum



*Gl'orem complectatur? Rogant ergo Deus & Christus omnes & singulos, ut cum fidei actum edant quem salus necessario sequitur; quod qui facere possint equidem non video, si nullo modo in omnium & singulorum salutem inclinantur. Tum si Deus & Christus per Apostolos ita loquuntur: Vos omnes & singuli quotquot audistis Evangelium, credite firmiter Iesum Nazarenum esse Messiam, aeterna salutis auctorem iis omnibus qui eum per fidem amplectantur, id non certe faciunt, praesertim adeo enixe, adeoque cum affectu ut precari videantur, nisi certè à quadam de causa. Ea autem quanam esse potest, si nullam omnino salutis non electorum cogitationem susceperunt? Decet ne Deum & Christum tanto studio homines ad eum fidei gradum invitare, eo solum consilio ut si homines non electi veniant, salutis spes eos frustret, si non veniant, gravius & atrocius puniantur? At 1. Hortationem ad poenitentiam praecedere debere, merito à me dictum, secundum praxin Christi & Johannis, & Apostolorum. Nec Christus Redemptor est ullius non poenitentis, sed ira Dei super ipso manet. Et cum nullius increduli, secundum Animadversorem, sit Redemptor, nullius in poenitentis etiam est Redemptor. Necessarium etiam, ut credat vocatus Iesum Nazarenum esse Messiam, & Mediatorem omnium credentium in eum, antequam credere possit eum esse Messiam sibi destinatum, vel suum Mediatorem. Neminem quoque hortandum dixi, ut credat in individuo promissionem ad se pertinere, nisi perspectà prius ejus respicientiâ. Et merito quidem. 2. Prius inutile esse, dicitur sine probatione. Nullam veram poenitentiam esse nisi qua nascitur ex spe remissionis, ambigè dictum, nullam actu dari in peccatore, datur; nullam dari debere, & Deum eam exigere ab homine non posse, vel non exigere etiam sine remissionis oblatione, adeoque sine ejus spe, falsum. Si Animadversori credimus, non potuisset Deus ab homine exigere poenitentiam, nisi illi Mediatorem dedisset, nec homo eam debuisset Deo. Nec quæstio jam est, quæ sit dispositio subjecti, in quo poenitentia vera datur, sed quæstio est, an hortatio omnis ad poenitentiam præsupponat spem veniæ, vel ejus oblationem, quod à nobis negatum, & verè quidem: Sola scèditatis peccati, ingrati tudinis creaturæ, & offensæ Majestatis Creatoris consideratio, motiva sunt sufficientia, quæ hortationem ad poenitentiam, justitiam, & officii istius æquitatem commendant. Et statim ac peccatum admissum est, poenitentia debita est, quamvis nulla dum proponatur spes remissionis. Et ante ejus propositionem, primis parentibus non desinebat incumbere *in peccato*. Et sanè, si res aliter se haberet, reus qui in furcam agitur sine spe, non deberet in foro civili poenitentiâ duci criminis à se admissi. Diabolus etiam, si hoc admittimus, non peccat, dum eum peccatorum suorum non poenitet, quia Deus illi spem nullam facit gratiæ. 3. Si etiam*

spes nulla remissionis sit nisi ex promissione vel demonstratione misericordie Dei, illiusque in Christo propositæ, nulla potuit esse spes innumeris gentibus, quippe quibus nec promissa nec declarata fuit ista misericordia Dei, quæ declarari non potest extra verbum. 4. Falsum, & Deum & Christum Apostolorum interventu omnes & singulos homines ad Pœnitentiam appellasse, & eos ad eam appellari non potuisse: Falsum etiam, hoc officium à multis exigi non potuisse, quamvis promissione in spem remissionis Deus eos non crexerit: An etiam promissionis & spei istius propositiones cum intentione salutis apud illos institui possunt sub conditione pœnitentiæ, quas illas instituens novit non magis illos præstare posse, quàm corruptionem suam, & invictam quidem, exuere? Propositio ipsa itaque promissionis de remissione sub ista conditione instituta apud homines corruptos omnino & mortuos in peccatis suis, sine adjecta Spiritus gratia efficaci, vel sine voluntate eam adiciendi, ad salutem talium haudquaquam ordinari poterat, sed tantum vel ad *convictionem* eorum, vel ad eorum *côrectionem*. Prout verò officium, quod debebant omnes, promiscuè fuit propositum, sic & beneficium promiscuè proponi nihil obstat. satis enim erat id suspendi à præstatione conditionis, & eo tantum ostendebatur nexus inter utrumque, non verò voluntas Dei de illis per ista salvandis, nisi quibus gratiam conditionis præstandæ largiri simul voluit. 5. Rogatio ista ratione pœnitentiæ, est merè *imperativa officii* quoad non electos, & fieri potest ab iis qui hoc jus habent, quamvis nullum beneficium destinent illis à quibus exigunt officium. Imò si Pater & Filius mentem non gerebant ab omni reconciliatione cum talibus prorsus abalienatam, cur illis non dedere gratiam pœnitentiæ sine quâ non verunt eos pœnitentiam agere non posse? Et an seriò rogat aliquis alium, ut præstet quod novit eum præstare non posse, quæcunque impotentia intercedat, modò invicta sit? An etiam Pater & Filius non gerebant mentem ab omni reconciliatione alienam erga illos, quos Pater odit ab æterno, & quos Filius nunquam novit? Habere sanè mentem non alienatam à reconciliatione cum aliquo sub conditione quam præstare eum non posse scias, & eam prorsus alienatam ab eo habere, in idem recidunt. 6. Concedi à me, quod Erotema postulat, falsum. Quod id probat Animadversor! Nam quicumque credidit, uti credere id oportet, Iesum Nazarenum esse Messiam, & omnes in eum credentes servatum iri, ille eum actum fidei præstitit, ex quo reliqui necessariò consequuntur. An verò ullus mortalium priorem istum actum præstat, ut oportet, qui non sit electus, & quem Pater non trahat? An inde sequitur, vel gratiam, vel promissionem pertinere ad alios, quàm ad tales? Fatebimur verò ultro, talem sic apud se ratio-

ratiocinari : *Quicumque ex hominibus credet in Iesum Nazarenum, ille vitam æternam obtinebit*, ob nexum indissolubile institutum inter fidem & vitam, sed nemo hoc ipsum credit, ut oportet, vel tali se syllogismo eriget, qui non sit actu penitens, & qui non actu adhibeat fidem, testimonio quod Pater de Filio perhibuit, adeoque qui non sit electus. Subsumet verò, non, ut vult Animadversor : *Atqui sum ego unus ex hominibus, sed, sum ex hominibus hoc verè credentibus*. Aliàs nemo esset impœnitentium & hypocritarum, qui non prius posset subsumere, quamvis non possit subsumere posterius. Inde verò non sequetur *Conclusio*, quam texuit Animadversor : *Ergo si credam in Iesum Nazarenum, salvus ero, sed : Ergo ego salvabor*. Quis enim unquam ex Majore & Minore propositione non hypotheticâ educit conclusionem hypotheticam. At forma hîc & majoris & minoris est categorica, conclusio verò hypothetica. Major enim : *Quicumque ex hominibus credit in Iesum Nazarenum, vitam æternam obtinebit*, sic debet formari, vel saltem huic propositioni æquipollet : *Omnis credens in Iesum Nazarenum habebit vitam æternam*. Subjiciendum jam : *Atqui ego credo in Iesum Nazarenum. Ergo vitam æternam habeo*. Animadversor verò, parum structuræ verborum suorum memor, & conclusionem hypotheticam educit ex præmissis istis categoricis, & mutat terminos. Servandi verò sunt termini iidem in conclusione, nec enim concludi potest, quod non est probatum. Nec hic syllogismus aliud quid insert, nisi 1. Nexum inter fidem & vitam. 11. Applicationem vitæ ad subjectum in quo actu reperitur fides. 7. Actum verò illum qui Majori propositione continetur, nondum esse totam fidem, patet, quia opus actu ulteriore, ut cum Scholis loqui liceat, *applicativo & reflexivo*, quem fidelis instituit in Minori propositione & conclusione. Fatemur itaque libenter, post propositionem majorem creditam, ut oportet, sequi minorem & applicationem : Sed semper opus illam propositionem primò actu credi, ut oportet, quod constanter urgemus. Adde, ex *insito felicitatis amore* sanè aliquem ad hoc instigari aliquo modo posse, sed ut *ed rapiatur*, & hoc medium præferat omnibus aliis, quæ humana excogitavit ratio, quamvis ex se ratiocinationi nostræ parum opportunum, opus tractione Spiritus S. nec hic actus noster actus est, *originaliter*, vel sequitur veluti ex se insitum felicitatis amorem, sed solam tractionem Patris, quæ electorum duntaxat est, adeoque & actus qui eam sequitur, & ab ea unice pendet. Instat Animadversor : *Rogant ergo Deus & Christus omnes & singulos, ut eum actum fidei edant, quem salus necessarîo sequitur, quod qui facere possunt, si nullo modo in omnium & singulorum salutem inclinantur*. At quos rogant ? Annon penitentes ? At qui penitentes,

nisi electi. Nec prædicationis actus, ut homo hoc credat, primus est, sed actus invitans ad pœnitentiam. An etiam omnes & singulos mortales hoc rogant Pater & Filius? Hoc sanè nihil apertè falsius. Sine eo tamen non probatur Gratia Universalis. Nec si Pater & Filius inclinarentur in omnium & singulorum salutem, *aliquo modo* in eam inclinarentur, sed *omni modo*, & vel conditionem ejusmodi non exigerent, vel ejus gratiam illis facerent, à quibus eam exigunt, cum nonnisi suo dono eam præstari possent. 8. Supponitur semper, hunc esse primum actum prædicationis, Vos omnes & singuli quotquot auditis Euangelio, credite Iesum Nazarenum esse Messiam vestrum, pro vobis mortuum. At primus actus est τὸ μετάνοειν. Nec actus alter, nisi actus pœnitentiæ præstito auditoribus Euangelii competere potest, quales nonnisi electi. Et sanè illorum causâ ministerium à Deo institutum. Adde, nec hoc præconium universale statui posse sine evidentissima falsitate. Hortationes verò istæ & aliæ id genus sunt *instrumenta & media* per quæ Deus pœnitentiam & fidem in electis suis vult operari. Hæc de causâ instituuntur. An etiam conveniens est phrasis ista Majestati Dei, *si nullam omnino salutem non electorum cogitationem susceperunt*: Hominum est, aliquam duntaxat cogitationem de his vel illis objectis, personis, eventibus suscipere. Quorum verò salutem Deus voluit, pro ea omnem cogitationem necessariam, quamvis αἰχρόλογος sit ista locutio, suscepit de mediis & constituendis & conferendis, per quæ ad salutem actum ducerentur. Quamvis una & simplicissima Dei volitio ad id sufficiat. Aliàs cogitationem suscipere de aliquo salvando sub conditione ut respiscat & credat, quem scias nec respiscere posse, nec credere, est illi illudere, non illum salvari velle. Supponitur etiam falsò, Deum omnes & singulos ad istum fidei gradum invitare, minus, sine pœnitentia antecedente. 9. Annon etiam immanis est ista ærugo, quâ mihi affingit Animadversor, quasi statuerem, Deum eo consilio tantum invitare non electos, *ut, si veniant, salvandi spes eos frustret*? Imò si illi venirent, jam non essent non electi, sed electi, cum nemo nisi electus venire possit. Aliàs certum, multos externè vocatos gravius & atrocius puniendos, Christo id disertè testante & apud Matthæum, & apud Johannem, multos peccatum tam grave non habituros, si illis non fuisset locutus. Imò & Animadversor fateri cogitur, vel fidem non esse solius Dei donum in solidum, & solorum electorum, vel fateri cogitur, hortationes ad fidem talibus necessariò cedere in majorem condemnationem, & Deum eas illis admoventem nōsse eas in hunc finem certò & inevitabiliter cessuras.

VIII. Addit: *Quarò concedis quidem Vir Doctus Apostolos τὸς Χεῖρος πῆρα-*

nec edocet, at negat eos eâ legatione functos esse apud omnes in universum. Frustra : sufficit enim eos esse functos eâ legatione apud nonnullos è non electis ad quos suam prædicationem direxerunt. Tum ait, Apostolorum non fuisse inquirere quinam essent electi vel non : sed verbum ita promiscuè proponere, Quicumque poenitentiam egerit & crediderit, servabitur. Quando igitur non aliter prædicaverunt, auctore Apostolo, nisi, οὐκ ἔστι θεὸς ἁπαλῶν & δι' αὐτῶν, neque Deus in ea ἁπαλῶν rationem habueris discriminis à se per electionem inter homines constituti, & verbum promiscuè ita proposuerit, Quicumque crediderit servabitur. Si igitur Deus facit salutem communem & promiscuam omnibus, modò credant, cur adversus gratiam illam communem homines tam pertinaciter luctantur ? 1. Multa à me ipsi opposita cautus disputator planè prætermittit. 2. Verè à me dictum, Apostolos eadem legatione haudquaquam functos esse apud omnes in universum, adeoque eam illis non impositam, quoad omnes, aliàs vel frustra eam iis impositam, vel ab illis non factum officium. Haudquaquam verò sufficit, eos eâ legatione functos esse apud multos è non electis. Hoc enim non concludit ἀποφασιστικῶς de gratia universali. Et omnibus præscriptus ordo legationis partim obit, partim obeundæ. 3. Ipse fateari cogitur, à me dictum, Apostolorum non fuisse inquirere, qui essent electi, vel non, sed verbum promiscuè proponere, officium alienum exigere, suum fungi, & Deo eventum committere. Frustrà verò ex eo inferret, cùm non nisi Deo per illos hortante hortati fuerint, Deum in eâ hortatione non habuisse rationem discriminis à se per electionem inter homines constituti. Egregia verò illatio ! Si ministri ignorant qui sint electi, vel non. Ergo & Deus. Si Apostolorum non fuit hîc distinguere. Ergo nec Dei. Satis, eos id proposuisse, quod Deus proponi volebat, & eo modo ac ordine quo id proposuisse volebat, & ex auctoritate divina, ut Dei legatos. An verò prædicationem in tempore demum exercitam, & munus prædicationis Apostolis impositum non antecessit æterna electorum & reproborum apud Deum discriminatio ? Et talis quidem, ut reprobi nec salvarentur actu, nec possent salvari, præteriti quippe, quorum exitum ineluctabile, ut fateatur Animadversor, & tamen si eum audimus alibi, Deus tales in tempore post istam præteritionem æternam salvari voluit per ministerium Apostolis commissum. Habet sanè Deus rationem electorum, & non electorum in ista prædicatione, quia aliquos electos nimirum, ex illis vocatis per eam traxit, alios, nimirum præteritos eodem modo vel coërcuit, vel convicit saltem & utrumque quidem ex decreto æterno. 4. Verbum promiscuè propositum esse, Quicumque crediderit, servabitur, fateamur, universaliter, negamus. Id ipsum enim proponendum esse post poenitentiz præconium, damus, ante, negamus.

Et de nexu fidei ac salutis nobis lis nulla. Inde verò sequi, Deum facere salutem communem omnibus & singulis mortalium, modò credant, falsum, tum quia Deus nullam ejusmodi voluntatem indefinitam habere potest de re incerta, imò minus de re certò non futura, & quæ fieri non potest ex suo decreto, quale quid ne in mediocrem quidem sapientiam humanam cadit, vel cadere potest. Adde, facere salutem communem iis qui credere non possunt sine suo dono, quod dare iis noluit, esse illis salutem non facere communem. Imò ex aphorismo, *Omni credens servabitur*, non magis salus fit communis, quàm communis sit damnatio ex aphorismo opposito, *Omni non credens damnabitur*. Nec si Deus salutem communem facere voluisset omnibus, vel suspendisset eam à conditione ista, vel eam omnibus dedisset, vel non passus fuisset omnes incidere in *ἀδυναμία* illam communem non præstandi fidem, quodcunque ei nomen detur. Adde, semper hoc extendi non posse ad plurimos, qui ne per ætatem quidem hujus invitationis potuere esse ullo modo capaces. Ex his patebit Lectori, quàm meritò querat Animadversor sub finem, *cur adversus gratiam illam communem homines tam pertinaciter lucentur?* Causæ istius oppositionis abundè à nobis demonstratz. Adde, *gratiam communem* non esse *καθόλου* inter nos, sed *universalem*, quæ vel probanda erat, vel deferenda. Ingenuè fatendum saltem, malè eam hoc Erotemate defensam. Multa verò è responsione nostra ne attigisse quidem Animadversorem animadvertet Lector ex collatione scriptorum nostrorum. Et tamen hoc est accuratè omnia confutare, & causam habere addendi τὸ λόγον!

## CAPVT VI.

## Vindiciæ Responsionum ad V. Erotema, Sectiō I.

## De Prefatione Animadversoris.

## BREVIARIUM Capitis sexti.

**D**efensionis Erotematum ordo consusus, notatus. Institutum Auctoris circa hoc opus ter mutatum. Specialis pars primò occupata, Generalis ultimo loco. Ejus rei probatio. Ordo à nobis restitutus. Prolixitas Animadversoris. Causa divisi Examinis Defensionis Erotematis quinti. Provocatio Animadversoris injusta ad Tractatum Calvinum de Prædestinatione. Demonstratio ex eo dogmatum oppositorum doctrina de Gratia Universalis. Consensus Animadversoris cum Alberto Pighio in multis. Inductio variorum à Calvino propositorum, quæ incompatibilia cum sententia Animadversoris. Promiscua gratia extensio gratiam extenuat. Omnium in Adamo perditorum invitatio ad salutem puerile figmentum Calvinum. Varia ejusdem assertiones nobis faventes.



Prima misericordia universalis Animadversorū jugulata. Prædestinatio universalis ejusdem eversa. Universalis veritatis Dei manifestatio destructa. Loca à nobis opposita Animadversori, opposita etiam Pighio à Calvino. Deum omnes velle salvos fieri, ab eodem negatum. Locus 1 Tim. 11. de generibus singulorum à Calvino expositus. Argumentum de infantibus gentiliū à Calvino etiam adhibitum. Omnia ad Dei beneplacitum à Calvino reducta. Quid de moderatioribus in hoc negotio statuat Calvinus. Pighii & Animadversoris objecta multa eadem. Prædestinatio quæ à Calvino explicata. Disputata à Calvino contra Georgium Siculum gemina nostris. Finis externa prædicationis respectu non electorum, secundum Calvinum. An evi perditæ Calvino designet reprobū. An incredulitas illi sit causa reprobationis. Voluntas universalis salvandi omnes à Calvino eversa. Provocatio Animadversoris ad Calvinum, refusa. Liber Calvini de occulta Dei providentia oppositus Animadversori. Nexus inter officium & beneficium universalibus propositionibus demonstratur secundum Calvinum. Quæ Deus velit omnes salvos fieri. Calvino assensum. An promissiones absoluta & hortationes conjungi non possint. Aversus ab Animadversore asserta. An fœdus gratia habeat promissiones simpliciter universales. Assensum nobis. Methodus à Christo adhibita, male perstricta. Ordo in Prædicatione tradenda, ut & in promissionibus proponendis observandus. Quæ universalitas promissionum dari possit. An ex electione sit argumentum ducendum ad fidem, an contra. Quæ promissiones credenda sint & applicanda. Digressio Animadversoris de Fide. An fides oriatur ex appulsu facultatis ad objectum. Apud Animadversoris pronuntiatum. Quæ fiat intellectio. Ordo actuum fidei ab Animadversore constitutus, rectorius. An probandum fuerit Animadversori, fidem esse in intellectu, & non potius, eam esse in solo intellectu. Quæ fidei confusio. Actuum fidei expositio rectoria in Animadversorem. Promissionis universalis respectu omnium credentium non ponit gratiam universalem. Inutilis digressio Animadversoris. Quæ Propositio. Omnis credens salvabitur, restricta sit & determinata. Quale discrimen innuat. Quæ universalis sit & non sit. An & qui credentes eam pro tali habeant.

I. **H**Vjus Erotematis defensionem, quæ suo loco Lectori exhibenda erat cum aliis ejusdem ordinis, ad manipulum alium retulit Animadversor, & eam cum Erotematibus XIII & XLI. in Parte Specialiori Speciminis Animadversionum suarum exstare voluit. Quo jure id fecerit, vix explicare poterit, nisi defensiones suas circa reliqua Erotemata generales tantum fateatur, adeoque parum accuratas ad objecta omnia dissolvenda, quorum tamen confutationem seriò occupasse videri vult. Si enim reliquæ etiam sint speciales, causæ nihil erat, cur has segreges exire pateretur. Quæ verò hoc factum fuerit, ex collatione Partis utriusque facillè deprehendi potest, Animadversori nimirum (postquam Epistolam à se Exercitationibus meis oppositam jam aliquà sui parte exclusam, ex Amicorum consilio revocasset, & immitis Pater partum ipse suum, vix quippe vel causæ vel famæ suæ responsurum, Saturni instar devorasset) constitutum fuisse duas suas Diatribas de potentia naturali & morali, & de τῷ νόμῳ & τοῦ, quæ duo argumenta inde à concertationibus istis bonam Meditationum ejus partem faciunt, & quosum.

rum materiam jam dudum congestam habebat & comportatam, extrudere, & pro omni responsione tria Erotemata seligere, quæ ab Annotationibus meis vindicaret. Quum interea ne hoc quidem satisfacere videretur vel suorum expectationi, vel  $\tau\epsilon\iota\lambda\epsilon\upsilon\alpha\sigma\iota\varsigma$  flagitationi, ad *Generaliorum* Animadversionum structuram se invitus convertit, & in iis reliquorum etiam Erotematum unâ cum aliis quibusdam defensionem suscepit, sed verè *generalem* & perfunctoriam. Et hunc hujus Operis ordinem fuisse demonstrari potest  $\alpha\alpha\alpha\lambda\iota\beta\eta\tau\iota\varsigma$ , præter rationes alias ex eo, quod in parte *Generaliori* paginas etiam ad marginem citat Animadversor foliorum exscriptorum à Typothetis in Parte Specialiori, quod fieri haudquaquam potuisset, nisi iste foetus prodiiisset primus, sed qui infelici fato ex primogenito factus fuit postgenitus, & appendicem tantum constituit post se natæ foeturae. Quin res ita se habeat, ne Animadversor quidem negare potest. Hinc totum specimen non ad  $\delta\delta\tau\epsilon\gamma\epsilon\upsilon\sigma$  sed ad  $\tau\epsilon\lambda\iota\pi\iota\nu\ \phi\rho\epsilon\sigma\iota\delta\alpha$  referri debet, & ad Amicorum aliquot, qui nobis fortè non sunt ignoti, solitudinem, quorum curæ exasciatum hoc opus debemus. Quicquid verò sit ejus rei, & quamvis defensiones omnes debuissent esse *speciales*, homini me adhuc post omnia à se confusa, confusionis passim liberaliter arguenti, hoc præstabimus officium, ut ab eo verè confusa à confusione liberemus, & confutationem trium istorum Erotematum, ne hient numeri, suis locis reponamus, & eo quidem ordine quo collocari debent. Eâ verò etiam ingenuitate utemur, ut quamvis immani prolixitate hominem etiam  $\chi\alpha\lambda\kappa\acute{\iota}\nu\tau\epsilon\gamma\epsilon\upsilon\sigma$  abstergere à vestigiis suis legendis possit, haudquaquam committamus, ut nos vel truncatæ vel luxatæ scriptionis suæ jure postulare possit. Obfirmandus interea Lectori & nobis animus ad Examen centum & aliquot paginarum majorum, quas nobis obtrudit. Si hîc ego quoque prolixus sim, & discam  $\pi\alpha\sigma\kappa\acute{\alpha}\zeta\epsilon\iota\nu\ \pi\epsilon\sigma\iota\kappa\omega\acute{\nu}\ \chi\alpha\lambda\omega$ , primus non peccavero, Animadversorem saltem, suæ culpæ conscium, qui mihi præit, habebō faventio rem. Quandoquidem verò in nimiam molem excresceret Caput istud, si sine distinctione omnia exequerer, quæ in eo pertractat Animadversor, liceat nobis illud in distincta Tmemata  $\pi\epsilon\mu\alpha\chi\acute{\iota}\zeta\epsilon\iota\nu$ , fastidio abstergendo.

II. Præfatur primò prolixè Animadversor aliquot paginis, & quædam è Calvinî libro de Prædestinatione super duobus capitibus federis Evangelici Lectori proponit. Ad quod quidem scriptum ab eo provocari, mirum foret, si vulgaris illi esset sui fiducia. Notum equidem eruditis, ea Tractatu illo passim poni à Calvino, quibus non magis Gratia Univerſalis superstrui vel conciliari possit, quàm *Pighii* vel *Siculi* commenta. Imò eam apertè ibi destrui. Quod quidem demonstratum hîc

accu-

accurare & prolixè daremus, nisi constitutum nobis in hoc Opere esset, vel planè non, vel parcè admodum ea tangere quæ ex humanis scriptoribus vel petuntur, vel peti possunt, contrahendæ ejus moli, & unicè quidem. Præterquàm quod argumenta ἀντιλογία ab autoritate humana in re Theologica ducta nec causam decidunt, nec quæstionem juris. Quæ etiam ratio est, cur anxium citationum variarum id genus apparatus in Pontificiorum scriptis vel negligent sæpe Theologi nostri, vel excutiant compendio & paucis. Quia tamen ita ~~deprecatas~~ ad hoc Calvinī scriptum provocare audet Animadversor, quo tamen Theologiæ ejus fundamenta evertuntur, & nervi succiduntur, operæ pretium erit quædam ex eo delibare. Notet itaque Lector, Animadversorem in multis cum Pighio sentire, quæ Calvinus disertè confutat, verbi gratiâ Deum creasse omnes indistinctè ad salutem: Deum prævisâ defectione remedium adhibuisse, quod omnibus perinde commune esset: Deum providentem pertinaciam hominum in malitia & gratiæ contemptu tales reprobasse, nisi resipiscant. Indignè de Deo sentire, qui quosdam præcisè & absolutè electos tradunt, alios destinatos exitio. Deum prius creandi ad vitam hominū suscepisse consilium, quàm ejus lapsum præsciret, idèò salutis humanæ cogitationem mortis præscientiam ordine in ipso Deo præcessisse. An non verò Animadversor illa ipsa dogmata defendit, quæ Calvinus in Pighio gravissimè & meritissimè damnat? Et disertè notat Calvinus, Dei beneficentiam promiscuè ad omnes extendentem, quantum in se est, eam extenuare. Puerile etiam figmentum esse, inquit Calvinus, quod gratiam Pighius interpretatur, Dominum omnes in Adam perditos ad salutem nihilominus invitasse, clarè enim Paulum Dei præcognitos à reliquiis discrevisse, quos ad spectu suo dignatus non est. Plenis etiam velis Pighium in Deum inveni addit, si quos ab ipsa creatione exitio destinet. Non electos etiam ad interitum aptatos docet, quia naturæ suæ relictī certo exitio devoti sunt. Altius verò Dei consilium præcessisse notat antecedens considerationem peccati. Pighio quoque impingit disertè, eum audacter colligere, Deum indiscretè & indiscriminatim disposuisse universos ita creandos, ut suæ bonitatis ac beatitudinis essent participes. Diceres revera ista omnia & totum hunc Tractatum Calvinī oppositum esse directè Animadversoris Theologiæ, paucissimis exceptis, quæ ad determinationem voluntatis per gratiam efficacem spectant. Perstringit ibidem Calvinus Pighium, quod Augustinum rideat, hoc est pios omnes, qui Deum imaginantur, post prævisionem ruinæ universalis omnium in Adamo, alios ad vitam, alios ad interitum destinasse, & quod Pighius statuât illud de omnibus in salutem creandis Dei consilium Adæ lapsu fuisse superius, adeoque & electione & reprobatione jam peccatorum. Quo ipso jugulatur à Calvino prima illa mis-

*ricordia universalis Animadverforis antecedens decretum Electionis & Re-  
probationis. Negat etiam Calvinus, Deum æterno suo consilio commu-  
nem omnibus salutem destinasse, & evertit Animadverforis Prædestinatio-  
nem universalem. Quàm consona etiam sunt Animadverforis Theologiæ  
quæ addit Calvinus? Dum negat, Deum voluisse omnibus notam esse  
suam veritatem. Si omnibus notam voluit, inquit, cur legem suam non publi-  
cavit & gentibus? Cur inclusam in angustis tenuit vitæ lucem? Eadem loca  
Calvinus ibidem opponit Pighio, quæ nos Animadverfori ex Psalmo 147,  
20. & Act. xv 1, 6. & docet, Deum post lucem vitæ solis Iudeis accensam, pas-  
sum fuisse gentes per multa secula errare in tenebris ignorantia. Nunc jactet Pi-  
ghius, inquit, Deum omnes velle salvos fieri, quum ne externa quidem doctrina  
predicatio, quæ tamen spiritus illuminatione longè inferior est, omnibus sit commu-  
nis. Ibidem locum 1 Tim. 11. de generibus singulorum nobiscum interpre-  
tatur, quam hujus loci interpretationem ridet alibi Animadverfor. Ad-  
dit Calvinus argumentum, quod in nobis idem explodit de infantibus,  
& inquit: Cum eadem nascendi & moriendi conditio fuerit parvulis qui Sodoma  
& Hierosolyma mortui sint, nec quicquam in eorum operibus dispar, cur alii ad  
dextram suam stantibus, alios ad sinistram Christus externo die segregabit? Quis  
hic, inquit Calvinus, admirabile Dei judicium non adoret, quo factum est, ut alii  
Hierosolyma nascerentur, unde ad meliorem vitam non transirent, alios Sodoma,  
infernus atrium exciperet nascentes? Urget ibidem sanctissimè Calvinus, Dei  
voluntatem ita debere evēchi, ut sit omni ratione superior, & cum jure  
suo tantum habere potestatis, ut solo ejus nutu contentos nos esse opor-  
teat: In sola ejus voluntate quiescendum esse, ut quod illi placere intel-  
ligimus, cujus causa nos fugit, instar mille rationum sufficiat. Calvinus  
etiam in Pighio calumniam notat ex crassa inscitia natam, dicere, frustra ju-  
stitiæ & sanctitati studere reprobos, quos tandem perire necesse est.  
Quod ipsum sententiæ nostræ aliquoties impingit Animadverfor. Re-  
spondet verò eodem modo Calvinus, quo nos, & ostendit, tales justitiæ  
& sanctitati nec studere, nec studere posse. Et Calvinus illos in spidus vo-  
cat moderatores, qui in sobrietate nimis aquosa multum placent, qui ab Augu-  
stini doctrinâ ex Scriptura ductâ hic abeunt. Ibidem Deo insultare, inquit,  
qui istis cavillationibus utuntur si quos in exitium Deus condidit, indignus est  
qui ametur. Qui antequam mali essent, vitæ æternæ privati sunt, misericordiâ  
quàm supplicio digniores. Annon verò ista verbis geminis nobis ingerun-  
tur ab Animadverfore? Ultra metas etiam docet vagari Pighium, quum  
dicit, misericordiam Dei nemini desse, quando omnes vult salvos fieri, quando stat  
& pulsat ad cordis nostri ostium, cupiens ingredi. An abit ab istis Animadver-  
for, & non eadem nobis opponit cum Pighio? Confundit verò eum  
Calvi-*

Calvinus disertissimis Scripturæ locis allegatis, & ostendit mero Dei beneplacito ex gemellis alterum eligi, alterum rejici. Contra Georgium etiam Siculum defendit Calvinus dogma suum, aeterno Dei consilio predestinatos esse homines vel ad salutem vel ad exitium. Ostendit etiam, non tantum Pharaonem obduratum esse, quum jam dignus esset, quem Deus Sathanæ manciparet, sed eum à Deo in hoc ipsum excitatum esse. Nec Paulum causam ejus rei adducere aliam, nisi quod esset unus è reprobis. Georgio etiam Siculo objicienti, Deum velle omnes salvos fieri, respondet Calvinus: Ergo aut Deum non esse votorum suorum compotem, aut omnes sine exceptione salvos fore. Si respondeat, velle Deum quantum in se est, cur non ergo, inquit Calvinus, omnibus indifferenter predicari Evangelium passus est? Sequitur enim in contextu, addit Calvinus, quod velit omnes ad veritatis notitiam venire. Eundemque Pauli locum ibidem eodem modo exponit, quo noscum in Exercitationibus exposuimus, & notat hunc sensum candido & sani judicii Lectori minime ambiguum esse. Quem tamen cum dictorio explodit Animadversor. Notat ibidem, secundum Calvinum, discrimen Apostolus inter pii hominis & increduli sobolem, ut hæc immunda sit, illa sancta. Idem ex opposita ratione filiorum Abraham & gentilium docet. Componat etiam Animadversor, quæ habet Calvinus. Nec est quod quempiam moveat vulgaris illa calumnia, illudere Deum hominibus, quos pedibus capros ad ambulandum hortatur. Nam si nihil exigit, quod illi non debeant, non facit injuriam. Nisi verò quod solvendo non est decoctor, cum ludibrio creditorum solum se jactabit. Qualia passim à nobis regesta Animadversori. Addit Calvinus: Populi sui aures Propheta voce verberari jubet Deus. An ut tangerentur corda? Imò ut obdurerentur. An ut respicerent qui audiunt? Imò ut jam perditici bi pereant. Eat jam Animadversor, & in Calvinum sua dictoria acuat, quæ in nos passim jacit ob dicta/longè mitiora! Iudicet etiam Lector, quam causam habeat, super consensu suo cum Calvino gloriandi. Orem perditam disertè etiam Calvinus electum designare notat, & inquit, non aliâ ratione vocari orem quæ ad tempus perditam videtur, nisi quia gratuitæ electionis respectu sub Dei custodia manet. Quod ipsum pluribus sarcasmis in me ulciscendum fuit, ut patet ex prima Parte. Et quum Animadversor nobis ingerat non de electu Scripturam loqui, sed de credentibus quando de salutis negotio agitur, idem cavillum impingit Calvinus Siculo, & id ipsum variis Scripturæ locis confutat, ubi electorum diserta mentio. Negat ibidem Calvinus, primam reprobationis originem in eo statuendam, quod homines Evangelio increduli fuerint, sed causam hanc exprimi à Paulo notat, postquam prius illud membrum de abditis Dei judiciis absolvit. Sub finem etiam hujus Tractatus inquit Calvinus: Quomodo velle Deum omnes salvos fieri doceat Paulus, ex ipso contextu

*discant Lectores. Modus salutis est, ut ad cognitionem veritatis veniant. Atque, addit, Calvinus, nec externo verbo dignatur omnes, & arcana illuminationis paucos facit participes. Ista præter institutum nostrum hîc congeſſi è Calvino, ut observet Lector, quâ fiduciâ ausit Animadversor ad hoc Calvinî scriptum provocare. Nisi verè illi esset *ἰσχυρὸς ἐν τῷ λόγῳ*, abstinuisset ab ista citatione. Et si quid in toto hoc Tractatu hinc inde excerptum aliquomodo vel in speciem favere videtur Animadversori, id ex plurimis aliis Calvinî verbis sine labore vindicari & explicari potest, & demonstrari, Calvinum ab ista, quam nobis proponit Animadversor, Theologiâ alienissimum fuisse. Eodem candore, fide eadem procedere Animadversorem in aliis Calvinî scriptis seorsum, faciente Deo, demonstratum dabimus, si Calvinî clypeo & auctoritate se tueri pergat. Sic in libello de occulta Dei providentia *calumnias* cujusdam *Nebulonii* anonymi proponit contra doctrinam suam, quæ illi opponit, Deum omnes homines creasse ad vitam beatam. Nolo mortem peccatoris, Deus neminem vult perire, sed omnes ad veritatis cognitionem pervenire, & alia id genus, quæ ipsa magno fastu etiam nobis opponit passim Animadversor. Vbi inter alia certo certius esse dicit, quod Animadversor cavillo traducit, Paulum 1 Tim. 11. *non de singulis hominibus agere, sed intelligere ordines & genera vocationum.* Ibidem Calvinus tradit, quod sæpe in Exercitationibus adstruximus, propositionibus istis universalibus Deum ostendere nexum inter officium & beneficium. Quomodo, inquit, velit Deus salvos omnes fieri, non anxie disputandum est, quia hæc duo inter se coherent, salus & cognitio veritatis. Nunc responde, addit, si voluit Deus suam veritatem omnibus innotescere, cur ad tot gentes, ex quo promulgari capit Evangelium, nunquam pervenerit pura ejus veritas? Deinde cur non omnium oculos peraquè aperuerit, quando interior Spiritus illuminatio, quâ non nisi paucos dignatur, ad fidem necessaria est? Quum nemo nisi arcana Spiritus instinctu tractus ad Deum accedat. Cur non promiscuè trahit omnes, si vult eos salvos fieri, quia ex discrimine certò colligitur, esse arcanum aliquem modum, quo multos à salute excludat. Si post ista Calvinum suum facere pergat, desperandum erit, *ἀνεργον* istam & contradicendi obstinationem unquam frangi posse. Iudicabunt saltem æqui omnes, parum prudenter Animadversorem nos ad Tractatum istum Calvinî provocasse.*

III. Calvinum duo etiam in Tractatu illo capita veluti facere fœderis Evangelici, & ad unum referre promissiones cum intentione salutis propositas, eo quo eas intelligit Animadversor, sensu conditionales & universales, ad alterum revocare eas promissiones quæ sunt absolute, nunquam exculpet ex isto libro, ex quo talia educit, ut ait Calvinus duorum capitum fœderis meminerit. Nec enim unquam Deus alios salvos voluit, vel velle  
fine



sine sui mutatione potuit, quàm qui reverà ad salutem perveniunt, ut ex Calvino suprâ extruximus. Nec universalitatem vocationis Calvinus aliam ponit, quàm quæ sit per verbum, oppositè ad œconomiam Testamenti Veteris, quam quidem vocationem ipse Animadversor particularem statuere cogitur. Nec de vocationis externæ latitudine quæstio, sed de intentione vocantis, & ordine officiorum in vocatione exacto. Nec quicquam aliud è Calvinì verbis educi potest, præter universalitatem nexûs inter officia & beneficia, quam liberaliter semper dedimus Animadversori. Falsum etiam simpliciter, eam *promissionum absolutarum* naturam esse, ut non possint adhiberi adhortationes, & invitationes ad credendum. Annon enim Paulus ista duo inter se conjungit, tum *hortationem*, ut *cum timore & tremore operemur salutem* nostram, adeoque etiam, ut credamus, quia *τὸ κατὰ θεὸν* salutem in hujus doni exercitio & efficacità potissimum consistit, tum *promissionem absolutam*, Deum esse qui in nobis operetur & velle & perficere, pro beneplacito suo? Phil. 11, 12, 13. An verò Apostolus non intellexit, quâ hortationes id genus sint instituendæ? Annon etiam idem scriptor *θεοπροβλεψίας* in divina ad Romanos Epistolâ post partem *δογματικὴν* super Prædestinationis argumento, & promissiones absolutas ex ea ductas, subjicit in parte *ἠθικῇ* vel *παρασκευαστικῇ* hortationes varias ad quævis officia pietatis inde à capite x i. 1. Parum etiam sibi constat Animadversor, dum fatetur ex una parte, ex eo quod Deus homines nativæ suæ corruptioni permittit, seque necessariò eorum incredulitatem, adeoque & perditionem, & tamen ex altera parte statuit, Deum illos velle salvari, quos isti corruptioni permisit, quamvis inevitabilem istam incredulitatem in talibus sequi debeat damnatio inevitabilis, nec res ob ordinem à Deo ipso constitutum aliter se habere possit.

3. Quæ citat è Calvinì verbis, multa habent causæ nostræ planè faventia, & ipsi Animadversori adversa, quæ exscriptori impingeremus prolixè, si auctoritati humanæ hic locum esse vellemus, & necessarium foret scriptorum humanorum verbis anxie hære. 4. Fœdus gratiæ promissiones *simpliciter* universales habere, nec à Calvino dictum, nec dici potest respectu plurimorum, qui ne quidem ullum tale esse unquam compere, nedum ut clausulas ejus & naturam nôrint, quorum etiam multi ne per ætatem quidem talia nôsse possunt. Intelligendum itaque necessariò hoc ipsum tantum *comparatè*, respectu œconomiz Testamenti Veteris. 5. Tribui jure nobis nequit, quod plebem ex ambone ita crudè & promiscuè compellemus: *Si non creditis, idè sit, quia jam divinitus exitio destinati estis*. Si quis tamen occasione gravi datâ quandoque talem increpationem proferret, culpam non posset, ut qui Christum hic haberet

præeuntem : *Vos non creditis, nam non estis ex ovibus meis* Ioh. x, 16. & xii, 37, 39. Non credebant in eum, ut sermo Esaiæ Propheta impleveretur & propterea non poterant credere, quia isororum dixit Esaias, *Excavavit oculos eorum*, &c. 6. Super ordine doctrinæ de Prædestinatione docendæ, controversiis realibus compositis, haudquaquam litigabimus, nec negabimus, illam prudentem esse tractandam, & methodum sæpe analyticam hîc præferendam *synthetica*. 7. *Εξαρτῶν* viam, promissiones generales prius ad prædicationem adhiberi, quàm speciales, adeoque prius credendum esse, Christum esse Mediatorem, credentium in se, & omnes in eum credentes servandos, quàm cum esse nostrum Mediatorem, & nos per eum servandos. Hoc enim ipsum sæpe ursumus in Exercitationibus nostris. 8. Quî universalitas promissionum dari possit, patet, nimirum partim comparatè, ratione œconomiz Novi Testamenti, præ Veteri, partim limitatè ratione corporis totius electorum, quod universalitatem suam habet, ut alibi ex veteribus à nobis ostensam. Absolutè verò nunquam vel fuerunt, vel sunt universales, imò nec esse possunt in dispensatione à Deo adhibitâ circa genus humanum. 9. Haudquaquam monendi eramus ab Animadversore, non esse inferendum : Nos esse electos : Ergo nos credituros. Sed potius ; Nos credere : Ergo nos esse electos, & idèò nos credere, quia sumus ordinati ad vitam æternam, & quia hoc nobis datum ex gratia electionis. Nec sanè illicitum est, inferre : Sum ex numero Electorum, quia credo, & sentio me credere, imò hoc ipsum ad solatium fidelium pertinet, qui ita assurgunt, & assurgere debent à gradibus inferioribus, & inde eruti ad superiores, prout ex respiratione vita, & ex ratiocinatione animæ rationalis præsentia eodem argumentationis genere concludi potest. 10. Credendæ sanè primò promissiones generales, nimirum, Omnem credentem servandum, deinde applicandæ, & ex earum applicatarum sensu peractum quendam reflexum, iudicandum, eas ad nos quoque & pertinuisse & pertinere.

IV. Digressionem laciniosam subiecit Animadversor de Fide, quæ nec Gratiam Universalem probat, nec causam nostram ferit, quàm anxie hîc exequere esset *viam sequi*, sed extra viam, & Lectorem abducere à causa ; præsertim cum hoc pensum alibi à nobis fuerit occupatum. Observemus interea in transcurso, parum accuratè Animadversorem dicere, *fidem oriri ex convenienti impulsu facultatis per quam credimus ad objectum credibile*. Philosophum sanè nullum eruditum sibi adstipulantem hîc habebit, quippe quales nòrunt ex Aristotèle, intelligere esse quoddam pati, & fieri primò per *receptionem* speciei ab objecto, secundò per ejus *dijudicationem*, & sic quidem ut intellectus idem intellectiōnem & producat & re-

& recipiat simul. Quùm itaque intellectio sit actus immanens, & secundùm Animadversorem, fides tantùm sit actus mentis, & intellectio quædam, fides non orietur magis quàm intellectio alia ex appulsu facultatis ad objectum credibile, sed ex appulsu objecti ad facultatem, & ejus à facultate & in facultate dijudicatione. Et sanè Philosophi distinguunt intellectum & voluntatem realiter per diversos modos operandi, quia modus operandi intellectus est attrahere objectum ad se, & id sibi conjungere, modus verò operandi voluntatis est, tendere in objectum, & se ei conjungere, qui modi sunt oppositi, & ut barbare Scholæ loqui solent, *incompossibiles*. Disputat verò etiã prolixè Animadversor, sed inutiliter omnino ad argumentum nostrum, de fide quæ feratur & in promissionem & in conditionem simul, satis nobis est, ipsummet cogi fateri, primum fidei justificantis actum consistere in ea animi operatione, per quam comprehendimus, propositionem istam esse veram, omnes eos qui in Christum credunt & eum amplectuntur pro Redemptore, servandos esse, adeoque ille actus anterior est isto, quo propositionem generalem nobis applicamus, & credimus, Christum esse nostrum Redemptorem, quod constanter retrò tuiti sumus.

V. Pergit Animadversor inutiliter admodùm probare, fidem esse in Intellectu. At quem ferit? Quis enim id negat? Hoc probandum erat, fidem esse tantùm in intellectu. Quis ignorat ex teroquin, fidem secundùm aliquid sui esse persuasionem, & quâ persuasio est, pertinere ad intellectum? An verò sequitur, eam ob id non etiã esse actum voluntatis, alio respectu? An quæso non acquiescere, confidere, fiduciam collocare in objecto, actus intellectus est, quod ipsum tamen ad rationem formalem fidei pertinet? Cur etiã in enumeratione *quædam* variarum, quas in objecto isto reperiri dicit, quisquis credet, servabitur, *quædam* ultimam ponit, quam primam esse fateri cogitur alibi? Imò illa sola est, sub qua intellectus propriè quâ talis respicit objectum suum, prout facultas appetitiva in id fertur, quâ id apprehendit sub ratione boni. Insequentibus denuò concedit, primum actum in fide, quo spes salutis nititur, esse assensum, per quem amplectimur promissionem istam, pro vera: *Quicumque credit in Christum, salvus erit*. Istum actum demum excipi ab alio, nimirum ab amplexatione ipsius Christi, & à fiducia ex ea de salute. Hos itaque duos actus faterur sequi primum, quod à me in Exercitationibus aliquoties ostensum, & frustra hic repetitur sine necessitate, & iisdem propemodùm verbis quibus habetur in Parte prima. Promissionis ex teroquin universalitatem respectu omnium credentium nunquam negavimus, sed tantum respectu omnium & singulorum hominum sub conditione.

tione. Nec istæ propositiones æquipollent, quia prima ostendit duntaxat nexum inter fidem & salutem à Deo constitutum, & designat quibus salus sit obventura, nimirum fidelibus ex Dei decreto vel jam actu credentibus, vel certò credituris; secunda verò voluntatem Deo affingit inanem de omnibus hominibus sub ista conditione salvandis, quippe quam scit illos nec habere, nec habere posse, imò quam illos habere non vult, qualis voluntas non nisi illi tribui potest, qui vel stolidus est, vel malus.

VI. Causam verò *παρακαταστάς* suæ per septem propemodùm paginas productæ tandem innuit Animadversor: *Hac cum ita se habeant*, inquit, *se à me quesivisse, an in dispensatione Evangelica, in qua proponitur objectum ad credendum, sit aliquid quod istud objectum determinet potius ad hunc quàm ad illum, adeò ut discrimen constituat inter homines, an verò offeratur indiscriminatum omnibus, & sine ullo tali respectu διακριτικῶς.* At quid opus erat tam amplo vestibulo, & tam fastidioso tot paginarum præambulo? Annon poterat & operæ & perituræ parcere chartæ, & verbo dicere, in Evangelio haberi propositionem universalem, *omnem credentem, servandum, in qua nihil sit, quod objectum istud determinet potius ad hunc quàm ad illum?* Responsum verò paucis sibi habeat ad tam operosum molimen: Illam ipsam propositionem satis determinationis & restrictionis secum ferre, quum enim in ea suspendatur salus à fide, & notum sit utrinque, fidem non esse nisi electorum Dei, annon inde patet, nonnisi electos salvari posse? Determinatum est ergo hoc objectum, non quidem ad hunc vel illum in individuo secundum nos, quia Deus arcana electionis sibi soli patere hac in vitâ voluit, sed ad subjecta omnia & sola in quibus certo datur, vel dabitur fides, adeoque ad fideles actu, & sic ad electos solos, qui per eam salutis certò erunt participes. Sic ubicunque beneficium aliquod suspenditur à conditione certa, & conditio illa non potest reperiri nisi in certo hominum ordine, determinata est istius beneficii destinatio ad istum ordinem. Discrimen itaque constituitur evidens inter homines illâ ipsâ connexionione, quæ in propositione ista habetur, per suspensionem illam salutis à fide, ut conditione necessariâ, & fidei ab electione, sine qua dari nequit in subjecto, adeoque eo ipso satis ostenditur, istius propositionis fructum solis electis destinari, & hunc rorem cælestem esse pro solo hoc vellere. Quamvis ergo offerri videatur omnibus *indiscriminatum*, tamen quia offertur cum exactione conditionis à solo Deo pendentis, & solis electis destinatæ, respectum *διακριτικῶς* satis connotat, & in se includit, non quidem inter hunc vel illum in individuo, sed inter electos & non electos. Non itaque opus erat anxie quærere Animadversorem, an esset propo-

propositio ista & connexio in eo declarata determinata ad hunc vel illud, quæstio est, annon sit determinata ad ordinem electorum, secluso ordine non electorum, quippe quorum illi certò credunt, vel sunt credituri, isti certò non credunt, vel certò non sunt credituri. Ex his verò videbit Lector, hac ipsâ propositione omninò contineri fundamentum secretionis aliorum ab aliis. Haberi itaque potest & pro universali, & pro non universali, καὶ ἅλλο ἐᾶλλο, vel ἄλλοι ἅλλοι. Pro universali haberi debet respectu rerum connexarum, siye respectu nexus propositi inter conditionem & salutem, pro non universali, respectu personarum vel *subjectorum*, ob defectum & necessarium quidem conditionis istius in omnibus præteritis, quem excipit privatio salutis, idque ex Dei decreto & secundum illud. Nec sanè illa præstari potest nisi ab electis. Sic verbi gratiâ, si Princeps edictum promulgaret, omnem hanc tesseram habentem ad dignitatem aliquam in aula sua evchendum, propositio illa universalis videretur, & talis reverâ foret ratione nexus conditionis & beneficii sub ea promissi. Si tamen Princeps nôset, paucos tantum istam tesseram à se vel habere vel habituros esse, nec aliunde eam haberi posse, & illam vellet istis paucis duntaxat concedere, revera ista propositio & quoad præstationem conditionis, & quoad applicationem beneficii particularis foret, non universalis, idque ex destinatione Principis. Non itaque inde inferre debuit Animadversor, gratiam universalem esse omnibus oblatam, vel omnes qui credunt eam instinctu Spiritus S. pro tali agnoscere. Imò illa haudquaquam universalis est, vel statui potest, nisi modo supra dicto à nobis, ut demonstratum. Et sanè, quum oblatio indiscriminatim facta alicujus beneficii sub conditione tali restrictionem istam necessariò ponat, aliter agnosci non potest ab illis, qui instinctu Spiritus Dei credunt, quàm qualis revera est, quippe qui constanter statuunt, fidem esse donum Dei solius, & solis electis destinatum, neminem itaque vel credere posse, vel salutem assequi, nisi illos qui sunt in hoc sensu. Hinc liquefit Lectori, nihil in operosa ista Præfatione majoribus characteribus scriptum esse, quàm immanem Animadversoris de se & de Lectoris stupore fiduciam.

## CAPVT VII.

## Vindiciarum Responsionum ad VI. Erotema, Sectio II.

De prima mea responsione *super vi spiritus ingenerante fidem, & modo operationis istius, & dependentiâ voluntatis ab intellectu, & auctoris quibusdam novæ Methodi, ubi etiam quadam de*  
*Joanne Camerone.*

## BREVARIUM Capitis septimi.

**P**rolixitas Animadversoris notata. Causa annotationum mearum tandem representatarum. Loci Communes Animadversoris. An methodus Animadversorii perperam nova vocata fuerit. Patrocinium veterum Theologorum frustra advocatum. Genevensum & Helveticum Theologorum iusta querela. Accusatio iniqua Animadversorii reclusa. Inaliquata operationis Spiritus in fide danda descriptio. Verba Animadversorii auctori suo opposita contra intentionem universalem Dei omnes salvandi. Assertio Animadversorii precaria. An Spiritus mentem tantum idoneam reddat ad objectum adspiciendum. Scrupuli materia ab Animadversore injecta. An fides mentis tantum sit habitus. Sententia Pontificiorum damnata ab Orthodoxis. Ignoratio elenchi notata. Locutio Animadversoris de Ecclesiis nostris parum honorifica. Cavillum Animadversorii retortum. Ecclesiarum nostrarum, Confessionis & Catecheses sententia vindicata, & opposita Animadversori. Duplex actus ad productionem fidei requisitus. Calvinus, Synodi Dordracenæ, Confessionum variarum publicarum & Catecheses sententia opposita sententia Animadversorii. Fidei productionem non consistere in sola illuminatione intellectus. An sententia nostra tantum sit recentium admodum Theologorum. Qui regnum affectent in Theologia. An absurdum sit, eundem habitum duabus facultatibus differentibus inesse. Iudicium super Animadversoris Thesis de Fide. Ingenium Animadversoris quale. Qui Scriptura loquatur de ingeneratione fidei. An productio fidei sic appellanda regeneratio fidelis. Inutilis Animadversoris dissertatio de primo enuntiato amplectendo. An Gratia Universalis sequatur ex eo quod salus pertineat ad omnem credentem. Oppositum ostensum. Unde propositionis illius natura estimanda. Quid in ea primo concipiatur. Quid ex ea sequatur. An voluntas universalis omnes salvandi eâ insinnetur. Ignoratio elenchi injecta Animadversori. Fuga ejusdem. Digressio inutilis Animadversoris. Assertio ista retorta & non solum. Absurda voluntas Deo affecta. Locus communis quaesitus ab Animadversore. An Scriptura Spiritui S. mediatam operationem tantum ascribat in voluntatem & affectus. Absurda varia notata. An pendeat voluntas semper à ductu intellectus. Sententia Aristotelis. Phrasis Scriptura super isto argumento expensa. Rationes varia opposita. Absurda etiam notata. Cordis significatio qua in Scriptura. An Aristoteles anima intelligentis sedem precipuam collocet in corde. Corruptio Scriptura notata in Animadversore. Calvinus Animadversori oppositus. Animadversor commissus cum Synodo Dordracena. Phrasis Scriptura opposita Animadversori. Qui motus voluntatis sent à Deo. Totâ sanctificatio reducit ad illuminationem ab Animadversore. Cavillum retusum. An distinctissimis loquutionibus eadem representetur operatio. Interpretes nostri, & Synodus Dordracena stupori argui



qui debent, sententiâ Animadversoris resentiâ. An circumcisio cordis, datio cordis carnei & alia id genus tantum designent illuminationem intellectus. Quæphrasæ pro aequipollentibus accipi possint, quæ non. Locus Eph. 1, 19, 20. expensus. Qui Scriptura sæpe loquatur de Deo. An Spiritus sapientia, revelationis & prædictus sit idem Apostolo. Scripturam non restringere immediatam Dei operationem in conversione hominis ad solam illuminationem. An Deus semper agat secundum ordinem facultatum. Synecdochica Scriptura phrasæ ex æquo de utraque Dei operatione adhibita. Loca Scriptura opposita Animadversori. Inconsequentia argumentationis Animadversoris ex Ephes. 1, 18. ostensa. An corruptum tantum pro intelligentia sit immediatam subiectum operationis Dei. An affectus necessariè pendeant ab intellectu. Oppositum ostensum ex Aristotele. An peruersi affectus amputari non possint sine illuminatione mentis. Expositio capituli vii. ad Romanos corrupta ab Animadversore. Ejus confutatio à Gulielmo Riveto occupata: Verba Animadversoris retorta. An Scriptura unam duntaxat facultatem in nobis constituat, & unam operationem Dei. Scripturam ista sæpe distinguere. Qui Scriptura Scholis permittat distinctionem mediata & immediata Dei operationis. Immediatus Dei in omnes actus influxus prebatus. Verba Animadversoris retorta, & dogma ab eo nobis obtrusum, eversum. Illatio precaria Animadversoris. An ex Philosophia sola sit judicandum, aliquid esse à Sapientia Dei alienum, & abhorrrens. Philosophia Animadversoris de motu orbium cælestium expensa. Intelligentiarum meritorium signentum explosum. Simile de motu sphaerarum retortum in Animadversorem. Argumentatio eiusdem de Sapientia Dei retorta. Alia ejusdem verba retorta. An sententiâ Animadversoris nitatur auctoritate Aristotelis, Platonis, Epicleti. An sententiâ opposita fuerit tantum lesuitarum, & Arminianorum. Contrarium demonstratum. Antonii VValxi & Facultatis Theologicæ Leidensis iudicium. Ejusdem sententiâ de immediato Dei influxu in voluntate immutanda. Querela Animadversoris absterfa. Verigo notata in Animadversore. Verba ejus ἀνακλῆν. Fastidium ejusdem super lectione Exercitationum mearum expensum. Iudicia alia opposita. Synodi Dordracena verba luxata. Verba alia ἀνακλῆν Animadversoris. An Canonis Dordraceni farveant mediate an immediata operationis in voluntate defensoribus. Posterius prebatur. An Canones illi non distinguant illuminationem intellectus, & circumcissionem cordis. Vindicta verborum Synodi. Alia Synodi verba opposita Animadversori. An Cameronis sententiâ fauerint Patres Synodici. An si etiam qui Canones Synodicos concepere. Bogermani, Polyandri, VValxi, Triglandii iudicia. Exceptio Animadversoris super iis quibus Synodi Canones oppositi, discussa. Convitium Animadversoris absterfum. Falsa ejusdem suppositio. Iudicium ingenuum de Defensione à Camerone scripta. An Patres Synodi omnia in Thesibus & Praelectionibus Cameroni probârint. Festi Hommil verba diversa, imò opposita. An omnia in Collatione Cameronis cum Tilene probata fuerint. Iudicia contraria Polyandri, Riveti, VValxi, Thyfil. An invidiâ sint Cameronis argumenta. Synodus Alexiana vindicata. Verba ejus de pio quorundam zelo expensa. Petrus Molinaus laudatus. Editionis Operum Cameronis à me procurata explicatio. De titulo ius præscripto. Falsa accusationes depulsa. Falso mihi assitâ, excussa. An Animadversor dicere debueris, se omnium invidiâ undique flagrare. An Camerone in misericorditer à me flagellatus fuerit. Qui me ejus discipulum proficetur. Insuper super Camerone, retusa. Fuga Animadversoris. Contradictio ejus notata. An Spiritui S. vis tribuenda in conversione. Causa notati vocabuli. Cui nostrum Grammatica trica imputari debeant. Ratiocinatio mea defensa, & cavillum absterfum. Communis Ecclesiæ nostrarum sententiâ ab Animadversore perstricta. An aequipollens operatio Spiritus

ingenerantis fidem, & tota hominis conversio. Absurda istius sententia. An phrasīs idoneam reddere mentem sufficias. Qualis conuertenderum sit status, & quid ad eorum curationem exigatur. Grammaticatio Animadversoris excussa. Αἰδώς eiusdem notata prater iniquitatem. Digressio iterata de impotentia naturali & morali. An in caco sit facultatis inopia. Inanes Animadversoris assertiones eorum qua non controuersa. Comparatio Animadversoris castigata. Τίς ἐξ ἡμῶν repetitum. An Spiritus tantum homines idoneos reddat ad credendum. Duplex malum ex ista locutione notatum. Scriptura phrasīs alia de conversione. Inutile monitum Animadversoris. Corruptiōnis nobis inhaerentis magnitudo. An permittat semper, ut intelligatur τί τὸ ἀγαθόν. Comparatio cecitatis hominis animalis cum ὁφθαλμῷ notata. An oculus carens facultate videndi careat. Αἰδώς τε notata. An curatio corruptionis nostra non sit operatio potentior curatione ὁφθαλμῷ. Falsū mihi afficta, absterfa. Sententiarum nostrarum & locutionum comparatio. An ab utroque nostrum idem designetur, an plus vel minus, & à quo. Diſteriolum absterfum. Phrasēs à nobis adhibita defensa. Quid sit dare taciteam ad intelligendum. Phrasēs Animadversoris notata, ut inadæquate. An in phrasibus Scriptura tantum penatur antecedens pro consequente. Verba breua truncata. Grammaticatio inepta. Barbaries retorta, & accusatio iniusta. Diſteria & bilis Animadversoris absterfa. An idoneus tantum dicatur à vi & qualitate interna. Qui dicatur idoneitas. Opposita Animadversori expositio probata. Idonei origo secundum Animadversorem. Quis dicendus sit idoneus. Simile à me adhibitum, vindicatum. Falsū afficta, remota. Diſterium ab Animadversore, & simile ab eodem adhibitum, castigata. Exempla varia illi opposita. Digressio & ignoratio elenchi notata. Latitudo phrasēs adhibita à me defensa. Quis ex nobis habeas observationes leviculas. Accusatio Animadversoris retorta. Αἰδώς ei obiecta. Iniusta querela Animadversoris. Verba ei impaſta argumenti mei truncata. Alia de repetitionibus absterfa, & retorta. Impotentia physica & ethica distinctio denno recitata. Absurda Animadversoris impaſta. Iniusta eius petitio. Αἴτια varia. Impotentia moralis maior est impotentia caci. Pertinacia professio notata. Comparatio à nobis adhibita, defensa. Verba mea corrupta & truncata ab Animadversore. Exceptio Animadversoris confutata. Ratiocinatio mira Animadversoris. Exceptio ἀπὸ λόγου eiusdem. An fides non apprehendas salutem in promissione. An dilatio salutis obſter. Simile à nobis adhibitum, applicatum. Ingenuitas desiderata in Animadversore. Absurda mihi impaſta, absterfa. Alia regesta in Animadversorem. An lux vel lumen debeant dici obiectum visus. Ignoratio Elenchi notata. Comparatio nostra vindicata. Cuius sit actus τί credere. Condicio censura cum conditionato ab Animadversore. Quaestio eidem proposita. Verba eiusdem in eum retorta. Absurda varia inde educta. Animadversoris pro me contra seipsum vindicia. Verba eiusdem regesta in suum Auctorem. Comparatio ἀπὸ λόγου & eiusdem. An facultates hominis animalis congruant cum obiecto spirituali. Exceptio gemina Animadversoris confutata. An τί τοιοῦτον spirituale habeat analogiam cum facultate rationis hominis corrupti. Absurda varia notata. Qua analogia exigitur inter facultatem & obiectum. Quid seria bonitati conveniat, qua bonum aliquod vult alicui. Quale obiectum ei propositum concepiatur. Exceptio Animadversoris confutata. Absurda inde educta. An per unum hominem stet, quominus bono proposito potiat. Exceptio Animadversoris de gradibus bonitatis confutata. Absurda eius demonstrata. Exceptio alia Animadversoris discussa. Revocatus Animadversor ad quaestionem. Verba eius retorta. Qui finis predicari Evangelii censuitur debeat. Quibus Evangelium salutare esse possit. Calvini & Musculi iudicium de vocatione externa. An non propter electorum solum salutem interdum predicatum Evangelium.

*Oblatio conditionalis & universalis rejecta. Notum ejus. Qui Philodæmia Dei ad genus humanum referri possit. Oblatio conditionalis absurda respectu hominum corruptorum. Auxiliorum in loquutionibus Animadversoris de Deo notata. An Deus obsequatur affectibus suis. An aliquousque perseveret in re aliqua. An Deus omnibus Philodæmiarum suam ad salutem aliquâ ratione ostenderit. An investigabilia velimus in Deo scrutari. An hoc obtentu quavis obtrudi possint. Periculum hujus illationis. Sententia nostra cavillis obnoxia, quia in Bæth & Orū urget. Animadversoris gloriatio eposita, sed vana & ab Autore sue versa. Contradictio impacta Animadversori. Notum alia notata. Gloriatio alia resusa. Quo vitio suspecta sit methodus nova. An pro methodo tantum stet Animadversor. Brevis loquentia ejus notata, & repetitio jam occupatorum Anterotate LVI.*

I. **A** Ntepagmento isto viso ducimur ad ipsum Erotemā, quod Animadversor & proponit, & responsiones meas cum suis Animadversionibus componit. Quā in re prolixitatis in aliis Censor ita verborum parvus est, ut tribus paginis meis non integris opponat viginti tres integras, & tanto profluvio inutilium rerum Lectorem obruat, ut vix patientia ulli durare possit ad mediam istarum meditationum partem evolvendam. Hōc interea emolumentum hinc consequor, quod tandem aliquando Animadversor integras annotationes meas Lectori repræsentet. Quod eā duntaxat de causa ab ipso occupatum, quia illæ magis opportune ipsi viſæ sunt ad Locos aliquot Communes, quos familiares habet, præ cæteris explicandos, & ad arguta quædam dicteria, quæ perire sibi noluit, in me vibranda. Mercedem sanè diu in pergula sua latitantem, sic illi extrudere opportunè visum. Operæ pretium tamen erit, vestigia ejus propius legere, & experiri cominūs quis nostrum solidè causam istam agat. Prolixitatem Lector mihi hîc non imputabit, sed illi qui nos ad integram Iliadæ & ad *Sardos venales*, vocat. Quod haudquaquam notarem, nisi ad eò morosè de prolixitate nostra quereretur, & id sibi ad digressiones inutiles licere vellet, quod nobis rem ipsam præse sequentibus licere non vult. Exsequitur verò Animadversor in Animadversionibus suis tres Locos Communes sibi perquam familiares, & ubique recurrentes. 1. Locum de *subjecto Fidei*, id esse solum intellectum, non verò voluntatem. 2. Locum de *determinatione voluntatis* per intellectum. 3. Locum de *laudibus Cameronis* Magistri sui. Nec mirum in his fœcundum esse Animadversorem, quippe qui has bractæas jam ultra duodecennium dilatavit, & in hoc opere tot annos totus fuit. Si & ego in locos duos priores hîc digredi vellem, & Diatribas, quas paratas habeo, hîc opponere Animadversori, in quot volumina exirent concertationes istæ? Scorsum itaque de utroque argumento, faciente Deo, agam. Nec tamen hîc ea prætermittam, quæ Animadversoris gloriationi retundendæ necessaria erunt. Multam ille in suis Anim-

adversionibus bilem, fermentum multum ubique miscet. Neutrum mihi imitandum censeo, memori decoris utriusque & causæ & Ordinis nostri. Nec melius maledicentiam omnem me ulcisci posse censebo, quàm Christianâ & Theologo dignâ animi & styli moderatione.

II. 1. *Ægrè fert Animadversor, Methodum suam, quam ita vocat, novam à me vocari, & eam sic vocari vult, ut terras novas.* Veritati etiam semper fatale fuisse, ut novitatis invidia, quamvis immeritissimè, flagra- ret. Mirum verò, Animadversorem adeò stomachari super istâ nomen- clatione, quum Clarissimus quidam verbi divini Minister, qui in multis sententiæ Animadversoris favet & personæ, in libello *de tribus Methodis* satis innuat, istam Methodum ultimam nec primorum Reformatorum nostrorum fuisse, nec Synodi Dordracenæ. Nec sanè ejus incunabula altius quàm ad *Ioh. Cameronis* ætatem referri possunt. Ipse Animadversor id satis testatur, in præfatione suæ Dissertationis, dum mirari se dicit, quod adortus fuerim sententiam quæ jam *per viginti quinque annos* in Cathedra Salmuricensi obtinuërit, scilicet ex quo Camero in ea docuit. Hæc verò Epocha nondum referenda videtur inter veteres. Prior ergo alia præcessit sub *Gomaro & Bodio à Trochoregia*, Theologis Celeberrimis. Meritò itaque *nova* à me vocata fuit, idque sine convitio vel obtestatione. Et modò de ista Methodo id constaret, quod de *terris novis* constat, eas multum auri, & optimæ mercis in se habere, haudquaquam ob novita- tem illi dicam scribendam censeremus. Sed quia præter novitatem pro- digiorum quorundam ferax est, & mali succi plena, meritò novitatis etiam nomine suspecta esse debet. Nec hætenus auditum, *Ioh. Camero- nem*, utut Virum præstantem, cujus decoribus nihil detractum volo, Theologis veteranis vel illis etiam è Reformatoribus nostris qui tales audiunt, retrò accenseri, de quo ut Gamaliele & Magistro suo Animad- versor unicè gloriatur. Quamvis verò ex quo Methodus ista flagellari cepit, *Calvini, Musculi, Bullingeri* & aliorum id genus sanctissimæ memo- riæ Heroum foruli anxie excussi fuerint, ut tantorum nominum patrocini- nio gravior esse posset, notum satis, quàm seriò Theologi Genevenses in suis ad Synodum Alençonensem litteris conquesti fuerint de vi illatâ verbis & scriptis Calvini. Idem Gravissimi Viri Theologi Helvetii cum justa indignatione regeßsere pro eximiis Ecclesiarum & Academiarum suarum Antistitibus, quod Animadversori non ignotum. Nec Apologe- tico suo quicquam aliud impetravit, quàm ut qui de doctrina ipsius malè judicaverant antea, de ingenio ipsius & in suis tuendis pertinaciâ pessimè ominarentur, præsertim quum ex scripto *δοτελογητικὴ κατηγορεῖσθαι* fieri animadverterent, & se quoque notari ab Animadversore, quamvis injustis.

injustissime, vel ἀδελφίας, vel levitatis. Quod itaque viginti & aliquot annorum periodum non supergreditur, sine crimine *novum* appellari potest. 2. Censet Animadversor, perperam à me disputationem motam, quid sentiat de natura fidei, an sit in intellectu solo, an etiam occupet voluntatem, quæ sit vis Spiritus quæ eam generat, & quomodo eam operetur. At ista in transcurso duntaxat à me notata & occasione mihi datâ ab Animadversore, quæ ipsa etiam sine digressionem poterant expectari. Nec malè à me consideratum id quod pro fundamento Erotematis, sed præter rationem, ab Animadversore substratum fuit. 3. Satis sibi esse censet, actum fidei à se descriptum omnium primum esse, & absolutè necessarium, & ab intellectu profectum. At quod *inadequatè* repræsentat operationem Spiritus ingenerantis fidem, & præcipuum actum prætermittit, haudquaquam sufficit. 4. Addit, intellectum non aliter actum istum edere, nisi quia illuminatur à Spiritu Dei, ut idoneus reddatur qui id perspiciat, quod in objecto revelatum est, nimirum salutem datum iri omni qui credit. At homo non tantum potentiam accipit à Spiritu Dei id peripiciendi, vel *idoneitatem* aliquam; sed actum ipsum fidei & *non credere* Phil. 1, 29. Exiliter itaque nimis refert Animadversor illuminationem spiritus ad id, ut *mens reddatur idonea ad perspiciendum*. Adde, si facultas non aliter actum istum edit, vel homo potius per illam facultatem, quam actus sint suppositorum, non partium, nisi quia illuminatur à Spiritu Dei, ut idoneus reddatur ad credendum, & ista operatio à Deo solis electis destinatur, & in iis solis perficitur, nulli non electi habent facultatem idoneam (morali nimirum, non naturali tantum idoneitate secundum Animadversorem ipsum intellectâ) ad perspiciendum objectum fidei, adeoque haudquaquam illis à Deo proponi potest ea fine & intentione, ut per id salventur, quippe quos non idoneos ad hoc novit, nec tamen reddere vult idoneos. 5. Egregia etiam propositio! *Quibuscunque nitatur fundamentis Erotema à se propositum, manere argumentationi eo comprehensæ suam vim*. An verò quodvis fundamentum sufficit assertioni ei superstructæ? Et an subverso fundamento id subsistere potest, quod ei superstructum? An etiam *non directâ responsione id ipsum infregerim, sed per ἀπαγωγὴν tantum invidiosam*, judicabit ex collatione Exercitationum nostrarum Lector æquus. Mirum verò Animadversorem id in me carpere, quod ipsi solenne, quippe qui ἀπαγωγῆς perpetuis & digressionibus inutilibus Lectorem passim circumducere solet. An hoc sibi privilegium indultum censet, nec ferre potest, ut & sibi quid hîc licet, putet alius?

III. Meritò verò à me negatum, vel Scripturæ, vel Ecclesiarum nostrarum secundum eam dogma esse, vim spiritus quæ operetur in electis fidem,

fidem, nihil aliud præstare, nisi quod mentem idoneam reddit, qua objectum in Evangelio extrinsecus oblatum adspiciat, adeoque fidem tantum esse habitum mentis. Id ipsum enim 1. Commune est temporariis, quorum mentes etiam idoneas reddit spiritus, ut objectum illud adspiciant, adeoque non sufficit. 2. Exiliter nimis repræsentat istam operationem, & suspicionem injicere posset multis inde inferendi, etiam contra mentem suam, hominem istâ idoneitate sibi collatâ à Spiritu uti vel non pro arbitrio, ad objectum istud adspiciendum, adeoque vel scrupuli justî materiam movet Lectori, vel non amolitur saltem, de aliquo concursu hominis activo ad hoc opus in prima sui conversione. 3. Statuere fidem mentis tantum habitum esse, & Scripturæ adversum est, & Calvino fidei naturam ex ea explicanti, & à Theologis nostris in Bellarmino & Pontificiis aliis id ipsum propugnantibus graviter merito castigatum fuit. Et sanè ideo Pontificii urgent, fidem tantum esse in intellectu, ut negent fidem esse fiduciam, quod vel illis concedendum, vel negandum, fidem esse tantum in intellectu. 4. Scripturam nusquam de fide loqui, quin totam Spiritus Dei in ea procreanda rationem atque vim ad mentem referat, & aperte falsum est, & à nobis peculiari Diatriba de isto argumento in Examine Thesum Animadversoris super isto argumento tale esse demonstrabitur. Ex qua, ut confido, apparebit, mirum ipsi videri non debere, me post Scripturam cum Calvino & præcipuis Doëtoribus nostris aliter hîc sentire. Frustra verò prolixè probare satagit, fidem in Scriptura ad intellectum referri. De eo enim lis non est, sed de eo tantum, an *exclusivè* ad intellectum referatur, vel *unicè*. Vnde probationes omnes quas subijcit peccant *ignoratione elenchi*, vel *paralogismo à dicto secundum quid*. 5. Ostendit verò, quæ illi sit Ecclesiarum nostrarum reverentia, dum inquit rotundè: *Ecclesiarum nostrarum, quæ sit sententia, magnopere nobis laborandum non esse, ut inquiramus, postquam quæ sit Scripturæ doctrina satius intelleximus. Nam si Ecclesia nostra hac in re à Scriptura discessissent, errorem suum qui minime certè exitialis esse potest, ex Scriptura emendare deberent. Ut enim hæc emollire & negare videatur in sequentibus, eas hæc in parte errare, parum tamen reverenter ab ipso dicuntur, ut qui novit vel nōsse debuit, Ecclesias nostras nec hîc, nec in dogmatibus aliis à Scriptura, per Dei gratiam, discessisse. 6. Admodum mihi alibi insultat, quod aliquos ejus errores non exitiales pronuntiem, & id sarcasticis exclamationibus ulciscitur. An non par pari hîc referre liceret, & grandibus verbis ei regerere, gratulandum esse Ecclesiis nostris, & habere eas, unde sibi non parùm gratulentur, quod, Animadversoris judicio, exitialem errorem hîc non errent? Sed spuma ista reliquenda Animadversori. 7. Id falsissimum, nullam*  
*aliam*



*aliam eā in re Spiritus efficacitatem Ecclesias nostras agnoscere, quā quæ sita est in illuminatione, eò quod Articulo XXI. Confessionis illuminationis fiat mentio. Annon verò Beza auctoris Confessionis istius; præcipui saltem, sententiæ cuius nota? Annon & Catecheses Ecclesiarum Gallicarum à Magno Calvino scriptæ, quæ sect. xviii. Spiritus S. duplicem actum ad fidei productionem & constitutionem disertè notat, & distinctè quidem, illuminationem mentis, & obsecrationem cordis, vel promissionum salutis in corde distinctam ab operatione Spiritus in intellectu. Annon Calvinus etiam, quem ubique sequi videri vult lib. i. Instit. cap. i. fidem & mentibus revelari docet, & cordibus obsecrari? Annon, ne de privatis Doctores loquar, sententiæ ipsius Confessiones publicæ plerarumque Ecclesiarum nostrarum repugnant & Synodi Dordracenæ Canones? Annon disertè Canon xi. capituli i. & iv. habet, Deum non tantum in conversione mentem per Spiritum S. potenter illuminare, ut rectè intelligant & judicent quæ sunt Spiritus Dei, sed ejusdem etiam Spiritus regenerantis (non luminis intellectus tantum) efficaciam ad intima hominis penetrare, cor clausum aperire, durum emollire, præputiatum circumcidere, voluntati novas qualitates infundere, eamque facere ex mortua vivam, &c. An itaque per solam circa intellectum operationem nobis ista Spiritus S. actio in Canonibus istis repræsentatur? Annon etiam in Rejectione v. i. errorum circa istam doctrinam disertè rejicitur error illorum, qui docent, in vera hominis conversione non posse novas qualitates, habitus, seu dona in voluntatem ejus à Deo infundi, atque adeò fidem, quā primum convertimur. Et additur: Contradiciunt enim hæc sacra litteris quæ testantur, Deum novas qualitates fidei, obedientiæ ac sensus amoris sui cordibus nostris infundere. Esa. xlii. 3. Jer. xxxi. 23. Rom. v. 5. An hic nulla nisi mentis facta mentio? An per cor intelligenda mens, quæ duo tamen disserre distinguit Synodus in Canonibus suis, imòannon etiam voluntatis ipsius expressam facit mentionem? Sic & Catechesis Ecclesiarum Gallicarum sect. xli. cordis pulsationem præmittit illuminationi intellectus. An obedientia etiam & sensus amoris Dei sunt tantum actus mentis ut & purificatio cordis quæ fit per fidem? An Canones hos non adoptavere Synodi Nationales Gallicæ? Etannon inde judicium faciendum de Ecclesiarum nostrarum fide? Consulat Confessiones etiam aliarum Ecclesiarum nostrarum de Fide, Helveticarum, Scotticarum, Belgicarum, alias, & discet, aliam Ecclesiis nostris mentem esse, & aliam illas Spiritus in fidei productione efficacitatem agnoscere, quā quæ sita est in sola illuminatione. Desinat itaque hoc admodum recentibus Theologis adscribere, & illis convitium dicere, quod regnum affectent in Theologia, ne Calvinum, Musculum, Zanchium, Bullingerum, Martyrum, Beza, alios Viros*

gravissimos tales quoque dicat, & hoc illis etiam impingat. Qui sint illi, qui in Theologia *regnum affertent*, tristi aliquot annorum experientiâ constat, & quæ Academia vocetur à quibusdam *regio Theologia*, extra quam alii betæ sint & cucurbitæ, qui Theologiam docent alibi. Hæc humilitas hodie instillatur juventuti, ut & illos contemnere discat, quorum venerandam canitiem, & sanctissimos labores vel hostes etiam Ecclesiæ suspi- ciunt. 8. Quod à me dictum, sugillat ut ἀθεόλογον & ἀφιλόσοφον unum eundemque habitum duabus facultatibus ad eodē differentibus intellectu scilicet & voluntatis insidere, & me ejus probationes pollicentem ridet, suas etiam de Fide Theses invictas censet, nec eas à me solidis rationibus refelli posse, gloriatur. Id verò non disertiis vel sarcasmis regeſtis retundendum, sed opere ipso præstandum. Quâ in re fidem obstringo Animadversori & Lectori simul. Nec id hîc occupandum digressioni cavendæ, quia pau- cis negotium istud ob multa heteroclitia ab Animadversore in Theſibus suis congesta absolvi nequit. Nec verò id mihi operosum esse potest, qui præcipuos Theologos nostros id contrâ Pontificios passim demon- strantes, præeuntes habeo. Nec, quamvis Animadversoris ingenio nihil detractum velim, quicquam hoc in argumento ab ipso præstitum vidi, quod multam subtilitatem exigat, vel formidinem injicere debeat me- diocribus etiam ingeniis, quippe cujus placita, quoties à veritate recedit, maximam partem meris speculationibus inanibus & ratiocinationibus μετὰ θεολογῶσι inædificata sunt. Non mirum verò, Animadversorem ad eodē magnificè de iis quæ à se producta, sentire, ad eodē abjectè de alienis laboribus: Ingenio suo quemque uti, haudquaquam novum. Sic alio- rum ruinis superstruenda erat moles famæ ipsius dicanda | Hic viri cha- racter est, cui ut Deus det & veritatis ac pacis reverentiorē animum, ipsius donum erit, nec hîc lumine tantum intellectui affuso opus, sed fe- rio humilitatis sensu producto in ejus corde, qui eum doceat, suo pede se metiri, nec regnum sibi vel in dogmata vel in personas sibi non obno- xias, sed sine suffragio, vindicare.

IV. Meritò verò etiam à me notatum, Scripturam non ita exiliter & jejune loqui de ingeneratione fidei per Spiritus operationem, ut quæ eam etiam vocat *circumcisionem cordis*, *cordis lapidei ablationem*, *vivificationem* & *resuscitationem à mortuis*, oppositam corruptioni totali humanæ. Quid istis opponit Animadversor. 1. Me fateri, *Scripturam* & *caecatē menti- bus naturalem* attribuerē, & fidei generationem, saltem aliquatenus, ex illumi- natione pendere, & istam saltem esse primam operationem omnium, tamen si par- tialitè tantum esset in regeneratione fidei. At quid hoc vel pro Animadverso- re, vel contra me? *Regenerationis* interea fidei phraseologia nova nobis est, qui

qui de regeneratione hominis multa legimus, sed non de *regeneratione fidei*, verùm de *generatione ejus*, cùm præsertim hîc de prima ejus productione sit sermo. 11. Infer: *Illuminationem ergo illam mentis in eo versari, ut eam reddat idoneam, qua perspiciat verum quod est in objecto Evangelico*. At ostensum, illuminationem Spiritus non tantùm mentem idoneam reddere, sed longè plus præstare. 3. Addit, *Verum, quod primum amplectendum, ut fides salvifica generâta dicatur, esse enuntiatum illud universale, salutem daturum iri omni credenti*. Necessè ergo omniino esse, ut priusquam quicquam aliud Spiritus in nobis operetur quod ad fidem salvificam generandam pertinet efficacitate suâ, ut verum illud amplectamur, ita propositum universaliter: Quapropter necesse esse, ut hoc ita propositum sit universaliter verum. At quis de eo ambigit, & quid id facit ad litem nostram? An à me unquam negatum, universalem esse istam propositionem, omnem credentem salvandum, & hoc esse verissimum, nexum esse universalem inter fidem & salutem? An verò ob id sequitur voluntas Dei universalis & conditionalis de omnibus & singulis sub conditione istâ salvandis? Imò hac ipsa propositione potius evertitur, quia eâ salus assignitur isti conditioni quæ nec universalis est, nec esse potest, & cujus gratia solis electis fit. Frustra itaque infer, *verum esse, salutem ad omnem credentem pertinere, nemine excepto*. Id verò nihil aliud esse quàm gratiam universalem docere, affectam eâ conditione si credas. Imò, Animadversor, eo ipso non est universalis quia est affecta ista conditione quæ conditio non nisi paucorum est comparatè. Prout verbi gratiâ, edictum Principis universale in specie, omnis tesserâ istâ instructus, gratiofus erit in aula mea, revera particulare est, si tesseræ & notitia & possessio paucorum tantùm sit ex speciali gratia Principis, nulli alii verò eam vel habeant vel habere possint, præter illos. Sic propositio, *omnis qui fecerit hoc, vivet in eâ*, universalis sanè est ratione nexus obedientiæ & vitæ, revera tamen minus quàm particularis est, ratione vel destinationis, vel applicationis, nulli quippe mortalium vel applicata vel applicanda.

V. Immitis verò est Animadversor, qui ne fugæ quidem locum mihi hîc relinquere vult, dum addit, *me eò confugere non posse, salutem quidem ad omnem credentem pertinere, quia omnis credens electus est*. In primo enim illo actu fidei nostra considerari objectum sine ullo respectu ad electionem, & seposito omni electionis intuitu. Hoc unum in objecto perspicere, Christum esse omnibus salutis auctorem, modò credant. At quæso 1. An natura istius propositionis pendet à judicio vel consideratione nostra! Annon potius ab ipsa connexionne terminorum, & Dei ordinatione, quoad doni fidei vel collationem vel negationem? Annon metienda etiam est ex constitutione illorum, quibus proponitur? Annon quamvis homo credat, auditâ istâ propositione,

ne, esse nexum infallibilem inter fidem & salutem, adeoque salvandos omnes credentes, statuere potius debet, Deum nolle salvari omnes homines sub ista conditione, eo ipso quia & conditionem illam proponere & exigere voluit, tametsi nosset eam nulli esse præstabilem nisi electo, interea tamen ab ejus præstatione suspendere voluit salutem? Omnem verò credentem esse electum, extra controversiam est. 2. Ponere etiam, hominem primò hoc unum in objecto perspicere, Christum esse omnibus salutis auctorem, modò credant, an ob id sequetur, admittendam ab eo gratiam universalem conditionatam, si nôvit, quod nosse debet, hoc verbum innumeris non esse propositum, quod sibi propositum est, adeoque nec salutem talibus propositam sub ista conditione. Et vel ignorabit suam corruptionem naturalem, quod absurdum, & nesciet, Spiritum S. in se fidem operari, quod æque absurdum, vel videbit facile, nec se ex se credere posse, & opus esse Dei virtute hanc fidem in se efficiente, & eadem esse opus aliis omnibus ut & credere possint & servari. Ponere itaque, illum etiam credere, omnes alios esse salvandos, si Deus fidem in illis producat, nihil aliud credet, nisi nexum universalem inter fidem & salutem. Sepositâ itaque consideratione electionis, ex ista propositione nihil aliud sequitur, nisi Deum constituisse nexum inter fidem & salutem & omnes conditionem istam adimplentes salvandos, quod verissimum. Demus itaque, tales animo concipere, *omnes salvandos modò credant*, quid aliud inde erui potest, nisi idem ille nexus? At nos de eo non litigamus, sed de voluntate Dei universali & conditionali, omnes per fidem salvandi, quam talis nunquam concipiet, si à Spiritu S. inspiretur, nec concipere poterit, quia scit, non alios magis quàm se, credere posse sine Spiritus S. efficaci operatione, deinde sine summa temeritate, imò & falsitate statuere nequit, Spiritum S. istam operationem in omnibus exercere velle. 3. Frustrâ itaque infert, *conceptum illum quem tum de propositione ista animo efformamus, salutem esse omni credendi paratam, & assensionem per quam conceptum verum esse statuimus, quâ in re sita sit fides repræsentare objectum ab omni consideratione electionis sejunctum, & merè universale, & ad omnes indiscriminatim pertinens. Aut igitur non modò conceptum, sed etiam assensum, quem Spiritus S. producit, falsum esse, aut objectum universaliter verum esse citrà ullum ad electionem respectum*. Demus ista omnia. An ob id propositio ista eatenus universaliter intelligi debet, (quamvis à nobis ut universalis verè quidem concipiatur, sed ratione nexus universalis fidei & salutis, & hoc sensu tantum) ut ex ea inferamus, Deum voluisse omnes sub hâc conditione salvari? Imò oppositum potius inde sequitur ex connexionione ista universali inter fidem & salutem à Deo constituta, ut retrò notatum. Quid verò  
inter

inter nos controvertitur, annon hoc, an gratia sit universalis ex Dei intentione, hoc est, an Deus habeat voluntatem omnes salvandi sub conditione Fidei? Hoc verò nec propositione ista, *omnis credens servabitur*, exprimitur, nec fingi debet ab illo, qui eam amplectitur, & si hocingat, error erit, non veritas, nec actus Spiritus S. hominem illuminantis, sed hominis cæcutientis & hallucinantis circa istam propositionem. Et conceptus itaque istius propositionis, qualis esse debet, & assensus illi secundum istum conceptum præbitus, haudquaquam falsi sunt, nec tamen objectum universale verum est aliter, quàm ratione nexus universalis à Deo constituti, non verò ratione volitionis Dei universalis & conditionalis, ut omnes sub hâc conditione, vel salventur, vel salvari possent, qualis conceptus chimæra est, non veritas. Peccat itaque merè *ignoratione elenchi* Animadverfor, id probando, quod probatione non eget, id verò non probando quod est in quæstione. Et ipse sibi apertè diffidit, & istam dissertationem parùm accuratam censet, dum addit, *verùm de hoc infra accuratius*. Sed per meram fugam & ἔκκλισιν, hîc enim quâ fieri poterat, accusatione de hoc argumento agendum erat.

VI. Loco verborum meorum, quæ se breviter excussurum pollicetur Animadverfor, digressionem denuò instituit de facultatibus animæ. Tres inquit, *sunt omninò in nobis facultates in peccato mortuæ, mens, voluntas & appetitus sensitivus*. Itaque vivificatio & suscitatio nostra à mortuis consistit in *trium illarum facultatum immutatione*. Istud ἰζαγώγιον, sed ἡ τὸ βίαιον retorquendum. Si tres illæ facultates in peccato sint mortuæ, & vivificatione singularum opus est, an sapienter dici potest, Deum hominem mortuum in peccatis velle salvare, sub conditione ut credat, hoc est, ut habeat unam saltè ex istis facultatibus (secundum Animadverforem fidem tantum in intellectu constituentem) vivam? Vivam enim non habere non potest, ex parte saltem, qui credit. Quis verò ejusmodi voluntatem homini vel non mente moto, vel non illusori & impostori adscribat? Et tamen hoc est inter mysteria novæ istius Theologiæ, Deo talia tribuere. Addit, quæri, *an spiritus operetur immutationem illam in unaquâque facultatum illarum immediatè, an verò mediatè per intellectum, voluntatem & appetitum emendet, vivificet atque resuscitet*. Me priorem opinionem tueri, se posteriore. Loco communi denuò hîc viam parat Animadverfor, nec enim ista quæstio hîc palmaria est inter nos, vel id faceret ad gratiam universalem propugnandam, quamvis sententiam suam obtineret. Non opus ergo erat id ita prolixè hîc pertractari, quod in transcurso tantum à me notatum, & quidem occasione mihi datâ ipsius Animadverforis verbis, & quod causam non decedit.

VII. Dicitur à me, Scripturam appellare operationem Spiritus Dei *circumcisionem cordis, cordis lapidei ablationem, carni dationem & vivificationem* atque *resuscitationem*, quod verissimum. Eludit hoc Animadversor, & quaerit, si operatio Spiritus, qua nos totos immutat, se immediatè exerat in intellectu dumtaxat, in utroque verò appetitu mediatè per intellectum, an propterea minus innovationis opus Spiritui Dei tribuatur? Præterquam verò quod id, quod immediatè tribuitur Spiritui S. magis certo sensu ipsi tribuitur, quàm quod ei tribuitur tantum mediatè; quippe quod ei tribuitur unice: quaestio est, quæ Scriptura istam Spiritus operationem describat? Et annon præstet nos eam verbis Scripturæ efferre quàm Animadversoris? Doccat ille, ubi Scriptura immediatam Spiritus operationem restringat ad intellectum, & mediatam tantum referat ad reliquas facultates! Quum verò Scriptura æquè istam operationem in circumcisione cordis consistere dicat, ac in illuminatione intellectus, cur istam magis immediatam statuamus, quàm illam? An *Lege non distinguente nobis distinguendum*? Imò cum *illuminatio intellectus* etiam iis tribui possit, qui non convertuntur reverà, quamvis alia converforum esse statuatur, absurdum tamen erit, Spiritus Sancti operationem in conversione immediatam, adeoque præcipuam, à qua reliquæ pendent, illo nomine designare, quod tribuitur etiam non convertis, & non potius illo, quod solum converforum est. Absurdum etiam, Deo mediatam tantum operationem in voluntatem in conversione adscribere, quamvis ei æquè præsens sit ac intellectui, & in quâvis actione consideretur, cum *concursu immediationis & virtutis & suppositi*, ut non malè loquuntur Scholæ. Adde, cum ista Spiritus operatio sæpè describatur per solam circumcisionem cordis, vel alia id genus, quæ ad cor & voluntatem spectant, cur Spiritus operationis mediatae toties mentionem facit non immediatæ, imò an mediatae mentio facienda foret sine præfixa operatione immediata, à qua unice pender? Et quum Animadversor cor sæpè velit esse intellectum, & operationem Spiritus circa cor operationem ejus circa intellectum, eadem phrasi exprimitur operatio Spiritus mediata & immediata, prima & secunda, dependens & independens. Adde, si nexui facultatum & subordinationi earum naturali inter se debeatur voluntatis & appetitus renovatio, ob dependentiam istarum facultatum necessariam à mente, utique minus longè apparebit potens Spiritus Sancti in conversione hominis operatio, & restringetur ad unam operationem, illuminationem nimirum mentis. 2. *Facultates etiam istas ita confectas esse, ut uterque appetitus nunquam moveatur ad bonum, nisi mens ad id primum moveatur ipsa. Item: ut semper ac necessarid ad bonum moveantur & incitentur, cum mens ipsa eodem impellitur, denique ut vel vehementer vel*

*remissè*



*remisſe moveantur, prout mens vehementer vel remisſe ipſa impulſa atque incitata eſt, ex parte verum eſt, ex parte falſum. Verum eſt, appetitum non moveri ad bonum, niſi mens moveatur aliquo modo primum. Non enim fertur appetitus in planè incognitum. Falſum verò, ſemper & neceſſariò eum ad bonum moveri, cum mens eo impellitur. Contrarium patet in multis contra conſcientiam admiſſis peccatis, ubi lumen convictivum abundantiffimum, nec ſuaſivum tantum ſed & perſuaſivum, hoc eſſe malum & noxium, & nobis quidem tale eſſe, præſtò eſt, & cogitationes accuſantes, & tamen voluntas aliò ſe inclinat, abrepta ab affectibus, quod nec Ariſtoteſi ignotum fuit, qui etſi verè dicat, voluntatem eſſe ὁρεξίν καὶ λόγον, prout revera ordinariè ſequitur voluntas ductum intellectus extra tentationum & perturbationum æſtum, tamen lib. I I I. de Anima docet, ὁρεξίν κινεῖν καὶ τὸ λογισμὸν, & docet eam νικᾶν τὴν νόστον, καὶ κινεῖν τὴν βούλησιν. Sic ſæpè etiam plenè illuminatà mente & moſà in unam partem, movetur tamen in aliam voluntas & appetitus ſenſitivus æſtu iſto perturbationum variarum. Quot etiam dantur motus inordinati qui antevertunt actum iudicii. Neceſſariam itaque & ineluctabilem connexionem & ſubordinationem omnium operationum voluntatis & appetitus ab intellectu ſupponit, non probat Animadverſor. Sic etiam tota Spiritus Sancti in converſione hominis operatio reducitur ad unum tantum actum, ad illuminationem nimirum intellectus, quod à Scriptura & Synodo Dordracena abire hîc demonſtratum damus. Idèò verò etiam negamus, Dei operationem tantum dari mediatam in utrumque appetitum, quia Scriptura non magis immediatam Dei in intellectu quàm in voluntate vel affectibus operationem tradit, ut ex phraſibus ejus oſtenſum, præſertim quum ſæpè ſine ulla mentione operationis Dei in intellectu, objectum in quod Deus agit, cor ſtatuetur ſumptum pro ſede affectuum & operatio Dei in eo notetur. Et nemo ita pertinax eſſe debet, qui circumciſionem cordis interpretetur illuminationem intellectus, vel qui exiſtimet intellectum dici lapideum, vel incircumciſum, & carneum intellectum dari in converſione. Præterquam quod ſæpè iſtæ operationes apertè diſtinguantur, & ab ipſo Animadverſore conſtituantur ſubordinatæ. Adde, cauſam rebellionis immediatam ibi notari. At intellectus cæcus non eſt cauſa immediata rebellionis, ſed voluntas prava. Et ſæpè lumen intellectus exprobratur, unà cum corruptione cordis. Sed iſtorum tractationem ſeorſum, faciente Deo, plenè exequemur. Nec hîc occupabimus ea quæ ibi exequuti ſumus, præſertim quum id neceſſarium hîc non ſit pro cauſa noſtra.*

VIII. Cor in Scriptura S. ſæpenumero intellectum deſignare, dari poteſt, ſemper vel plerumque deſignare, falſum, & eo ipſo quia ſæpè hoc ſit,

fit, semper non fit, nec à *particulari* argumentum firmum, duci potest. An verò non sapè etiam *cordis* nomen alio sensu adhibet Scriptura? Scilicet, quando jubemur diligere Deum ex toto corde, actus intellectus tantum intelligendus erit? Et *mundi corde*, hoc est, intellectu tantum à Christo intelligantur ii qui visuri sunt Deum. Philosophiam antiquam absurdam non perstringo, quæ animæ intelligentis & ratiocinantis sedem præcipuam in corde collocat, quod nec ipsum placitis Animadversoris aptari potest. Aristotelis hanc sententiam fuisse alicubi verum, sed ex falso fundamento, quod censeret, nervos, in quibus est potentia motiva, originem ducere à corde, quos tamen Galenus, & Anatomici è cerebro & spinâ medullari originem habere demonstrant, & ipsa *ἀνθρώπου* docet. Subiectum tamen & sedem & instrumentum simul animæ quâ ratiocinatur, Aristoteles facit cerebrum, non cor. Alio etiam sensu meritò animum *ἐντελέχειαν* vel actum totius corporis organici constituit, & sic illam totam esse in toto, & totum in qualibet parte totius Scholæ Philosophicæ docent. Addit: Dici posse, *circumcisionem cordis magis propriè significare mentis liberationem ab habitibus, qui ipsi naturaliter insident, & cordis lapideæ ablationem, cordis carnei dationem magis idem propriè eodem pertinere, quum mentis immutatio affectuum & appetituum regenerationem necessariò post se trahat.* Quid verò licentiosius istâ non interpretatione, sed perversione phrasium Scripturæ! Consulât Interpretes, quos vult, & ostendat, quis eo usque temeritatis progressus fuerit, ut talia referri debere censeat ad intellectum! Consulat Calvinum in Deut. xxx, 6. & videbit quem suum esse vult, cum haudquaquam pro se stare: Imò videbit, sibi apertè contradicere summum illum virum, ubi excusserit, quæ notat in Cap. xviii. Ezech. ubi *cor* interpretatur ex sensu nostro. Per *cor*, inquit, *non dubito quin sedem omnium affectuum designet, sicuti per Spiritum partem intellectivam anime.* Observare etiam Animadversor poterit, Calvinum haudquaquam censuisse, Spiritum S. per intellectum demum renovare voluntatem, & non aliter, quum præponat renovationem cordis renovationi mentis cum Propheta. Absurdum itaque, sic non interpretari, sed corrumpere Scripturam; *Circumcidam cor vestrum, dabo vobis cor carneum*, id est, illuminabo intellectum vestrum, *auferam cor lapideum* à vobis, hoc est, intellectum cæcum. Sin ista interpretatio diluta locum habere debeat, nemo hætenus quicquam intellexit in phrasi Scripturæ, & Synodus Dordracena graviter hallucinata fuit, quæ dixit, *Deum non tantum mentem illuminare potenter, sed & Spiritus regenerantis efficiaciâ cor clausum aperire, durum emollire, præputiatum circumcidere*: hoc est, Deum non tantum mentem illuminare potenter, sed & illuminare, si Animadversorem audimus,

mus, quo quid magis absurdum? Annon ibi etiam disertè istæ phrasæ explicantur *per infusionem qualitatum novarum in voluntatem*? Sed obfirmandus est animus, & semel emissa quovis pretio tuenda, adducto supercilio. Mentis etiam immutationem affectuum & appetituum regenerationem necessariò post se trahere, ipsum *μετέωρον* est. Hominis renovationem sanè *μετέωρον* dici secundum partem, & *inadequatè*, fatemur, totam & *adequatè* & *simpliciter*, non item, nisi *μετέωρον* latissimè sumptâ. Et hîc etiam synecdoche locus est.

IX. Meritò verò à me impactum Animadversori; Si illuminationis mentis sufficeret ad reliquarum facultatum sanctificationem, Spiritum S. non tantâ cum emphasi, & tot patheticis, & distinctis phrasibus ac operationibus nobis repræsentaturum fuisse ista beneficia sua. Quid regerit?

1. Si aliter dari non posset regeneratio affectuum quàm per immediatam Spiritus operationem, se eam admissurum potius, quàm negaturum eorum regenerationem. Satis verò nobis, Scripturam æquè immediatè de operatione Dei in voluntate & affectibus loqui, ac de operatione ejus in intellectu. Nec quicquam ob stare, quominus actus voluntatis boni, æquè immediatè referantur ad Deum, ac actus intellectus. Imò ad majorem ejus gloriam pertinet, si dicamus, Deum eos immediatè producere in corde hominis. Nec tantùm motus illi à Deo esse immediatè censendi sunt quâ *entia*, sed etiam quâ *talia entia*, hoc est, quâ actus voluntatis. Imò, si illuminatio intellectus est tota operatio immediata Spiritus S. in regeneratione, & illa illuminatio est productiva fidei, utique sequitur totam hominis sanctificationem in ista operatione consistere, nec productionem fidei & sanctificationem adeò sollicitè distingui debere ab Animadversore, quod tamen facit in præcedentibus.

2. Cavillatur, non magis hîc sibi sequendam methodum meam, quàm mihi suam, quasi mihi aliquid juris in ipsum asserere velim, & non potius illud urgeam, ut Scripturam sequatur, & ut illi jus suum constet. Oggressi tantùm, & Scripturam alias tradere Dei in convertendo homine operationes, quàm illuminationem solius intellectus, & Synodum Dordracenam ex ea & cum ea. Non meam itaque Methodum ipsi obtrusi, sed communem Ecclesiarum nostrarum ante Cameronem sententiam.

3. Addit, *distinctissimis istis locutionibus unam eandemque operationem significari, non distinctissimas operationes*. Id verò probandum Animadversori, non dicendum tantùm. Nec vel Scripturam non tantùm à *ταυτολογία*, sed etiam ab affectata obscuritate liberabit unquam, vel Interpretes omnes Calvinum præsertim, & Synodum Dordracenam à summa *αβυσσῳ* & stupore, quod ante cælo demissum hunc Interpretem cæcutierint omnes, & distinctissimas istas



candemque istâ Dei potentiâ productam designari, & nihil aliud, nisi *habere mentis oculos illuminatos*, asseritur denuò sine probatione. *Spiritum sapientie ac revelationis* & *γνώσις*, pro una re eademque hic poni, itidem affirmatur sine demonstratione. Nam & illa distingui commodè possunt, imò debent, & obviū satis, quid intercedat inter *σφύραν*, *δοκίμιον* & *γνώσιν*, quamvis oscitanter admodum legerit locum istum Animadversor, quum non optet ibi Apostolus *γνώσιν* præter duo priora, sed duo priora illis, ad quos scribit, optet *ἐν διηγήσει*, id est, *ἐν διηγήσει*, prout istæ præpositiones respondentes in Novo Testamento Hebræo sæpe solent converti inter se. Et sanè de donis illis sermo est ante roboris illius divini exserti in Christo & in nobis propositionem, quæ utique designat aliud post illuminationem illam & præter illam, & potentissimæ quidem operationis productionem.

X. Meritò etiam à me dictum, si tota ista Dei circa ingenerationem fidei & hominis conversionem operatio in eo tantum consisteret, indicaturum fuisse Spiritum S. mentem tantum nostram reddi à se idoneam qua obiectum in Evangelio extrinsecus oblatum respiceret. Quid verò regerit? Quarit, an putem præstantissimum Cameronem, & eos qui eum sequuntur non existimasse id à Spiritu S. factū esse indicatum? Immo & disertè traditum, non solum, quia consentaneum est existimare, Deum in hominibus agere pro natura facultatum, quibus eos ornavit ipse, proque vi connexionis, per quam eas inter se se conservit, sed etiam quia Scriptura S. ita loquitur, ut vel utramque operationem tam mediatam, quàm immediatam synecdochicè denotet per eas locutiones quæ immediatæ operationi competunt, ut est docere, persuadere, illuminare, vel si locutiones ad utramque operationem citra synecdochen referri possint, notationem immediatæ operationis disertè contineant, atque adeò disertius quàm mediata: Nusquam addit, ita loquitur, ut vel locutio quam adhibet, sub operatione mediata immediatam contineat synecdochicè, vel utramque ita complectatur, ut potius ad mediatam quàm ad immediatam sit referenda. Neque vir Doctus ullum testimonium asserre potest, quod contrarium evincat. Quamobrem sileat, inquit, ista interrogatio. At 1. Ostendat Animadversor vel unum locum Scripturæ, ubi ea sic loquatur, & ubi operationem immediatam Spiritus in conversione hominis ad hunc actum restringat? Id verò ipsi ostendendum incumbit, affirmantis enim est probare, non negantis. 2. Immo si disertè id traditum in Scriptura S. quæ sit, quod Animadversor per gyros inutiles circumducit Lectorem suum, nec disertè tradita disertè exponat? Et si tale, quid disertè in Scriptura continetur, cur paulò post notat, Scripturam istam distinctionem scholis philosophantium permittere. 3. An quicquid consentaneum esse videtur conceptibus nostris, id Scriptura expressit, &

*disertè* quidem? 4. An Deus etiam non saepe agit præter & supra ordinem facultatum? An verò operationes suas semper adstringit, ad eoque seipsum ad istum ordinem? 5. Vt Scriptura *synecdochicè* per illuminationem interdum designat omnes operationes Dei in conversione hominis, sic interdum etiam id facit eadem *synecdoche* per solam *circumcisionem cordis*, vel per *cordis novi dationem*. An ex illa phrasi ubi de illuminatione agitur, magis immediata Dei operatio in intellectu, & mediata in voluntate inferri potest, quin pari jure ex ista phrasi, ubi de circumcisione cordis solâ agitur, immediatam Dei in corde operationem & mediatam in intellectu inferamus? Eandem enim non designari diversis istis phrasibus, suprà demonstratum. Quamvis ista sententia nostra non sit, sed censeamus Deum immediatè illabi & in intellectum, & in voluntatem & in affectus hominis, & in iis omnibus immediatè operari in ejus conversione ob emphaticas istas & distinctas Scripturæ phrasès. Quid itaque temerarium magis illo quod adjicit, *nusquam Scripturam ita loqui*, ut vel loquutio quam adhibet sub operatione *mediata*, hoc est, operatione in voluntatem & affectus (ex sensu ipsius) *immediatam* contineat *synecdochicè*? At quoties de sola cordis circumcisione & mutatione ejus velut lapidei in cor carneum sermo, & non de illuminatione, quæ tantum subintelligitur & connotatur? Vnam itaque tantum esse immediatam operationem, reliquas mediatas, glossèina est Animadversoris, non dogma Scripturæ. Satis nobis est, ista operatione solâ, quæ circa cor, hoc est, voluntatem occupatur, æquè disertè conversionem describi, ac operatione se exerente circa intellectum. Adde, istam operationem, quæ se exerit in corde hominis, præcipuam in conversione esse. 6. Nequicquam imò mirâ suâ & Lectoris fiducia negat, me ullum locum afferre posse, qui contrarium evincat. At ad pleraque loca provoco, quæ de hoc argumento agunt, qualia sunt Deut. xxx, 6. Jer. xxxi, 39. Ezech. xxxvi, 26. Actor. xv, 9. xvi, 14. Rom. ii, 29. Gal. iv, 6. ii Thess. i, 11, 5. Hebr. vii, 10. Ostendat nobis Animadversor, loca ista non *synecdochicè* totam conversionem, ad eoque & illuminationem mentis salutarem simul completi, quamvis illuminationis non faciant mentionem.

XI. In sequentibus Animadversor invitatus, ut doceat, cur *circumcisio cordis* minus designet *immediatam Spiritus operationem*, quàm *illuminationem mentis*, & ubi Scriptura doceat, Deum per *illuminationem mentis* duntaxat *circumcidere cor*, & auferre cor lapideum, ac dare carneum? Dicit, superius id à se manifestum factum: Vbi verò id manifestum fecerit, nec video, nec videbit ullus magis quàm id quod in Utopia est. Addit tamen, Lectorem inter alia videre posse locum illustrem ex Eph. i, 18. Non desino gratias agere pro vobis, &c.

Huic



Huic citationi hoc glossema addit ; *Nunquam sanè ita vota sua pro fidelibus concepisset & nuncupasset tantus Apostolus, ut illuminationis oculorum mentis tantummodò mentionem faceret, si illu opus fuisset aliquà alià immediatà operatione Spiritus qua fita non esset in illuminatione.* At quæ sequela quæso ? Si Apostolus aliquo loco non meminit alius operationis Spiritus S. quàm illuminationis ; Ergo illa sola est immediata, vel præter illam alia fidelibus opus non est ? Atqui Scriptura S. vocationis efficacia sæpe meminit, & tamen sanctificatio æquè immediatè Spiritus S. operatio est & præter vocationem efficacem necessarià. Atqui eadem meminit circumcisionis cordis solius sæpe, vel dationis cordis novi, & tamen operationem istam Animadversor non vult esse immediatam, quum tamen sola designetur, & æquè synecdochicè connotet illuminationem mentis, ac illuminatio mentis connotat synecdochicè circumcisionem cordis. Et cum ipse supra dixerit eadem paginà, synecdochicè unà operatione plures designari : Quidni hoc etiam applicemus hic ad verba Pauli, cum synecdochicè per illuminationem alias etiam operationes, quæ voluntatem & affectus spectant, intellexisse ? Annon novit interdum describi omnia beneficia quæ habemus in Christo synecdochicè per *ablutionem in sanguine Christi*, quamvis præter eam opus sit, vel ipso fatente, *ablutione per Spiritum Christi*, & quidem immediatà secundum ipsiusmet sententiam ? Quid itaque infirmius ista illatione ? Quod addit, *cordis circumcisionem & mediatam ac immediatam Dei operationem designare*, ea in re, eo quo ista intelligit, sensu petit τὸ ἐν δόχῃ, id ipsum enim novit à me negatum, controversum saltem inter nos esse, adeoque probandum id erat, non supponendum duntaxat. Designat sanè duplicem operationem quandoque, sed unam quæ immediatam ac alteram. Cor non modò sedem affectuum, sed & intelligentiam interdum in Scriptura designare, controversià vacat, id non item, an quando pro intelligentia sumitur, immediatum tantum operationis Dei subiectum designet, non verò quando sumitur pro sede affectuum. *Affectus etiam ex intellectu necessariò pendere*, falsum. Vident multi cum Medea meliora probantque, deteriora sequuntur, lumine etiam non tantum *suasivo*, sed & *persuasivo* convicti hoc esse minus bonum, aliud verò & in se esse melius, & sibi. Docet id Aristoteles de Anima lib. 111. ὁ μὲν γὰρ νῦν, inquit, δὲ τὸ μέλλον ἀνθρώκιν καλὸν ἐστὶ, ἢ δὲ ἡπιθυμία δὲ τὸ ἦδη : Ita ut in objectum cupitum feratur cupiditas, præsentibus potius illecta quàm futuris, ut in ἀπαῶς ἦδύ, & ἀγαθὸν ἀπαῶς, quicquid dicet intellectus. Sic multi convicti sunt, & persuasi, præstare sibi abstinere ab adulterio, & tamen id admittunt, bona deferenda potius, quàm negandum Christum, & tamen id non faciunt, favorem Dei præstare favori hominum, æternam

felicitatem momentaneæ, abripiuntur tamen & illecebris carnis & affectibus suis, vel præsentibus absterrentur malis, futuris non ita afficiuntur. Nec luminis cuiusdam persuasivi defectu id fieri, vel hoc ipsum causæ nostræ intercedere, in Diatriba nostra ostendemus. Falsum etiam καὶ ὁλως, *perversos affectus amputari non posse sine illuminatione mentis*: sic verbi gratiâ perversos affectus circa varia objectâ sæpe ætas, morbus, calamitates, alia id genus corrigunt, sine illuminatione mentis, quamvis id salutariter non fieri nisi per illuminationem mentis, & per sanctificationem voluntatis, libenter fateamur. *Mentem verò illuminari non posse, quin pravi affectus eadem operâ rescindantur*, falsum est. Nec illuminatio & persuasiva quidem, quam habuit Paulus, pravos affectus in ipso rescidit, nec in sanctissimis aliis Dei servis. Nec moror, à Paulo regenito partem præcipuam capitis septimi ad Romanos removeri ab Animadversore, post Pelagium, Socinum, & utriusque sequaces. Notum enim, Clarissimum Virum Gul. Rivetum oppositum demonstrasse, & Considerationes ejus super ea re, quamvis ipsi cum multis pöppymis dicatas, solidè confutasse. *Vnam itaque eandemque actionem quâ immediata est, & quâ mediata est cordis circumcissionem nominari*, falsum est, nec aliud præter imaginationem Animadversoris fundamentum habet.

XII. Si etiam Scriptura loqui non consuevit de facultatibus animorum nostrorum, ut addit, καὶ τὸ ἀνεξεστώτος Philosophorum, non potest ille, nec debet nobis obtrudere Philosophicam istam potentiarum animæ inter se subordinationem, & à se invicem dependentiam, ut & speculationem ejusdem ordinis, de affectuum & voluntatis motione per intellectum. *Scripturam etiam, cùm agitur de actionibus moralibus, unam tantummodò facultatem in nobis constituere videri*, interdum verum est, sæpè falsum, quum & diversas facultates, & diversas Dei operationes circa illas diversis in locis distinguat. Immodò, quando etiam illa facultas consideratur ut una, ejus correctionem non semper per unam operationem fieri dici, vel per operationem uno eodemque modo enuntiatam, ipse fateri cogitur, dum ut plurimum id fieri dicit. Et Scriptura satis alibi mentem suam explicat, ostendendo & diversas in homine esse facultates, & diversas etiam Dei, ad earum emendationem operationes adhiberi. *Scripturam accuratorem mediata & immediata operationis distinctionem tanquam minus ad pietatem pertinentem Scholæ Theologorum paulò subtilius philosophantium permittendam esse putasse*, quoad notions istas technologicæ; verum, quoad rem, falsum: Satis enim docet immediatam Dei in omnia entia & omnes eorum actus operationem, & influxum, dum docet, nos in ipso esse, vivere, & moveri. Nec ullus motus cordis vel voluntatis est, qui non sit actus quidam, adeoque

ad quem Deus non immediatè concurrat non tantùm quà ens est, sed & quà tale ens est, & qui non ut ens, secundùm & ortum immediatè pendeat à primo ente. Si etiam hoc Scholarum dogma est, nullibi in Scriptura expressum, non magis nos urgere poterit dogmate suo, de immediata tantùm Dei in intellectum operatione, quàm urgeri volet nostro de immediata Dei in voluntatem æquè ac intellectum operatione. Et si quæstionis istius decisio magnâ ex parte ex Philosophia pendet, sententiam Cameronis & suam nobis obtrudere non debet de connexionem & dependentiam necessariâ istarum facultatum, qualem proponit, quippe quam nec ἀντιλέγει in Scripturâ reperit, vel κτ' ὑπόμνημα, nec κτ' περὶ γράμματα. Pariatur verò nos cum Scriptura loqui, & tum illuminationem mentis, tum circumcisionem cordis, & utramque quidem absolūtè & simpliciter ex æquo Deo in nobis conversionem operanti tribuere; & cùm Scriptura non magis testetur illuminationem intellectus fieri immediatè quàm circumcisionem cordis, & quæstionis istius decisio magna ex parte ex Philosophia pendeat, cur nobis hoc dogma obtrudit pro Theologico? Si illa aliter statuatur super hac re (quamvis de hoc ipso specialem Exercitationem non defugimus) pariatur nos, spreto istius philosophematis, cum Scriptura θεωροῦμεν, & ubi illa distinguit, distinguere; ubi non distinguit, non distinguere pariter. An verò ex mero philosophemate inferre debet, *operationem immediatam in voluntate non modo necessariam non esse, sed esse aliquomodo importunam, & à Sapientia Dei alienam & abhorrentem, si voluntas ab intellectu necessariò definiatur, nec aliud unquam se se inflectat, quàm quòd ab intellectu iudicio trahitur?* At hæc ipsa poni non debent velut jam certa & probata, quippe quæ ἀμφισβητούμενα sunt inter nos, an ita definiatur voluntas ab intellectu. Et conclusio itaque & fundamentum illi substratum ὑποκρίματα sunt & vana. An etiam ex philosophia sola iudicandum, aliquid esse à Sapientia Dei alienum & abhorrens iis qui enutriti sunt in Dei schola? Exemplum itaque de motione sphaerarum inferiorum per primum Mobile peccat *elencho parium*. Istam enim orbium cœlestium cohesionem & subordinationem, Astronomorum abacus, sensus & experientia docent; voluntatis & affectuum perpetuam ab intellectu dependentiam & motionem non item. Imò, ut simile hoc regeramus Animadversori, hîc Philosophiæ paulò æquiori, & ad illius scholas se demittenti, quemadmodum orbes inferiores, tametsi motu νυχθημερόν obsequantur primo Mobili rapienti ab Oriente in Occidentem, super polos mundi, & per circulum æquinoctialem, tamen renituntur etiam, & peculiare motus habent ab Occidente per Meridiem in Orientem super polos Zodiaci, & per zodiacum, ut docent Astronomorum filii. Sic etiam quamvis

quamvis voluntas sequatur ordinariè ductum intellectus, id tamen non obstat, quo minus etiam sæpe habeat motus obnitentes isti motui intellectus. Intelligentiâ verò motrice, ut *formâ assistente* opus non esse vel primo mobili, vel sphaëris aliis nōsse debebat Animadversor ex Scriptura, ratione & philosophiâ sanâ, audire saltem interdum in Musæo suo ex ore Clarissimi Philosophi sui, quem dum has ipsas Animadversiones parturibat, audivisse se docentem meminit. *Eugenius* hoc fuit Aristotelis, & una ex maculis Philosophiæ Aristotelicæ est. Nec isti commento pretium accedit, quod partui isti obstetricati sint Scholastici, & quod alii quidam eos incautè hîc sequantur. Indulgeri poterat aliquid Paganis, parùm gnavis quibus ministeriis destinati essent Angeli, non edoctis in Dei schola. Ut verò immediatum principium sui motus cuius Sphaeræ cœlesti Deus inseruit, quod in Exercitationibus Physicis demonstratum dedimus ante viginti & ultrà annos; sic & cuius facultati hominis motus suos peculiares tribuit. Voluntatem sanè ita suarum operationum moderationem in potestate habere censemus, ut & iudicio mentis reluctari valeat, & revera aliquando reluctetur. Si etiam, ut addit Animadversor, non magis ad *ἀνέκτα* philosophicam pertinet decisio quaestionis, de immediata vel mediata sphaërarum motione, quàm decisio quaestionis de mediata & immediata facultatum animæ motione, cur Animadversor, tantâ cum fiducia (qui quid in talibus possit, nōsse tandem aliquando debebat) decidit istam quaestionem, & sententiam oppositam nostram, velut absurdissimam, traducit, & à Sapientia Dei alienam & abhorrentem? An & hic ex illo nobis quaerere non licebit, an numeros omnes sapientiæ divinæ tenere se arbitretur? Si id affirmet, temerarius erit: si neget, cur sibi licere vult quod in me tam acerbè insectatur, quasi dicere, aliquid repugnare sapientiæ divinæ, esset cœlum cum Titanibus perrumpere, & Deo oculos configere. Cur idem tanto molimine exequitur, & ex Scriptura decidere satagit quod philosophicæ pulpæ esse fatetur? Imò si *Scriptura non loqui consuevit*, ut inquit, *de facultatibus animarum nostrarum* *τὰ τῶ ἀνέκτα*, & hoc ipsum pertinet ad *ἀνέκτα* philosophicam, & Scriptura id non decidit, liberrimè à nobis negari potest, nec ita mirum Animadversori videri debet, si negetur. An enim ipse istis Philosophorum pedicis constringi velit, & in hac catasta sedere mancipium? At inquit, suam opinionem auctores habere Platonem, Aristotelem, Epictetum, & quicquid unquam fuit in eo genere illustrius, nostram verò tueri Iesuitas, Arminianos, & Sophistarum collusionem, quorum auctoritas hominibus Theologiis sit planè pro nihilo putanda. Istam opinionem verò de universali & perpetuâ voluntatis & affectuum per intellectum motione Platonis, Aristotelis & omnium Philosophorum illustriorum esse

esse tum dabimus Animadversori, ubi hoc probatum solidè dederit ex veterum scriptis. Ea enim quæ hæcenus à Cameronè, ut ut diffusè eruditionis viro, producta ex istis Auctoribus fuere, in consutatione Epistolæ ad virum Doctum nondum talia deprehendi quæ apodictica essent. Præterquam quod humana auctoritas suadere possit in argumento theologico, persuadere verò haudquaquam debeat. *Iesuitas, Arminianos, & Sophistarum colluviem* tantum posteriorem sententiam tueri & falsissimum est, & à gravissimis Theologis nostris multis idem sæpè traditum. Sententiam sanè quam tradit Animadversor impugnata fuisse inter alios à Celeberrimo quondam hujus Academix Theologo Antonio VValeo ignorare non debuit. Notum etiam, displicuisse idem toti Facultati Theologicæ Leidensi, & in causa, præter alia quædam, fuisse, cur non approbatione Facultatis muniretur Collatio Cameronis cum Tileno, in hac ipsa urbe typis retrò excusa. Apud hos etiam Viros & plurimos alios ex nostris Iesuitarum, Remonstrantium, & Sophistarum colluviei accensere velit, indicabit quando volet? Sibi sanè tale quid impingi non audit sine stomacho, quamvis meliori jure id fieri possit. Utinam verò tam verè Animadversor à se amoliri posset suam cum talibus in multis *ὁμολογίαν* & societatem, quam id passim præ se fert! Alià etiam ratione, & alio fine à Jesuitis & Remonstrantibus hoc affirmari novit, ut nimirum voluntati *αἰσθητικῆς* quandam adscribant vocationem Dei vel admittendi vel executiendi, à quo dogmate nos alienissimos esse novit. Non ignorare etiam debuit Facultatem Leidensem in suis ad Cameronem litteris prid. Kal. Febr. 1622. hoc ipsum dogma disertè notasse, etsi de controversia illa *physica* nemini *litè* intentent; nempe, num voluntatu determinatio necessariò sequatur ad ultimum judicium rationis ac intellectus practici? Se tamen probare non posse, quòd videatur Camero nullam aliam mutationem in voluntate aut concedere aut requirere præter moralem illam qua sit ab objecto monstrato, & rationis judicio de eo eligendo aut rejiciendo, aut præferendo, sine ullo influxu Dei immediato in ipsam voluntatem, præsertim in rebus supernaturalibus. Addunt, Scripturam immediatum influxum Dei in voluntate immutanda testari.

XIII. Scripsi cæteroquin etiam, conferri debere cum hac descriptione operationis Spiritus, quam proposuit Dissertator, quòd nimirum nihil aliud præstet, nisi quod mentem idoneam reddat, qua objectum in Evangelio extrinsecus oblatum adspiciat Articulum XI. & XII. Cap. III. Synodi Dordracenæ. Nec prænitet; Videbit enim Lector, nisi oculorum & judicii usum omnem sibi interdicare velit, toto cælo distare operationem Spiritus in conversione hominis descriptam in Canonibus Synodalibus, & illam quam exhibuit Animadversor in sua Dissertatione. Quid hinc reponit? Querelam primò,

R r

quòd

quod remittam Lectorem ad Synodi Canones, impatienter verò tulerim me remitti ad Calvinum. Præterquam verò quod non eadem Doctoris privati, quicumque ille sit, quæ Synodi Nationalis Ecclesiarum Reformatarum auctoritas esse debet, ablegationem ad Calvinum non simpliciter improbavi, sed crebra ista & *Ædilia imperia*, quibus me non ad Scripturam remittit sed ad scripta humana, ad *Calvini, Bullingeri, Musculi, Pellicani* & aliorum id genus Commentarios evolvendos: Ad ista aliquoties iterata reposui, consilium istud ab Animadversore discipulis suis dandum esse, ab ipso petentibus, quid sibi legendum esset? Nec quia illorum scripta à me lecta, & verè quidem, dixi, me omnia Theologorum scripta in numerato habere dixi: Quis cæteroquin inter nos *sublatos & sublimes* gerat *Spiritus*, novit arcanorum scrutator Deus; quis ingenium ita comparatum exprimat scriptis & factis, & *regnum in Theologia affectet*, novit quisquis utrumque nostrum novit. Notet interea Lector, qui cohereant, & sibi consent verba Animadversoris, cui cavilli istius lepos non cerebrum excussit, sed memoriæ usum intervertit. Remiseram Lectorem ad Canonum aliquot Synodi Dordracenæ lectionem; Ego, inquit, *quem non decet gerere spiritus usque adeò sublatos atque sublimes isti viri Docti imperio libens obsequar, & me inter Lectores Exercitationum istarum connumerabo*. An verò de lectione mearum Exercitationum hinc jota ullum à me propositum, vel ullus ad hoc incitatus? Dubio procul dum ista scripsit, aliis audientiam dedit, & totus suus non fuit, vel in re ista. Quis etiam nostrum scriptis istis mutuis nostris imprefferit characteres *spiritus sublatis & sublimis*, Lectoris esto judicium. Appositum etiam admodum erat ad Canonum Synodicorum commemorationem addere, *his à se perlectas Exercitationes meas*; Utinam verò vel semel duntaxat illas legisset, & reliquas horas secundæ lectioni impensas, destinasset integro à me propositorum examini, nec Pentheum nobis exhibuisset truncum & lacerum! Eo minùs etiam excusari debet, quod cum bis Exercitationes nostras se legisse testetur, plurima tamen & præcipua, sæpe adeò strenuè dissimulet, ac sic ea nunquam legisset. Si censcat, *neminem mortalium à se impetrasse geminatarum earum lectionem*; præter alios quos adducere possem, docebit eum aliter hinc judicare, Vir Amplissimus & in Eximiadignitate constitutus, sed virtute & eruditione major, qui *Gregorii Vellei* nomine, judicium suum eruditissimo scripto inter nos interposuit. Celeberrimus etiam *Croyus* ostendit, & plurimi alii viri Eximii non adeo fastidiosas Exercitationes meas sibi visas, sed in comparum situm, an semel vel bis illæ lectæ fuerint, satis & lectas eas esse, & probatas singulari Dei favore præcipuis Orbis Reformati Theologis. Nescio verò an à multis impetraverit Vir Doctus suarum Anim.



Animadversionum lectionem integram, nedum geminatam. Ego id semel à me impetravi, ut bis facerem impetrare ab animo meo non potui.

XIV. Disteriis istis præmissis Canonem x i. describit, & x ii, sed sine causa. Interea Canone x i. pro verbis quæ habet Canon, *in electis*, substituit *in illis* adhibito pronomine ἀναφορικῶς, quod fieri non debuit, cum non referat antecedentia, ex quibus constet, Synodum de electis loqui, præterquam quoddam verba retinenda fuissent integra. Qui verò cohæreant Animadversoris verba, & an apud se denuò fuerit dum ista scripsit, iudicabunt omnes? Loquitur de Exercitationum mearum lectione, & addit; *Sic igitur articuli illi* (scilicet Synodi Dordracenæ) *se habent.* Quæ sit hæc ἀλλήλων (vocabulum jam singulari beneficio Pelasgæ civitate, usu Animadversoris donatum) docebit nos aliquando. Negat verò in iis articulis quicquam Synodum Dordracenam dicere de distinctione operationis *mediatæ & immediatæ.* Nihil etiam esse in illius Canonibus quod æquè dici non possit, & ab iis qui mediatam, & ab iis qui immediatam operationem defendunt. At quum actioni Spiritus non tantum ex æquo tribuant operationem, æquè in *cor* & voluntatem, ac in intellectum, sed & dicant *Spiritus regenerantis efficaciam ad intima penetrare, cor clausum aperire, durum emollire, præputiatum circumcidere, voluntati novas qualitates infundere, & facere eam ex mortua vivam,* nonne Lector ingenuus videbit, Patres istos censuisse æquè immediatè Spiritum Sanctum illabi in voluntatem ac in intellectum? Si enim in solum intellectum immediatè illabatur, dicendum simpliciter erat *Spiritus S. mentem potenter illuminare*, quam illuminationem naturali sequelâ ob dependentiam reliquarum facultatum à mente, reliqua consequantur. Saltem dicendum non erat, Deum non tantum Evangelium illis externè prædicari curare, & mentem eorum per Spiritum S. potenter illuminare, &c. Sed *ejusdem etiam Spiritus* (imò mentis potius *renovata*) *efficaciâ ad interiora hominis penetrare.* Sed potius & per istam illuminationem cor clausum aperire, &c. Aliud enim est hunc effectum tribuere *Spiritui ipsi renovanti*, quod faciunt Patres Synodici, aliud, id tribuere *menti* per eam *renovata*, quod facit Animadversor. In transcurso etiam notet Lector, an Synodus Dordracena statuerit *circumcisionem cordis* idem esse quoddam *illuminationem intellectus*, ut vult Animadversor. si enim hoc statuamus, Canones habebimus βαπτιστικῶν, & eorum Authores statuemus ridiculos, quippe qui vel operationes istas distinetissimè distinguunt, imò sibi invicem opponunt per adversativam particulam, vel idem à seipso distinguunt, & idem sibi ipsi opponunt. Sin Animadversorem audiamus, dum Canones illi dicunt, Deum in

conversione, non tantum mentem per Spiritum S. potenter illuminare, sed & cor clausum aperire, durum emollire, dicunt Deum non tantum mentem potenter illuminare, sed & mentem potenter illuminare. An tantis viris, & tam venerando toto orbe Christiano Confessui tribuimus mentem externatam, & verbis illorum sonum sine sensu? Et quum Synodus statuatur Canone xii. istam operationem *planè supernaturalem esse, arcanam & ineffabilem*: Certè, *effirratione principii sit supernaturalis*, ratione tamen *forma & modi*, secundum Animadverforem, *supernaturali planè non erit*, ut quæ sequitur dependentiam & ordinem naturalem facultatum, nec hîc est *ineffabilis*. Notet etiam Lector obiter, hîc à Synodo regenerationem præmitti, & actualem fidem ex ea duci, quod tamen tantoperè displicet Animadverfori, qui ferre non potest, me sanctificationem aliquam anteriorem statuere fide, per quam producat. At quid est regeneratio nisi sanctificatio? Annon ex eo patet, Synodicos Patres immediatam Spiritus Sancti operationem in voluntate æquè ac intellectu ibi intellexisse, quum ipsi alieni fuerint à sententia Cameronis, aliam saltem prætulerint, ut fatetur ingenuè eruditi de tribus Methodis scripti Auctor. Adde è Theologis, à quibus concepti fuere Canones Synodales nomine Synodi, *Bogermannum* Synodi Præsidentem Eximium, *Polyandrum*, *VValaun*, *Triglandium* Viros Magnos Salmuriensia novæ Methodi placita disertè publicis tabulis improbasse, qui utique noverant optimè sententiam & suam, & eorum qui Canones istos suâ auctoritate probavere. Indubium cæteroquin, Canones illos directè oppositos fuisse sententiæ Remonstrantium, de voluntatis *ἀδιαφορία* post operationem Dei in conversione. Hinc tamen non sequitur, Synodum non distinxisse aperte illuminationem intellectus & circumcisionem cordis, & Spiritus efficaciam ad intima cordis & voluntatis penetrantem non expressisse. Et nemo, nisi sponte errare velit, dubitabit, Patres Synodi sententiam Cameronis quæ post Synodum istam demum ab aliquibus recepta fuit, & ut ex Leidenhum Theologorum & Festi Hommii ipsius testimonio patet, multis Synodi Patribus dura visa & periculosa, quibus visa. Multis enim planè ignota fuit. Si tamen Animadverforem audimus, Synodi Canonibus conformis est, nec verba Synodi magis Patrum sententiam exprimunt, quàm illam, quam disertè multi ex illis improbârunt.

XV. Post ista, denuò convitium mihi dicit Animadverfor, memoriz laude sed *διαγωγῆς* mihi tributâ, iudicii verò ademptâ, & Cyclopi instar Homerici me exoculatum Lectori sistit. Sed bene se res habet, quod iudicio Animadverforis non stet iudicii alieni firmitas vel imbecillitas. Mallem sanè & memoriæ firmitate, & iudicii *ἀνεγκλίᾳ* carere, quàm do-

num

num utrumque habere eo gradu, quo id Animadversor se habere censeret, & eo ad turbendam Ecclesiam abuti. Infelix acumen est quo latera Ecclesie fodiantur. In eo verò admodum fallitur, quod putat, me ista scribentem in Exercitationibus meis, haudquaquam meminisse, vel hoc obiectum fuisse Cameroni, sententiam ipsius Canonis Synodi fuisse damnatam, vel id ab eodem fuisse rejectum in *Responsione ad Epistolam Viri docti*: Eò magis enim illius rei meminisse poteram, quod librum istum ab ipso Camerone donatum, & honorificè admodum inscriptum adhuc habeam, cui etiam Epistolam ad Clarissimum & disertissimum *Durantium* præmisit, in qua mei tum adhuc adolescentis, elogio etiam luculento adjecto, in ista ætate publicè meminisse voluit, quo nomine me ipsi obnoxium profiteor. Quia verò mihi isto scripto, erudito cate-roquin, seriò lecto relectoque in aliquibus satisfactum non fuit, quamvis rationes & responsiones Cameronis diligenter expenderim, id quod à me peculiari Dissertatione in publicis prælectionibus occasione oblata sine ulla vel rugine vel contumelia in Cameronem, immò sine nominis etiam illius commemoratione demonstratum, jure idem à me reponi potuit Animadversori, nec mea defensio Defensione Cameronis mihi excuti debuit. Nescio verò an imbecillitati memoriæ, an alii cuidam causæ adscribi debeat, quod Animadversor Clariss. Virum *Festum Hommii* bis vocet *Hummium* quem tamen Leidæ & vidit, & novit, & cujus nomen sæpe in ista Defensione exstat? An integritati etiam ejus tribui debet, quod splendide Lectori insinuat, quasi Patres Dordraceni omnes Thesibus & Lectionibus Cameronis perlectis omnia in iis probassent? At id nec Eximius ille Theologus *Festus Hommii* in litteris suis dicit, nec verum est. Disertè enim testatur: *Theologorum Exterorum judicia de iis non licuisse intelligere, quia jam in procinctu erant cum libri iis distribuerentur, nec perlegendi otium fuisse.* De Theologis Belgis tantum addit, eos qui perlegerant exosculatos fuisse insignia, quibus Deus Cameronem ornaverat dona eruditionis & acuminis singularis, & gavisos quod D. Gomaro ut dignissimus illà functione suffectus fuerit. Immo expresse notat Hommii in suis ad Cameronem litteris, nonnullos offendere videtur, quod conversionem hominis per solam moralem suasionem fieri statuas, cum hoc à Remonstrantium sententia non videatur multum ab-ludere. Quamvis verò ab eo purget Cameronem Festus ibidem, & testetur se nihil observasse quod ab Orthodoxia in Synodo declarata abire videretur, unius tamen judicium plurium aliorum judicia non evertit, præsertim quibusdam aliis, ubi Camero ab it sententia communi. Ingenii & eruditionis laudes cum *Festo* easdem semper tribui candidè & adhuc tribuo Cameroni, quamvis haudquaquam omnibus ejus placitis acce-

dere possim. Non debuit verò Animadversor Lectori indefinitè & promiscuè ingerere, quasi Patres Dordraceni quivis perlectis scriptis Cameronis iis assensum præbuerint, sed distinguere eos de quibus Festus loquutus fuit, ab iis de quibus loquutus non fuit. Disputationem Cameronis & Tileni, scriptum eruditum & acutum, in summa rei probatam fuisse ex Epistola Festi patet; omnia & singula probata fuisse, haudquam. Nec qui scriptum aliquod in genere commendat, omnia comendat & probat quæ in eo reperiuntur, nisi id disertè exprimatur. Et quamvis Clarissimo isti Viro Festo Hommio omnia in ista collatione probata fuissent, certum est, quædam non probata fuisse Celeberrimis Theologis *Polyandro, Riveto, VValeo, Thyso* non inferioribus *Festo*, ut patet ex eorum Epistola ad Cameronem, in qua iudicium suum candidè exponunt de immediata Dei in voluntatem operatione, & de expositione Capitis ix ad Romanos. *Inviçtu*; quibus dicit hanc sententiam communiter fuisse, *argumentis* hoc, quod putat, pondus non inesse ostendimus in Diatriba nostra, & candidè ac modèstè omnia expendimus in Domino sine ullo Cameronis, eruditi & eximii cæteroquin Disputatoris, contemptu. Experti revera fuimus accurata meditatione adhibitâ illa *inviçta* non esse, sed speciei quidem multum habere, roboris non item. Auctoritatem etiam Synodi Alezianæ frustra adducit, quippe quæ Disputationem istam Cameronis cum Tileno non vidit, typis demum exscriptam Anno 1610 c. xxii. sed Theses tantum & prælectiones, in quibus multa non exstant quæ displicuere aliis in Cameronis sententia. Adde, Synodum istam, etiamsi deprehendisset quædam à communibus placitis alieniora, qualis erat sententia de *mo. ali. suasionè*, vel *motu ethico*, condonâsse tamen multa præstantis viris dotibus aliis, & aliquid indulgisse Illustri Heroi *Mornao* Plessiaci Domino, de Ecclesiis omnibus præclarissimè merito, qui Cameronis vocationem promotam cupiebat. Præterquam quod moderationem & pacis Ecclesiasticæ conservandæ studium Patres sibi à Camerone pollicerentur, cuius ingenium mite erat, & abhorrens à litibus. Vehementiam verò & æstum nimium illorum qui Cameronis vocationi intercedere videbantur, *pii zeli* phrasi perstringere voluisse Synodum, falsum est, & reverentius de ea sentire debebat Animadversor, quàm ut Lectori ingereret, venerandum istum Confessum, ejus Prælidem egis sumus, & si ullus mortalium, nostro ævo de Dei Ecclesia eximiè meritis Theologus *Petrus Molinaus*, hoc velo partim odia privata, partim technas vel strophas tegere voluisse, quod fuisset hominum à candore & conscientia destitutorum. Nec verborum istorum vis talis, nisi apud eos qui omnia pervertere & in sequiorem partem trahere volunt. Collatio-

nem sanè etiam Canonum Dordracenorum & sententiæ Cameronis legeram, sed ex eo non sequitur ista lætione mihi satisfactum fuisse, vel ob unius hominis eximii etiam iudicium mihi, haudquaquam argumentis ipsius convicto à sententia opposita discedendum fuisse. Editionem operum Cameronis Genævæ me procurasse ex parte verum, ex parte falsum. De ea sanè ne cogitatum quidem à me, cum à Bibliopola ejus editio destinata & adornata fuit. Ejus tamen rogatu me à Clarissim. Viro Lud. Cappello petiisse si quæ haberet ~~de Cameronis~~ Cameronis ad pleniorē editionem intruendam, ut ea submitteret, non diffiteor. Nec inficias eo, me etiam censuisse editionem illam à Bibliopola jam destinatam & affectam utilem fore, cum præter novitia quædam dogmata multa in Operibus istis reperirentur, quæ erudita sunt & utilia. Immo cum intercessum esset ab aliquibus isti Editioni jam ceptæ, quibus de causis, nōrunt ipsi, & grave damnum ob id metuendum foret Bibliopolæ, ingenuè fateor, me & illius causâ, & quia non ob zelum pro orthodoxia id fieri animadverteram, instituisse, ut absolveretur, & operam meam ad rem illam conficiendam interposuissē, quamvis multa ne lecta quidem fuerint à me, quæ istis Operibus inserta fuere, ea tamen semper protestatione publicè privatimque ingenuè editâ, me in quibusdam Cameronis sententiæ non subscribere, præsertim in argumento de *Vniversali Gratia*. Tituli illius *Ioh. Cameronis Eximii Theologi τῷ σωζήσαντι*, me auctorem esse, verum est. Ejus verò rei ista fuit occasio. Quum chartis Salmurio missis ad Operum Cameronis editionem præscriptum fuisset, utuli totius Operis vicem, nomen *Summi* vel *Incomparabilis*, vel *Maximi* Theologi, nec enim exactè memini quod ex tribus illis præscriptum fuerit, & illud nimium multis videretur, modestius substitui, nomen nimirum Theologi *Eximii*. An verò mihi tribui elogium, quod in Camerone nimium censui, quo nomine alibi me compunctum voluit Animadversor? Scilicet meum peccatum est, si scriptor vel sculptor vel Bibliopola modum excedat iudicio suo, vel affectu Peccata sua Animadversor dixit alicubi sibi sufficere, quamvis peccati Adamæ reatum illis non addit, eludendo dogmati verisimmo. An itaque talium in iudicando excessus mihi imputari debeat? An enim Animadversor Celeberrimorum Theologorum *Molinæ*, *Riveti*, aliorum omnia probat, quia eos pro Eximiis Theologis se habere passim proficitur? Cur ergo ob id vult omnia Cameronis mihi probari debere? Nec in eo sententiam mutavi, ut qui Cameronem semper habuerim pro Theologo *Eximio*, præsertim cum, præter eruditionem, ejus in pace Ecclesiastica retinenda studium perspectum habuerim, & animum mitem ac placidum, quamvis ob id Cameronis placita omnia haudquaquam adoptan-

adoptanda censuerim, quod homines vel insani vel qui servili sunt ingenio faciunt, qui illorum quos colunt etiam cespitationes & balbutiem & motus incompósitos imitantur. Haudquaquam verò hîc à me quicquam dissimulatum, quod non dissimulatum oporteret. Nam & in Epimetrorum vindiciis super Canonibus Synodi Dordracenz candidè ostendi, mihi non satisfactum distinctionibus & responsionibus Cameronis, opponendo semper istos Canones sententiæ illius de mediata tantum Spiritus S. in voluntate operatione, & hoc loco idem adhuc testor. Non sine ratione verò id à me occupatum, publica, favente Deo, evulgatione Diatribæ meæ super hoc argumento demonstratum dabo. Opinionem ceteroquin Cameronis *maledicti* à me *inceffi*, falsissimum. Conferat Lector verba mea, iis sanè nihil reperiet modestius. Nec è finibus Ecclesiæ publicâ auctoritate sententiam istam eliminatam sum professus, sed tantum, aliam fuisse sententiam Patrum Synodi Dordracenz in Canonibus suis, & satis exstare in illis argumentorum, quibus ostendamus hanc Animadversoris post Cameronem opinionem haudquaquam Synodo placuisse. Utinam verò de eo tantum nobis disputatio foret, an determinetur voluntas ab intellectu semper & perpetuò, vel non, & an Spiritus S. immediatè illabatur in omnes facultates, an verò immediatè tantum in intellectum, mediatè verò in voluntatem & affectus, modò res ipsa teneretur seriò, nec communis Ecclesiarum nostrarum sententia traduceretur velut fatua, & ab omni ratione abhorrens, longè sanè compendiosior nobis ad concordiam via foret! Quasi etiam in Theologo Eximio nullus posset esse n̄vus, vel error. Vel ergo Theologos quos pro Eximiis se adhuc habere profitetur, tales reverà non esse censet, vel ab illationibus putidis id genus sibi in futurum temperabit. An etiam Cameronem dixi *pro Arminiano damnatum à Synodo Dordracena*? Vbi quæso? Et cur hoc mihi affingit Animadversor? Hoc verò tantum dixi, ipsius sententiam circa hoc argumentum haudquaquam consentire cum Canonibus Synodi. An etiam quævis doctrina in Synodo ista damnata Arminiana est? At verò Pelagiana etiam hæresis non semi-Pelagiana tantum, & multi Socinianorum, Pontificiorum, & aliorum hæreticorum errores ibidem perstricti fuêre. Damnata directè doctrina illorum à Synodo aliqua dicitur, quorum causa illa coacta est, & quorum sententiæ ac dogmata disertè recensentur simul & rejiciuntur. Nec hunc n̄vum mihi majorem in Animadversore quàm in Camerone visum, uspiam ostendi. Nec de se dicere debuit Animadversor, *se omnium invidiâ undiquaque flagrare*. id enim vix hominem mediocriter & modestè de se sentientem decet, qui reverà sentit dona sua mediocria esse, adeoque publicâ invidiâ haudquaquam digna.



Judicium tale non cadit nisi in hominem magnificè admodum de se & donis suis sentientem. *Cameronem* à me *immisericorditer flagellari* ad *Epimetrum* VI. vel ullibi alibi, falsum, qui nusquam non de eo modestè & honorificè sum locutus. Vtinam verò eà modestià etiam causam suam ageret Discipulus, quā Magister eam egit! Nec sanè ille eo usque unquam progressus fuit vel fallūs vel contumeliarum in fratres. Nec me pudebit in *discipulum* *Cameronis* in multis profiteri. Audiui enim eum non quidem in Academia ulla docentem, sed Lutetiz Anno 1624 privatim dubia multa egregiè in colloquiis privatis mihi expedientem. Interfui etiam ejus Colloquio solenni coràm *Theminiâ* sceminâ Illustrissimâ cum *Chabano* Nobili Regio habito in ædibus Amplissimi & Integerrimi Viri *Ludovici Arnaldi*, Consilarii Regii quod & Gallicè tunc quoad ejus fieri poterat, currente calamo excepi, & ex eo ad *Cameronem* paulò post ad ipsius petitionem misso verso in Operibus ejus exstans adornata fuit. Ex scriptis etiam ipsius profeci, nec id diffiteor. Vtinam verò mihi cum *Cameronem* aliquo res potius esset in hoc negotio, quàm cum homine contumelijs, dicerijs, & convitijs passim in me grassante! *Cameronem* experirer graviter & modestè disputantem, & si ille mei triumphator esset, essem ego triumphator erroris. Nec sanè vel dedecoris ullius vel diminutionis tamæ habenda in talibus ratio, sed conscientiz. Nihil verò esse, quod hic mihi reformidandum admodum foret, quæcunque fuerit cruditio *Cameronis*, & qualiscunque mea sit tenuitas, ex eo patet, quod nulli dubium esse debeat, *Cameronem* potissima argumenta sua, quibus sententiam istam propugnavit, in Collatione cum *Tileno* adhibuisse, quæ sanè, etsi speciosa & subilia, tanti non sunt, ut me à sententia mea unquam dimoverint. Egredia cæteroquin *Epimetrorum* meorum, & disputatorum de isto argumento confutatio subjicitur ab Animadversore! *Istud sanè omittamus*, inquit, *donec ea qua dicta sunt ad Epimetrum sextum refutare vacet*. At id occupandum erat homini hanc aream ingresso, & sæpe jactanti omnia à se refutata. Si quicquam verò, ostendendum erat Animadversori, malè à me ex Canonibus Synodi Dordracenæ dogmata ipsius heterodoxa multa jugulata fuisse, & suæ Methodi placita everla. Istud verò pensum differt, donec vacet. Vtinam verò ei nunquam vacasset novâ ista methodo suâ tranquillitati publicæ Ecclesiarum nostrarum intercedere! Interea quamvis fateatur multa à se prætermis̃sa, si tamen alibi ipsum audimus, nihil prætermis̃sum, omnia confutata, adeoque si quis ei credere velit, non debet ei credere, ita varius est.

XVI. Addit Animadversor: Malè à me notatam vim spiritus. At non notata, nisi quod phrasis ista *vis spiritus* videatur in sequiorem sensum

trahi posse ab Adversariis quibusdam qui ex eo quod potentem & determinantem Spiritus S. in conversione nostra operationem *vim* appellamus, inferre possunt & solent, nos violentum quandam & coactivum motum hîc statuere, quod falsum. Ne ergo cavillo locus sit, vel *virtutis* vel *efficacie* nomenclatione hîc utendum potius censeo. An vox illa cæteroquin mihi Latina videretur, ne dubitandi quidem vel conjiçendi causam ullam dedi Animadversori. Quod si etiam censendum est, Latinitatem alicujus carpi, quoties dicitur, aliquem ita loqui, cur Animadversor me latinissimè etiam loquentem eodem modo sæpe introducit? Annon licet verborum alicujus sic meminisse, quin pædagogica ferulasit ad manum & quin castigetur ejus latinitas? Tantùm verò retrò mihi non fuit otii, voluntatis adhuc minus, ut in isto simpulo fluctus excitare satagerem, & disputationem ex Theologica Grammaticam reddere per congeriem quisquiliarum & tricarum id genus. Quale quid Animadversor heroico suo ingenio, & spiritu sublimi, dignum judicavit dum *πρὸς τὴν τιλκαυγὴς* Operi suo Vocabulariorum & Lexicographorum observationibus totum distinctum & vermiculatum præfigere voluit.

XVII. His subjicit cavillum aliud, me eo quod disertè dicat, uti pro argumento ad id ipsum, quod dicitur impugnandum. Judicet verò Lector, quo jure. Docet Animadversor, *vim spiritus nihil aliud præstare, nisi quod mentem idoneam reddit, quæ objectum in Evangelio extrinsecus oblatum aspiciat*. Ex eo infero, *hac ratione totam hominis conversionem in ista operatione nobis ex parte Dei constituendam esse*. An ista ratiocinatio absurda? Quum enim conversionem aliam longè in Scriptura proponi docuerim, & primum illam non tantùm idoneam reddere ostenderim, quæ objectum in Evangelio oblatum aspiciat, sed & quæ actualem objecti contemplationem in ea producat. Deinde demonstrârim, præter operationem Spiritus S. circa mentem, secundùm Scripturam, & communem Theologorum nostrorum ex ea sententiâ, dari etiam operationem Spiritus S. peculiarem & immediatam in circumcisione cordis & purificatione ac reformatione affectuum: Annon eo ipso meritò absurditatis ream perago sententiâ, ex qua sequitur, totam conversionis hominis rationem in ista operatione inadæquata nobis ex parte Dei constituendam esse. Si dicat Animadversor, hanc meam sententiâ esse τὸ περὶ νόμῳ inter nos, satis mihi hîc erit, me evicisse, eam esse communem nostrarum Ecclesiarum, & ab Ecclesiis Gallicanis ipsis in Synodis Nationalibus approbatam, quæ dum Canones Dordracenos probârunt, probârunt etiam sententiâ, quæ non tantùm illuminationem intellectus in conversione ponit, sed & circumcisionem cordis distinctam ab ista illuminatione, ut  
patet

patet ex Canone x i , & quidem per *adversativam*. Nec sine *βασιολογία* aperta ista ibi confundi possunt : Antequàm itaque illationem istam meam absurdi arguere possit, probare debet, sententiam nostram plures operationes in conversione hominis & immediatas quidem constituentem falsam esse. Nec dubito, quin Orthodoxis omnibus gravissimè sit displicitura sententia, quæ Spiritui S. nihil aliud adscribit in conversione, nisi quod mentem idoneam reddit, quæ obiectum in Evangelio extrinsecus oblatum adspiciat. Nec me Animadversor urgere potest sententiâ suâ. Satis & mihi & iis omnibus qui ab ea sunt alieni, istam conversionis descriptionem ut inadæquatam & insufficientem, haudquaquam convenire Synodo Dordracenæ & Nationalibus Gallicis hunc actum è Scriptura decidentibus, ut à nobis demonstratum. Quicquid itaque illishactenus repugnat, erroneum nobis est, & obelo dignum. An etiam Animadversori æquipollent operatio Spiritus ingenerantis fidem, & tota hominis conversio? Si æquipollent, prout ea hîc pro talibus sumit, ergo vis spiritus ingenerantis fidem erit sanctificatio, quod alibi tamen sæpe negat, & pro absurdo habet. Immodò si vis Spiritus operantis in electis ut fidem in eorum animis ingeneret, & tota conversionis hominis ratio æquipolleant, quî fides potest exigi pro conditione salutis magis quàm conversio, immodò quî fides pro conditione conversionis sumi potest? Sic enim recurret conditio & conditionatum. Dicere, Deum conversurum hominem, modò credat, est dicere, Deum eum conversurum, modò convertatur, quem tamen novit non magis convertere se posse, quàm se ipsum exuere. Immodò si conversio tota hominis nihil aliud sit, quàm vis spiritus ingenerantis fidem, confunduntur planè vocatio efficax, & sanctificatio, & absurdè vocatio efficax distinguetur à sanctificatione etiam strictè sumpta in scholis Theologicis, quamvis alioquin non detur vocatio efficax, nec dari possit sine aliqua sanctificatione latè sumpta. Quis magis hîc attentus fuerit inter nos ad rem, iudicabit Lector. Non sine joco tamen iterum dimittendus eram, sed frigido & diluto.

XVIII. Verissimum verò, quod à me adjectum, *illud etiam idoneum reddi ad adspiciendum obiectum aliquod quod ex parte tantum corruptum, adeoque ex parte tantum curandum est*, exemplo laborantis *ὀφθαλμίου*, cujus oculi à Medico idonei redduntur collyrio aliquo adhibito, ut videat, impedimentis quibuscumque tantum remotis, at facultate præsupposita. Scriptura verò nos *cacos* vocat; & in meris tenebris constitutos docet, quibus etsi intellectu & voluntate præditis, ob summam tamen & ineluctabilem facultatum istarum corruptionem, & potentia facultatibus istis bene utendi restituenda est, & applicationis ejus ad actum ipsum gratia, adeo-

que & visus ipse restituendus, & tenebræ mentis omni modo remouenda. Quid reponit Animadverfor? A 1. Grammaticationem mihi objicit, quod *capacis* vocabulum junxerim cum *tertio casu*. Id scilicet multum facit ad Gratiam Vniuersalem! Et hoc & hîc tragicè exaggerandum erat, ut in quo fortunæ Græciæ sitz sunt, & in secunda Animadversionum Generalium parte de novo exagitandum. *Magnum crimen Cai Cæsar!* Actum scilicet de oppugnatore Gratiæ Vniuersalis! An hoc certamen hîc cernitur? Hæ verè *febriculosa observationes* sunt & putidæ. Sed conquirendum aliquid erat quod carperet, & cùm Theologiam meam heterodoxias accusare non posset, accusare saltem conatur Grammaticam meam. An & in ea hæresi locus? At sim licet imperitissimus elegantiarum, Latinitatis causâ tamen ob id hîc non cadam, quâ de agitur. Quàm hîc me carpat æque ac alibi ex mera ærugine, constabit Lectori ex Syllabo elegantiarum Animadverforis, & ex mearum hac in parte incongruitatum defensione, quam occupare ipse non debui, ne uterque ludibrium deberemus grave Lectori, si Theologorum par commissum in hoc circo videat circa argumenta id genus, & alterum ἀμείλυν τ' τελέειν, alterum verò ἀπολήθηναι τὸ κήσινον. Occupatuin etiam ultrò hoc pensum ab Eruuditissimo Juvene, Ioanne Beaumontio & adjecta mantissa (quod pace Animadverforis dixerim) à Filio. In his spatiis configere Theologorum non est. Nemesis tamen hîc in tergo fert Animadverfor, dum post istam quam notat stribiliginem Circensis instar pompæ magno cum apparatu productam Grammaticus vindex bis primis post ista lineis in artis suæ leges peccat, & partim orationem habet ἀνακάλυπον partim τὸ σόλοιον in ea. Schemate isto in antecessum præmisso, prolixam instituit dissertationem de *impotentia naturali & morali*, & de defectu vel facultatis vel rectitudinis in facultate. Hanc vel Philosophiam vel Theologiam exequitur Animadverfor aliquot paginis. Et sanè hoc argumentum bonam & Theologiæ & Operis Animadverforis partem facit, & adeò frequenter repetitur, ut non sit metuendum, quin hæreat altè Lectori. 3. Apud se intèrea non fuit, vel turbatus admodum Animadverfor in distinctionis istius, quamvis ipsi multo usu perquàm familiaris explicatione, dum dicit, pag. 297, 298. *impotentiam credendi vel consistere in defectu aliquo facultatum, quod impedit, tametsi adsint, quominus vim suam naturalem exerant*, dicere voluit, vel eam consistere in inopia facultatum, vel in aliquo earum defectu, qui impedit quominus vim suam naturalem exerant. Si quid tale mihi excidisset, Tyria maria concitasset Animadverfor & in me armasset totam Prisciani Scholam. 4. Addit, *etsi consisteret impotentia in facultatis inopiâ, non malè tamen eum loquuturum esse, qui dixerit, eam non esse idoneam*

*ad videndum.* At hoc dici non potest de ista impotentia specie, quia in ipso cæco est facultas videndi, & tantum vitium in organo. Nulla ergo in eo facultatis inopia, & exemplum malè applicatur. 5. Frustra addit, *tametsi vis illa spiritus facultatem amissam restitueret, posset dici, eam nos idoneos reddere ad objectum Evangelicum adspiciendum.* Neque enim de eo nulla nobis quaestio, ut fatetur paginâ sequente, an facultas nobis restituatur, hoc est, intellectus. Adde, me causam non præbuisse, cur id diceret, nec enim dixi illud solum, sed illud etiam idoneum reddi ad adspiciendum objectum aliquod, quod ex parte tantum corruptum est. 6. Sic frustra addit, *id quod nos facit impotentes ad credendum, consistere in facultatum illarum vitio atque corruptione, potentia ergo restitutionem consistere in vitii remotione.* Et hoc extrâ controversiam est. In applicatione quoque similitudinis prolixâ de ἐμφυλμίας, quam texit Animadversor, nec me ferit, nec causam nostram. Id tantum ἐν παρόδῳ notetur, parum appositè homines ad credendum minimè idoneos, quales sunt omnes non regeneriti, dici ab Animadversore, propè esse instar juvenum, quos Aristoteles non esse Auditores convenientes Politicos, inquit, quasi non alia planè sit impotentia hominis corrupti ad fidem, quàm juvenis alicujus ad audiendum & discendum Politicen. Atqui dantur sæpè juvenes qui judicio ætatem anteverrunt, & qui passionibus haudquaquam magis sunt obnoxii, quàm adulti multi ex singulari quâdam ἐφύα, vel ex educatione bene instituta. In eo etiam aberrat, quod id ipsum repetit nudè, quod sibi impactum noverat, & quod abstergendum erat, *quæcunque sit potentia restitutio nihil aliud eam prestare, nisi quod nos idoneos reddit ad objectum aspiciendum.* At hoc ipsum ἐμφυλμίας hinc est. Haudquaquam sanè à me negatum, homines per operationem Spiritus fidem ipsis ingenerantis reddi idoneos ad credendum, id tantum negatum, non plus homini dari, quàm illis detur ipse actus fidei, nimirum credere. Phrasin itaque illam & insufficientem esse, & ambiguitati obnoxiam, quia de illo etiam efferri potest, quod ex parte tantum curandum est, ut verbi gratiâ, quamvis homo videre possit & currere, si tamen leve aliquod vitium in oculis ipsius hæreat & pedibus, ille etiam potest dici eum idoneum reddere ad visum & cursum, qui vel externâ operatione lutum ab oculis illius extergit, vel velum ab iis amovet, vel fasciam expedit, quâ pedes ejus constricti prius erant. Melius itaque & plenius & convenientius ista Spiritus operatio efferri debuit, ne hac ratione rima aperiretur hominibus heterodoxis, vel corruptionem hominis non regeneriti extenuandi, vel extenuandi operationem Dei, in eo curando, quod duplex malum est, & gravissimum quidem. Id verò istâ observatione mihi propositum fuit, ut ei rei intercederem. Et

cùm ista phrasis, spiritum nos idoneos reddere ad credendum, & infra efficaciam istius operationis sit, & Scriptura magis emphaticis phrasibus eam describat, aliter ea Animadversori describenda erat.

XIX. Pergit Animadversor, & quoad summam rei addit: *Cum Scriptura nos cecos vocat, eam non intelligere nos carere facultatibus naturalibus, sed supponere nobis inesse facultates, quas aliqua corruptio præpedit.* De istis nulla lis, nec opus erat nos monere, Scripturam non intelligere homines carere intellectu, & voluntate, sed facultates istas in homine supponere. An enim dubium erat, Scripturam non censere homines esse cercopithecos, vel verè saxa super saxis in theatro, sed homines, adeoque necessariò intellectu & voluntate præditos. Addit: *Corruptionem illam, quâ facultates nostræ præpeditæ sunt, & quæ earum usum convenientem nobis eripit, non impedire vim ratiocinatricem, ut ne quidem τὸ λογίζεσθαι comprehendere possit, sed etsi vim illam nobis relinquat, impedire tantum, quominus objecto Evangelico assentiamur.* Eo modo enim inesse illis intellectum & voluntatem, non ut insunt furiosis, sed quo insunt in hominibus nequam, in quibus vis est rationis & consilii sed quam ad malum pertinaciter applicant. Et in eo nos consentire. At ut ut in rei summa bene intellecta hîc consentiamus, haudquaquam tamen consentimus in omnibus quæ hîc proponit. Nam reverâ corruptio ista, quâ facultates istæ sunt præpeditæ, & quæ earum usum convenientem multis eripit, sæpè vim ratiocinationis ita impedit, ut ne quidem τὸ λογίζεσθαι in Evangelio comprehensum videant. Sic dantur verbi gratiâ, homines stupidi, quibus centies liceat ingeras clarissimè dicta in Evangelio, illa tamen non magis capiunt, quàm si illis legerentur elementa Euclidis, vel doctrina de Euporia aut de Modalibus. Imò ipsi Christi discipuli, quamvis in schola ejus seriò enutriti non semper intellexêre τὸ λογίζεσθαι, & absurdum sensum affinxêre interdum etiam clavis Christi verbis. An Nicodemus etiam intellexit τὸ λογίζεσθαι, quandò Christus cum eo de regenerationis necessitate egit? An Capernaîtæ, quando manducationem carnis suæ illis proposuit? In eo etiam hallucinatur Animadversor, & graviter quidem, quod cæcitatem quæ in nobis est, confert tantum cum ὁφθαλμίας, quæ levis sæpe oculorum suffusio est vel affectus τῷ ὁφθαλμίζου-  
μεν, & species τῆς παραξίνου, secundum Medicorum filios, curabilis arte. Atqui ille etiam, qui ὁφθαλμίας laborat, potest adhuc videre pulchritudinem rei, & eam videt actu, quamvis debiliter, cæcus verò mente pulchritudinem Evangelii & τὸ καλὸν in eo haudquaquam videre potest. In eo quoque peccat, dum oculis omnino carentem facultate videndi carere censet, quod est ἀφιλόσοφον planè, nam nec ille cui effossi oculi, facultate videndi caret, quippe quæ inseparabilis est ab animâ. Oculi sanè ho-  
mini



mini effodi possunt, facultas verò videndi adimi nisi cum vita non potest. Non itaque planè cum eo consentio, ut videri vult. Et sanè ut cæcitate spirituales magis extenuat quàm oportet, conferendo eam cum simplici ὁφθαλμία: sic corporalem nimis exaggerat, quasi inducat privationem facultatis videndi. Sed vicinia Auditorii Philosophici proderit aliquando Animadversori. Vt verò cæcitas spiritualis plus est quàm ὁφθαλμία, sic etiam curatio corruptionis & restitutio potentie credendi plus est, quàm curatio ὁφθαλμίας, quæ curari potest ab homine, & per externa remedia, cæcitas spiritualis haudquaquam. Non itaque idem planè dico cum Animadversore, ut videri vult, & nihil praterea, immò si idem dico, quid opus prolixâ istâ digressionem, & cur me ita sentientem & loquentem perstringit? Cum cæcitate verò externâ conferre debuit internam, non cum ὁφθαλμίας tantum. Hanc ipsam sanè comparisonem retrò removi, dum ostendi, Scripturam nos cecos vocare, & dicere, nos in meris tenebris constitutos esse.

XX. Quum verò ostensum à me fuerit, descriptionem operationis spiritus in productione fidei non esse sufficientem, nec emphaticam satis, quando dicit, *vim Spiritus nihil aliud prestare, nisi quod mentem idoneam reddat, quæ obiectum in Evangelio extrinsecus oblatum adspiciat*. Regerit Animadversor, me idem dicere vim nimirum spiritus quæ tenebras remouet, quæ visum restituit, & potentiam bene utendi facultatibus intellectus & voluntatis, facere tantum ut capaces simus obiecto spirituali dignoscendo. At hoc tantum mihi pro sua liberalitate affingit Animadversor, & phrasès à me adhibitæ truncat. Sic enim à me dictum: *At Scriptura S. nos & cecos vocat, & in meris tenebris constitutos dicit, quibus etsi intellectu & voluntate pradiis, ob summam tamen suam & ineluctabilem corruptionem usus conveniens istarum facultatum & potentia iis bene utendi restitui debet, adeoque quibus visus ipso restituendus est & tenebra omnimoda mentis removenda, ut capaces esse possimus obiecto spirituali dignoscendo*. Annon itaque præter enuntiata ab Animadversore posui 1. Cæcitatem & constitutionem in meris tenebris in homine ratione nimirum obiectorum spiritualium, & agnitionis illorum convenientis, adeoque corruptionem moralem, quam vocat Animadversor, totalem, non defectum tantum aliquem similem τῇ ὁφθαλμίας. At mens potest idonea reddi ad obiectum adspiciendum, quæ ex parte tantum moraliter corrupta est. Quantum interest itaque inter expressionem corruptionis totalis & partialis, tantum interest inter dicta nostra. Nec sufficiet Animadversori excipere, se etiam ponere totalem corruptionem moralem in irrogenito, semper patebit, eam non sufficienter ista phrasi ab ipso expressam fuisse. 2. Haudquaquam designo, tantum mentem idoneam

neam reddi ad credendum, quod fieri quandôque potest, potentiâ jam præsupposita in subiecto, cui additur duntaxat impulsus quidam, ut illud ad actum hunc vel illum se proripiat, & in eò se excreat, sed etiam inculco, & potentiam ipsam morale bene utendi intellectu & voluntate concedi; & gratiam eam applicandi ad actum. Ergo idem non dico cum Animadversore, sed plus. Annon enim verbi gratiâ, Præceptor potest dici mentem discipuli idoneam reddere ad intelligendum objectum aliquod, id diligenter & perspicuè explicando, & anatomen ac descriptionem ejus accuratam instituendo, qui tamen potentiam bene utendi intellectu suo haudquaquam largitur discipulo? Frustraneum itaque cavillum Animadversoris super collatione phrasium *capacem* esse, & *idoneum* esse ad aliquid, quasi id unum velim à Deo in nobis effici, ut homini concilietur aliquo modo capacitas aliqua ad objectum dignoscendum. At novir, me præter collationem capacitatis intelligere collationem actualem actus fidei, & Deum non dare tantum idoneitatem ad credendum, sed & fidem ipsam, & visum ipsum restituere, non potentiam tantum videndi. Adde, à me poni, operationem immediatam Dei in voluntate ipsa, quod Animadversor etiam negat. Adde, *dignoscere objectum spirituale*, plus longè esse, quàm *adspicere objectum in Evangelio extrinsecus oblatum*. Posterius enim commune est temporariis, prius non item. Tò *dignoscere* enim illud à me hîc *practicum* intelligitur. Tò *adspicere* verò *theoricum* actum tantum insinuat. Diabolus & angeli ejus adspiciunt etiam objectum in Evangelio extrinsecus oblatum, id tamen haudquaquam *dignoscunt*, hoc enim respondet τὸ διαγινώσκειν, quod est δοκιμαζειν τὰ διαφέροντα & *practicè*, qualem δοκιμασίαν precatur Paulus Philippenfibus cap. 1. 9. sic διαγινώσκων est αἰρετήσεων aliquid cognoscere. Verba itaque mea longè disertiora & magis emphatica, quippe quæ ostendunt, per operationem spiritus & actum & potentiam videndi conferri. Adde *capacitatem* hanc à me sumi apertè pro capacitate non tantum interna, sed & efficaci, ut patet ex iis quæ de *tenebrarum omnimodarum* mentis remotione præmisi. Ille verò *idoneus* etiam reddi potest ad aliquid videndum, cui externum tantum adhibetur remedium. Vtut itaque verba quædam nostra videantur affinia, res tamen illis utrisque designata ab utroque nostrum semper diversissima est, ut patet ex oppositione sententiarum nostrarum in hoc etiam argumento. Idem verò etiam dicere possunt, qui tamen non dicunt idem. Nec enim verba metienda ex sono, sed ex sensu. Sin dicat, se idem voluisse exprimere, clarius & sine ambiguitate loquendum erat. Plus phrasi à me adhibita designari patet ex sententiæ meæ consideratione, minus verò designari ab Animadversore patet ex collatione sententiæ ipsius cum nostrâ.

XXI. Et quia à me adjectum, vim istam Spiritus non ita exiliter fuisse describendam, sed dicendum, eâ dari oculos ad videndum, mentem ad intelligendum, 1. Animadverfor, ne à more suo abeat, dicteriolum novum addit, me voculam istam (*vis*) ferre non posse, & eam stigmatè semper à me notari, quasi non licuerit mihi vocabulum & ἄχαρον, & obnoxium cavillis variis, ut minus proprium notare. 2. Addit dicterium dicterio, ne sterilis videatur in hoc argumento, me potuisse addere illam vim Spiritus dare etiam aures ad audiendum, naves ad olfaciendum, linguam & palatum ad gustandum, omne genus denique sensuum ad persensiscendum. Interdum enim Scripturam similitudines & loquutiones ex omnibus illis rebus desumere, ad virtutis illius Spiritus operationem significandam. An verò malè à me actum, quod cum Scriptura loquutus fuerim, & istam operationem verbis ipsis Spiritus S. expresseim? An peccatum etiam dicterio dignum foret, si & phrasés alias, ad quas reverà præit Scriptura, adhibuissim? Annon præstant λέξεις à Scriptura adhibitæ phrasi Animadverforis? An Scriptura copiosa nimis & luxurians, dum uno sæpe loco plures loquutiones congerit ad operationem illam Spiritus designandam? An verò malè loquitur, qui cum ea loquitur? De naribus & lingua Scriptura eo loco, quem allusi, similitudines non habet, & nonnisi oculos dari dicit ad videndum, & mentem ad intelligendum; non opus itaque erat ista adjici de naribus & linguâ per cavillum merum Scripturam æquè feriens ac nos. Demus etiam, idem designari oculis ad videndum & mente ad intelligendum, satis, nos Spiritus S. efficaciam verbis Spiritus S. exprimi potius debere censuisse, quàm verbis Animadverforis, & repetitione istâ magnitudinem divini beneficii designari. Et vel Scriptura malè loquuta (quod blasphemum) istam operationem geminatis & diversis quidem ac diversa significantibus phrasibus exprimendo, vel ego cum ea absolvendus sum ejus stylum imitando. Quærit etiam Animadverfor, quando Spiritus S. dicitur nobis dare mentem ad intelligendum, annon id significet, facultatem intellectus quam habemus, ita comparari ut intelligere valeat. Non sanè significat intellectum, hoc est, facultatem physicam nobis dari, significat tamen plus quàm hic exprimit Animadverfor, nimirum non tantum facultatem comparari ut intelligere valeat, hoc est, non dispositionem tantum aliquam novam dari ut possit intelligere quod propositum, sed & habitum novum, & gratiam actu eo bene utendi, & lumen à Scriptura acceptum actu applicandi ad objectum spirituale. Id verò phrasibus Animadverforis nec sufficienter nec adæquatè exprimitur, mentem idoneam reddi ad adspiciendum, vel mentem ita comparari ut intelligere valeat, quæ potentix collationem tantum adscribunt

homini, nihil præterea. Et semper hominum phrasin inferior est phrasi divinâ de re aliqua. Nam & is alium idoneum reddit ad adspiciendum, hoc est, intelligendum aliquid, & mentem ejus comparat ut intelligere valeat, qui simpliciter ei aliquid exponit, & declarat, quamvis nullam facultatem vel habitum vel lumen internum ipsi det, minus actualem ejus applicationem. Enervat verò nobis Animadverfor loquutiones Scripturæ S. dum merum ibi *antecedens* poni fingit pro *consequente*, iis dici mentem dari ad intelligendum, quibus id datur ut intelligant aliquid. Et falsum, eos qui *aliquid non intelligunt, putari mentem non habere*. Id enim & particulare & malè putatum. An quia Euclidis vel Algebræ demonstrationes non intelliguntur ab Animadverfore, vel subtilitates feudales, vel Arabica aut Turcica lingua, ob id putandus est mentem non habere? Et si det tantum spiritus, ut intelligat homo corruptus, præsupponitur illum habere potentiam moralem nimirum ad objectum spirituale intelligendum, sed à Spiritu S. tantum fieri, ut applicetur ad actum. At debet dari & potentia, vel facultas, vel habitus moralis homini corrupto à Spiritu, & simul à Spiritu debet ad actum excitari & permoveri. Plus ergo est dari mentem ad agnoscendum, complectitur enim collationem & potentiam (moralis nimirum, ne cavilletur Animadverfor) ad credendum, & gratiam ejus ad actum deducendam, dare verò ut intelligat aliquis, ostendit tantum potentiam jam præsuppositam inclinari ad actum. Immo fieri potest, ut qui idoneus redditur ad aliquid intelligendum, tamen illud non intelligat; cui verò mens datur ad intelligendum, & tum potentia moralis rectè intelligendi, tum actualis ejus applicatio, prout hic à nobis explicatur, in eo efficitur ut actu intelligat, & infallibiliter quidem. Falsum ergo, impropiam esse locutionem, quando dicitur dari homini mentem ad intelligendum; *Mens* enim ibi sumitur, non pro *potentia physica*, sed & pro *potentia morali*, & pro dono eam actu applicandi ad objectum spirituale. Et sinet nos semper Animadverfor cum Scripturâ loqui, & ejus phrasin & sapientiæ suæ & eloquentiæ anteferre. Propriis etiam phrasibus non improbamus vel illum, vel ullum alium uti, ubi illæ sunt *adæquate*, & sufficienter exprimunt mentem Spiritus Sancti.

XXII. Additum inter alia à me, ut ostenderem phrasin ab ipso adhibitam insufficientem esse; illum etiam hominem idoneum reddere ad videndum, qui velum aliquod vel fasciam oculis ejus admotam admoveat, & qui fenestram aperit, vel faciem externam præfert. Sic hominem idoneum reddere ad cursum qui vincula solvit, vel portam aperit, & agit extra hominem, quamvis non agat in homine, nec quicquam virium illi conferat, vel ullam in eo mutationem producat. Hic verò Animadverfor,

for, 1. Verba mea corrupta exhibet, qui non de *illa in eum mutatione*, sed de *ulla in eo mutatione*, locutus fui. 2. Grammaticatur circa verbum *causandi* pædagogicè, quòd *apud bonos auctores non occurrat eo significata*: fatetur interea id sanè in usu esse apud Scholasticos: Quasi verò in disputatione scholastica uti non liceat terminis Scholasticis! Et quasi minus mihi hîc cum illis & post illos uti liceat, verbo *causandi*, quàm Animadversori vocabulis *sanctificator*, *contractio cum ætæ ad fœdus*, *horribilissimum*, *impetratorius*, *inexcusabilitas*, *mediatorius*, *identitas*, *aptitudo*, *simultaneitas*, *futuritis*. Quærerem ab Animadversore, ubi ista magis apud bonos Auctores occurrant, si grammaticari in Theologia vellem. Quod indignum Ordine nostro. Addit meritò *verum ad rem*: Nota enim ista verè extra rem. Talibus enim vitiligationibus totum Animadversoris opus, ut ut Longolio magis Ciceronianus audire velit, totum est refertum, quæ tamen in disputatione non moramur, morositatem & iniquitatem tantum hominis miramur, qui licentiam Scholarum barbarie inficitias qualvis mutuandi sibi concedi vult, ad quas horruissent aures Ciceronis, meum verò μέγα λίαν ἔγκλημα esse censet, si & ego, qui ita Ciceronianus esse nec affecto, nec jactò, ex hispidiore Scholarum vepreto spinas aliquas in iis frequenter quandoque legam. 3. Excipit, idoneum habere suam *ἰκαρότητα*, vel *οἰκειότητα* vel *ἑπικειρότητα*, vel *δαιμόνητα*, vel idoneitatem atque aptitudinem denique (nam tot vocabulis opus erat) in aliqua vi & qualitate inherente; non in rebus externis, & ad naturam ipsius nihil pertinentibus constitutam: Me verò docere debere, eum cui porta aperitur idoneum reddi ad currendum. Inde ad locum suum communem dictionum digreditur, & quærit, an talis ad currendum reddatur idoneus, etiamsi captus sit pedibus. Quærit etiam; si includatur homo cavea, & deinde cavea janua recludatur an reddatur sic homo idoneus ad volandum. Splene vehementer nimis commoto, & concusso jocularibus istis quæstionibus, bilis ipsi tandem erumpit, & multa quidem; Addit enim: *Male sit illi, quæ tam multos incescit, alienos labores carpenti libidini!* Pergit verò adhuc integrâ periodo paratragœdiare, & tempestatem excitare in concha! *Idoneum verò illum, inquit, esse ad aliquid, cum facultate infra aptus est ad id faciendum, vel admittendum, ad quod prædicatur idoneus.* Mitionem hîc mallems quàm Severum esse Animadversorem, & minùs in re nihili vel vernilitatis vel irarum habere, & bilem suam in dogmata potius heterodoxa, quàm in vocabula minùs ad gustum & genium ipsius expressa effundere; Mitescet forrè, cum tempore, & nos ipse ulciscetur, ubi ad se redierit, & animadvertet nihil causæ fuisse, cur hîc ita exasperaretur. Idoneum sæpe dici aliquem ad aliquid *à vi & qualitate inherente*, haudquaquam negatum à me unquam fuit; tantum verò ali-

quem idoneum, à vi & qualitate interna dici, falsum. Idoneitas enim ad rem aliquam perficiendam opponitur impedimentis, quæ intercedunt quominus hæc vel illa res fiat. Qui ergo impedimenta aufert, quæ intercedunt quominus res fiat, agentem idoneum reddit ad agendum. Nec negamus, id primò vel præcipuè illum facere, qui interna tollit; secundariò verò demum, eum qui tollit externa. Sin idoneitas ad aliquid consistit tantùm in vi aliqua & qualitate inhærente, non in rebus externis quandoque, & ad naturam alicujus non pertinentibus; malè omnino Cicero Lib. 11. *Offic. divites vocat idoneos homines, qui indigentibus de re familiari impertiantur*: & *tempus* dicit idoneum, & *locum*, quæ utique externa sunt ratione rerum agendarum. Scilicet divitiæ vis interna sunt & qualitas inhærens! Annon verò divitiæ reddunt hominem idoneum, quia tollunt externum impedimentum exercendæ virtutis & referendæ gratiæ, nimirum paupertatem. Tantus Ciceronis helluo ignorare istud non debebat, ut nec, nihil frequentius apud Ciceronem & bonos auctores alios esse istâ phrasi hoc sensu usurpatâ. Sic exordium testatur ista Suadæ Romanæ medulla animum auditoris *idoneè comparare*. Scilicet exordium vim & qualitatem aliquam internam efficit in Auditore, ut possit audire & excipere orationem! An ille etiam *ἑπιτήδειος* ad cursum dici potest, qui habet pedes constrictos loris insolubilibus? An ille qui oculos squamis vel velo obductos habet, dici debet *ἑπιτήδειος* ad visum? Originationem idonei *ἀπὸ τῆς ἀρετῆς* discent dubio procul Philologi, & Vocabulariis suis inferent in futurum, qui tamen non parum propiores & veriores origines docent istius vocabuli: Sed ista *λεπτολογήματα* fori nostri non sunt. Ille verò demum *ἑπιτήδειος* vel *ἰκανός* debet dici ad aliquid agendum, qui omnia impedimenta removeere potest, quæ possunt intercedere suæ actioni; Vel qui iis aut caret, aut superior est, & in quo activitas major est resistentiâ vel *resistibilitate* patientis, ut & hoc est Scholarum barbarie, cum præfatione veniæ apud Aristarchum meum mutuari mihi liceat. An etiam dixi, eum vel solum vel etiam tantùm idoneum reddere alium, qui portam ei aperit. Annon præmissi illum hoc *etiam* facere qui vincula solvit? An etiam à me dictum, eum cui porta aperitur reddi idoneum ad currendum, *etiam si captus sit pedibus*? An hoc est candidè agere, talia asserere Adversario? Quæstio est, an sufficiat dicere, spiritum mentem idoneam reddere, ad aspiciendum objectum in Evangelio propositum. Negavi illud, quia phrasis ista etiam de eo dici possit, à quo externa tantùm impedimenta remouentur, verbi gratiâ, cui vincula solvuntur, cui porta aperitur. An verò qui hoc dicit, id intelligit de homine pedibus capto, & non de homine facultatem currendi habente?

Egregia



Egregia etiam ex illo quæstio ! Si hominì caveæ incluso recludatur janua, an ille reddatur idoneus ad volandum ? An enim ad hoc homo liber, & caveæ non inclusus, ulla ratione idoneus ? An etiam sola animalia, quæ volandi facultatem & usum habent, caveæ includuntur, & omnia illa quæ caveæ inclusa videntur, censerì debent habere facultatem volandi ? Tædet vitilitigationum id genus, ne quid dicam gravius. Hoc scilicet est ostendere, hominem non posse dici idoneum reddi ad cursum, quia non potest reddi idoneus ad volandum, si caveæ porta ei recludatur ? Revera malè sit huic tam jejunæ & miseræ disputandi rationi. Idoneus sanè ille primò est ad aliquid, qui facultate insitâ aptus est ad id faciendum, ad quod prædicatur idoneus. Id quidem nunquam à me negatum ! Annon verò etiam is qui opes dat homini virtute prædito, eum idoneum facit ad exercitium liberalitatis & beneficentiæ, quamvis nullam ei facultatem internam inferat ? Annon ille qui pus removet è vulnere, & comprimit labra ejus, ut sanies & sanguis putridus exprimatur, dici potest idoneum reddere vulnus ad coalitionem & sanationem, sine ulla collatione facultatis alicujus internæ ? Annon qui Euclidis elementa & Matheseos principia & fundamenta alicui exponit, illum idoneum reddit ad discendam castrametandi artem, & ad exstruenda ac dimetienda munimenta ? An ob id & ille qualitatem aliquam illi infundit ? An qui Principis ingenium & inclinationem animi alicui repræsentat, & eum doceat quâ ratione occupandus sit & quæ sint *mollia* apud ipsum *tempora* *san- di*, non potest dici illum idoneum reddere ad id, quod petit à Principe, consequendum ? An qui animum Principis præparat & mitigat, ut benignè hoc vel illud audiat, non potest dici idoneum reddere Principem ad faventiorē audientiam ? Frustrà verò regerit Animadversor distinctionem suam solemnem *facultatis physica & ethica* ad credendum (quam *tam sæpe* à se jam productam ipse adeò severus & immitis repetitionum osor fatetur & *idoneum reddere hominem ad credendum*, inquit, qui alterutram ei largitur : nec enim de eo quæstio ; sed, an virtus quam Deus exerit, quando in homine fidem operatur, adzquatè & sufficienter describatur istâ phrasi, *quod idonea reddatur* ejus mens ad credendum, cùm ista phrasis efficeretur etiam de re quæ est extra hominem, & non in homine, nec ullam in eo mutationem internam producit. Nec etiam Deus *tantum constitutionem laudabilem inspirat*, per quam homo aptus sit, ad Evangelii veritatem admittendam, sed & per quam actu illam admittat : potest enim homo aptus reddi ad aliquid vel dicendum, vel discendum, vel faciendum, qui tamen id non semper præstat. Sic aptus reddi potest adolescens, ad congruè & ornatè dicendum, præceptis necessariis instructus,

qui tamen haudquaquam congruè vel ornate dicit, eò quòd nec ingenium intendat, nec industriam ad hoc ipsum præstandum. Ut ut itaque Spiritus intellectum in homine non efficit, efficit tamen plus in eo quàm idoneitatem aliquam in mente illius, ad aspiciendum id quod proponitur in Evangelio. Si Animadversori videatur melius me facturum fuisse, si *observationes* illas, quas appellat, *leviculas* omissem; at mihi id non videtur, nec videbitur, ut confido aliis, & veritatis rerum, & phrasæ Spiritus S. & proprietatis vocabulorum, quibus res quæque exprimenda, studiosis, præsertim ibi, ubi agitur de describenda efficacia gratiæ in conversione hominis, quam interest adæquatè & sufficienter describi, quia hinc periculose erratur; & quia illa extolli debet, non deprimi, & divinis potius phrasibus efferri quàm humanis. Si tales etiam *observationes leviculae* sint, quæ tamen spectant dogma inaximi momenti, scilicet ad decisionem quæstionis de gratiâ universali multum faciunt, sublimes illæ observationes in quibus duas partes fermè sui operis generalis contrivit! Addit tamen, observationes illas non esse *idoneas*, in quibus disputator gravis diutius immoretur. Et sic revera vel falsum dicit, eas tales, hoc est, leviculas esse, vel ostendit se *disputatorem gravem* non esse, qui paucissimis verbis vel lineis integras super hoc argumento opposuit paginas.

XXIII. Oppositum etiam à me Dissertatori, *quum vis illa Spiritus qua fidem ingenerat in solis electis operetur, & sine ista vi, mens idonea esse non possit, qua objectum in Evangelio oblatum aspiciat, an Deus istud objectum illis salutare esse velit, in quibus istam vim haudquaquam exerere voluit, sine qua æquè impossibile est illos salutare ac si illis objectum nullo modo propositum fuisset?* adeoque doceri, voluntatem Dei universalem omnes & singulos salvandi, & redemptionem universalem omnium & singulorum sub conditione fidei, ex una parte, ex altera universalem cæcitatem, corruptionem, & impotentiam insuperabilem ad objectum spirituale cognoscendum & amandum: particulare etiam decretum de malis id genus in solis electis curandis. Adeoque vel priora esse neganda, vel posteriora. Quid ad ista Animadversor? 1. Stomachatur, quòd *ἡ τὸν Βλαύον* argumenter, quasi id non licitum foret disputatori, secundum leges disputandi, quasi etiam directè à me non fuisset responsum. 2. Argumentum meum truncum repræsentat, & contrahit pro arbitrio, & queritur Id sesqui-paginam implere, cavillo adjecto; quasi verò vel illicitum foret vel vitiosum dogmatibus alicujus absurditatem ostendere, conferendo id paullò accuratius cum aliis ejusdem Auctoris dogmatibus, & dicere illa in se arietare, & ἀδιάντα esse. An interea ego latiniosè scribam vel disputem, an Animadversor, judicium erit Lectoris. 3. Repetitionem etiam ejusdem argu-

menti

menti mihi impingit, vitiosam sanè, si argumentum nullius sit commatis, haudquaquam verò talem, si solidum sit & stringat nodum. Et dum de repetitionibus meis quiritatur, ipse, pro responsione, repetit distinctionem, & sæpius ab ipso allatam, & sæpius à me refutatam, de idoneitate (quam reddit *δυνάμει* vel respectu *facultatis*, vel respectu *habitus* qui est in facultate : Et si homo non esset idoneus ad cognoscendum respectu facultatis ; hoc est, si non haberet intellectum, Deum non posse illi objectum salutare esse velle : Posteriores verò impotentiam non obstare quominus Deus id possit velle. Et id quidem *centies à se negatum, & negandum in æternum*. Egregia verò responsio & digna tanto aliorum certiore ! Huc enim tota redit, impotentiam facultatis solam obstare, *physicam* nimirum, non *ethicam* videlicet impotentiam rectitudinis in facultate, quominus Deus possit velle salutare esse homini objectum Evangelicum. At, annon ista ex æquo impotentia est & æquè incorrigibilis ac physica ? Hoc sanè ipse cogitur sateri. An verò sapientis est, scire talem esse impotentiam in subiecto, nec posse non esse, & tamen eâ conditione aliquid ipsi proponere, ut salvetur, modò non in eo sit. Qualibus enim Deus salutem per Euangelium velle dicitur ? Illis qui tali impotentia & quidem incorrigibili à salute consequenda arcentur in perpetuum. Quomodo verò illis potest utilis esse ista propositio ? Si non arcerentur istâ impotentia ; Et quamvis nullâ aliâ ratione iis utilis esse possit, tamen iis destinari & offerri, eâ intentione iudicatur, ut salventur, qui conceptus miri sunt & portentosi. Si quis placita id genus digerere possit, verè *χαλκίνεον* illum esse oportebit : à nemine verò sano impetrabit, quin habeatur pro cerrito vel pro lymphatico. Queritur etiam, *me nihil novi adferre*, quo demonstrem id non bene negari, quod nego. At novis non opus est, ubi vetera & jam allata ad confutationem sufficiunt, quæ prius evertenda erant rationibus quàm petenda nova, quod unum tamen bonus disputator facit. Scilicet id Deum decebit, quod hominem vel insanum ostenderet, vel histrionem, & merum alienæ miseriæ irrisorem ! Homini morali impotentia toto occupato & invincibili quidem per naturam, offerre salutem sub conditione ne eâ sit occupatus ! Satis enim esse facultatem naturalem non abesse. Quid ergo obstabit, quominus cæco rectè dici possit lumen proponi eâ intentione ut videat, quia cæcus habet facultatem naturalem videndi, & est corruptio tantum vel vitium in organo, eâ utendi ? Quod absurdum eo majus est, quum longè minor sit impotentia ista, quæ est in oculis cæci quàm est impotentia illa moralis Animadversoris, in intellectu & voluntate hominis corrupti, ut quæ aversionem includit ab omni remedio. Et quia *in æternum* se in sententia ista

ista perstiturum nobis edicit, veritatis confessio ingenua ab hoc *Pelide* obstinationem professio expectari non debet. Negare aliquid cæteroquin centies, si sufficeret ad confutationem, nã cerdo quivis & olearius in Velabro eximius foret disputator! Nullo verò vel ingenio, vel industriâ Animadversorem se ex hoc nodo expediturum, iterum, & confidenter quidem, dico. Id verò haudquaquam ab eo fieri ex examine sequentiũ, quæ subjungit, constabit.

XXIV. Excipit interea: 1. *Lucem offerre cæco sub ea conditione dummodò videat, non congruit cum eo quod salus dicitur hominibus offerri in Euangelio sub conditione credendi. Nam in Euangelio res qua offertur ita differt ab ea qua sub ratione conditionis exigitur, ut nec sit idem cum ea, nec sit propriè objectum circa quod versatur operatio mentis, qua fides appellatur. Aliud enim est promissio, quam fides apprehendit sub ratione veri, aliud salus ipsa, qua promissionis apprehensionem sequitur longo sortè intervallo. At si visus offeratur cæco sub conditione videndi, res promissa & conditio coincidunt: si lux offeratur sub eadem conditione, ad quod offertur est objectum ipsum actionis videndi. Lux enim cerè videtur eodem ipso momento, quo videndi potestas exierit sese & erumpit in actum. At nec hic conatus felicior aliis. Nam 1. Comparatio à nobis adhibita, appositæ est, si ulla, comparatur enim lumen externum in Euangelio oblatum cum lumine externo, oblato, homo corruptus cum cæco, illi intendi dicitur bonum in Euangelio oblatum, nimirum salus, sub conditione, ut oculos mentis aperiat, quos tamen propter impotentiam invincibilem, cujuscunque illa generis esse dicatur, aperire non potest, non magis quàm cæcus. Eventus enim utrobique est ἐν τῇ μὴ ἐνδεχομένῳ, ut loquitur Animadversor, in quo uno comparatur, isti, nimirum cæco, dicitur intendi hæreditas aliqua sub conditione ut aperiat oculos, & illam videat. Illi, nimirum moraliter corrupto, intendi dicitur salus, sub conditione ut credat! Annon verò appositè partes omnes comparationis sibi respondent?* 2. Pervertit apertè Animadversor verba mea, dum mihi assignit, quasi dicam, *lucem offerri cæco sub ea conditione dummodò videat*. At disertè hic scripsi, idem esse ac si diceretur, *lumen cæcis proponi & omnia maxima illis promitti sub conditione ut aperiant oculos & objecta proposita videant*. Annon itaque hoc congruit cum eo quod salus dicatur offerri in Euangelio sub conditione credendi? Annon maxima bona cæco proposita respondent salutis, apertio oculorum ad adspiciendum, conversioni mentis ad objectum in Euangelio adspiciendum? Quàm parùm ingenuè itaque hîc detorquet Animadversor dicta mea, ut declinet vim argumenti cæteroquin invicti! Frustra ergo est, dum addit, *in Euangelio rem que offertur ita differe ab ea qua sub ratione conditionis exigitur, ut nec sit idem cum ea, nec sit propriè* obje-

*objectum, circa quod versatur operatio mentis, qua fides appellatur.* Annon distinxī apertissimē *maxima bona* collata cum re quæ offertur in Euangelio, ab eo quod sub ratione conditionis exigitur, nimirum ab apertione oculorum? Egregia etiam ista ratiocinatio, & sublimi Animadversoris genio digna! *Rem ita differre ab alia, ut non sit idem cum ea*, hoc est, Hominem ita differre à cucurbitā ut non sit idem cum ea. Annon verò satis eo ipso patet, quod differre dicitur aliquid ab aliquo, id non esse idem cum illo? An etiam à me negatum, rem in Euangelio oblatam differre ab ea quæ sub ratione conditionis exigitur? Annon in tota disputatione quam opposui Dissertatori, distinxī salutem à fide, & ostendi salutem proponere alicui sub conditione fidei, quem scias fidem nec habere, nec habere posse, & cui illam dare nolis, si possis, esse illi salutem non proponere eā intentione, ut salvetur. An debuit etiam excipere Animadversor *rem in Euangelio oblatam non esse propriè objectum circa quod versatur operatio mentis, qua fides appellatur*? An res in Euangelio oblata non est salus? An fides nostra non amplectitur salutem oblatam in Euangelio? At, inquit, aliud est promissio quàm fideles apprehendunt sub ratione veri, aliud salus ipsa. At cuius rei promissio illa est quam fideles apprehendunt, Animadversor? Annon salutis? Dum ergo mens promissionem apprehendit, an non apprehendit salutem in promissione? Annon promissio est *ἐκ τῆς πίστεως* & alicujus promissio? Et annon illa salus est in Euangelio sub conditione fidei proposita, *crede & servaberis, omnis credens, salvandus*? Estne hoc etiam disputare seriò, dicere, aliud esse promissionem, aliud, salutem ipsam, & *istam nim. salutem promissionis apprehensionem sequi longo fortè intervallo*. An verò verba & syllabæ promissionis apprehenduntur per fidem, annon potius *salus* in promissione proposita & oblata, hoc est, bonum felicitatis? Annon dum fides apprehendit promissionem sub ratione veri, apprehendit simul salutem, ut verè oblatam in promissione? An seriò etiam addit, *salutem sequi longo fortè intervallo promissionis apprehensionem*! Quid id ad rem? An sequitur ob id, aliam salutem in promissione apprehendi, quàm quæ sequitur, quocunque intervallo sequatur. An verbi gratiā, si Princeps promittat gratioso dignitatem, pater filio adoptivo hæreditatem, modò fidem sibi habeat uterque, annon illa ipsa dignitas vel hæreditas in ista promissione apprehenduntur, quam tales postea consequuntur, etsi longo fortè intervallo interjecto. Et quid hoc facit ad probandum rem in Euangelio oblatam non esse propriè objectum, circa quod versatur fides? Ut verò conditio differt à salute, nimirum fides, sic & apertio oculorum differt à *maximis bonis* cæco oblatis. An verò ex his sequitur, posse cæco *maxima bona* promitti sub conditione ut

aperiat oculos? Vel corrupto moraliter salutem sub conditione, ut credat. Videt Lector, quas tricas inanes nectat Animadverfor, tantum ne nihil dicere videatur. Talia sunt quæ sequuntur, quæ ostendunt, omnem ingenuitatem Animadverforem nostrum abdicasse, in hac disputatione. At si visus offeratur cæco, inquit, sub conditione videndi, res promissa & conditio coincidunt? An verò id à me dictum? Annon maxima bona promissa sub conditione apertionis oculorum à me distincta fuere à visu, vel apertione oculorum? Immo annon tria à me aperte distincta 1. Lumen oblatum. 2. Maxima bona promissa. 3. Conditio videndi vel aperiendi oculos exacta? An ergo dixi visum offerri cæco sub conditione videndi? Febriculosas id genus argumentationes Animadverfori relinquimus, in quibus res promissa & conditio coincidunt; nimirum Deum hominem impotentiam morali laborantem curatum velle, modò eam non labore, & morbum ab eo ablatum, modò bonam ejus parte careat, & actum hominis jam ex parte sani edat, eumque salvum velle qui credere non potest ob istam impotentiam, modò credat. An lucem etiam dixi offerri sub eadem conditione? Annon dixi, frustra lumen cæcis proponi & omnia maxima illis promitti, sub conditione ut aperiant oculos, & objecta proposita videant? An idem etiam sunt, lumen propositum, hoc est, *objectum* videndi, & apertio oculorum, hoc est, *actus subiecti* circa illud objectum. Quid etiam ad disputationem nostram facit, *lucem esse objectum ipsum actionis videndi*? Annon semper comparatio salva manet? Ut maxima bona proposita frustra offeruntur cæco sub conditione ut aperiat oculos, sic salus frustra in promissione offertur homini moraliter corrupto, adeoque qui eam adspicere ut oportet, nec potest, nec vult, nec id velle potest, sub conditione ut eam adspiciat. Nescio etiam, num probare possit Philosophis accuratioribus phrasin suam, *lucem esse objectum videndi*. At lucidum objectum est visionis, non lux. Illud propriè objectum est, *quod videtur*, ista, id tantum *quo* videtur aliquid. Et sanè lux vel lumen non videtur ut *quod*, sed ut *quo*, ut Scholæ loqui solent, & luce tantum videtur objectum & per lucem.

XXV. Addit Animadverfor: *Etsi alia quæpiam à luce diversa promitterentur cæcis sub conditione videndi, ne sic quidem comparationem propterea minus claudicarent. Nam cæcum, etiamsi maximopere nitatur, non posse videre tamen, idèoque excusabilem esse, si minus videat. At fides quæ exigitar ab hominibus, inquit, postquam semel objectum revelatum est, res est quam homines præstare possent, si animo ac voluntate conmitterentur. Itaque inexcusabiles esse si eam conditionem non præstant. At 1. Posito, alia quæpiam à luce diversa promitti, ut id revera posui, comparatio planissimè sibi constat. 2. Frustra*  
aliam



aliam innuit esse rationem *cacitatis naturalis & moralis*, nec enim utraque à me exaequata, sed comparata tantum in eo, in quo utriusque non est alia ratio. Quæ digressio denuò habet *ignorationem elenchi*. Vbi enim quæso supponit vel argumentatio vel comparatio nostra, utramque impotentiam esse ejusdem generis, vel omnia habere similia, vel utramque esse excusabilem ex æquo. Ista omnia extra rhombum sunt, & à nobis sæpius non tantum indicata, sed etiam ingeminata. Quæstio tantum in eo versatur, an non æquè absurdè salus dicatur proponi in Evangelio homini impotentia istà morali correpto sub conditione ut credat, ac legatum proponi cæco, naturali istà organorum impotentia laboranti sub conditione ut id videat? Credere enim, ut notum, est actus hominis impotentia morali non laborantis ex parte saltem, & illius tantum in quo illa jam secundum quid curata est. Hic pes figendus, & non comparationes alie querendæ, de quibus quæstio non est. Mera itaque ista fuga est, & declinatio illorum quæ controversa sunt. 3. Possiet in transcurso etiam notari, tam accuratum Disputatorem non decere, dicere, cæcum niti ut videat, si enim ille verè cæcus sit, & se talem sentiat, non nitetur ut videat. Novit enim vitium suum non esse sanabile ullo collyrio, arte ullà humana, nisi stolidus simul sit & insanus. Patienter itaque ferat vel *αἰτίχνημα* suum, ut pœnam *αἰτίχνηματος*, si sapiat. Sanè ubi miraculis locus fuit, cæci ad Dominum & Apostolos confluxère, ut curarentur. Extra casum illum, cæcus, qui insanus non est, non prodiget operam suam vel peculium suum inutili inquisitione remedii morbo desperato curando. Nec semper cæcus excusabilis est, si minus videat. Potuit enim se suà vel *αἰσουλία* in hoc malum præcipitasse, vel suo scelere effecisse, ut oculi ipsi effoderentur.

4. Quid etiam hoc? *Fidem qua exigitur ab hominibus rem esse, quam homines præstare possent, si animo ac voluntate conniserentur.* Annon ipse hic aperte peccat diluta ratiocinatione, qualem mihi falsò impegit, *conditionem* nimirum confundendo cum *conditionato*? Quid enim est *animo ac voluntate conniti ad credendum*, quàm credere? Annon nifus mentis & voluntatis ad credendum jam fides est, inchoata saltem, homines ergo præstarent fidem, si eam præstarent. Tanto acuminis licet ita contemptim habere alios! 5. Si etiam fides res est, quam homines præstare possent, si animo ac voluntate conniterentur, querimus ex Animadversore, an irrogeniti ita conniti possint sine tractione Dei vel non: si id possint, ista tractio non necessaria est, ut quis veniat ad Christum. Si id non possint, idem hoc est ac dicere, si paralyticus conniteretur se è grabbato suo exigere, *Æneas* claudus surgere & in gyrum saltare, futurum, ut hæc facerent.

6. Si etiam fides res est, quam homines præstare possint, postquàm semel

objectum revelatum est, quid fiet illis quibus id nec revelatum, nec per  
 ætatem etiam revelari potuit, quales sunt innumeri? 7. Quid est illa im-  
 potentia moralis, quæ impedit quominus homo semper bene agat, quàm  
 Rutilia & malitia affectata, secundùm ipsum Animadversorem? Revera  
 igitur vel ipse non connititur animo ac voluntate, ut illam exuat, quod  
 hominem pium & sani iudicii non decet, vel ab omni *impotentia morali*  
 adeoque ab omni peccato planè liber est, & ἀναμάρτητος, quod an sibi tri-  
 buat Animadversor, nos docebit.

XXVI. Addit: *Promissionem, quàm maximorum bonorum* (sepositâ ex-  
 cusabilis vel inexcusabilis ratione, quæ revera hîc seponenda, ut de  
 quâ non queritur,) *cæcis factam dummodo videant, non congruere cum promif-  
 sione salutis quâ de agitur.* Observet hîc Lector, me ab ipso Animadverso-  
 re sui parùm memore absolvi, nec à me confusam fuisse conditionem &  
 conditionatum, sed maxima bona, ut conditionatum, vel eorum promissionem  
 distincta à conditione, quæ est apertio oculorum. Quæ verò causa cur hæc  
 non congruunt? Quia, inquit, non convenit sapientia naturæ intelligentis ad-  
 movere atque applicare objecta ad ea subiecta, quorum facultates nullam omnino  
 habent cum objectis analogiam, ut si applicaretur objectum sensibile rebus sensibus  
 destitutis, & objectum intelligibile rebus intellectu carentibus. Talis autem est lux  
 cum cæco offertur ad videndum. Nullam enim cæcus facultatem habet quæ cum  
 luce analogiâ consentiat. At, non disconvenire naturæ sapienti, offerre objecta sub-  
 iectis prædictis facultatibus cum eorum naturæ & ingenio congruentibus, ut quum  
 offertur lux oculis, sonus auribus, demonstratio intellectu prædictis. Et si eni-  
 facultas illa intellectus prædicta est impedimento aliquo affectato atque voluntario,  
 non tamen propterea perit analogia quæ intercedit naturaliter inter facultatem  
 quæ volūntas est, & objectum quod est voluntas. Sed & ista exiguo molimine re-  
 tundi possunt. Nam 1. Si non convenit sapientiæ naturæ intelligentis  
 applicare objectum ad ea subiecta, quorum facultates nullam omnino  
 habent cum objectis analogiam, sapientiæ divinæ non convenit, hominî  
 naturaliter corrupto, & in peccatis mortuo proponere objectum, quod  
 videri non potest nisi ab illis qui non sunt ita corrupti, nec mortui in pec-  
 catis. Nec enim facultas moralis quæ in corrupto est, ullam habet analo-  
 giam cum objectis id genus. Nec sufficit tales habere intellectum, satis  
 intellectum illorum cæcum esse moraliter secundùm Animadversorem,  
 nec posse objectum illud videri nisi ab eo qui non cæcus est moraliter.  
 Et idem est applicare objectum sensibile rebus sensibus destitutis, & ap-  
 plicare objectum intelligibile rebus intellectu carentibus, & objectum  
 spirituale applicare subiecto facultate spirituali; hoc est, omni rectitudi-  
 ne intellectus & voluntatis destituto. 2. Ἀφίλστος etiam, idem esse  
 lucem

lucem offerre cæco ad videndum, & objectum sensibile rebus sensu destitutis. Cæcus enim is dicitur, in quo *privatio* visus, non *negatio* qualis est in re sensu destitutâ. In nullo verò subjecto sensu destituto *privatio* datur sensus, sed *negatio* pura. Nec quis lapidem cæcum dixerit nisi ineptiat, cum privatio connotet subjectum *δεληγόν* illius vel habitus, vel qualitatis, in quo privatio datur. Vnde in cæco semper datur actus primus, vel *διωκόμενος φυσική*, defectus verò tantum est in organo. An tale quid etiam in subjectis sensu destitutis respectu objectorum sensibilium? An itaque dici absolute potest, quod facit Animadversor, sed incaute admodum, *cæcum nullam facultatem habere qua cum luce analogiâ consensiat*? At facultas videndi inseparabilis est à cæco, æquè ac intellectus ab homine.

3. Si non disconvenit naturæ sapienti offerre objecta, subjectis præditis facultatibus cum earum natura & ingenio congruentibus, disconvenit illi utique, offerre objecta subjectis non præditis facultatibus cum earum natura & ingenio congruentibus. At facultates hominis corrupti non congruunt cum objectis spiritualibus in Evangelio oblati, quia homo animalis non potest intelligere nec dijudicare ea quæ sunt Spiritus Dei. Ut ut itaque intellectum habeat, eo ipso quo ille in spiritualibus cæcus est & corruptus, & invictè quidem, intellectus ita cæcus & corruptus, adeoque planè carnalis nullam habet analogiam cum objecto spirituali. Nec quicquam juvat dicere, *facultatem intellectus præpeditam esse impedimento affectuato & voluntario*, satis est, illud æquè invictum esse & incorrigibile, ac impedimentum planè naturale in cæco, quod ipse fateri cogitur, & naturam sapientem nōsse, illud tale esse. Nec melioris commatis est quod addit, *non propterea perire analogiam qua intercedit naturaliter inter facultatem quā νοητική est, & objectum quā est νοητόν*. An ergo analogia est inter hominem cæcum spiritualiter, & objectum spirituale? Et quæ illa? Et an major analogia hîc quàm inter cæcum corporaliter & objectum lucidum corporale? An unum ex his objectis magis in sphæra unius est quàm alterius? An si τὸ νοητόν habeat analogiam cum facultate νοητικῇ, sequitur τὸ νοητόν spirituale habere analogiam cum facultate νοητικῇ hominis corrupti? Falsum itaque, erit, quod Paulus tradit, *ψυχὴν ἀνθρώπου, non sapere ea quæ sunt Spiritus Dei, & non posse ea nōsse, quia spiritualiter dijudicantur*, 1 Cor. 11, 14. Et sanè ea, inter quæ intercedit ejusmodi analogia, talia sunt, ut facultas νοητικῇ possit reduci ad actum ex se, vel per causas secundas alias, saltem sine miraculo, & istud objectum νοητόν amplecti. Ergo idem facere poterit homo spiritualiter corruptus, & poterit dijudicare objectum spirituale ut oportet, & mortuus in peccato poterit edere actum vitalem. Immò, ut cæcus, quamvis habeat adhuc facultem αἰσθη-

*lux*, quæ analogiam semper habet cum τῷ αἰσθητῷ, non obstante istâ analogiâ, nunquam potest videre objectum αἰσθητὸν per naturam; sic non magis homo spiritualiter cæcus objectum spirituale, etsi habeat adhuc facultatem νοητικὴν, & objectum ex se sit νοητικόν. Quæ enim est analogia intellectus, ad intelligibile, simpliciter consideratum, ea tantum est analogia intellectus luce spirituali collustrati ad objectum spirituale. Nec sufficit, dari facultatem intelligendi in subiecto, quippe quæ si corrupta sit, prout hic corrupta est, non magis cum objecto spirituali analogiam habet, quàm oculi talpæ cum luce solari, vel facultas apprehendendi in infante cum pondere centilibri ad id tollendum. Immo cum Apostolus disertè profiteatur, spiritualia tantum spiritualiter discerni, analogiam istam tollit, nec illa vel datur vel dari potest in homine ψυχικῷ, & destituto isto iudicio spirituali ad spiritualia objecta discernenda.

XXVII. Addit Animadversor: Non congruere comparisonem, si à consideratione sapientia ad considerationem bonitatis seu misericordie procedamus. Non enim convenit, inquit, sapientia natura intelligentis admoveat atque applicare objecta ad ea subiecta, quorum facultates nullam omnino habent cum objectis analogiam; ut si applicaretur objectum sensibile rebus sensibus destitutis, & objectum intelligibile rebus intellectu carentibus. Talis autem est lux cum cæco offertur ad videndum. Nullam enim cæcus facultatem habet, quæ cum luce analogia consentiat. At non disconvenit natura sapienti offerre objecta subiectis præditis facultatibus cum earum natura & ingenio congruentibus; ut quum offertur lux oculis, sonus auribus, demonstratio intellectu præditis. Etsi enim facultas illa intellectus prædita est impedimento aliquo affectato atque voluntario, non tamen propterea perit analogia quæ intercedit naturaliter inter facultatem quæ νοητικὴ est, & objectum quæ est νοητικόν. At I. Sive aliquis cupiat frui bono aliquo, sive non, non potest convenire ulli bonitati serix, velle benefacere cuiquam, & tamen non remove impedimenta quæ prohibent quo minus is frui possit eo bono quod offertur, si scias eum non posse cupere bonum illud, & habere hoc vitium incorrigibile ex se, & hanc potissimam esse partem morbi ipsius. Et sanè ejus conditio eo deplorabilior est, quod non tantum id non cupiat, sed etiam non possit cupere. Prout verbi gratiâ, phrenetici conditio longè inferior est, quàm ægri alius, quia non cupit sanari, nec potest illud cupere quamdiu phreneticus est. Talem itaque velle sanare, modò id cupiat, est illum nolle sanare. Serix sanè bonitatis est, omnia impedimenta remove, ut ille cui bonum aliquod vis, eo frui possit, & inter alia impedimentum potissimum quod est corruptio ista voluntatis & appetitus. Quale etiam objectum est quod Deo offertur, cui dicitur bene velle? Annon homo ita miser, qui non potest cupere frui

frui bono quod ipsi offertur? Sub qua tamen conditione id ei offerri censet Animadversor? Nimirum si eo cupiat frui. An tale quid Dei bonitati adscribi potest, nisi ab illis qui pudorem omnem decoxere, & sunt ἀπερρώτους τὴν ἀναιδέαν? Hæc interea digna est tantis triumphis & tot præniis Theologia, hæc subtilitas *Doctōris irrefragabilis*! 2. Dicere, *per eum unum stare, quominus homo irregentus bono illo potiatur, per ipsius vel supernam socordiam, vel superbiam intolerabilem*, est idem aliis verbis repetere. Quum enim ista socordia & superbia sit incorrigibilis in homine, & Deus nōrit, eam talem in eo esse, an seriò illi dicitur velle bonum, non correcto isto vitio in eo sub conditione ne in eo sit? Et quale objectum Deo proponitur? Annon homo ista socordiâ & superbiâ totus occupatus? Et annon hæc pars mali est, & potissima quidem? Et Deus vult hominem istum salvari, modò isto gemino malo non sit totus occupatus; quo tamen non occupatus esse non potest. Id verò miserimum, quod non possit non stare per hominem istum, quo minus bono isto potiatur. An etiam per unum hominem stat, quominus bono isto potiatur, annon Deus posset faciliè mutare ipsius mentem & voluntatem? An per nos etiam liberos infantes Gentilium inter crepundia sua extinctos id stat? An per alios, quibus Christus nunquam propositus, quominus illi Christum amplectantur? 3. Nequicquam excipit, *etsi bonitas eo usque non perveniat, ut vel socordiam excutiat, vel superbiam, non desinere esse bonitatem, negationem enim ulterioris gradus in bonitate, non continuò tollere gradum ceteriorem*. An hoc est seriò agere cum Lectore? Quæritur de bonitate non absolutè, sed ἀπλῶς, & cum relatione ad hoc objectum ita corruptum & ita miserum. An hoc seriam bonitatem arguit, objecto ita constituto, quod non potest morbum suum ex se agnoscere, & remedium cupere, beneficium illi velle sub conditione ne ita comparatum sit, & ut morbum suum agnoscat, ac remedium? Si quis Lectissimæ illi quam cum luctu merito extulit Filix in morbo desperato restitutionem valetudinis pollicitus fuisset, sub conditione, vel ne parte morbi laboraret, quâ tamen laborabat, vel ut actus aliquos ederet, qui non nisi à muliere sana præstari potuissent, vel ut sine peccato esse, aut vitio morali, & interea istam suam bonitatem & promptitudinem in ea juvenia summoperè extulisset, potuisset verò etiam eam sine conditionis unius exactione restituere, noluisse tamen, an Animadversor quæso à se impetrare potuisset, ut hominem istum vel seriò restitutionem filix velle censeret, vel bonitatem ejus commendatione illâ dignam existimaret, & non merum potius ludibrium, vel jactationem inanem? Exemplum hoc domesticum propono eo tantum finc, ut Animadversor in se descendat, & videat philosophe-

ma istud de gradibus bonitatis hic locum non habere, quando gradus bonitatis inferior nec sufficit, nec sufficere potest ad curationem mali, & idem esse, gradum istum inferiorem adhibere, & non adhibere, & nec se, nec ullum alium, in casu particulari, qui nos tangeret propius, bonitatis istum gradum inferiorem, ubi superior exeri posset, habituros pro seria bonitate, sed actum vel dignum potius mimo & histrione, quàm homine probo vel viro bono. Bonitatis gradus, si seria illa sit, debet proportionem habere cum malo ut indigentia, quæ per eam curanda vel tollenda.

XXVIII. Subjicit Animadversor: (ita enim concisus est in hoc argumento) Non congruere illam cæci comparisonem cum eo quod sit in Euangelio? Quid ita? Et quid obstat quominus congruat in eo cujus gratia adhibita est? Homo, inquit, qui cæco maximum bonum polliceretur sub ea conditione si videret, vel id faceret sine ullo affectu benevolentia erga cæcum, vel ad eam rem benevolentia sensum aliquem afferret. Prius illud, inquit, si faceret, non ageret serid, saltem quoad cæcum ipsum attinet. Fortean enim uti Christus sicui maledixit, ut discipulos edoceret, sic aliquis lucem ingereret cæci oculis, vel hortationes surdi auribus inculcaret, ut eos commonefaceret qui valent oculis, vel sunt auribus à natura donati. Deus autem certè id non facit. Neque enim ludificatur miseros mortales inani ostentatione benevolentia quam nullam habeat, neque verò proponit Euangelium iis, in quibus vim illam sui spiritus non exerit, ut iis prosit tantum in quibus eam virtutem explicare decrevit. Nollet enim, addit, in *δοτδοτ*, sanè non electos ad salutem invitare eo animo, ut electorum saluti inservirent, suam ipsi condemnationem redderent multò cumulationem. Posterius homo si faceret, benevolentia conjuncta esset cum aliqua animi perturbatione, qualem vehementes affectus nonnunquam creare solent: ut cum Barbari defunctis amicis cibum & potum ingerunt, incitati desiderio incondito atque inconsiderato: quæ affectus perturbatio nonnunquam in eos incidit, qui nihil minus sunt quàm Barbari, ut mortuos alloquantur, & in aliis rebus desiderio & agitudine elati sapientiam cum benevolentia haud satis accommodant, donec assu ille animi confederit. Postquam acquieverit, re diligentius considerata id facere desistant. At Deus cum salutem offert hominibus sub conditione fidei, id facit vacuus ab omni perturbatione, & inductus solà illà *φιλαδευμία* quæ ab initio hominem prosequutus est. At 1. Qui cæco polliceretur quàm maxima bona sub ea conditione si videret, non posset serid dici ullum benevolentia affectum ad hoc adferre respectu cæci, quemcunque simularet verbis. De quo quæstio, non de utilitate quam alii inde capere possent, sed de ea quam inde capere posset cæcus, an tale quid offerens cæco, bonum illud serid illi velit, ut comparatio nostra id ponit in *δοτδοτ*: 2. Quia Deus non inani ostentatione be-



nevolentia ludificatur miseros mortales, quam nullam habeat erga eos, non potest dici illis velle salutem, de quo uno quaestio est, quos novit inemendabili ista corruptione & impotentia ad eam perveniendi, cujuscunque illa sit ordinis, totos occupatos esse. 3. Falsum, Christum non proposuisse interdum Evangelium, ut iis tantum prodesset, in quibus virtutem suam explicare decrevit, quamvis alii in quibus eam explicare non decrevit, illud etiam audiverint. Præterquam quod substituitur falsus finis prædicati Evangelii, nec enim ab ullo nostrorum dicitur, Deum proponere Evangelium iis in quibus vim sui Spiritus non exerit, eo tantum fine, ut iis prosit, in quibus eam virtutem explicare decrevit, quia priores non sunt per se objectum Evangelii, & finis prædicati Evangelii primarius & per se est conversio electorum, propter quos prædicatur. Idcirco enim Paulus mittitur Corinthum, quia populus Deo multus erat in urbe ista. Act. xviii, 10. Eorum tamen occasione alii etiam sæpe Auditores redduntur Evangelii, idque varios ob fines, qui ipsosmet spectant, quos retrò examinavimus, prout agricola intendit semen projicere in agrum, ut fructum ferat, per accidens verò fit ut cadat etiam pars quædam seminis in viam, vel super solum petrosolum. Quamvis respectu Dei nihil per accidens fiat, & istius prædicationis certi dentur fines respectu præteritorum, Evangelium tamen salutare duntaxat esse potest credentibus & quia præteriti inevitabiliter sunt futuri increduli, utique Deus id illis salutare esse non vult. Si fas nobis sit, remittere hunc Animadversorem ad Doctores illos, ad quos Theologiam suam potissimum refert & eos audire placeat, differentes super fine Dei in annuntiatione Evangelii ratione reproborum, audiet Calvinum dicentem in caput Actorum xx. *Hic mirabile Dei consilium notare oportet, quod opera pretium esse, qui vult interdum reprobum Evangelium proponi, non ut inde quidquam proficiant, sed magis, ut reddantur inexcusabiles.* Audiet Musculum, dicentem in caput vii, ad Rom. *Evangelium vocationem esse prædestinatorum, & non reproborum.* Et vocationem Dei includi tantum præfinitos ad salutem. Iam quis dubitet, addit, *Evangelii Ministrum ac præconem, dum ad vitam vocat, nullos posse alios spectare, quam quos Deus ad vitam vocat.* Quem locum integrum totam doctrinam Animadversotis evertentem exscribemus alibi, ut videat, an ad Heroas istos ut suæ doctrinæ defensores provocare in futurum ita liberaliter debeat.

4. Falsum etiam, Deum non electos nunquam invitare eo animo, ut electorum salutem inserviant, & suam ipsi condemnationem reddant multò cumulatorem. Annon id factum, quando Christus hostibus suis obstinatis sæpe proposuit verbum suum, quia in turba erant in qua electi quidam reperiebantur, per quod verbum isti salvati, & illorum condemnatio

natio tantum reddita cumulator. Quod vel præter aut contra intentionem Christi contigit, quo nihil absurdius, vel ex ea & secundum eam.

4. Nulla benevolentia seria posset vel fingi in homine, qui vel non insaniret, vel non malus esset, si Adonibezeco cuidam mutilo promitteret sceptrum, sub conditione ut pollices integros haberet & in circo curreret vel instrumentum musicum pulsaret appositè! An de Deo minus honestè nobis sentiendum loquendumve? Comparationem in talibus procedere secundum ea, secundum quæ comparantur, & unicè quidem, retrò demonstratum dedimus. 5. Barbarorum & perturbatorum exempla ἀπειροσθένους, nec enim in Deo heteroclitum quid vel indecorum concipi debet, quale quid in illis locum habet. Nec docendi eramus, Deum facere quod facit vacuum ab omni perturbatione. 6. Deum salutem offerre hominibus (omnibus scilicet & singulis, nam hoc ad statum quæstionis, ex sententia Animadversoris necessariò subiutelligendum) sub conditione fidei, falsum & τὸ ἐν ᾧ, nec explicabile respectu innumerorum, qui nec beneficii, nec conditionis notitiam ullam habere potuere. Et Deum id fecisse inductum solâ φιλανθρωπίᾳ, universali nimirum, est etiam ipsum ἀμφισβητέμελον, immò si id fecisset inductus istâ φιλανθρωπίᾳ, vel bonitate sub conditione fidei, tale quid actu obtulisset vel offerri curasset omnibus, & iis conditionis ipsius gratiam fecisset.

XXIX. Novâ verò adhuc digressionem opus erat ante hujus sectionis finem. Illam nobis sufficit Animadversor. Quum enim, inquit, duo genera creaturarum intelligentiâ præsidentium condidisset, Angelos atque homines, eas ita benevolentia suâ complexus est, ut hominum genus in ea priores partes procul dubio teneret. Quæ res eum induxit, ut hominibus mundum subiceret, Angelis minimè. Postquam igitur utrumque illud genus creaturarum lapsus est ab origine suâ, Angelis omnem instaurationis spem præcidit, erga homines φιλανθρωπίαν illam eatenus conservavit, quoad illis redemptorem offerret, per quem instaurari iis liceret, dummodò eum non aspernarentur. Affectui igitur illi sapientissimo, & ab omni perturbatione vacuo initio obsecutus, nunc in eo perseverat, & eo usque perseverabit, dum nemo supervit ex toto genere hominum cui suam illam φιλανθρωπίαν, quamvis diversâ, aliquâ tamen ratione, non ostenderit. His etiam stricturæ quædam debentur, Denique Angelis lapsis relictis in sua corruptione, φιλανθρωπίαν erga homines eatenus conservasse, quod illis Redemptorem offerret, per quem instaurari iis liceret, dummodò eum non aspernarentur: comparatè verum, simpliciter, ex sententia Animadversoris, falsum, & τὸ ἐν ᾧ, sive Dei φιλανθρωπίαν universalem esse ad salutem erga omnes & singulos homines statuat, sive istum ejus actum, oblationem nimirum Redemptoris censeat esse universalem. 1. Offerre Redemptorem hominibus

corru-

corruptis, quem non possunt non aspernari ob corruptionem suam inemendabilem per naturam, ut per eum instaurari iis liceret, dummodo eum non aspernentur, est eum illis non offerre. 3. Adde voluntatem non aspernandi Redemptorem esse ex beneficiis ipsius instaurationis, per Redemptorem iis promissis quibus Redemptor datus. Illi aliàs offerri Redemptorem qui non potest non eum aspernari, nisi per illum ipsum Redemptorem ab ista mala voluntate curetur, est Chirurgum offerre homini plagis variis lethalibus toti confecto qui se eum curaturum pollicetur, sub conditione, ne unâ ex illis, quæ inter præcipuas est, affectus sit, quod à scena nihil abest. 4. Deum affectui suo obsequi, ἀνυπόλογον, castigatius nobis & religiosius de Deo loquendum æquè ac sentiendum, nec melior vel phrasis vel assertio, Deum in eo perseverare eousque, hoc est, ad certum tempus. Nec enim qui à nobis concipiuntur affectus Dei, ut nostri sua habent intervalla, periodos suas, nec tale quid sine aliqua Dei mutatione concipi potest. 5. Neminem ex toto genere humano esse, cui suam illam φιλανθρωπίαν (ad salutem nimirum de qua quæstio) quamvis diversâ, aliquâ tamen ratione, non ostenderit, centies repetita assertio Animadversoris est, nec in eo quicquam præter meram asserendi præfidentiam. Excutiat ille rotam subtilitatis suæ pergulam, & sinus ejus omnes, & categoricè nobis ostendat, quâ ratione Deus φιλανθρωπίαν illam suam ad salutem ostenderit iis inter Tapuias & Toupinamburtios & alias id genus gentes, quos è parentibus à gratia fœderali prorsus alienis nasci & extingui ante usum omnem rationis & sensuum etiam voluit? Qui hætenus nodum hunc nobis expedire conatus sit, videbit & judicabit Lector ex collatione disputatorum à nobis Cap. xiv. Partis primæ.

XXX. Addit tandem: Nec enim adhuc finis, & super cæcis adhuc colluctandum. Non congruere exemplum cæci cum eo quod sit in Evangelio. Si quis enim, inquit, cæco quàm maxima bona offerat, sub ea conditione, modò viderit, homo ille esset, cujus ingenium, & motus animi & agendi rationes aliis hominibus notæ & perspectæ esse possent: quamobrem de iis fidenter pronuntiare, non esset admodum vel difficile vel periculosum. At in negotio illo Evangelico agitur de Deo, qui cum tam clarè testatur nostras à sui vias & cogitationes tanto intervallo diffidère, quippe cum sit & naturâ immensâ, & sapientiâ impervestigabili, & bonitate inexhaustâ, & consilio inexplicabili, etsi esset in ejus agendi ratione aliquid quod accuratè comprehendere non possemus, non ita tamen magnificè de ingenio nostro sentire deberemus, ut id nos offenderet. Sed & hîc Andabaticam pugnam pugnat Animadversor. Nam 1. Ingenium & motus animorum hominum perspectos posse esse aliis, κατὰ λόγον, falsum, & tum demùm locum habet, quando peccus suum renudant vel verbis,

vel factis. Sapientes enim ac rerum gnari, callidi etiam ac versuti multa sæpe agunt, quæ aliis perspecta non sunt, & qui alia omnia illis curæ & cordi esse censent. 2. Absit, ut ea quæ impervestigabilia in Deo, vel scrutari velimus vel definire: De iis tantum agimus, quæ Deus de se in verbo suo enuntiavit, ubi amorem suum proponit non universalem, sed particularem, æquæ ac effectus ejus. Et sanè, tota & creationis omnium in & ex uno, & quidem corrupto, & lapsus & instaurationis œconomia particularem istum affectum docent, ut demonstratum dedimus. De talibus itaque & ex talibus disputamus quæ Deus nobis aperta esse voluit, non operata, vel testata supparò suæ majestatis & gloriæ. Ito itaque obtentu, quod viz Dei nobis sint impervestigabiles, sua commenta nobis obtrudere, & in locum communem de Dei immensitate grandibus verbis excurrere, est, Lectores omnes suos Abderitas fingere & Bæotós. Nihil sanè offendere nos debet in ea agendi ratione, quam Scriptura à Deo adhibitam docet, sed ea admittere hoc prætextu, quæ non docet, & quorum opposita docet, id verò non est Dei Majestatem venerari sed conspuere. Ex hoc principio Pontificiis & Hæreticis quibusvis proclive foret dogmata sua tueri, transubstantiationis absurda, accidentium sine subjecto existentiam & conservationem, corporis Christi *πλυντοριαν* in Missa, & distantiam à se ipso, & innumera id genus defendere & persuadere, istis nos offendi non debere, ob vias Dei impervestigabiles! Nihil sanè in Religione ita crudum vel dilutum proponi potest, quod non hæc *αὐτομάτως* admittendum foret. 3. Absit verò, ut ita magnificè de ingenio nostro sentire velimus, ut omnes Dei vias & agendi rationes explicatas dare nos posse arbitremur. Confitemur libenter & suspicimus τὴν σοφίαν τοῦ Θεοῦ, & ἀνεξεργαστήν & quidem in multis. Immo hoc nomine proscindimur à plerisque in negotio de Prædestinatione, quia abyssum istam consiliorum Dei hinc adorandam censemus non scrutandam, & jus Dei *αὐτοκράτορος*, ejusque exercitium, quod ratiociniis nostris perquam durum esse videtur, in hoc mysterio intercedere docemus. Contra Animadversor sanè perquam magnificè de ingenio suo sentit, ut qui in Libello suo de Prædestinatione eo fine Tractatum istum à se institutum indicat, ut omnia in hoc argumento plana essent, & aperta, nec haberet humana ratio quod opponeret. Et absque eo fuisset, Theologia nostra hispidæ semper mansisset & hirta ac horrida. Præterquam verò quod id minimè omnium assecutus fuit, sed novos duntaxat nodos nexuit, & Theologiam nostram reddidit ridiculam, & in se ipsam incurrentem, ipse parùm sui memor, pro luce illa quam adeò liberaliter promittebat in hoc negotio, quando se premi videt & urgeri dubiis variis, vel ad vias imper-

vestigabiles Dei confugit, vel ad diem iudicii solutionem istarum difficultatum, quas sine causa nexuit, nos expectare jubet. Si etiam viz Dei revera impervestigabiles sunt in hoc argumento, non magis ipse eas pervestigare poterit, quàm nos, nec suam nobis Theologiam unquam obtudet, quin regerere nobis æquè liceat ista βαρύνει & Θεω & vias illas impervestigabiles.

XXXI. Concludit tandem Animadversor post mæandros & spiras istas omnes, opus supererogatorium à se præstitum, quod se ex absurditate expedivisset qua nulla est. Id verò æquè mirum ac Τυνος, unius è Pontificiorum cœlitibus, illis litibus componendis destinati virtus, quæ vel nullæ sunt, vel jam compositæ. Si enim nulla est absurditas, quæ se ex ea expedivit? Sin ex ea se expedivit, illa non nulla est. An etiam, qui confutationem scripti alicujus & integram quidem molitur ac pollicetur, non tenetur diluere absurda suæ sententiæ impacta & omnia quidem? At, inquit, me nullo argumento demonstrasse id esse absurdum, quod statuit. Ipsa verò res & ejus tum elucidatio tum comparatio à me instituta satis demonstrarent τὸ ἀπίστον, absque aliis etiam demonstrationibus nostris foret. Et quis unquam audit ad demonstrationem unam, aliam accedere debere demonstrationem, ut demonstratio illa demonstretur. Quis finis hoc ratione litigiorum sperari posset? Bene verò Vlpianus, quicquid demonstrare rei additur satis demonstrata, frustra esse. Si etiam à me objectæ difficultatem non habent, nec absurdum est id quod ei tanquam absurdum impegit, cur paucis lineis plures opponit paginas, & ita operose hoc argumentum exsequitur? Satis erat negare, hoc absurdum esse, ullo à me argumento demonstratum. Odi, inquit ille, nimium diligentes. Si id fecit, ne putarem, me posse neclere nodos quos alii non dissolverent, revera nihil unquam magis me confirmavit in hac opinione hos nodos à me nexos insolubiles esse Animadversori, quum magnum istum, & nihil nisi grandia omnia spirantem cum Grandione Senecæ Athletam inutilibus ictibus auras laceßere demonstrârim. Nodus interea semper idem manet, immò magis adstrictus, & verè ἄρρηκτον nunquam solvendus Animadversori, utut omnes ingenii vires intendat. An verò aliquid vel industria vel ingenii hic superfluat Animadversori, judicabit Lector candidus. Suspecta verò meritò, immò rejectitia planè nobis nova ista Methodus, quæ tot absurda secum verrit. Nec hominum plus quàm par erat suspiciosorum vitio suspecta est, sed suo & Defensoris malam causam malè agentis, & ἀντιπερίτροπος plurima cumulant in ejus defensione. Importunas cogitationes meritò appellat, quæ ipsitales, & quæ novæ potius μετὰ θεὸν quàm μετὰ τὰ θεῶτα & τὰ ὑποτάλα detegunt. Si etiam ista quam defendit Theologia, metho-

rhodus tantum est, cur pro Euangelio & veritate se velut Martyrem proponit alibi, & *hostes gratia Christi* illos appellat, & capitales quidem, qui placita ipsius admittere nolunt. Putat verò à se illas *cogitationes importunas absterfas & deletas*, sed putat revera, & nihil prætere. Congessit enim lutum, non absterfit, & maculas maculis cumulavit. Sic ex fulloniâ sæpe in carbonariam itur. Nec aliter fieri potest. *ἐνδὲς αὐτοῦ ποιεῖται τὰ δὲ αὐτοῦ*. Brevitatem interea Animadversoris miretur Lector, & conferat hîc disputata cum Anterotate nostro LVI, & videbit ibi à me pleraque jam occupata, quæ hîc denuo nobis reponit Animadversor, ibidemque demonstratum, in quo consistat comparationis à nobis institutæ ratio inter corporaliter & spiritualiter cæcos. Interea responsionis loco & hætenus disputata dissimulat, & meras nobis rhetoricationes ac digressiones opponit. Si Medici lectionis & confutationis Anterotate nostrorum laborem ipsi interdixere, memoriæ tamen & veracundia in talibus regerendis usum ei interdicare non debuere.

## CAPVT VIII.

## Vindiciarum Responsionum ad VII. Erotema, Sectio III.

De objecto Evangelico, an sit, indeterminatum & universale, vel non.

## BREVARIUM Capitis octavi.

**Q**Uærela Animadversoris. Iniquitas illius offensæ. Parenthesi à me inserta, vindicata. Exemptiones Animadversoris confutata. Ratio à fastidio Lectorum absterfa & retorta. Repetitionum & prolixitatis nota excussa & retorta. Iudicium Animadversoris iniquum de gente sua. Convitium impactum & illi & aliis. Fastidii nota ab Exeritationibus ab ipso Animadversore absterfa. Retricitatis mea objectio retorta. Inani responsionis & nidas institutio excusatio. Impotentia credendi universalis & intentionis salutis universalis dogmata adhaerens. Corruptionis humana gravitas ab Animadversore enervata. Capitis VII ad Romanos depravatio notata. Objectio de parenthesi ad rem non accommodatâ, discussa. Animadversor revocatus ad lineam. Impotentia ab objecti defectu convellit Gratiam Universalem objectivam, æquæ ac impotentia à defectu subiecti. Objectum Evangelicum non esse indeterminatum probatur. An objecti Evangelici propositio possit statui universalis. An natura sit ejus præco. Impotentia à me notata causa & finis. An à me proposita verisimilia tantum sint, non vera. Distinctio à me allata, vindicata. Qui dispensatio objecti Evangelici humana à me dicta. Determinatio objecti Evangelici probata. Unde objecti Evangelici destinatio metienda sit. Loca Exechnielis & Iohannis inutiliter repetita. An diverso sensu idem non possit vocari dispensatio divina & humana. Qui determinatum vel indeterminatum statuerim objectum Evangelicum Voluntatis arcana & revelata distinctio inutiliter adhibita. Limitatio à me adhibita, probata. An decretum divinum arcanum dici debeat alterum caput



*Euangelii. Quid primò concipiendum in propositione objecti Euangelici. Universalitas Gratia ex dictis ab Animadversore confutata. Qui appareat primò creditum objectum Euangelium determinatum & indeterminatum. Qua doctrina coniungenda sit cum propositione objecti Euangelici. Vnde metienda sit res aliqua. Quid electis antequam credant, sentiendum sit, quid non. Exempla allata. Exemplum fidei Animadversoris excussum. Qui objectum censere potuerit universale, qui non. Propositiones universales non inferunt intentionem universalem, sed nexum universalem. An creditis amplectatur objectum ut universale & indeterminatum. Indefinitum male confusum cum universali. Determinata Dei voluntas super salute hominum probata. Scrupulus Animadversoris super dispensatione humana excussum. Scrupulus aliis affectatus, explosus. Quid à Spiritu Dei actus concipiat, quid non. Scrupulus idem retortus in sententiam Animadversoris. Dilemmatis ab eo propositi examen. Quale iudicium concipiendum sit de objecto Euangelico. Ejus universalitas eversa. Oblatio Christi sub conditione fidei particularem ejus distinctionem inferit. Universalitatem gratia à credente statui non posse, probatur, nec absolute nec sub conditione. Varia ejus rei demonstrationes. Universale secundum quid confusum cum simpliciter tali. Quid ex propositione, Omnis credens, servabitur, exculpi possit, quid non. Dilemma geminum oppositum Animadversori. An propositio objecti Euangelici nullo discrimine pertineat ad omnes. Dogma de aequalitate mortis Christi propositum. Suppositio Animadversoris falsa. An consideratio latitudinis extensivæ objecti Euangelici necessaria sit ad ejus amplexationem. Syllogismus ex Animadversoris sententia constructus. Ejus examen. Elenchi varii notati. Gratia Universalis confutata. Illatio absurda, notata. Censura injusta Animadversoris retorta. Iniqua ejus querela de distinctione barbara. Allata à me distinctio, vindicata. Universalitas destinationis objecti Euangelici confutata. Absurda sententia Animadversoris. Auzexia notata. An prævisto fidei ingreditur rationem decreti. Elenchus oppositorum notatus, & inanitas decretorum multiplicatio. Suppositio Animadversoris falsa de decreto redemptionis, ut primo. Sententia opposita Ecclesiarum nostrarum. Electio ex fide prævista ab Animadversore perperam posita. Verba ejusdem retorta contra Gratiam Universalem. Decretum absurdum Deo assitum. Processus ridiculus notatus. An decretum arcanum determinet objectum Euangelicum ut universale ex se. Decreti Dei particularitatem quoad objectum Euangelicum, probata. Falsum fundamentum sublatum ab Animadversore. Sententia nostra exposita & vindicata. Suppositio Animadversoris falsa. Qua credituri debeant esse cogitationes. Ordo in annuntiatione Euangelii observandus. Quid à primò credente apprehendendum. Secundum Animadversorem novit credens, etiam ante primum actum fidei objectum Euangelicum sibi designari. Dilemma oppositum Animadversori. Quid ad primam objecti Euangelici propositionem, credendum sit, quid non. Dilemma aliud oppositum Animadversori. An prædeterminatio credenti non sit nota, quum primum credit, imò antequam credat, ex sententia Animadversoris. Qui fides signatur in primo actu. Conceptus universalis gratia ante fidem, confutatus. Repetitio jam confutatorum, notata. Ordo decretorum ab Animadversore constitutus, ab eodem eversus. Aequalitas mortis Christi ab eodem eversa. Exceptio Animadversoris discussa & confutata. An argumentum à negatione precum Christi procedat ad negationem satisfactionis. Calvinus oppositus Animadversori. Oris doctorem causa ab eo proposita, excussa. Falsa suppositio notata. Tò cò dèx<sup>a</sup> propositum. An Christus satisfecerit pro hominibus quà talibus. Revelationem objecti credendi & exactionem fidei particularem esse, probatum. Animadversor sibi ipsi oppositus. An Christus satisfecerit pro mundo invivande ad fidem.*

*fidem. Falsa notiones afflita Christo. x̄p̄us ab Animadversore statuta, inter se commissa. Qui plurimi Christo morituro objecti fuerint. Absurda Evangelio afflita, & ejus propositio. Inep̄ta x̄p̄us afflita Christo fundenti preces, & fundenti sanguinem. Licentia portentosa, notata. An̄t̄m varia impaſſa Animadversori. Qui Christus considerare potuerit mundum in satisfactione sua, qui non. In̄iversalitas satisfactoriū ab ipso Animadversore versa. Distinctio à Christo notata. Aēt̄s sacerdotales Christi distincti perperam. Falsa suppositio notata. Verba Animadversori retorta. Ignoratio elenchi notata. Causa eadem cur mundus in satisfactione Christi locum habere non potuerit, & cur locum habere non potuerit in ejus precibus. Absurditas sententia Animadversori ostensa ex collatione aēt̄s utriusque Christi. Argumentatio Animadversori retorta. An Christus tantum precetur pro conservatione fides jam data. Qui sint illi quorum causa Christus missus. Absurda impaſſa Animadversori. Eadem excludunt multos à satisfactione, qua eos excludunt à precibus. Ep̄iphonema Animadversori excussum. Consensus ejus cum Hierodoxis, meus cum Orthodoxis. An à me dicta vendicata fuerint ut nova. An Christi verba novis munimentis opus habeant. Doctrina Animadversori in tabella proposita. Absurda varia ostensa ex objecti precum & sanguinis Christi distinctione. Objecti Evangelici determinatio probata. An̄t̄m ab Animadversore tradita super universalitate Gratia. Suppositio precaria notata. An integra dispensatio Evangelici pertineat ad omnes & singulos. Objectum Evangelicum non proponi omnibus cum intentione salutis probatur ex ipso Animadversore. Ignoratio Elenchi notata. Suppositio falsa denuo iterata. Deum voluisse objectum Evangelicum esse particulare. Absurda educta ex sententia Animadversori. Simile ab eo allatum, retortum. Absurda Deo afflita. Qui agnoscat, solem destinatum videndum, non cecus. An Deus velit objectum Evangelicum omnibus applicatum. Determinatio istius objecti probata.*

I. **H**anc Sectionem orditur Animadversor à querela, quod *patens* thesin argumentationi ejus inserendam censuerim, & contendit, eam neque necessariam fuisse, neque ad rem accommodari potuisse. Querelam istam oppidò iniquam esse, Lectori demonstratum dabo. Agebat inter nos de *Objecto Evangelico* (hoc est, de propositione Redemptoris) an illud sit determinatum, vel indeterminatum. Posterius placuit Animadversori, qui docet id nullo respectu ad hunc vel illum esse determinatum, adeoque ex se universale esse, & omnibus ex æquo propositum. Addit simul, alios illud non agnoscere, non expressâ eorum ad id agnoscendum impotentiâ, quasi in potestate eorum fuisset id ut oportet agnoscere. Ne itaque geminâ istâ suppositione Lector induceretur in errorem, inui, nec objectum istud Evangelicum universale esse, quod supponebat Animadversor, quum innumeris nunquam propositum fuerit, nec ab aliis illis, hoc est, reprobis, *agnosci posse*, adeoque non eo sine vel intentione illis à Deo Sapientissimo & omnium conscio proponi potuisse, ut per id salventur x̄quē ac Electi, quum Deus nōrit illos & cæcos esse, & sine omni lumine spiritali adeoque incorrigibiliter ex se corruptos,

tos, & incapaces objectum illud salutariter apprehendendi. Quia itaque parenthesis istâ jugulatur apertè Gratiz universalis commentum, & ostenditur, Dei proponi curantis quandoque talibus Objectum Evangelicum, finem esse non posse eorum salutem, illa Animadversori haudquaquam placet. Ex his verò patebit, & necessariam fuisse illam Parenthesin, ne Lectoris animus occuparetur in principio falsa suppositione gemina super propositione objecti Evangelici, & eam accommodatissimam esse non quidem ad rem Animadversoris, ad causam tamen, quâ de agitur inter nos.

II. Regerit verò I. Parenthesin illam non necessariam fuisse, satis enim constare ex variis Scriptura locis, & ex sua Dissertatione, quid sentiat de hominum corruptione & impotentia credendis qua sit in omnibus. Inutile itaque futurum fuisse, & fastidii plenum tam saepe repetere, quæ ad argumenti vim neque infirmam, neque corroborandam ullo modo pertinebant. Addit dictiolum, pro more: si nec ipsius paulò sortè fastidiosioris, nec reliquorum Gallorum rationem habendam duxerim, qui paulò soleant esse intempestivarum illarum unius ejusdemque rei inculcationum impatientiores, se parcendum ei (quem hic intelligat, indicabit Animadversor, neque enim quicquam præcedit ad quod referri possit) esse existimasse, & omnibus aliis. Subjicit etiam: Sibi non posse non dolere, quod se ex instituto suo deduxerim, ut me *ἔχοντα* in hisce Animadversionibus sequeretur. Magnopere enim se vereri, ne cum eundem lapidem necum tam diu versat, Lectoris animum fatiget, quacunque ex natione originem duxerit, & quamlibet sit ad omnem Lectoris arumnam devorandam obstinato animo atque infracto. Id tamen non sibi, qui id faciat invitus atque coactus, sed mihi, qui ex eo gloriam aucuper, à Lectore imputatum iri. Judicet verò quicunque æquus est, & candidus: 1. An unius vel alterius voculæ additio ad statum controversiæ clarius formandum pertinens, & ad suppositiones falsas præcipientes necessaria, Lectorem duxisset ad fastidium quod fingit? 2. An non hic semipaginam propemodum rhetoricatione occupat inutili, & cavillis ac morsibus plenâ quæ Lectori Christi Spiritu prædito non poterit non gravissimè displicere? 3. An de fastidio Lectorum cavendo ita sollicitus fuit, qui totum Opus suum ex digressionibus inutilibus, repetitionibus creberrimis suarum & opinionum & distinctionum, dictæ, contumeliis, jactationibus, & triumphis de victoria sua ædificavit, quæ potissimam molis istius partem faciunt, & an lineola adjecta elucidando argumento opportuna Lectores adegisset ad *poscendam pelvim*? 4. An etiam fastidii eorundem hierationem habuit bonus disputator, qui duabus paginis meis denuo reponit viginti quinque paginas, & tamen de mea prolixitate passim queritur. 5. Si reliqui Galli solent esse intempestivarum

illarum unius ejusdemque rei inculcationum impatientiores: Næ eorum qui ex ista gente Specimen istud in manus sument, & ad ejus Lectionem animum obfirmabunt vicem doleo, quippe qui non fastidii duntaxat, sed crucis & carnificinæ materiam creberrimam in eo sibi objectam videbunt, & vix paginas aliquot sunt excussuri, quin reperiant vel τὸ γινώσκον, vel distinctionem potentix naturalis & moralis, vel sententiæ Animadversoris repetitionem, vel alia id genus singulis interdum paginis pluries repetita. Imò ut Parte Primâ demonstratum dedimus, reperient tribus paginis novies idem inculcatum, & consueque repetitionum osorem deprehendent hunc Animadversorem, ut etiam pædagogicas observationes aliquoties uncialibus & grandibus vocibus inculcatas voluerit. 6. Parum etiam honorificè judicat de Gente sua, qui eam ut aded impatientem traducit, ut ad repetitionem earundem rerum, quæ Illustribus etiam & eximiiis inter Gallos scriptoribus non infrequens est, nulli verò frequentior, quàm nostro Animadversori, stomachum sibi subverti sentiat. Clementior saltem me extero hinc esse debuisset in Gentem suam. Quot etiam Galli Maximi Viri omnes Bibliothecarum variarum forulos excussere, & innumera scripta, in quibus & repetitionum & inutilium rerum maxima sæpe congeries! 7. Convitium dicit Genti, ex qua me non pudet originem ducere, si vel Scythia etiam cum Anacharsi forem, imò & de nationibus aliis inclementer judicat, quasi nulli ex aliis nasum haberent & crambe reposita illis magis placeret quàm Genti suæ, ut ut præclarissimæ. 8. Non habet quod Gallorum suorum fastidia à me excitata queratur. Facile mihi probare, Gravissimos quosque & Eruditissimos inter Gallos Theologos, immò & Politicos multos sine ullo fastidio Exercitationes meas legisse, nec ita contemptim de illis judicasse. Nescio utrum Animadversor vel tot vel tanta ejus rei documenta pro suo Specimine exhibere possit. Et si repetitiones meæ tantum Gallis suis creavere fastidii, qui sit, quod fateatur in Præfatione sua multos variis in locis professos esse, Exercitationibus istis causam suam esse triumphatam? Cur & in Picaviensi tractu, & inter Santones, & Montalbani, & in Occitania, & Lugduni, imò undique tales voces auditas ipse profitetur? An partem Provinciæ partem urbes istæ designatæ à Gallis non incoluntur? 9. Impingit Animadversor mihi aliquoties acerbè, quod de *terricitate* meâ alicubi loquutus fuerim, quamvis id disertè restrinxerim ad argumentum de quo agebam, nimirum duritiem meam Theses meas amicis negandi, (tantum abest, ut eas hinc inde missitarem) interdum talem visam. An etiam ex eo cavilli argumentum mihi petendum, quod ipse se hinc paulò *fastidiosior* facetur? Quid ex his majori pipulo dignum! 10. Non est quod

quod deprecetur apud Lectorem, quod me sequutus fuerit *et nota*. Non dubito quia Lector candidus id non in duobus vel tribus capitibus, sed in omnibus factum optaret, nec se hiantem passim alibi destitui, & in Vtopiam relegari, vel digressionibus inutilibus distineri. Non magis verò hic ad id à me deductus fuit, quàm alibi per reliqua à me passim notata. II. Quamvis alibi explicârit, quid de corruptione hominum, vel impotentia credendi sentiat, id haudquaquam supervacanez operæ fuisset, hic paucis notat. Hoc certum, si eam verè totalem nobiscum statuât, concidere bonam Theologiæ novitiæ partem, nec unquam conciliari posse universalem miserationem Patris, universalem Redemptionem Filii, & vocationem Vniversalem à Deo cum intentione omnes & singulos salvandi sub conditione ut credant, cum corruptione ista & impotentia credendi Vniversali. Vtinam verò etiam corruptionem istam & impotentiam credendi, quam sæpe fatetur, non everteret multis in locis aliis, phrasibus ambiguis & periculosis, dum irrogenitos credere & respicere posse docet, si velint, & per eos unostare, quominus velint, credant, salventur! Vtinam Caput v i i ad Romanos non cum apertis Ecclesiæ hostibus à Paulo regenito removeret, & sic partim corruptionem in regenitis reliquam, extenuaret, partim ea statueret in irrogenitis (medius enim status non datur, quicquid fingat) quæ corruptionem eorum reverâ extenuatum eunt & depressum.

III. Quî verò probat, non potuisse parenthesin à me insertam ad rem accommodari? *Quum hic agatur*, inquit, *de iis quibus Evangelium annuntiatur, non verò de iis, qui nihil unquam de Christo audiverunt, absurdum fuisset, & omnino extra rem, hic facere mentionem impotentia, quæ est ab objecti defectu. Eâ enim certè impotentia non laborant, quibus Evangelium predicatione propositum est.* Annon verò, Animadversor, agitur inter nos de gratia Vniversali objectiva? Annon hoc centrum est controversiæ nostræ? Vel itaque eò omnes ducendæ lineæ, vel feruntur extrâ scopum. Nisi itaque probetur his quæ disputat hoc loco Animadversor, objectum Evangelicum, quod indeterminatum esse vult, esse universale, nihil probatur. 2. *Si multi nihil unquam de Christo audivere, & impotentia quædam est ab objecti defectu, quod ipse innuit, falsum, salutem omnibus fuisse oblatam, ut quæ citra objectum Evangelicum nec dari potest, nec offerri.* Et quum in multis impotentia sit ab objecti etiam defectu, gratia objectiva necessaria ad salutem haudquaquam est Vniversalis. Impotentia itaque istius quæ est ab objecti defectu mentio à me faciendâ erat, ut & alterius, quæ est à defectu subiecti, & incorrigibilis quidem per naturam, opportuna quippe ad evertendum Idolum illud Gratiæ Vniversalis. Quia verò haud-

quaquam opportuna erat ad causam Animadversoris, mirum non est, illam ab eo splendide dissimulatam. Et sanè, si nulla esset impotentia *ab objecti defectu*, non tantum dicendum fuisset Animadversori, hic ejus mentionem faciendam non fuisse, sed etiam illam ut non ens falsò supponi. Quamvis verò istà impotentia non laboret quibus Evangelium propositum, satis est alios eà laborare, quibus id non propositum, ne gratia objectiva universalis statui possit. 3. An si multi nihil unquam de Christo audire, dici absolute debet, objectum Evangelicum nullo respectu esse determinatum ratione individuorum? Annon enim Deo sic dispensante factum, ut innumeris individuis planè non innotesceret? Annon itaque determinatum fuit, ne his vel illis offerretur, offerretur verò aliis? 4. Vel etiam statuit solà prædicatione verbi objectum Evangelicum, aut Evangelium proponi, vel non. Si id statuit, evertitur gratia objectiva Universalis necessaria ad salutem, vel Evangelium talis gratia non est: Si id non statuit, cælum, terra, pluviz, tempestates & alia id genus erunt præcones Evangelii. Egregium hoc Evangelii præconium peperit nobis fidei speciem parenti suæ geminam, quæ sine cognitione Christi ab Animadversore conficta fuit. Quod ipsum meritò & à Synodis Nationalibus castigatum, & ab Amicis etiam suis explosum novit. Adde, Animadversorem parum ingenuè hic mecum agere, quia non tantum de iis à me actum, quibus Objectum Evangelicum propositum non fuit, verum etiam de iis, quibus id quidem propositum fuit, sed qui, ut lumine spirituali omni destituti, id agnoscere non potuere. Quod splendide dissimulat. Et quia non eadem latitudo phrasium, *aliquid non agnoscere, & aliquid agnoscere non posse*, meritò hoc posterius à me adjectum elucidando argumento de quo agitur. Qui enim talem impotentiam concipit in subjecto aliquo, ille si sapiat, nunquam ei destinabit beneficium, quod non nisi illi utile esse potest, à quo & impotentia illa abest, & cui opposita potentia inest, cujuscunque generis esse dicatur.

IV. Responsiones meas, præfatione istà præmissâ, aggreditur Animadversor, & fatetur, ea quæ à me excipiuntur, *excipi aliquemodo potuisse, & si in hac notâ & sequente minus vera dicam, saltem ea quæ dico, esse accommodatiora ad leges rectè disputandi, quàm infinita propemodum alia*. An verò alia à me dicta sint contra leges rectè disputandi, & quis ex nobis eas accuratius servet, Adversarii judicio decidi non debet, sed Lectoris non obnoxii. An interea ea quæ hic à me dicta, non vera quidem sint, sed verisimilia tantum, nobis dispiciendum erit. Propositum fuit ab Animadversore, objectum quo statuitur, Christum esse Redemptorem, nullo ad hunc vel illum respectu esse determinatum. Respondi, id falsum esse ratio-



ratione decreti divini, verum tantum, ratione dispensationis humane, sed inutile Animadversori. Quod *ἐξ ἧς* adjecta à me partim elucidatum, partim confirmatum. Quid hic Animadversor? Prius ita dici posse fatetur, non posterius. Id enim quod dispensationem humanam nominem, admodum male nominatum esse. Dispensationem enim illam quâ factum est, ut in Evangelio tale objectum offerretur, omnis credens servabitur, quod nullo respectu est ad hunc vel illum determinatum, non esse profectam ab homine sed à Deo. Sub V. enim Testamento Deum jurasse, se nullius peccatoris mortem velle, sed velle omnium conversionem & vitam. Sub Novo illum Filii voce clamasse, redemptorem esse datum, ut omni credens in eum non pereat, sed habeat vitam eternam. Apostolus etiam eum in mandatis dedisse, ut predicarent omnem credentem servandum. Longè melius itaque me locuturum fuisse, si quum utraque illa res divina sit, dixissem, ratione decreti divini, quod arcanum est, objectum determinatum esse ad hunc & illum. At ratione dispensationis itidem divina, qua revelata est, esse indeterminatum. Sic solere Theologos distinguere inter voluntatem arcanam, & revelatam, quam utramque tamen divinam esse consueant. Nodum verò hic in scirpo quærit Animadversor. Nam 1. Dispensatio ista, de qua mentionem feci, meritò à me humana appellata fuit, non eo quem mihi affingit sensu, quasi profecta esset ab hominibus originaliter vel causaliter, quis enim Christianus esse potest, & dubitare non magis hætenus Evangelium quàm Prophetiam allatam fuisse olim voluntate hominum, sed à Spiritu S. actos loquutos fuisse Sanctos Dei homines in N. Testamento æquè ac in Veteri, 11 Petri. 1, 21. Humana verò dispensatio tantum à me vocata fuit, partim subjective quia per homines, partim formaliter, quia modo humano administratur, & sic etiam promiscuè proponitur integris cætib, quum hominum non sit discernere in iis electos à non electis. Vocabula *technologica* hic non refugio, nec fastidium Animadversoris moror, qui dictaturam hic sibi sumit: sed sine Patrum vel populi suffragio. Hoc sensu itaque optimè à me distinctum, & negatum ratione decreti divini objectum in Evangelio propositum non esse determinatum ad hunc vel illum, ullo respectu, quod quin verissimè à me dictum fuerit, ne ipse quidem negare potest. Quod ad causæ meæ probationem sufficit. Si enim objectum in Evangelio propositum determinatum sit, ratione decreti divini, salutare iis esse non potest, ad quos decreto illo non est determinatum. Quamvis verò illud ipsum objectum dici possit non determinatum; ratione dispensationis humane, quatenus Petrus, Paulus, alii, annuntiantes Evangelium discernere non possunt electos à non electis, salvandos à non salvandis, adeoque illos ad quos revera pertinet objectum Evangelicum ab iis, ad quos non pertinet, in eo parum admodum

litum. Nec enim objecti Evangelici destinatio vel efficacia nobis medienda ex actu hominis, sed ex actu Dei. Firma itaque semper manet & appposita distinctio à me allata. Nec ex ea sequitur, à me negari dispensationem quàm factum, ut tale Objectum in Euangelio offerretur, & hoc modo, *omnis credens in Christum servabitur*, divinam esse quoad originem & præceptum. Nec sanè quod per hominem dispensari vel administrari dicitur, divinæ originis esse negatur. Et si verò distinguatur à nobis dispensatio humana à decreto divino, non ob id opponitur res dispensata, vel modus dispensationis decreto de eo, sed tantum notatur, posse quoad dispensationem humanam id indeterminatum videri, quod tamen determinatum est, quoad decretum Dei. 2. Ad locum Ezechielis quod attinet, de eo à nobis actum prolixè in Exercitationibus, & demonstratum invictè, locum illum nihil planè facere pro thesi, quam tueri Animadversor. Repetendus hinc itaque non erat, nisi post confutationem eorum quæ à me reposita fuere. De loco etiam Johannis cap. 111, 16. à me disputatum, & ut confido demonstratum tum in Exercitationibus, tum in Vindiciis nostris, nihil ex eo causæ Animadversoris accedere. De propositionis etiam, *omnem credentem servandum*, sensu abundè actum: idem itaque hinc non occupandum. Causæ etiam à nobis ostensæ propositionis istius veluti promiscuè institutæ & annuntiatæ, quæ omnia hinc repetere nihil attinet. Quia verò ita suggillat phrasim meam Animadversor, quod ministerium verbi, *dispensationem humanam* appellârim; an hoc vel crudius vel durius phrasi Petri Magistratum vocantis *ἡ ἀρχὴ τοῦ κληρονομίου*, hoc est, *κλήρις*. 1 Petr. 11, 13. partim *subjectivè*, partim *formaliter*, partim *objectivè*, quamvis & ipse originem habeat divinam, ut patet ex capite x111. ad Romanos. Quo sensu & ipse Magistratus, & ejus officium vocari potest *dispensatio divina*. Ut absolvam compendiò, hoc designatum volui, determinatum esse objectum Evangelicum ad hoc vel illud individuum, quoad Deum decernentem, ut cui notum ab æterno quos elegerit, & quos per istam dispensationem objecti Evangelici servatos velit, & quibus fidem in Redemptorem dare velit; Quamvis indeterminatum videri possit quoad externam hominum dispensationem, & Ministros administrantes verbum, quibus arcana electionis operta sunt, adeoque qui ex officio promiscuè veluti hoc verbum proponunt, omnes ad pœnitentiam, & sic ad fidem hortantur, bene de omnibus ex canone charitatis sperant, eventum verò Deo committunt. 3. Sine causa Animadversor me revocat ad distinctionem voluntatis *arcana & revelata*, Theologis usitatam, & mœnet, utramque divinam esse, quasi verò id dubium ulli sano sit, vel id pro dubio à me haberi ostenderim, modò distinctio

ista

ista bene intelligatur, de qua infra etiam nobis peculiari Dissertatione agendum erit.

V. Pergit verò Animadversor, & ostendere conatur, istam meam limitationem non facere ad rem: Qui id ostendit! *Decretum illud divinum arcanum*, inquit, quod objectum ad electos determinasse dicam, esse alterum caput Evangelii, quod non innotescat cuiquam, ac ne electi quidem, nisi per eventum; eventum autem situm esse in ipsa fide, ex qua homines à posteriori cognoscunt, se esse ex numero electorum. Itaque antequam ququam, hoc decretum arcanum ad se pertinere putet, necesse est, ut credat, antequam credat, necesse est ut ei objectum offeratur ad credendum. Objectum autem illud est; Omnis credens servabitur. Queritur ego, addit, an objectum illud, dum id electi, antequam se sentiant esse electos, intuentur, ut id agnoscant, in appareat, & ab iis perspiciatur determinatum an verò indeterminatum. At 1. Limitatio ista maximè ad rem facit, quemcunque pulverem spargat hinc Animadversor, Affirmaverat ille, objectum in Evangelio propositum nullo respectu ad hunc vel illum determinatum esse. Distinxi ego inter determinationem consideratam ratione decreti divini, & ratione dispensationis humane: priori modo omnino id determinatum esse affirmavi, quod ne ipse quidem negare audet, quod præcipuum est, & nobis in hac causa sufficit, quum ex illo solo, & destinatio Mediatoris, & ejus missio æquè ac efficacia pendeat: Sic enim planè determinatum est, qui sint oves Christi in individuo, pro quibus animam suam dare voluit, & quos Pater trahere voluit ad Christum, & Christus efficaciter ad se vocare. Et ut hæc sola individua objectum Evangelicum amplecti videmus, & per id servari, alia non, sic utrumque non præter vel contra Dei intentionem, vel determinationem, sed secundum eam fieri statuimus. Dispensationis verò Ministrorum consideratio hinc urgeri non debet: nec enim vel ex eorum opinione, vel ex eorum ministerio suspensa est determinatio gratiæ. 2. Ἀκρολόγως dicitur, decretum divinum arcanum esse alterum caput Evangelii, nec enim confundenda ista duo. Decretum enim causa est Evangelii, Evangelium ejus effectum, ad eoque decretum non potest esse caput Evangelii contradistinctum capiti alii. Nec decretum rationem habet capitis, hoc est, partis rei decreti, qualis res decreta est Evangelium, sive sumatur pro oblatione Mediatoris, sive pro collatione fidei in eum. Decreta etiam latent, capita Evangelii patent. 3. Decreta etiam non innotescere, nisi quandoque per eventum, à posteriori, verum est, sed nihil facit ad rem. Sic ἔξ ἑσχατιῶν, eventum situm esse in fide, & homines ex ea à posteriori cognoscere se esse ex numero electorum. Indubium etiam, antequam quisquam hoc decretum arcanum ad se pertinere patet, necesse esse ut credat,

dat, & antequam credat, necesse esse, ut ei objectum offeratur ad credendum, & objectum illud esse, *omnis credens servabitur*. Observet tantum Animadversor, ex his ipsis sequi duo. Primum, neminem antequam actu credat, debere statuere, Deum sibi velle dare fidem ut credat. Et quum Christus tantum proponatur in salutem credentibus, nemo verò potentiam moralem ad credendum ex se habeat, neminem etiam statuere posse Christum sibi in individuo destinatum esse Redemptorem, sed tantum determinatum esse hoc objectum ad ordinem credentium. Alterum est; Si antequam quis credat, necesse sit ut ei offeratur objectum ad credendum. Ergo credere non potuere myriades multæ gentium, quibus objectum Euangelicum nunquam oblatum fuit. Quum verò per solius objecti istius, credendi amplexationem detur via ad salutem, liquet, innumeris viam ad salutem apertam non fuisse, ne quidem quoad gratiam objectivam. 4. Quæstio quam Animadversor insert è dictis suis, parum ad modum causam ipsius juvat. Quæri, inquit, *an objectum illud, (omnis credens servabitur) dum id electi, antequam se se sentiant esse electos, intuentur ut id agnoscant, eis appareat, & ab eis perspiciatur determinatum, an verò indeterminatum?* Non operosum nobis est regerere, utrumque diverso sensu sine absurditate dici possit. Apparet illis *determinatum*, ratione nexus duarum rerum insolubiliter junctarum, nimirum fidei & salutis, quatenus salutem vident astringi ad fidem, & solos æquè ac omnes credentes servandos. *Indeterminatum* verò illis apparet *ratione personarum* (quamvis, ut suprà ostensum, tale non sit respectu Dei) quatenus nec ipsi norunt in individuo, nec Minister qui hoc verbum proponit, an hic vel ille sit ex numero illo, cui Deus fidei gratiam largiri velit. Adde, cum ipsa propositione; *omnis credens servabitur*; & cum hortatione ad fidem, conjungendam esse institutionem; fidem esse donum Dei, & solius quidem, adeoque precibus flagitandum à Deo, ne homo fidei vel habitum vel actum adscribat sive viribus suis, sive arbitrio suo. Et hoc caput cum priori egregiè conjungit Apostolus Phil. 11, 12, 13. Nec obliviscendum caput alterum, fidem non esse omnium, sed electorum Dei, & solum quidem. An etiam res vel propositio aliqua metienda ex eo quod apparet hominibus, annon verò potius ex eo quod est revera? 5. Supponit Animadversor, à nobis statui, objectum illud ab electis, antequam ullo modo credere incipiant, agnosci ad se pertinere, vi determinationis arcani decreti Dei, quo electi sunt, quod ne per somnium quidem à nobis cogitatum. Sufficit enim electos, antequam credant, agnoscere hanc gratiam sibi fieri præ innumeris aliis, quod Deus Euangelium sibi annuntiari curret; fidem à se exigi, & quidem post poenitentiam, & fidem esse conditionem

tionem unicam consequendi salutem : Sufficit etiam , illos cum trahi à Patre ad eoque credere incipiunt, sentire, objectum illud ad se pertinere ex determinatione Dei. Prout verbi gratiâ, si Pharaon vel Nebucadnezar edicto publico promulgassent, omnibus somnia sua sibi interpretaturis munera splendida donanda, non opus fuisset vel Iosephum vel Daniëlem credere id ad se in individuo pertinere, antequam sentirent Spiritum revelationis sibi à Deo ad actus illos concessum : Satis iis fuisset credere, omnes divinatos certò muneribus istis donandos. Ex quo verò sentire, se donum illud à Deo habere, sentire etiam ex hypotheli cœpère, Deum velle se muneribus istis potiri. Quando itaque querit Animadversor, *quanam sit illa nota discriminans, per quam, tanquam per ansam aliquam, electi id arripiant, quasi sibi proprium & peculiare ?* Ad quæstionem istam decidendam sufficit, electos videre *antecedenter*, Deum sibi præ multis aliis objectum illud revelare, & hac nota se discriminari ab omnibus planè non vocatis per verbum. Satis etiam, quum sentiant se potenter affici à Spiritu Dei, & trahi à Patre, se habere notam discriminantem certissimam, hoc objectum suæ salutis à Deo destinatum esse præ plurimis aliis vocatis, quibus eadem gratia non fit, & qui verbum illud vel spernunt apertè, vel parum curant. Sic quando Saul edixit, *se ditaturum divitiis magnis, & filiam suam daturum ei, & domum paternam ejus effecturum immunem in Israël, si qui percutiat Philistæum*; sufficiebat Davidi *antecedenter* credere, reverà Saulèm promissam ista adimpleturum erga Victorem, quando verò Spiritu roboris à Deo se indui sensit, ad opus istud perficiendum, reverà sensit à Deo sibi bona & honores illos destinari. Idem dici potest de quovis Principe pollicente honores sub conditione hac vel illa, & conditionis præstandæ gratiam, si penes ipsum solum esset, largiente liis vel illis. Nequicquam itaque exemplo suo nos urget, quid primùm vel viderit vel crediderit, vel quid meminerit se primùm credidisse, satis est; omnem illum cui objectum illud proponitur credere, propositionem istam esse veram & certam, de nexu fidei & salutis, & suum officium esse, actum à se exactum præstare, Deum verò ardentissimè rogandum, ut quum se ob corruptionem suam sentiat ad id præstandum impotentem, suo spiritu & suâ gratiâ in se operari velit actum imperatum. Quod addit, *se in primis fides momentis objectum illud amplexum esse, ut est universale atque indeterminatum*; Si illud hoc sensu universale censuit, ut ad omnes & singulos mortales ex destinatione Dei pertinens, malè censuit, nec illius error officere debet veritati : Sin censuit tantùm nexum illum universalem esse inter fidem & salutem, & omnem præstantem actum illum servandum, bene censuit, sed nihil id facit pro ipsius

causa. Sic si quis Israëlita censuisset olim, Deum velle omnes & singulos Israëlitas introducere in terram Canaan sub conditione obsequii, malè censuisset; neque enim Deus hoc voluit, ut patet à posteriori: Si tamen censuisset, obsequium certò conjungendum cum introductione, & omnem obsequentem actu introducendum à Deo in terram Canaan, bene censuisset: Sic si quis censuisset Deum velle omnes Israëlitas *vivere*, sub conditione ut *hoc facerent*, & omnibus velle maledictionem, sub conditione inobsequii, malè censuisset; nec enim Deus voluit ullum Israëlitam sic vivere, & noluit plurimos etiam non permanentes in omnibus quæ scripta sunt in libro Legis, maledictioni exponi. Si tamen nexum universalem statuisset certum inter *non facere* & *non vivere*, ex una parte, inter *non facere* & maledici (non accedente gratiâ aliâ) bene statuisset. Nec istæ propositiones universales Dei voluntatem vel destinationem, vel intentionem universalem nobis proponunt quoad omnes & singulos homines; sed tantum nexum universalem à se constitutum inter conditionem & conditionatum, inter officium & beneficium. Si ergo Animadversor in primis suæ fidei momentis objectum illud amplexus est ut universale priori sensu, non credidit id quod verum, sed credidit id quod falsum est; Sin posteriori sensu id fecit, bene fecit, sed id nos non ferit. Nec Animadversor consideratè loquitur, dum inquit, *se objectum illud amplexatum esse, ut est universale & indeterminatum*, imò qui objectum illud verâ fide amplectitur, id amplectitur ut particulare sibi, & sibi destinatum eo ipso quo id sibi applicat quod, amplectitur. Primus itaque actus fidei, ex quo omnes alii subsequentes pendent, nihil aliud judicat, nisi universalem esse nexum fidei & salutis, & Deum per hoc unum medium velle largiri salutem. Hactenus itaque duntaxat universalitas potest concipi in objecto. Aliter si concipiatur, malè concipitur; Nec confundi ab Animadversore debuere *indefinitum* vel *indeterminatum* & *universale*: nec enim ista æquipollent, & multa ad priorem ordinem pertinent, quæ non pertinent ad posteriorem. Sic verbi gratiâ, Indefinita sæpè est & indeterminata gratiæ, eleemosynæ distributio, non universalis. Et quia ista propositio universalis sensu à nobis ostenso determinat salutem ad fidem, ut conditionem necessariam, & nemini non constat, nec omnes credere, nec omnes credere posse, quum non omnibus detur ut credant, eo ipso satis ostenditur determinata Dei voluntas de solis illis servandis, quibus conditionis gratiam facere vult. Modò itaque credens concipiat universalem istum nexum fidei & salutis, & à se fidem exigi & officium, hoc ipsi sufficit; An verò Deus velit omnes & singulos sub ista conditione servare, hoc nec concipere debet, nec si id concipiat Dei voluntatem concipi-



concipit qualis est, sed qualis non est, quum Deus hanc suam voluntatem nec notam fecerit innumeris omni ævo, nec notam faciat hodieque. Nec dubium, & ex institutione divina ista inter se connecti, & ex institutione divina ibi proponi ubi proponuntur, sed non ob id eâ vel intentione vel fine respectu Dei, ut sic omnes & singuli mortalium salventur. Indubium etiam, credentem tunc ferri in objectum istud, ut in rem divinitus revelatam, ex qua patet, medium ad salutem perveniendi tale à Deo constitutum esse, non aliud. Scrupulus quem fingit Animadversor super dispensatione humanâ in credituro, inanis est. Ignorare certe non potest quicumque credit, pluribus dispensatione humanâ hortationem ad fidem proponi quàm reverà credant, & quàm à Deo donum credendi ex decreto ipsius consequantur. Nec id tamen vel ingenerationem fidei in eo omnino impedit, quia hoc est opus Spiritus superantis & hunc scrupulum, si quis talis foret, & omnes alios, vel eam turbat admodum, quia Spiritus afficiendo cor ipsius hunc sensum illi ingenerat, Deum aliter secum agere quàm cum multis aliis. Sic verbi gratiâ, ut ut præconem audiat aliquis denuntiantem aulam & gratiam Principis patere omnibus hanc vel illam symbolam adferentibus, & multos quidem videat destitutos eo quod adferendum est, se verò à Principe ipso donari videat isto munere: Dispensatio circa alios adhibita, quibus idem donum non datur, non impedit quominus ille pacato & hilari animo ad Principem accedat, & ab eo ulterius donum sibi polliceatur. Nec quicquam infirmius affectatis illis scrupulis quos fingit Animadversor. electus enim, quia à Spiritu Dei comitante verbum inspiratur, non patietur se vanis istis cogitationibus circumduci, non dicet, *video quidem homines, id est à mihi annuntiare, tanquam universale & indeterminatum. Verum quid futurum est si falluntur, & si indeterminatum est, unde cognoscam id ad me pertinere?* Nec enim, si à Spiritu Dei agi incipit, concipiet, quod falsum est, nimirum, Deum habere voluntatem conditionatam omnes sub hac conditione salvandi, quale quid nec à Deo proponitur, nec à Ministro verbi annuntiari debet. Concipiet verò, quod verum est, & quod à Deo per Ministrum proponitur, neminem nimirum salvandum nisi per fidem in Christum, & omnem illum, in quo Deo placuerit fidem in eum operari per Spiritum suum, servandum. Et hæcenus universalitatem in isto objecto verè concipere potest, & quidem talem ex instituto divino. Si verò non tantum nexum antecedentis & consequentis universalem, sed etiam intentionem Dei conciperet universalem, omnes & singulos sub ista conditione salvandi, falsum conciperet. Nec magis ex conceptu isto, quod Deus nolit omnes & singulos sub ista conditione salvari, scrupulus materia & impedimentum,

tum, quo minus crediturus credat, quàm ex conceptu Animadversoris, Deum nolle omnibus & singulis dare fidem. An si quis dubitare potest, utrum objectum illud ad se pertineat, vel non, non potest etiam dubitare an electio pertineat ad se vel non, adeoque an Deus sibi fidem illam dare velit, à qua suspendit salutem, vel non. Frustra itaque sibi proponi universalem istam *φιλαρθερπία* sub conditione, quâ careat, & necessario quidem, & quæ à sola Electiōe pendeat, de qua haudquaquam sibi constare possit, utrum ad se pertineat vel non.

VI. Hinc patet Dilemmatis ab Animadversore formati imbecillitas: *Aut, inquit, mens in primo illo actu fidei de objecto bene judicavit, aut male: Si malè, primus actus fidei à Spiritu Dei, & objecto Evangelico profectus, & genitus mentibus Electorum, & ex quo ceteri omnes pendunt, falsus fuit. Si bene, objectum Evangelicum, quod proponitur ad credendum, quod Christum Servatorem offert sub conditione fidei, quod erigit in spem beata immortalitatis, universale est & indeterminatum, & ad omnes quibus annuntiatur, nullo discrimine pertinens ex instituto divino, ὅπερ, ut loquitur vir doctus, ἰδὲν δὲ ἑξῆς. Id enim quid est, si non est gratia Universalis. Nam 1. Mens si à Spiritu Dei agatur, non aliter de objecto judicabit, quàm quale id reverà est, hoc est, eo omnibus & singulis credentibus promitti salutem, haudquaquam verò de eo iudicabit, quale non est, nimirum id nullo discrimine pertinere ad omnes quibus annuntiatur, ex instituto divino. id enim falsissimum esse, docet & Scriptura, & omnium seculorum experientia. Non pertinebit saltem ad eos, quibus non annuntiatur, adeoque non erit universale. 2. Eo ipso quo Christus offertur sub conditione fidei, credens non potest concipere, cum ad omnes nullo discrimine ex instituto divino, pertinere, quibus annuntiatur, quia videt aliquibus fidem dari, aliis non, idque ex instituto divino, sentit eam sibi dari, à posteriori, videt aliis idem donum non dari. Videt itaque discrimen evidens ex instituto divino. Videt etiam, sine hoc dono prius donum non posse offerri à Deo cum intentione salutis, non magis quàm à principe brabéum sub conditione tesserae tertæ exhibendæ, si illius tesserae donatio & à solo Principe pendeat, & aliquibus tantum ab eo destinata sit, non aliis. Qui sanus est, hinc judicabit, proclamatione quidem promiscuâ exigi à Principe officium, quod omnes debent, beneficium verò illis duntaxat destinari quibus officii præstandi, vel tesserae istius exhibendæ gratia facta est. 3. Vel credens censet, hominem ex se credere posse, vel non, & fidem esse merum Dei donum: Si prius censet, malè censet, nec ille vel corruptionem humanam novit vel cui fidei gratia transcribi debeat. Si posterius, vel censet Deum id omnibus & singulis dare velle, vel electis tantum & ordinatis ad vitam æternam,*

si prius

si prius censet, falsum denuò censet, & apertè contrarium Scripturæ: Si posterius, videt facile, etsi universalis proponatur nexus in Evangelio fidei & salutis, qui certissimus, Deum tamen hanc propositionem nolle omnium & singulorum saluti cedere, non tantùm, quia illam innumeris revelatam noluit, sed etiam, quia fidei gratiam inter vocatos pluribus negat, paucioribus concedit. Nec vel *absolutè* dici potest, Deum hoc donum velle dare omnibus quibus verbum annuntiatur, nec sub *conditione*. Non *absolutè*, aliàs enim id omnibus daretur. Non *sub conditione*, quia de istius conditionis conditione quæstio redit, & vel ibitur in infinitum, vel conditio recurret cum conditionato. Sanè conditio illa dari non potest, quin processus iste statuatur ridiculus, & idem promittatur sub conditione sui ipsius. 4. Adde, quum ne omnibus quidem Evangelicum objectum proponatur ad credendum, quod Christum Servatorem offert sub conditione fidei, utique universalis ista voluntas, adeoque gratia universalis statui nequit, quod tamen est *κενόςησιν* nostrum. Nec id ipsum probaretur, quamvis concederemus Animadversori, objectum illud ad omnes, quibus annuntiatur sine discrimine pertinere, quod tamen falsum esse ostendimus. Semper enim excludendæ forent myriades multæ hominum, quibus tale quid non annuntiatur, & quidem ex instituto divino. 5. Supponit Animadversor, credentem admodum sollicitum esse in primo fidei actu, an salus pertineat ad omnes & singulos homines, satis est, eum concipere, eam ex instituto Dei pertinere ad omnes & singulos credentes. Et quia ad hos tantùm pertinet, concludere necessario debet, salutem ex institutione divina ad innumeras gentes pertinere non posse, quibus nec Christus annuntiatur, nec verbum Evangelicum propositum, imò id non pertinere ad multos vocatos, quippe quibus Deus istius doni gratiam denegat, sine quo haberi aliunde non potest. Ex his liquet, qui vel benè vel malè judicare possit mens de Objecto Evangelico. Vbi verò à Spiritu Dei illuminabitur, benè judicabit, sed modo supra à nobis exposito, secundùm Scripturam & experientiam. Et sanè quum inter hortationes ad fidem à Dei servis proponi solitas, sit etiam hæc ratio, gratiam istam Evangelii eò majori ardore amplexandam, quod Deus nobis gratiam audiendi Evangelii faciat, quam non facit innumeris aliis quàm gratia universalis supponi potest? Et sanè tale quid inculcant sæpe & Veteris & Novi Testamenti Scriptores. Adde, illum qui ad credendum invitatur, invitari prius ad pœnitentiam, ut & agnoscat & defleat peccata sua. Nôsse itaque suam corruptionem præsupponitur, & ex ea impotentiam credendi, adeoque merum esse donum Dei, si quis credat, nec suum id esse posse, nisi sit ordinatus ad vitam æternam. 6. In eo hal-

lucinator Animadverfor, quod velut *simpliciter* universale & indeterminatum sumit, quod est tantum universale vel indeterminatum *secundum quid*, & certo respectu, & quia universale *quoad rem*, vel connexionem confundit cum universali *quoad personas*, ut ut ob defectum conditionis antecedentis incapaces beneficii consequentis. Nihil ergo ex ista propositione, *omnis credens, servabitur*, exculpi potest aliud, quam universalitas conjunctionis officii & beneficii, non verò universalitas hominum quorum salutem illa propositio destinata sit. Quod si Deo constitutum fuisset, nihil obstitisset, quominus Deus propositionem istam omnibus & singulis mortalium revelaret, & omnibus quibus eam revelat, fidei gratiam largiretur. 7. Vel credens credit destinationem Dei ad salutem ita universalem esse respectu omnium & singulorum hominum (quod necessario ad gratiæ universalitatem supponendum, sub N. saltem Testamento, ex sententia ipsius Animadverforis, sub qua fatetur exigi distinctam Christi cognitionem) sub conditione fidei, vel non; si id credit, falsum credit. Deus enim id non vult, cum innumeris istam propositionem ne patefaciat quidem, ne sub Novo quidem Testamento: Si id non credit, non debet id supponere disputator noster. 8. Vel credens etiam censet, illam propositionem ad omnes, quibus annuntiatur, *nullo discrimine* pertinere, vel non: Si prius censet, error est, non cogitatio suggesta à Spiritu Dei. discrimen enim æquè evidens est, inter illos quibus Deus vult dare gratiam credendi, & illos quibus eam dare non vult, ac si dicam, solem à Deo nullo discrimine proponi cæcis, quorum tamen aliquibus oculos aperire velit, aliis non. Qui itaque ad illuminationem illorum quos Deo placet in cæcitate sua relinquere æquè solem propositum statuet, ac illorum quibus Deo placet oculos aperire, ille ludibrium debebit hominibus sani iudicii. Et si id statuit Animadverfor, repetit nobis dogma suum à Synodis explosum, Christum *equaliter* mortuum pro omnibus, quod tamen ipse evertit, quando electis plus morte Christi impetratum censet, quam non electis, & Christum *absolutè* pro illis mortuum statuit, pro istis tantum *conditionatè*. Sin credens censet posterius, Animadverforis dilemma inane est. 9. Supponit etiam, primum actum fidei vel potius credentem in primo isto actu sine infirmitate esse, & quamvis verè feratur in objectum suum, non posse opinionationes alias falsas in eo reperiri. At fidelis ne confirmator quidem ab iis sæpe immunis est in actibus sequentibus suæ fidei, ut qui fallitur sæpe in multis. Nec opus ad Evangelici objecti amplexationem consideratione *latitudinis* ejus *extensivæ* ad omnes omnino & singulos homines. Sufficit enim consideratio veritatis istius propositionis, omnem credentem servandum, & universalis

ac necessarij nexus inter duo ista, officium & beneficium. Quemadmodum quando Deus olim edixit populo suo : *Quicumque fecerit hac, vivet in eis*, non concipiendum erat, Deum habere voluntatem conditionatam omnes & singulos sub hac conditione servandi, quum non placuerit Deo ullum mortaliū hoc modo servare. Nihil aliud verò concipiendum erat, nisi nexum esse universalem inter Obedientiam & vitam. In summa circumducta ista & perplexa Animadversoris oratio ad hunc Syllogismum revocari potest : Quod proponitur indeterminatè & universaliter, & judicatur, à credentibus in primo fidei actu pertinere ad omnes indiscriminatim, id reverà tale est. Objectum Evangelicū proponitur indeterminatè & universaliter, &c. Ergò. Resp. 1. Ad *Majorem* : Peccari *elencho à dicto secundum quid*. Quod proponitur *indeterminatè* ratione decreti & intentionis divinæ, veluti mediū à Deo ordinatum ad salutem omnium & singulorum hominum, id reverà tale est. At sic minor falsa. Imò determinatè proponitur, quia & *explicita* ibi est determinatio beneficii suspensi à conditione, & *implicita* ad subiecta, quibus conditionis gratia destinatur, & in quibus solis reperiri potest. 2. Eodem *Elencho* peccatur ; Quod proponitur universaliter omnibus & singulis mortalibus, id reverà universale est. At sic Minor denuò falsa est. Innumeris enim id nec propositum fuit, nec hodieque proponitur. Quid itaque hoc ad gratiam universalem ? Si omnibus & singulis per verbum vocatis proponi dicatur, ne tum quidem concluditur id quod est in questione inter nos, qui de omnibus & singulis hominibus disputamus, non verò de omnibus & singulis vocatis per verbum. 3. Quod proponitur universaliter vocatis per verbum tum pœnitentibus, tum impœnitentibus, id universale est : At sic Minor etiam falsa est. Nisi enim hominem pœniteat peccati, gratia Evangelica ad illum pertinere non potest. Relinquitur ille sub Lege & maledictione. 4. Quod judicatur à credentibus pertinere ad omnes sine discrimine iudicio recto, & non erroneo, iudicio inspirato à Dei Spiritu, & non iudicio dictato à prava opinione, illud ad omnes pertinet. At sic etiam Minor falsa est. 5. Supponitur falsum, ab omnibus credentibus in primo fidei actu judicari, objectum Evangelicū pertinere ad omnes indiscriminatim. Et mira ista disputandi ratio est, ex gratia innumeris non annuntiata adeoque necessario particulari universalem facere, & suspensione salutis à fide, fidei ab Electione juxta nobiscum positâ, adeoque salutis suspensione à fundamento particulari concessa, universalem inferre salutis destinationem ! Si quis proponeret Principis gratiam suspensam à certa conditione, & tum gratiæ istius revelationem, tum conditionis ipsius donum à particulari ejus inclinatione ad innumeros se non

extendente suspenderet, universalem tamen Principis gratiam magnificè commendaret, vix effugeret, quin pro circulatore haberetur, vel pro infano. Et hæc est egregia demonstratio Gratiæ Univerſalis, quam tam anxie & operose nobis ingerit Animadverſor ! Qui in conclusione etiam ſua quæ eam à ſe demonſtratam innuit, vel me abſolvit, vel iniquitatem ſuam oſtendit. Quoties enim verbis ejus repetendis adjeci, *ut loquitur*, toties Latinitatem ſuam à me vellicatam queritur, vel itaque Græca verba à me adhibita, *ὅπερ ἰδὲ λέγει*, ut minus græca traducit, verbis adjectis, *ut loquitur*, quod eſſet hominis ἀμύητος in talibus, vel ſi id non facit, majori candore & æquitate erga me uti debebat, ubi ſimilis loquendi forma à me adhibita.

VI. Quia etiam à me dictum, ab æterno determinatum fuiſſe à Deo & apud Deum, quorum Chriſtus debeat eſſe Redemptor, non creditorum duntaxat *indefiniè & eventualiter*, ſed creditorum *deſiniè* ex gratia ſua, illorum nimirum, qui Chriſto dati erant à Patre, & oves Chriſti, pro quibus poſuit animam ſuam, qui diſtinguuntur à reliquo mundo, pro quo ut non rogavit, ſic nec ſatiſfecit : Regerit Animadverſor, 1. *Se nihil iſta morari, Argumentationes eſſe & penè barbaras diſtinctiones, in quibus acumen ingenii oſtendere, & pulvere ſcholæſtico diſputationem conſpergere voluerim, vim ſuperioris ratiocinationis nullo modo diſſolvere.* Atqui 1. quam barbaricam in diſtinctionibus iſtis meritò notet, non video, niſi quòd voce unâ (*eventualiter*) in Scholis uſitatiffimâ, & ad rem repræſentandam convenientiffimâ in Diſputatione Scholæſtica uſus fuerim. An hoc mihi minùs licet, quàm ipſi *futuritionem, mediatorium, idoneitatem, ſanctificatorem*, & plura alia id genus, ex eadem barbarie haurire ? Et cur ſibi tam indulgens ſcriptor adedò acer cenſor eſt aliorum ? 2. An etiam extra rem, diſtinguere hîc credituros *deſiniè & indefiniè*, hoc eſt, illos qui ex Dei gratia ſunt credituri, & illos quorum arbitrio relinquitur rē credere vel non credere, propoſito illis objecto ? An hîc major barbaries, quàm in diſtinctione objecti *determinati & indeterminati* quam toties urget ? 3. Scilicet magni acuminis gloria mihi captanda erat è diſtinctione obviâ tyronibus noſtris, & inde exſpectanda ſpolia ampla. 4. Annon etiam ipſis Scripturæ verbis à me & explicata & confirmata fuit iſta diſtinctio ? An & iſta barbaria ſunt Animadverſori ? Oſtendat me vel malè diſtinxiffè, & membra diſtinctionis aut non eſſe *ἀνελκυστικὰ* aut perperam explicata, vel malè applicatam hoc loco diſtinctionem iſtam. An verò vim ratiocinationis ab ipſo propoſitæ à me allata nullo modo diſſolvant, judicium facere poterit Lector, ex collatione eorum quæ à nobis dicta utrinque. Videbit, ut ſpero, ſolidè à me oſtenſum, objectum Euangelicum non



non esse indeterminatum ratione decreti divini, ut nec destinationem & missionem Redemptoris, sed determinatum omnino fuisse, quibus in Scriptura ille destinatus & missus dicatur. Quæcunque ergo verbi prædicatione in tempore ab hominibus instituat, illa opponi non debet isti decreto anteriori, neque efficere potest quin illud sit verissimum. Falsum verò id foret, si Deus omnes & singulos per objectum Euangelicum salvatos vellet, ut qui jam ab æterno apud se distinxit in decreto suo oves ab hircis, datos Christo à non datis, eos pro quibus Christus positurus erat animam suam, ab iis pro quibus animam suam positurus non erat. Referre hæc ad secundarium quendam voluntatis divinæ actum subnixum prævisione fidei vel incredulitatis, est reipsa heterodoxas opiniones in Synodo Dordracenâ damnatas interpolare, & voluntatis antecedentis, & consequentis distinctionem, cum Ecclesiarum nostrarum hostibus nobis reponere. Deo primas & secundas cogitationes, priora & posteriora consilia adscribere, & fingere misericordiam partim indecoram Deo, partim inutilem, & necessario quidem, miseris.

VII. Qui verò sua tuetur? Primum enim, inquit, arcanum illud Dei decretum, quod objectum in Evangelio propositum determinavit ad credituros destinatum & non eventualiter, vel pertinet ad salutem certis quibusdam hominibus dandam, quos Deus credituros prospexit, quia decreverat eis dare ut crederent, vel pertinet ad fidem ipsam in eorum animis ingenerandam. Prius autem illud ad rem nostram non attinet. Nam in primo actu fidei quo de agimus, electus qui crediturus fuit, nihil quicquam de tali decreto cogitavit vel cogitare potuit. Non enim illi certè dum innotuit, neque per revelationem specialem, neque argumentatione ducta à fide sua quam nondum præstiterat, cum in eo esset ut primum illius actum ederet. Posterius haud magis: Quum enim primus fidei actus non aliter edatur quàm impulsu mentis ad objectum, & assensu per quem in eo acquiescit, operatio quidem divini Spiritus, per quam mens ad objectum appellitur, atque in eo acquiescit, naturâ antecedit primum illum actum fidei: est enim ejus causa. At non innotescit tamen ei qui credit, sese credidisse vi aliquâ Spiritus, nisi postquam actu credidit. Tum enim demum reflectit mentem suam in sese, & inquirens in causas, cur idem objectum indifferenter omnibus oblatum, ipse admisit, reliqui respuerint, re perpensa intelligit propositionem externam objecti, communem quidem fuisse omnibus, & gratiam per quam recipitur & admittitur in animum sibi indultam fuisse, aliquam particularem. Quam piam cogitationem & illustrat, & confirmat in animo alterum illud caput Evangelii, quod promissiones absolutas de fide quibusdam donanda complectitur, & quæcunque ad doctrinam de Electione in Evangelio pertinent. Sequitur enim tum illarum rerum prædicatione. At primus actus de quo disputamus, omnia ista antecedit, qui objectum & considerat, & amplectitur tan-

quam universale. Ista verò nihil nisi mera verborum spuma. Nam 1. Ἀκούω-  
 λόγως effert decretum absolutum, quod pertineat ad salutem certis qui-  
 busdam hominibus donandam, quos Deus credituros prospexerit, quia  
 decreverit eis dare ut crederent. Nec enim prævisio fidei ingreditur ratio-  
 nem decreti, sed est extra illud, utpote quæ illi inditur & id ordine na-  
 turæ sequitur, & est prævisio rei jam decretæ. 2. Peccat *elencho opposito-  
 tum*: Opponit enim componenda. Nec enim decretum de salute dandâ  
 certis, opponi debet decreto de fide ipsa in eorum animis ingenerandâ:  
 est enim unum idemque decretum, de salute certis hominibus danda, per  
 fidem illis ingenerandam; nec opus duobus decretis ad intentionem finis  
 alieni procurandi per certa media. Sic verbi gratiâ eodem decreto voluit  
 Pharaon & pincernæ gratiâ facere pristinae dignitatis, & eum e carcere  
 educere: Eodem decreto constituit Medicus hunc ægrum per hoc phar-  
 macum sanare. 3. Supponit Animadversor *πεῶται ψάδιον* suum, decre-  
 tum nimirum de mittendo Redemptore esse primum & indetermina-  
 tum, spectans ad omnes & singulos mortales, id verò determinari post-  
 modum demum per decretum de salute certis danda, & de fide eis inge-  
 neranda, quasi is ordo decretorum non esset ἀμφιπρόσθεντος inter nos, &  
 contrarius Ecclesiarum nostrarum & Synodi Dordracenæ ex Scriptura  
 doctrinæ, quæ statuit objectum Evangelicum semper esse determinatum  
 ex decreto antecedente, de ejus fructu suspendendo à fide, fide verò ab  
 electione, & decretum Dei unum esse & adæquatam, de certâ hominum  
 multitudine per Christum servanda, adeoque de Christo eorum gratiâ  
 mittendo & de fide illis in Christum danda. 4. Reponit nobis absurdè  
 Animadversor, *electionem ex fide prævisâ*: Quamvis enim id emollire co-  
 netur, dum addit, *Deum aliquos credituros prospexisse, quia decrevit eis dare ut  
 crederent*; absurdè semper infarcit prævisionem in decretum, quæ sequitur  
 demum, secundum ordinem naturæ, ipsum decretum. Adde, eo ipso quo  
 Deus decrevit, aliquibus dare ut crederent, adeoque aliis non eo ipso ut  
 prospexit, illos credituros certò, sic prospexit etiam istos certò non cre-  
 dituros, immò ne possent quidem credere ob impotentiam suam moralem,  
 vel corruptionem suarum facultatum ethicam invictam; adeoque non  
 potuit illis Christum mittere cum intentione eos salvandi sub conditio-  
 ne ut credant. Quid planius contrâ, quàm dicere, Deum illos ex homi-  
 nibus corruptos salvari voluisse, & unicè quidem, quibus pro suo bene-  
 placito, & Christum revelatum voluit, & fidem in eum ingeneratam?  
 Et sanè decretum illud absurdè effertur hoc modo, Deum velle dare sa-  
 lutem certis quibusdam hominibus, quos Deum credituros prospexit, quia de-  
 crevit eis dare ut crederent; Annon melius dicere, Deum voluisse, & salute  
 donare,

donare, & fide in Christum ad eam assequendam necessariâ quos pro gratuito suo beneplacito elegit? Quis quæso non rideret processum hominis quo decretum conciperet, de certis hominibus constituendis hæredibus suis, quia eos hanc testeram habituros & gestaturos prævidit; prævidisse verò id ipsum diceretur, eò quòd vellet illis hanc testeram dare, non aliis? Annon dicendum potius foret, testatorem illum velle tales hæredes suos instituere ex mero amore, sed per medium à se ex liberissimo suo beneplacito constitutum nimirum per testeræ istius collationem & gestationem. Nullum itaque est arcanum Dei decretum objectum in Evangelio propositum (veluti universale ex se) determinans, sed Dei decretum est de his & non aliis per objectum in Evangelio & propositum & conscientiis eorum per fidem applicatum servandi. Quod evidenter docet & particularis istius objecti Evangelici propositio, & suspensio salutis à fide ibi ubi propositum est, quæ declaratur propositionibus istis universalibus, *omnis credens in Christum, servabitur, omnis non credens in eum, damnabitur*. Nec magis ex priori propositione inferri potest universalis Dei voluntas omnes sub conditione servandi, quàm ex altera voluntas universalis omnes damnandi ob hujus conditionis absentiam. Totâ itaque ista disputatio Animadversoris innixa falso fundamento de decreto determinante objectum ex se universale, funis est ex arena nexus, & nihil præterea si dicat, me ipsum disertè posuisse determinationem objecti Evangelici ex decreto divino; posui sanè, sed alio planè sensu. nec enim statui objectum istud ex se universale esse, & postmodum determinari; sed ab æterno fuisse determinatum ratione decreti divini, nec Deum vel Christum missum voluisse, vel fidem in eum prædicatam, nisi ut hoc medio illos ad se traheret in tempore, quos elegit ab æterno. Ut ut itaque dispensatio humana Ministrorum videatur salutem omnibus & singulis, qui verbum Evangelii audiunt, & pœnitentiâ præ se ferre, ac credere videntur, offerre, quia illis, nec tabulæ decretorum Dei, nec arcana cordium patent: Certum tamen, Dei decreto ab æterno determinatum esse, & qui credituri sint; & qui per fidem sint salvandi, ii nimirum soli quibus Deus tum objectum Evangelicum propositum voluit, tum fidem in id collatam. 5. Posito, electum qui crediturus fuit, in primo actu fidei nihil quicquam cogitasse de tali decreto, an ob id illud minus verum est, vel minus concipi debet? An pendet rei veritas à cogitatione tyronis adhuc in Christianismo? Si crediturus etiam de eo non cogitet actu, non sequitur ob id eum de eo cogitare non debuisse. Annon enim crediturus primò debet agnoscere corruptionem suam? Et sanè nisi seriò eam agnoscat, non poterit sibi persuadere, se opus habere Redemptore.

Sin eam seriò agnoscat, ut oportet, agnoscat simul impotentiam suam ad credendum, nec fidem à se exactam à se præstari posse, nisi solius Dei dono, quum satis in se sentiat contradictiones earum, & ratiocinationis corruptæ adversus doctrinam Evangelii. Nec sanè unquam Evangelium annuntiatur, vel annuntiari potest ut oportet, nisi præcedat annuntiatio corruptionis humanæ, & impotentix istius morales invictæ per naturam, quam contraxit peccator. Vnde & Johannes & Christus incepere ab exactiōe *ἡμετέρας*, nec Dominus ad se vocat nisi *τὸς κατηνύμενος*, *ὃς πεφωτισμένος*, adcoque nec Ministri verbi alios ad Christum vocare debent, quàm qui tales vel revera sunt, vel saltem esse videntur. 6. Nec si intercurrat quædam infirmitas in primò credente, nec ille habeat distinctam decretorum Dei cognitionem, vel illa omnia consideret ut oportet, in tyrocinio isto suæ fidei, sequitur objectum Evangelicum ex se esse universale, vel ut tale apprehendi à credente: sufficit enim, illum apprehendere connexionem universalem fidei & salutis, & hoc verbum sibi proponi, & suum officium esse, credere verbo proposito sibi præ multis aliis, ex singulari Dei munere. Nec opus speciali revelatione aliâ antecedente quàm repræsentatione objecti à Deo constituti, & officii sui. 7. Imò eo ipso quo in primo fidei actu sentit credens operatione divini spiritus, mentem suam ad objectum, ut loquitur Animadversor, appellat, & assensum illum in se formari ac fiduciam, per quam in eo acquiescat, & hæc operatio naturâ antecedit primum actum fidei, ut ejus causa, ut ipse fateatur, eo ipso ordine naturæ ante primum actum fidei novit credens illud objectum Evangelicum ex divina destinatione & peculiari quidem ad se pertinere. At, inquit Animadversor, non innotescit ei qui credit, se credidisse vi aliquâ spiritus, nisi postquam actu credidit: Vel itaque credens dum sentit istam primam operationem spiritus, in se, antecedentem primum fidei actum, eam tribuit viribus suis & libero arbitrio suo, vel spiritui Dei. Si prius, in gravissimo versatur errore, & falsum statuit; credit enim se ex seipso ita moveri ad objectum Evangelicum, quum tamen id merum spiritus S. opus sit. Si posterius, ergo ante primum fidei actum statuet cor suum à Dei spiritu tangi & trahi. Certum quidem eum postquam credidit, melius longè & distinctius singula intelligere, falsum tamen, eum si seriò agnoscat, ut agnoscere debet, corruptionem suam, non statuere, antequam credat, neminem credere posse nisi Dei dono, & eo ipso momento quo incipit moveri à spiritu Dei, sibi non persuadere, hunc motum spiritui isti, & singulari Dei erga se gratiæ imputandum esse. Quicquid verò ejus rei sit, id causam nostram non ferit siue crediturus consideret, fidem esse tantum electorum Dei, & Deum hos tantum

per Christum velle salvari, siue id non consideret, id ipsum non delinit esse verissimum. Sic, si cogitet, ista propositione, *omnis credens servabitur*, indicari, Christum esse Redemptorem omnium & singulorum hominum, malè cogitat, nec hic motus potest esse à Spiritu Dei, nec is omnes errores & imperfectiones removet etiam in incremento fidei, minùs in principio ejus. Sin cogitet istà propositione indicari, Christum esse Redemptorem omnium & solorum credentium, bene cogitat, & hic motus est à Spiritu Dei: Sed ob id credere non debet, Deum velle omnes & singulos mortalium ista propositione salvari, quum nôrit antecederet ante actum primum fidei illam innumeris non esse revelatam, nec ab iis quibus revelata est excipi posse, ut oportet, sine operatione Spiritus S. efficaciaci. Primus itaque actus fidei ista omnia non antecedit, ut demonstratum, nec ille aliter considerat objectum quàm prout propositum est, universalem nimirum à Deo constitutum esse nexum inter fidem & salutem. Et sanè si credens, postquam credidit, agnoscit gratiam, per quam recipitur propositio *communis*, non *universali*, particularem sibi indultam, quæ non indulta aliis; vel prius ita credidit, vel oppositum: Si illud, habemus, quod volumus; Si istud, falsum credidit, nec illius error imputandus Spiritui Sancto, vel quicquam derogat veritati rei.

VIII. Addit Animadversor 1. *Electos dari à Patre Christo duobus modis, prædestinatione, & ejus executione*; Sed id nos non ferit. Falsum verò simpliciter & absolute, quod addit, *prædestinationem electo, cum primum credit, ignotam esse, ideoque non posse ab eo considerari, ut notam quæ objectum discriminet*. At cum primum credit, reverà jam ipsi electio sua nota est, quia antequam primum credat, opus est, secundum ipsum Animadversorem, operatione divinâ Spiritus, per quam mens ejus ad objectum appellatur, & in eo acquiescat, cuius operationis peculiaris sensum nisi vel stupidus sit, vel ignarus suæ corruptionis, imputabit peculiari gratiæ, adeoque & ejus principio, nimirum Electioni suæ. Qui primum credit, sentit se trahi à Patre, adeoque sentit se ordinatum esse ad vitam æternam. Antequam verò istam operationem sentiat, adeoque antequam credat, vel credere possit, satis, eum sentire, fidem in Christum esse conditionem ad salutem necessariam, & eam à se exigi, & à se deberi. 2. Frustra querit: Quomodo fides illa consideretur, & dicit à se ostensum, eam ita gigni in primo actu; ut non aliter objectum suum consideret, quàm tanquam universale & indeterminatum, neque quenquam electum se Christo datum esse intelligere, nisi postquam credidit actu. Hic verò in se ipsum arietat Animadversor, quum falsus fuerit, operationem divinam Spiritus per quam mens ad objectum appellatur, & in eo acquiescit, naturâ antecede-

dere primum actum fidei ; Itaque ex ista primâ operatione Spiritus, quam credens in sese sentit, prædestinationis suæ executionem in se sentit, & antequam actû credidit, sentit se Christo datum esse. Si etiam consideret suum objectum, ut ita universale & indeterminatum, quasi Deus omnes & singulos mortales per id salvatos velit, error subjecti objecti naturam non mutat. Et sanè nôsse talis debuit, nec hoc objectum omnibus propositum esse, nec illis quibus propositum est, utile esse posse, sine collatione doni fidei. Sin' in eo consideret universalem nexum fidei & salutis, benè id considerat, & ex sensu nostro, semper enim judicabit salutem determinatam esse ad fidem, fidem ad donum Dei, hoc ad Electiōnem Dei. 3. Nequicquam subjicit : *Postquam electus credidit actû intelligere eum posse, Christum cum animam suam pro hominibus posuit, habuisse peculiarem quandam in eo rationem quorundam hominum quos pro ovibus habere destinabat, & redemptorem in oppetendâ morte ad electos singulari quâdam ratione respexisse. At antequam crederet actû, ignorâsse, se esse ex numero istarum ovium, & de singulari Christi respectu nihil pro se suspicatum. Quum ergo primus actus fidei ingentus est, nihil aliud ex objecto illi in mentem venire potuisse, nisi Christum animam suam pro omnibus posuisse, modò credant, quia salutem omnibus offert & pollicetur, modò eam admittere non dedignentur.* Ista enim omnia 1. memora sunt repetitio jam dictorum & confutatorum. 2. Si Christus peculiarem quandam habuit rationem, quum animam suam poneret, eorum quos pro ovibus habere destinabat, & in oppetendâ morte ad electos singulari quâdam ratione respexit : utique decretum fuit & Patri & ipsi, ut in oppetenda morte ad electos singulari quâdam ratione respiceret, adeoque decretum de mittendo Christo in mundum non est anterieus etiam ordine naturæ decreto Electiōnis, quum electis salvandis ex ipsa hypothesi Animadversoris peculiari ratione missus fuerit. Sin Christum missum esse universaliter omnibus & singulis sub conditione fidei salvandis, primum decretum est falsum, eum missum fuisse pro electis singulari quâdam ratione, vel in oppetenda morte non se conformavit Christus isti Patris decreto. Et quum, ex sententia Animadversoris, decretum secernendi electos à non electis sit posterius ordine decreto mittendi Christum, non potuit utique nondum secretis peculiari ratione Christus destinari. 3. Quî etiam consistet dogma Animadversoris, quod tradit alibi, Christum *equaliter* mortuum esse pro omnibus, cum peculiari isto respectu ad oves suas ? Si dicat, hætenus Christum *equaliter* mortuum esse pro omnibus, quatenus omnibus salutem ex æquo peperit sub conditione fidei, ne hoc quidem admitti potest ; quia in ipsa morte respectum habuit peculiarem ad oves suas, adeoque pro illis peculiari ratione



tione mortuus est. Vbi verò datur ~~gratia~~ peculiaris, ibi non datur æqualitas. Nec si quis medicamentum pluribus ægris sanandis, vel gazam pluribus pauperibus ditandis destinare diceretur sub certa conditione quâ carerent omnes, & quam non nisi illius ipsius liberalitate habere possent, ullus qui saperet, diceret vel medicamentum vel gazam istam æqualiter omnibus destinari, si aliquibus conditionis gratia fieret, aliis non. 4. Quid primò credenti in mentem venire debeat, quid non, à nobis ostensum. Quæ etiam, ex ipsius Animadversoris sententia, antequam actu credat, nōsse possit, se esse ex numero istarum ovium, retrò etiam demonstratum fuit. 5. Ostensum etiam falsissimum esse; Deum omnibus salutem offerre & polliceri, modò eam admittere non dedignentur, & ulli oblationem salutis salutarem esse posse sine collatione fidei.

IX. Addit: *Me vehementer errare, si idem Christum pro mundo satisfecisse negem, quia pro mundo precatus non est.* At si in eo errem, errorem istum juxtà mecum errant gravissimi quique Theologi nostri, etiam in Synodo Dordracena, qui hoc argumentum opposuere ante me gratiæ universalis patronis. Errat mecum Calvinus, disertè scribens: *Christum negare aperte, se pro mundo orare, quia sollicitus non sit, nisi de proprio grege, quem ex manu Patri accepit.* An verò pro iis satisfacere, & sanguinem fundere voluit, de quibus sollicitus non fuit, ad preces etiam fundendas, vel an mundus pertinet ad proprium gregem Christo à Patre datum? Et digna sunt notatu verba, quæ Calvinus ibidem addit: *Preces nostras pro omnibus idem à nobis fieri, quia nondum distinguere licet electos à reprobis.* Per mundum ergo intellexit reprobos, adeoque haudquaquam pro iis à Christo satisfactum censuit. Nec enim pro ordine aliquo hominum sanguinem fundere suum potest is, qui de eo sollicitus non est. Ostendit sic etiam Calvinus ex precumstrarum universalitate non sequi universalitatem Redemptionis, quod alibi satagit Animadversor. Quid verò agit hîc, dum argumentum hoc commune Orthodoxis Theologis impugnat, quo inferunt ex negatione precum Christi pro mundo negationem satisfactionis pro eo, nisi quod latus nostrorum pandat Adversariis, & iis signum attollat in nos invehendi? Et hoc est adversarios nobis conciliare, & Ecclesiarum nostrarum causam tueri! Qui verò vehementem istum errorem nostrum demonstrat? *Mundus*, inquit, *duobus modis consideratur, nimirum in universitate hominum, qui nondum vel crediderunt vel credere designati sunt, neque sub ea ~~gratia~~ spectantur, sed quâ homines: & in multitudine incredulorum, qui vel actu Evangelium rejecerunt, vel considerantur quâ ceterò id rejecturi sunt, & ut electorum ab iis jam secretio facta est, Christus noluit precari pro mundo, posteriore hoc modo considerato.* Neque id mirum. Quum enim precaretur pro

confer-

conservatione fidei electorum qui vel jam crediderant, vel cerò credituri erant, qui potuissent in ea oratione locum habere ii qui neque crediderunt, neque credituri erant, quique sub ea *ἁγία* considerabantur. Conservaturne quidquam quod neque est, neque futurum est in æternum. An non inde sequitur Christum non satisfecisse pro mundo; quatenus significat ista vox universitatem omnium hominum à quibus Deus fidem exigere vult, & quos nondum ita tractat, quasi eam cerò præstaturi sint, vel præstare detrectaturi. Putatne vir doctus nos nunquam de argumentis illis resellendus cogitavisse, ut postquam à centum aliis ante ipsum in medium adducta sunt, ea tanquam nova proferat, nullis armis, nullo novo robore communita! Sed distinctio ista partim frivola est, partim nodum nexum non solvit. Nam 1. Supponit ipsum *ἀνθρώπων*, Christum se stitisse Sacerdotem vel Mediatorem Deo Patri oblatione & satisfactione suà pro mundo considerato in tota sua latitudine, & sumpto pro universalitate omnium hominum, sub ea *ἁγία* quà homines sunt, à quibus Deus fidem exigere vult. At hoc ipsum novit esse ex articulis maximè controversis inter nos. Dum itaque id supponit, non ratiocinatur, sed petit *τὸ ἐν δόξῃ*. Immodò homines quà homines sub ista *ἁγία* reduplicativè satisfactione haudquaquam opus habent, non magis quàm Adamus integer, sed tantum homines quà peccatores & quà rei. Adde, fidem Deum ab innumeris exigere noluisse, immò iis ne objectum quidem credendum, quod est Christus Mediator, unquam revelasse. Innumeris etiam tale quid ne per ætatem quidem revelari potuit, vel fides ab iis exigi. 2. Hoc ipsum contrarium est sententiæ Animadversoris. Nec enim Christus satisfecit pro mundo hominum sub ea *ἁγία*, quà homines sunt, sed quà fideles sunt, quum eum pro infidelibus haudquaquam satisfecisse velit. Si dicat, illum satisfecisse pro mundo invitando ad fidem, primò innumeri qui exspirârunt antequam Christus satisfaceret, partim planè non invitati ad fidem fuère, partim in incredulitate extincti fuère, adeoque pro illis Christus nec satisfecit, nec satisfacere debuit. Secundò, satisfacere pro mundo invitando ad fidem, non est satisfacere pro omnibus & solis credentibus. Aliud enim est, invitare ad fidem, aliud, istam invitationem fide excipere & credere, plurimi verò, ut notum, invitantur à verbis Ministris, qui tamen non veniunt nec credunt. 3. Quid magis dilutum, quàm Christum pro mundo satisfaciendum introducere, quatenus significat ista vox universitatem omnium hominum, à quibus Deus fidem exigere vult, & quos nondum ita tractat, quasi eam cerò præstaturi (dicere voluit præstaturi) sint, vel præstare detrectaturi! An falsæ id genus notiones sine ulla probatione nobis obtrudendæ, & Christo affingendæ sunt? Huic verò Magistro nondum Lectores ita fidem suam addixère, ut sufficiat *τὸ αἶνός τε*. Si etiam Deus homines considerat, quà

fidem

fidem ab illis exigere vult, non considerare potest universalitatem hominum tantum sub ea *q̃t̃or, quā homines sunt*. sic enim considerantur non quā homines *reduplicativē*, sed *specificativē*, quā homines & rei & miseri, & per fidem in Servatorem erigendi, Quid absurdius etiam quā Christo morituro homines omnes objicere sub tali *q̃t̃or* sub qua ei sine falsitate obijci non poterant? Annon cogitatio Christi non tantum cum errore conjuncta fuisset, sed etiam cum stupore, absit blasphemia, si illōs ut tales considerasset? Annon inter homines, qui ante Christi satisfactionem expirābant, myriades multæ fuēre planē non invitatz ad fidem in Christum, quibus objectum istud credendum nunquam propositum, ut quod in solo verbo proponitur, adeoque quorum innumeri in *incredulitate* etiam *negativā* expirāverunt? Annon plurimis ne *τὸ πρῶτον* quidem Dei obijci potuit, adeoque nullum planē objectum amplectendum, quippe qui eā x̃tate abrepti fuēre, quæ nullius objecti cognoscendi cāpax erat? Annon plurimi actu ad Messiam invitati fuerunt, sed jam expiraverant in *incredulitate privativa*. Quum itaque myriades plurimæ hominum jam actu extinctæ essent in incredulitate, & actu jam æternis suppliciis addictæ, dicere, Christum voluisse satisfacere pro universalitate hominum à quibus Deus fidem exigere vult, & quos nondum ita tractat, quasi certò eam præstituri sint, vel præstare detrectaturi, est prostituere fidem Christianam, & Christum exponere probro, satisfactionem verò ejus ludibrio. Exceptiones Animadversoris à nobis discussæ Parte I. cap. XVI II.

An Principi vel non infano vel non stupido assigni deberet voluntas lytri exsolvendi pro plurimis velut invitandis ad officium præstandum, quos nōset expirāsse non tantum sine ejus præstatione, sed & in contemptu ejus pertinace? An beati etiam ante Christi mortem nondum ita tractantur ut ii qui præstipere conditionem! An Christus, qui noverat satisfactionem suam myriadibus multis, nec ante ejus præstationem, nec post eam revelandam, imò à nemine cui revelatur, fide excipi posse, nisi cui fidem dare velit, voluerit verò donum istud innumeris denegare, & solis electis suis largiri, tamen pro omnibus & singulis sub ista conditione satisfacere voluit, ut eam haberent? An Christus etiam *indefinitè* pro universitate hominum mori voluit, sine noticia definita eorum qui conditionem præstituri essent, vel non? Annon omnia ei nota ab æterno? Annon etiam satisfactio velut *aqualiter* pro omnibus obita nobis hīc de quò reponitur ab Animadversore? Scilicet etiam Christum pro iis qui Evangelium actu rejecerant, vel certo id erant rejecturi preces fundere noluit, sanguinem tamen pro iisdem fundere voluit, & quando preces fudit, consideravit eos ut qui jam actu Evangelium rejecissent, vel id

certò erant rejecturi, quando verò sanguinem fudit, in posteriori actu oblitus fuit, quales essent & quales essent futuri, vel eos saltem non considerare voluit, quales essent, sed quales non essent! Quid portentosius istâ licentiâ Scripturam ita torquendi, & Christi Servatoris majestatem prostituendi & deprimendi infrâ humanam & mediocrem etiam sapientiam? Dicamus potius, Christum satisfactorum æquè ac precaturum non tantum nôsse quales fuissent homines, & quales essent futuri, sed & eos considerâsse ut tales. Quum ergo nôset innumeros expirâsse in incredulitate, alios certò in eâ expiraturos, ab innumeris etiam fidem in se nunquam exactam esse, nec exigendam, nihil ab omni veritate alienius quàm fingere & considerationem & satisfactionem universalem sub conditione. An Electorum etiam non facta secretio, antequam Christus mortem oppeteret? An ergò eam spectare non debuit? An debuit pro inevitabiliter inèredulis & inevitabiliter damnandis satisfacere sub conditione ut credant, quos novit eo ipso quia *præteriti* erant, tales necessariò esse & futuros, ex ipsius Animadversoris sententia? Et quum Christus, secundum eundem debuerit singularem habere curam suarum ovium, annon secretionem illam spectavit & per eam secretos? 6. Adde, Christum futurum post se mundum aliquâ saltem probabilitate dici posse considerâsse prout nondum crediderat, vel prout nondum credere erat dignatus, antecedentem tamen mundum, qui vixit ante suam satisfactionem, sine absurditate evidentissima ita considerâre non potuit. 2. Si Christus etiam preces pro mundo fundere noluit, & non potuit, prout & constiterat, & constabat, & constitutus erat ex inevitabiliter inèredulis, sic & noluit & non potuit pro eo sub eadem *ἀνάστασις* fundere sanguinem. 8. Cui bono etiam Christus sanguinem fudisset pro talibus sine fusione precum, quâ solâ poterat illis applicari & utilis reddi ista sanguinis fusio? 9. Adde, Christum oppositionem expressam facere inter mundum & datos sibi à Patre, & testari, se pro illo preces non fundere, sed pro datis sibi à Patre, hoc est, pro electis. Cur ergo dissociamus actus sacerdotales Christi & *ἱλασμοὶ* illis deputamus, quibus Christus *ἐμφανισμοὶ* suum apud Patrem deputatum noluit. Isti verò actus necessariò sunt conjungendi, & ut conjunctim præstiti fuere à typo, conjunctim etiam præstari debebant à persona typo designata. Ex his patet, falsissimum esse, quod supponit Animadversor mundum à Christo satisfaciente consideratum fuisse in universitate hominum, qui nondum vel crediderunt, vel credere sunt dignati, nec eos sub eâ *ἀνάστασις* spectatos, sed quâ homines. Imò, si Christus noluit *precari pro mundo*, ut inquit Animadversor, *posteriori modo*, pro ut consideratur ut multitudo inèredulorum, qui vel actu Evangelium reje-

cerunt

cerunt, vel considerantur ut certò id rejecturi sunt, & ut electorum ab eis jam secretò facta est, noluit etiam pro eo sub ista consideratione mori. 10. Declinat Animadversor viam argumenti nostri, & causam suam pro-  
dit, dum rationem reddit; *cur* mundus locum habere non potuerit in Oratione Christi, nec enim de ratione eius in precibus Christi prætermitti ambigimus, ut qui id ipsum impingimus Animadversori. Eadem verò ratio ob quam locum habere non potuit in oratione Christi, in causa est, cur locum habere non potuerit in satisfactione Christi. Ut enim excludi debebant à precatione Christi, qui nec crediderant nec credituri erant, & qui sub eâ *quæ* considerabantur, sic eadem de causa excludi debebant à satisfactione Christi, quum ea nonnisi sub conditione fidei præstita ab ipso Animadversore statuatur, præsertim quum actus fusi sanguinis posterior fuerit, & exiguo intervállo sequutus priorem, hoc est, fusionem precum. Quod nemo apud se expendet, quin absurditatem *quædam* istarum ab Animadversore constitutarum deprehendat evidenter. 11. Nec evadet nobis Animadversor argutatione istâ, Christum cum precaretur, *pro* conservatione fidei electorum, qui jam vel crediderant, vel credituri erant; *precaturum* fuisse, in oratione itaque illa locum habere non potuisse eos qui nec crediderant nec credituri erant, idem enim de satisfactione urgeri potest, nimirum Christum cum satisfaceret, pro iis duntaxat satisfacere voluisse qui jam vel crediderant vel credituri erant, quia tantum sub conditione fidei, secundum ipsum Animadversorem, satisfacere debuit. Adde, Christum non tantum precari pro conservatione fidei jam credentium, sed & pro datione fidei respectu creditorum. Et disertè Christus docet finem missionis suæ esse, *ut det vitam æternam*. Quibus verò? His nimirum solis quos Pater ei dedit. Quæ verò illis hîc dat vitam æternam? Quatenus iis dat; ut cognoscant Patrem esse illum solum verum Deum, & quem misit Jesum Christum. Idè illis se manifestum fecisse nomen Patris, inquit, quos Pater ei dedit è mundo, & se verba Patris eis tradidisse. Pro his, addit, se rogare, non pro mundo, & rationem precationis suæ pro aliis addit, non quia crediderant, sed quia Pater eos sibi dederit, & quia Patris sint. Rogat etiam Christus, ut Pater illos servet, ut sint unum, ut Deus eos sanctificet suâ veritate, hoc est, sermone suo. Sic rogat pro *creditoris* per sermonem discipulorum, non ergo pro sola conservatione fidei jam datæ, sed & pro collatione fidei nondum datæ, respectu illorum quibus nomen Patris notum facturus erat. Pone ergo cum rogare Patrem pro Apostolis qui jam crediderant, ut conservarentur in fide, rogat tamen etiam pro iis qui nondum crediderant, sed credituri tantum erant, ut Deus illis daret *non* credere. Si ita-

que voluisset Christus satisfacere pro mundo considerato in ista universitate hominum, pro eodem voluisset sub eadem *gratia* precari. Et si sub alia *gratia* incredulitatis pro Mundo orare noluit, pro eodem noluit satisfacere sub eadem *gratia* ! An iis pro quibus majus præstitum voluit, fusionem nimirum sanguinis sui, pro iis præstitum noluit minus, nimirum fusionem precum ? 12. Si absurdum sit, aliquid conservari quod nec est, nec futurum est in æternum; absurdum etiam est, aliquid impetrari vel acquiri sub conditione, quod nec est, nec futurum est in æternum, & quod acquirens novit, nec futurum, nec fieri posse. Præterquam quod semper supponitur pro sola conservatione fidei jam credentium Christo sermonem esse, & precum fusionem inutilem, absurdam esse, effusionem verò sanguinis inutilem, absurdam non esse; nec ullâ ratione probatur, magis in satisfactione quàm in præcatione Christi locum esse non electis. Ex istis omnibus constabit Lectori, an putidæ istæ argutæ iunculæ contradictionibus & absurdis scætz Epiphonemate isto splendido claudi debuerint: *An putem se se nunquam de refellendis argumentis illis cogitavisse, ut postquam à centum aliis ante me in medium adducta sunt, ea tanquam nova proferam, nullis armis nullo robore communica.* Non dubitavi sanè, quin de his etiam argumentis refellendis cogitasset, quamvis præstitisset eum de iis potius confirmandis cogitasse, sed simul pro certo scio, & ex responsionibus ipsius video, eum frustra de declinando isto loco cogitasse, & crucem ipsi fixam, quam nunquam evellet, quum varia absurda ad eum aliquâ saltem specie expediendum congerere cogatur. Cogitârunt etiam de eodem argumento Remonstrantes, sed utut longè plausibilia opponant, hærebit tamen lateri eorum æquè ac Animadversoris telum istud nullâ arte evellendum. In eo verò non pudoris sed gloriæ materiam quaero; quod Animadversor hîc à Theologorum Orthodoxorum partibus abeat, qui hunc locum juxta mecum in Synodo Dordracena opposuere constanter universalitati satisfactionis; Stet verò à partibus eorum qui locum ab Orthodoxis ipsis oppositum variis strophis pervertere nituntur, ad quorum etiam cotem securim suam subegit Animadversor. De consensu itaque cum Theologis illis Orthodoxis non parum mihi gratulor, gratuletur sibi noster Animadversor, quod & eadem cum Remonstrantibus loca nobis objiciat pro Universalitate Gratiz suæ, & eadem tela sibi opposita cum illis evellere conetur. Quo argumento verò docebit à me *tanquam nova talia* putata? Vetra mihi semper plus placuere novis, & dicta indictis; Vtinam & eadem mens sederet Animadversori! Præstat sanè callem tritum sequi, ubi tuta vestigia, quàm semitam quaerere novam ad præcipitium. Frustrâ etiam queritur, talia à me proferri,

nullis



*nullis armis, nullo novo robore communita.* Nec enim verba Christi ita evidentia hominum robore vel humanis munimentis opus habent; Soli non opus est face, nec hic radio solari. Satis etiam, à nobis excuti arma adversaria, & robur gigantèum verbis apertissimis Christi oppositum. Experiat<sup>ur</sup> Animadversor, an absurdam illam distinctionem suam ab armis nostris ullo vindicare acumine possit. Experietur vicissim nos munimenta nobis objecta, favente Deo. cuius causam nos hic tueri persuasissimi sumus, validis & fortibus arietibus dejecturqs. Id sanè permirum videri possit hominibus, qui nondum vel rationis usum vel pudoris proscriptere, sibi imaginari etiam posse, Christum pro illis sanguinem fundere voluisse, quibus voces aliquot denegatas voluit, imò quos testatur disertissimis verbis, *se nunquam novisse.* Spectet verò Lector in tabellâ sublimem istam Animadversoris Theologiam. Si quis diceret, Principem omnes suos subditos rebelles velle liberare è potestate hostis & promittere pretiosissimum *λυτρον* ad id conficiendum, Principem etiam considerare simpliciter subditos suos quâ tales, ita tamen ut certam conditionem quam ipsis præcepturus esset, præstarent. Exspirârint verò innumeri in potestate hostis, ante ipsum *λυτρον* actû exsolutum, non tantum sine præstatione conditionis imperatae, sed & multi ex illis sine ulla istius tum beneficii sibi à Principe destinati, tum mediî à Principe adhibiti, tum conditionis à se præstandæ notitia, & quidem ante revelationem istius suæ voluntatis ipsis factam à Principe, sine quâ tamen impossibile esset isto beneficio potiri. Alii ex subditis illis notam quidem haberent conditionem istam, sed destituerentur dexteritate vel animi vel corporis ad conditionem præstandam necessariâ, & in hoc etiam statu exspirarent, cum aversione etiam à conditione ipsa præstanda. Alii minori præ illis numero conditionem illam præstarent, & quidem ex singulari dono Principis, à quo solo penderet conditionis & revelatio & dexteritatis ejus præstandæ concessio. An quæso seriò dici posset, Principem illum post talium mortem non tantum in ignorantione, sed & in contemptu & neglectu conditionis, velle actû *λυτρον*, quod sub conditione tantum pro illis sponderat, exsolvere, quum tamen conditionis istius defectus Principem planè liberet ab illa sponsione conditionali? An dici etiam posset, eundem Principem, ante lytri illius exsolutionem nolle præstare actum longè faciliorem pro istis hominibus, velle tamen Filium suum sanguinem pro iis fundere, quamvis sciret Princeps sanguinis à Filio suo effundendi efficaciam ab actû illo faciliore totam pendere. An Principem hic vel à stupore, vel à ludibrio liberaret, qui diceret, eum quidem *λυτρον* pendere velle pro subditis suis quâ talibus, sed nolle actum istum

faciliorem præstare, eò quod illos consideret ut rebelles, quum nisi rebelles fuissent, non casuri fuissent in manus hostium suorum, nec opus habituri *ἀντὶ* præsertim si illius ipsius conditionis à Principe exactæ vel ignoratio vel neglectus eam præstandi esset pars miseræ illorum, quâ laborarent. Et quî dici posset subditos illos considerari à Principe quâ rebelles in priore & faciliore actu, ob quam considerationem pro iis non præstetur, eos verò considerari tanquam subditos in actu posteriori & longè graviore, adeoque eum pro illis præstari. Et cur Princeps in priorî actu potius cogitaret de rebellionem quàm in posteriori, quum tamen solutio *ἀντὶ* potissimum pro rebellionem illâ exsolvi supponeretur? Non dubito, quin qui talia Principi affingere auderet, eum ludibrium omnibus debere vellet, & à Principe pro sapientissimo isto consilio sibi tributo tribus notaretur litteris. Quid magis etiam dilutum in *ᾠδῇ*, quàm simul semelque Christum voluisse pro omnibus sanguinem fundere, non preces! Vel enim in utroque actu consideravit eos quales erant, vel non: Si prius, rebellio non magis eos excludere poterat à precum fusione, quàm à fusione sanguinis, si posterius, consideratio Christi falsa fuit, & aliena ab objecti ratione. Probabilius etiam longè dici posset, Christum pro talibus voluisse primum actum edere, quando illos consideravit ut homines simpliciter, noluisse verò posteriorem, quando illos consideravit ut rebelles, vel incredulos, præsuppositâ etiam consideratione rebellionis & incredulitatis in oratione anteriore, istius *ᾠδῆς* planè oblivisci in actu posteriore, est Christo affingere oblivionem parùm decoram, vel considerationem objecti non quale est, sed quale non est. Vel enim desinent esse increduli inter actum orandi & actum fundendi sanguinem, vel non: Si desierint esse tales, sanguis pro iis erat fundendus, si non desierint, sanguis pro iis fundendus non erat. Et quum sanguis fusus fuerit tantum sub conditione fidei, non potuit fundi pro iis quos Christus & conditione ista destitutos expirasse, & sine ejus præstatione expiratuos certò prævidit. Et quomodo, quî non obstante istâ infidelitate potuere esse objectum fusi sanguinis, non potuere esse objectum fundendarum precum, quum tamen preces ad id præcipuè essent comparatæ, ut ex iis penderet successus fusi sanguinis, nec vel illi infideles manerent, pro quibus sanguis fundendus erat, vel ut in fide confirmarentur. Dóceat nos etiam ullâ ratione probabili Animadversor, cur Christus moriens illos consideraverit, ut incredulos, non verò Christus orans, quum tamen iste actus prior fuerit illo? Vel ergò in priore actu à Christo non potuere considerari ut tales, vel considerari etiam debuere in posteriori. Si non aliter cogitet Animadversor de argumentis refellendis, vel usum sensus

sensus communis, non rationis tantum à Disputationibus eliminandum censcbit, vel cogitationes id genus ad Anticyras relegandæ sunt, quæ Christo affingunt actus vix à stupore vel ludibrio absolvendos.

X. Et quia objeceram, ex ipsiusmet Animadversoris sententia sequi, illud objectum Evangelicum esse determinatum ad certa individua, electos scilicet, quibus solis Deus largitur ut credant, & per *πρόκλητον* occupaveram exceptionem quæ ab Animadversore opponi posset, determinationem illam consistere in *interiore applicatione*, non verò in *propositione & oblatione externâ*, subjeceram etiam, eò ipso salutarem ejus fructum determinari, ad certa quædam individua, quippe qui sine interiore istâ applicatione obtineri non potest, quam Deus certis hominibus duntaxat ab æterno destinavit: Hic 1. *Perspicaciam* mihi tribuit, quod in lucro deputandum, nec enim ista emblemata frequentia sunt in ipsius opere. 2. Interpretem verborum meorum sine causâ agit, & quæ paucis & clarè dixi, impeditè & per sortiten quendam sibi efferenda duxit. Haudquam verò opus erat interprete in re planâ, & quidem obscuriore à me dictis. 3. *Compagem* meæ Interpretationis *luxantiam* uno verbulo ait *confundi* minimum duo dispensationis Evangelicæ capita de quibus Calvinus loquitur: *Eorum prius habere promissiones universales & conditionatas, posterius peculiare & absolutas. Hoc ad Electionem pertinere, illud minimè.* Quàm opposita sit ista nota, judicet Lector! Scilicet duo ista capita sunt necessaria, ut homo possit salvari, quod ne ipse quidem diffitebitur, unum tamen duntaxat ex illis universale est, promissio nimirum conditionata, alterum conditionis videlicet ipsius largitio, non item, sine cujus tamen universalitate prius nonnisi in exitium illi cedere potest, cui offertur. Intereâ Deus primum caput tantum universale reddendo, alterum verò particulare duntaxat, omnes & singulos salvatos voluit, si Animadversorem audimus. Quamvis ne primum quidem plurimis myriadibus hominum revelatum voluerit. Ferrei & oris & stomachi illum esse oportet, qui ista cum universali voluntate omnes & singulos salvandi concoquere possit. Proponatur reis, lethalter sauciis, vel furcæ vel trirémium candidatis universalis promissio de eorum liberatione, sub conditione ne sint rei, vel saucii, nec detur illis liberatio à reatu vel vulneribus, an illi ex ista promissione gaudii materiam habebunt, an verò doloris, & desperationis potius? Adde, supponi ab Animadversore splendide, promissiones universales eo quo illas intelligit sensu, esse caput unum dispensationis Evangelicæ, quod est supponere, circulum habere angulos, & saxum esse animal. Annon verò hoc est ipsum *ἀμφοτέρωθεν* inter nos, an promissiones salutis sint universales, eoquem fingit sensu? Et si duo sint Evangelicæ

gelicæ dispensationis capita, vel integra dispensatio Euangelica non pertinet ad omnes & singulos, vel si pertinet, debet etiam omnibus conditionis gratia fieri æquæ ac promissionis. Videat jam Lector, qui compagem meæ interpretationis luxârit Animadversor. Si applicatio interna objecti Evangelici determinata est ad certa individua, & sine illa salutari ejus fructus obtineri nequit, sequitur illud ipsum non proponi omnibus & singulis hominibus cum intentione salutis. Verum prius: Ergo & posterius. Quid jam ad hoc argumentum solvendum facit, dicere, esse duo Evangelicæ capita, unum habere promissiones universales & absolutas, alterum particulares & conditionatas, quia quum de applicatione istâ internâ constet, eam particularem esse, per promissionem universalem sanè omnibus & singulis salus intendi non potest.

XI. Nec felicior est Animadversor in iis quæ subjicit: *Respondemus igitur, inquit, voluntatem divinam esse circa objectum Evangelicum duobus modis, primum ut id constitueret universale & conditionale, Deinde ut decerneret, non ejus universalem naturam limitare in se, aut charactere aliquo insignire, quo prius ab hoc quàm ab illo dignosceretur, sed fecerit ut quod in se universale est, & indistinctum, à certis quibusdam particularibus apprehendatur.* Annon verò eo ipso reponit nobis Animadversor. 1. *περὶ τοῦ ψεύδους* suum, Deum constituisse objectum Evangelicum universale & conditionale. 2. Quum objectum istud Evangelicum naturam universalem non habeat, sensu Animadversoris, utique in se limitari non debet. 3. Eo ipso quia Deus facit ut objectum istud à certis quibusdam particularibus duntaxat apprehendatur, & nisi Deus id faciat, à nemine apprehendi potest, eo ipso voluit id particulare esse, non universale, nec fructum ejus salutarem ad alios extendi quàm electos. Universalitas sola datur ratione nexu insolubili inter fidem & salutem, non verò ratione intentionis Dei, vel de objecto Evangelico omnibus & singulis proponendo, vel de omnibus & singulis per id salvandis. Et quid absurdius, quàm statuere, Deum primò objectum Evangelicum constituere universale, quamvis fiat id hac ratione non posse non carere omni effectu salutari, deinde facere velle, ut quod est universale in se, id à certis particularibus apprehendatur, quibus solis salutare sit, & esse possit? An aliquid etiam indistinctum respectu Dei? Addit Animadversor simile: *Ut si Deus, inquit, primum condidisset Solem ut vivificam lucem omnibus suppeditaret, modò oculos aperire velint: deinde quia previdisset fore ut omnes homines, si sibi permitterentur, nolint oculos aperire, decrevisset dare nonnullis voluntatem oculos aperiendi.* Posterior hacce dispensatio naturam Solis non immutat in se, neque facit quominus maneat omnibus universè destinatus, modò oculos

oculos aperire non nolint: hoc tantum facit, ut quod est universale in se, usurpetur aut videatur actu à nonnullis. At illi nonnulli cum solem intuentur, nihil, opinor, in eo vident, non maculam, non characterem, quo eum ad se plus quam ad alios pertinere judicent, si modò ejus usuram non aspernarentur. Et quum primum oculos aperuerunt, haud aliter de eo admirabili objecto existimarent, nisi esse illud omnibus universè, si modò oculos aperire velint, illuminandis & vivificandis summa Dei benignitate destinatum. Aliud est igitur objecti determinatio in se, aliud ejus actualis applicatio ad nonnullos. Determinatio objecti in se pendet ex aliquà operatione per quam ita insigniatur, ut prae se ferat se esse destinatum non ad omnes, sed ad certos quosdam. Ejus actualis applicatio pendet ex alia operatione per quam nonnulli disponuntur ita ut objectum ad se rapiant, quod est omnibus communiter oblatum. Posterius fieri concedimus & juxta cum Viro docto docemus. Prius, de quo disputatur, ne Vir doctus ipse quidem affirmare auderet. At si quicquam adversum est & Theologiae Animadversoris, & sanæ rationi, hoc ipsum est. Nam

1. An si Deus præsciret omnes esse cæcos, sapientem conderet Solem, ut vivificum lumen omnibus suppeditaret sub hac conditione, modò oculos aperirent, quos tamen nōset eos aperire non posse? Idem itaque omnibus universè destinatum dicere, sub hac conditione, paulò minus est, quam insanire, si illi supponantur omnes cæci esse, quod hic supponitur.
2. An etiam Deo omnium conscio utpote omnium directori absurdi & præposterii id genus actus adscribendi sunt, ut primò condant solem, sub istâ conditione omnium illuminationi destinatum, deinde prævideret fortè, ut omnes nolint oculos aperire? Amon enim hoc ipsum jam prævidit in creatione & destinatione Solis ipsius, vel cœpit id discere ex post facto demum, aut tum demum de eo cogitare?
3. An etiam prævidit Deus tantum, cæcos nolle oculos aperire, & non etiam, cæcos istos oculos non posse aperire, nec id velle posse?
4. An non etiam, quia nonnullis duntaxat decrevit dare voluntatem oculos aperiendi, eo ipso solem illum nonnullorum tantum illuminationi servire voluit?
5. Petitur *in eo* ~~non~~ Solem omnibus universè destinatum esse, cæcis æquè ac videntibus. Si quis de cæcis id affirmet, ille & cæcis & videntibus ludibrium debebit.
6. Rhetoratio ista inanis est, quid illi qui oculos aperiunt, in Sole videant, quod cum ad se plusquam ad alios pertinere judicent. Nec enim hic vel maculâ ad id opus, vel characterem; satis est, tales judicent, lumen istius Solis proportionem habere cum oculis sibi à Deo datis, non verò cum oculis cæcorum, sibi itaque & sui ordinis hominibus, hoc est, videntibus lumen illud destinatum, haudquaquam verò cum iis qui oculos aperire non possunt, præsertim cum oculos sibi post cæcitatem antecedentem donatos sentiant, multis

aliis non item. Nec quisquam adeò obbruit, qui si videat cæcorum turbam Parisiis in Honori vico stabulantem, & solem simul contempletur, judicet solem istum cæcis illis à Deo destinatum esse, eo quod si oculos aperirent, futurum esset ut solem intuerentur. Satis enim judicari, istos homines inevitabiliter per naturam cæcos esse, & lumen Solis exigere dispositionem planè diversam oculorum, ut iis illabi possit, quæ nunquam in talibus detur vel dari possit, adeoque Deum lumen istud haudquaquam illorum illuminationi destinasse, quos in cæcitate istâ inde à nativitate etiam incidere voluit, nec ab eâ curare. Frustrâ addit Animadversor: *Aliud esse objecti determinationem in se, aliud, ejus actualem applicationem ad nonnullos.* At de quo objecto sermo, annon de objecto applicando? Vel ergo Deus id omnibus applicatum voluit, vel non. Si prius & quidem *absolutè*, omnibus applicabitur, *si sub conditione*, quæ erit ista conditio, quæ non sit pars ipsius applicationis? si posterius, objectum illud non est indeterminatum, sed determinatum. Adde determinationem objecti in se vel indeterminatam non aliter melius à nobis colligi posse, quàm ex actuali ejus applicatione. Quum itaque determinetur ad applicationem, & ista applicatio sit particularis, destinatio etiam ejus talis est. Et quum objectum illud *græcè* dicat ad eos quibus proponitur, non considerandum est, quale in se sit, sed quale sit in ordine ad eos quibus proponitur, & à quibus applicari debet. Adde, determinationem objecti pendere ex operatione fidei, & eo ipso patet, id non esse destinatum omnibus hominibus, sed tantum solis & omnibus credentibus, adeoque electis solis. Sic si Princeps gratiam suam restringeret ad certæ gæzzæ largitionem, Medicus curationem ad certæ salarii præstationem, illa & ex se determinata essent, & ratione applicationis. Sic & destinatio salutis talis est; suspensa à conditione fidei. Et quum actualis applicatio pendeat ex operatione Dei, per quam nonnulli disponuntur, ut objectum ad se rapiant, & sine istâ dispositione, nemo objectum Evangelicum ad serapere potest, id illis solis destinatum est, quos Deus ita vult disponere. Nec opus disputare de determinatione objecti in se, satis ostendatur, determinationem fructus salutis istius objecti suspendi à fide, fidem à solâ Dei gratiâ ex electione fluente. Ad determinationem etiam istam objecti sufficit verbum, omnes & solos credentes salvandos. Vnde patet eam ad illos qui non sunt tales, haudquaquam pertinere. Nemo verò talis esse potest, qui non sit electus. Et quis unquam dicet, objectum aliquod esse universale & indeterminatum, quod suspensum est à certâ conditione, quam objectum proponens voluit esse particularem & determinatam. Nec quicquam causæ, cur Animadversor à nobis exigit operationem aliam determinantem objectum



Euangelicum ad certos quosdam, præter, suspensionem ejus à fide, & istius ab electione.

*Finis Capitis Octavi.*

**C**um hucusque progressa fuissent opera, in iis qua Clariss. Spanhemius dum viveret, curaverat ex suo autographo, quod difficulter ab aliis legi poterat, describi; & quod ab amanuensibus descriptum fuerat ipse recensisset usque ad Cap. VII. Secunda Partis inclusivè, non potuerunt reliqua parari ad præsumptum, atque ita totum opus ad umbilicum perducere. Superest enim Partis Secundæ reliquum; cum aliis que apud se meditata & affecta habebat. In literis enim ejus, ad D. Andream Rivetum datis, 22 Januarii hujus anni 1649. totius suscepti, & affecti operis, sed nondum perfecti, dispositionem sic instituerat: idque sequentibus verbis exposuerat.

Mitto ad te aliquot quaterniones Vindiciarum mearum, quos ut legere digneris demissimè precor, & me observationum tuarum & censurarum pro judicii tui soliditate, participem facias. Continent ferè dimidium Primæ Partis, vel plus dimidio. Reliqua studiosi describunt, quia autographum statui servare, dum operæ Amstelodami in descripto exemplari laborant, ut eo recurrere possim, cum ad me mittentur folia impressa, & eadem emendare. Typographiæ director, cui partem illam communicavi, existimat non excessuram Alphabetum primum. Secunda interim describitur. Non dubito quin judices me diffusum nimis esse: sed cum mihi res sit cum adversario tam maligno, & cui obitio fugas suas & omissiones, credidi ei auferendam esse occasionem pilam in me rejiciendi, & me eum debere persequi ἕως ἄνδε in utraque parte; ut ostenderem me nihil obtegere vel dissimulare, & omnibus satisfacere: Et quamvis *Secunda Pars*, quæ eorum exhibebit refutationem quæ pro suis Erotematis reponit, longior sit; tamen non excedet totum opus tria Alphabetum cum dimidio, ita ut Volumen futurum sit mediocriter in Quarto. In secundam illam partem conjicio examen duarum partium animadversionum specialium in quibus tractat de V & XIII Erotemate, cum utrumque debuisset suo loco examinari. Ad eum ea revoco, & inter alia Erotemata examino. Post hæc duas partes absolutas, addam Appendicem seu Mantissam, ubi, Deo volente, dabo observationes breves sed sufficientes in duas ejus prolixas Diatribas de τῷ γινώσκῃ, & de impotentia naturali & morali. Libenter etiam eum sequutus fuisset ἕως ἄνδε, nisi metuisset ne voluminis moles nimis excresceret. Credidi autem sufficere si ostenderem nunc in di-

gressiones inutiles excurrere, & aërem verberare, & vanè gloriari. Adjungam quicquid realè invenero in prima & secunda parte, *partis generalis Animadversionum*. Quod spectat *observationes Grammaticales*; alius id munus in se suscepit. Filius meus reliqua supplebit, ne quid intactum relin-  
quatur.

Sic *Vindiciarum suarum* vir doctissimus summam descripserat, quas morte pre-  
ventus non absolvit. Sufficiet tamen quæ nunc dantur, si præsertim jungantur  
cum Epistola ad D. Matth. Cotterium; & examine Epist. Amyraldi *expostula-  
torie*, quod cum Synopsi doctrina Salmuriensis editum est. Ex iis facile docti & pii  
judicabunt, non satigandos esse lectores, in re satius discussa, prolixioribus vindiciis,  
cum præsertim ipse D. Amyraldus vix tertiam partem *Exercitationum* attigerit, &  
centum *Erotemata* dissimulaverit, Specimine contentus: cui saltem justè opponi  
potest Specimen hoc doctissimi Theologi, ut omnes agnoscant, quàm facile disflare  
potuisset omnia objecta, si Deus ei lucis-longiorem usuram reliquisset; qui eum vo-  
care voluit ad sortem Sanctorum in Luce participandam.

Cum autem Hypothesici nostri in Gallia, ad ea quæ de novo protulerunt, circa  
doctrinam de Naturâ & Gratia, & Predestinatione sanctorum, quibus Ecclesias no-  
stras turbârunt, prætexant studium suum Pacis inter nos & Lutheranos concilian-  
dæ, cujus causâ multa eis concedunt à nostris hæcenus negata; ut videant quàm  
in vanum laborent, non erit abs re si hic iis & aliis ab oculis ponamus, quid de Mosis  
Amyraldi doctrina nuper judicârint Theologi Rostochienses; quod nobis nuper com-  
municatum fuit, in libello, cui titulum fecerunt.

### Primum falsum Calvinii & Sociorum,

*Septem disput. publicis Adumbratum primò, deinde ex-  
pressum, In Acad. Rostochiensi*

PRÆSIDE CASPARO MAVRITIO SS. Theol.  
Licentiatò & Logic. Profess. publico.

*Consentiente veneranda facult. Theologica in celeb. Acad. Rostochiensi.*  
Rostochii Typis Nicol. Kilii anno 1649.

Disput. 1. habita 31. Ianuar. ubi diversas quas putat  
nostrorum sententias ex suo sensu præfert.

**T** Hesi 8. Quarta sententia est Mosis Amyraldi Professoris Salmu-  
riensis statuentis, Deum sua *φιλανθρωπία* & generis humani mise-  
ricor-

ricordiâ impulsus decrevisse ab æterno filium suum in mundum mittere, qui præstitâ pro peccatis satisfactione, remisit. peccatorum & salutem æternam eâ lege omnibus acquireret, si ipsum per fidem amplecterentur, adeoque decretum de Electione non tantum infra lapsus, sed & infra universalem Dei misericordiam, & filii missionem ponit. Hactenus rectissimè. Verum dum addit præterea, Deum non amplius sua *φιλανθρωπία* universali, sed singulari quodam amoris genere impulsus, nonnullos ex universitate hominum selegisse, quibus fidem indulgeret eo animo, ut eos ad salutem certissimè perduceret, adeò ut non voluerit amplius eos servare, modò credant; sed statuerit eos ad fidem adducere ut ferventur: quia autem illa fieri non potuit quin reliqui præterirentur, præteritionem autem certò incredulitas secutura fuit, incredulitatem damnatio, quàm certa fuit electorum salus, tam infallibile fuisse præteritorum exitum & damnationem: Hæc inquam cum addit, priora evertit. Si enim Deus absolute quibusdam tantum indulgeret fidem voluit, patet quod noluerit omnium misereri ad salutem. Quum enim sine fide nemo possit salvari, fides autem ab una Dei efficientia sit, ut ipse loquitur Amyraldus, istam porro innumeris adhibere noluerit quos præterit, sequitur Deum eorum ad salutem misereri noluisse.

### *Thesi 15. De Crocio agens;*

Dum Crocius affectum Dei ab effectu avellit, id loquitur quod Ecclesiæ nostræ detestantur. Neque eum juvat quod affectum in Deo ponat cum effectu quodam thes. 113. meras enim tergiversationes, ne dicam technas & fallacias loquitur, quas pariter Ecclesiæ nostræ oderunt. Effectum enim de quo nunc sermo est salutiferum non intelligit: hunc quippe deducit ex Electione thes. 87 hoc est solis electis vendicat atque adscribit. Pari modo *Salmurienses* gratiam universalem fervidè defendunt, dicentes, Deum electis absolute benè velle, cæteris aliquousque, illos efficaciter vocari, hos autem aliquo modo. Si sciam, Regem omnibus & singulis reis velle gratiam facere, sciam verò tesseram requiri, quam nec habeam ex me ipso, nec habere possim, nec aliunde eam haberi posse, quam à Rege, Regem tamen illam paucis largiri velle, non omnibus, amon eo ipso sateri cogar, Regem vitæ gratiam omnibus facere nolle &c. Quæ sunt hypothesi consentanea *Spanhemii* verba Epist. citatæ pag. 90. vide & pag. 134.

Thesi 16. Si ex voluntate Patris loco omnium mortuus est Christus sufficienter, sequitur etiam omnes redemptos esse. — *Bremenses* & *Salmurienses* hic proximè ad nos videntur accedere. Verum ut thesi præcedenti affectum gratiæ ab effectu divellebant; ita hic quoque merito Chri-

ſti univerſali effectus quosdam communes aſſignant, adeò ut planè alterius generis meritum ſit, de quo nos loquimur, & de quo illi, ſicut ſuos loco demonſtrabitur.

Theſi. 18. Ex luſtratis hæcenus hypotheſibus fluit, gratiam Spiritu internam ſeu gratiam converſionis Chriſti merito partam ſeu Euangelium, tantùm electis à Deo deſtinari. Nos conjungimus, nec ullo modo patimur ſeparari *Φιλανθρωπίας* & gratiam divinam ab effectu ſalutifero, quem ſeriò & ſincerè in omnibus verbi auditoribus, etiam reprobis operari vult Deus, adeòque operaturus eſſet, niſi ipſi contumaciam novam opponerent. Sed & hîc exorbitant Bremenſes atque *Salmurienſes*. Crocius, ut plurimum nobis *ὁμοία ἢ ἀνάλογα λαλῶν, ἀνόμοια ἢ ἀνώνυμα φρονῶν*, quanquam hypotheſim communem miris modis palliet diſſert. xi 1. theſ. 22. & 72. levato tamen, quod ajunt velo rem gerere videtur diſſert. x. Theſ. 12. & 72. Cum inquit, *voluntas efficaciter operandi fidem vel ea dicitur, quâ Deus efficaciter eam verbo ac Spiritu ſuo vult operari abſolutè* (en tibi Calvinî hypotheſim) *ut quis actu credat; vel ea qua Deus verbo ac ſpiritu ſuo ita efficaciter vult operari, quemadmodum fert ratio fœderis oblatis* &c. Priorem electis, poſteriore etiam reprobis adſignat. Prior, reverà efficax eſt, quia fluit ex abſoluto decreto: poſterior efficax eſt tantùm ſecundùm dici, ut amplius ſuo loco demonſtrabitur. Ad eum modum Amyraldus valdè operoſus eſt in aſtruenda univerſali gratiâ, quam ipſe vocat *objectivam*, utpote quæ conſiſtit in propoſitione objectorum naturæ & fidei, objectum ſtatuens extrinſecus oblatum quod aptum natum ſit mentem illuſtrare cognitioni veri boni, offerri in Euangelio, & ea quoque ratione media ad ſalutem neceſſaria atque ſufficientia ſuppeditari. Sed recognoſcat quod ait, Diſſert. I V. *illuminationem qua ſit intrinſecus, quæque facultatem diſponit ut in eam objectum admittatur, hæud magis fieri per Euangelium, quàm ſi quis dicat, per radium Solis non offerri lucem tantùm, ſed etiam vitium cæcitatis à naturâ ejusdem & oculis depelli*. Quibus verbis vim illuminantem quam Euangelio attribuebat, negat & deſtruit, adeòque quanquam exterius offerri omnibus & ſingulis gratiam nimirò contendat, vim tamen illam Spiritus verticordiam ſeu quæ hominem convertit & intrinſecus illuminat ad ſalutem, ſolis electis deſtinatam eſſe, juxta cum aliis Calvinianis rigidiffimis defendit.

#### Exercit. 2. Theſi. 24.

Amyraldus qui integrum Tractatum pro defendendo Calvinî abſoluto Reprob. decreto ſcripſit, diſp. ad Guil. VI. Land. Haſſ. eos qui præmittuntur in diſtributione illius gratiæ dicit duobus modis conſiderari poſſe, abſolutè

*solutè scilicet in se, & comparatè cum electis. Et absolutè quidem si spectentur, quandoquidem, ut omnes fatentur, corruptissimi sunt à naturâ atque inquinatissimi, omnino digni sunt non modò ea præteritione, sed etiam alio malo. Quamobrem nemini vel injustum vel durum videri debet, ea si ratione tractantur. Sin autem comparentur cum electis, quandoquidem omnes æque corrupti sunt & inquinati adeoque dignissimi qui prætermittantur omnes, quid causæ esse potuit, cur in illius gratiæ dispensatione alii præponerentur, alii verò postponerentur, nisi quod Deo sic libuit? Absolutum igitur decretum est eatenus, non quod digni non fuissent ea præteritione, sed quod cum non magis ea digni essent quàm ceteri, præteriti tamen fuerunt electi.*

Hæc Amyraldus. Quæ si vera sunt, nec absolutum est Dei decretum de prætereundis certis hominibus, quippe præsupponens reatus originalis noxam, & inanis est distinctio inter reprobationem negativam seu præteritionis, atque positivam, seu cruciatus, cum utriusque sit eadem causa meritoria, nempe originis peccatum, quod non correctum, non potest non producere fructus maximis cruciatibus dignos.

*Et paulò post ex Hulsfemanno:*

Differunt hi Calviniani Bremenses, Salmurienses à reliquis in hoc saltem: quod reliqui præ se ferunt Deum præterire reprobos absque omni inescatione, factaque spe exeundi è perditione; id est absque omni oblatione mediorum eluctandi. Hi autem docent Deum decrevisse præterire reprobos, non sine aliqua inescatione &figuratione spei de eluctando: decrevisse tamen præterire eos collatione illius mediæ eluctandi, quod unicum & solum proportionatum est eluctationi, ut eo magis inexcusabiles fiant, tantoque acerbius crucientur. Hunc finem enim intendi à Deo per collationem solius sufficientis gratiæ docent cum Bremensibus, Leydenfes Theol. in Censura Confess. Remonstr. cap. 13. Sect. 3. Et hoc decretum esse absolutum. Vtri nunc reverentius de sinceritate & bonitate Dei sentiant, disquirendum permittimus. His opponimus nostram Thesin: *Decretum reprobationis non est absolutum, sed conditionatum, factum secundum præscientiam finalis incredulitatis.*

*Exercit. 3. Sect. 10.*

Amyraldus in Erotematibus & alibi satis accuratè probat, Christum omnium redemptorem esse, electis simul & reprobis à Deo destinatum, imò Christum pro omnibus æqualiter esse mortuum dicere non dubitavit, quod tamen amplius se non dicturum promisit Synodo Alençonensi, ut testatur *Spanhemius* Epist. ad Cottierum pag. 60. Respondeo Amyraldum in explicanda sententiâ sua intricatum esse, iisque uti distinctionibus,

bus, ut nec suæ partis hominibus, multò minus nobis satisfaciat. Distinguit, citante Spanhemio tractatu de gratia universali pag. 723 redemptionem à Christo factam, eamque duobus modis ait considerari debere, nimirum ut est absoluta, quatenus eam quidam revera amplectuntur: deinde ut est affecta conditione, quatenus offertur ea lege; ut si quis eam amplectatur, ejus compos fiat. Priori modo particulari est, posteriori, universali. Pariter destinationis illius, qua destinatur hominibus redemptor Christus, duplicem ait esse rationem, particularem, quatenus decretum de fide donanda conjunctum habet, universalem, quatenus decretum illud est; separatim. Hæc dum dicit, & alias distinctiones addit inter misericordiam primam & secundam, duplicem item prædicationem Christi, unam per ministerium Apostolorum, alteram per ministerium providentiæ Dei conservantis mundum; duplicem denique fidem, alteram sine cognitione Christi, alteram cum Christi cognitione, rectè asserta corrumpit, atque *κενοφυνίας* & *καυνοφυνίας* mirum in modum turbat.

*Idem in Corollario de Arminianis.*

Triginta collegit Capita Errorum Remonstrantium quos proprios appellat inter quos numeratur decimus error, quo

Pag. 84. Apol. Fatentur peccatum Adami à Deo imputatum dici posse posteris ejus, quatenus Deus posteros Adami eidem malo cui Adamus per peccatum obnoxium se reddidit, obnoxius nasci voluit: At nihil cogit dicere peccatum Adami posteris fuisse sic à Deo imputatum, quasi Deus posteros Adami reverà censuisset ejusdem cum Adamo peccati; & culpæ quam Adamus commiserat, reos. Hoc esse contra scripturam, veritatem, sapientiam, bonitatem, justitiam atque æquitatem divinam: contra peccati naturam, ut id censeatur peccatum, aut ut propriè in peccatum imputetur quod propria voluntate commissum non est &c. Summa, peccatum originale non habent pro peccato propriè dicto, quod posteros Adami odio Dei reos faciat.

21. Pag. 121. Fidem in omnium potestate esse: impotentiam credendi à voluntate hominis sola provenire, eamque non tam physicam, quàm moralem esse impotentiam dicunt.

• Negant in regenitis semper carnem concupiscere adversus spiritum, si de actuali reluctatione sit sermo pag. 128. Vnde pag. sequentibus contendunt cap. 7. ad Rom. rectè ab Arminio & Socino &c. de homine irregenito ejusque lucta explicari.

Hæc conferre poterit lector cum novis Salmurienſium placitis, de imputatione primi peccati, & argumentis quibus eam improbant à Pelagio & Socino desumptis, Item, unde sumpta sit distinctio quam tertio quoque verbo usurpant Hypothesici,

*Physica*



*Physica & moralis impotentie. Vnde etiam doctrina de Spiritu servitutis prout eam explicant, ex Cap. VII. Epist. ad Romanos.*

Vacaturis in fine hujus octernionis aliquot pagellis, visum est ex literis ex Germania allatis, pauca quædam hic addere, quæ maximè ad rem faciunt, ut omnes videant, non sine causa his novitatum conatibus, à piis & orthodoxis viris reclamatum fuisse.

Ex Epist. Theod. Zuingeri Doctoris & Professoris in Acad. Basileensi, & Ecclesiæ Antistitis, scripta ad Frid. Spanhemium 8 Septemb. 1648.

Non absque fastidio, addo etiam stomacho, Animadversiones Amyraldi vel leviter perlustravi. Dolui D. Rivetum Virum Maximum, cujus nomen propter præclara in Eccles. Orthodoxam merita & incomparabiles in ætate licet occidua in ipso vernantes dotes, in Ecclesiis omnibus, in primis nostris, concelebratissimum, tam indignis modis ab ipso tractari. Ut taceam dicteria multa & sarcasmos quibus tanquam nebulis jubar & splendorem nominis tui conatur obtenebrare. Talibus machinamentis autor nunquam nostras Ecclesias in suam pertrahet opinionem. Moles tota novas iltius quam venditat Methodi videtur mihi incumbere in arenâ. Voluntati Dei atque τῇ φιλανθρωπῳῖα quantum ad æternam omnium hominum salutem conditionali, quæ sit in Deo ad certum aliquod miserationis omnium & singulorum hominum, cui subordinetur, redemptio universalis per Christum; vocatio item universalis, & quidem non tantum per verbum scripturæ, sed & Naturæ. Hanc voluntatem qui dicit esse in Deo is mihi facit Deum ipsum conditionatum, & per consequens mutabilem: quia fingit Deum decrevisse, & quidem ex voluntate & intentione salvandi; Homini salutem, redemptionem, & media alia salutis cum conditione aliqua in hominibus à Deo nunquam nec prævisis, nec decreta. An verò hæc sit in Deo voluntas, magis hominem servandi quàm noluntas, & annon hoc sit ludere cum Deo, & totam salutis nostræ Oeconomiam, juxta hanc methodum, veteribus & novis Pelagianis deridendam propinare, si ego in talibus obescior sim, omnibus emunctioribus dijudicandum relinquo.

Ex literis MARCI FREDERICI VENDELINI S. Theol. D. & Gymnasii Anhaltini Rectoris acceptis post obitum Clariss. Spanh. qui accidit 15 Maij. ad eum scriptis.

**A** Dmodum Reverende, Excellentiss. &c.

Nominis tui memoriam sæpe hæctenus mihi renovârunt literæ Illustriss. Principis mei Domini Christiani Principis Anhaltini &c. quas propriâ exaratas habeo. planè honorificam Rever. Dign. tuæ mentionem

D d d

facien-

facientes. Absque his etiam esset, latere apud nos celeberrimum nomen tuum non posset tot Ecclesiarum suarum monumentis commendatum. In quibus novissimæ exercitationes de gratiâ universali sufficiente, contra Amyraldum Arminianum, qui Lutheranos quoque nostros applausores habet, & Epist. ad D. Cotterium in eadem controversia mediatorem. Hæc scripta Illustriss. Princeps ad me misit, meamque de iis sententiam requisivit. Meditatè omnia perlegi & planè consona doctrinæ Palatinæ atque Belgicæ deprehendi, meoque Principi commendavi, quæ omnia in meis scriptis Theologicis ipse quoque hætenus asserui, & contra Lutheranos defendi. Atque etiamnum, per Dei gratiam defendo; non obstante quorundam in Ecclesiâ Berolinensi & Bremensi, qui orthodoxi haberi volunt, contradictione. Gallicas Ecclesias in Arminianorum Castra adeò aperte transiisse nunquam credidissem, nisi Amyraldi scriptum absque Gallicarum Ecclesiarum intercessione, in publicam lucem prodixisse vidissem. Constantissimum Orthodoxæ assertorem meritò veneramur D. Molinæum. Utinam Arminianum virus in Ecclesias Belgicas iterum non irrepat, & ab Ecclesiis Gallicis tandem quoque exulet. Audio, & ex Epist. ad Cotterium intelligo, te occupari in Exercitationibus contra Amyraldum vindicandis. Deus adsit tibi sua gratiâ, & faciat ut os contradicenti obturetur, ad nominis sui gloriam & Ecclesiarum nostrarum tranquillitatem. Servestæ Anhaltinorum 19 April. 1649.

**F** Allitur quidem vir doctus & pius, in eo quod *Gallicas Ecclesias in Arminianorum castra transiisse scribit*, quod etiam libros Amyraldi *absque intercessione Gallicarum Ecclesiarum in publicam lucem prodixisse existimat*. Sed inde colligi potest, quàm perniciofa sit Ecclesiis illis, eorum audacia, qui scripta sua procidunt, aut nulla approbatione munita, aut eorum tantum qui in eadem culpa cum iis versantur, & Ecclesiarum Gallicarum nomine abutuntur, commendatione. *Salmurienfes* Theologi & alii quidam pauci, Ecclesias Gallicas non constituunt, quæ huiusmodi scripta prohibuerant.

Ex literis IOHANNIS HENRICI BISTERFELDII nunc Sereniss. Principis Transsylvaniæ Consilarii intimi, & Ecclesiarum Transsylv. & Hungariæ inspectis, ad Andreæ Rivetum scriptis, Claudiopoli 17 April. stylo novo, 1649.

**M** Iror Amyraldum tantum strepitus facere, cum nihil aliud habeat præter miseras Sophisticationes quibus gloriatur in responso suo; Nihilominus ei obsistendum est cunctis viribus. Nihil enim aliud est, quàm malè interpolatus Arminianismus, tandem in Socinianismum mutandus.

Sequun-

Sequuntur publica Academiarum aliquot Fœderati Belgii de  
*Exercitationibus* Iudicia, quæ visum quoque hic subjicere.

*Facultatis Theologicæ Professores in Academia Provinciali  
 Groningæ & Omlandia, L. S.*

Q Vam optandum est omnes in rebus Theologicis fidei & salutis  
 eadem sentire, tam parum illud est sperandum in hoc imperfectionis  
 nostræ statu, in quo ex parte tantum cognoscimus & ex parte propheta-  
 mus: Attamen summoperè dolendum quando illi ipsi quorum intererāt,  
 saltem in gravioribus & fundamenta salutis propiùs spectantibus, unita-  
 tem Spiritus per vinculum pacis retinere, recedunt ullo modo aut à do-  
 ctrina communi calculo Orthodoxorum receptā, aut etiam à loquutio-  
 nibus magis inter eos usurpatis & formulis consensus publicæ autoritate  
 constabilitis, dum aliquid vel plausibilius vel accuratius se sperant alla-  
 turos: Sic enim pax Ecclesiæ turbatur, communibus adversariis os ape-  
 ritur, & illis subministratur occasio compendia sua ex nostris dissensionibus  
 faciendū. Ea de causa indolimus ex animo contentioni nuper renatæ  
 inter viros magnos nostræ communionis, super quæstionibus *de Gratia  
 Universalis*; eò magis quod illius Doctissimi aliàs propugnatores suis hy-  
 pothesibus servituri ea proponere videantur, quæ Pelagii hodiè reliquias  
 in rem suam convertant, & unde errores suos per anticam ejectionem, per po-  
 sticam recipi, non sine infirmiorum offensione, glorientur. Ac summo-  
 perè optāssemus Galliæ singulas Ecclesias & Scholas, quæ semper ab om-  
 ni novandi studio fuerunt alienissimæ, pristinam constantiam & unita-  
 tem hic etiam retinuisse, & Synodorum suarum Nationalium, ejus maxi-  
 mē quæ Alençonii celebrata fuit, decretis adhæsisse. Sed quandoquidem  
 aliter visum fuit summo omnium Moderatori, cui placuit isto in carne  
 nostra surculo, nos ad humilitatem invitare, nihil nobis magis restat in  
 votis, quam ut Eximii illi Viri semel apud se feriò reputent quantum in  
 discrimen adducant florentissimas aliàs Ecclesias & quæ omnibus exteris  
 Concordiæ, Unitatis, Ordinis semper exemplar præbuere, dum novas  
 quasdam opiniones & hypotheses, præjudicatis suis sententiis inservitu-  
 ras, apud eas disseminant, ex quibus vel schisma periculosum interipsas  
 met, vel perniciosæ earundem ab Ecclesiis & Academiis aliis, maximè Fœ-  
 derati Belgii, divisio oriatur, quam olim Adversarii communes in rem  
 suam vertant. Eos enim hæc in parte à receptiori in Ecclesiis Reformatis,  
 præsertim Fœderati Belgii, vel sententiā vel phrasologiā & methodo dif-  
 cedere, est tam verum, quàm dolendum iis qui ex istis circumvolanti-

bus favillis majus incendiū proditurum metuunt; cū ejusmodi controversiæ nōn soleant ubi primum cœperunt consistere: Sed malis illius metuendis speramus saluberrimū fore prophylacticū ex Doctissimis & accuratissimis *de Gratiâ universali* Exercitationibus Reverendi & Clarissimi Viri D. FREDERICI SPANHEMII Theologiæ Doctoris & in inclita Leydensi Academiâ ejusdem Facultatis Professoris Celeberrimi, nuper emissis: Has enim quæstiones, tam copiosè deduxit, tam doctè pertractavit, tam solidè enodavit, ut confidamus egregium hac in parte ipsius laborem omnibus Orthodoxæ & Concordiæ studiosis plenissimè satisfacturum: Ac sicut nostrū quisque sigillatim antea de pererudito hoc suo labore ei est gratulatus, ita nunc in communi testamur & profitemur illam ipsam quam propugnat sententiam, hætenus constanter in hac nostra Academia sonuisse, & ceu Orthodoxam ac Dei verbo & formulis nostris publicis, nominatim Canonibus Synodi Dordracenæ, conformem obtinuisse; rejectis tanquam periculosis, novis illis hypothesibus, quas fusè & nervosè ibi refutat. Ita censuerunt in causa Bremensi nostri prædecessores οἱ ἐκ ἀγίας CLL. Gomarum & Altingius: Ita & nos, qui ab ipsis lampada accepimus, illisque sumus succenturiati ad eandem veritatem constabiliendam, semper sensitisse & docuisse, nostra exercitia Academica, quæ in omnium sunt manibus, satis evincunt. Quapropter ceteros omnes Reverendos & Clarissimos Viros, quibus videntur quadantenus novæ illæ phrasæ & hypothesæ arrisisse, per Deum obtestamur, ut seriò observatis earum periculosis consequentiis, & omni ulteriori contentione missâ, potius illud quod consequuti sunt industriæ & eruditionis in communem hostem convertant, receptæ & magis tritz viæ insistendo, quàm ad publicam Ecclesiarum & Academiarum nostrarum concordiam pulsandam adhibeant. Eò potissimum collimat hoc nostræ ὁμολογίας cum Reverendo & Celeberrimo D. Doctore SPANHEMIO testimonium publicum, quod ipsi illud à nobis petenti denegare, nec potuimus nec volumus. Datum Groningæ Frisiorum xxviii. Octobris stylo veteri, 1646.

SAMUEL MARESIVS S. Th. D. & Prof.  
Ord. ac p. t. Fac. Decanus.

ABDIAS WIDMARIUS, S. Theol. D. &  
Prof. Ord.

MATTHIAS PASOR, S. Theol. D. ac  
Prof. Ord.

*Iudicium*

*Iudicium facultatis Theologicae in Academia  
Vltrajeclina.*

**E**xercitationes de Gratia universali Rev. ac Clariss. Theologi D. Frederici Spanhemii perlegimus, iisque orthodoxam secundum sacras literas & consensum reformatarum Ecclesiarum sententiam dextrè ac fideliter propositam atque explicatam, eandemque contra impugnationes dissentientium solidè & plenè vindicatam deprehendimus, non dubitantes quin moderatis & veritatis pacisque Ecclesiasticæ amantibus huic abundè satisfactura sint. Gratulamur ergo & ipsi & nobis, & Ecclesiis nostris hunc utilissimum laborem & pulcherrimum consensum. Infuper fratres & symmystas hic dissentientes cætera Orthodoxos seridè ac fraternè obtestamur, missos faciant omnes illos novos cothurnos qui infelicius aliquem veritatis cum Semi-pelagianismo syncretismum sapere videntur: ne per *αἰρεσίαν τῆς ἀβολῆς* in periculosas factiones & schismata tandem erumpant, & animis divisarctissimam Ecclesiarum unionem in hac doctrinæ parte post schisma Remonstrantium tam clementer à Deo stabilitam aliquo modo labefactent. Certum etiam καὶ νεοφρονίας illas & novæ methodi excogitata commenta, nec ad Ecclesiæ in receptâ veritate confirmandos, nec ad adversarios Pelagianos facilius convincendos, & in castra Ecclesiæ pertrahendos quidquam facere: cum contrâ observatum sit, ex Orthodoxis semper hâc occasione aliquos dimotos, aut etiam in castra Remonstrantium delapsos esse idque ex peculiari quodam hujus methodi genio. Fieri enim non potest quin terminis, hypothesebus & præmissis quibusdam Pelagiano-formibus semel admissis theses & conclusiones ipsis conformes & congruentes inde educantur & hæretica discipulorum ingenia inventis illis suâ novitate nimium aridentibus alia atque alia insuper addant, quæ præceptores, sed seridè, addita nollent. Vltrajeclini conventu facultatis Theologicæ xxv. Aprilis Anno cIdo IdC XLVI.

GISEBERTVS VOETIVS Theologicæ in  
Acad. Vltraj. Professor.

CAROLVS DE MAETS. Theol. Pro-  
fessor ibidem.

IOHANNES HORNBEEK. Theol. ibi-  
dem Professor.

*Reverendo & Clarissimo Viro,*

D. FRIDERICO SPANHEMIO

SS. Theol. Doct. & Prof.

S. P.

**E**Xercitationes tuas de Gratia universali quod attinet, non illæ mihi gratæ modò, sed & gratissimæ fuêre. Debuiſti eas, non tantùm importunitati novaturientis, & ad famam per ista grassantis, ingenii; sed & cum primis Orthodoxæ veritati, quæ nescio quibus technis passim, aut dissimulatur, aut involvitur, aut impugnatur. Tibi illa contrà, in hac controversia, lauream debet, ob navatam egregiè operam. Quòd si enim bene sentire, rectèque facere, ut ait ille, satis est ad bene beatèque vivendum, quidni tibi merita debeatur laus, qui bonam causam sic asseruisti, ut à rectè agendi ratione ne minimùm quidem recesseris, adversariumque tuum tam humaniter ac leniter tractaveris. Mirabuntur, quotquot legent, boni, hinc gravitatem styli, ἀκρίβειαν judicii, eloquentiæ decus, ac denique piam vehementiam in asserenda veritate; illinc patientiam atque æquanimitatem in tolerando adversario, invidia potius, uti videtur, quàm φιλαλληθεία, stimulat. Meretur iste tuus eruditissimus labor, pro gloria Dei, pro causa Ecclesiæ reformatæ susceptus, ab omnibus, quotquot Orthodoxum nomen cum Orthodoxia amant, summum favorem, ac maximas gratias. Me quod attinet, summas tibi, cùm meo, tùm illustri Gymnasii nostri Daventriensis nomine, ago gratias, pro veritate acerrimè & gravissimè defensa: ac profiteor me tibi in omnibus istis ὁμολήφων, eandemque, quam tu tueris, sententiam esse, quæ in Gymnasio nostro, ut & in Ecclesiis nostris, docetur, quæque sonat in cathedra nostra Theologica. Nimirùm, elegisse Deum certos homines, pro his solis Christum esse mortuum, hos solos internè ac salutariter vocari, fideque salvificâ donari, hos solos justificari ac glorificari: vocationem externam, (illam scilicet supernaturalem, per verbum & Sacramenta,) communem quidem pijs cum multis impijs, at non universalem omnium esse; quum nec in V. nec in N. T. omnes sic vocentur, sitque Evangelium quasi ambulatorium, modò huic modò illi genti, annunciatum.

Qui verò Christum pro omnibus omnino hominibus mortuum, ac præterea vocationem externam, (illam naturæ cum supernaturali miscentes,) omnium omnino hominum esse docent, etiamsi particularem esse credant.



credant electionem, particularem gratiam internam & efficacem ; nã illi magno conatu magnas nugas agunt, datum Christum illis, quibus non omnia cum ipso dentur, atque sub prætectu pacis conciliandæ, & absurditatis effugiendæ, novam litis materiam cudunt, & in manifestissima absurda incidunt : sicut tu perspicuè, eleganter, & nervosè, in illis exercitationibus demonstrasti. Deus Opt. Max. qui Spiritu suo S. te in assertionem veritatis suæ excitavit, & omnibus modis instruxit, diu te nobis saluum & incolumem præstet, viresque continuet, ut in sancta hæc veritate stantes magis magisque confirmes, adversarios confundas, nutantes stabilias, errantes reducas; ad nominis sui gloriam, & Ecclesiæ ædificationem, Amen!

Dabam Daventriæ, Anno Christi cId Idc XLVI. XI. Séptemb.

V. R. C. *Observantissimus,*

HENRICVS à DIEST, SS. Th. D. & in  
Gymnasio Daventriensi, Professor, p. t.  
Rector.

ERRA-

# E R R A T A

Quam posthumus hic factus absente Auditore sit excusatus, mirari non debes, Amice Lector, si gravia nonnunquam menda in ipsum textum irrepperint, quæ ut benigne velis emendare, nec eo nomine in ipsum Auditorem malignè incurere. Quæ obiter à nobis observata sunt, placuit hic subijcere.

Pag. 13. l. 19. addend. τὸν ἐκ πατρὸς. p. 22. l. 21. *ex patre Diab.* pro *eos ex patre Diab.*  
 pag. 23. l. 17. *quia revera ista pro ista.* Ibidem: l. 28. *Idem* pro *Iridem*. p. 30. l. 15.  
*Deo attingere* pro *affingere*. p. 35. l. 23. *vi Spiritus* pro *vim*. p. 36. l. 16. *id supponendum*  
 pro *ad supponendum*. Ibidem: non ad illos pro *id ad illos*. Et l. 24. *alieni pro alicui*. Ibidem:  
*suavitudinis pro suavitudinis*. p. 38. l. 34. *voce* pro *vocatione*. p. 40. l. 11. *con-*  
*venius ista quoad pro conveniunt quoad*. p. 43. l. 2. *Et habent* pro *Et ut habeant*. Ibidem:  
 l. 8. *placabilitati, divinâ* pro *placabilitatis divinâ*. & l. 11. *beneficia* pro *beneficio*.  
 & l. 12. *proditus pro pradius*. p. 45. l. 32. *natione* pro *ratione*. p. 46. l. 13. *incitantur*  
 pro *invitantur*. & l. 35. *necessaria* pro *necessariâ*. & l. 36. *ea vero* pro *carere*. pag. 47.  
 l. antepenult. *Qui generale* pro *Qui*. p. 49. l. 22. *admodum parvus* pro *admodum parvus*.  
 Ibidem: p. ult. *veritati* pro *vexati*. p. 52. l. 4. *Et ipse* pro *ut ipse*. p. 62. l. 22. *equuleo* pro  
*equuleo*. p. 63. l. 29. *argumentatiunculis* pro *argutatiunculis*. p. 65. l. 1. *an demonstratum*  
 pro *at demonstratum*. & l. 19. *vel Et predicatum* pro *vel predicatum*. & l. 23. *ἐκ*  
*ἐκ τῶν ἁπάντων*. l. 34. *ἀντιπαρὸς* pro *ἀντιπαρὸς*. p. 67. l. 6. 7. *inter omnes ex pri-*  
*scos* pro *inter omnes prescos*. p. 68. l. 11. *mediam* pro *medium*. Ibidem: l. 32. *illi tribui-*  
*tur pro illis tribuitur*. & l. penult. *nationibus* pro *notisignibus*. p. 70. l. 26. *à priori* pro *à*  
*pejori*. p. 71. l. 22. *rationem pro rationum*. p. 72. l. 9. *commendationem* pro *commensatione*.  
 p. 91. l. 22. *eadem* pro *eandem*. Ibidem: l. 31. *æterna nimirum* pro *æterna celestis*  
*nimirum*. p. 101. *alteratio* pro *alterutra*. Ibidem: l. 31. & 32. *nullum salutis discrimen*  
 pro *nullum discrimen*. p. 109. l. 15. *ἐν παντί* pro *ἐν παντί*. p. 114. l. pen. *per omnibus* pro *pro*  
*omnibus*. p. 127. l. 26. *παρεστημι* pro *παρεστημι*. p. 131. l. 23. *ac exceptionibus* pro *ex*  
*exceptionibus*. p. 132. l. 20. *obversaretur* pro *obversaretur*. p. 136. l. 24. *dele* pro *aperit fal-*  
*sum*. p. 145. l. 1. *genere* pro *genera*. p. 159. l. 28. *Anterotatibus* pro *Anterotematibus*.  
 p. 161. l. 8. *citra* pro *circa*. p. 172. l. 14. *illius* pro *illius*. p. 186. l. 14. addend. *nec habere*.  
 p. 188. l. 3. *affingit* pro *affingunt*. p. 190. l. 27. *Dicit* pro *Disce*. p. 191. l. 13. *diviso*  
 pro *diviso*. p. 206. l. 5. *ipsius* vel *pro ipsiusmet*. p. 111. l. 13. *pertinet* pro *pertinent*. p. 213.  
 l. 31. *partim* pro *parum*. p. 233. l. 4. *regeret* pro *regeret*. & l. 30. *particeps* pro *participes*.  
 p. 236. l. 30. *opposito* pro *apposito*. p. 237. l. 6. *in bonam adde terram*. p. 240. l. 17. addendum:  
*Et eos idem sibi*. p. 257. l. 1. *loquantur* pro *loquatur*. Ibid. l. 2. ? pro . & l. 4. *observatus*  
 pro *observat*. In Breviariol. 11. *spetanda* pro *spetanda*. p. 258. l. 22. *pertinet* pro *pertinet*.  
 p. 261. l. 4. *œconomia* pro *œconomia*. Ibidem: l. 27. *istum ex illo* pro *illum ex isto*. p. 263.  
 l. 22. *suspenditur* pro *suspendatur*. p. 267. l. antepenult. *ablutio* pro *oblutio*. p. 269. l. 22. *de-*  
*lend*. *Erotematum* nomine. p. 271. l. 13. *constituenda* pro *constituenda*. p. 273. l. 32. *hori-*  
*tationem* pro *hortationum*. p. 274. l. 10. *quas* pro *quam*. p. 277. l. 26. *proposuisse* pro *proposi-*  
*tum*. Ibidem: l. 33. *habet* pro *habuit*. p. 282. l. 20. *delend. non*. p. 286. l. 24. *eruit* pro *emisi*.

## E R R A T A I N S P E C I M I N E

· Pag. 31. l. 71. *ut l. 17 Σπεχόμεν*. l. ult. *quas*. p. 4. l. 1. *conceruatus*. l. 6. *ἐν τῷ* p. 6.  
 l. 16. *poteras*. p. 9. l. 36. *παρακαλῶ*. p. 13. l. 1. *Dissertationis*. p. 14. l. 30. addend. *ac*. p. 15. l. 25.  
 scribend. *vindicat*. l. 30. *illorum*. p. 16. l. 24. *mira*. p. 17. l. 32. *suas*. p. 19. l. 20. *Picip*. p. 24. l. 22.  
 libello. p. 29. l. 17. *quas*. p. 33. l. 19. *totus*. p. 34. l. 34. *factores*. p. 35. l. 8. *eum*. p. 40. l. 18. *quo*.  
 p. 45. l. 17. *eum*. p. 56. l. 11. *Quin*. l. 31. *accuratissimū*. p. 57. l. 1. *est*. l. 13. addend. *in omne*.  
 p. 60. l. 7. *Vero*.

EZECHIELIS SPANHEMIL  
FRID. FIL

S P E C I M E N  
CRITICES ANIMADVERSIONVM  
S C R I P T O R I S,


*In quo Parenti meo objecta hac in parte vindicantur,  
& Animadversionum Conditoris stylus  
paucis expenditur.*

HERMIST

EXCELLENTI VIRTUTE,  
AC RARA ERUDITIONE,  
IOANNI BAILHACHÆO  
BEAUMONTIO.

D. C. 2.

EZECHIEL SPANHEMIVS.

 Vam iusta mihi qualemcumque opellam indignatio expressit, pietas injunxit, exemplum denique tuum absolvit, oculis etiam tuis hauriendam mitto, eruditissime BEAUMONTI. Nec enim sine piaculo aliud nomen illi præscribendum fuit, quàm ejus, cui utut immaturi partus publicæ fœturæ gratiam debet. Nam etiamsi non diffitear causas varias animum sponte jam pronum, & magnorum (quod præfiscine dixerim) virorum hortatibus ulterius accensum, ad tumultuariam hanc scriptionem impulisse, tuo nihilominus exemplo eò me non tam impulsus quàm adactum sensi. Excitavit illud quidquid in me ingenui sanguinis supererat, nec mihi tam audendi fiduciam quàm necessitatem injecit. Enimverò indignum videbatur non abjecti planè aut degeneris animi filio, ejus pietatem tot nominibus longè desideratissimo Capiti obæratam ab exteris nullo vel necessitudinis, vel privati alicujus beneficii vinculo conjunctis, non ferendâ æmulatione superari. Non ab ipsâ, quæ me apud alios fortè absolvere poterat, quartum ætatis lustrum nondum ingressi infantiâ, vel silentio obtentum, vel desidiæ patrociniū petendum censui.

## E P I S T O L A

Occurſabat animo gratiſſima illa, ac in omnem poſteritatem diſfuſa Regii Principis memoria, in quo victrix omnium pietas de illis iſtis naturæ obſtaculis, quæ nullâ hominum induſtriâ amoveri poſſunt, pulcherrimum ſed ad exemplum egit triumphum. Oblatum quoque videbatur comparatum ut-  
 cunque ad caput adolescentis primum ingenii argumentum, dum *Animadverſionum* ſcriptori placuit, ſe è Theologico illo, ad quod tot jam annos nequidquam tamen adſpirat, faſtigio ad Criticorum ſepta demittere, & Heroicum illum animum ſeculi genium longè ſupergreſſum Grammaticorum filiis man-  
 cipare. Verùm accidit, ut ex quo vel potiſſima ſcribendi occaſio profluxerat, ex eo diſſimili fato mihi tempeſtivi ſilentii le-  
 ges præſcriptas viderem. Tranſmiſſæ enim ad nos *Obſervationes* tuæ omnem inſtituti mei rationem diſturbârunt, & me à ſu-  
 perfluâ non ſolùm, ſed temerariâ etiam propemodum ſcri-  
 ptione revocârunt. Videbam iis debellatas, quas aggredi erat  
 animus, imbelles copias, & totam Criticæ ſupellectilis gazam  
 feliciter excuſſam, nihilque reliquum mihi præter effuſa in vi-  
 ctoris laudes gratulationum vota. Ita ut conſecto prælio no-  
 vum athletam in aciem procedere, & cum proſtrato jam ho-  
 ſte de novo congregari, tam parum à ludibrio, quam à neceſſi-  
 tate plurimum abeſſe judicarem. Quia tamen nonnulla etiam-  
 num ſupererant, quæ, ut nimis levia & indigna, quæ manu  
 tuâ confoderes, prius datâ opera neglexeras, in ea qualiacun-  
 que tandem ſint, quum aliò non liceret, calamum ſtrinxi &  
 experiri placuit quàm *durum ſit*, cum hoc viro ut diſertè alicu-  
 bi de ſe loquitur, *congregari*. Et quandoquidem ex conſenſu Opti-  
 mi, ſed dura fatorum lege, & acerbo bonis omnibus caſu no-  
 viſſimè nobis erepti, Parentis in hanc arenam deſcenderam,



# DEDICATORIA.

ita ut exiguæ hujus opellæ in editis jam *Vindiciarum* paternarum foliis mentionem obiter injectam viderem, veritus sum, ne in deserti officii suspensionem specioso obtentu apud omnes incurrerem, si meam hîc quoque Symbolam non conferrem. Adde serius, & exeunte demum superiori mense delatam ad nos eam *Observationum* tuarum partem, in qua pleraque illa, quorum examini sequentes paginas indulseram, magna ingenii & eruditionis ubertate vindicata animadverti. Præterea vel unum hoc me ab omni livoris morfu securum facit; quod summorum Virorum imperia præcoccem hunc fœtum in publicam lucem protaxerint, quorum judicio, cui omnes cordati jampridem assurgunt, mihi quoque acquiescendum censui. Ita ut levem cujuscunque existimationis meæ jacturam duxerim, ubi unam pietatis & obsequii gloriam mihi puram illibatamque relictam intellexi. Indigna illa quidem erant fateor, in quæ styli mucronem verterem, securius contemtu quàm rationum conflictu vindicanda, ni aliquam admirandi nominis Theologi in iis seriò triumphantis rationem habuisssem. Hanc ergo longè imparem pulcherrimis *Observationibus* tuis doctrina & elegantia uberrimis Appendicem subjicere ausus sum, ut quam suo precio gratiam sibi conciliare non poterat; eam ab exemplo tuo mutuaretur. Non verò hîc à me exspectas, Præstantissime BEAUMONTI, ut quæsitis laudibus modestiam tuam magnæ & excelsæ mentis nuntiam oncratum eam, & me in prolixam virtutum tuarum, quæ omnes eximix sunt nec passim obviæ, commemorationem insidiosa oratione diffundam. Nec ibo hic per singula tua decora, quum ad laudationem tui nihil ab infantix nostræ conatibus possit accedere, quod non infra meritum in me tuorum magnitudinem, sed

## EPIST. DEDICAT.

& votum meum positum sit. Erectus animus, & seculo prope-  
modum major, probitate incoctum pectus, subactum rara ac  
multiplici eruditione ingenium, candidissimæ denique virtutis  
& nivæ indolis exemplar captum hujus ætatis excedunt. Fi-  
dem Orbi facient præclara cœlestis ingenii monumenta, quæ  
brevi te magnorum hominum æternitati insertum, & victuræ  
famæ superstitem, singulari eruditorum omnium plausu in-  
tueberis. Faxit ille in primis, qui in te tot pulcherrimas dotes  
effudit, ut compositis aliquando, quæ per internas discor-  
diarum faces scinditur hodie illa Regina & florentissima quon-  
dam Insularum Britannia, dissidiis, te honorificæ illi stationi  
impositum intueamur, cui te pridem suis, sed irritis hætenus,  
votis destinavit. Vale Iuventutis decus, cum Venerando &  
bonis omnibus commendatissimo Parente tuo, qui infracto in-  
asserenda veritate Zelo Ecclesiam Christi raro exemplo deme-  
reri indies pergit. Iterum vale χαρίεσσι καὶ ἀγαπᾷ, ac me ama. Da-  
bam *Lugduni in Batavis* Nonis Augustis Anno æræ Dionysianæ  
CLO IO CXLIX.

# L E C T O R I.

**H**ic quidem, quod futurum praeviderat nemo, factum do-  
lebunt omnes veritatis, quam hic solide assertam legis, aman-  
tes, in ipso quasi limine pedem figere cogimur, mi Lector, &  
te jam in sequentium expectationem erectum hiantem di-  
mittere. Sed aliud assurgendum tibi; & in supremi rerum  
Arbitri voluntate sine murmure acquiescendum, cujus decreta profundâ  
veneratione, non scrupulosâ indagine excipienda sunt ac adoranda. Ita  
enim placuit illi, cum, qui tanto omnium plausu & expectatione utilissima  
huic scriptioni calamus admovebat, maturè rebus humanis exemtum  
calo transcribere, & Gratia illius, quam in terris ab omnibus adversa-  
riorum cavillis masculo & intrepido animo vindicâret, fructus imperti-  
re. Praematurus hic & inopinus casus spes tuas & nostras ivit interver-  
sum, quum ante obitum eam, quam exorsus fuerat, telam propter occu-  
pationes innumeras & adversam, cum quâ per annum integrum licet  
per intervalla conflatus esset, valitudinem, pertexere non potuerit, &  
extremam illi manum imponere. Vindicias suas ad finem propè pro-  
duxerat, & Erotemata propemodum omnia cum Duobus illis, quæ  
agmen speciminis claudunt, Dissertationibus accuratè excusserat, quæ  
tamen omnia pro dolor! aeterno premenda erunt silentio. Adeo exili  
enim & fugiente calamo hanc Responsionis suæ partem exaravit, ut ex  
eâ nullus Oedipus se extricare queat, aut ullâ industriâ integram illius  
lectionem assequi, quod nequidquam etiam ab iis tentatum, qui defuncti  
manum præ cæteris callere sese existimabant, & in eâ aliquo modo exer-  
citati sibi videbantur. Vt vel hinc cuivis constare poterit, quàm facili  
brachio omnia adversarii telaretunderet, & sophismata omnia sibi ma-  
gno apparatu opposita dilueret. Sic reconditus eris & inutilis, qui in pu-  
blicos usus exponi debuit, thesaurus, & omnium vota accendet, qui  
nullius desiderium explere poterit. Dolebis sat scio, qui veritati sacra-  
mentum dixisti, jacturam, ut ita dicam, irreparabilem, quum nihil in  
toto utut vasto Animadversionum opere reperiat, quod non cum  
curâ examinandum, & accuratè refellendum sibi proposuerat Vindi-  
ciarum Auctor. Habebis hic tamen, quò situm tuam aliquâ ratione  
com-

*comprimas, nec sine voluptate & fructu utut lacerum & mutilum hoc Opus manibus attrectabis tuis. Constitutum etiam à principio τὸ μᾶλλον fuerat, exhibere hic tibi in Vindiciarum calce eruditissimi Beaumontii Observationes, in quibus non totam solum Animadversoris Criticam eruditè excussam, sed quas insuper è Doctorum nostrorum primipilis quavis occasione spargit allegationes habes solidè vindicatas. Quia tamen non videbatur consultum ulterius differri illorum expectationem, qui impensè, & quotidianis propemodum convitiis, hoc quidquid est Vindiciarum efflagitabant, & præterea Typographus molem operis caussaretur, ac elegantissimarum illarum Observationum prolixitatem obtenderet, earum editionem in aliud tempus premendam duximus, ne ulterius tuis desideriis & votis intercedere necesse haberemus. Ne tamen Animadversor Criticam suam, in quâ mirè sibi ludos facit, & Heroicum aliquid sese præstitisse existimat, absque ullo examine relictam queri posset, vel id potius in compendium suum vertere, hoc etiam Specimen ex magnorum Virorum consilio subicere visum est, donec ipsas doctissimi Beaumontii Observationes nactus fueris. Interim vel ex eo abundè colligere poteris, melius procul dubio fama & existimationi suæ consulturum fuisse Animadversorem, si se intra Theologiae suae spatia continuisset, nec præ nimio cavillandi studio se in ignotas calles abripi passus esset. Vale quisquis es bene & feliciter; & memineris semper veritati strenuè patrocinari.*

EZECHIELIS\* SPANHEMII  
S P E C I M E N  
CRITICES ANIMADVERSIONVM  
S C R I P T O R I S.

C A P V T I.

*In quo agitur in genere de Grammaticis tricus Animadversionum  
Conditoris, & ex instituti ipsius ac Parentis mei  
collatione illius iniquitas ostenditur.*



Annicerem quendam Cyrenensem, ob singularem  
equum in gyrum flectendi peritiam, paullo ferocius  
sefe efferentem à Platone sapienter coercitum, autor  
est in secundo Historiarum libro Ælianus. Quum  
enim præfente Philosopho, & magnâ spectantium  
coronâ, Acaðemiam eâ dexteritate circumequitaret,  
ut currum ab orbitis semel impressis ne vel latum un-  
quem discedentem anxie dirigeret, cæteris quidem ingentem admiratio-  
nem sui, magno verò illi sapientiæ Magistro contemptum ac indignatio-  
nem expressit, quod fieri non posse judicaret, ut quam in levia hæc & in-  
utilia conferebat accurationem, eandem in gravioribus studiis pari feli-  
citate exhiberet. Quod verissimum Sapientis effatum ab Animadversio-  
num in Parentis mei Exercitationes scriptore non usquequaque videtur  
expensum, qui postquàm sponte illum publico adegit scripto, ut stylum  
in hornotina ejus dogmata stringeret, rationes non solùm illius magno  
ubique Orthodoxorum applausu exceptas continuis diçteriis & cavillis  
eludendas, verùm etiam Grammaticis potissimum festucis ac tigillis  
splendidum sibi tropæum erigendum censuit. Nec enim fermè ita anxius  
est in adstruendo Gratiz universalis dogmate, & à Parentis mei obje-  
ctionibus vindicando, ac de styli puritate sibi asserendâ, quam laudem,  
utpote inter sua decora non ultimam, ab eo sollicitatam sibi aliisque, sed  
sine causâ, persuasum voluit. Comparatæ in hunc finem priores duæ la-  
ciniosi Operis partes, & ipsum SPECIMINIS vestibulum præclaris id  
genus observationibus tanquam auro & gemmis decoratum, quas se ex

Lexicorum suorum penū, & Dictionariorum triobolarum conditoribus agnoscit compilasse. Et dum Grammatici personam induit, depositis ad tempus Theologicis insulis, laudem, quam unam toto opere affectat passim, omni studio videtur ambivisse, quam Aristophani ascribunt veteres Critici, τὸ Ὠκύνειν nimirum. Qua in re ut à charitate plurimum & sanctissimi Ordinis gravitate, sic à Christi humilitate & patientiâ, quam se unam æmulari solenni precatione professus fuerat, quæ an seria vel histronica dici possit, Theologis dijudicandum relinquimus, immane quantum discedit. Eo certè supercilio, vel ut Madaurensis Philosophus loquitur, adeo striatâ fronte pædagogicas illas Observationes exequitur, quasi in eò verterentur fortunæ Græciæ, vel salus publica, Heroicum scilicet facinus, & *dignum*, ut alicubi loquitur, *quod omnium in se oculos convertat*. Quia verò non solum sub initium præclari operis, sed plurimis aliis in locis in Parentem meum acerbè admodum invehitur Animadversionum scriptor, ac cum satyrico sale defricat, quasi ille ex professo & datâ operâ ejus stylum sibi seriò susceperit castigandum, aut *aliorum in eloquio atque Latinitate Censoris munus usurpare voluerit*, breviter nobis est utriusque hac in parte institutum expendendum, quo ex illius collatione quivis judicium ferat, quis hic ludibrium non Grammaticis tantum, sed eruditis etiam omnibus debeat. Nemo ceteroquin qui in hoc SPECIMEN sine præviâ Exercitationum Parentis mei lectione incidet, pro certo non existimaturus esset, Grammaticas id genus tricas, & anxiam de singulis propemodum verbis, pugnam, utramque in iis paginam facere, & potissimam scripti illius molem occupare.

Quum ab aliquot retrò annis Animadversionum scriptor ad accuratum Dissertationis suæ examen Parentem meum publicè & quidem acriter provocasset, ille verò ut Adversarii sui votis & expectationi responderet, in scripti illius confutatione τῆς πύδας versaretur, ubi in aliquid fortè ἀκυρολόγως, aut incommodè, vel contumeliosè dictum incidisset, & verbigratiâ, ipsum Deum *præfractum*, *præfractam* Ecclesiarum nostrarum Confessionem, ac celeberrimos Theologos orthodoxos *præfractos* ab Animadversionum Parente vocari vidisset, modestè id notavit in transcurso, quò hominem, ut molliissimè dicam, sui plenum ad saniozem & accuratorem scribendi rationem revocaret. Non eò tamen nomine ipsi insultavit, non grandem ei dicam impexit, non tum magno fastu traxit, vel invidiosè perstrinxit, quasi in apinis istis cardo controversiæ versaretur, quidquid hîc obtendat Animadversionum scriptor. Nec iis observationibus frontem operis insignivit, vel eas in unum magno conatu collectas ambitiosè proposuit, vel laureolam ex hoc mustaceo quæsi-

vit,



vit, quum paucæ istius generis notæ per totum Exercitationum opus essent dispersæ, & quidem strictim, ac planè velut ὁδὸν πέραρον indicatæ, ut à maximâ Lectorum parte vix observari possent. Noverat enim quid eum, quo tot jam annos constitutus fuerat, locum, quid argumentum deceret, de quo instituta inter eos erat controversia. Immo quod consideratione dignissimum est, ne de maximâ quidem illarum loquutionum parte & minus Latinâ vellicandâ vel per somnium cogitavit Patrens meus, quarum tamen patrociniū totis viribus suscepit Animadversionum scriptor. Quod ne temerè à nobis dictum, vel falsò confictum quisquam censeat, adeat Parentis mei Exercitationes, & iudicet an hoc ipsi tantâ cum insultatione affingere debuerit hic Aristarchus. Quum enim verba ex Dissertatione sibi oppositâ allegaret, usus est non semel hac phrasi, ut loquitur vir doctus, quo Autoris voces agnosceret Lector, ut frequenter ab iis fieri assolet, qui aliorum verba referunt, non eo tamen animo ut illa tanquam minus Latina vexaret. Quod gravissimam tamen injuriam duxit Animadversionum conditor,

Στεργόμηναι μέγα δὴ καὶ ἔφαν,

Et ex quo splendidam sibi triumphandi materiam ἀκροῶς oblatam credidit, quò dolorem suum liberius & amoto omni repagulo exoneraret. Quum enim solidis undique rationibus velut denso agmine se premi, ac rimas omneis ad fugam obstructas videret, noluit nisi prius edito insigni aliquo facinoræ gloriose saltem cadere. Hanc in rem conquistata ab eo undique magno studio, quæcunque ad lacerandam Parentis mei existimationem ulla ratione profutura videbantur. Hinc & vocum illarum & phrasium Nomenclator, quas ab illo obelo confixas credi voluit Animadversionum scriptor, Scapula, Calepinus, & quicquid est triobolarium Dictionariorum, consulti, & ex eorum pro se militantium, ut gloriatur, autoritate imaginaria ovatio quæsitæ, idque genus observatiunculis, velut tessillato aut vermiculato opere exornatum est πειπύλαιον. Nec contentus rebus his præclarissimè gestis, nondum probè sibi visus est ἢ ξύνασθαι ἢ ἀνελξύνειν, ni Parentis etiam mei stylum confoderet, ratus quocunque tandem pacto, quam illatam sibi censuit injuriam strenuè vindicandam, & cum scenico Philisopho, ut Euripidem vocat cruditissimus Deipnosophilistarum scriptor debere

Δενὰ πύλαειν δενὰ δὲ πὺν εἰρησμήναι.

Vnde totum Exercitationum opus sedulo ac diligenter evoluit, in priora etiam Parentis mei scripta ante complures annos edita anquiri, voces omnes & phrasas quas à puræ Latinitatis genio abhorrere credidit, vel quæ suâ repetitione molestiam sibi & fastidium creâsse fingit, scrupulosè

excerpit, atque in unum coarcevat, & secundæ Animadversionum Parti præfixas virulenter exagitat, præmissis scilicet illis velitationibus, quibus tanquam rorarius miles Parentem meum exerceret. Néc enim satis illi fuit eas aliquotiens sparsim in ipso Opere annotâsse, quâ in re minus irarum fortè ostendisset, si singulis locis ubi exstabant obiter indicâset, nî in ipso limine magno spiritu congestæ, & miris εἰσπράαις Lectori objectæ fuissent. Videat jam & judicet cordatus quisque, quis ex Grammaticorum quisquiliis laudem captaverit, ac de utriusque candore & modestiâ pronuntiet,

Εἰς μέζον ἀμφοτέροισι διακάζων μὴ δὲ ἐπ' ἀρωγῇ.

Nemo saltem non fatebitur nobiscum magnum intercedere discrimen inter utriusque institutum hac in parte, & nemo cum Cyrenæo vate non dicet,

Τὰ δ' ὅσον ὅσον Διὰ πλείστον ἔχουσιν.

Quin mirari vel potissimum subit Animadversionum scriptorem crepundiis illis immoratum, qui totiens & tam disertis verbis in hoc ipso Opere profiteri voluit, se non solum pridem *desuisse Grammaticari*, sed à minutis etiam illis alienissimum esse, & ejusmodi vitilitigationes tantùm non fastidire, immò nolle se hac in parte Parentis mei vestigia premere. At ego ausim ad singulorum judicia provocare, in quorum manus incidit postremus hic Censoris nostri scetus, an ullus unquam Theologus putidius *Grammaticatus* sit, aut tantùm *sebriculosis*, id genus, ut ipse vero nomine illas vocat, *Observationibus* indulsit. Annon hoc est splendidè in se ipsum arietare, & candorem omnem in ipso limine proscribere? Mirum quoque illum in hac palæstrâ Criticâ infra mediocritatem exercitatum, majora etiam omnia spirantem, ut ipse agnoscit, hîc tamem *σαλακωνδύειν*, & opulentiam suam in mediâ paupertate jactare. Satisfecisset potius causæ & multorum expectationi, & qui à Parente meo accuratam satis pro imperio responsionem flagitaverat, talem ipse præstitisset, ac plurima in Exercitationibus intacta præter Quæsitæ sibi objecta solvisset potius quàm ut infelix acumen in verborum apices, & ad quæstionem ne hilum quidem facientes exereret, atque ita exprimeret verbum vetus,

Αἰεὶς τὴν ὑπερβολὴν τὸ πόδα διώκει

Ἥτι' ἔνempε τὰ ἀναγκαῖα παλαιμπανόντων, τὰ περὶ τὰ δὲ περιμωμύων. Immo qui scitum hoc Agathonis dictum verè sibi potest vindicare,

Τὸ μὲν πέρερον ἔργον ὡς ποιέμεθα,

Τὸ δ' ἔργον ὡς πέρερον ἐκπονέμεθα.

## CAPVT II.

*In quo nonnulla secunda Animadversionum Generalium  
Parti præfixa expenduntur.*

**H**Is in antecessum delibatis, videndum nobis, quo successu susceptam tanto ambitu Grammatici personam sustineat Animadversionum scriptor. Ac primò illi arti non possum non ex animo gratulari, cuius magnus aliàs est apud multos contemptus, quæ opportunè ad eò præclarum vindicem nacta est, à cuius nominis celebritate non exiguum decus in posterum scenerabitur. Quum verò tres Grammaticæ partes in veterum monumentis potissimùm reperiantur, *παιδική* alio nomine *μεθδική* dicta, *ισοδική*, aliis *ἐξισδική* (quamvis hujus pomœria latius extendantur ex nonnullorum sententiâ) & *κλειδική*, seu *ιδιαιτερον μέγεθος της γραμματικῆς*, ut Sextus Philosophus loquitur, videat Animadversionum conditor quam ex iis profiteatur, & in quâ ulterius excolenda vir *κλειδικῶτατος* operam ac industriam suam deinceps collocatam velit. Quod verò ad priorem Animadversionum Generalium partem spectat, in quâ Latinitatis suæ immeritò, ut existimavit, à Parente meo castigatæ defensionem aggreditur, ut ab illius examine supersederemus, in causâ fuere exquisiti iudicii & raræ ac diffusæ eruditionis *Ioannis Beaumontii Observationes*, in quæ Parentem meum ab iniquis Animadversionum scriptoris cavillis, & jejunis observatiunculis solidè ac eruditè vindicavit, & ostendit illum à Parente meo in multis jure optimo reprehensum, in aliis Censorem nodum reverà in scirpo quærere, & cum umbris luctari, dum in iis tutandis ad eò æstuat, quorum nomine nemo ipsi litem intentavit. Quia verò nonnulla adhuc restant, & vel imprimis in secundâ Animadversionum Generalium parte, quæ ut levia nimis & indigna refutatu prætermisit eruditissimus & candidissimæ pectoris Amicus noster, ego non tam quod operosam mererentur curam, quàm ut aliquid Scriptoris Animadversionum genio indulgerem, qui in iis non leve causæ suæ momentum videtur posuisse, eorum examen non illibenter suscepi, unâ temporis jacturâ exceptâ, quod in pædagogicis his tricis collocandum fuit. Non diffiteor etiam me eò alacrius huic scriptioni calamum admovisse, partim ut quale quale illud exstaret in Parentem de me optimè meritum pietatis monumentum, partim etiam ut illum melioribus & aliquantò gravioribus negotiis quotidie distractum qualicunque hoc onere sublevarem, ut qui & indignam Theologis pugnam istam censeret, & magnorum virorum votis vellet

satisfactum, qui ne in Grammaticis illis nugis ruspandis hæreret, summo ab eo studio flagitârunt. Et certè aded jejuna illa sunt, immò aded iniqua, quæ in Parentis mei stylum Censoriâ tamen gravitate animadvertere voluit Animadversionum scriptor, ut sine minimo vel causæ vel famæ etiam ejus dispendio securè admodum præteriri potuissent.

Quia verò antequàm illum nobis reconditarum observationum thesaurum referaret, præfari nonnulla Censori placuit, quo totam illarum invidiam in Parentem meum rejiceret, operæ pretium erit audire ipsum more solito declamantem. Et primò inquit, ideo quia Parens meus, *si quid ab adversario in stylo peccatum est, id observatione atque aded castigatione sua dignum judicavit, se proinde sperâsse eum aequi bonique consulturum si pauca hic illum in eo genere moneret.* Quo verò jure id Parenti meo ita vel crudè vel liberaliter impingat Animadversionum conditor, & quâ coloris specie putidas suas Grammaticationes ejus exemplo tueri possit, abundè est superiori capite ostensum, & nequicquam ab eo ærugini suæ inde obtentum queri. Poterit verò facilè eo labore supersedere ut admodum supervacaneo, tum quod levia illa nimis essent, & indigna in quibus gravis aded Theologus bonas horas collocaret, qui ingens præsertim erga talia fastidium præ se ferre videbatur, tum quod plurima alia superessent altioris indaginis, in quibus enucleandis majori cum fructu, & nominis etiam sui existimatione versari poterat. Vel ergo alia erant conquirenda quæ tantum decerent *Monitorem*, & in quibus latè poterat ingenii sui vires explicare, vel illi ab his conchis legendis erat abstinendum. Observet etiam Lector Animadversoris candorem, qui pro ætatis fortè privilegio Parentem meum suorum παραρρημάτων admonendum amico scilicet consilio existimavit: Egregium utique & cordatum *Monitorem*, qui ipsum καὶ δίκαια καὶ ἀδίκαια acerbè suggillandum sibi ubique proposuit. Id nempe hominis benevoli, & de aliorum existimatione magnoperè solliciti officium! Si modestè enim talia ab eo ἐν παράδεισῳ fuissent observata, nec ex hoc vocabulorum spicilegio quæsitæ triumphî materia, meliori aliquanto titulo *Monitoris* nomen sustinuisset, verùm

Ἀμάρχον κρύψαι τὸ συγγραφεὺς ἤθελε.

Quid opus erat denique illorum hîc iterum Parentem meum admonere, quo officio variis jam in locis abundè fuerat defunctus Animadversionum conditor. Pleraque enim occupata ab eo fuerant vel in primâ *Speciminis* parte, vel in *Animadversionibus specialibus*, antequàm ad secundam *Animadversionum Generalium* partem se accingeret. Necesse erat nimirum ut raræ illæ nec vulgo Grammaticorum obvix observationes in unum fascem congestæ in Lectoris oculos primâ fronte incurrerent, quò reconditam

conditam istam Animadversionum Patris Criticen, quæ in singulis penè verbis eluceret, cum admiratione observaret, & illi *Ἀντίκω* etiam cantaret.

Dignum verò est observatione quod subjungit, Etenim si quis sermonis elegantiam, dummodo id quod res est, apertè dicat, haud magni facere se profitteretur, & inutile est illum eâ de causâ vel monere vel increpare qui correctionem & emendationem respuit, & fortasse iniquum id in eo reprehendere, in quo datâ operâ neglexit diligenter elaborare. Observare in his verbis poterit Lector solita Animadversionum scriptoris *κακὸς φύλεξ*. Quum enim vidit nonnullas loquutiones suas incommodas à Parente meo obiter perstrictas, & justam Nemesis metueret, ut qui ita virulenter agere instituisset, quod paratam nâvis hac in parte admissis excusationem haberet in posterum, ultrò & ex industriâ neglectum styli proficitur. Quod ipsum pluribus etiam Lectori in primâ Animadversionum Generalium Parte persuadere conatur. En callidum hominis ingenium! Acumen tamen suum vehementer illum fefellit, si eo pacto se à scuticâ Orbiliorum immunem credidit. Cui enim mortalium quæso fidem faciet, se *sermonis elegantiam non magni facere*, vel delectum styli, aut in eo elaborando *negligenter versari*? Si hoc ita revera est, ut id ipsum totiens proficitur, cur ob unam vel alteram phrasin strictim admodum à Parente meo castigatam tantas turbas excitat velut in *Ægæo*? Cur atrocem id injuriam interpretatur? & cur maluit in quasvis potius contumelias erumpere, quàm suam in scribendo elegantiam vel minimum periclitari? An hoc est hominis *stylum negligentis* pro Palladio isto, tanquam pro aris & focis dimicare, & copias undique emendicare, quibus aciem istam & impetum sustineret? An persuadebit cuicumque se datâ operâ in eo negligenter laborare, in quo tantum sibi plaudit, & unde gloriam captat ac triumphum?

*Ἡ γλῶσσα ἀμαύροχ' ἢ τὸ Φεῦδ' ἀναιμόλοτο.*

Annon contrarium potius disertè significare nobis voluit in satyricâ illâ Præfatione, quum gloriatur, se stylum in hujus Operis scriptione adhibuisse non quidem elaboratum, *purum illum tamen atque Latinum*. Nonne passim se infert multo fastu tanquam unius Ciceronis æmulatorem, & quem in succum & sanguinem vult videri convertisse, & ex eo singula verba & phrasas mutuari, immò ad cujus seriam in scribendo imitationem serus nimis pædagogus Parentem meum non semel hortari voluit? si adeo etiam negligentem se in stylo formando præbuit Animadversionum conditor, an debuit id ipsum aliis vitio vertere & aliorum Latinitatis severum adeò & verè censorium examen instituire? vel an existimat fortè id juris sibi uni concessum, & se unum eâ pollere in scribendo facilitate

litate, ob quam plurimum illum non in hoc tantum opere, sed alibi etiam sibi gratulatum novimus, quasi quamvis ἐξ ἑργῶν & ἀμειλῶς admodum sua fundat potius quam scribat, accuratissimas tamen aliorum lucubrationes styli puritate longo post se relinquat intervallo. An postquam etiam acrem adeo censuram in Parentis mei phraseologiam exercuit, securum se ab eâ parte existimavit, si profiteretur aliquotiens datâ operâ sese stylum neglexisse? Annon signum est potius hominis suâ imbecillitatis conscii, & propriis viribus diffisi, qui sibi à talione metuebat, quam iusta Parenti meo indignatio exprimere poterat, si tanti visum illi fuisset Animadversionum Patris institutum æmulari. Non debuit itaque superciliosi adeo in aliorum scripta Censoris munus captare, ne quod sibi jus in illos vindicârat, experiretur ipse.

Declamare pergit Animadversionum scriptor. *At quum vir doctus hominis eloquentis laudem affectare, & aliorum in eloquio atque Latinitate censoris munus usurpasse voluisse videatur, laudem illam puriorem obrinebit, & munus istud suum rectius exercebit, postquam ipse peccata sua cognoverit.* Præclarum sanè institutum, & ex amico pectore profectum, quod minerval mereatur luculentum! Barbarè hæcenus & incongruè scripserat ac loquutus fuerat Parens meus, ac ita etiam in posterum continuâisset fortè, ni singulari quodam fato opportunè in hunc Aristarchum incidisset, qui rectam illum & genuinam scribendi ac loquendi normam edoceret, & ad cujus castigationes suas deinceps formaret lucubrationes. Infelices verò illi partus, quos ante natum Animadversionum opus enixus est, ad quorum perfectionem ultima decrat tanti Critici manus! *Eloquentis hominis laudem affectat scilicet Parens meus, & aliorum in eloquio atque Latinitate Censoris munus usurpat.* Vnde quæso id colligis Animadversionum conditor? an ex eo quod ἀνεπαλόγη nonnulla in Dissertatione tuâ notavit & obiter quidem, & modestè, ut sæpius dictum. Bona verba nimium, quasi in eo magna requireretur eloquentiæ affectatio, aut eo nomine traduci invidiosè deberet, utque *aliorum in eloquio atque Latinitate Censoris munus usurparet.* At quos alios præter Patrem Animadversionum eo nomine umquam perstrinxit? Et quâ etiam ratione id ab eo factum? An illustrem illum Censoris titulum majori jure sibi vindicare non debet, qui sese ad Parentis mei Latinitatem vellicandam tanto apparatu accinxit? Quod tamen quàm feliciter illi succedat, judicium feret ex sequentibus Lector. Qui verò probare vult ex ipsis Exercitationibus Parentem meum eloquentiæ laudem affectare? In Præfatione disertè inquit, ipsum in iis multum studii & cura posuisse, & alibi etiam, *illas quantum potuit ad pompam & ostentationem ornasse.* scilicet quum ad unum illum

sco-



scopum videatur in toto opere collimasse Animadversionum scriptor, ut Parentem meum ejusque lucubrationes in extremum adduceret contentum, & eâ ratione ostenderet fungos esse in re Theologicâ & tyrones, nec in *his disputationibus*, ut ipse loquitur, *subactos*, non præcipuos tantum orbis Reformati Theologos, sed Academiâs etiam celeberrimas, immò Synodos integras quæ Parentis mei *Exercitationes* legerant, & suum illis calculum magno consensu adjecerant: demonstrare ipse voluit continuâ diſteriorum & cavillorum serie, nihil illis Parentis scriptis putidius aut commiseratione dignius, esse. Immo non solum persuadere voluit, illum in rei ipsius, de quâ agebatur, examine perpetuò hallucinatum fuisse, & turpiter cæspitasse, nî Parentis etiam mei infelicitatem doleret Lector, qui etiamsi eloquutionis & elegantiz potissimam videatur rationem habuisse, immò scrinia omnia Rhetorum in exornandis exercitationibus suis compilasse, ejus tamen conatui non responderit successus, aded ut Censoris nostri *diligentiam hac in parte exstimulare non potuerit*. Ita parùm egisse Parentem meum, quod maxime agere videbatur, & stylum suum quamvis ex omnibus myrotheciis ornatum scedis passim navis commaculasse. Iudicio hîc suo fruatur Lector, & cogitet Parentem meum disertè non uno in loco in ipsis *Exercitationibus* professum esse, se eloquentiz laudem quam illi in suâ Dissertatione pro suâ tunc humanitate Dissertator liberaliter asseribat, ipsi libenter integram relinquere, neque se eam ambivisse, *idque faciliè animadvertere potuisse virum doctum ex barbaris etiam quibusdam scholasticorum vocabulis quibus usus fuit, passurum faciliè se illum* *Ἐπεὶ δὲ παρὰ τὸν μέτρητον ἔλαττον ἔστιν* in hoc circo, modò veritatis sibi constet ratio, ut ab cruditissimo BEAUMONTIO etiam observatum est, si tamen Animadversionum Parenti credimus, non eâ animi contentione in evertendo Gratiz universalis dogmate, ac refellendis illius in eam rem argutationibus laboravit, ac in orationis & verborum delectu, cui curæ vult illum unicè & diligenter quidem incubuisse. Quo nihil tamen falsius, nihil iniquius, vel à Parentis mei instituto magis alienum proferre potuit. Annon enim præter ingenuam ejus confessionem res ipsa accusationem Censoris hîc convellit? Nonne Parens meus, quod in illo tantopere culpat, vocibus ex mediâ scholarum barbarie pctitis frequenter uti se professus est, quibus illi in totum abstinere proclive fuisset, si eloquentiz laudem in hoc Opere affectâset? Nec enim elegantiarum proci *πρυμναὶ* illis scholarum vocibus eloquutionem suam inquinari patiuntur, aut è Peripato schemata orationis mutuuntur. Quum verò Parens meus loquutionis id genus in scholis usitatas datâ occasione liberè & frequenter insperferit, vel ex eo

manifestum cuivis esse potest, illum in scribendis *Exercitationibus* nihil minus cogitasse, quàm de eloquentiæ laureâ sibi comparandâ. Adde ipsum, quum ad illarum scriptionem animum appulit, non potuisse iis exornandis tantum temporis infumere, qui per occupationes varias, & ipsam etiam temporis angustiam vix scribendis iis sufficere potuit, quum vel inprimis Animadversionum conditor cum non semel nimis arguat in scribendo celeritatis. Quod utique impingi jure illis non potest, qui scripto alicui ornando & perpoliando demorosos impendunt ungues & pexendæ Orationi, quod de mulieribus ait Comicus annum integrum indulgent. Conciliet ergo ista hic censor & tunc illi herbam porrigemus. Certè in Operis illius scriptione usus est Parens meus stylo planè extemporaneo, ut hoc de suo mihi largiatur Animadversionum scriptor, & qualis in polemicis id genus operibus adhiberi solet *ἀνὰ πρὸς καὶ ἀπὸ πρὸς*. Conferat etiam Lector inter se, si tantum illi otii supersit, *Exercitationes* & alia Parentis scripta publici juris facta, ac pro suo candore judicet,

*Quid solidum crepet, & picta tectoria lingua,*

& an illas Critico pumice lavigare voluerit. Quidquid hîc obtendat SPECIMINIS Auctor numquam probare poterit, eum eloquentiæ laudem in hoc Opere *affectasse*. Numquam sanè lenocinia verborum, vel phrasès sesamo & papavere sparsas, ut elegantissimus Arbiter loquitur, captavit, quibus Auditorum vel Lectorum etiam animos suaviter demulceret quam tamen mercem hodie magno apparatu obtrudunt nonnulli, & ipse Animadversionum Pater de verborum delectu, Ciceroniano scilicet, admodum sollicitus. Hoc tamen est priscam Patrum nostrorum simplicitatem æmulari, & per illorum grassari vestigia, immò *Calvinum*, Virum præter incomparabiles alias dotes, ab omni fuco & cerussâ mirum quàm alienum, luxuriantis ingenii & styli commentationibus exprimere. His dotibus ad meram pompam & ostentationem comparatis fastidienti ad solidiores seculo commendant sese plurimi, qui majoribus inclarescere non possunt. Alia verò fuit semper Parenti meo de sacris differendi ratio, ut bene etiam doctissimus BEAUMONTIVS judicavit, & ab omni illo fermento aliena indoles. Existimavit in primis nihil minus decere Theologum, quàm hinc inde quæsitis orationis pigmentis & inani verborum farragine ut indigesta mole, delectari. Mirum autem Animadversionum scriptorem eloquentiæ studium in Parente meo non obscurè traducere qui illam in purpuræ suæ limbo primam ostentat, quod neminem latet, cui vel ex fama vel ex visu etiam innotuit. Certè parum prudentis hominis videtur, id in alio quocunque modo

modo suggillare, quo se ipsum efferre alias solet. Verùm cum Lyrico vate concludamus,

Αἰ δὲ Φερονῶν παρὰ χαί  
Παρέπλαξαν καὶ σέφον.

## CAPUT III.

*De primâ observatione Grammaticâ Animadversionum scriptoris,*

*Hic est Rhodus noster, & illius iniquitate.*

**P**ericlem refert auctor gravissimus in publicâ Atheniensium concione verba facturum, id unice in votis habuisse, ne in tales umquam voces erumperet, ex quibus populus vel minimam justæ offensionis ansam posset prætexere. Quod laudabile & imitandum omnibus exemplum, atque vel iis maximè quibus animarum salus credita est, tantùm abest ut exprimere voluerit Animadversionum Patrens, ut oppositam planè agendi rationem, tanquam genio & moribus suis magis consonam, amplexus fuerit. Id enim sedulo operam dedit in vasto hoc Animadversionum Opere, non solum ut aculeata essent singula propemodùm verba, sed mordaci etiam, ut ille loquitur, aceto & atrabile diluta. Quod est hominum duntaxat nigræ loliginis succo tinctorum, & grassantium ferarum instar, hædquaquam verò illorum qui humanitatis, minùs qui pietatis praxin præstentur. Cujus rei documenta, quæ passim obvia sunt, & singulis occurrunt paginis, ne longius arcessam, illustre habemus inprimis, & quod erit instar omnium in primâ observatione Grammatica Animadversionum Parentis. Postquàm enim in genere acerbè nonnulla præfatus fuisset, quæ in superioribus sunt à nobis excussa, ita rem ipsam aggreditur, pulcherrimum Critices suæ specimen daturus. *Ac primùm quidem, inquit, effluxit ex ejus memoriâ, quod puer didicit olim quo genere sint nomina urbium & insularum.* Deus bonè! πᾶσι τοῖς Φερονῶσι ἐκπεπρωσσι, ὦ θνητότατε; Patieris enim nos hîc te compellare, quamvis non ignoremus illud Tragici

Οἱ δὲ πνέοντες μεγάλα τῆς κρείσσεος λόγους

Πικρῶς Φέρουσι τὴν ἐλπίσιν ὑπὸ.

An illius, quam sustinēs tot jam annos, personæ, non sanctissimi ordinis, non famæ denique tuæ consideratio intercedere potuit, quominus ab immani ista Parentem meum insectandi, & contumeliosè lacerandi impetigine te cohiberes? Non tacita hominum judicia, ut alicubi exclamas, non propriæ conscientiæ testimonium reformidâsti, modò, ut cum

Pindaro tuo iterum loquar, ἐν δίκῃ πρὸς τὸ δίκαιον, illatam tuo nomini & tuz, ut etiam judicas, existimationi injuriam strenuè ulcisceris? An tantum apud te potuit ἔλκεος ὑπερκαίοντος, quod infixum scilicet geris sub pectore, ob spes tuas tam infelicitè & inauspicatè in herbâ præcisas? An illustriori exemplo demonstrare poteras, quo actus spiritu calamum huic scriptioni admoveris, quam putidis id genus cavillis in ipso limine decorare voluisti? Effluxit scilicet ex Parentis mei memoriâ quo sint genere nomina urbium & insularum. Infelicis utique & obfusæ virum memoriæ, cui res pueris nota qui nondum are lavantur, & qui alienæ adhuc ferulæ sunt obnoxii ex eâ effluxit si Animadversionum scriptori credimus. Stupendam verò memoriæ felicitatem Censori nostro gratularemur, cui rara adèd regula in primâ ætate hausta ad hoc usque tempus pertinaciter hæsisset; nisi constaret nobis unde tam acuta observatio ei suggesta fuisset, cujus aliàs fortè absque monitore haudquaquam meminisset. Mirum verò inauditam hîc memoriæ imbecillitatem Parenti meo liberaliter adèd affingere Animadversionum conditorem, cujus incredibilem facultatem in ipso non semel, quamvis ne id quidem sine morsu, in hoc opere extollit. Disertè enim scribit alicubi memoria vitio illum peccare non potuisse, quam audiât in eo valere excellenter. Et alibi inquit p. 295 Animadvers. special. quod observatione inprimis dignissimum est, memoria imbecillitatem quis accuset in homine, in quo tantam ejus facultatis vim esse manifestum est, ut nonnunquam copia rerum judicii limen obstruat. Quod convitium tanquam luculentum animi saucii documentum securè prætermittimus.

Πόλλ' αὖν σὺ λέγας, ὅθεν αὖν πολλὸν λάβοις.

Conciliat verò illa inter se lector cum superioribus Animadversionum scriptoris verbis, & videat in quæ absurda illum calumniandi libido præcipitem agat. Certè an memoriâ ipse Censor valeat excellenter, vehementer dubitare me fateor, quippe cui propria verba excidère, quum ad Grammaticas istas Observationes se accingeret. An ob id iudicio plus valeat affirmare non ausim, & ex Parentis mei vindicti constare cuivis poterit? Mirabitur etiam Lector eum, qui memoria Parentem meum vult valere excellenter, immò qui memoria imbecillitatem jure accusari in illo non posse disertè proficitur, rem tamen ex eâ effluxisse velle non pueris tantum, sed nemini primis linguæ Latinæ elementis semel imbuto utut infelicis memoriæ; incòmpertam. Mallet tamen Parens meus Grammaticæ regulas potius quàm veræ & puræ Theologiæ canones ex memoria sua effluxisse. Mirum verò hominem ne primorum quidem artis istius rudimentorum amplius memorem ab Animadversionum scriptore perpe-

tuo viri docti elogio cohonestari, immò illi in Dissertationes Præfatione perreconditam eruditionem ascribi. Non sufficienter hæcenus editis lucubrationibus ostendit Parens meus, sibi primas Grammaticæ regulas & memoriâ non effluxisse, nec nominibus urbium aut insularum alibi passim & in his etiam Exercitationibus debitum genus assignavit? Benè actum verò cum ipso, quod contra Animadversionum conditorem calamum strinxerit, quo ille regulam adeò necessariam & minus etiam obviam ipsi tempestivè adeò in memoriâ revocaret.

Quî verò probare vult effluxisse ex Parentis mei memoriâ, nomina urbium ac insularum esse sæminini generis. digna enim res est, quam intelligas Lector, scilicet quum ad vulgare illud Græcorum Proverbium non alludere, sed id exprimere veller idè Ρῥῶτον ἰδὲ πῖθημα, hîc Rhodus noster dixit, quasi Rhodus diceretur genere Masculino. Rhodi nimirum terminationem illi Grammaticæ jam paulò obsoletiori imposuisse. Omnino verò certum esse vocem illam esse sæminini generis, nec aliter ab auctoribus usurpari, idque patere ex loco Pindari quem addert in hunc finem Animadversionum scriptor. Certè Ἰάμελος μὲν ἔχῃ εἰσπῶντα, immò potius

αἰδώς μὲν ἔχῃ

Εἰς ὅματ' ἰλθεῖν τοῖσιν ἰξεργασμένοις.

Præclara utique & digna Theologi gravitate observatio! Voluit nimirum eo pacto testatum facere Auctor speciminis non parùm aberrâsse Parentem meum, qui aliquid in ipsius stylo castigare ausus est, cui tamen primæ etiam Grammaticorum regulæ & memoriâ effluxerent. Scripsit scilicet Rhodus noster in Præfatione Exercitationibus præmissâ Parens meus, & terminatio illi Grammaticæ jam paulò obsoletiori imposuit. At certum est omnino illam esse sæminini generis, inquit. Ne scilicet de eo dubitarem in posterum, & ut rei etiam incredibili aliâs futuræ fîdem faceret, exemplis studiose conquisitis confirmari debuit. Næ labore admodum supervacaneo defunctus est, qui Lexica sua eo nomine consulere voluit! Eximium equidem & reconditæ eruditionis monumentum! Annon hîc acclamabimus Thaumaturgo nostro φθᾶς σοι λελάληκε quod in more positum erat apud Ægyptios, autore Suida, accinere omnibus iis, qui occulta & vulgo non obvia eruebant, aut incerta etiam quandoque illustrabant? Quibus laureis universa Grammaticorum natio ejus frontem decorabit, quam præclara hac observatione sibi in æternum obstrinxit? si quis id genus artibus egregiis demereatur in futurum posteritatem, illum Pædagogorum choro magnis acclamationibus admixtum in sublimi constituet gradu. Mira utique conversio, quâ factum ut ex tanto & πειλογῶ Theologo, immò novæ etiam Theologiæ





tare, & ex memoriæ imbecillitate, ac merâ ignorantia id ab eo profectum pertinaciter adedò contendere? Næ de Lectorum suorum credulitate securus fuit admodum Animadversionum scriptor, quibus se hoc persuasurum credidit? Desiderârunt hîc certè in eo candorem & modestiam amicissima ipsi aliàs capita, quæ plurimum ejus existimationi iniqua id genus censura detrahi non parum dolière. Quasi scilicet ii, quibus vel leve cum Typothetarum gente commercium intercedit, ignorent, quàm sæpe quorundam illorum negligentia & incuriâ non multa solum verba, sed linæ etiam integræ quandoque prætermittantur. Nihil verò Auctoribus familiarius est, quàm plurimos id genus naves in scriptis suis non observare, dum illa relegunt, qui vel aliis nonnunquam cogitationibus distrahuntur, vel etiam qui id, quod animo concipere, typis expressum censent. Quid iniquius verò quàm eo nomine in Auctores ipsos incurrere, immò tanta procacitate culpam in illos derivare? Et ut mireris Lector Critici nostri ingenium, & qua fronte hoc potuerit Parenti meo affingere, audi illum se ipsum strenuè jugulantem in prima Animadversionum Generalium parte. Quùm enim ἀνόνδε nonnulla in ejus Dissertatione notâset Parens meus, ita se purgat ab hac accusatione p. 32. *Nam non nego sanè posse reperiri locum aliquem in Dissertatione meâ in quâ sit aliquid ἀνόνδεον. At nihil est tamen ejusmodi, quod rejicere non possim ad errores Typographorum & operarum, haud minus quàm accentus in dictionibus Græci perperam collocatos, quos Vir doctus mihi exprobravit.* Fidem tuam Lector! Licebit animadversionum scriptori voces aliquot præteritas in operarum culpam rejicere, & id Parenti meo non licebit! Quo jure, aut quo privilegio id sibi confidenter dicat, quod aliis tamen non vult indultum? An sedet pro tribunali superciliosus Cenfor, & leges imponit, ipse interim iis solutus, & exlex, ut Venuſinus vates loquitur; Non poterit Parens meus particulas *hic Saltus* omiſſas ad typothetarum errores referre, Animadversionum tamen Parenti fas erit varia id genus σφάλματα illarum incuriæ in solidum ascribere? Habebit ἐκ τῶν πημάτων πίδα hac in parte, & erit ab omni reprehensione securus, Parens meus autem censuræ obnoxius in gravem & tantum non capitalem culpam incurreret. Quid iniquius aut injustius, quàm id in Adversario virulenter perstringere, quum nôsti idem tibi jure impingi posse?

*Τεύχων ὡς ἐτέροις περ ἐπὶ καλὸν ἤπαλιν τεύχεϊ.*

Sed pergit Animadversionum Auctor splendide Parentis mei causam contra se ipsum agere. Dicit enim, inquit, certè non potest quantum incuria & imperitia & nonnunquam etiam temeritas istorum hominum nobis negotij in eo genere facessant, & quàm multa σφάλματα oculos nostros subterfugiant, cum  
alio

*aliis occupationibus distinemur.* An melius Parentem meum aut luculentius ab omnibus suis cavillis absolvere poterat, si magno etiam ære conductus ab eo fuisset, ut ipsi patrocinaretur? Cur ille quum disertè adeò fateatur dici non posse, *quantum incuria & imperitia, immò etiam temeritas illorum hominum negotii nobis facessat, & quàm multa σφάλματα oculis nostris subterfugiant,* cur ille, inquam grandem litem eo nomine Parenti meo intentavit? vel an solos Typothetas Salmurienses huic negligentiz & ἀνυπαδείκτου quandoque obnoxios existimavit? At loquitur in genere de Typographorum & operarum gente. Et quæ hîc subdit, præcipuè expendi merentur. *Vt enim ista me in aliorum operibus nunquam offenderunt, sic spero alios in lectione mearum lucubrationum serè pariter animatos.* Exigui enim semper animi esse existimaui in leviculis illis observationibus harere. His gemina sunt, quæ in illâ ad Lectorem *περὶ σφαλμάτων* Erratorum syllabo in calce Operis præfixa totidem verbis leguntur. *Tu reliqua benigne Lector ex aquo & bono facile condonabis.* Nihil enim est severitate in eo genere iniquius, nihil indignius viris gravibus, quàm ut alii aliorum labores in istis operarum peccatis carpant. Hæccine scribere ausum Animadversionum scriptorem! vel qui hæc scripta læget, qui persuadere sibi poterit, eum non dubitasse alibi se ipsum atro carbone notare, nec mirum tamen

ὅτι ἴσων νόμιμα καὶ φθέρουσα.

Quid verò in illo mirabimur, primò ne defectum iudicii, an memoriæ, quem utrumque Parenti meo objecit indignationis & doloris plenus, ob imminutam, ut non falsò opinatur, nominis sui latè ante hac radios suos diffundentis exiltimationem. Opus equidem mirum de Lectoris stupore confidentiâ. An nebulam se posse illius oculis offundere credit, ut non videret illum manifestè adeo sibi ipsi dicam scribere? An verò Periclis exemplum hîc imitari voluit, qui, ut in ejus vitâ Auctor gravissimus docet, luctâ à Themistocle devictus, contrarium tamen præfati Atheniensium populo inusitatâ eloquentiz suæ fiduciâ persuadere modis omnibus voluit? Ne ægrè itaque ferat Animadversionum conditor, si postquàm talia repetitis vicibus scripto publico mandare ausus est, candorem in eo & æquitatem desideremus. Videat tamen ipse & iudicet, an *Viri graves* personam propriâ confessione non decoxerit, qui tantâ non dicam *severitate*, sed iniquitate potius, immò tanto fastu Typographicum mendum Parenti meo unice imputatum voluit. Pronunciet etiam, an illa verba sibi soli non debeat vindicare, & meliori quidem jure quàm dum ea Parenti meo imputare voluit, quæ in aurâ ejus Præfatione leguntur, non perspicit vir doctus dum accurati Grammatici gloriam affectat, se & gravis Theologi & hominû prudentiû existimationem neglexisse. Quis enim

enim hac in parte severum se ex iis, ne quid pejus dicam, præbuerit demonstrare velle, esset revera, *λύχρον ἐν μεσημβρίᾳ ἀνάπλειν*. Atque vel ex istis patet, concidere illa omnia, quæ magno apparatu sub Præfationis finem adjecit Animadversionum conditor, quo Parentem meum ulterius traduceret. Quum enim aliquanto post evulgatum *Exercitationum* opus Parens meus fortè in præliminarium lectione versaretur, animadvertit statim voces *hic saltus* & operarum injuriâ prætermisissas, & suo, ut ita dicam, *παραδείγματι* in Erratorum syllabum relatas non esse. Quamvis verò numquam existimaret fore, ut eò usque hominum protervia erumperet, ut *σφάλμα* in re adeò tritâ sibi tantâ iniquitate imputaretur, & ipse Typothetæ negligentiam prolixè adeò lueret, atque eò magis securum se ab eâ parte crederet, quod in vocibus illis *hic Rhodus noster* & particula *hic* disertè virgulâ supernè notata esset, ut à pronomine distingueretur, & quod in verbis illis nullus planè subesset sensus, illa verò essent omisssa, quæ sola ejus intentum designare poterant, & Ptoverbii vim exprimere, nihilominus tamen ut calumniandi pruritum maturè retunderet, mendum illud in plurimis Exemplaribus, quæ adhuc erant penes Typographum, ad calamum emendari curavit. Elapso verò multo tempore, quum ejus expectationem Animadversionum Auctor suâ Responsione in longius protraheret, miratus non parùm fuit, quod ipsi tunc primum constitit ex litteris candidissimi & integerrimi Viri, & cum quo ipsi arta à plurimis annis amicitia intercedit, gravissimum illud mendum non operis sed sibi in solidum impingi. Quum verò vel ex eo solo specimine abundè colligeret, quid sibi in cæteris ab hominis istius candore polliceri deberet, continuo ad amicissimum illum virum fide ac eruditione eximium, ob labores verò pro Ecclesiâ Dei exhaustos bonis omnibus merito suo charissimum, rescripsit, & rem fideliter illi exposuit, voces nimirum *hic saltus* inter *Rhodus* & *noster* interjectas operarum incuriâ prætermisissas, mirari verò se quâ fronte aut conscientiâ id sibi assigneretur, quasi prima Grammaticæ elementa oblivioni mandâisset. Quod ubi Animadversionum conditori quorundam delationibus innotuit, non parùm ægre tulit, spes suos de Parente meo eo nomine acriter defricando interverfas, & præclaram illam observationem, in quâ seriò ipsi triumphare constitutum erat, & cujus gratiâ cristas erexerat, irritam cadere. Hinc omnes ingenii sui vires explicare aggreditur in ipsâ Præfatione, ut quo jure, quâve injuria *σλόικον* illum à Parente meo profectum pertinacissimè, ne dicam malitiosè asserat. Nolebat scilicet hunc bolum sibi è faucibus eripi, unde mirum quàm in eo æstuet, & quibus ratiocinationibus evincere se posse speravit, typothetarum vitio mendum illud admitti

non potuisse, de Lectorum cæteroque judicio *ὡς φρονὶς ἰσχυροῦς ἐκείνου*. Ac primò quidem observandum, dicere ibi Animadversionum scriptorem *incogitantia quadam animi* ita fortè à Parente meo scriptum. Si verò id verum censuit, an ergo debuit eà de causâ virulenter ad eò ipsum perstringere, & tanquam Grammaticarum regularum oblitum ad unco naso suspendere? Et si id Parenti meo accidisset, diæteriolum illud tantùm Censori meliori jure potuisset regerere, quod in secundâ Animadversionum specialiori parte legitur, *Vir doctus de istâ ἀνευρολογίᾳ triumphet. Magnificum illud erit procul dubio, & dignum quod hominum in se oculos convertat!* secundò inquit, nullam esse similitudinem inter voces Rhodus & saltus qua occasionem errori Typotheta præbere potueris. Quasi scilicet illorum hominum incuria non longius evaderet, & integræ sæpe lineæ non omitterentur, dux verò vocalis facillè præteriri non potuerint. An ignorat id Animadversionum scriptor, vel non meminit amplius illorum verborum, quæ in primâ Animadversionum Generalium parte scripserat in superioribus à nobis adducta? dici enim certè non potest quantum incuria, & imperitia, & nonnunquam etiam perversitas istorum hominum nobis negotiū in eo genere facessant. Ita ipse Parenti meo fert suppetias, & pulchrè se ipsum refutat, unde alio illorum verborum examine opus in præsens non habemus. Pergit verò in acerba illâ Præfatione, & rogat, qui mendum illud à Typographo admissum non Correctoris solum, sed Parentis mei oculos præterfugere potuerit, qui præliminaria illa quantà potuit accuratione scripsit, & ab omnibus mendis diligenter emaculavit. En inauditam hominis pertinaciam! Quasi verò, ut superius etiam diximus, accuratissimis quoque scriptoribus sæpe non usuveniat, rebus præsertim aliis intentis ac distractis, ut multa id genus σφάλματα aciem oculorum subterfugiant, ac vel in primis dum ea typis exscripta existimant, quemadmodum illa animo concepère. An ipse etiam Animadversionum Auctor Parentem meum, ut vidimus antea, non absolvit hac in parte & disertè causam illius agit, dum inquit dici non posse quantum multa σφάλματα oculos nostros subterfugiant, præsertim cum aliis occupationibus distinemur. Sic festivè in se ipsum incurrit. Quod verò audacter ad eò contendit, Parentem meum præliminaria illa quantà potuit accuratione scripsisse, eo ipso suo se jugulat gladio. Si enim verum illud sit, quod verissimum credit Animadversionum scriptor, qui ille in re ad eò obviâ & ipsis infantibus notâ turpiter potuit labi. Quod si nimis in scribendo celeritatis hic illum accusaret, aliquâ saltem coloris specie mendum illud ipsi obijcere poterat, quasi incogitanti & nimium festinanti excidisset. Sed quum pertendat Parentem meum omnes ingenii nervos intendisse, & ab omnibus aliis cogitationibus liberum quantà potuit ἀπεχέσθαι in Præfationibus

illis scribendis versatum esse, qui potuit credere Animadversionum Pater illum aliis rebus intentum hæc ita scripto consignasse? An illud præclarum est magnæ *accurationis* indicium? At *Grammatica regula ex memoria ejus effluxere*, & id rotundo ore sateri debuit Parens meus, ni mallet *gravis Theologi & hominis prudentis existimationem negligere*. Hæc verò in superioribus abundè sunt excussa, & nemini non constat, quis amborum majorem gravitatis Theologicæ rationem habuerit, & quis eam in scribendo neglexerit. Certè nec dictariis vel cavillis, minus contumeliis aut convitiis gravitas Theologica commendatur. Et quamvis Parentem meum non solum in ordinem redigere conetur Animadversionum Auctor, sed ipsum etiam ut novitium aliquem, & tyronem in re Theologicâ explodat, nemini tamen ne suis quidem *phariseis* & intimæ admissio- nis discipulis persuadebit opinor, Grammaticæ regulas ex ejus memoriâ effluxisse. Ne quidem ipsum Censorem id credere existimo, quod aliis tamen & repetitis vicibus, & magno conatu, ut candorem ejus agnoscas Lector, nequicquam inculcare nititur. Addit tandem, ut nihil contumeliaz reliqui faceret, *optare se ut viri docti autographum sibi fideliter à Typographo repræsentaretur*. Festivum utique æquè ac iniquum votum! Festivum quidem, quasi Parens meus, cui schedas suas, postquàm typis fuerunt expressæ, Typographus, ut mos est, commisit, tanquam Diti aurum studiosè in arcâ nulli unquam usui futuras & dispersas planè asservaret. Si Animadversionum conditori tanti sua consent, ut postquàm scriptum aliquod prælo commisit, & publicè prodit, elapsis aliquod annis illius autographum possit exhibere, hac in parte Parenti meo *accurationis* laudem præripit, qui aliis abundè onustus inutilem ejusmodi sarcinam non solet anxie custodire. Si tamen iniquam illam hujus Critici prehensionem animo prævidisset, fortè præter morem Præfationis suæ autographum penes se retinuisset, quo fideli ejus repræsentatione ruborem acriluic Censori extorqueret. Iniquum verò etiam illud votum diximus, qui Parentis mei verbis parùm credens, illius fidem in dubium probrosè adeò revocat. Næ ille ceteros ex ingenio suo metitur, qui tot lubricæ fidei vestigia in hac ipsâ virulentâ Præfatione passim reliquit! Quod præter Parentis mei Vindicias edita magnorum virorum *Molinaei, Riveti* utriusque, *Vincentii*, ac *Iuræ* scripta luculentis & *divinis* exemplis demonstrant. Parens meus, Dei beneficio, vixit hætenus integerrimâ fide, & nemo illam in eo desideravit, qui non improbus esset aut malignus. Hanc laudem incorruptam illibatamque ad extremum usque constanter tuebitur, nec de eâ quidquam vel malevolentia vel iniquitas hominum detrahere poterunt. Nôrunt omnes, quæ propius innœuit,

quàm apertum & dolis omnibus impervium pectus gerat, quâ dote se commendavit iis omnibus, qui suum ei pretium ponunt, illa ingenia semper exosus, quæ per artes quasvis & fraudes suæ ambitioni velificari leve est ac joculare. Sed pudet me non mediocriter ridiculæ adde & putidæ observationi diutius immorari, & in eâ exagitantâ tempus & otium terere. Eò tamen vel invitum adegit Animadversionum conditoris importunitas, & obrectandi libido. Deprecarer hîc multis Lectoris veniam, nî gravis adde Theologi premens vestigia, erubescerem culpam profiteri.

## C A P V T I V.

*De scholasticorum verbis à Parente meo usurpatis.*

**N**On insolens hujus ævi morbus est audacter ea contemnere, quæ ignores.

*Ἀμαθία μὴ δεγίσθῃ, λογισμὸς δ' ὄκνον φέρει.*

Vnde cum aliquo periculo junctum est, in iis ingenium subigere, quæ captum & admirationem vulgi excedunt. Hujus rei exemplum, nec enim aliunde vacat nunc arcessere, luculentum suppeditat nobis Animadversionum scriptor. Qui quum in scholasticorum scriptis hospitem se profiteatur, cæteros etiam mortales hanc eruditionis partem ut inutilem planè & perniciosam nollet attingere. Hinc nunquam sibi melius placet quàm ubi in illorum hominum gregem acerbè invehitur. Conjuratus eorum hostis ἀσπυρδον cum iis bellum gerit. Bonum verò factum, si ea tantùm in scholasticis damnaret quæ damnanda sunt, quælium sanè prolixam segetem esse non diffitemur. At quod eos omnino tanquam præsentissimam studiorum perniciem, & puritatis Ciceronianæ corruptores proscribit, in eo extra justæ reprehensionis limites abripi videtur. Sic in virulentâ illâ Præfatione suâ sordium illarum meminit, quibus scholastici Latini sermonis elegantiam contaminârunt, additque, se velle ex animo Theologiam nostram ab illâ cum eloquiî barbarie, tum importunitate cogitationum esse purgatam ac liberatam, quibus eam scholastici dehonestârunt. Hinc Parenti etiam meo dicam capitalem scribit, quod phrasibus nonnunquam & vocibus ex mediâ Philosophorum schola petitis in Exercitationibus suis usus sit. Concoquere id non potuit supra modum fastidiosus ad talia Auditor speciminis, unde hîc etiam dolorem suum multis exonerat. Ad illam sermonis, inquit, stribliginem proximè accedunt barbarissimi frequentes, partim ex inquinatissimo scholasticorum idiomate desumpti, partim



partim & c. ac paulò post: *A scholasticis mutuatus est verbum causari pro genere vel creare, vel esse causam, quo sensu nunquam sumitur ab iis qui Latine loquuntur, & fortasse approximationem objecti & obnoxietatem ad aliquid, quæ vocabula, ut puto, lingua Latina non agnoscit. Nam ad illusorium quod spectat, vix scio unde illud ipsum hauserit, nisi ex iisdem fontibus qui penè semper fluunt admodum lutulenti.* Spero Animadversionum scriptorem scholasticis aliquantò æquiores fore in posterum postquam bilem suam in ipsos tantâ vehementia evomuit. Non ignorabat sanè Parens meus scholasticos malos castigatæ Latinitatis Magistros esse, & si elegantias ambitiosè captâset, quod ipsi non semel ascribit Animadversionum Parens, haudquaquàm commisisset, ut quicquam ex istâ scholarum barbarie *Exercitationibus* suis misceret. Noverat etiam antequàm se ad illas scribendas accingeret, ita hodie cum plerisque ingeniis comparatum esse, ut ad omnium palatum scribere velle, sit reverà *ὁ δὲ αὖτις ἐν τῷ λαῷ ἐκείνῳ ἀνίστηναι*. Haudquaquam itaque crucem sibi fixit, ut stylum suum ad genium Ciceronianum in disputatione scholasticâ componeret, sed ut rem exequeretur, quam exequendam susceperat, consuetis scholarum, ut vulgò loquuntur, *terminis*, satis ipsi fuit ita scribere, ut intelligi ab omnibus posset, elegantiarum æquè ac laureolæ ex iis contemtor. De Oratorum itaque legibus unicè securus recepto scholarum more cum Animadversionum scriptore, quem in hac palastrâ exercitatum magis speraverat, congredi voluit, & illam disputandi methodum adoptare, quæ ipsi convenientissima semper visa est & veritati in apertâ luce constituendæ, & detegendis refellendisque omnibus Adversarii sophismatibus. Nec enim ad Dissertationes rhetoricas, ut mos est Animadversionum conditori, & solenne illis qui ex ejus disciplinâ prodierunt, scribendas animum appulerat Parens meus, sed ad disputationem ex arte cum ipso instituendam. Hinc illi, quos ita appellat, *barbarissimi frequentes ex inquinatissimo scholasticorum idiomate desumpti* ultrò ab ipso adhibiti, quibus magno cum fructu, & felici successu, maximorum Theologorum & Academiarum integrarum judicio, omnia Animadversionum scriptoris tela retudit, & argutationes omnes solidè confutavit. Contentem ergò hic habet reum, & *barbarissimos* suos agnoscentem. Quod si illos in Historiæ aut Panegyrici alicujus scriptione usurpâset Parens meus, aliquo saltè colore id in ipso sugillare potuisset Animadversionum scriptor, illos verò in Polemicâ disputatione ab eo ex arte adhibitos nemo jure culpâre potest, qui non vel iniquitatè, vel ignorantiam suam hac in parte profiteatur. Non mirum verò illos Censori displicuisse, magis quàm nodos necerent, quibus solvendis imparem se agnoscebat, quàm quod

soni duritie, ac, ut ipse loquitur, peregrinitate delicatas ejus aures Ciceronianis tantum pigmentis assuetas offenderent. Fatemur tamen eò magis securum se hac in parte existimasse Parentem meum, quod scholasticis id genus vocibus in ipsa de Gratiâ universali Disputatione, quam oppugnare infelici eventu voluit Dissertationis Auctor, usus non semel fuerat, neque tamen illos nigro thetâ notâisset adversarius. Immo id ulterius audendi fiduciam suo exemplo iniecerat, qui in suâ Dissertatione, ut de aliis ejus scriptis nihil dicam, voces etiam aliquas ex mediâ scholarum barbarie Latinitate donatas nonnunquam usurpâset. Et quod miraberis inprimis Lector, Animadversionum Auctorem non puduit in hoc ipso opere, in quo tantum & plus quàm Vatinianum erga scholasticos odium proficitur, verba ex lutulentis illorum fontibus ab aliis hausta non semel adhibere. Noluit nos id ipsum latere, quando de stylo suo ita ipse gloriabundus in Præfatione loquitur: *Puto tamen eum esse purum atque Latinum, nisi si fortè ei aliquid adhasit ex illis sordibus quibus scholæ elegantiam Latini sermonis commaculârunt.* Tales sunt voces *identitas, simultaneitas, Mediatorius, futuritio, sanctificator eventualiter* & plurimæ id generis aliz, quas etiam lingua Latina, ut puto, non agnoscit, quibus dolendum virum tersum adeò in scribendo, & Longolio magis Ciceronianum styli sui puritatem inquinasse. Egregium verò Censorem qui in aliis adeò acerbè perstringit, quod ipse tamen admittit. Vel ergo iis vocibus, quas horret tantopere, se abstinere in totum debuit, vel à Parente meo eo nomine traducendo superfedere. Verùm quærenda undique fuit materia insectationis, & ubi speciosum desuit argumentum, optima quæque magnâ sui æquè ac Lectoris confidentiâ sollicitanda fuere. Non refugit ergo voces illas Parentis meus, quas notat Animadversionum conditor, non quasi ex Ciceronis aut veterum id genus scriptorum libris essent depromptæ, sed quod scholarum more cum ipso disputaret, non verò rhetoricaretur. Ita *causari* dixit cum scholasticis, & si quæ sunt alia id genus sine ullo Criticæ censuræ metu. Nec potest Animadversionum scriptor eam hîc in Parentem meum exercere, quin ipse in eandem pariter incurrat.

## CAPUT V.

*De vocibus illusorius & concernit.*

**Q**Uum imperante Tiberio quidam ob verbum peregrinum & Romanis illius temporis auribus insolens à nonnemine castigaretur, ille verò Tiberii auctoritatem, opponeret, scitè alter respondit, Cæsarem Gallos Romanâ civitate donare posse, Gal-  
lorum

lorum verba non posse, scilicet novis & peregrinis vocibus temerè uti non debet accuratus scriptor, ne in *καυχήλιαν* incidat, quo morbo ii quoque dicuntur laborare, qui flagrantissimi novitatis proci novz subinde vocabula audacter fingunt. Hoc vitium Parenti meo impactum voluit Animadversionum scriptor, quum tanquam *barbarissimos, à se*, ut loquitur, *genitòs*, & crebrò usurpantem castigare non dubitavit. Quorum integrum loquutionum Syllabum quum ab ipso præstolaremur, unam producit vocem *illusorius*, quo atroci illi accusationi fidem faceret. Quin ignorare se adhuc profitetur, an vocabulum illud ex lutulentis scholasticorum fontibus hauserit necne Parens meus. Quod si verum est, præclara hæc observatio concidit, & in fumos it ac favillas. Quæ enim in sequentibus carpit vocabula, agnoscit ipse & facetur illa primùm à Parente meo procusa non esse, sed frequenter hodiè in eruditorum scriptis occurrere. Dici autem non potest, quantum bilis ad nasum Censori nostro conciverit illa vox *illusorius*, quam in Parentem meum eo nomine non semel effundit. Nunquam alacrior fermè est, quàm ubi illam & nullâ auctoritate suffultam, & crebrâ etiam repetitione fastidium parientem multis admodum perstringit. Hinc quamvis occasionem ambabus arripit manibus illam expungendi, & ut Romuli Nepotibus ignotam *ὀλελίθει*. Vnde in primâ Animadversionum Generalium parte, ita jam in eam invehitur, *Quid, inquit, quod puto in illis ipsis Exercitationibus quas vir doctus quantum potuit ad pompam & ostentationem ornavit, sexcentis in locis occurrit adjectivum illusorius; quod nullum tale verbum est apud idoneos scriptores*. Sic alibi passim in hoc opere peculiari illam inurit stigmatè, & hoc ipso loco multis lineis illam exagitat. *Nam ad illusorium, inquit, quod attinet, vix scio unde illud hauseris, nisi ex iisdem fontibus, qui pene semper fluunt admodum lutulenti*. Attamen si frequens usus vocabuli auctoritatem conciliat (scilicet penes eum loquendi jus & normam esse cecinit Horatius) utique nunc istud censeri debet Romanâ civitate donatum. Ita enim passim in hisce Exercitationibus occurrit, ut nihil sit in eis frequentius repetitur. Neque de nihilo est quod tantopere placuit Censori hodierna Latinitatis. Eat nunc, & Parentem meum tanquam sedulum Grammaticationum sectatorem traducat Animadversionum conditor, quem non pudet observationem nihili tanto molimine & tot locis inculcare, quasi illâ Gratiz universalis negotium confectum foret! Neque verò de nihilo planè est, ut non malè opinatur, quod vox ista Parenti meo placuerit. Non parùm enim idonea illi visa est, immodè *εὐεργητικὴ* inprimis Adversarij sui dogmatum absurditati significandæ. Nec à vero abluferim, si dixerim etiam *de nihilo non esse* quod adeò Censori hodierna Latinitatis displicuerit, ut illam totiens voluerit velli-

vellicare. Quàm vereor ne in posterum adhuc à Parente meo adhibita fastidium illi ac molestiam creare ulterius pergat. Adde eam non primùm à Parente meo confictam, & ut scholasticos omittam, quibus adeo infensus est Animadversionum Auctor, à gravissimis scriptoribus non semel usurpatam. Et quamvis etiam ab eo primùm introducta fuisset, quum constet Analogiæ ratio, & ad aliarum vocum normam formata sit, annon præsentī nota signata esset. *Ut* enim à verbo *ludere* fit *lusorius*, quod apud probatissimos scriptores frequens est, sic an ab *illudere* *illusorius* deduci non potuit? Annon licitum semper fuit, & omnium seculorum experientia comprobatum, voces id genus procudere, quæ cum Analogiâ & exemplis non pugnant, ut præter Venusinum illi qui familiam in his litteris ducunt disertè affirmant? Inveniet Animadversor ab omni seculo, ut poetas omittam, concessum fuisse perpetuò eruditis *ὀνομαστικῶν*, & nova nonnunquam verba fingere. Ita ne in exemplis longè petitis multùm laboremus, annon frequens hodiè apud castigatissimos alios Scriptores occurrit *derisionis* vocabulum quale verbum tamen vix apud veteres invenias. Attamen quum *irrisio* Tullii auctoritatem merito suo Animadversori nostro sacram præ se ferat, an alteram etiam vellet expungere severus hîc Censor. At intercedet illi hac in parte vir in his litteris aliquantò magis subactus, immò qui totam prope modum ætatem in hoc studio consumpsit *Gaspar Scioppius* magni nominis & famæ Criticus, qui in exiguo *Animadversionum* bello non ita pridem edito inquit; *Derisio pro illusione nullo auctore dicitur, ait Vossius. Cicero tamen irrisorem dixit. Cum ergò deridere non minus quàm irridere, & æque irrisor atque derisor Latine dicantur, nimis superstitionis videtur derisionem parùm Latine dictam arbitrari. Hoc sibi responsum habeat Aristarchus, qui illam vocem illusorius nullo suo merito tam acriter flagellat. Quidni eadem ratione hîc dicam, quod quemadmodum ludere, ita etiam illudere dicatur, & sicut à ludere fit lusorius, sic ab illudere etiam deduci possit illusorius. Ita Patrum memoriâ doctissimus scriptor, & qui ab eruditis ætissimi iudicii & cultissima dictionis nomine cohonestatur, Matthias Corradus postquam lib. 2. de copiâ Latini sermonis p. 54, 55, & 57. prolixâ veterum auctorum citatione, & allatis exemplis variis docuisset ab omni ævo licitum fuisse voces ejusmodi cum analogiâ & exemplis consonas formare, subdit: Quæ (malum) superstitio ignavos invasit, qui metuant, ut amatricem cum Plauto, sic Expiatricem, Esuriticem & hujusmodi innumerabilia, dicere? quando lex nulla est quæ id vetet, & vos auctoritate, præceptis, exemploque suo auctores omnes ad serviendum necessitat; & commodis adhortantur. Et paulò post: Hoc eò pertinet ut stultos doceam, in voluntate hominum, aut potius necessitate*

esse positum, etiam si sit opus quotidie novis de verbis constituere. Non verba omnia suos habent auctores? Non docti ad omnes unum novarunt infinita. Non vulgus, rustici multitudoque infima principium dedit quamplurimum? & postquam exempla nonnulla attulisset, quæ prolixum nimis foret hîc recensere, addit, quod si à multis nomen ductum non est, sciamus tamen si commodum sit, fieri licere: immo etiam insanire eos qui repugnant. Denique postquam falsè illos irrississet, qui cum Censore nostro faciunt, concludit, *ea ne tu non probes, nec Latina esse disputes, quia in Grammaticorum non sint Commentariis, sive Lexicis, aut vocabulorum Indicibus.* En Animadversor, annon in his nomen profiteris tuum, qui continuo eo quod vocem illam *illusorius* in triobolariis tuis Dictionariis nonprehendisti, statim eam atroci stylo confodiendam censuisti? At debuisti prius illius vocis vim expendere, & an analogiâ & exemplis propemodum infinitis satis se à severâ tuâ reprehensione vindicare non posset, dispicere, quo infelicem Criticam tuam ab eruditorum vel risu vel contemptu saltem immunem præstares. Succedat his auctoribus majoris adhuc in hac litteraturâ & iudicii & auctoritatis *Gerhardus Vossius*, qui in elaboratissimo de *Vitiis sermonis* Opere, argumentum illud ab exemplis & analogiâ desumptum frequenter inculcat. Sic quod de reliquis fidem faciamus, quum *fideliter & hospitaliter* apud Ciceronem occurrant, voces *infideliter & inhospitaliter* non veretur admittere, Animadversore aliquanto minus scrupulosus Vir in omni litterarum genere summus. Sic de voce *invrecundiâ* inquit, *quamvis auctorem non habeat, eadem tamen Analogiâ dicitur, quâ à verecundis verecundiâ.* Quin *Schoppius* eo nomine *Vossium* tanquam parum legis sibi præscriptæ memorem traducit quod *puritatem* in dubium revocet, quum *impuritas* tamen apud Ciceronem legatur, & plurima hanc in rem adducit, quæ proclive foret nobis hîc deducere, ni Animadversoris pudori vellemus consultum. Audiat hîc unum adhuc illustrem *Salmasium*, qui multis etiam contra auctorem nostrum militat in Commentario de linguâ Hellenistica, & inter cætera inquit; *Nova vocabula quæ eloquutionem non vitare diximus, nec in aliam dialectum convertere, ea sunt quæ ab idoneo & magne auctoritatis scriptore reperta, usu postea convalescunt, aut ab ipso qui opus aliquod composuit facta, & in illo opere primum posita sunt, quamvis in usum populi non transcant.* Hoc semper licuisse optimis auctoribus *Horatius* scribit, nempe voces procudere novas, dummodo præfensi nota signata sint, id est formatae ad exemplum & normam verborum quæ in usu habentur. Quod ipsum etiam in sequentibus pluribus confirmat, & exemplis variis it illustratum, quæ in eruditissimo illo scripto videre poterit Animadversionum Parens. Quod si tantorum virorum auctoritati refragari etiamnum velit, nec temerè

merè & paullo præcipitantiùs prolata revocare, commiseratione potius dignus erit, quàm ullo accurato examine. Quia tamen nihil ad ejus gustum facit, nisi quod à canâ antiquitate venerationem meretur, quò omnem illi in posterum querelæ ansam præcidamus, audiat ipsissima primi inter veteres Criticos nominis Fabj verba; Non, inquit, accedo Celfo, qui ab Oratore verba fingi vetat. Nam cum alia eorum (ut dicit Cicero) sint *Nativa id est qua significata sunt primò sensu; alia Reperta qua ex his facta sunt, cù jam nobis ponere alia, quàm qua illi rudes homines primi fecerunt, fas non sit, at derivare, flectere, conjungere, quod natus postea concessum est, quando desit licere?* Sive jam ergo Veteres, sive Recentiores consulat Animadversionum conditor, videbit nihil præclarâ suâ observatione falsius, nec causâ ullam fuisse, cur ob vocem illam *illusorius* tantos fluctus excitaret. Sed quid longius exempla congerimus, an quæso luculentiora illis ullibi se offerrent nobis, quæ in hoc ipso opere plenâ manu concedit Animadversionum scriptor. Postquam enim sponte se excusaturus accessit in verborum illâ Præfatione, à nemine tamen adhuc eo nomine postulatus, quod vocem *efformare* in Animadversionibus alicubi adhibuisset, atque se illam non ex Tullio suo quidem, aut Terentio, sed Theologorum lectione hausisse professus esset, addit; *ab eo enim (nempe efformare) certè non refugi, partim quia usitatum est à Martyre, & aliis non ineptis Scriptoribus, partim quia à quocunque procusum fuerit, & ex analogiâ formatum, idem enim quod effingere, & idcirco non indignum quod Latinâ civitate donetur.* En Censoris nostri supercilium? An privilegium illud ipsi soli indultum, & quo jure, quâ tandem auctoritate id sibi vindicat, quod in alijs protervè adeò perstringit. An *illusorium* Analogiæ magis repugnat, quàm suum illud *efformare*, aut minus dignum, quod Romanâ civitate donaretur, videri possit, nisi eo jam dudum gauderet privilegio. Quis hîc mecum in tanto Critico insignem vel judicii, vel memoriæ imbecillitatem non agnosceret, & cum adeò splendide in leges à se præscriptas impingere, non mirabitur! Sic vocem *impetratorius* non semel in hoc Specimine usurpavit Animadversionum Parens, qualis nusquam tamen apud Veteres aut idoneos linguæ Latinæ auctores occurrit. Cur verò licitum illi fuerit à verbo *impetrare* confidenter admodum formare vocem *impetratorius*, & Parenti meo non liceret ab *illudere* derivare *illusorius*? Vllumne quæso discrimen interest, & an hoc verbum ab eo tot locis & eâ styli acrimonia exagitandum fuit, qui tantum sibi indulserat? Quod illustrius inauditæ ejusdem securitatis argumentum! Scilicet non satis est Animadversionum Parenti regnum in Theologia affectare, & horna ac cruda sua placita pro vero & solo Evangelio prurientibus ad novitates ingeniis obtrudere,



trudere, ni etiam, si Deo placet, se tanquam Criticorum Principem ingenti *τίφω* inferat, penes quem unum sit arbitrium vocibus Romanæ civitatis transcribendi. Sed quàm vereor, ne ut alterum infelici hæc-  
 nus successu, ac infaultis planè avibus aggressus est, ita hac etiam in parte, spe suâ excidat, & præclaras destinationes suas videat interversas.

Pergit verò Auctor *Speciminis* & alteram illam vocem *concernit*, non obiter, sed multis etiam *περὶ τῆς λέξεως*, ita enim verbum hoc tanquam Criticorum proprium obelo aliquid configentium ad Athenæum exponit magnus Casaubonus. Ac primò quidem observat Censor, *undecunque* vocem illam *concernit* pro *spectat habuerit* Parens meus, *scire se illam ei non esse peculiarem*. Eam enim si bene meminit à viro illo præstanti, cû lucubrations suas cum Parente meo inscripserat, aliisque ante ipsum usurpatam, vitare tamen illam debuisse Parentem meum singularem *Elegantiarum amatorem*, ut pote non Latinam. Quod enim semel in Cicerone occurrat in *Petitione Consulatus*, in melioribus codicibus esse confido, & eam alibi nusquam legi. Hæc sunt Heroica Animadversionum Parentis *ἀνδραγαθήματα*, in quibus magnificè triumphat. Illæ reconditæ scilicet gravis aded Theologi, & à Pædagogicis quisqui iis abhorentis observationes, quibus, ut prosternendo Adversario admodum opportunis, exornandum fuit *πλανὴς περὶ τὸ λαόν*. Observes verò, mi Lector, primò disertè fateri Animadversionum Scriptorem, vocem illam multis ex Recentioribus tritam, & inter alios quidem Celeberrimo Riveto (quem non obscurè etiam suggillare hic obiter voluit, dissimulato scilicet nomine, quod protervè alias lacerandum sed suo damno suscepit) illam proinde Parenti meo *peculiarem non esse*, nec proinde ab eo *genitam*. Atque ita illum maximorum hominum auctoritate sese tueri hic posse, qui ipsi hac in parte præluxère, nec ided turpe illum ducere aut ingloriorum calcantem eorum vestigia cæspitare. Mirum quoque ipsum à Censore eo nomine castigari, qui, plurimas voces veteribus ignotas, & nuperis primùm scriptoribus traditas in hoc ipso *specimine* non refugit, immò illorum auctoritatem obtendit. Sic enim in Præfatione loquitur; Præterea forsân inter legendum occurret verbum aliquod veteribus auctoribus incognitum, at usu tritum à nuperis scriptoribus, & ex lectione nostrorum Theologorum haustum, ut est efformare, & si quod est aliud simile. Ab eo enim certè non refugi, partim quia usitatum est à Martyre, &c. Quæ in superioribus jam exscripsimus. An hæc non apertè pro Parente meo faciunt, quum agnoscat ipse Animadversionum scriptor, & res doceat, nihil hac voce *concernit* frequentius hodie apud gravissimos etiam Scriptores occurrere, ut doctissimus Martinus in Etymologico etiam suo agnoscat. Ita ut vocem tam magnis Auctoribus tritam, & usu jam passim rece-

lib. iv.  
cap.  
27.

ptam, ut cum Animadversore loquar, *non refugerit* Parens meus, nec eo nomine dicam sibi ad eò solennem ab eo scribendam autumare potuerit, qui plurimùm sibi hac in parte permiserat. An verò in Grammatico hoc foro, ut de Tullio jam non dicam, unius Martyris auctoritas majoris erit ponderis, quàm aliorum magno numero qui non inter Theologos duntaxat, sed litteratores etiam magnum nomen habent. Ut verò Animadversionum scriptor singulari quodam fato in argumentum Andriæ à Mureto præfixum incidit, in quo phrasin, quam à Parente meo castigatam credi voluit, auspiciò admodum invenit, ita elapsis etiam diebus (ut hoc quoque Cenforis exemplo notemus) duo hujus vocis exempla sponte se mihi nihil tunc minus cogitanti ingesserunt. Primum largitur nobis immortale hujus Academiæ lumen *Petrus Cuneus* magni non solum inter Iurisconsultos sed Philologos etiam nominis & famæ, & quod pluris hic faciendum, omnium judicio cultissimæ & purissimæ dictionis scriptor. Atqui quum fortè ad manus essent elegantissimæ ejus Orationes ante annos aliquot publici juris factæ, in quibus verè Latinam & tersissimam dictionem, ut jam dixi nemo non exosculatur, vocem *concernit* non semel adhibitam observavimus. Ita inter cætera inquit p. 179 *Semper aliquid moliebatur; quod privata negotia concerneret. Petrum Cuneum* excipiat Iurisconsultus itidem & Philologus *Jacobus Gotthofredus*, in cujus Dissertatione de *velandis mulieribus* illustri *Salmasio* oppositâ vocem *concernit* pro spectat reperiet quoque Animadversionum scriptor. Si verò illos Latine non scribere contendat, nec tanti illorum ac Mureti sui auctoritatem ducat, *nostra*, ut cum ipso loqui nobis liceat, *non multum refert*. Videbit saltem vocem illam non summo tantum *Riveto*, aut Parenti meo, sed alterius etiam fori scriptoribus, & iis quidem qui nollent inter principes litteratorum non censi, usurpatam. Sed non opus est ut à Recentioribus tantum hinc pendamus, quum habeat etiam vox ista inter veteres magni nominis Auctores. Ita Latinam hanc esse, & in Columellâ probatissimo scriptore reperiri mihi coràm significavit incomparabilis *Salmasius*, atque ita etiam in eo, quem ex Calepino suo exscripsit Animadversor, Ciceronis loco restituendam. Et quamvis non diffiteamur aliquem esse in codicibus dissensum, Robertitamè Stephani editio constanter quoque retinet *concerno*, ut inter cæteros etiam legit magnus aliàs Ciceronianæ Latinitatis vindex Nizolius. Videat jam Animadversionum conditor, an sibi melius non consuluisse, si vocem & veterum codicum auctoritate sussultam, & tot ac tantis scriptoribus probatam, & jam ubique receptam in Parente meo non suggillasset, quum & ipse illi hac in parte exemplo suo in multis id genus vocibus præve-

rit?

rit? Quin si vel maximè *concerno* Latinum non esse evicisset, quod ab eo tamen præstitum non est, annon liceret nobis illi verba sua regerere, quæ in aureâ ejus Præfatione leguntur, *ut ut est Latinum sit nec ne, ad Quæstionem de Gratiâ universali nihil attinet?* καὶ τὸ αὐτὸ μὴ δὴ τὸ αὐτὸ.

## CAPVT VI.

*De Phrasibus sibi imaginari, nobis repræsentare, & capacem esse objecto dignoscendo.*

**N**ihil iniquius homine, quem flagrans vindictæ cupido semel incessit. Instar navis immanibus procellis agitatz huc illuc fluctuabundus impellitur, & id unum intendit, ut effervescenti morbo longè lateque sese diffundendi campum indulgeat. Hujus rei veritatem confirmare suo exemplo voluit Animadversionum scriptor, qui quum indignâ Theologo μικροφιλοµία, & scrupulosâ ac plusquam pædagogicâ ἀκριβείᾳ singula Parentis mei verba Calepino in consilium adscito examinaret, neque satis inveniret, quò suam carpendi libidinem expleret, maluit quidvis potius vellicare, quàm inultus cedere. In hunc censum veniunt loquutiones nonnullæ, quibus usum Parentem meum scribit, dissimulatis tamen ubi reperiuntur locis, quos non ut barbaras, sed ut minus elegantes visum perstringere *singulari Elegantiarum amatori*. Ascribamus hic ipsissima ejus verba, ne luxatum quicquam quiritetur. *Latinumne sit*, inquit, *an verò Gallicum, quod aliquoties usurpavit sibi imaginari, pro eo quod elegantius dicitur fingere aliquid in animo, nolim affirmatè pronuntiare. Video enim viros doctos inter recentiores ita loquutos. Quia tamen phrasim illam nusquam legere memini in ullo eorum scriptorum, ex quibus norma loquendi petenda est, crebrumque est in idiomate nostro s'imaginer, suspicor id inde profluxisse, ut alterum illud repræsentemus nobis. &c.* ludicet vel ex hoc specimine Lector suæ spontis, in quas angustias redactum oportuit Animadversionum conditorem, qui illa ipsa quæ Latina disertè negare non sustinuit, nihilominus tanquam minus elegantia explodere voluit. An per fidem tuam hic de majori minorive verborum elegantia institutum erat inter utrumque certamen, & de oratorio apparatu dimicaturi in arenam descenderant? Adversâ scilicet fronte concurrebant, ut non de Gratiâ Univerfali, sed de solâ eloquentiæ laureâ digladiaturi in publicum Orbis theatrum protraherentur. Si elegantix laudem interceptum Parenti meo eat Animadversionum scriptor, quod ab eo tamen hæctenus non factum ausim dicere, non ille

proinde animo concidet, aut *late*, ut alicubi Censor loquitur, *strages dabit*. Abundè erit ipsi argumentum sanctum sanctè & gravitati Theologicæ convenienter tractasse, & decenter magis aliquantò quàm Animadversionum conditor. Conferat hîc Lector scripta utriusque, & videat an Parens meus singula, quæ in Adversarii Dissertatione minus elegantia offendit, castigare voluerit. Aliud enim, phrascs nonnullas ambiguas, incommodas vel contumeliosas etiam notare, aliud illas tanquam minus elegantes censoriâ virgulâ expungere. Et quamvis eloquentium Auctorum, ac vel inprimis Tullii disertissimi Oratorum scripta nocturnâ diurnâque manu Censoris nostri terantur, quot sunt Deus bone! in hoc ipso *Specimine* loquutiones, quæ & melius, & elegantius multò potuissent exprimi, quarum nomine si Parens meus in ipsum incurreret, in quot ille querelas, quasi iniquissimè secum ageretur, non statim erumperet, & nihil gravitate Theologica indignius admitti potuisse, tragicis verbis vociferaretur. Vel ergo phrascs id genus Latinas non esse *assertatè pronuntiare* debuit, vel ab iis vexandis in totum se cohibere, ni præsentissimum exulcerati animi argumentum vellet propalare. An verò quia aliquam cum Gallica dictione affinitatem habent, ex ea *profluxisse suspicari* statim debuit? Quot loquutiones quæso & voces, si id ubique locum obtineret, suspectæ esse mererentur! Quum enim in confesso sit linguam Gallicam veteris Romanæ traducem esse, an mirum plurima adhuc hujus vestigia superesse in ordinario Gallorum idiomate? An etiam Censori effluerant verba illa, quæ occurrunt in prima Animadversionum Generalium parte, *quod ad idioma Gallicum accedere videtur, non est continuò Gallicismus existimandum*? Quin annon ipse agnoscit phrasin illam multis ex Recentioribus & eruditis quidem tritam, quorum auctoritatem Parens meus eodem jure hîc possit prætexere, quo licitum est Animadversionum scriptori vocem *efformare* Martyris exemplo tueri? Et vel Baudium inprimis amores ejus ac delitias possemus illi obtrudere, apud quem vox illa eodem sensu, quo à Parente meo adhibita fuit, sæpius occurrit. Nec illum minus eleganter loqui dicet *Censor hodierna Latinitatis*, quem *eloquentissimi* scriptoris elogio cohonestare voluit, & ex quo orationis suæ flosculos non veretur nonnunquam decerpere, cujus denique auctoritatem tanquam *arida aduicant* Parenti meo primus opposuit. Denique sciendum etiam vocem illam *imaginari* eadem significatione veteribus familiarem esse. *Imaginari* enim iis dicitur rem quamvis per imaginem animo factam concipere. Ita Plinius Junior castigatissimæ Latinitatis auctor vocem hanc in tersissimis Epistolis suis non semel usurpavit. Et nihil obstat quin commodè cum Dativo *sibi hoc vel illud*

illud imaginari dici possit, pro rei alicujus similitudinem animo infigere, vel quidvis etiam mente apud se fingere. Glossarium exponit *imagino* εἰκάζω, *imaginor* φαντάζομαι. Notum autem Græcis φαντάζεσθαι inter alia dici de re cujus imaginem mente concipimus. Ab *imaginor* verò fit vox *imaginabundus*, quæ apud Madaurensē Philosophum legitur, & quam exponit ad eum locum v'r magnus *similiu imaginanti*, & qui sibi *imaginatur*. Non ergo ea phrasis ex Gallico profluxit, sed Gallica ex Latino potius hanc ut innumeras alias derivavit.

Apul.  
lib. 2.  
Metamorph.

Ejusdem commatis est alterum illud *representemus nobis*, quod tanquam minus eleganter dictum pluribus etiam persequitur. *Representare* enim fatetur quidem verbum Latinum esse, & significare vel rem præsentem sistere, ut in *representatâ* pecuniâ, quæ est propria atque primigenia hujus verbi vis, vel similitudine aliquâ effingere ac referre aliquid oculis vel animo, in quo sit alicujus rei imago, quo sensu esse apud bonos auctores aliquantò rarius. At nunquam poni nisi junctum cum illâ re, cujus in se habet vel refert imaginem, ut apud Columellam faciem maris *representare*, & *representare* saporem olivarum. *Elegantius* itaque Parentem meum dicturum fuisse; & minus Gallicè loquutum, si dixisset cum Curtio *representemus* animo nostro, quanquam id Curtius dixerit paulò diverso significatu. En subtilem Animadversionum scriptoris καεφολογίαν an λεπτολογίαν. Tanto scilicet conatu probandum ipsi fuit Parentem meum minus eleganter fuisse nonnunquam loquutum, quasi in eo controversiæ cardo versaretur, & hoc admodum faceret ad Gratiam Universalem. Voluit nimirum infelicitatem illius Lectorum oculis objicere, qui quamvis *Elegantiarum* sit singularis amator, & in ornandis hac in parte *Exercitationibus* totus fuerit; integram tamen & illibatam eloquentiæ laudem reportare non potuerit. Neque id mirum, quum illi per alias occupationes Ciceronem usu terere non licuerit, si credimus Censori nostro. Sed de his jam actum in superioribus, rem ipsam verò breviter excutiamus. *Representare* præter significationes nonnullas aliquantò magis remotas tria potissimum denotat, *rursus præsentem sistere*, ita Tranquillus, in vitâ deterrimi Principis Caligulæ, ac nisi Princeps gregis algere se diceret, redire ac *representare spectaculum* voluit, hoc est rursus exhibere. 2. loco *præsentem sistere*, quam propriam & primigeniam hujus verbi significationem contendit Animadversionum scriptor. 3. notat rem quamvis similitudine vel commemoratione *præsentem sistere* seu rem oculis aut animo offerre, quâ nomenclatione non rarè sed frequenter apud bonos auctores legitur. *Representare* ergo, ut rem paucis complectar, est rem quamlibet sibi præsentem sistere representatione verâ vel imaginariâ. Ita vir harum litterarum callentissimus, Budæus tritavus noster, est inquit, *re-*  
*presen-*

*presentatio quedam, vera, quedam imaginaria.* Sic Cicero, Curtius, Columella, Plinius, Quintilianus, alique boni (ni vehementer fallor) auctores representare dixerunt pro rem aliquam oculis vel animo præsentem sistere. Videat hîc Cenfor, annon huc faciat Tullii locus qui alicubi inquit; *Certo nos quod est dies allatura, id consilio anteferre debemus; expectare temporis medicinam, quam representare nobis ratione possimus* Nequicquam verò observat Cenfor rem, cujus præ se fert imaginem, semper addendam esse. Quidni enim commodè subaudiri nonnunquam potest, & quid ejusmodi *ἐκείνη* in hoc genere frequentius? Immo annon sequentibus lineis egregiè sibi contradicit acutissimus Criticus, quum scribit Parentem meum *elegantius & minus Gallicè loquutum, si cum Curtio dixisset* representemus animo nostro? Nonne rei mentio, cujus imago intellectuui representatur, hîc pariter etiam omittitur, & æque Latinè dicere potuit Parens meus *representemus nobis*, cujus eadem planè est cum alterâ illa phrasi *ἐμφανὲς*? Annon hîc propria cædit vineta Animadversionum conditor, & manifestè sibi ipse vim infert? En festivum Grammatici acumen Parenti meo succensentis, quod dixerit *representemus nobis* cum Tullio, potius quàm cum Curtio *representemus animo nostro*? Præstaret certè meo judicio Criticam numquam profiteri, quàm illam ita imperitè attrectare? Nec quærimus hîc, quo sensu Curtius dixerit *representemus animo nostro*, quum nobis abundè sufficiat difertè affirmare Cenforem, Parentem meum eleganter hoc loco fuisse loquutum, si quam usurpavit Curtius phrasin adhibuisset, videat jam Lector, annon à loquutionibus id genus vellicandis se abstinere debuerit, quas Vir frontis adeò verecundæ tanquam barbaras è Latio proscribere ausus non est. Immo ut de veteribus nihil dicam, quas plurimis iisque non infimæ inter Recentiores cavæ scriptoribus familiares novit, quum ipse, ut superius ostensum, voces à nuperis demum Theologis procusas, illorum tanquam sacrâ in his quoque litteris auctoritate ab omni censurâ intactas velit.

Superest nunc phrasis illa *capacem esse objecto dignoscendo*, quam titubanter iterum, & Lexicis suis diffusis perstringit Animadversionum conditor, cujus loco *capacem ad objectum dignoscendum* dici debuisse contendit, quamvis, subdit, ita diversimodè loquuti sint Romani, ut nihil certi pronuntiare *ausit*. Idem verò alibi etiam à se observatum dicit, in secundâ nimirum Animadversionum specialium Parte, ubi plurimis etiam lineis hanc phrasin exagitat. Digna equidem tanti Critici genio observatio, in quâ licet trepidè admodum proponendâ tantum temporis & chartæ insumeret! Decebat hoc inprimis Virum repetitionum adeò fastidiosum, & quas in Parente meo tam procaciter carpit, rem nihili & quavis algâ viliorẽ



liorem multis hîc iterum in vestibulo repetere. scilicet hoc talo stat caditve Gratia Uniuersalis! Quivis vel ex eo iudicare poterit, quis amborum in pædagogico pulvere libentius volutetur, & quis adorem ex hoc circo reportare gestiat! Et si propius rem inspiciamus, quàm jejuna quæso grammaticatio! Annon eo ipso quod *nihil certi pronuntiare ausus sit*, ab eâ phrasi æquè ac superioribus sollicitandis superfedere in totum debuit? Notum enim multa id genus Adjectiva promiscuè cum Dativo, aut Accusativo additâ præpositione *ad* usurpari. Ita *aptum* vel *idoneum* esse *alicui rei*, phrasis est apud Ciceronem, Plinium, aliosque frequentissima, & modò cum Dativo, modò cum Accusativo conjunctæ illæ voces ejusdem cum *capacis* significationis reperiuntur.

Cur non eâdem ratione, si vel nulla exempla superessent, *capacem obiecto dignoscendo* pro *ad obiectum dignoscendum*, vel *objecti dignoscendi* dicere potuit Parens meus? Nequidquam verò petit exempla sibi ex Livio, Cicerone, aut Terentio afferri, quasi multæ loquutiones usu hodie receptæ non sint, quarum exempla vix in Veteribus illis inuenias. Quàm sæpe indulget sibi hac in parte severus hîc Censor, & quot ipse phrasibus hoc in Opere, ut de aliis ejus scriptis nihil dicam, usus est, quas toties licet Ciceronianus disertis veterum id genus scriptorum testimoniis nunquam confirmabit in æternum? Cur verò id ab aliis sæpius exigit, quod ipse tamen non præstat? Ingens scilicet crimen Cai Cæsar, & quavis verborum atrocitate vindicandum, quod dixerit alicubi Parens meus *capacem obiecto dignoscendo* pro *capacem ad obiectum dignoscendum*, aut *objecti dignoscendi*, ut contendit Animadversionum Parens. Ostendat hîc nobis tantus Grammaticus, contra quam syntaxeos regulam hîc ab eo peccatum sit, & quem *πέλοικον* vel *βαρβαρισμὸν* in illâ phrasi agnoscat, & licebit tunc illi magnificè ob insignem hanc *αὐτολοχίαν* triumphare. Quin si statuam eo nomine sibi à Criticorum gente amplissimis decoratam elogiis erigendam existimet, per nos non stabit, quin eam vel Cypseli palmâ solidiorem consequatur.

## CAPVT VII.

*De vocibus nonnullis quas ut raras & antiquas in Parentis mei scriptis perstringit Animadversionum Scriptor.*

**D**Vo sunt Orationis vitia ab omni accurato Scriptore tanquam syrtes & scopuli omni studio declinanda, *ἀρχαϊσμός* & *καυχήλια*, quorum illud in antiquarum & exoletarum vocum congerie, istud alteri oppositum præter significationes alias in prava no-

va novorum vocabulorum & loquutionum affectatione locum habet. Vtrique illum non minus orbis triumphati quàm litterarum gloriâ Augustum vehementer infensum fuisse, auctor est in ejus vita Suetonius, quem *cacozelos & antiquarios ut diverso genere vitiosos pari fastidio sprevisse* memorat. Hinc scilicet ab una parte Tiberium animi sensa obscuris & reconditis vocibus explicare callidum, hinc ab altera Meccenatis sui, amœnissimi aliàs ingenii, & quem ut tutelarem litterarum Deum erudita olim Roma venerabatur, *cincinnos & μυροβόλους* (cujus etiam Oratio cordato illi stoicæ Philosophiæ assertorî *diffuere* visa est) liberalibus jocis exagitare solitus fuit. *Verbis enim uti*, inquit Agellius, *aut nimis obsoletis excelsisque, aut insolentibus novitatisque dura, & illeptida par esse delictum videtur*. Huic verò utrique, licet diversissimi generis, vitio pro suâ liberalitate obnoxium (si Deo placet) Parentem meum contendit Animadversionum scriptor. De ultimo quidem actum jam in superioribus, & quo jure illud ipsi impeerit, paucis expensum: Restat nunc ut quâ fronte etiam Censor ipsum tanquam obsoletas voces & casca verba anxie aucupantem traducere ausus sit, breviter intelligamus. *Video*, inquit, *Virum doctum voces raras & antiquas studiosè conquirere, quibus tanquam luminibus orationem suam illustret, & paulò post: Vellens tamen ut potius Cicero-nem imitaretur, cujus tanta cura fuit in delectu verborum, ut antiquas illas & desuetudine jam emortuas, aut rard usitatas voces existimaret esse instar quorundam scopulorum, quos omnis accuratus scriptor studiosissimè devitat. Vel enini id eruditionis ineptam atque febriculosam ostentationem arguit, quo nihil indigne est viro gravi ac præsertim Theologo, vel Lectorum atque audientium intelligentiam præterfugit, quod haud ferè minus cavendum atque providendum est*. At quæso quæ calumniæ propior observatio? Quis non crederet, qui tragicas has voces & provocatis salibus sub querelarum specie vibrantes apud hunc scriptorem leget, Parentem meum cum Carmentâ Evandri matre loquutum esse, aut si aliquantò recentiora magis placent, stylum saltem suum formâsse ex Annalibus Pontificum, vel X I I Tabularum legibus, aut libris fœderum, aut columnâ Druilli, vel inscriptione etiam Scipionis Asiatici. Quo tamen nihil unquam fuit à Parentis mei instituto, nihil ab ejus calamo magis alienum. Nunquam arri-serunt illi, quos scitè vocabat Augustus, *reconditorum verborum factores*, nec M. Antonii exemplum æmulari voluit, qui orationem suam datâ operâ obscuris & exoletis vocibus fertur involvisse, ne intelligi ab omnibus posset.

Immo inter primas scriptoris virtutes constanter duxit *ῥῆν τῇ σκελεσίᾳ καὶ ἀπλότῃ*, & cum Cæsare sensum animi quàm apertissimè exprime-re,

re. Quod per Dei gratiam hæcenus & ubique in aliis scriptis & in suis etiam *Exercitationibus* assequutum illum fuisse, & plurimis eruditorum eloigiis, & ipsissimâ illorum confessione possemus hic evincere, qui, quamvis acerrimi aliâs Gratia universalis propugnatores, illarum tamen *eloquentiam, subtilitatem & perspicuitatem* extollere non dubitârunt. Mirum itaque Animadversionum scriptorem hîc Parentem meum tanquam antiquatas & insolentes etiam voces curiosè consectantem, quibus Lectori crucem in legendo figeret, & cum ad alia anhelantem intempestivè sufflamina- ret, pipulo, ut ait Comicus, differre voluisse. Qui verò id probare aggreditur Censor, juvabit enim propria hîc ejus verba intueri! *Tale*, inquit, *est confibula quod vocabulum apud unum Catonem occurrit, scriptorem, ut erant tum tempora, eloquentem, atque melioribus seculis paulò horridior visus est, ac nonnihil obsoletus. Tale item dememiniſſe pro oblitum esse, quod verbum apud unum Martialem exstat.* Scilicet ob duas illas voces tantum erat paratragediandum, & atroci accusatione Parentis mei scripta laceranda! Ingens nec tolerandum facinus quod cum Catone semel dixerit *confibula*, & cum Martiali *dememiniſſe*. His enim absolvitur ille reconditarum & ab extrêmâ usque antiquitate anxie petitarum vocum syllabus. Eo nempe nomine ipsum indignanti stimulo perfodere debuit Animadversionum Parens, quod in *ponderosis* illis, & *immense*, ut festivè loquitur, *molis* voluminibus unum vel alterum verbum, plura enim producere non potuit, non vulgò fateor obvia, magnis tamen scriptoribus tradita & quidem ex veteribus usurpare sustinuerit! Eâ de causâ illi tanquam *raras & antiquas voces studiosè conquirenti* lis tantum non capitalis intentari debuit, quasi paria faceret cum celebri illo justissimis, ni ambitioni datæ sint, lacrymis humanæ sortis calamitatem ulciscente Heraclito, quem à singulari styli ne acutissimis quidem Philosophis intellectû obscuritate *σκοτεινόν* appellatum gravissimi scriptores tradidêre. Sic plana erunt in posterum & aperta præ Parentis mei scriptis, quæcunque vel apud Græcos, ut Cassandra Lycophronis, Æschyli Agamemnon, Ara Dosiadæ & gemina illi *αἰνυµατώδη* opuscula, vel apud Latinos ut tenebricosi illius Satyrici Poëma, aut Afri scriptoris de Pallio tractatus, & id genus alia, obscuritatis hæcenus laudem ceteris præripuerant. Immo paria illum facere cum celebri illo scriptore, qui multis eruditis risum movit, quem joculariter potius quàm seriò scripsisse existimo, quum inquit: *Pegasus qui me tollurum succussit, apud Campana pelvis copam erit, inde petiro, phœtrumque ex eo tempore præcidito.* Legentium hæc certè fidem superant, & Censoris hujus loliginem non obscuris illis quidem sed evidentissimis indiciis omnium oculis exponunt. Scilicet quia illi fortè ex

uno inter veteres sapienti Cicerone, & in aliorum scriptis hospiti peregrina erant illa vocabula à Parente meo adducta, ad quorum intellectum, ut non videtur diffiteri, sua debuit Lexica consulere, idè hic acerbè cum Parente meo expostulat. At si illa ignoravit, non perinde oportuit illum de aliorum Lectorum profectu confidenter adèdò iudicium ferre, & illos eidem secum ignorantiz involvere. Certè nemo hæcenus præter unum Animadversionum scriptorem repertus est, qui illud orationis *οὐδὲν*, & *ἀνακεχορηγῶσαν*, ut ille loquitur *ἡμῶν πλεονάζον* Parenti meo exprobrârit. Quod Catonem spectat apud quem cap. XII. de re rusticâ vox *consibula* legitur, non ita melioribus seculis horridus est visus aut obsoletus, quin eum acutissimæ brevitatis auctor Sallustius, qui melioribus illis seculis floruit, compilare, & plurima ab illo verba antiqua, ut à Veteribus observatum est, mutuari voluerit. Magni etiam scriptorem illum fecisse Tullium, Censorem nostrum latere non poterat, qui inter alia præclaros illius Originum libros ita in Bruto extollit; *jam verò Origines ejus quem florem, aut quod lumen eloquentia non habent?* Non veniam ergo deprecabitur Parens meus, quod vocem illam *consibula* pauldò quidem antiquioris, sed probatissimorum Auctorum iudicio eloquentis & magni etiam inter veteres nominis Scriptoris auctoritate munitam usurpaverit. Vocem etiam *dememinisse* nequicquam vexat Animadversionum conditor, pro quâ in melioribus Martialis codicibus *te meminisse* legi ex Calepino suo observat. Quod non usquequaque verum est, quum plurimæ, quas inspeximus, æque castigatissimæ illius Poëtæ editiones verbum illud *dememinisse* constanter retineant. Et illud etiam non refugit Princeps hujus seculi Poëtarum *Gasper Barlaam*, in cujus Poëmatibus non ita pridem publici juris factis verbum illud aliquoties me legisse memini. Et hæc sunt præclara illa *Orationis lumina* quibus Parens meus Exercitationes suas *illustrari* voluit, si credimus Animadversionum Scriptori, atque illæ voces sunt propter quas non solum Parentem meum ad seriam Ciceronis imitationem hortari illi visum, sed *febriculosam etiam & ineptam eruditionis ostentationem* in eo suggillare. Faxo verò ut illi morem gerat Parens meus, & meris impofterum Ciceronis verbis scribat ac loquatûr, quò sibi ejus gratiam post tot irarum fluctus tandem demereatur, sed optaret primò ut illi exemplo suo præiret Animadversionum conditor, & quem totum ambitiosè devorâsse vult videri, aliquantò felicius exprimeret. Tot voces certè, ex quibus nonnullarum syllabum infra exhibituri sumus, illi Romanæ Suadæ ignotas tantus Ciceronani delectus amator primus *studiofissimè devitare* debuisset. Mirum verò illum ad Muræti etiam & Baudii lectionem Parentem meum non invitâsse, nî forte illos.

illos flosculos, aut ut ipse loquitur, *orationis lumina* sibi soli velit asserere. Quis verò *febriculosam & ineptam eruditionis ostentationem* ambiverit, aut maiorem *gravitatis Theologica* rationem habuerit Animadversionum scriptor an Parens meus, quivis suæ spontis nec alterius odio mancipatus iudicabit. Ingentis scilicet & reconditæ eruditionis laudem ex vocibus *confabula & dememinisse* semel in prolixo sic satis opere adhibitis captavit Parens meus? Et hoc ausum scribere *speriminu* Auctorem! Quod si cum nonnullis *amtruare* pro circumcurrere seu movere, *nenum* pro non, *uls* pro ultra, *gnarures* pro gnari, *bovinator* pro tergiversatore, *grandiri* pro augeri, *casner* pro sene, *redenduar* pro reddere, *pavire* pro *puere* aut percutere, & quæ sunt alia id genus usurpâset, in quas querelas non esset delapsus hic Cenfor? Annon meliori jure illud cavillum in ipsum retorquere possumus, quo nullus hætenus Theologus febriculosam *magis & ineptam eruditionem* ostentavit aut gravitatem Theologicam infelicius decoxit? Quis unquam splendidiori apparatu Scholasticum pulverem calcavit, aut ex pædagogicis observatiunculis laureolam ac triumphum reportare voluit? Immò quod admirationem tibi procul dubio exprimet mi Lector, Censorem nostrum antiquariis adeò insensum non pudit tamen vocabula *ὑπερχαίσιμον* redolentia, undeunque illa hauserit, nonnunquam usurpare, certè quæ nec apud Ciceronem, Livium, Lucretium, Terentium, Cæsarem, aliosque purioris & verioris Latinitatis auctores leguntur, ex quorum tamen scriptis singulas voces petendas hac ipsâ paginâ contendit. Talia sunt inter cætera *stribligo & dispalescere*, quorum illud politissimus Noctium Atticarum scriptor vetustioribus tantùm Latinis usurpatum docet pro illo orationis vitio, quod Græci *ὁλοικον*, prisca autem Romani *imparilitatem* dixerunt, alterum apud unum Plautum inter veteres invenias, quem innumeris vocibus obsoletis refertum tantus Criticus ignorare non potuit, & quem etiam in illorum Auctorum syllabum non retulit, ex quibus scribendi normam hauriendam docet. Annon tantus osor *ὑπερχαίσιμῳ*, & severus in aliis corrector omni studio vitare illas voces debuit, quas si frequenter adeò Ciceronem usu trivisset, apud illum non exstare dubio procul scivisset? Vel si quamvis id non ignoraret, adhibere illas tamen voluit, cur Parentem meum ad Ciceronis imitationem procaciter adeò provocat, & ob unam vel alteram vocem aliunde haustam gravem illi accusationem intentat? Quis fuit unquam sanæ mentis scriptor, qui ob paucissima ejusmodi verba in majori præsertim opere minus usitata, Latina illa tamen, quemquam eo nomine traduxerit? Nonne ludibrium deberet eruditis, quum nemo sit ex universo litteratorum choro, & iis qui-

Agel-  
linus  
lib. v.  
cap. xx

dem qui principem locum tenent, & purissimè etiam scribunt, apud quem plurimæ ejusmodi voces vulgò non obvix nonnunquam occurrent. Ita exempli gratiâ quot sunt verba vel in unâ illa Comicoꝝ Venere Plauto, quæ nusquam alibi leguntur, & quæ priscam & exoletam antiquitatem sapiunt, quæ frequenter eruditi, & ipse Censoris corculum Baudius suis inserunt commentationibus sine Criticæ ferulæ metu. Non quod hîc sit animus mihi antiquariis frigidam suffundere, qui absque judicio, absque ullo delectu voces intermortuas planè, & nescio ex quo antro inficeret vetustatis erutas, magno conatu in lucem protrahunt, quos magnus ille litterarum stator *Casaubonus* non semel exagitat. Absit etiam ut insanum ridiculi illius Pædagogi exemplum imitandum censeamus, qui, ut *Livius* & *Quintilianus* tradunt, *ex hîc* identidem discipulis suis ingerebat, quo illis orationis spiris variis circumductæ, & peregrinis oppletæ vocibus, obscuritatem sedulò commendaret. Frequens & affectatus ejusmodi antiquarum vocum usus cum fatali illo victoris gentium populi libertatis triumphatore omni modo declinandus, parcissimus tamen datâ occasione non omnino interdicens, ubi tale quid præsertim ex ultimæ planè antiquitatis cineribus erutum non est, sed idonei scriptoris auctoritati innixum, & ad rem de quâ agitur inprimis accommodatum, ni maximorum hominum exemplis, & omnium seculorum experientiæ obniti velimus. Ipsum audiat Ciceronem, cujus auctoritatem non refugiet Animadversionum Parens, cujus hæc sunt verba; *Non utendum verbis, quibus jam consuetudo nostra non utitur; nisi quando ornandi causâ, parçè.* Videt jam Censor, se in ipsum Tullium Magistrum suum invchi, quum ob unam vel alteram vocem paullo antiquiorem Parentem meum *δερμαλίζω*, quum tamen id parçè ab eo ex Tulli præscripto occupatum negare non possit. Sic optimus dicendi Auctor *Quintilianus* ita hanc in rem disputat; *Verba inquit, à vetustate repetita non solum magnos assertores habent, sed etiam afferunt orationi majestatem aliquam non sine delectatione. Nam & auctoritatem antiquitatis habent, & quia intermissa sunt, gratiam novitati similem parant. Sed opus est modò ut neque crebra sint hæc, nec manifesta; quia nihil est odiosius affectatione, nec utique ab ultimis & jam oblitteratis repetita temporibus. Nec antiquarii semper in sinistram partem pro sedulis obsoletarum vocum affectatoribus sumuntur, ut apud Satyricum,*

*Ignotosque mihi tenet antiquaria versus,*

Sed in bonam quandoque, pro non exoletæ planè antiquitatis sectatoribus, ut *Vir* suæ ætatis doctissimus *Budæus* observat, qualis etiam audit inter Veteres ille non incelebris vatis judicio Princeps Historicorum *Sallustius*. Quàm justius verò dolorem suum ob expressum parum diligenter



genter Ciceronem in alios potius quàm in Parentem meum exoneraret Animadverfor, & *febriculosam* revera ac *ineptam eruditionis ostentationem* in exortis non ita pridem fucatæ cujusdam eloquentiæ propolis majori veritatis obtentu perstringeret! Quam justius, inquam, ejus scuticâ defricarentur Pædagogi illi verè scholastici, qui gentilitio more nescio quæ subreptitia orationis lumina indigna, quàm in aliis inverecundi oris homines ausingere castigare, *μικροφιλομάτεια* unde unde corradunt. Qui ut consummatum in his litteris judicium prodant, ligatum passim in solutâ oratione sermonem, immò ferreas etiam voces & Afris tantùm scriptoribus proprias, ut indubitatum scilicet magnæ ac diffusæ lectionis documentum ambitiosè aucupantur. Quam verius sciolos hosce ad feriam Ciceronis lectionem possemus cum Animadversionum conditòre amandare, quibus ille præ Ovidio fortè aut Horatio parum tritus, ni ferocula illa ingenia & inanitàrum plena, quod extremæ inscitæ argumentum, si non aliis, sibi saltem satis facerent.

Quia verò duæ voces *confibula* & *dememinisse* non videbantur Animadversionum scriptori justam tragicæ aded cum Parente meo tantquam *voces raras & antiquas* studiosè conquirente expostulationi materiam præbere, priora ejus scripta consulenda sibi censuit, quo videret an ex iis ulterius assertioni suæ posset fidem facere. Nullam tamen, quæ priscam illam antiquitatem saperet, præter unam vocem *rutubam* observat, quam producit hoc loco ex *Genevâ Restitutâ*. *Tale fuit*, inquit *olim si benè memini in Genevâ Restitutâ rutuba, quod ex uno Varrone citat Nonius*. Benè verò actum cum Parentis mei scriptis, quod plura sagacissimus Aristarchus, & qui ne Typographica quidem *σφάλματα* condonat, ex iis afferre non potuerit, quæ ut exoletæ vetustatis reliquias proscriberet; ut verò infelicitatem suam, sic inusitatam etiam animi æruginem illustriori documento propalare non potuit, qui non contentus Criticâ strigili Exercitationes Parentis mei egregiè depexas dedisse, eadem priora etiam ejus opera sed insuspicatò admodum detergere voluit. Atqui securus erat admodum quum illa publici juris faceret ab immitis hujus Orbiliî flagello, & apertus patebat vulneribus hac in parte, qui nihil tunc minus metuebat, quàm ut stylum ejus castigaret Animadversionum scriptor. An tale quid à Parente meo occupatum fuit; & si occupatum etiam esset, an ille qui tantum harum Grammaticationum odium profitetur, ejus vestigiis insistere debuisset? Quid facilius tamen fuisset Parenti meo, quàm non unam vocem eamque Latinam, sed loquutiones integras in puræ Latinitatis genium impingentes annotare, quæ in editis Animadversionum conditoris Tractatibus magno numero occurrunt, & ut

& ut ille loquitur *ἤπιπλάζυσσι*, si idem, qui illum spiritus egisset, quum scriptiōni *Exercitationum* calamum admovit. Mirari verò hic subit Censoris nostrilaboris aliàs fugitantis *φιλοπονίαν*, qui ut aliquid in stylo Parentis mei vellicaret, non dubitavit etiam alia ejus scripta, quæ publicâ ante complures annos luce fruuntur, diligenter pervolutare. Nec minus mirum, quod vocem illam *rutuba* voluerit perstringere, quam Varroni traditam noverat, cujus unius viri Romanorum omnium doctissimi, & quem tanti facit Tullius, auctoritas illam ab omni censurâ intactam abundè præstare videbatur: An ille ultimæ scriptor antiquitatis est; & non potius *melioribus seculis vixit*, qui præter innumeros Tractatus alios injuriâ temporum nobis interversos, eruditissimos de linguâ Latinâ, commentarios scripsit, quorum fragmenta nonnulla etiamnum hodie eruditorum manibus versantur. sic Nonius Marcellus non infimus Veterum Grammaticorum *rutubam* exponit (vel ut alii legunt *retuba*) *perturbatio*. Varro sexagesima:

*Ergo tum Romæ parcè purèque prudentes*

*Vivere tum in patria, nunc sumus in rutubâ.*

miror verò hanc vocem Virum quendam doctissimum à suo deducere, quum meo judicio Græcam originem *ἀναμφισβήτητος* arguat, & eadem sit cum Græcorum *θέρυβ* per meram litterarum trajectionem T & K, nempe aspirato mutato in lenem T ut frequenter fieri assolet. sic ut rem uno vel altero exemplo illustremus, pro Græcorum *λῆθος* Dores *λάθος* Romani *lateo*, pro *μῆνῃ* *menta*, pro *θεῷ* *θεῶμαι* *tueor*, *intueor*, & per metathesin etiam litterarum ut hoc loco pro *πῶτῳ* *opto* dixerunt, ut multa id genus alia prætermittam. sic notum Græcos *Ἀσυρίαν* Assyriam vocasse, pro quâ tamen alii dixere *Ἀτρεΐαν*, sic Cretenses *θέρους*, *πέρους* auctore Hesychio. Attici verò viceversâ T in Θ mutârunt, ut quum *κολόκωται* pro *κολόκωται* dicere soliti sunt. Ita illud Θ nonnunquam aliàs in D transferunt Romani, ut quod Græci *ἄνυρ* veteres Latini *adur* vel *ados* far nimirum seu *ζειαν* appellarunt, & vocem *θεός* in Deum converterunt. Atque ita etiam ex Græcorum *θέρυβ* Latinorum *rutuba* per simplex T factum est. Illâ verò litterarum *μετῴθισσι* nihil Æolibus inprimis & Romanis familiarius. sic pro *κύκλω*, ut pauca quæ jam memoria suggerit, exempla afferam, quem auctore Æschylo Græci *clypeum* vocârunt, Aeoles merâ litterarum trajectione *κλύκιον* dixerunt, & cum iis Latini *clypeum* κ in π mutato, ut in vocibus *σκύλον*, *λύκη*, *σηκός*, *σφολium*, *lupus*, *seper*. Ita Aeoles *ἀρίφον*, pro *δίφρον*, *σκένον* pro *κότιον*, *σκιφον* pro *κοίφον*, *έλχον* pro *ὄχλον* unde cum digammate *βολχόν*, à quo Latinum *vulgus*, ut volunt eruditi, item *ἄμεινον* pro *ἄελθμον*, usurpârunt, sic *έρχός* & *χορός*, *τίρχον*,

*πέρχνος, & τρέχνος. κέρτος & κρότος, ὀρφείω & ῥοφείω unde Latinorum sordeo,*  
*ὄλχος & λόχος teste Helychio, αἰλκήρης ἵππος pro λαχήρης, & sexcenta talia.*  
 Ut nihil etiam de Ionibus dicam, apud quos *θεάσθαι* pro *θεῖσθαι*, *κραδίη*  
 pro *καρδίη*, *κραπτερόν* pro *καρπερόν*, & alia id genus passim apud poëtas ob-  
 via. Sic pro Hebræorum *יָדָא* Latini transpositione R & L *beryllus*, quem-  
 admodum Græci *κλῆρος* pro *κλῆ*, ut vir magnæ eruditionis *Samuel Bochar-*  
*ius* observat, dixerunt. Sic per eandem litterarum trajectionem *ἡρεῖσθαι*,  
 quæ vox apud probatissimos Auctores frequenter legitur, & Latinorum  
*rutuba* eadem planè sunt, & *strepitum, perturbationem, seu tumultum* deli-  
 gnant. Nec propterea credo quod Græcanicæ sit hoc verbum originis,  
 suspectum esse merebitur Animadversionum Parenti; non magis quàm  
*emblemata, clypeus, monopolium, cygnus, pes, emplastrum, paropsis, poësis, epistola,*  
 & alia sine numero, quæ in Latium ex eodem fonte dimanârunt. Non  
 opus ergo erat vocem ita anxie quæsitam quasi insigne aliquod obsoletæ  
 antiquitatis monumentum huc afferri, minus eo nomine Parentem  
 meum tanquam gravis alicujus *αἰδικήματι* reum invidiosè postulari. Io-  
 culare verò est vel potius *γελοῖόν τι*, quod ne videretur priora Parentis mei  
 scripta in hunc finem consuluisse, ut quæreret quid censuræ in iis, quam  
 acerrimam ipsi in Parentem meum exercere decretum erat, opportunum  
 foret, vocem illam *rutubam* si bene meminit in *Geneva Restitutâ* exstare dicat.  
 Annon prodigiosam ipsi gratulabimur memoriæ felicitatem, cui ex  
 Orationis illius lectione anno à Reformatione Ecclesiæ Genevensis se-  
 culari à Parente meo pro Rectoris munere habitæ; & ultra duodecen-  
 nium, & quod excurrit, typis expressæ vox ea hæsit infixa? Nonne mi-  
 rum hanc illi tempestivè aded succurrisse, quum laboraret undique in  
 conquirendis vocibus antiquariis, quas in Parentis mei scriptis *ἀναισχί-*  
*τως μάλα* vellicaret. Vel an credibile, ipsum olim eam in adversaria sua  
 retulisse suo tempore depromendam tot annis antequàm publicè scriptis  
 cum Parente meo congregederetur, & eum in litigiosum hoc theatrum  
 reluctantem adduceret. Cui mortalium se hoc persuasurum credidit, &  
 si profiteri noluit consultam à se illam Parentis mei Orationem, ut quæ  
 minus probarentur, diligenter observaret, ne id animum loliginis felle  
 imbutum argueret, cur non impetum hac in parte suum sufflaminavit.  
 Sed solenne est Censori nostro, quæ novissimè inspexit, aut aliunde etiam  
 fortè illi suggesta sunt, ea velut ex intimo memoriæ suæ penu deprom-  
 pta annotare. sic paullò antè de vocè *concernit* ajebat, nam si benè memini  
*vir prestans, cui uterque nostrum lucubrationes suas dicavit, id usurpavit aliquo-*  
*ties.* Ita in primâ Animadversionum Generalium parte scribit, *spem re-*  
*missionis portendisse phrasin usurpatam a belloquentissimo Baudio, ut besternâ die*

*legebam & ante eum si bene memini à scriptore vitæ Virgilii Maronis.* Nonne festivum illud est, cum phrasin ex hoc Scriptore, quasi olim à se lectam, & in fidos memoriæ codicillos relatum huc afferre. Nec alterum illud minus lepidum, quod eandem in Baudio à se hæternâ die observatam dicat, ut quum paucis etiam interjectis paginis scribit, *& nudius tertius hæc legebam in argumento Andria quod confecit Muretus.* Intererat scilicet nostrum hoc scire, quorum Scriptorum lectione singulos dies distingueret hic Theologorum, ut eleganter cum hodiernis Oratoribus loquar, Alpha. Ut enim minima etiam Heroum facinora, & singulæ illorum, quos in excelsis aliquo positos fastigio intuemur, actiones cum cura observari solent; sic ad laudem suam pertinere censuit Vir *μεγαλόψυχος*, ut illæ, quibus se oblectare consuevit, occupationes palam omnibus fierent. Digna utique gravi Theologo, & homine illius ætatis tot curis ac laboribus distracti *γυμνάσιμα*, & quorum publicè, ne quemquam lateant, monumenta nobis & toti posteritati consignaret! Felicem profectò Animadversionum conditorem! cui à gravioribus studiis, & assiduâ Ciceronis sui ac Præstantissimorum Theologorum nostrorum lectione tantum ocii superest, quod Recentioribus illis impertiat. Si diem verò tam studiosè annotasset, quâ hoc vel illud in Calvini, aut Musculi, vel aliorum id genus Heroum scriptis legisset, majoris fortè in homine Theologo operæ premium fuisset? Sed voluit nimirum Parentis mei imprudentiam Lectorum oculis objicere, qui aliquid ausus est in stylo Adversarii sui desiderare, qui illum tamen non ex scholarum barbarie, sed eloquentissimorum accuratissimorumque scriptorum Mureti ac Baudii, quorum laudibus nihil detractum volumus, operibus concinnavit. Eadem ratione etiam demonstrare voluit, non ita se Parentis mei scriptis, in quorum examine versabatur, exerceri, nec in eo tantum laboris situm, sicut communis omnium opinio tulerat, ut eo nomine à solitis iisque majoris aliquanto momenti occupationibus avocari se separaretur.

## CAPUT VIII.

*De voce Mantissa, & an rectè vel perperam Parens meus illam centum Anterotematibus præfixerit.*

**C**onfert se tandem Animadversionum Scriptor ad ultimam Observationem Grammaticam petitam ex voce *Mantissa*, quam instar additamenti ad reliquum *Exercitationum* opus, Dissertatoris methodum sequutus suis Anterotematibus præfixerat Parens meus.

meus. Hanc intactam à Critico morsu abire noluit Aristarchus, nec præclaram cavillandi occasionem, quam in illa voce nactus videbatur, è manibus eripi sibi voluit. Quum enim illi Anterotemata ipsa solvere per severa Medicorum interdicta non liceret, nec illi etiam animus esset illam phalangem invadere, ipsum saltem titulum sollicitandum sibi censuit, ratus casuram totam illam molem, si eam diſteriole ulcisceretur. Audiamus ipsa Censoris verba; *De titulo*, inquit, *quem centum Anterotematibus præscripsit Mantifane scribendus sit an potius Mantissa, & sit ne vox Tusca, ut Festus voluit, an potius pura puta Latina, ut Iosepho Scaligero visum, mea quidem cerre nihil refert, & doctioribus dijudicandum relinquo.* Mirum cerre celebrem adedò Criticum, & qui tantà cum voluptate saxum hoc volvit, nihil hic certè pronuntiare ausum, nec ambiguam hæctenus inter eruditos, ut existimat, controversiam suà auctoritate decidere. Si provinciam illam ut humeris suis graviolem, vel potius ut infra dignitatem positam in se suscipere noluit, nec vocem illam *Mantissam* è Latio proscribere, debuit ab illà vellicandâ sibi temperare. Ego verò quamvis nondum ipsis infantix carceribus solutus, & doctrinâ huic Theologorum æquè ac *κελετικὴν αἰεὶ* tam longè impar sim, fretus tamen auctoritate maximorum hominum, & in hac eruditionis parte omnium iudicio *κορυφαίων*, utrumque dubium cum bonâ ejus veniâ non verebor paucis expédire. Ac primum quidem quod spectat *Mantisa* an per *διπλασιασμὸν* litteræ σ *Mantissa* scribendum sit, miror admodum illud ab Animadversionum Scriptore moveri, nec res adedò levis & nullius momenti tantum Criticum sollicitum habere debuit. Notum enim quàm promiscuus esse soleat, in multis vocibus harum litterarum usus, & quantum hac in parte sibi indulgere quivis soleat. Antiquissimis quidem temporibus litteras non geminabant Romani, ut disertè me docuit Festus, sic pro *olli* vel *illi*, *oloe* dicebant veteri Masculinorum pluralium terminatione, qui postea in *I* antea in *oe* desinebant. Ita enim inquit plenus bonæ frugis, & reconditæ eruditionis Auctor; ab *oloes* dicebant, pro ab *illis*, antiqui enim litteram non geminabant, & alibi iterum. Anus dicta ab annorum multitudine; quoniam antiqui non geminabant consonantes. At ut omnia mutationi sunt obnoxia, ita mos alius paulatim invaluit, & duplicatæ in multis vocibus litteræ, adedò ut *ævo* etiam Ciceronis; in quo perductam ad ultimum fastigium linguæ Latine puritatem nemo ignorat, *caussum* & *cassum* dicerent, pro quo tamen hodie *causa* & *casus* vulgò scribi consuevère. Cur non ergo potius scripserit Parens meus *mantissam* quàm *mantisam*, quum prius sit magis ex recepto Veterum æquè ac Recentiorum more, & cur non licuit hic illi suo uti arbitrio. Quanquam ut dixi in eo parùm situm sit, nec si Animadversor *mantisam* scriberet, eum ad

Criticorum tribunal propterea vellem provocare. Quidni etiam assentiamur magno Scaligero, qui melius legi *mantisam*, quàm *mantissam* affirmat quoque, & ita etiam in veteribus Felsi Codicibus scriptam hanc vocem exstare, ut statim fiet manifestum. Ita quoque Onomasticum, *mantissa*, *μεγίσταμα*. Nec aliter etiam scribunt plerique ex Recentioribus, in quorum scriptis passim videas *mantissam* per duplex σ & vel inprimis doctissimorum virorum Schoppij, Meursij, Chifletii, Paræi junioris, Maresij, Bocharti, & Vossij, quorum exempla alia agenti sponte sese obtulerunt: Ita jam videt Animadversionum scriptor vocem *mantissam* rectè à Parente meo expressam per geminum σ, nec opus etiam fuisse ut illud in dubium revocaret.

Alterius verò dubij decisionem, sitne vox illa Tusca, ut voluit Paulus, an pura puta Latina, patiaturs Animadversionum scriptor nos τῷ *Σταμασί* Scaligeri iudicio permittere, qui illam Latio vindicavit, & genuinos illi natales in cruditissimis suis ad Festum Castigationibus asseruit. Nec pigebit hic locum integrum exscribere. Quum enim dixisset Paulus apud Festum, *Mantisa additamentum dicitur linguâ Tuscâ, quoad ponderi adjicitur, sed deterius, & quod sine ullo usu est*, ita ad hunc locum commentatur Vir illustris: *Mantisa non est Tuscum, sed purum putum Latinum: Mantisa pro manutensa, ut manterium. Varro pro manuterium. Tesium antiqui pro tensum dicebant, & pesum seu pessum pro pensum, & passum pro pansum. Igitur Mantisa, seu Mautissa quod MELIVS est, & exstat in quibusdam veteribus editionibus, dictum pro manutensâ, pro eo quod manu porrigitur, præter id quod ad pondus exigitur, ut sit mantisa caro vel mantisa merx χερσὶν ὀνὸν κέρας. Porrigitur enim manu, non datur pondere. Porro Mantisam pro mantensam dictum non mirabitur, qui scit veteres Pertisum pro Pertesum, & similia dixisse. Mantisa ergo non Tusca vox, ut Paulus voluit, sed merè Latina, & si originem spectes, propriè pro eo sumitur quod manu tenditur, latiori dein complexu pro quovis additamento, quod Græci dicerent *μεγίσταμα* vel *Μήστωμα*. Onomasticum, ut superius visum, exponit *mantissam*, *μεγίσταμα*. Hinc patet falsam etiam esse alteram Pauli de hac voce observationem, *mantissam* nimirum sumi pro additamento deteriori, & quod nullius sit usus. Nec enim id vel vocis illius origo, vel usus illius portendit, nisi id comparatè debeat intelligi, quatenus ejusmodi additamentum exigui valoris esse solet, si cum totâ re cui adjicitur conferatur. Aliàs enim omninò in genere *mantissa* denotat quodvis additamentum, non quod nullius sit usus, quum contrariâ planè significatione in accuratissimorum etiam Criticorum scriptis frequenter occurrat. Ita plurimi etiam nobiles & magni nominis scriptores non dubitârunt vocem illam *mantissam* operum suorum titulo cum Parente meo nonnunquam præscribere, ut in aliquot etiam scri-*



scriptis hoc ipso anno publici juris factis me observasse memini. Atque inter cæteros *Maresii, Chisletii, Gattakeri, Parai*, ut hoc ipsum ad retundendum hujus Critici cavillum ex industriâ factum videri possit. Quin erit nobis instar omnium ille seculi nostri Varro, & acerrimi in hac litteraturâ judicii *Gerhardus Vossius*, qui in ipso limine illius operis quod ante annos aliquot *De Vitiis sermonis falsæque suspectis* inscripsit, vocem illam usurpavit; Propterea, inquit, ingenti Opere, sed hactenus inedito, egimus de *vocum Origine & Proprietate*: publici vero juris jamdiu fecimus libros septem de *arte Grammaticâ*, quibus hanc velut Mantissam adteximus tum de *Latinitate illâ quæ meriti, tum de illa quæ injuriâ est suspecta*. Atque hic primò observet Animadversionum scriptor magnum illum virum disertè mantissam hic scribere, non mantissam, quod superius obiter notavimus. Quærerem dein libenter ab eo, an existimet, ut de magnis jam scriptoribus aliis nihil dicam, doctissimum *Vossium* vocem non Latinam tam illustri loco adhibere voluisse, & in eo quidem opere, in quo voces spurias & barbaras frequenter etiam in scriptis eruditorum obvias, è Latio eliminare illi propositum fuit. nec cum de *deteriori additamento & quod nullius sit usus* loqui hîc illum voluisse existimabit Censor, nec ita contemtim de eruditissimo & elaboratissimo operè judicium feret. Atque ita, ut spero, exemimus sollicitudinem, quâ se teneri ajebat, *relinquens ansecum* Parens meus ita hoc Opus indiguisse. Quod enim subdit melius fuisse, si eâ voce in totum abstinuisse, quod sit nomen apud *Lucretium, Ciceronem, Casarem, Livium, omnesque alios purioris & verioris Latinitatis auctores incognitum atque insolens*, futile est & ineptum. Quasi plurimæ voces hodie usu receptæ non essent, & Romanâ civitate donatæ, quarum nulla tamen vestigia in veterum illorum Auctorum scriptis reperias. An revocare vult nostro seculo Animadversionum Parens explosam superiori in magnis aliis viris, & vel inprimis in singulari illo Purpuratorum ornamento, *Petro Bembo* cujusdam *deiotauronidis* speciem, quâ factum ut unam vocem aliunde, quàm è Tullianis fontibus haustam usurpasset piaculum ducerent nullâ februatione expiandum? Audiat hic potius ipsum cum reliquis jugulantem doctissimum *Vossium*: *Ex his satis liquet, non esse nos eos, qui in totum interdicanus peregrinorum usu illorum instar, quos vocamus Ciceronistas, ut reliqua jam compendii causâ, quæ apud illum videri possunt in allegato jam opere. Nec enim ita anxie aut scrupulosè ad Lucretii vel Ciceronis & aliorum illius ordinis & ætatis Auctorum imitationem adstringimur, ut non quandoque liceat, quamvis id cautè quidem & parcè, in unâ vel aliquâ vocali ab iis recedere. Ut enim liberales disciplinas omittam, quot voces sibi vindicavit ars militaris,*

campestris, equestris, architectonica, & id genus alias priscais illis scriptoribus ignotas! Ita si v.g. aliquis hodie *Trinitatem*, *baptismum*, *sclopetum*, *bombardam* & alia sine numero, eò quod in Tullii aut Terentii codicibus non reperiuntur, ex usu ordinario censet proscribenda, nã ille oleum & operam perdit! An plurima etiam Censori nostro verba non exciderint, apud priscaos illos purioris ac verioris Latinitatis Auctores incognita planè ac insolentia, vel ex sequentibus fiet manifestum. Adde non contemnendam veterum illorum scriptorum partem fatali bonis litteris calamitate esse nobis interceptam, ac proinde pronuntiari certò non posse vocem hanc vel illam Latinam non esse, ex eo quòd in hujus aut alterius scriptoris, quæ hodie supersunt, monumentis non reperiatur, ubi vel unius veterum testimonio est innixa. Ex quo etiam ita contra *Vossium* disserit *Gasspar Schoppius* in exiguo illo libello, cujus mihi copiam fecit Theologus & Philosophus eximius, mihiq; amicissimus *Henricus Bornius*; Meo ergo judicio, inquit Schoppius, potest jam *Vossius* securo esse animo; & quamvis in veterum auctorum libris, qui sunt reliqui (cum maximam eorum partem interuisse eoque innumerarum vocum Latinarum sacuram factam esse constat) Puritatis vocabulum non inveniri; quia tamen Impuritatem in *Cicerone* legimus, quæ Plauto est Impuritia, non habet dur se ipsum, nãque secum alios homines doctissimos in vulgi barbari turbam conjiciat; Quin vocem hanc Mantissam usurpavit inter veteres, ut notum Animadversori, *Lucillius*, Auctor non ignobilis, & qui primus Romanorum cumulatissimam ex satyrarum scriptione laudem, teste *Horatio*, reportavit. Sciendum verò illum præter Græca nonnulla, quæ licenter nimis, ut quibusdam visum, scriptis suis inferere solitus fuit, Romanæ aliàs studiosissimum puritatis fuisse, immò, auctore *Quintiliano*, illum in *Vettium* acriter injectum, quod Prænestinorum vocibus frequenter locum daret. Vnde minus credibile cum vocabulis Tuscis scripta sua ornare voluisse, qui hanc peregrinorum vocum affectionem magnâ acerbitate in aliis castigabat. Verum ut videat Animadversionum scriptor quàm liberaliter cum illo agamus, demus illi etiam per meram *συγχωρεσις*, mantissam, ut *Paulus* voluit, vocem peregrinam esse, & quidem Tuscam. Nihil emolumenti exinde Censori nostro acceder, vel quidpiam Parenti meò detrahetur, quum abundè sit nobis Latinis illam scriptoribus traditam ac proinde etiam esse Romanâ civitate donatam. Quod peregrina alia & exotica vocabula non à vicinis solùm gentibus Tuscis, Prænestinis; Sabinis, aliisque, sed longè etiam remotioribus, ut Germanis, Gallis, Hispanis, Britannis, Persis, Afris, Ægyptiis elegantissimos etiam & purissimos Romanorum scriptores mutuari sæpius non puduit, qualia sunt *rheda*, *benna*, *mastruga*

vel *maſturca*, *petoriturum*, *covinnus*, *bracca*, *eſſedum*, *gaſa*, *framea*; *caceja*, *lancea*, *magalia*, *zythus*, *gaza*, *ſatrapa*, & alia id genus. Vt nihil jam dicam quot innumeras voces è Græcorum idiomate in ſuum tranſtulerint, aut ex ipſa Linguarum Principe Hebræâ, quod in Diatribâ de *Lingua Hebraorum*, exemplis aliquot illustravimus. Vnde inquit Voſſius *οὐκ ἐν* in laudato aliquotiens opere; *Nec enim omnia damnantur peregrina, tanquam barbara; ſed illa duntaxat, quæ neque donata olim fuerunt civitate Romanâ, neque donari poſtea meruerunt.* An ergo aliquid mirum vel novum foret, ſi vocem hanc *mantiffam* Tuſcis aſcriptam ferrent Romani, genti vicinæ, qui ex tam remotis locis & diſſitis populis voces petere non dubitârunt? Immo non unum hoc verbum à Tuſcis vel Tyrrhenis derivâſſent, qui ab iis nonnulla alia in uſum converterunt. Quis *hiſtrionem* Latinam vocem negabit, at Tuſcis tamen ſuos natales debet, ut diſertè obſervant magni Auctores Livius ſub initium lib. vii, & Valerius Maximus lib. ii. cap. iv. qui de Tuſcis verba faciens, inquit: *Et quia ludius apud eos hiſtrio appellatur, ſcenico nomen hiſtrionis inditum eſt.* Ita etiam Latinam vocem *ſubulo*, quæ apud Ennium occurrit, agnoſcis Feſtus Tuſcam eſſe, & *tibicinem* ſignificare, quemadmodum etiam Gloſſarium *ſubulo*, *αὐλῆς*. Non ergo quæritur hoc loco, an *mantiffa* Tuſcis *additamentum* notet, ſed ancâ ſignificatione à Latinis ſcriptoribus uſurpetur, undecunque tandem illud habeant. Atque ita Animadverſoris dubio abundè, ut ſpero, ſatiſfecimus, pro quâ tamen operâ ſi nullam apud eum gratiam inire poſſumus, diſcat vel hinc ſaltem aliquanto cautius in poſterum dubitare, ne *adverſarius ſuis*; ut ab initio *ſpeciminis* loquitur, *adèd luculentam inſectandi inſultandique materiam ſuppeditare* pergat.

Quod ſpectat verò illud, quo Grammaticas has obſervationes claudere voluit Animadverſionum auctor, diſtinctionem petiit ex pravâ voce *mantiffa* expoſitione, dolemus illud nunc ipſi ereptum, qui ita compendio, quum aliter non poſſet, Parentis mei Quæſitis decreverat apud ſe reſpondere. ſatis enim oſtenſum, & magnorum Virorum auctoritate ac exemplis confirmatum falſum integrum illud de hac voce *mantiffa* non ipſius quidem Feſti, ſed Pauli Diaconi gloſſema, quem plurima id genus alia intempeſtivâ ſedulitate in Feſti codicibus depravâſſe, & multa etiam ad lubitum truncâſſe vel addidiſſe, obſervatum eruditis, immò integrum Auctoris ſenſum planè nonnunquam pervertiſſe. Quod ne in dubium etiam revocet Animadverſionum ſcriptor, nec fidem ſuam iſti Diacono præcipitanter adèd in poſterum obſtringat, unum vel alterum, quod jam præ manibus eſt, exemplum non pigebit hîc in medium afferre. Ita *prætextatus ſermo* exponitur hodie in Feſti codicibus, *qui nihil obſcenitatis*

*scenitatis habet, quæ insignis est hujus loci depravatio, Notum enim ex Suetonio, Agellio, Macrobio aliisque phrasin hanc contrariæ planè esse significationis, & pratextata verba de obscenis ac impuris maximè usurpari solita. Vel fidem faciet hic Tranquilli in vitâ Vespasiani locus; Erat enim dicacitatis plurimæ, & sic scurrilis ac sordida, ut ne pratextatus quidem verbis abstineret. Agellius quoque lib. 1x. cap. x. Tot verò ac tam non pratextatus, sed puris honestisque verbis. Vnde corruptum hunc Festi locum jam pridem observârunt eruditi; sic inter alios vir doctissimus ad allatum illum Suetonii locum ita commentatur: In excerptis Festi Pompeji hæc sententia legitur mendosa, cum in codice legitimo pratextatus sermo ita explicetur, sicut à nobis in præsentia explicatur Festi, qui sensus ad amussim quadrat cum Tranquillo. Non enim pratextata verba intelligi voluit pudica, sed è contrario obscena & lascivientia. In eundem sensum loquitur Vossius ὁ Ἰωάννης, qui hoc mendum Paulo unicè it ascriptum; Pratextatus sermo, inquit, si audimus Paulum Diaconum in Festi epitome, is dicitur, qui nihil habet obscenitatis, sed non intellexit Festum; Nam pratextata verba sunt, quæ obscena. Quod miror magno Scaligero non observatum, cui aliàs Paulus iste vehementer vapulat, & cujus prodigiosos errores ac crassam ignorantiam summâ dexteritate & eruditione sæpius detexit. Atque ut pateat etiam non novum esse isti homini vocibus merè Romanis peregrinos natales arcessere, videamus qui vocem ambactus exponat, Ambactus, inquit, apud Ennium linguâ Gallicâ servus dicitur. Quod falsissimum est, quum an-bactus sit vox pura Latina pro servo mercenario qui hæc & illac circumagitur, & circumducitur mercedis gratiâ. Ambagere enim veteribus dicebatur pro circumagere, ut ambire circumire. Ambactus autem Græcis est ὁ περιφóρητῃ vel ὁ περιφóρητος. Vnde à Paulo voces illas linguâ Gallicâ præter omnem veritatem Festo adfutas contendunt viri illustres Scaliger & Salmasius, ille in suis ad Festum castigationibus, hîc in Notis ad Flavium Vopiscum. Quod verò Exercitationum opus pro tantâ mole valdè infrugiferum dicit Animadversionum scriptor, non hîc dictæriis aliis ulciscimur. Sufficient nobis alio illas habuisse pretio, non præcipuos tantum orbis Reformati Theologos, sed Ecclesias & Academias immò synodos etiam integras, quæ in iis multum bonæ frugis contineri magno consensu judicârunt. Quibus extra omnia partium studia, quæ animos nonnunquam solent offuscare, constitutis fidem habebit potius Lector sui juris, quàm homini, cui crebra ejusmodi scommata ira ac indignatio solum expressit. Ipsum verò Animadversionum opus non infrugiferum tantum visum, sed lolio ac zizania, & adulteratis id genus seminibus passim conspersum non tam frugî faciendæ quàm noxæ comparandæ opportunis. Ab ipsius*

lib. de  
vitiis  
serm.

etiam

etiam de Anterotematibus Parentis mei iudicio ad Lectorem candidum & magnorum virorum tribunal provocarem, nî sola Censoris illorum examen detrectantis fuga omni testimonio luculentius demonstraret, illam non tam argumentorum quàm conscientiæ inbecillitate ab eo prudenter occupatam. Nî fortè etiam dicamus illum, *mantissam* ejusmodi reliquo operi annexam noluisse, ne ex suo sensu *deterius adhuc additamentum & nullius usus* assueret, quâ in re Pauli expositio locum habere potuisset. Et hæc sunt quidem, quæ contra puræ ac veræ Latinitatis genus admissa,

*Vestibulum ante ipsum primoque in limine libri*

atroci stylo configenda censuit Animadversionum scriptor. Quodsi nonnulla alicujus momenti ab eo fuissent congesta, in quibus acumen suum factus repente ex Theologo Grammaticus eâ dicacitate exercuisset, veniam fortè apud aliquos impetrâisset. Quum verò adeò levia sint, immò adeò iniqua maximam partem, ut vel solo illorum intuitu, vel ipsissimis etiam Censoris verbis refelli abundè possint, aut in ipsum retorqueri, nihil reliquum nobis est, quàm ut *ἡ ἀπείθεια* illius deploremus, qui magno conatu voluit *ἐπαίτῃ ἐν τῷ δέοντι σφίγγεσθαι*.

## C A P V T I X.

*De vocibus saltem, ἀλλήλεια, nostras, complex, & geminatâ negatione.*

**H**is ita expensis quæ in secundâ Animadversionum Parte in stylo Parentis mei castigare voluit Animadversionum scriptor, quum nonnulla id genus in ipso adhuc SPECIMINIS *πεοπιλαίω*, & alibi etiam superessent, illis aliquas etiam stricturas indulgere visum, ut nihil hac in re data opera dissimulatum jure queri possit. Ac primò quidem, observandum, quod quum in Dissertatione sua Animadversionum conditor contumeliosum *præfracti* epithetum Deo ipsi, Confessioni Ecclesiarum Reformatarum, & nostris supra omnium laudes Theologis frequenter admodum largiretur, ipsum eo nomine Parente meo aliquoties meritò fuisse perstrictum. Hoc verò tulit impotenter, unde multis etiam se ab eâ accusatione vindicare conatur, exhibens hoc pacto insigne præfracti reverà animi documentum. Immò peccâsse hac in parte graviter in amicitia & officii leges Parentem meum existimat, debuisse enim illum *privatim atque amicè ipsum monere* *crudelia hæc tempora postulare eloquutionem aliquantò castigationem, & quæ à docto-*

rum virorum auribus non abhorreat. Officii illius exemplum viros præstantes illi olim exhibuisse, cum in primo volumine Dubiorum Evangelicorum particulam saltem pro tantummodo perperam & contra bonorum scriptorum auctoritatem adhibuisset, quod verbum & significationis peregrinitate, & repetitione usque adeo crebra Lectori molestiam fastidiumque crearet. An suæ spontis fuit Animadversionum conditor, quum hæc scriberet, vel an solitis diſtertiis animum cum multis ærumnis consistantem reficere aliquantum voluit? nec enim illi seria meditantia talia excidissent? Ille publico scripto Parentem meum nihil minus cogitantem adortus, *Ἀποσπαστικῶν* illo præſacti, ut diximus, vocabulo, non laudatissimos tantum Theologos, vel Ecclesiarum nostrarum Confessione, sed ipsa etiam Dei decreta passim notaverat. Quum verò Parenti meo respondendi necessitas esset injecta, & sibi ac Theologis nostris temerè impacta vellet amoliri, quî privatim id facere debuit, quod publicè & illo quidem inconsulto scripserat Animadversionum Parens? An publica accusatio, quam viris extra omnem calumniæ aleam positis, & præclarissimè de Christi Ecclesiâ meritis intentaverat non semel, publicè etiam revinci non debuit? An ipse Dissertator antequàm Disputationis Parentis mei inauspicatum admodum examen susciperet, sui illius consilii privatim eum certiore fecerat, vel amicè cum eo de rebus inter ipsos controversis contulerat? At scilicet viri præstantes officium illud Parenti meo exhibuerunt, cum in primo volumine dubiorum Evangelicorum saltem pro tantummodo perperam & contra bonorum scriptorum auctoritatem posuisset. Lepida utique & festiva illatio! Meminit quidem Parens meus non plures, sed unum virum præstantem, quum amicitiam cum eo coleret, tale quid olim privatim ad ipsum scripsisse. At quî inde concludit Animadversionum scriptor, idem officium sibi à Parente meo exhiberi debuisset, quum dispar omnino sit ratio. Elenchum parium admittere hic ipsum propemodum dixissem, ni *πρὸς* illis, quæ abhorret tantopere, scholarum verbis, ejus gratiam mihi nollem precariò inconciliare. Non fugiebat enim Cenforem Parenti meo cum viro illo præstante nullam umquam intercessisse controversiam, nec eum publico scripto provocasse, ita ut ille publicè etiam eo nomine Parentem meum perstringere debuisset: Animadversionum autem scriptor primus stylum & quidem aculeatum in Parentem meum strinxit, & eò ipsum suâ importunitate adegit, ut accuratum Dissertationis ipsius examen suscipiendum illi fuerit. Deinde si vel particula illa saltem sensu minus usitato vel millies à Parente meo fuisset adhibita, nulli injuria esse poterat, nec vel minimam, cuiquam mortalium offensionis materiam exhibere, At repetito illo rôticens præſacti elogio non  
obscure



obscurè tradebantur tot clarissima Ecclesiz Christi lumina, incomparabiles Theologi tanquàm pertinaces nimium & obstinati in asserendâ doctrina quæ Deum, ut ipse loquitur, *immanem faceret & truculentum*, immò Ecclesia ipsa, immò ipse Deus. sed hujus consequentiz ἀπορία ut abunde ab eruditissimo B E A V M O N T I O ostensam pluribus hîc exagitare superfedeo. Nemo non videt captatam hîc solùm anxie occasionem observationem illam ipsi aliunde suppeditatam tanquam prosternendo Adversario opportunam admodum asserendi. Quasi multùm scilicet ad Gratiz Vniversalis decisionem faceret, an hoc vel illud verbum minus Latinum Parens meus in *Dubii* suis *Euangelicis* expresserit! Iudicabunt etiam alii, an officium illud amico olim animo Parenti meo privatim exhibitum, adeò invidiosè, quamvis in eo nihil quidem situm sit, publicè proponi debuerit, ut ita omnis illius officii gratia interiret. Adde vocem hanc *saltem* pro *tantum* non primum Parentem meum auctorem agnoscere, sed magnorum inter veteres æquè ac Recentiores auctoritate suffultam esse. Non diffitemur quidem particulam esse ἐλαττωτικῶν, & significare plerumque, πῶ ἐλάττω live *ad minimum*, cujus originem tradunt Veterum Grammaticorum primipili Servius ad l. iv. *Æneidos* & Agellius lib. xi cap. xiv. Magni nihilominus, ut diximus, iique probatissimi Auctores in hac vocis hujus significatione Parenti meo præluxerunt. sic eam in Plauto eadem significatione pro *tantum* vel *duntaxat* sæpius reperiri observant viri eruditissimi & qui in hujus Comici lectione totam propemodum ætatem triverunt. Ex eorum numero est *Philippus Paræus* magni Theologi doctissimus Filius, præclarissimè de Plauto inter cætera meritis, ut qui ultra sex novas illius editiones solus procurarit, & multis eum Observationibus ieverit illustratum. Hic verò in *Lexico Critico* non ita pridem edito, in quo omnes Plautinas elegantias accuratè persequitur, *saltem* pro *tantum* septies in Plauto occurrere disertè observat, adductis locis quæ tediousum foret omnia hîc recensere. Vnum vel alterum sufficiat in medium proferre, & primum quidem ex *Corculione* 4. 2. ψ. 21. *Hisaltem in oculis locis prostant, vos in foro ipso.*

Alterum ex *Pænulo* 3. 1. ψ 41. *Attrepidare saltem, nam vos appropereare haud postulo.*

Sic in *Varrone* lib. xvi. rerum divinarum *saltem* pro *tantum* legitur: *In Italia*, inquit, *compitiu* quadam *sacra Liberi* celebrantur cum tantâ licentiâ turpitudinis, ut in ejus honorem pudenda virilia colerentur: non saltem aliquantum verecundiore secreto, sed in propatulo exultante nequitia. Ita apud elegantissimum illum Historiarum Naturalium scriptorem lib. xiii. cap. xi eodem sensu occurrit: *Ne terram quidem ipsam vitam fuisse, que nunc*

*Ægyptus intelligitur, cum in Sebennytico saltem ejus nomen omnī charta nascatur; postea addageratam Nilo.* Nec obstat quod Dalecampio suspecta lectio visa est, qui pro *saltem* audacter reposuit *solum*. Priori enim lectio-  
 ni favent non vetus tantum editio Parmensis, sed veteres etiam Codi-  
 ces Manuscripti, ut Vir summus observat, in quibus *altem* legitur pro  
*saltem*. Sic multorum etiam ex Recentioribus exempla possemus hic  
 ὅλῳ τῷ θυλάκῳ congerere, *saltem* eodem sensu cum Parente meo usurpa-  
 tum. Fidem pro cæteris faciet magnus Lipsius libr. de Amphitheatro cap.  
 v. dum inquit: *Theatrum quod Nero postea magnificum in campo Martio erexit  
 fuit saltem è ligno.* Nonne liceret Parenti meo, si vel nulla inter Veteres,  
 (quod falsum tamen ostendimus) exempla exstarent, hujus emunctæ na-  
 ris Critici auctoritatem præ se ferre postquam Animadversionum scri-  
 ptori placuit vocem barbaram *efformare* Martyris summi quidem Theo-  
 logi, sed non perinde harum rerum veteris testimonio tueri. Nulla ita-  
 que causa suberat, cur alieno loco particulam illam, ejusque, ut loqui-  
 tur, peregrinitatem traduceret, quæ præterquam quod maximorum in-  
 ter Vcteres ac Recentiores scriptorum auctoritate defendi possit, nul-  
 lam vel levissimæ contumeliæ notam poterat secum importare. Mirum  
 verò Animadversionum Conditorem non ulteriorem in *Dubia Evangelica*  
 Parentis mei censuram exercuisse, nec in eum, quo conscripta sunt, sty-  
 lum, quod non tam propenso in ipsum animo, quam defectui argu-  
 menti imputandum tot alia documenta clarissimè evincunt.

Ita cæteroquin Animadversionum scriptorem intemperies quædam  
 contradicendi abripit, ut illas etiam voces vellicare sustinuerit, quas  
 purissimas esse & idoneis Auctoribus traditas ex suis noverat Lexicis,  
 quarum usum tamen, ut sibi videbatur, nimis cæbrum vir repetitio-  
 num hostis acerrimus ferre non potuit. Hujus generis est vox ἀληχία  
*quam non nego, inquit, Græcam esse, quamvis ab uno Dioscoride fortè inter vete-  
 res usurpatam, nisi Dionysium Areopogitam numerare velimus inter antiquos. Ve-  
 rum etsi Athenis ipsis natum poterat Vir doctus eo uti paulò parcius, ne tandem ni-  
 mia frequentia vilesceret.* Egregia scilicet ratio! Quasi ex frequentiori usu  
 voces vilioris essent pretii, & non potius melioris notæ, quò frequen-  
 tius apud probatos scriptores leguntur. An usu aliquid vocibus detra-  
 hitur, & non potius accedit? Quæ putidior & homine Theologo magis  
 indigna observatio? Annon eo ipso quo vocem illam ἀληχίας Græ-  
 corum pomæriis pro solitâ suâ verecundiâ excludere ausus non est, ullo  
 modo illam vexare debuit, vel ostendere saltem eam præter propriam &  
 nativam suam significationem perperam à Parente inco frequenter adhi-  
 bitam? An sua etiam Lexica debuit consulere, ut Græcam illam esse  
 nunc.

nunc edoceretur, & an Dioscorides, si vel uno illo inter veteres auctore gauderet, non idoneus Auctor cenfori nostro videtur ut Græca cenferi possit? An Dictator iste legem aliis figet loquendi, & frequentem usum vocibus illis interdicit, quæ nemini contumeliosæ apud probatissimos Auctores leguntur, & ad rem, de quâ agitur, ἐπεξηλυται sunt inprimis & accommodatæ? si per graviores alias occupationes Animadversionum parenti licuisset illum πάσης φιλοσοφίας fontem Homerum æquè ac Muretum vel Baudium evolvere, nisi ex eo fortè aliquid in scholis olim delibavit, quo animi tadio devorare potuisset crebras illas repetitiones, quæ singulis fermè paginis occurrunt, non aliquarum tantùm loquutionum, ut τὸν δὲ ἀπαμειβόμενον, vel πῶς αὖτις Ἀρχαῖος, aut εὐκνήμιδες Ἀχαιοὶ, & aliarum id genus, sed integrorum etiam nonnunquam versuum? Nonne nauseâset ad talia Cenforis nostri stomachus, & protinus infelicem hunc vatem non unguentis cum Platone delibutum, sed infelici inustum stigmatè ad Anticyras relegâset, ὅπου τὰ βέλτερά τε ἐκρηγόρουσι, qui unam ἀθηλαρχίας vocem in proluxo opere aliquoties & decenter adhibitam concoquere non potuit. Vllamne phrasin verò aut vocem frequentius ille Mæonides expressit, quàm Animadversionum scriptor solenne illud viri docti elogium, quo perpetuò Parentem meum cohonestare ipsi visum fuit? An verò id eo tantùm animo & eâ finè ab eo factum ut tandem nimia frequentia vilesceret, ut de frequentibus aliis ejus loquutionibus nihil dicam? Quod enim ipsius spectat præstantiam, in quo præfractè tuendo mirum quàm æstuet, novit optimè Animadversionum Auctor, non alia de causâ crebrum illius usum Parenti meo displicuisse, quàm quod vox illa Præstantissimorum virorum famæ non levem maculam imprimere videretur.

In hunc verò Grammaticarum observationum censum referri etiam debet, quod de voce nostratis sub finem primæ Animadversionum Generalium Partis notat, in cujus nempe expositione hallucinatum graviter Parentem meum non obscurè innuit. Dixerat nempe ille in Præfatione tertiæ Exercitationum suarum Parti præmissâ; Pontificios ad ἱερομυστικὰ sæpe vi veritatis redactos, questionarios evasisse, & celeberrimis Theologis inter nostros in ipsâ Franciâ struem questionum proposuisse. Hic Animadversionum scriptor, ut ejus acumen mireris Lector, præclaram observationem in vocibus illis inter nostros nactus, eâ noluit egregium publicum defraudare. Dicit ergo, quinam sint celeberrimi Theologi quos vir doctus nostros sibi appellandos putaverit, quibus in ipsâ Franciâ Pontificiis questionum struem proposuerint, planè ipsum latere. Nam videre quidem celeberrimo Molinæ multas quaestiones propositas fuisse à nonnullis, at non opinari se Parentem meum nota-

icm illum appellaturum, alterum enim eorum esse Gallum, alterum Germanum. Theologum Germanum, qui fuerit in Galliâ inter celeberrimos commemorandus, neminem nôsse se præter Tilenum, quem celebritatem illam suam defectione ad Arminianos obscurasse & maculavisse, & cui præterea tot interrogationes à Pontificiis fuisse propositas nullus mementit. Quæ febriculosa magis aut jejuna grammaticatio? Indignum equidem facinus, & quavis severitate vindicandum, quod Parens meus in Germaniâ natus altusque Theologos Gallos sub illâ *nostrati* nomenclatione complecti ausus est? Dignus in quem eo nomine magnus ille veritatis orthodoxæ assertor, & Pontificiorum æque ac Novaturientium omnium flagellum *Molinæus* incurrat, quem sub illo *nostratum* vocabulo designavit! At primò dato Animadversionum conditori, non concessio, illam vocem semper ad solos ejusdem patriæ & gentis consortes restringi, an grande crimen admisit Parens meus qui sub illâ Theologos Gallos intellexit? Licitum verò id sibi multis nominibus existimat, qui non solum genus maternum ducit ex Galliâ, sed illam semper ut alteram patriam suam coluit, ex quo in eam adolescens admodum è Germaniâ sibi ab eo tempore non visâ, contulit sese, & in quâ complures annos suavissimè exegit. Qui non multis tantum & clarissimis in eâ affinitatibus insertus, sed cui artissima à multis retrò annis cum præcipuis totius Galliæ Theologis animorum ac litterarum conjunctio intercessit, immò qui non alium hæcenus ordinarium verbi Dei administrum quam linguâ Gallicâ annis egit octodecim, & in eâ quidem Ecclesiâ maximam partem, quæ cum Gallicanis indissolubili nexu copulata unum ferè cum iis corpus constituit. Adde etiam vocem *nostrati* latius patere nonnunquam, quàm existimat Animadversionum Parens, nec tantum ejusdem Patriæ aut gentis cives denotare. Quia nempe *Caulepinus* fortè ac *Dictionaria Triobolaria* non aliter quàm in ultimâ hac significatione vocem hanc exponunt, Vir in antiquorum scriptis hospes existimavit oblatam sibi pulcherrimam super illâ voce cavillandi occasionem. Cur non consuluit prius *Ciceronem* suum tantus *Ciceronianæ* Latinitatis arbiter, & vidisset *Tusculanarum V. nostrates Philosophos* nuncupasse *Tullium* hoc est *nostra scèla*, ut constanter exponunt Interpretes, & doctissimus *Stephanus*. Annon ergo eadem ratione orthodoxos Theologos cujuscunque tandem gentis & patriæ, ejusdem saltem fidei & religionis vinculo, quod longè omnes alias charitates transcendit, conjunctos, & sociatis operis eandem vineam Domini excolentes, *nostrates* vocare poterit Parens meus, & præ cæteris quidem Gallos, quibus tot nominibus adstrictus est. Melius Censore nostro edoctus erat celebris ille Atheniensium Legislator, qui, ut magnus auctor refert, amicitiz gratizque necessitudi-

tudinem necenissitudi generis prætulit? Deprecetur hic ergo Lectoris ludibrium Animadversor, qui Camarinam hanc movere voluit, & innocentissima quæque scrupulosa nimis *Ægyptiæ* sollicitare.

Et quum hic quidem pædagogicis hiscæ observatiunculis finem vellem imponere, incidi fortè in aliam ejusdem notæ, quæ in IV. Animadversionum Generalium Parte occurrit. Quamvis verò securè illam potuisssem prætermittere, ut quæ tanti Censori visa non sit, quam superiorum catalogo annexeretur, eam tamen silentio premere consultum non duxi, ne id in rem suam verteret Animadversionum scriptor quamvis ex eo quidem nihil lucri possit in se derivare. *Rogatum autem inquit, eum vellem alienæ Latinitatis correctorem, ubinam viderit nomen illud complice. Nam ego quidem id legisse nullus memini.* Aequum certè est ut iustæ adeò & humanæ petitioni quantum fieri poterit, satisfaciamus, ac desiderium ejus pro virili adimpleamus. Optâssem verò ne *Ἀγορεύων* illud *alienæ Latinitatis correctoris* elogium Parenti meo tam sæpe impigisset, ne illud ipsum in cum totiens meliori aliquantò ratione cogermur retorquere. Observev verò hic Lector alienæ Latinitatis non tam correctorem quàm Censorem idèò vocem illam *complicem* nusquam exstare, & à Parente meo procul dubio *genitam* censere, quod *illam quidem legisse nullus meminerit.* An hoc non est ingentis in homine Theologo confidentiæ argumentum, quasi nullæ voces Latinæ essent, quas hic Censor non legerit? Quot sunt Deus bone! elegantes Lingux Latinæ Auctores ipsius manibus nunquam triti, & quos oculis numquam usurpavit suis? An si vel totam etiam ætatem in hoc scholastico pulvere consumsisset, audacter magis potuisset hic loqui? Vel an tanta etiam in eo est memoriæ facultas, ut voces omnes quas umquam legit in numerato habeat? sed quia scilicet frustra hoc verbum in Calepino suo aut aliis tribolariis Dictionariis quæstiverat, ipse verò de illorum auctoritate nefas duceret dubitare, nusquam eam alibi exstare, & Parentem meum unum Auctorem agnoscere nimis paulò præcipitanter existimavit. Sed cur non veteres potius Grammaticos consuluit, & Isidorum inter alios in cujus Etymologico diserget hanc vocem vidisset explicatam; *Complex, inquit, qui uno peccato vel crimine alteri applicatus est ad malum: ad bonum verò nunquam complicem dicimus.* Videre illam etiam potuit apud Prudentium *Ἐὲ τὸ φάσιν*

*Perdere*

*Puerum ac Magistrum complices sectæ impia.*

Vt jam Cassiodorum non asseram, apud quem etiam frequens est, & Salavianum aliosque magno numero. Itadoctissimus originum Lingux Latinæ scriptor hanc ut bonæ notæ ac usitatam in primis commendat: *Complices,*

*plices*, inquit, *id est gregales sive socii apud Sallustium*, quem locum tamen aliqui mendosum suspicantur. At enim creber ejus usus nec temerè. Nam *complices ut simplices, quasi cum plica & complicati & conjuncti*. Ut non dicam illam quoque in nonnullis Tullii codicibus reperiri, & primâ quidem in Catilinam invektivâ: *sin tu exieris, exhaurietur ex urbe tuorum complicitum magna, & perniciofa sentina Reipublice*, pro quo alii comitum legunt. *Complices* ergo sunt facinoris alicujus aut culpæ socii, quamvis etiam nonnunquam in bonam partem sumpta vox ea reperiatur. Ita sanctissimus ille Ec-

clesiæ Doctor Ambrosius, *Id quod turpe est, inquit non potest esse utile: nequè rursus, id quod honestum est, inutile; quia complex honestatis est semper utilitas, & utilitatis honestas*. Quia annon vox ista si vel nulla exempla superessent, ex analogiâ aut ad aliarum vocum normam formata non esset, & præsentii itaque nota signata? Quemadmodum enim *simplex* Latinis est apertus & candidus, & doli expertus, *duplex* verò fallax & simulator, quales ille dilectus Christi *διψυχος* vocat eleganter, non aliter ferè ac Athenæus Cor-

cyrazos *διχα θυμὸν ἔχων*, sic etiam *complex* dicitur quasi cum alio in aliquo facinore complicatus. Sed non opus est eò confugere, quum tot scriptoribus trita sit, quorum major aliquantò est in his litteris quàm *Martyris* aut *nuperi* alicujus Theologi auctoritas. Quod enim frequens sit in lingua Gallicâ, vel ut ipse loquitur *Animadversionum* scriptor, quod ad idiomâ Gallicum accedere videtur, non est continuò Gallicismus existimandum. Videt ergo infelix Grammaticus illam non esse à Parente meo primùm proculsam, immò plurimos adhuc scriptores ipsi tanto Critico lectos non esse, vel suæ saltem memoriæ imbecillitatem deplorabit, quâ factum, ut plurima sibi antehac lecta oblivioni mandaverit.

Huc referri etiam potest, quod sub finem totius operis fermè in Parentis mei oratione carpit *Animadversionum* scriptor, duas nimirum negationes ab eo quodam in loco adhibitas, *quas junctas dicit affirmare id quod vel maximè voluisset esse negatum*. Duas enim negationes apud Latinos vim habere affirmandi. At primò quis vidit umquam conjunam magis, & frigidam observatiunculam, quum agnoscat Censor id sæpe etiam acurratissimis scriptoribus usu venire, ita ut Parenti meo festinanti tale quid facillimè potuerit excidere, ut duas particulas negativas pro unâ incogitanter in prolixo opere semel conjunxerit. scire tamen potuit *Animadversionum* scriptor non destitutum exemplis vel auctoritate hac in parte inter veteres Parentem meum, ac id ita maximè etiam negasse quod negare voluit. Quamvis enim non diffiteamur cum Censore vulgò *duas negationes apud Latinos vim habere affirmandi*, sciendum tamen illas nonnunquam & eleganter negationem vel maximè intendere, & id quidem Græcorum



rum more, quibus solenne in ejusmodi negationes ad majorem ἰμφασιν  
geminare. Observavimus id non semel in Plauto *Lingæ*, ut vult Agel-  
lius, atque *elegantia in verbis Latina Principis*, qui disertè inquit in Aulu-  
lariâ 2. 4. v. 7. *Post si quis vellet te, haud non velles dividi.*

In Bacchide 4. 9. v. 114. *Neque ego haud committam ut si quid peccatum fiet,*  
& in Epidico. 5. 1. v. 57. *Neque ille haud objiciet mihi*

in quibus locis duplicatæ negationes non affirmant, sed negationem in-  
tendunt, ut notant Lambinus, Acidalius, Taubmannus, Gruterus, Pa-  
ræus, hujus Comici commentatores. Atque hæc sunt omnia, ut existi-  
mo, quæ in Parentis mei stylo μετὰ πολλῆς φαντασίας vellicare visum Anim-  
adversionum scriptori. Mirabitur sat scio non parùm Lector tanti illa  
fecisse virum illius nominis & immane quantum ab his pædagogicis tri-  
cis alienum, ut magnificum ex iis triumphum & victurum omne ævum  
decus aucuparetur, si spes ejus decollavit hac in parte, magnis sultem ex-  
cidit ausis, nec mirum hominem viam sibi hæctenus parum tritam cal-  
cantem crebra lapsus vestigia reliquisse, si ægrè etiam ferat, nihil totâ  
illa phalange effectum, hoc emolumenti si sapiat, inde consequetur, ut  
in posterum melius se suo pede metiri discat, nec in alienam messem fal-  
cem suam immittat, *Εξδοῖς ἡς λῶ ἕκαστος εἰδεῖν τιχῶν.*

## CAPUT X.

*In quo Animadversionum scriptoris stylus breviter expenditur.*

**E** Legans est inprimis, & Christi nomen profitentibus dignissima  
illa Arabum sententia *فَأَجَبَكَ عَنْ خَصْبِكَ فِي الْإِحْتِمَالِ*

*Triumphus tuus de adversario in tolerantia est.* Nihil enim decet magis ere-  
ctum animum, & supra seculi ineptias erectum, quàm invictos in me-  
dio insultantium agmine, ac ubique sibi constantes spiritus gerere, &  
contumeliis omnibus unum, sed fortissimum patientiæ umbonem op-  
ponere. Neque tamen legitimam & infra debitos limites coercitam læsæ  
præter meritum existimationis defensionem interversam quisquàm exi-  
stimet, aut justam illatæ sibi injuriæ vindictam. Necessaria sæpe est illa,  
nec tam asserendæ innocentix, quàm compescendæ Adversarii proterviæ  
comparata, & sanctissimorum etiam ævi hominum exemplis cor-  
roborata. Nemini mirum itaque videri posset, si post virulenter ad eò &  
contumeliosè, infelicibus licet auspiciis, laceratam ab Animadversionum  
scriptore Parentis mei famam, vellemus ἵσα βαλῆναι αὐτῷ, & quæ justa no-  
bis ac pia indignatio exprimere poterat, eadem in ipsum tela retorque-

re. Quum enim hætenus quo successu Parentis mei *Exercitationes* ac priora etiam ejus scripta Grammatico examini subjecerit, partim à doctissimo BEAUMONTIO, partim à nobis quoque sit in superioribus ostensum, hoc unum reliquum videbatur debellando in totum ingenti illi Censoris *πύριον*, ut severo huic *alienæ Latinitatis correctori*, omnia *σφάλματα* hac in parte ab eo commissa ipsi fideliter repræsentaremus. Sed quia ingratis nobis devorandum fuisset ingens animi tædium, & vastum illud Animadversionum opusculum curâ evolvendum, ut singula quæ adversus puræ Latinitatis genium sine numero admisit, studiosè notaremus, satis nobis visum fuit nonnulla quæ obiter tantum & sparsim in hoc genere observavimus vel sponte potius se nobis ingesserunt, hac vice delibare. Ex iis judicium facere poterit Lector, quàm proclive nobis fuisset hunc Syllabum locupletiolem multò exhibere, si singula Censoris verba ac phrasas anxie examinare constitutum nobis fuisset, & licebit illi *κακοποιῶν τὸ λοιπὸν ἰμάδιον* æstimare. Ne verò in querelas varias, quod ipsi solenne, effundatur Animadversor, & iniquè secum agi clamet, qui in eo castigetur, in quo datâ operâ neglexit diligenter elaborare, non tam illius verba, quàm rem ipsam expendat Lector. Videbit illum non solum ambitiosam Ciceronis imitationem passim præ se ferre, sed seriam etiam illius lectionem Parenti meo non semel commendare, & ex unâ illâ Romanæ suadæ medullâ, Livio item fortè, Terentio, Cæsare, ac Lucretio voces omnes & phrasas in solidum petendas apertè significare. Immo illum eo nomine mordaci stylo Parentem meum perstringere, ob unam vel alteram vocem non ex dictis Auctoribus, sed vel Catone, vel Varrone, vel Bilbilitano etiam vate petitam. Adde ipsum accuratùm verborum delectum passim profiteri, & styli puritatem sibi vel in ipsâ SPECIMINIS Præfatione vindicare, dum inquit, *talem se in hoc opere adhibuisse non elaboratum quidem, purum illum tamen atque Latinum*. Quod an ubique obtineat, & quo jure sibi eo nomine gratuletur, non erit planè *ἀπογεωδίσσον* paucis dispicere, & utrum Ciceronem suum feliciter adedò ubique expresserit. Non in hunc finem verò alias Censoris lucubrationes consulemus, ne in tragicos questus erumpat, aut prolixum ex iis loquutionum catalogum texemus, quas Gallicismos meros, & puris omnibus scriptoribus ignotas ipse fateri cogereetur. Quamvis enim nobis hac in parte suo exemplo præverit, nolimus tamen illius iniquitatem æmulari, vel tantum temporis in nugis illis excutiendis collocare. Contenti erimus hac vice nonnulla id genus, quæ sine anxio examine in oculos primò incurrerunt, annotasse, & in eo quidem opere, in quo non puritatis solum in scribendò, sed accurati etiam Grammatici laudem sibi assertam voluit.

Ac primò quidem quot voces varias sparsim in hoc SPECIMINE usurpârît non Ciceroni tantùm, sed aliis omnibus priscis & puris scriptoribus ignotas Animadversionum scriptor, non pigebit aliquot exemplis hîc demonstrare, quæ fidem de reliquis faciant. Mirari autem hîc subit inprimis, ut exinde initium ducam, summam ejus confidentiam, qui non solùm *gratitudinis* vocem in Præfatione suâ adhibuit, quod in Theologo tolerari fortè potuisset, sed eâ nullam in *Lingua Latinâ meliorem* discretè pronuntiare ausus est. At quî majorem quæso Cicéronianæ & puræ Latinitatis ignorantiam profiteri potuit tantus Cicéroniani delictus amator? Quamvis enim non dissiteamur plurimis illam ex Recentioribus frequenter excidisse, eâ tamen nullam in *lingua Latinâ meliorem* dicere non debuit quàm elegantiores omnes & puritatis in scribendo sectatores studiosè declinant, ut priscis omnibus & puris Linguae Latinæ Auctõribus incognitam. Quid certius quàm voces *gratitudinis* & *ingrati- tudinis* nusquam apud Ciceronem, Terentium, Cæsarem, aliosque ex quibus scribendi normam petendam censet Anima dversionum scriptor, occurrere. Tullius quidem, quem Parenti meo totiens imitandum proponit, voces illas constanter refugit, ut vel ille locus clarissimè ostendit, qui exstat primo de Legibus: *Quæ autem natio non benignitatem, non comi- tatem, non gratum animum, & beneficii memorem diligit.* Annon manifestè vitavit hic vocem *gratitudinis* & *παραφάσειν* maluit, quàm illam adhibere. sic pro *ingratitude* nonnunquam dicit *ingratum animum*, ut quum ait Lib. IX. Epistol. II. ad Atticum: *sed quia ingrati animi crimen horreo*; nonnunquam etiam vocem Græcam *ἀχαρισίας* exprimere maluit, ut eodem libro Epistol. VI: *sed ita meruisse illum de me puto, ut ἀχαρισίας crimen subire non au- deam.* Quî ignorare id potuit Censor, qui Auctorem hunc, si illi credimus, totum usu trivit, vel si id noverat, quâ fronte illam *gratitudinis* vocem tan- quam omnium Latinissimam obtrudere nobis voluit! Annon licet hic nobis ab ejus in hac palæstrâ Criticâ parùm exercitati, judicio ad virum diffusissimæ eruditionis & in hac litteraturæ parte Principem provocare, qui in illo aliquotiens laudato opere de *vitiis sermonis* voces *gratitudinis* & *ingrati- tudinis* tanquam barbaras explodit, & totidem verbis inquit, *qui vel istud vel alterum vocabulum amet, rivalem me habiturus non est, quippe qui sciam nesciri hæc ab iis, qui castè loquuti sunt, etsi à grati & ingrati similiter deduci pos- sent; ac à magnis & amplius descendunt magnitudo & amplitudo sed attendere oportet quid usus ferat.* Et postquam exemplis aliquot probavit ea nullis inter veteres calligatæ Latinitatis scriptoribus fuisse usurpata, addit: *Atque hinc liquet lemmata illa in Valerio Maximo non esse ab ipso Valerio: ut in quibus sint ignota antiquissimis illis Romuli nepotibus gratitudinis & ingrati- tudinis vocabula, nisi dicamus haud usquequaque Auctorem hunc fuisse puritatis studio-*

*sum, ut apud quem in ipso Operis ingressu legamus, mea parvitas eò justius ad favorem tuum decurrerit: qui sermo iusto Lipsio jure videtur servilis & cellarius. Atque hic locum integrum exscripsimus, ut videat Lector, quâ fronte Animadversionum scriptor gratitudinis vocem non Latio tantum vindicare, sed ut omnium optimam & purissimam edicto censorio pronuntiare sustinuerit. Idem judicabit cui credere hac in parte debeat Emilio Scauro, an verò Sucronensi? Regeramus hîc etiam Animadversionum Parenti sua verba: Etenim quia nomen est apud Lucretium & Cicronem, & Cæsarem, & Livium, & omnes alios purioris & verioris Latinitatis auctores inognitum atque insolens, rectius meo judicio fecisset si eo in totum abstinuisset. De verbo *efformare* quo etiam in hoc opere usus est, superius visum. Quum enim metueret forte ne sibi à Parente meo exprobraretur, in cujus Latinitatem acrem ad eò censuram exercuerat, illi accusationi sibi obviam eundum existimavit, unde inquit in Præfatione, *se vocem illam non resugisse, tum quia à Martyre usurpata esset, tum quia constaret Analogia ratio, nec indigna videretur, quæ Romanâ civitate donaretur.* At nequicquam hæc omnia. *Refugere* enim omninò illam debuit, tum quia Latina non esset, nec apud Cicronem, quem unum vult æmulari, reperiretur, tum vel imprimis quod Parentem meum, ut statim visum, vocibus illis in totum abstinere jubeat, quæ apud Tullium aut cævos scriptores non leguntur? An repente tantum mutatus ab illo, qui ex uno Cicrone, item Livio, Terentio, aut Cæsare singulas voces hauriendas censoriâ gravitate decernebat? Quâ etiam auctoritate privilegium illud voces Romanâ civitate donandi vult sibi soli asseritum, & an ejus nomen tanti est in his literis præ cæteris omnibus ponderis? Adde illum jam sæpius nobis allegatum celeberrimum Vossium vocem illam *efformare* è Latio pariter eliminare, qui ejus loco scribit classicos Auctores usurpare verba illa *ex primo, fingo.* Ignoraverat scilicet vir doctissimus illam Dictatori nostro familiarem, nec solenne illius Censoris decretum animò præviderat, cujus unius arbitrio voces probæ aut spuriz decidi in posterum debent. Illum insuper demissè rogatum vellem, quo Cicrone, Livio, aut Terentio, agnoscis ejus verba mi Lector, aut alio etiam purioris Latinitatis Auctore, usus sit vocibus *electivus* (nec enim peculiarem ejus exemplo singulis observationem volumus indulgere) *condonatrix, excusabilitas, inexcusabilitas, medicatrix, renudare, adglutinare, idoneitas, impetatorius, præposteritas, expansio, insultator,* ac plurimis id genus aliis, quas hic nullo labore possemus colligere, si in cotriumphare nobis propositum foret. Quamvis enim nonnullæ voces ex his in Recentiorum scriptis nonnunquam fortè reperiri possint, scire tamen debuit Censor Ciceronianas non esse, ac proinde iis in totum abstinere, quod à Parente meo exegit.*

Certe

Certè aliquanto meliori jure licet nobis illas in ipso perstringere, postquam unam vel alteram id genus vocem, Recentioribus passim, ut ipse fatetur, tritam, in Parente meo vellicare ausus est. Scire etiam vellem, an illud Censoris *impeetratorius* melioris notæ sit quàm *illusorius*, cui aded infensus est, aut magis ex analogiâ formatum. Ita *indigettare* perpetuè dicit Animadversionum Parens pro *indigitare*, quamvis ne hoc quidem ex sententiâ maximorum virorum pro nominare, aut quasi digito aliquid demonstrare Latine dici possit. Hoc asseruit olim contra Germanum quendam vir Græcæ juxta & Latinæ Linguae peritissimus Ioannes Ayratus, qui vocem illam eo sensu quo à Censore nostro usurpatur, nusquam inter veteres adhibitam contendit, sed pro *indigitem facere*, quæ planè alterius loci significatio est. Quod verò afferri solet ex Macrobio priori significationi tuendæ, apud quem lib. 1 Saturnal. cap. xv 11. legitur *indigitare*, alius vocis est illius sensus, quàm ut Lexicographorum vulgus existimat. Ita *invocare* exponit illam eo loco clarissimus Vossius: *Verum indigitare quidem Latinum est, sed notat invocare, atque ita quoque utitur Macrobius*. Vnde verbum illud etiam non à *digitis*, vel ab *indico*, ut ineptè nonnemo, sed ab antiquo *inde* pro *in*, & *citare* h. e. *vocare* deducendum censet, de quo plura etiam in Originum libris pollicebatur. Animadverterat tamen hoc jam ante Vossium Scaliger qui *indigitare* pro *indicare* dictum voluit, ut *citaram plebem* dicebant, quæ in iudicium vocata esset, & magnam inter C & S cognationem docuerat. Huc facit etiam quod apud Festum legi ante dies aliquot, *advocat sepe advocat*. Sic *resuscitare* & *resuscitatio* scribit Animadversor per geminum S non semel quum *resuscitare* tamen & *resuscitatio* per simplex dici debeat, nec unquam aliter scribi soleat. Observandum verò Censorem aliquot etiam voces ex mediâ Philosophorum scholâ petitas non refugisse, quales verbi gratia sunt *futuriorio*, *relativum*, *subordinatio* & *subordinatus*, *sanctificare* & *sanctificator*, *mediatorius*, *identitas*, *aptitudo*, *simultaneitas*, gratia *objectiva* & *subjectiva*, in particulari, *indeterminatum*, aliæque quas minimè omnium usurpare debuit, postquam illam sermonis barbariem homo politionis ingenii in Parente meo procaciter aded traduxit. sic ille etiam, qui Parentem meum tanquam *voces antiquas studiosè conquirentem* acerbè perstrinxit, & unam tamen *confibulam* ex *Exercitationibus* proferre hunc in finem potuit, non dubitavit primus in eundem lapidem impingere, apud quem leguntur voces *stribligo* & *dispalescere*, de quibus actum in superioribus. Ita ut mirum sit in primis Censorem in iis ipsis frequenter lapsum esse, quæ Parenti meo tanto fastu & dicacitate objecit.

Cæterum si omnes illius loquutiones & phrasas vellemus in unum congerere, quæ vel barbaræ sunt, vel meri Gallicismi aut multum sal-

tem à Linguæ Latinæ puritate recidunt, miraretur ipse Animadversio-  
num scriptor immanem illarum cumulum, nec de suâ in scribendo pu-  
ritate in posterum confidenter aded gloriaretur. Vnam vel alteram obi-  
ter hîc afferemus (piget enim his nugis ulterius insistere) pleniorẽ  
illarum catalogum exhibitori, si molestus esse pergat hac in parte Ari-  
starchus. Ac primo libenter ab eo sciscitarer, quo auctore dicat aliquo-  
tiens *Deum misereri voluisse ab eâ misericordiâ, aut justum esse vel misericordem  
ab eâ misericordiâ.* Cur non simpliciter dixit *Deum misereri voluisse*; aut *justum  
esse vel misericordem eâ misericordiâ* vehementer fallor si illud ex Ciceronis,  
aut Mureti etiam vel Baudii, quæ assiduâ tamen versat manu, scriptis  
hauserit. Ita ejusdem commatis est, quod dixit *dentes infringit in solido*,  
immò gravius aliquantò in eo errat tantus Grammaticus, si enim uti vo-  
luit præpositione *in*, debuit illam cum Accusativo construere, & dicere  
*dentes infringit in solidum*, non *in solido*. Ita in celebri illa Inscriptione He-  
rodis Attici, quam doctissimis notis illustravit incomparabilis Salmasius,  
*ἡ γὰρ μάκαρ εἰς δένδρα καὶ ἀμπέλους* legitur, *infringere* nimirum pro insli-  
gere aut impingere, *ligonem arboribus & vitibus*. Vnde debuit potius ver-  
bum illud absque præpositione *in* quæ redundat planè, cum Dativo con-  
jungere, quemadmodum Græcis dicitur *ἐνέγκαι μάκαρ τῷ δένδρῳ*, &  
Terentius dixit in Adelphis, *Plus trecentos colaphos infregit mihi.*

Sed excusatione dignus est, nec enim fortè eo usque in cultissimi hujus  
Comici lectione pervenerat, nec Andriam etiamnum, in cujus lectione  
dum hæc scriberet occupari sese paullò ante professus fuerat, aut reliquas  
interjectas absolverat. Non verò hîc vocis unius pro altera positio-  
nem illi exprobratum ibimus, ut quum alicubi dixit *perseverare in integri-  
tate* pro *in incredulitate*, quamvis id illius incogitantix potius, quàm ty-  
pothetæ incurix imputandum nemo non videat. Quod si illi crebros &  
frequentes *σολήκεις* imputarem, quod facere tamen nolumus, qui pas-  
sim in hoc opere occurrunt, ut *præstaturi pro præstituri*, item *ut mortuos  
alloquantur*, & *sapientiam cum benevolentia haud satù accommodant*, pro *ac-  
commodant*, ut innumera id genus alia omittam, & exinde eum primarum  
Grammaticæ regularum oblitum pertinaciter vellemus contendere, non-  
ne cælum terræ clamoribus misceret, quum tamen Parentem meum eo  
nomine indignis modis traduxerit. Nec illum etiam perstringere volu-  
mus, quod hiulca sit ejus oratio nonnunquam, nonnunquam etiam re-  
dundans, ut quum inquit: *Missus ergo fuerat Christus, ut ministerio illo, quod tam  
in predicatione Evangelii, quàm in patratione miraculorum per se obire debuit ad  
Iudeos solos.* Quo enim referatur illud ut fateor me ignorare. Sed nolumus  
eâdem cum ipso iniquitate agere, nec ea illi assignere, quæ in operum  
culpam protinus rejiciet, privilegio ipsi uni, ut mihi videtur, indulto.

Ita

Ani-  
mad.  
Gene-  
ral.  
Part.  
1. pag.  
70.

Ani-  
mad.  
Gene-  
ral.  
Part.  
111.  
p. 143



Ita ne accentus Græci perperam collocati impingi illi in posterum possent, seriò cavere voluit Censor in eâ, quæ agmen operis claudit, *πρὸς Φωνήσας*; Alicubi, inquit, *procul dubio in collocacione Græcorum accentuum erratum esse, idque se in nonnullis observasse*. Hac enim confessione se ab omni reprehensione securum fore existimavit. Ita frequentia id genus *σφάλματα* à se in Dissertatione admissa, & à Parente meo obiter notata eodem altu à se amolitur, & in operarum errores rejicit in Primâ Animadversionum Generalium Parte. Non incautus utique aut ineptus Disputator, qui plurima sibi objectâ operarum incuriæ insolidum ascribit, ipse interim tantum abest ut id Parenti meo licitum velit, ut illum eo nomine virulenter exagitet. Ne stomachetur tamen Censor, si dicam illum difficulter hac in parte fidem ab iis extorsurum, qui meminerint non uno aut altero in loco ab eo erratum hac in parte, sed in unâ sæpe eaque exiguâ pagella ter vel quater easdem voces recurrentes ut *φιλαλήτης* pro *φιλαλήτης* & alias id genus perperam semper accentibus notatas, idque solenne illi in aliis ipsius operibus. Liceat hîc mihi ejus votum nuncupare, *quàm vellem Typographus* (si illud penes se adhuc tanquam reconditum *κεκρυμμένον* asservat) Dissertationis *Viri docti autographum fideliter nobis repræsentaret*. Quamvis enim hæc levia & exigui momenti videantur, sciendum tamen id scriptori accurato, & in hac eruditionis parte exercitato nunquam usufenire, minus id tantum Criticum decere, qui ignorare non debet sæpe exinde confusionem, & alium ab eo quem scriptor intendit, sensum enasci, quum notum sit varias esse voces inter Græcos, quæ solo spiritu vel accentu distinguantur. Suum verò in voce *συζητήσις* lapsus negare non sustinuit Animadversionum scriptor, quum nulla spes affulgeret illum vel minimâ coloris specie Typothetis imputari posse, sine gravi prostituti pudoris notâ. Certè puerilis fuit & ridicula hallucinatio, quemcunque errori suo obtentum quærat. Nec enim si vim illius vocis Græcicæ & ejus usum assequutus esset, in ejus explicatione turpiter adeò errâset. Quod verò ait in primâ Animadversionum Generalium Parte Thesisbus Parentis mei præscriptum titulum Disputationis, *συζήτησιν* autem & Disputationem idem esse, unde facile se inductum ut de altera quadam Disputatione typis vulgandâ intellexerit, jocularè est, & illius in apertissimo errore defendendo perviciacæ argumentum, quæ jam abunde sunt à Parente meo in *Exercitationibus* suis expensâ. Sed solenne est Animadversionum conditori eadem sæpius confutata audacter tamen tanquam intacta magnâ sui æquæ ac Lectoris fiduciâ reponere. Quod verò ait simpliciter *συζήτησιν* & Disputationem idem esse, in eo iterum, licet jam à Parente meo edoctus, peccat. Cum restrictione id enim intelligendum, nam *συζήτησις* non quamvis in genere Disputatio-

nem significat, sed collationem potius quæ cum aliquo instituitur, quemadmodum συζητῆν apud Græcos est rationibus cum aliquo conferre. Vnde id perperam de aliâ Disputatione typis evulgandâ intellexit, quæ quum versetur in nudâ alicujus argumenti ab omnibus personis abstracti tractatione, συζητησις nunquam dici potest. Non omittendum quoque, Censorem, ne in Græcâ litteraturâ hospes in posterum aut minus subactus audire cogeretur, suæ nobis etiam in Græcis κείνῳ illustre documentum dare voluisse in voce *idoneus* quam dicit *fortasse ex Græcorum δεινὸς factam*. Sive verò ipse auctor sit præclaræ hujus etymologiæ, sive eam aliunde hauserit, vereor admodum ne *fortasse* spuria sit. Nec propriè enim δεινὸς idem quod *idoneus* & qui hanc linguam vel primis labiis degustârunt, nōrunt aliam esse planè illius vocis significationem. Alii vocem *idoneus* probabilius deducunt ab ἰδιῳ proprius, quemadmodum etiam Gallis *idoneus* reddi solet *propre ou convenable à quelque chose*. Alii longius progrediuntur, & ejus originem ex ipso oriente arcessunt, & quidem ex Chaldaeorum ܐܕܢ quod *tempus*, oportunitatem, denotat. Sed cur non potius rejectis omnibus & valere jussis hisce Etymologiis, eam à Græco ἰκανὸς, quemadmodum etiam eâ linguâ propriè reddi consuevit, rectè mihi deducere liceat. Nec extortam illam etymologiam aut fiduciam expressam quisquam dixerit, qui levi utriusque Lingux notitiâ tinctus est, immò quieam accuratius inspexerit, omnium planissimam facilè reperiet. Mutatur enim tantùm K in Δ & A in O nec utrumque sine exemplis. Ita primum quod spectat, quas Græci κεμμάδας Siculi καμμάδας vocarunt, Latini *damas* dixerunt K in Δ similiter converso. Illâ verò litteræ A in O mutatione nihil Æolibus inprimis familiaris, quibus natales suos debere Romanorum linguam cuius notum. Sic pro πῆς dixerunt πῆς & πῆς, unde Latinorum *puer*, πῆς pro πῆς, πῆς pro πῆς, unde Latinum *polenta*, πῆς pro πῆς, βῆς pro βῆς, ὄνυξ pro ὄνυξ, & sexcenta id genus. Sic pro ἰκανὸς etiam ἰκανός, & κ in λ, ut ex κάμματος factum *dama*, translatò, Romanorum *idoneus* meo quidem judicio effluxit. Et hîc quidem manum sistimus pædagogicarum id genus ineptiarum non mediocriter pertæsi: Eo tamen luto illa inquinanda fuit, & retundenda Animadversionum scriptoris Grammaticum se magno fastu inferentis procacitas. Eadem operâ demonstrandum, non solum Parentem meum decipulis illis, quibus se implicatum illum habere gloriabatur, solutum esse atque expeditum, sed iisdem viceversâ irretitum manere Animadversionum conditorem. Non veremur verò ut in Lectoris ludibrium hac in parte incurramus, qui animo reputabit suo, nihil hîc aliud nos egisse, quàm τῷ ἀντὶ ἑξῆς ἀνελμυκτηρίζεν.

## L E C T O R I.

**I**Am carceres mordebat hujus Speciminis publicatio, quum ex inopino vidi mihi impostam tui in calce hujus Operis de novo compellendi necessitatem. Expressit illam mihi acer quidam pietatis sensus ob laceratam, quod nunc mihi primum innotuit, putidissimis calumniis Optumi & beatissima memoria Parentis famam. Itaut profecto crimen ducerem nullo expiandum lectisternio, si tot obstrictus modis, tot devinctus beneficiis placide nunc in Domino quiesceret, ejus existimationem non conarer ab omni arugine, quantum in me est, immunem vindicare. Miserat ad me ante dies aliquot vir ingenio & eruditione magnus Philippus Vincentius Iudicium suum virulentissima Animadversionum scriptoris Philippica oppositum, ex cujus lectione proclive mihi fuit colligere, Animadversorem Epistolam aliquam post luctuosum dilectissimi Parentis obitum publici juris fecisse, in qua cineres ejus moveret, & illius nomen indignis modis proscinderet. Qua res quum animum meum, quemadmodum deceit, graviter commoveret, neque tamen constaret satis, cujus farina illa essent, quibus ejus Manes sollicitari innuebat Clarissimus Vincentius, commodè hanc mihi sollicitudinem exemit Theologorum decus, & mihi Parentis loco unice colendus, Andreas Rivetus, misso ad me excerpto illius libelli Animadversoris, in quo sequentia totidem verbis reperiuntur;

Agmen claudit (eorum nempe qui scripta in eum parant). Clariss. Spanhemius duobus ingentibus voluminibus, quorum alterum ipsius nomine insignitum in Specimen Animadversionum comparatum est, exiguo characterè in quarto, alterum sub nomine Ezechielis Spanhemii exercitatoris filii destinatum est sermonis mei vitiis castigandis & corrigendis. Atque in istis operibus urgendis tanta est hominis assiduitas, tantaque vigilantia, ut Lectiones publicas deseruerit, & collegia privata contra morem ipsius perpetuum nulla amplius habeat, conciones publicas non frequentet & aliis pro se faciendis mandet, duasque restantum diligenter curet atque agat, ut Amyraldum retundat, sic enim ad me scripserunt amici mei, & Mori adventum in istas oras impediatur. Quæso, vir Reverende, putasne istum hominem zelo Iesu Christi incendi, qui legitimas illas atque necessarias occupationes sibi deferendas esse putat, ut impugnet opinionem meam de Gratiâ universali? Tantine est impedire ne credatur Christum esse redemptorem humani generis universi, ut præ studio illo omnis alia res & in Ecclesiâ & in scholâ nihili facienda esse videatur? O miram Theologi pro posteritatem, qui cum sui omni respectu neglecto id unum satagere deberet, ut Christi gloriam amplificaret, ejusque gra-


tiam, quantum posset, porrigeret ad omnes, posthabitâ Christi gloriâ in id totus incumbit & sudat noctes atque dies, ut videri possit statim potuisse respondere, & propriâ gloriâ velificetur.

Fateor me hac legentem vix proprii oculis fidem habuisse, & habuisse aliquamdiu ad tam atrocis calumnia lectionem non leviter percussam. Vbi, quæso gentium & hominum fidem, ac prædicatam tanto ambitu charitatem, si per tam splendida mendacia Virorum de Christi Ecclesia optimè meritorum memoria traducatur, & licenter aded in eorum æternitatis jam possessorum samam involent ejusdem fidei & professionis vinculo conjuncti! O mirari utique Theologi non tam præposteritatem, quàm vel incredibile in fingendo audaciam, vel singularem quandam in credendo supinitatem? Neque enim idcirco venia locum quærat Animadversor, quod ab aliis tam insignis calumnia ad ejus aures delata fuerit, nec penes eum sit illius impostura fabrica, quum ille non aded invidiosè solum & eâ iniquitate, sed tantâ vel inprimis confidentiâ eam obtrudat, ut nollet quemquam commentum illud vel minimùm in dubium revocare. Ne ergo tam putidum mendacium tantâ securitate asserenti quisquam pauld à nobis remotior calculum suam temere posset apponere, & intempestivo silentio macula hæc Sanctissimi viri memoria maneret in æternum inusta, cavendum hic paucis viri magni jure merito censuere. Testor hic ergo coram Deo & hominibus, merum esse & insanum cominentum, & ab omni veritate aequè alienum quàm quod maximè, quæ congerit hoc loco Animadversor ad perstringendam τὴν μαχαίρην existimationem. Συμμάχους accedent mihi quoque vel docentem hic illum audiverunt, vel privatâ ejus familiaritate usi sunt, aut cum quibus litterarum illi commercium intercessit. Nullos ille publicos, nullos privatos labores, eâ de causâ quam fingit Animadversor, intermisit, seu illi ex ambone verba faciendâ fuerunt ad populum, seu ex pulpito formanda juvenis Deo sacrata, seu quacunque alia fuerunt munia, quæ obire illum ex officio oportuit. Immo tantùm abest, ut nullas amplius conciones habuerit, ut post acceptum jamdiu Animadversionum opus novam sibi provinciam imponi passus fuerit & qui hæc in Ecclesiâ extraordinario tantùm Pastoris munere functus eo usque fuerat, id continuus illius precibus & desiderio tandem dederit, ut Ordinarii Pastoris vices expleret. Unde & duplicatus illi labos, & onus arduum ejus humeris de novo injectum, ut quem tot occupationibus jam ante obrutum propemodum mirarentur amici, alii eum iterum & gravibus quidem posse sufficere non parum stupuerent. Nec ab eo tempore quidquam de solito penso remisit, aut à publicis privatis exercitiis temperavit sibi, nisi cogente nonnunquam valetudine infirmâ, cum quâ per annum propemodum integrum ut jam alicubi dixi conflictatus est. Ea verò de causâ illum umquam à docendo superfedisse, aut aliis concionibus pro se faciendis mandâsse, quò VINDICIAS suas adornaret, tam falsum est quàm quod falsissimum: & quod pace tua dicam, Animadversor, quia dicendum mihi est, putum putum mendacium. sed

intolerandum vel inprimis est, quod ne publicū quidem concionibus vis illum propterea interfuisse, & cum omnia idcirco sacra exercitia omisisse confidenter adeo, quasi de re certō tibi comperta loquereris, ausus affirmare. Priora quidem commenta cum indignatione non levi, istud sine horrore aliquo legere non potui, quō gravissimam piissimo Dei servo accusationem intentas, & eum tanquam turpē omnis divini cultus desertorem non vereris traducere. Quā dignus esset omnibus illis tunc Rhetorices flosculis, quibus illum adeo liberaliter conspergi, si talis revera fuisset o maxaxetns, qualem eum nobis coloribus tuis depingis, prophanum aliquem & ex eorum grege qui sine Deo vivunt, potius quā fidum Evangelii praeconem. An atrociorē calumniam potuisti de illo publicare, qui si vel nulla alia decora habuisset, quibus ejus nomen aliquo haberi in pretio meruisset, admiranda certē nec fucata aut ad pompam comparata cujusdam pietatis nomine, abundē sese commendare potuisset. Nihil enim pietatis illi exercitiis antiquius, nihil quod lubentius aut frequentius admitteret, ac vel illa potissimum die, quā ut soli Deo sacram sanctissimis tantum curis solitus fuit transigere. Neque enim illum ex ingenio tuo aestimare debuisti, qui librorum tuorum Inscriptiones non illi tantum diebus consuevisti concinnare, sed vel inprimis ipso Paschatis die, quo aliis rebus ministrum Evangelii decebat vacare. Ex quo patet quantum ab omni absis veritate, & quā temere fidem tuam mendacissimis delatoribus, (neque enim aliter possum nuncupare adeo insignis inopostura auctores obstrinxeris) qui persuasum tibi voluere & maxaxetns Musci sui parietibus inclusum, relictū & abjectis omnibus occupationibus aliis utut gravissimis & urgentibus maximē, in eo sudare dies atque noctes, ut aliquid Animadversionibus tuis reponeret. Ne ludos tibi hac in parte facias, aut credulas nimium adulatoribus tuis aures praebeas, quasi tantā animi contentione & tam incredibili assiduitate laborandum fuisset desideratissimo Parenti in parandis VINDICIIS suis, & refelleudū dictū partim, illa enim utramque Speciminis tui paginam faciunt, partim argutationibus tuis. Nihil solutiori ille, & minus sub onere fatigenti animo exequabatur, ubi vel minimum nactus fuerat orium, quod illi scriptiōi indulgeret, & quā pollebat in scribendo facilitate ac promptitudine, una hora plura nonnunquam ad praelum folia adornabat. Nec duo ingentia parabat volumina, quo Adversarium suum obrueret, ut scribis Animadversor, sed unum tantum, & quod in Majorem aliquanto, quā Specimen tnum, molens excrevisset, si nobis integrum illud tibi licuisset exhibere. Nam quod ingentis voluminis elogio ornare volueris superiores paginas tua Critica examinanda destinatas lepidum est, & solo hujus Operis conspectu refutari facile. Quia tamen credidisti sermonis tui vitiis castigandis & corrigendis scriptum aliquod destinari, non ā vero omnino aberrasti, quod ingenti hanc in rem volumine opus fuisse censueris. Ea enim certe est vitiorum id genus in vasto illo tuo Specimine seges, ut si vel orium vel animus etiam fuisset scrupulose illa & accuratē persequi,

ingens ex iis volumen faciliè conflare potuisset. Sed cuius ex præcedentibus liquet, mihi non tam propositum fuisse sermonis tui vitia castigare & corrigere, quàm imperita magno sed irritò molimine benedicta in æternum memoria Parentis Latinitati pro tenuitate meâ suppetias ferre, & pædagogicas tuas hanc in rem observationes confingere. Nec ridiculum minus aut à vero abhorrens, quod exigua illius opella Parentem meum auctorem veli pertendere, quem ex ingenio tuo metiris, & dies atque noctes sudare existimas Grammaticis id genus triciis excutendis. Ejusdem commatis sunt, quæ de Mori adventu in istas oras impediendo captatâ occasione inseris, quod argumentum est firmissimum hominis in quarendâ tuidiquè materiâ insectationis anxie laborantis, & nihil pensi habentis, modò Parentem meum quocunque tandem pacto differret. Et quamvis multa sint nobis ad manus, quibus rancidam illam calumniam possumus rerundere, & quam eo nomine cum sequacibus tuis defuncti memoria injuriam conaris inferre, multis amoliri, nihil attinet nunc tamen ulterius nos in hoc argumentum, quod paucis expediri non posset, & ab hoc loco planè alienum præter omnem necessitatem diffundere. Hoc unum verò hunc restat, Animadversor, ut si adhuc aliqua candoris mica penes te reliqua sit, credulitatem tuam assatim rideas vel deiores potius, & que temerè aded & confidenter scripto publico consignare ausus es, publica etiam scriptione revoces, & primus errorem tuum jugules. Deinde ut amicis illis tuis, quibus ad fingenda ejusmodi commenta tantum inest audacie, amicitiam non solum omnem renuncies, sed dicam etiam capitalem scribas, quod tam putidis mendaciis animum tuum nimis ad talia pronis auribus haurienda pronum soleant pascere, atque ita publicè illa tantâ curâ proponendi ansam dederint. Si verò illi ex eorum numero sint, quorum nomen nulla ars à te extorquebit, iis enim testibus nonnunquam uteris, & lucem refugiant tam horrenda calumnie auctores, melius sibi profectò, sed non aequè pudori tuo ibunt consultum. Illi obscuritate suâ & tuâ in celandis illis fide freri tuti in angulo aliquo delitescunt, & pœnitentiâ procul dubio ducti illius facinoris gravibus conscientie stimulis pungentur, tu verò nimiam credulitatem tuam prolixè debebis luere, nec suavia id genus commenta scriptis tuis infarcire, ne fidem in posterum Lectoribus tuis difficulter extorqueas.

F I N I S.









10-2-3

